

續修四庫全書

《續修四庫全書》編纂委員會編

續修四庫全書



上海古籍出版社

五〇六・史部・詔令奏議類

李文忠公奏稿八十卷（卷六至卷二十五）

〔清〕李鴻章撰

吳汝綸編

.....

101 / 291

李文忠公奏稿

卷之六目錄

分路進剿摺 同治三年正月十八日

克復宜興荆溪縣城摺 同治三年二月初一日

圍攻嘉興片 同治三年二月初一日

各路攻剿情形片 同治三年二月初一日

收復溧陽並江常錫次第解圍摺 同治三年二月二十日

猛攻嘉興片 同治三年二月二十日

克復嘉興程學啟受傷片 同治三年二月二十日

前撫徐有壬請建專祠片 同治三年二月二十日

克復嘉興詳細情形摺 同治三年二月二十八日

洋藥票稅毋庸再徵片 同治三年二月二十八日

奏稿六目錄

近日軍情片 同治三年二月二十八日

沿江腹地肅清摺 同治三年三月初九日

常州合圍摺 同治三年三月二十一日

程學啟請卹摺 同治三年三月二十一日

溧陽官軍截剿金壇竄逆獲勝摺 同治三年三月二十九日

常州近日軍情片 同治三年三月二十九日

克復常州摺 同治三年四月初七日

戈登加銜榮寵回國片 同治三年四月初七日

進規丹陽援應溧陽片 同治三年四月初七日

丹陽克復派兵接守句容東壩摺 同治三年四月十一日

裁遣常勝軍摺 同治三年五月初二日

分剿湖州進逼長興摺 同治三年五月十七日

請俟湖州克復再協攻金陵片 同治三年五月十七日

克復長興摺 同治三年五月三十日

鼎軍吳淞獲勝片 同治三年五月三十日

籌畫湖州金陵緩急片 同治三年五月三十日

奏稿六目錄

李文忠公奏稿卷六

全集一之六

桐城吳汝綸編錄

分路進剿 同治三年正月十八日

奏為縷陳近日軍情並督籌分路進剿大略情形恭摺奏祈
 聖鑒事竊嘉善克復奔牛解圍經臣於上年十二月開營次奏報
 在案常州踞逆自十二月二十一日後更番出擾二十七日由西
 門過河築二土營抄出劉銘傳營後二十八日劉銘傳督隊攻毀
 其營護逆率大股出城援救自午戰至薄暮乃罷營哨各官傷亡
 數人二十九日城賊出撲東門頭卡經張樹聲張樹珊等督隊擊
 走之新歲以來該逆堅伏不出惟於西門外通丹陽宜興大路添
 築營壘數十座我軍備紮東南北三門緣常城過大兵數稍單未
 能遠圍合圍而城勢漸衰亟須設法攻打探聞李秀成仍欲句洋
 匪赴滬購奪小輪船駛入太湖以備竄擾臣正在嚴飭查禁適戈
 登與總稅司赫德自崑山來蘇謁見謂與臣解釋前憾再商協剿
 先是臣營准總理各國事務衙門密函以英公使初欲臣挽留戈
 登嗣接戈登及英繙譯梅輝立等來信於蘇城殺偽王一事忿恨
 不平屬臣在外相機調處臣深知戈登性情忿急而急於見功彼
 自克復蘇州時偶與臣意見參差遂聲稱舉兵構衅臣處以鎮靜
 置不與較英提督伯爾圖令帶常勝軍駐崑山不歸臣處調遣自
 是戈登不通往來兩閱月矣臣亦若無其事該軍月餉及賞卹雜
 支銀兩仍竭力支應彼見臣毫無掣肘之嫌軍又獨克無錫金
 匱平望平湖乍浦海鹽嘉善各城並不借該軍之力未嘗不感動
 而愧悔也因赫德來蘇之便臣面屬轉致戈登善為解說戈登乃
 於十二月二十五二十九日兩次來謁臣迎機開導願告奮勇由

無錫進剿宜興以扼洋人濟賊之路兼助官軍攻常之勢自不得
 不允其請藉敦和好而維大局正月初旬英繙譯梅輝立自滬馳
 書責戈登以負約將來伯爾圖由香港回滬必不謂然戈登竟不之
 顧於正月十二日帶隊由崑啟行次日過蘇城謂臣曰如公使有
 信寄我求勿速交俾得專心打賊又請臣派提督郭松林一軍並
 淮揚水師數營與之同進宜興臣當飭李鶴章調派郭松林所部
 六營黃中元滕嗣武五營及王東華成俞卿鄧長里水師三營與
 常勝軍會合進剿並屬李鶴章郭松林等出意聯絡俾為我用又
 飭李鶴章劉銘傳於常勝軍攻打宜興時分督各軍猛攻常城使
 賊首尾不能照應或可先後得手此各軍分道進剿常州宜興之
 大略也浙西自嘉善復後劉秉璋督所部進紮新豐蕭山門一帶
 程學啟督所部劉士奇六營進紮王江涇浙信嘉興十二月二十

奏稿六

一日偽榮王屢發受分股由東南兩門出撲劉秉璋派隊迎擊東
 門一股潘鼎新派隊迎擊南門一股各戰數十合大破之擒斬溺
 斃無算追近城下榮逆乃於二十九日遞稟乞降臣飭程學啟劉
 秉璋等移營進信察奪安辦連日雨雪載塗士卒俱凍昨甫開霽
 程學啟親督四營進紮金橋並派開字奇字等營陸續滾紮西北
 兩門李朝斌率太湖水師繼進相為依護劉秉璋同吳毓芬四營
 進紮七里店餘營亦由東路滾紮潘鼎新海鹽平乍各營隨後接
 應程學啟等屢帶小隊赴城根偵看城中布守甚嚴恐其別有狡
 謀必須合力痛勦探聞浙江藩司蔣益澧新受海甯州賊酋蔡元
 隆之降蔣益澧折回杭州老營調蔡元隆數千人協助嘉興已紮
 西門三塔寺一帶但未在左宗棠將益澧知照不知是否確實臣
 惟飭程學啟劉秉璋等穩慎會攻迅規嘉郡以固蘇滬門戶此各

軍分道進勦嘉興之大略也臣伏讀正月初二初六等日

寄諭左宗棠謂曾國藩亟應分兵以取廣德李鴻章急應由無錫

攻宜溧著悉心商酌謀出萬全等因欽此查李秀成李世賢二酋

窮無復之將來必由句容溧陽廣德一路竄走浙皖交界而入江

西臣軍從下游節節仰攻勢不能繞越賊區扼斷竄路以臣現處

境地現有兵力欲保蘇滬不得不分攻常嘉以勦為堵其圖常州

也將以聯鎮江之氣外堵其北竄長江內堵其繞竄腹地也其圖

嘉興也將以掣杭賊之勢外堵其竄越海塘內堵其回竄松滬也

至由金陵溧陽甯皖浙之路臣力萬不能及想在

聖明洞鑒之中昨因戈登欣然效順令其協同郭松林等進搆宜

與但可以為奇兵而不可以為正兵戈登舊往有餘堅忍不足且

其性情忽離忽合向不知此後有無變態如果常州宜興次第攻

克或分搆溧陽旁略丹句遲速利鈍殊難逆料而兵勢自北而南

路徑叢歧亦難保賊眾不由南路竄走若常宜得手後賊以全力

由句溧一帶突竄自當謹遵

諭旨分飭將士緊躡力追與東壩西浙各軍前後夾擊昨在曾國

藩緘商欲調程學啟赴金陵協攻程學啟先已進兵嘉興難遽撤

退應俟嘉郡克復守局穩固再飭程學啟移軍西向屆時商酌調

派總期於兩面大局皆有裨益除俟各軍若何攻勦情形續行陳

奏外所有近日軍情並督籌分路進勦各緣由謹繕摺由驛馳陳

伏乞

皇太后

皇上聖鑒訓示再欽奉

寄諭垂詢奔牛降酋邵之倫是否即係邵小雙查邵小雙係賊中

偽目因招降後死守出力臣查取其官名請獎前摺漏未聲敘理
合據實附陳謹
奏

奏稿六

四

克復宜興荆溪縣城摺 同治三年二月初一日
奏為水陸官軍攻破賊營擊敗援賊乘勝克復宜興荆溪縣城恭
摺仰祈

聖鑒事竊派郭松林六營黃中元滕嗣武五營王東華成俞卿鄧
長里水師三營會同戈登李恆嵩之常勝軍進剿宜興經臣於本
年正月十八日

奏明在案李鶴章恐我軍力單難期速克又令總兵楊鼎勳率所
部五成隊由常州赴宜協勦先後進紮河橋正月十九日戈登派
洋將美敘羅殿至宜興城下察看地勢河道郭松林等帶隊同至
北門外逆眾迎敵十里橋郭松林揮隊痛擊賊為卻走我軍隨將
近城各賊卡一律燒燬直逼城根賊由東西兩門而出北門賊
仍開城出拒四面困裹於是滕嗣武鄧長里水陸二營當東門之

賊黃中元成俞卿水陸二營當西門之賊郭松林楊鼎勳王東華
水陸三營當北門之賊分路合勦相拒移時賊眾收潰我軍追斬
溺斃無數生擒三百餘名而郭松林被賊洋鎗子擊穿右肘滕嗣
武擊傷右腿弁勇間有傷亡二十一日戈登李恆嵩率隊由河東
進郭松林等各率所部由河西進水師各營亦流而上前任宜興
縣知縣周守典亦帶團勇鎗船助勦二十二日各軍進紮三里橋
是夜總兵曹仁美會同戈登李恆嵩攻東門外賊營郭松林等分
攻上湖橋及西門外賊營並截溧陽援賊二十三日黎明戈登先
以炸礮轟倒偏左石壘其偏右賊營立即驚遁郭松林楊鼎勳亦
將上湖橋賊營三座一併踏毀維時黃中元滕嗣武力攻西門賊
營正在得手偽代王黃靖忠大股援賊由張渚直達西沈捨舟登
陸候分兩路一由城南抄至城東一直奔城西郭松林等嚴陣以

待一而知會戈登一面約王東華等水師並派副將王平西戰船
赴東沈協同戈登迎勦未幾西路之賊漸次撲近我軍屹立不動
祇以洋鎗排擊該逆死傷相繼尚無退志當派總兵吳勝清循湖
而進抄其左總兵彭述清游擊李永元由近城小路抄其右而令
副將高占彪周河清等直搗中開奮呼殺入逆眾三面受敵遂不
能支各軍勇氣倍增賊甚夥其抄往東門之賊經戈登等排列
炸礮洋鎗擱頭擊斃千餘名敢逆向西狂奔復經各水師橫擊之
自東沈至西沈追殺四十里燬奪大小賊船千餘隻旗幟器械無
算先後斃賊數千名此二十三日戈登郭松林等各軍攻破東門
外上湖橋等處賊營並擊敗偽代王大股援賊之實在情形也援
賊既敗外營又蕩無一存城賊勢孤膽裂是夜亥刻戈登乃督礮
隊攻東門滕嗣武攻北門游擊王萬釗參將劉起應之黃中元攻

西門總兵易剛副將黃式壽應之吳建瀛率副將顏邦桂宋德
鴻等攻南門高占彪周河清應之曾明魁廖玉林紮於西沈沿河
為水師策應王東華成俞卿鄧長里王平西水師分佈東西兩沈
開礮轟擊又飛調松正勳正兩營填紮上湖橋賊壘以杜竄路三
更後戈登等愈攻愈緊賊勢窮迫開西門而逃戈登飛騎馳至與
黃中元併力合擊郭松林令已革參將李長樂帶馬隊追殺該逆
竄逸無多餘眾涕泣求降各軍遂分門按部而人於正月二十四
日卯刻克復宜興荆溪縣城所有城中降眾悉令離髮分別遣散
仍留黃中元滕嗣武陸師五營鄧長里成俞卿水師二營駐守先
是探報句容丹陽之賊數萬議分南非內犯虞解常州之圍李鶴
章往無錫與戈登籌定進取機宜即馳回常州督勦該逆以大隊
由西門橫排至東北三十餘里游氛竄道江陰之西石橋李鶴章

令張樹聲抽四成隊赴北門與劉銘傳合勦二十二日辰刻該逆
 列隊脫衣前來搦戰我軍鎮靜以待午後劉銘傳張樹聲乃令各
 軍裏旗出營隊行五里伏河岸下各營官帶小隊分道誘敵擊戰
 至西伴作收隊之狀方退半里該逆大隊應來我軍且戰且走左
 右伏兵齊出鎗如雨注賊駭而奔我軍回戈追擊斬六七百名
 又溺斃無算奪獲馬匹鎗械甚多援常之賊亦稍挫退山李鶴章
 將前後戰狀彙報前來臣伏查宜荆二縣瀕太湖西岸毘連三郡
 乃江浙之通衢常州金陵之後路我軍攻常兩月未下正以兵力
 單薄未遑分取會戈登欲圖自效臣因於常州水陸各軍抽派精
 銳會同前往先破附城十餘壘擊取深陽大股援賊不出旬日速
 拔堅城從此蘇錫之防益固常州之克可期實於大局有裨郭松
 林右肘受傷稟創督戰戈登奮勇神速所向克捷應與楊鼎勳黃
 中元滕嗣武王東華等俟常郡克復再行彙案請
 旨優獎其攻破賊壘首先登城之諸將自應先行獎勵以昭激勸
 提督銜記名總兵李恆嵩可否
 賞給勇號提督銜記名總兵成俞卿可否
 賞給一品封典總兵鄧長里易用剛可否
 賞加提督銜江錫克復案內擬保副將黃式壽可否即以副將儘
 先補用擬保游擊廖玉林可否即以游擊儘先補用以上二員並
 請
 賞給勇號儘先補用副將宋德鴻四川補用副將高占彪可否均
 賞給勇號副將銜福建補用參將劉起可否以副將補用儘先游
 擊王萬釗李永元可否均以參將補用已革副將銜參將李長樂
 可否以游擊補用前任宜興縣知縣周守典可否免其查辦失守

李文忠公奏稿 卷六

罪名仍帶革職處分自
 逾格鴻慈其餘出力人員陣亡弁勇俟查明彙案獎卹所有水陸
 官軍克復宜荆縣城緣山謹繕摺由驛馳奏伏乞
 皇太后
 皇上聖鑒訓示謹
 奏

奏稿六 八

圍攻嘉興片 同治三年二月初一日

再程學啟劉秉璋等進規嘉興由東北兩門外滾紮經臣於正月十八日奏報在案十九日程學啟親督所部築壘搭橋水陸排隊防護偽榮王廖發受偽廷王劉得功果山北門出賊萬餘衝突程學啟令王永勝陳忠德葉廷杓張行科朱寶元何安泰陳有昇等向前堵剿自督小隊調度賊排鎗風湧屢戰少卻復以礮船轟我紮營之地因令水師歐陽利見徐佩瑛費金綬謝世彩等由正塘抵禦親督陸師猛撲賊復於西門出數千人程學啟令劉士奇張家瑜趙三德梁安邦等由西路擊之兩面環攻斃悍賊多名騎馬黃衣賊目二名擒斬偽凌天義一名擲其首賊隊中賊乃奔潰乘勝掩殺數百名我軍因濠壘未就收隊趨築完竣劉秉璋亦於是日移駐朝陽廟分布各軍進紮七里店會龍橋一帶二十三日潘

鼎新復率二營來會程學啟等籌商以東北門外賊壘棋布憑河築石多而且堅必須分進猛攻先刻其壘乃可攻城程學啟所部陸師與淮揚太湖水師攻北門外之杉青閣御花園端平橋及北門迤西等處賊壘而附近之秋涇橋則員外郎李昭慶一軍主之劉秉璋潘鼎新所部水陸各營攻東門外之吳涇橋及東塔等處賊壘而附近之合歡橋則道員吳毓芬一軍主之二十四日四鼓程學啟即令所部分五路進劉士奇率陳有昇梁安邦彭連陞張家瑜由正塘之左王永勝率張行科葉廷杓龔生陽朱寶元由正塘之右左日昇趙三德于奇洋由裏塘之右何安泰由中路直偪劉玉龍與教練洋人備雷擲炸礮亦由中路轟擊水師歐陽利見率費金綬謝世彩鄧金楚各船依護陸路而李朝斌親督太湖水師由官塘進張自全率勇站隊守新塍來路程學啟自率親兵往

來督戰五鼓齊達賊營起抵禦我軍連開炸礮千餘市將營牆攻塌城逆突出萬餘分路包抄如雨注與賊兩面橫衝我軍前隊已為撼動程學啟督親兵由小西門繞城河以達北門抄入賊後陳忠德何安泰督師繼之王永勝葉廷杓等由後路擊擊李朝斌與歐陽利見等師船左右環攻自卯至未始將城賊擊退劉士奇梁安邦陳有昇遂踰城左壘而進何安泰陳忠德張行科朱寶元趙三德俱督勇分爬賊營各軍鼓勇爭先立將小西門北門外等處石營七座一律攻燬生擒偽天將劉得福偽慕天義賈慕仁陣斬悍賊千餘名生擒數百名奪獲大礮五十餘尊我軍弁勇傷亡五六百名記名提督劉士奇水師總兵周正林均受鎗傷守備黃寶勝臨陣退縮斬之以徇李昭慶攻秋涇橋之軍黎明時令張紹棠率兩陸營由思賢橋當賊壘而進水師黃正明由橫

港橋攻其右曾敏行由太平橋攻其左賊初伏匿適城賊嚮送子藥壘賊出接我軍排鎗擊之張紹棠乘勢猛撲橋後石壘各勇踰濠爬牆水師亦直前衝截賊隊不能歸營守賊驚亂奪門潰走橋頭石壘之賊見勢不支亦即出奔截殺百餘名餘俱遁入城內秋涇橋兩賊營皆破李昭慶派兩營駐守之此北路踏營獲勝之情形也東路吳涇橋賊於橋西築大石壘一座迤北土壘一座又北合歡橋邊新築一壘皆臨大河與東塔邊一壘互相犄角是日劉秉璋潘鼎新令黃仕林吳長慶張應魁潘國揚唐宏成潘桂榮等由中路直撲大石壘王占魁帶選鋒乘鎗船與水師二營由大河攔壘而進曹廣澤萬重暄袁發鏡玉與劉廣福站隊南岸專擊援賊吳長慶等進佔賊濠猛撲數次賊鎗礮甚密我軍傷亡枕藉吳長慶中鎗貫肘猶奮臂拔柁下濠賊從牆上拋擲火彈劉秉璋等

調礮隊於南岸轟擊王占魁已掘壩駛抵賊壘潘國揚唐宏成
桂榮亦率隊奮呼齊至濠邊潘國揚領受鎗傷裏創鏖戰黃仕林
蕭桂榮等拔幟先登黃仕林智受鎗傷蕭桂榮面受矛傷腿受鎗
傷仍搖旗揮軍各勇一擁而上當將大石壘攻克刀砍矛刺賊無
得脫土壘之賊見我軍抄過其後始欲潰退經各軍截殺殆盡東
塔邊之賊亦即棄壘狂奔追殺數里直至東門方賊之時東門突
出大股又從南門繞出各數千人將包我後萬重喧曹廣澤袁發
等擊走之追至東南角之鹽倉橋我軍弁勇傷亡百餘名吳毓芬
攻合歡橋之軍由六里街進先於河南列隊以防賊抄水師熊殿
元由大河而前陳占榜余嘉釐由六里街之後直抵賊壘吳毓芬
率吳毓蘭繞至北面羅義勝帶礮船駛至橋口轟賊石營賊見我
軍四面兜擊城內即出悍賊數百伏北面新築卡內阻河死守而
卡西列大隊禦我吳毓芬令吳兆楨於河邊連發炸礮數十中傷
無數悍賊仍伏卡不動吳毓蘭陳占榜率選鋒三十名冒險搶渡
羅義勝礮船繼之萬國本曾得華趙長發同時受傷仍各前進立
破新卡擒斬黃衣賊目四名余嘉釐等大隊畢渡合力猛攻拔椿
爬牆石營亦破截殺淨盡弁勇傷亡亦數十名此東路踏營獲勝
之情形也查嘉興榮逆前曾乞降以緩我師程學啟等察知其詐
定議痛勦果以死拒經我軍竭力苦戰將士傷亡頗多而殺傷悍
賊亦數千計東北門外隘口多壘均已燬平惟餘城根一營即日
乘勝偪勒合攻城垣以期漸次得手惟湖州踞賊圖援嘉興履
南木壇邱四子新勝等處意欲撲犯盛澤平望兩鎮擾我後路
臣先商派李朝斌水師數營及淮揚水師楊宏勝擇要駐防其
四亭子者二十三日為李朝斌所部擊敗其竄擾邱者二十日為

楊宏勝擊敗其大股由南路過河竄繞新勝鎮臣飭程學啟李朝
斌隨時分隊扼堵庶保無虞此次出力將士陣亡員弁可否容
查明彙核分別獎卹出自格外
恩施所有官軍進規嘉興分路攻克賊壘大獲勝仗實在情形理
合附片具陳伏乞
聖鑒訓示謹
奏

各路攻剿情形片

再宜興既復自應乘勝進圖溧陽戈登郭松林王東華等水陸六七千人業於二十七八日陸續進發瀕湖之沙棠港踞逆二千餘赴營投誠戈登等已為招撫惟溧陽為李世賢老巢實金陵後路咽喉賊所必爭必守之地金壇常州在其北句容丹陽值其西長興廣德當其南面而賊巢各城悍逆左右抄援前與鮑超東壩溧水之軍相隔不能接氣後距李鶴章劉銘傳常州之軍稍遠不及分救孤軍深入轉可危慮臣飛飭郭松林李恒嵩商同戈登穩紮穩打妥慎進止就近密約東壩溧水防軍前後兜擊並催令李鶴章劉銘傳猛攻常郡須先破其西門援賊各壘然後合力攻城西路賊情地勢總以常州為關鍵常城果即得手則旁縣可漸次肅清常城若久相持則局勢尚無甚把握至嘉興賊糧最足志在死守自二十四日程學啟劉秉璋等攻破東北門外壘壘多座二十五日劉秉璋潘鼎新又督軍攻踏東南角壘倉橋賊壘三座二十七日東門湖南賊壘遁回城中其流沙寺石壘之賊亦殺其偽目李得勝乞降程學啟等督軍直抵城根晝夜開礮轟打惟城賊恃險死拒湖州援賊數萬圍窺後路官軍分投援剿恐尚未能剋期成功所有現籌各路攻剿大畧情形附片具陳伏乞聖鑒訓示謹

奏

收復溧陽並江常錫次第解圍摺 同治三年二月二十二日
奏為官軍收復溧陽縣城各路賊匪併常州西路乘雨內窺圍撲江陰常熟無錫各城調派各軍援剿次第解圍連獲大捷恭摺

聖鑒事竊臣與克復進圖溧陽並丹句賊股數萬欲圖分路內犯各緣由經臣於二月初一日馳報在案郭松林王東華於正月二十七日由宜興拔隊行至建清地方遇馬步賊三四千當督軍迎勦賊即狂奔追十餘里殺賊千餘奪馬四十餘匹二十八日郭松林進攻張濱賊營易剛由後抄擊式壽山左抄擊宋德鴻周河清由右抄擊賊營遁走生擒千餘名殺斃淹斃無數當將張濱石營土營十餘座一律踏平二十九日戈登由徐舍進攻沿途賊卡掃蕩淨盡侍逆李世賢紮營張濱敗退溧陽詎城中偽酋吳

人杰梁柏和等久蓄反正之心均為侍逆察覺而止茲官兵歷境侍逆節節挫潰欲遁入城吳人杰等乘機誓眾閉門不納城內粵東西老賊先於上年十二月杪由廣德徽浙交界竄往江西現留二三萬眾多係三江兩湖之人二月初一日吳人杰等率同雜髮迎降郭松林戈登李恒嵩立允招撫初二日遂將溧陽縣城收復戈登帶常勝軍入城駐守臣飛飭戈登李恒嵩將降眾妥為遣散分別安置李世賢聞已逃往湖州四安一帶其所部死黨有帶赴湖州者有竄往常州者郭松林等即於初三日乘勝進剿金壇援賊初四日抵楊巷地方偽列王震王率賊船千餘蜂擁而來王東華督水師痛勦逆眾前隊棄舟登岸郭松林督陸軍緣河兩岸奮力抄擊殺斃淹斃並焚奪賊船無算陣斬偽列王及頭目多名賊之後隊轉舵回逃水陸各軍追至金壇南門初五日賊復由西南

門衝出郭松林等督隊擊入城遂將城外賊營賊卡數十座一律掃平都司張榮魁死之此收復溧陽縣城追勦金壇拔賊獲勝之實在情形也常州護逆先經糾合丹陽句容踞逆偽英王叔偽然王偽章王偽忠逆湖逆之子眾十餘萬由常西繞至城北築營數十座屢撲劉銘傳各營均即擊退正月二十六日悍賊數萬繞撲下頭橋况文榜之營該營及鄭龍彪水師擊走之李鶴章商調楊鼎勳二營周盛波二營由南門進紫西門城角初一日正在築壘護逆率眾猛爭楊鼎勳等戰數十合賊乃潰敗未刻濠牆甫就偽英王叔與忠逆之子又率眾繞撲新營楊鼎勳周壽昌等血戰至西城陣大亂分路追殺斃數千人副將劉起守備彭昌諭力戰死之弁勇傷亡五百餘人然有此大捷賊見圍城各營無聞可乘我軍愈奮愈緊遂繞復腹地圍解常圍適自二月初二日以後陰

雨連縣旬日不止初四日偽英王叔偽忠逆之子糾合數偽王眾及宜興溧陽賊循江岸進東圩塘夏港青山一路捲旗薙髮冒雨急趨初五日奄至江陰之南開距城二里初六七等日衝至周莊華市楊庫等處初十日竄撲常熟縣城十一日竄至福山於是江陰常熟無錫三城同時告警臣即飛調郭松林王東華棄金壇勿攻星速回援飭常州各營堅壁勿戰調李鶴章酌帶小隊回守無錫調總兵楊鼎勳道員張樹聲由常州抽勁旅三千橫紫江陰之焦墊青陽以截該逆歸路調提督黃中元兩營由宜興回援並以常熟守兵單薄飭程學啟調鄭國魁水陸三營馳往助戰一面山蘇州添派參將賈宏材一營由無錫添派道員符信一營由嘉興添派李昭慶所部二營先後趕至常熟保此要地各軍亦冒雨遊行於初十一一二三等日次第到防賊股併聚常熟江陰無

錫界內而常熟圍攻尤急符信魏承樾賈宏材朱開泰督勇分守城堞屢撲不動賊漸蔓延張涇橋東亭直趨無錫十三日李鶴章登陣督守派黃中元余思樞衛汝忠帶隊迎勦追過八字橋二十餘里擒斬千餘人郭松林帶馬隊分擊取橋身股又斃百餘名而無錫之圍遂解張樹聲由焦墊進勦南開花山一帶楊鼎勳由青陽進勦郁橋華市一帶日有擒賊初八初九十二等日該逆分股圍撲江陰經守將駱國忠李正珮張士芳等合力擊退而江陰之圍亦解逆眾以常熟有糧可掠欲合力攻破此城再圖蘇錫北自楊庫福山南至顧山王莊盤踞縣互數十里魏承樾等望援急切適提督黃翼升帶淮揚水師四營遵旨由揚州折回留一營協守江陰口以杜北竄親督三營於十四日由白茆口繞進常熟王東華水師三營亦至聲勢已振總兵鄭

國魁與李昭慶並於十五日趕至常熟城內郭松林由嚴家橋進內外夾擊十六日黃翼升鄭國魁李昭慶分三路出勦鎗礮對轟兩時之久午後鄭國魁親督選鋒數百名由虞山背後抄擊又分隊橫衝賊陣賊乃大潰李昭慶飭賈宏材丁全勝猛攻北門賊壘各勇循山潛伏以進齊至濠邊大呼摩勒而入噴筒火彈拋入營中燒斃悍賊數百生擒數十名東門之賊糾眾湧至鄭國魁復從山脚繞出又開四路戰聲如雷郭松林援軍將至賊前後受敵自相驚怖我軍乘勢踏平東門石壘土壘五營郭松林是日行至王莊偽滕王利王二三萬眾迎敵郭松林領隊衝入賊敗至橋口死拒副將黃式壽匹馬衝上橋頭被賊洋鎗子打穿頭頂登時陣亡郭松林憤甚督軍一擁而過賊即返奔追殺二十餘里將顧山陳市踞賊一氣掃除復由大河徑趨常熟偽英王叔與忠逆之子帶

隊撲來我軍鎗礮連環排擊該逆敗至浮橋黃翼升王東華水師
四路夾勦將逆眾衝作數段生擒及殺斃溺斃自相蹂踐死者不
可勝計追至城西又與鄭國魁等併力截勦賊紛紛潰走各軍猛
追十五六里伏屍數千十七日乘勝跟追又踏毀劉家橋福山賊
壘數座郭松林等遂循江岸追往楊庫鄭國魁等循顧山追勦腹
地而常熟之圍又解矣此調派各軍援勦次第解圍連獲大捷之
實情形也查金陵於正月杪合圍忠實逆黨在城內准曾國荃
函稱逆糧將盡接濟已斷三四月間可望克復現在常州丹句各
股與金陵消息難通戈登郭松林連復宜興溧陽與皖浙道路又
梗既無可竄之路亦無可據之糧是以乘隙內竄死力衝突幸各
軍分守尚嚴赴援甚速莫可保固大局轉危為安除飭黃翼升郭
松林鄭國魁楊鼎勳張樹聲等前後夾勦務將此股賊悉數殲

奏稿六

七

除李鶴章劉銘傳再乘勝偪攻常州迅期得手隨後戰狀續行
奏報外其陣亡副將劉起黃式壽都司張榮魁守備彭昌諭劉桂
芳劉維聰千總顧仲學把總唐志同外委徐自成廖學宏狼右營
額外胡慶雲均懇
恩敕部從優議卹其收復溧陽及常熟江陰力戰解圍之員弁兵
勇可否容臣查明彙案請獎出自
聖裁所有官軍收復溧陽縣城逆股內竄江常錫同時告警分兵
援勦次第解圍各緣由專摺馳陳伏乞

皇太后

皇上聖鑒訓示謹

奏

猛攻嘉興片 同治三年二月二十日

再嘉興官軍於正月二十四五等日連破東北門外各賊壘經臣
於初一日奏報在案程學啟等旋議備城猛攻先令道員吳毓芬
所部三營扼紮城邊漏澤寺石卡二十七日程學啟親督各營圍
攻一面趕築礮臺二十八日黎明悉眾用炸礮轟擊自辰至未已
塌城垣十餘丈李朝斌水師船搭就浮橋程學啟令何安泰劉士
奇各率一營弁勇併力過河爬城自率陳忠德王永勝繼之餘營
站隊堵勦城逆拚死抗拒洋鎗雨下各將士仍冒險擁上賊以整
桶火藥燃潑下城我軍萬難立足總兵何安泰猝中洋鎗陣亡太
湖水師總兵李助發周正林參將趙三德被創甚重弁勇傷亡已
數百名遂仍收隊適湖州賊酋黃老虎冀援嘉興竄盛澤鎮進
圍王江涇後路營盤程學啟急令王永勝鄭國魁等回援於二十

奏稿六

八

九日擊走之查嘉興四面大河環繞該逆恃險死拒此次猛攻幾
可得手以將士傷亡過多不得不略俟休養礮臺礮架均須修築
嗣後以連旬陰雨停戰十五日後天色晴霽礮具完備程學啟仍
督隊晝夜轟打以期速拔堅城提督銜記名總兵何安泰係程學
啟所部最為出色之將謀勇兼裕因爬城過猛中鎗殞命實堪悼
惜該總兵紀律嚴明愛民恤士陣亡之日勇丁痛哭恨不身代靈
臺所過百姓執香泣送者數十里據嘉郡紳士兵部員外郎張清
泰等呈請建立專祠前來合無仰懇
天恩敕部照提督陣亡例從優議卹並
准於嘉興府死事地方建立專祠以順輿情而慰忠魂水師副將
郭興發堵勦湖州援賊受傷身故並懇
敕部照副將陣亡例議卹所有官軍猛攻嘉興情形理合附片具

陳伏乞
聖鑒訓示謹
奏

奏稿六

九

克復嘉興程學啟受傷片 同治三年二月二十日

再正在繕摺開據程學啟專弁飛報連日督率各營會同李朝斌
劉秉璋潘鼎新水陸隊伍攻打嘉興自十六日起滾營紮偏北門
城根護設開花大礮猛攻三晝夜轟塌城垣百數十丈我軍搶搭
浮橋城頭悍逆拚死堵擊矢石鎗礮藥桶噴筒迸落如雨程學啟
懸重賞購死士數百爬城四次不得上至十八日申正二刻程學
啟親率勇士大呼殺入眾隊繼進城上逆屍枕藉猶有悍賊二三
千人以洋鎗排抵缺口程學啟肉薄以登致被鎗子打中左太陽
偏後深六七分長一寸餘登時暈倒該部將提督劉士奇總兵王
永勝等見主將受傷各拚死率隊登城賊仍憑城戰十餘合力竭
潰散遂將嘉興府城克復各軍整隊而入將守城悍逆圖殺淨盡
弁勇傷亡極多程學啟昇回營中氣息未絕急送至蘇城就醫等
情臣立即親往看視程學啟語言蹇澀神色昏迷伏枕流涕但以
殺賊未盡為恨遣醫診治據云創深入骨血流過多幸子已取出
尙可設法拯救臣聞其攻城日則來往督隊夜則露坐礮臺指揮
照料目不交睫勞苦過甚兼受重傷城破身危殊堪憫除飭醫
盡心調治派員照料並令劉秉璋布置城守暫飭劉士奇王永勝
權統所部協力防剿其克復嘉興詳細戰狀尤為出力之將領俟
查明專摺馳
奏外所有克復嘉興府城大略情形並程學啟受傷甚重各緣由
謹先附片馳陳伏乞
聖鑒訓示謹
奏

前撫徐有壬請建專祠片 同治三年二月二十日

再據運同銜候選同知徐震燿稟稱職父前任江蘇巡撫徐有壬於咸豐十年四月當賊備蘇城力籌守禦嗣因逆眾屠至省垣失陷正在督隊迎勦賊已直撲內署力不能禦被刀刺將墮向手自整冠抗聲大罵立時遇害族叔工部主事徐曾庚幕友候選理問鮑鄂衙家人楊安同時被戕次弟候選郎中徐震翼投池水死庶母施氏妹淀姑均自縊僕婦劉氏裴氏亦俱焚死當經前兩江總督何桂清前浙江巡撫王有齡以合署殉難情形具奏咸豐十年五月初八日奉

上諭江蘇巡撫徐有壬著加恩照巡撫例賜卹其妾施氏及子女僕婦等並同時被戕之候選理問鮑鄂衙工部主事徐曾庚均著交部分別旌卹等因欽此經部議

奏請照二品官陣亡例議卹並奉

硃批著予諡欽此各在案今幸於本年十月二十五日蘇州克復職遂即匍匐赴蘇尋求遺骨於十一月二十四日等至撫署前陶然亭側埋有棺木六具內有黑漆一具開認頭顱骨角的係職父並於胸際檢得當年辦公圖記一方胸腔間有鎗火傷痕石天平骨血痕隱現反覆辨認無誤謹備衣冠擇日重殮等情臣當飭令蘇州府縣前往照料隨即率同文武僚屬祭奠如禮仍暫厝蘇城俟該原籍湖州克復旋里安葬並據徐震燿開具履歷事蹟清冊

奏前來查徐有壬道光九年進士由戶部郎中

簡授四川成縣龍茂道歷升廣東運司四川臬司雲南藩司咸豐三年調任湖南藩司五年丁母憂回籍督辦湖州團防八年服闋

奉旨督辦江南糧臺事務旋升授江蘇巡撫時督臣為何桂清藩司

為王有齡有壬處其間不苟為同異外若粥粥無能內嚴厲自守意將有所設施一旦江南軍潰丹陽繼陷常州棄逃人力無可挽回獨有一死自靖於封疆守土之義合署從殉忠孝節烈正氣猶存異乎臨難苟免者矣有壬敦尚實學尤精天算貫通中西術居京師日臺官往往就決所疑闡明四元絕學發有明以來數百年不傳之祕著有移民義齋算學行於世服官數省所至皆有政蹟其在湖南藩司任內及回籍團防籌餉募軍屢卻大敵晚受

文宗顯皇帝特達之知遂以死報國孤忠亮節歷久益繫人思除將履歷事蹟清冊咨送軍機處備查外應懇

天恩准於蘇州建立專祠其同時殉難之家屬幕友人等一併附祀以彰忠盡並宣付史館立傳出自

皇太后

皇上逾格鴻慈再有王僅二子次子震翼從死撫署長子正三品

廕生候選同知徐震燿當時留籍辦理團防未及於難今得為有

王收骨孤露餘生亦堪憫惻謹並附片陳明伏乞

聖鑒訓示謹

奏

克復嘉興詳細情形摺 同治三年二月二十八日

奏為水陸官軍合力猛攻克復浙江嘉興府城擒斬偽榮王廖發
受轟斃偽挺王劉得功餘匪悉就殲除恭摺仰祈

聖鑒事竊十八日攻克嘉興府城大略經臣於二十日附陳在案
旋據程學啟等縷晰呈稱我軍自附城仙紫後偽榮王廖發受偽
挺王劉得功率眾數萬死守復句結湖州悍逆黃文金即黃老虎
四出竄撲圍擾我師十五日雨霽程學啟即飭各軍薄城當晚親
督梁安邦於端平橋口築月牆護礮黎明賊覺矢石交下幸已工
竣手燃田雞炸礮斃悍賊數百十六日程學啟與李朝斌劉秉璋
等會議猛攻程學啟飭王永勝率陳忠德張行科龔生陽攻城東
北以葉廷杓阮炳福繼之劉士奇率陳有昇梁安邦左日昇彭連
陞直攻北門以朱寶元于奇泮繼之吳毓芬率吳毓蘭吳兆相陳
占榜余嘉龍羅義勝攻東門以張家瑜張自全堵禦新塍援賊兼
遙攻西門以分賊勢水師歐陽利見率謝世彩鄧金楚費金綬依
傍阜師併力夾擊徐佩璆礮船專搭浮橋劉秉璋潘鼎新派錢玉
興朱六玉扼東門外南湖之口萬重障曹廣澤袁發由南湖南岸
進攻南門赫桂榮吳長慶張應魁由南湖北岸王占魁潘鼎新夏
金標劉廣福由東馬橋北岸潘國揚唐宏成丁壽昌黃仕林劉鳳
翔王應海由東馬橋南岸三路進攻水師蔡渭川李洪壽徐道奎
會合李朝斌所部入南湖分攻西南東南城角賊於垛口排開巨
礮並擲藥桶焚燒死拒是夜程學啟復飭梁安邦王永勝陳忠德
沿城河添築月牆三座該逆鎗礮甚密各勇縛草膝行且避且築
各軍自此環攻晝夜不息十七日黎明程學啟自率親兵督飭
練洋人備雷並劉玉龍用開花大礮三面轟擊立毀城頭礮臺二

李文忠公奏稿 卷六

十餘座塌城垣百餘丈賊負土搶塞我軍死士分布爬城數次皆
未得上申刻程學啟持令揮軍詐為欲登賊以鎗密攢缺口我軍
乘勢連開炸礮血肉雨飛賊仍更番死抗四鼓時程學啟督親兵
於礮火中護搭浮橋兩道賊斃穿城脚密伏巨礮攔河阻截徐佩
璆乘飛划猝奪其礮十八日湖州黃逆陸率大股萬餘由新塍直
撲我軍後路程學啟攻城正急分飭張家瑜張自全督師擊走之
城上賊漸不支程學啟嚴催各軍登梯登北門城悍賊湧至抵禦
我軍傷亡枕藉程學啟憤極自督親兵躍過浮橋飛登當彼洋鎗
子打入左太陽偏後昏暈撲地劉士奇王永勝等急率隊以木筏
分渡由西北角首先撲入吳毓芬陳忠德分爬東北兩門陳有昇
龔生陽均受鎗傷創奮進其時適炸礮燒賊城中火藥房人聲
鼎沸賊眾駭亂劉秉璋潘鼎新各率所部乘勢拔椿過濠爬入東

門聖城李朝斌亦抽水師登岸由南門踰牆而進榮逆猶率兩廣
老賊數千人巷戰韓杰持令大呼各軍格殺劉士奇王永勝歐陽
利見等擊斬五千餘級餘賊思由西門出遁經陳有昇梁安邦張
家瑜與李朝斌水師攔擊各軍分頭截殺城內悍逆悉就擒誅偽
挺王劉得功上城抵禦為礮轟斃偽榮王廖發受逃匿該偽府井
中搜山訊明梟首示眾遂於十八日申刻克復嘉興府城二十一
日劉士奇王永勝李朝斌等復將黃老虎援逆屯踞新塍四亭子
一帶賊卡賊壘踏平該逆全數遁回湖州臣查嘉興府為東南財
賦最重之區域城堅池深糧多賊悍自成豐十年陷踞後提督張玉
良圍攻數月兵勇數萬被賊衝潰其形勢險固殊屬易守難攻此
次榮逆等窮無復之舉眾死守又恃有湖逆黃老虎外援使我軍
腹背受敵程學啟自埽平東北門外堅壘多座一面分勦援賊一

面架礮急攻得死必克始得速下名城盡殲悍黨足伸

天討而快人心從此蘇滬之防漸固而杭逆糧路已絕羽翼孤

自難久踞我軍越境苦戰傷亡精銳損折將領於大局似有裨助

過缺提奏提督江西南贛鎮總兵程學啟出奇制勝忠勇謀略突

該二員臣未敢擅擬應請

旨優加獎勵著江南提督浙江處州鎮總兵李朝斌篤誠勇敢調

度得宜按察使銜常鎮通海道潘鼎新收復數城謀勇兼裕均擬

請

旨交部從優議敘至尤為出力並死事各將士臣謹另繕清單

請

恩施其餘在事出力及陣亡員弁兵勇可否容臣查明彙核分別

奏請

獎卹所有官軍攻克嘉興府城擒斬首逆盡殲餘匪詳細情形理

合恭摺由驛馳陳伏乞

皇太后

皇上聖鑒訓示謹

奏

洋藥票稅毋庸再徵片 同治三年二月二十八日

再上年十二月內承准總理衙門會同戶部議覆福建省舉辦洋

藥票稅令照廣東成案每洋藥百斤改徵銀十五兩隨徵紋銀一

兩其繳過票稅後所有釐捐等項仍照舊章辦理此外江蘇浙江

湖北江西各通商省分遇有華商販運洋藥者並令酌量地方情

形仿照辦理等因當經分別咨行酌辦去後茲據江蘇藩司劉郇

膏捐釐總局署蘇省糧道薛書堂代理海關道應質時稟稱奉經

疊次會商並督飭洋藥局員董籌議會謂總理衙門原奏洋藥繳

過票稅後釐捐等項仍照舊章辦理是於釐捐之外復加票稅滬

上洋藥每百斤向收釐捐銀二十兩會防捐銀五兩此外尚有團

練經費善舉津貼等項亦係隨捐帶繳均屬進口後華商捐繳之

款其有販運出口者每百斤徵出口稅銀三十兩並先於進口時

徵進口稅銀三十兩統計稅捐兩項為數甚多商力本形疲乏若

每百斤再加票稅紋水銀十六兩則成本過重各商無利可圖勢

必繞越各口或勾串洋人代提私賣偷漏稅捐關局兩處收數更

細深慮得不償失體察情形實有難以增辦之勢惟票稅之議創

自稅務總司赫德隨又與赫德而商據云從前創議辦理洋藥票

稅係屬不收捐款今上海各捐較之票稅所定十五兩之數幾加

一倍何能再加票稅等情前來臣查蘇省自軍興以來正賦蠲緩

居多全賴捐釐濟餉苟有可籌靡不盡心設法緣票稅一事自總

理衙門於咸豐十一年五月內奏奉

諭旨飭辦後即據前管關道吳煦核覆毋庸更議以免饒古詳報

前大臣倅煥有案上海洋藥一項已有層層捐稅與閩省現辦情

形不同既據該司道同總稅務司赫德等再四籌商難以急切舉

辦自係實情應請毋庸再徵俟將來別有可籌之方另行督飭辦理除分咨總理衙門戶部查照外理合附片陳明伏乞
聖鑒謹
奏

奏稿六

手

近日軍情片 同治三年二月二十八日

再據探報杭州府城亦於二月二十三日經浙軍攻克所有石門縣及湖州諸城必已膽寒浙師自應乘勝攻取臣暫令劉秉璋留守嘉興潘鼎新分守海鹽乍浦平湖各城俟浙軍克復石門分兵替防臣即可併力勦辦蘇境之賊前由常州丹陽竄擾江陰常熟股匪經郭松林鄭國魁楊鼎勳張樹聲等四面兜勦歸路已斷惟賊眾尙有三萬屯踞楊厠周莊華市沙山一帶屢欲奪路衝突均被張樹聲攔頭擊回因獸猶鬪必須添調勁旅合力兜截以期早就殲除程學啟受傷極重前數日火毒攻心幾至不起幸連服寒涼峻劑稍有轉機所部各營現飭提督劉士奇總兵王永勝暫為代統挑派精銳隊伍馳赴西路會同郭松林鄭國魁等攻勦楊厠匪俟將此股擊退再乘勝會攻常州戈登前由溧陽進攻金壇炸礮轟破城垣賊死守未得爬入戈登腿受鎗傷聞尙不重旋即撤隊移勦楊厠之賊二十四日小挫據來函仍回溧陽養傷臣已婉言慰勞諭令休息旬日徐圖協勦所有近日軍情附片縷陳伏乞
聖鑒訓示謹
奏

沿江腹地肅清摺

同治三年三月初九日

奏為督飭各軍四面兜剿將楊庫一帶竄賊數萬殲除殆盡沿江腹地肅清恭摺仰祈

聖鑒事竊前由常州丹陽竄擾江陰常熟股匪經我軍力戰解圍該逆仍屯踞江陰東南歸路已斷添兵援剿各情臣於二月二十八日兩次奏報在案三月初一日恭奉二月十九日

寄諭富明阿奏忠逆之子及偽潮王等率眾五六萬從江陰南門外花山直奔楊庫常熟等處賊蹤飄忽該撫務當督飭痛加剿洗肅清賊氛毋令蔓延為患等因欽此仰蒙

訓示周詳易勝感悚當賊之初竄腹地也號稱十數萬偽王十數股冒雨急馳聲言攻犯常熟蘇錫各城以冀我北撤常州之閩南縱嘉興之攻蘇滬及沿江上下謠言煽起賊勢甚張臣坐鎮省垣

督率員弁嚴查奸探速調各營協守無錫常熟各城以固根本日夜馳書程學啟猛攻嘉興諭令李鶴章劉銘傳等攻常州之師勿稍撤退但暗抽隊伍堵紮賊之去路俟我軍調齊合力勦洗此賊

飢窮內犯料其必敗迫黃翼升李鶴章郭松林鄭國魁等赴援神速將常熟無錫江陰三城之圍次第解救賊數眾屯踞楊庫華

市周莊沙山五六十里開面有我軍屯紮常州丹陽踞逆屢次率眾由江陰青山等處衝入接應均被張樹聲劉盛藻等設伏勦

回使內外不得通聯子藥無從接濟賊技日漸危蹙但各路兵力守皆有餘戰則不足二月二十四日戈登忽派鎗隊八百人衝入賊巢幾致全軍沒覆幸嘉興已克臣即添調劉士奇王永勝帶行

隊三千人會合郭松林福山鹿苑江岸備剿臣於三月初二日由蘇州馳赴長涇親督各軍奮力會戰初五日各軍到齊臣審察

賊蹤自楊庫南至周莊華市夾山為營縣互不絕楊庫城小而完攻之不可猝克須先擊其腰臂則首尾不能相顧連夜布告各將領分路進搗華市初六日黎明劉士奇王永勝郭松林由北路進

臣同黃翼升李鶴章李昭慶鄭國魁王東華由南路進已刻均抵沙山脚距華市三里賊眾列隊山阿倚營拒敵劉士奇王永勝帶

隊抄入營後鎗礮環施賊陣稍亂鄭國魁李昭慶乘勢督隊撲營拔椿踰濠一擁而進賊潰出營死力衝撲劉士奇王永勝戰數

合賊大敗走緣山亂竄如蟻旋磨臣飛督各軍分道猛追過山四十餘里賊屍積溝壑皆滿自華市至樹山賊壘賊卡百餘處以

次掃平日已嚮人疲馬乏遂令李鶴章郭松林李昭慶繞至江陰會合駱國忠張樹聲等由北路攔頭截勦劉士奇王永勝帶隊

暫駐周莊邀擊楊庫竄路臣督鄭國魁黃中元張志邦王東華各營馳往青陽會合楊鼎勳等山南路從後兜剿是夜五鼓楊庫踞

賊惶遽南竄欲併歸雲亭一路劉士奇等設伏於雞籠山下太平橋賊隊來衝我軍鎗箭逆施逆駭而奔乘機燧之落水死者無

數先是初四日夜偽英王叔及忠逆之子兩股悍逆因東路援軍大至率眾由華市花山馳回三河口乘夜搭造浮橋三道憑河築

壘以護初五日張樹聲劉盛藻出小队誘敵逆眾二三萬由秦望山包裏而上勢極兇猛張樹聲等力戰卻之撿斬六百餘名是夜

又在三河口添搭浮橋三道初六日華市周莊楊庫賊併聚雲亭花山一帶北抵南開南至越城橋均欲過三河口浮橋回竄丹

常李鶴章夜抵江陰飛令郭松林駱國忠張樹聲等請朝分路會

勦初七日辰刻郭松林李昭慶列陣南開前面駱國忠由花山抄

擊該逆見我軍堵住歸路拚死來撲黃兆來李正珮張紹棠戰數

十合將賊衝作兩段前隊萬餘人向越城橋西奔後隊二萬餘人由花山南奔郭松林躍馬橫出直撲三河口賊營賊即棄鼓渡河浮橋五道擠斷其四人馬落水中堆積數丈河為不流又將賊股截作數段楊鼎勳黃中元周壽昌等復由蕭岐花山尾攔住前後夾擊其未過河之賊或陷入圩中或棄械乞降數以萬計其已過河之賊張樹聲屠殿魁周盛傳劉盛脩黃桂蘭等分趕截殺橫屍遍野湖水皆赤內有賊騎百餘匹帶眾數千急促迷路悉數擒之又一大股折回東窠剛合後隊黃桂蘭等衝為數截過橋不及大半溺斃餘眾落荒星散日捕收隊統計各軍俘獲近二萬人牛馬千餘隻鎗械數萬淹斃殺斃沿途數十里不可勝計其奪路逸回常州丹陽者約僅二三千訊據擒賊供稱偽王侯及大頭目鮮得脫者此初六七日各軍四面兜剿殲除殆盡之實在情形也查此股逆眾自二月初五六日內窠一月以來臣與各將領晝夜經營張網四面以蕪盡數殄滅免致飽掠颺去復為常州金陵外援之患茲幸仰託

皇上威福諸軍畢集兩日痛勦掃蕩散實有二三萬眾我軍傷亡不過百數十人絲路先斷子藥俱盡逆遂不耐戰至初七下午衝散後大半徒手受縛所擄百姓米糧衣物概行拋棄仍散給窮民現在沿江腹地一律肅清無虞北窠所有守城殺賊尤為出力之員弁擬請從優獎勵三品頂戴前保江蘇過缺簡用道張樹聲已奉

俞旨昨在部駁另核請獎此次由常州城下分帶一千七百人堵紮要口賊處斷歸路捨斷踰萬勞苦功多該員由廩生從軍文武兼資識力俱定可否請

旨特予簡擢提督銜記名總兵楊鼎勳可否請
旨儘先簡放總兵實缺總兵銜署京口協副將駱國忠可否以總
記名簡放並給正二品
封典記名總兵李正珮可否
賞給從一品封典參將賈宏材歐載揚可否均以副將儘先補用
湖南補用副將周河清參將向順福易華元可否均
賞給勇號四川補用都司覃洪陞可否免補游擊以參將仍留原
省補用參將銜儘先游擊管松林可否以參將補用並加副將銜
游擊銜黃兆來可否以游擊儘先補用並加副將銜五品花翎千
總鄭國謨可否以守備補用並加游擊銜安徽補用知府魏承樾
可否免補本班以道員仍留原省補用五品頂戴候選從九朱開

奏稿
奏
秦可否免選本班以縣丞儘先選用並
賞戴花翎其餘出力及傷亡員弁查明彙案獎卹出自
逾格恩慈所有督飭各軍四面兜剿楊庫一帶窠賊殲除殆盡沿
江腹地肅清各緣由繕摺馳陳伏乞
皇太后
皇上聖鑒訓示再臣於拜摺後即馳往常州督籌攻剿合併陳明
謹
奏

常州合圍 奏為督飭各軍連日猛戰踏平常州西門外賊營數十座官兵四面合圍設法轟打恭摺奏祈

聖鑒事竊臣於初六七日親督將士兜剿江陰東南賊城除殆盡旋由青陽赴常州督籌攻剿於初九日專摺馳陳在案初十日行抵常州北門劉銘傳營十一日繞至東門李鶴章營十二三等日陰雨與劉銘傳李鶴章郭松林楊鼎勳周盛波張樹聲等籌議須合力攻破西門外賊城斷賊路以寒其膽十四日雨霽臣徧察城西賊營橫互二十餘里分為兩路一當西北通丹陽一當西南通金壇中夾運河左右環紮形如列星訊據逃賊供稱踞逆偽護王陳坤書所部人數十餘萬蘇錫宜溧收賊併歸常州又添數萬去年大兵到常時招降三江齊眾萬餘人陸續接仗殺斃無算

此次合夥內竄江陰逃回者不過千餘現城內外眾尙十萬惟廣東西悍黨尤多因溧陽路斷丹陽金壇又有官兵圍攻無路可竄城中糧食尙支四五月護逆決志死守待援等語臣飭劉銘傳由北門先攻西北遠處賊營東南門出隊牽制是日已刻劉銘傳派黃桂蘭劉盛藻在下茶庵賊營附近各築一壘即率隊攻破賊營一座乘勢進攻新開三營用十二磅炸礮轟塌營牆數丈賊不少動劉銘傳親督將士大呼齊進從鎗礮如雨中拔槍踰濠攀緣而入悍賊仍用鎗矛抵拒傷亡弁勇百餘劉銘傳憤甚立將踞賊七百餘人圍殺淨盡逆率眾渡河分路來援將過浮橋賊壘已破黃翼升劉銘傳揮軍迎擊逆即回走乘其半渡擠之落水死者千餘人南岸頭營二座亦即潰退十五日臣添調郭松林楊鼎勳全隊由賊壘移向西南信紮十六日濠壘粗就十七日先令王東

華帶水師三營由溧湖萬年橋進擊郭松林楊鼎勳合攻陳渡橋大石壘臣復調程學啟所練礮隊以小開花礮協攻自辰至午壘賊血肉濺飛死力堅拒楊鼎勳挺身爬牆被洋鎗子橫穿胸脊登時墮馬猶揮令將士奮呼殺入郭松林帶隊填濠而進令易用剛繞堵賊壘後門賊屢衝不出悉數斃斫之連南三營相繼潰走郭松林督軍追殺連踏賊壘六七座鄭國魁築營新開賊隔河相拒劉銘傳分搭浮橋過河猛追賊不能支王東華礮船由三河口衝出軍勢正合臣與李鶴章飛調周盛波楊鼎勳張樹聲併力折向西北與劉銘傳前後夾擊賊眾綠河狂奔路狹人多自相蹂踐死者甚眾王萬劍曾明魁以鎗隊排擊斃賊無數有廣賊數千回戈迎戰郭松林李長樂各隊縱橫衝殺斃斃二千餘人又踏平沿河賊營二十餘座鄭國魁張桂芳即填紮河北高壘三座郭松

林楊鼎勳填紮河南壘五座於是丹陽金壇兩路俱斷只西門根尙有賊營橫排六座緊護城身小南門根尙有賊石壘一座土營兩座十八日張樹聲周盛波合攻小南門營劉銘傳郭松林合攻西門營羅榮光同洋弁備雷連以炸礮轟倒小南門橋上石卡周盛傳乘勢攻奪土營賊即潰走石營之賊亦潰各軍擒斬多名降二百餘人張樹聲復督隊向西門追擊賊方據高阜拒戰張樹珊劉克仁王得勝等直圍而入繞出賊後賊遽駭奔張樹聲乘機攻奪一營斃悍賊數百郭松林由西路夾攻劉銘傳鄭國魁由西北夾勦復踏毀城賊營三座其西南城角兩營亦即潰退時護逆在西門城頭見各營不守立將城門堵塞營中潰賊多係兩廣悍眾盡向城腳亂走各軍三面擠殺填屍盈河所有城外賊營數十座一律掃平我軍分屯駐長圍已合文登魁受鎗傷現就痊

愈屢請帶隊協勦常州臣准令前來適於十八日趕到西門正我軍合力攻營之候亦以炸礮助此十四至十八等日督飭各軍次第踏毀常州西南門外賊營四面合圍之實在情形也臣查蘇省賊眾屢敗併聚於金陵常州兩城拚死鏖險互為犄角若縱其他竄必貽鄰省無窮之憂從前攻常兵力尙單未敢遽圖合圍茲因嘉興克復湖州之賊全數上竄蘇省東南防務稍鬆自應併力常郡速合長圍嚴斷竄路再行設法轟城臣飛調劉士奇王永勝帶五營行隊用程學啟攻嘉興巨礮與戈登開花大礮分攻正南門小南門令劉銘傳炸礮隊攻北門郭松林攻西門張樹聲搏攻東門約期並舉惟常城係各路賊精銳所集與軍搏戰最久稔知炸礮可以攻堅而爬城隊伍可以死拒前此奧倫攻太倉戈登攻金壇程學啟初次攻嘉興雖轟破城垣竟未得入轉多傷亡況

奏稿六

五

常賊約有十萬內除老弱數萬其兩廣悍眾積年死黨一巨窮蹙無歸勢必拚死拒守為萬死一生之計臣惟設法招撫一面開礮轟擊脅以兵威仍離其眾心相機妥慎籌辦戈登近日頗順情理謂城內兩廣人必須盡殺其脅從願降可貸一死與臣意見相符城即攻破當不致因此饒舌設毒垣城垣仍爬不進惟有圍困數月待其糧盡自斃另抽游擊之師專勦援賊臣斷不敢求速效而誤大局除查明傷亡將弁另案請卹外所有督飭各軍連日猛戰踏平常州西門賊壘數十座官兵四面合圍設法轟打各緣由謹繕摺馳陳伏乞

皇太后
皇上聖鑒訓示謹
奏

程學啟請卹摺 同治三年三月二十一日
奏為統兵大員因傷出缺恭摺奏
聞仰祈

聖鑒事竊照遇缺提奏督南贛鎮總兵世襲雲騎尉勦勇巴圖魯程學啟猛攻嘉興府城鎗子貫入頭腦既絕復甦擢回醫治漸有轉機經臣疊次奏明在案程學啟自知傷重不肯服藥臣再三慰勸並延請內外科醫士進藥數劑言語神氣稍為清楚臣初二日出省赴楊庫督勦復往看視程學啟言賊雖潰敗勢尙悍眾請飭諸將慎重兜擊又言人才難得恨將死不能為國家驅除殘寇輒咽流涕向臣太息臣猶勉以安心調治不必焦急並屬地方官時往照料迨由江陰境內追賊至青陽忽接省信以程學啟日漸危篤頭左偏傷處成洞時有髓流火毒貫喉

奏稿六

五

六日滴水不入惟神志尙清初九日屬家丁為穿御賞黃馬褂望闕叩頭旋繞室行走數步見案上有茶舉杯至口不能下咽淒然淚下並令其營務處知州韓杰馳赴臣處屬專心勦賊不及等候回省語不及私臨絕時大呼心事未了聖恩未報腦漿迸流當於初十日子刻出缺臬司郭柏蔭督同府縣親視含殮料理後事并據稟報前來臣適行抵常州接信之餘不勝悲悼各營將士慟哭失聲江浙遠近官紳士民無不同聲呼嗆伏查程學啟籍隸安徽桐城遭亂被擄英逆四眼狗欲重用之程學啟以該逆荼毒百姓自逃去為賊追回拘繫不得脫咸豐十一年四月間今浙江撫臣曾國荃督軍進備安慶程學啟密赴曾貞幹營中納款曾國荃兄弟見其志趣忠勇迥異尋常降將遂

留營帶隊攻勦旋克復安慶省城程學啟之功居多經督臣曾國藩等奏報在案其時臣在安慶熟聞程學啟智勇可任適奉命赴滬倉卒召募幾不能軍請帶程學啟所部兩營東來曾國藩曾國荃念臣孤行危地無以自立慨然允准同治元年三月臣與程學啟等至滬五月虹橋之捷八月北新涇之捷十月四江口之捷皆殺賊近萬大挫兇鋒賴程學啟多謀善戰以少擊眾威名自此大振臣因為程學啟陸續增募至萬餘人部勒嚴整所向克捷先後克復青浦嘉定太倉鎮洋崑山新陽吳江震澤各州縣二年七月進偃蘇州蘇州為羣賊淵藪城大糧多非四萬人不能合圍程學啟以水陸一萬人由婁門外跨塘逐漸進勦苦心經營將城東之寶帶橋五龍橋城北之慈口黃埭城西之許關虎邱各處石卡賊壘次第掃平分兵布紮又兩次分隊遠勦嘉興援賊於八

拆平望一帶又助勦忠逆大股援賊於大橋角望亭一帶又分勦湖州援賊於太湖東山一帶距老營皆六七十里出奇入險賊中怖為神兵臣於奏報蘇州克復摺內謂程學啟用兵如神每動一著卽制賊命蓋紀實也十月開收復蘇城降酋部雲官等九人謀踞半城擁眾近二十萬意圖脅制戈登照婦人之仁脅令收撫稍一搖忽變生肘腋程學啟謂曾在賊中熟知情偽此輩罪孽重大殺數頭目卽可解散餘眾保全實多故毅然誅其首散其黨蘇城大局頃刻卽定戈登雖偶反覆久之公論自明羣疑遂釋其能謀能斷亦近時武將所罕見自西洋各國稱強海上兵法固甚雄整尤恃洋鎗炸礮為攻戰利器程學啟隨人滬留心講求每與臣言外夷輕視中國必須練兵自強取彼之長去吾之短該部操習洋鎗數千枝整齊變化已與洋兵相埒前攻蘇城每受戈登

之侮乃發憤學習炸礮陰結洋弁之精於礮事者與之晝夜研究礮具及木心藥性準頭用法往往自出新意去冬克平望堅城今春蘇嘉興名郡臣豫購寬三十二磅六十八磅大洋礮三尊交給演放竟能指揮如意功效優著不獨賊畏之如虎卽上海各國酋長洋商莫不震懼其為人戈登初相猜忌聞其死也流涕歎惜目為中國好將向臣索該提督打仗時隨身長旗二件將來攜回本國以為紀念程學啟深心遠略謀勇精勤為中外所共知設使天假之年功業詎止於此正月開曾國藩商調該軍赴金陵協攻程學啟以進兵嘉興勢難撤回惟以身受曾國荃前拔之恩耿耿圖報與臣約俟嘉興常州克復當帶礮隊赴金陵隨攻殲此老巢以酬知遇若程學啟不卽喪亡有益於疆場者甚大今年甫三十五歲退因攻克嘉興隕身鋒鏑每念時事多艱將才不易臣誠私心痛之程學啟無子以嫡姪建勳為後年尚幼小惟其攻克安慶後兩年之間又連復江浙名城十數處並克復蘇州省城似為東南第一戰功茲為

國捐軀可否仰乞
天恩准照提督陣亡例從優賜卹
特旨予諡宣付國史館立傳並於安慶蘇州嘉興各府建立專祠以彰忠靈出自逾格
鴻施再正繕摺開欽奉三月初九日
恩旨以嘉興克復
賞給程學啟白玉翎管一枝白玉搬指一箇玉柄小刀一把荷包一對卽卹派弁齎送蘇州交程學啟家屬領祭告以慰忠魂合併聲明所有遺缺提督督南鎮總兵因傷出缺緣由謹

會同協辦大學士兩江督臣曾國藩具奏伏祈

皇太后

皇上聖鑒訓示謹

奏

奏稿六

奏

溧陽官軍截勦金壇竄逆獲勝摺 同治三年三月二十九日

奏為溧陽官軍截勦金壇竄逆獲勝擒斬偽酋多名殲除大股恭摺仰祈

聖鑒事竊溧陽縣城克復後其駐守之常勝軍戈登調往協辦江陰常州一帶臣即飛飭前駐嘉興道吳毓芬率所部水陸五營馳往替守三月十九日金壇踞逆為鮑超之軍偏勦窮蹙棄城出竄二十日吳毓芬探知逆眾已抵南渡距溧陽三十六里恐其窺伺溧城即帶隊三百名前往察看逆眾約二三千人屯列南渡東北小山大股則自山下行走吳毓芬伏兵山後令武和勝沈得勝率數十人馳誘之賊以五六百人來撲吳毓芬伺近揮伏兩路衝出鎗礮齊發斃賊數十賊即退走是夜復探知賊在南渡西南二十里之小蜀山丁上橋周城鎮等處打館五鼓時吳毓芬帶隊

奏稿六

摺

前往二十一日黎明至離城三十里之烏鴉嶺遙望丁上橋西尙有賊旗整隊馳勦擒斬數十名追過周城鎮二十五日探知偽直王率眾約會常州西路孟河呂城各賊由金壇境內竄往廣德已至南渡佔住侍逆舊營三座並分屯山下各村首尾十餘里約有萬餘人吳毓芬出賊不意自率陳占榜余嘉禧出南渡正路吳毓芬率陳占榜列隊山上令余嘉禧率姜全政先圍村卡該逆疲乏睡熟悉數擒斬營賊驚覺與我山上之軍對擊適羅義勝礮船駛至排礮並發雜以炸彈賊棄營狂奔吳毓芬令羅義勝扼守南渡陳占榜武和勝沿山搜抄賊館自帶余嘉禧追勦大股時黑夜無月賊未知虛實惟聞隔山號鼓鎗礮齊發驚竄踰死亡枕藉

四鼓至招仙橋吳毓蘭列陣截擊賊沿河亂竄不成行列吳毓芬
 等由後掩殺逆眾覺水溺斃填河二十六日追及之丁上橋又追
 及之周城鎮四面兜裏棄械就戮已刻至建平交界已無賊蹤途
 中伏屍數十里陣斬偽直王林得英偽稭天安黃有才偽愚天福
 李六偽洞天福袁明勝偽一千四百六十九天豫龍有用偽武政
 軍司偽參軍司偽同檢等皆於屍身搜得偽印生擒廣西偽元勳
 一百二十五天將黃金龍訊係金田老賊偽護駕王黃金鳳之弟
 即行梟斬計共斃賊四五千人解散江浙被脅難民三四千人奪
 獲衣糧馬匹鎗械無數由吳毓芬詳細稟報前來臣查金壇業於
 二十一日經鮑超收復派兵駐守聞侍逆黨眾尙在廣德金壇敗
 賊與常州西路各逆窮無所之遂往投合南渡為壇溧交界要路
 賊所必經溧陽城守僅二千人地險兵單正可危慮臣前接吳毓
 芬飛稟即令伺隙雕剿俾賊不測此次果能出奇制勝以少擊眾
 全股殲除剿辦甚為奮勉其尤為出力之游擊余嘉鼐可否以參
 將補用並
 賞加副將銜副將銜參將陳占榜可否
 賞戴花翎都司羅義勝可否以游擊儘先補用並
 賞加參將銜藍翎守備武和勝可否以都司儘先補用並
 賞換花翎記保守備姜全政千總杜長生可否均以守備儘先補
 用並
 賞戴藍翎其餘出力員弁兵勇容臣查明彙案請獎出自
 逾格恩施所有溧陽官兵截剿金壇竄逆獲勝殲滅大股緣由理
 合由驛馳陳伏乞
 皇太后

皇上聖鑒訓示謹
奏

奏稿六

聖

常州近日軍情片 同治三年二月二十九日

再常州西南門外賊壘掃除後官軍四面合圍逆眾困守情形經
臣於二十一日馳報在案是日臣即督飭劉士奇王永勝等將前
攻嘉興大礮在小南門安設礮打戈登常勝軍礮位在大南門安
設礮打劉銘傳礮隊在北門安設礮打夜以繼日至二十二日午
刻各將城垣礮打數十丈偽護王糾眾抵堵大南門缺口偽誌王
糾眾抵堵小南門缺口偽天將費姓抵堵北門缺口皆挑奮勇洋
鎗隊數千人拚死救護羣賊隨垣隨堵隨死隨上我軍屢次撲過
城濠搶登均被城頭礮石鎗矛藥桶擊回將士傷亡頗多常勝軍
外國弁亦傷亡十名城城死者尤眾偽誌王經炸礮轟斃兩粵
悍黨仍舍命拒守其兇狡實所罕見戈登與臣軍炸礮均已用罄
天又陰雨暫行收隊休息一面飭催蘇州礮局趕製各項炸礮多
備攻具剋期再舉連日城內逃出營眾供稱護逆因丹陽被困金
匱收復我軍四面密圍無路能逃是以堅志死守城內米糧可支
數月惟油鹽子藥久將缺乏等語臣查侍聽堵輔各逆眾現由湖
州廣德分路上竄江西常州護誌二逆與丹陽偽英王叔一股本
欲約會陸續併竄誠恐江楚完善之區又受擾害為患更大臣一
至常州即督各軍猛奮攻踏西南門賊營先斷竄路然後嚴密合
圍以冀設法勦滅該逆亡命困聚冒死格鬪固在意計之中臣惟
督飭各軍穩慎以圖設再轟打不進即長圍困之多方誤之當有
聚殲之一日所幸附近各城俱已收復丹陽又有馮子材富明阿
派兵牽制偽英王叔眾雖三四萬屢敗之後終必竄走其勢似不
能援常即使來援蘇軍合力聚於一城尚可以分撥迎勦臣前商
令黃翼升派淮揚水師周國興一營赴小河口直禁接濟昨據周

李文忠公奏稿 卷六

國興稟稱常丹交界之奔牛孟河圩塘魏村螺螄灣方仙橋沿江
一帶賊匪俱雜髮繳印乞降周國興收撫降眾一萬餘人分別遣
散並留守要隘丹陽來路已斷北竄更可無慮除續後攻勦若何
再行馳報外所有常州近日軍情理合附片縷陳伏乞
聖鑒訓示謹
奏

奏稿六

圖

克復常州摺 同治三年四月初七日

奏為督飭各軍四面圍攻克復常州府城生擒逆首偽護王陳坤
書餘眾全股撲滅恭摺陳仰祈
聖鑒事竊官軍合圍常州逆眾固守屢攻未下各情經臣於三月

二十一二十九等日馳報在案自二十二日轟塌城垣未得爬入
臣與諸將籌商日夜派隊嚴守缺口多方擾之適連旬陰雨該逆
每黑夜冒雨偷用土袋石灰包破船敵眾堵築坍塌處弁勇時以鎗
箭防護殲賊甚多戈登督帶炸礮細心看守初三日各項炸彈配
齊臣復添調劉士奇王永勝所部全隊赴常商定戈登礮隊仍攻
南門劉士奇王永勝等礮隊移攻東南角與戈登兩邊轟打一齊
爬城並以常勝軍前次傷亡過多難當頭敵派郭松林楊鼎勳所
部奮勇爬戈登所擊缺口而以常勝軍應之派劉士奇王永勝各

挑奮勇自爬所擊缺口而以道員張樹勳所部應之又於城濠外
預築長牆百數十丈使兵勇有所護身礮位可以移近部署既定
臣與李鶴章輪替查勘郭松林劉士奇等各於長牆下開一深
溝暗通城河可容二三千人夜間密派弁勇由溝內出搭浮橋屢
被城頭守賊知覺自初更至天明鎗礮徹耳互有傷亡如是者三
四夜而浮橋已搭成六道初五日雨稍止臣即令戈登王永勝劉
銘傳等開礮轟擊至初六日午刻戈登仍將南門舊缺口洗塌數
十丈劉銘傳仍將北門舊缺口洗塌十餘丈劉士奇王永勝督同
管帶礮隊都司劉玉龍洋人備雷將東南角亦轟塌十餘丈黃翼
升督派各營水師分門對轟眾礮排發屋瓦皆飛賊死力堵拒
隨塌隨填經我軍礮鎗斃甚夥無處立足見機有可乘未正
二刻傳令各軍同時大隊猛爬郭松林王永勝劉士奇各帶簾牌

噴筒分路突衝而上賊以火藥桶大石塊擲下燒傷多人其南門

缺口後隊稍卻郭松林橫刀亂砍一擁直前劉士奇王永勝僅隊
愈急頃刻之間我軍旗幟布滿城頭戈登督帶常勝軍鎗隊連環
繼進忽護逆率兩廣悍逆數千拚死由小北門來撲王永勝劉士
奇由東門循城迎擊張樹勳乘勢督三營爬上東城會合兜剿劉銘
十數合逆漸不支而北門守賊仍與劉銘傳所部拚死拒關劉銘
傳率部奮猛撲進遂將逆一大股擊入街心王永勝劉士奇劉
銘傳張樹勳節節追剿賊亦節節回撲沿衢塞巷屍血狼藉追至
偽護王府該逆仍率死黨紮立石卡以鎗礮對擊我軍圍之數重
殺傷過當副將龔生陽衝入賊隊生擒偽護王陳坤書游擊朱雲
龍生擒偽佐王黃和錦眾即奔潰殲戮靡遺郭松林劉士奇等見
城內人眾不可勝誅傳令伏地棄械者免死於是男女老幼跪降

者六七萬有奇郭松林戈登周壽昌周蘭亭由南門循城追剿偽
列王賈天將帶奮勇七八千人由小南門蜂擁撲來又戰十數合
忽前忽卻周壽昌周河清等大呼陷陣周盛波帶三營由小南門
缺口爬進王東華張桂芳由西門爬進合力兜擊該逆前後受敵
猶亡命猛衝其總落城下數百人經周盛傳童邦喜截斬淨盡大
隊繞城亂走亦經各軍追殺內有廣東悍逆數百埋伏巷持矛
格鬪儘數斬之周盛波所部生擒費天將細送正法自未正登城
探戰巷戰直至酉末始將賊眾全股擒殺無得脫者遂克復常州
府城臣訊據偽護王陳坤書供稱廣西桂平人白隨洪秀全倡亂
竄擾湖南北江西安徽江蘇浙江數省向與四眼狗李秀成李世
賢等同事各有分地在諸偽王中年分最深今忠侍各逆棄土逃
竄我欲保守常州以為金陵犄角奈事不成祇有盡忠各等語當

將該逆首凌遲處死梟示常州東門外以洩眾忿查該逆在賊中擁眾十數萬自忠侍兩逆敗後餘黨多歸常州精銳併聚一處上年十一月臣派李鶴章劉銘傳帶兵進攻大小數十戰解散降殺已數萬人二月間分股內竄經臣督軍勦殺又踰萬眾攻踏西南門各營殺逃散又數千人而城內精壯老弱尚不下十萬臣稔知該逆不甚耐戰但堅忍善守能得眾心若縱令他竄貽患無窮是以密速合圖冀圖殲此巨股前月二十二等日開礮猛攻城堞雖坍該逆負隅死拒各軍傷亡至一千餘人戈登及臣部將士無不憤怒切齒旬日以來多涉閒謀苦營壕壘懸立重賞廣備攻具該逆出萬死一生之計我軍亦為背城一戰之舉如不速克恐生他變臣私衷實深惴懼仰蒙皇上威福攻城之日久雨忽霽一鼓同登雖巷戰踰時傷亡將卒又逾千人而悍逆全股撲滅實無漏網重貽他省之患江南大局漸定堪以仰慰

奏稿六

聖慮殊非愚臣初念所及除臣弟李鶴章無功可錄不敢仰邀獎敘外所有尤為出力之統將頭品頂戴提督劉銘傳在常州苦戰五月之久議定氣充屢御大敵頭品頂戴記名提督福山鎮總兵郭松林記名提督王永勝儘先提督劉士奇均首先登城不避矢石可否請旨酌加優獎臣未敢擅擬遇缺提督准揚鎮總兵黃翼升勞苦功高可否請旨交部從優議敘其勞績尤著之將佐文武另繕清單恭呈御覽伏候核定以昭激勸其餘應獎應卹員弁兵勇容俟查明專案

奏辦所有督飭官軍四面圍攻克復常州府城生擒逆首全股撲滅各緣由繕摺馳陳仰乞
皇太后
皇上聖鑒訓示施行謹
奏

奏稿六

吳

戈登加銜榮寵回國片 同治三年四月初七日

再權授江蘇總兵戈登帶隊協助自前月二十二日轟破南門城垣未得爬入弁勇傷亡多人日夜與臣及李鶴章商籌布置挖濠築牆安礮搭橋虛衷和氣誓必合力殲除此寇其忠勇勤勞允堪嘉尚常州既克蘇省軍事稍定便欲辭退回國因常勝軍洋鎗隊近來老勇大半逃亡逐漸新募打仗不甚得力欲將鎗隊調回崑山妥為遣散以節糜費暫留礮隊六百人並外國大小炸礮送交臣處派員接管其所用外國弁目陸續遣志越甚屬公正昨總稅務司赫德來常業與臣議有眉目除飭海關道趕緊籌借銀兩預備支用並派臣營務處委員直隸州知州丁日昌同戈登前往崑山會同李恆嵩等妥籌辦理俟辦結後再行縷陳外查戈登奮勇勤能立志為中國助剿賊匪修立聲名自正月至今諸事俱受

商量謹遵臣處調度並與臣部將郭松林劉銘傳劉士奇王永勝楊鼎勳等和好無間彼屬赫德與臣言在中國辦事祇求得一體面去年蒙大皇帝賞銀一萬兩斷不敢領或勻給該營洋弁遣散經費等語此次協攻常州殊為出力可否請旨賞加提督銜並由臣訪製表功旗幟並外國金寶星式樣傳旨送給俾其回國後藉示榮寵附片具陳伏乞聖鑒訓示謹奏

進規丹陽援應溧陽片 同治三年四月初七日

再常州既復蘇境只丹陽金陵兩城未克丹陽現有馮子材富明阿各軍進攻西北兩門在馮子材來而賊勢尙盛臣訊據護逆供稱偽英王叔展有密信屬令堅守常州互為犄角茲常城克復全股殲除丹陽已成孤注臣派令劉銘傳郭松林等督帶二十餘營由奔牛北趨相機夾攻以期迅克昨准會國藩咨稱聽侍各逆上竄江西欲調鮑超全軍援江商令臣處酌派勁旅接防東壩查溧陽至東壩一百數十里間為金陵丹陽上竄廣德要路臣若以孤軍進東壩一經竄逆中梗蘇州消息難通軍火餉米接濟立斷於勢暫不甚便現令劉銘傳郭松林等進丹陽張樹聲六營守常州劉士奇王永勝兩軍因嘉興常州苦戰傷亡弁勇至三四千人節次移營疲勞殊甚且湖州未克蘇省空虛須令屯紮休養專備各路游擊援應局勢方穩目前暫無大枝勁旅可以遠赴東壩擬令提督周盛波黃中元八營由溧陽進紮南渡以備截剿金丹等處竄賊與溧陽東壩較易聯絡俟丹陽克復北路防鬆即派各軍進紮東壩二溧一帶以便替出鮑軍援剿江西除函商督臣外再臣自三月初二日出省督勦陰雨泥淖馳驅不息感冒風溼眠食頓減又行營倥傯本衙門日行文件各臺局餉要務相隔較遠無從經理久必廢擱俟常州防務布置粗定交李鶴章就近妥商調度仍即回省籌辦一切兼就籌治理合附片具陳伏乞聖鑒訓示謹奏

丹陽克復派兵接守句容東壩摺 同治三年四月十一日

奏為丹陽克復派兵接守句容東壩各要隘恭摺仰祈

聖鑒事竊常州攻克擬派劉銘傳郭松林等馳往丹陽會剿經臣於四月初七日附片陳明是日先派副將黃金志帶馬隊百餘名由奔牛呂城前進探聞丹賊偽英王叔等因常州已克全股被殲驚懼殊甚劉銘傳郭松林冒雨帶隊適行甫抵奔牛據探騎回報初八夜丹賊內亂偽英王叔陳時永被殺餘賊開南門逃竄鎮揚官軍入城收復等語是蘇境北路已清自應查照會國藩咨商派兵接守句容東壩以便鮑超迅速赴援江西當飭劉銘傳所部十二營赴句容接防鄭國魁所部水陸五營赴東壩接防以固蘇省門戶而扼金陵竄路金陵外援久絕枝葉全芟賊勢益窮不日當可得手臣已將常州防務布置就緒拜摺後即起程回蘇所有丹

陽克復派兵接守句容東壩各緣由繕摺馳陳伏乞

皇太后

皇上聖鑒訓示謹

奏

裁遣常勝軍摺 同治三年五月初二日

奏為裁遣常勝軍連日辦理就緒各情形遵

旨覆陳仰祈聖鑒事竊常州克復後定議裁撤常勝軍臣於四月初七日附片陳明當即督飭丁日昌等妥速辦理旋於四月十四日寄諭戈登帶隊協勦現在常州攻克該洋人不言進攻金陵竟肯先行遣散免將來許多枝節實屬不可失之機會該撫自應乘勢利導妥為遣散如戈登將所部布置妥協洋弁均皆回國則是戈登真心要好始終如一僅止頒給旗幟功牌不獨無以酬其勞且恐無以慰其欲即著李鴻章飭令丁日昌李恆嵩等與戈登妥為辦理一俟辦有就緒即將如何再行嘉獎戈登之處迅速奏聞等因欽此仰見

聖慮周詳柔遠防患之至意茲據丁日昌回省面稟並據戈登李

恆嵩具稟於二十五日辦理遣散完竣等情前來謹為我

皇上縷細陳之緣常勝軍起於美國人華爾其初不滿千人陸續增至四千餘人糧餉軍火惟意所欲無從核減同治元年秋冬開調令助勦金陵不能成行遂致自齊文之變臣在上海與英提督領事等反覆論議舌敝唇焦始得更定章程兵額裁至三千月餉發至七萬餘元合之購辦軍火賞卹雜支各款每月須十萬元有零戈登接帶後臣加意撫馭遇事尙商量而性急多疑每有反覆自今春金壇楊庫兩次挫衄戈登頗覺氣餒三月二十二日常州之役城已破未能爬入戈登日昨常勝軍之不能得力四月初六日再舉攻城戈登即請以我軍為前敵常勝軍為後隊蓋自知不如我軍之用命也常城克復即將洋鎗隊調回崑山派令丁

日昌前往會商撤遣戈登意甚欣悅乃於十五日接據巴夏禮
 申陳以議裁常勝軍一事必須知會駐滬英官轉稟駐京公使查
 核辦理並據赫德來函謂蘇省雖已肅清金陵湖州兩處賊窟可
 虞引咸豐十年以前之事為戒極言常勝軍不可遽裁譬喻百端
 戈登似為所動丁日昌等往復開導忽迎忽拒尙欲迎合巴赫二
 人之議留礮隊六百名鎗隊一千餘名丁日昌復探其情謂之日
 爾在中國助勦功成回國中外傳名不及此時裁撤將來接帶者
 儻如白齊文之類鬧出事端豈不為爾聲名之累巴夏禮赫德係
 局外人方以常勝軍為十分可靠故不肯遽裁爾何不將此軍近
 日不能得力實情自與詞論免得自己聲名為他人所累戈登深
 以為然即於十七夜馳赴上海其時赫德已北上遂與巴夏禮再
 三辯論巴夏禮始得釋然惟以上海要地請由臣酌派得力兵勇

奏稿六

聖

駐守屬戈登轉達等情戈登回崑山述其語丁日昌恐洋人情性
 無常或又中變即於談次請戈登將應答之語親書洋字一紙留
 存以免巴赫二人藉口並緝譯節略由戈登等函稟到臣閱其與
 巴酋問答之詞首言洋鎗隊兵頭多非正兵不諳兵法朝夕飲酒
 兵丁自去自來遇事便與官軍作對只知增添口糧不想作事因
 此數層不妄故戈登立意相勸遣散次言巴夏禮是為中國地方
 起見並非多事屬臣不必與之鬪氣等語臣先已備文劉復巴夏
 禮為具言兩年戰事常勝軍會合官軍與官軍獨自分路攻勦之
 頗未與常勝軍近日底細所以議裁之故並告以現在辦法係酌
 留得力礮隊六百名鎗隊三百名海生輪船數十人及原額三
 分之一並非全裁且前敵各要隘皆有重兵駐守上海後路無虞
 竄人以力破巴酋等藉詞要挾之端一而即飭戈登李恒嵩丁日

昌迅速照辦飛催代理關道應寶時籌借銀兩交知府賈益謙齎
 往崑山節次據稟連日發餉收取號衣洋鎗挨次撤遣於二十五
 日遣散淨盡戈登以該軍兵勇向挾外國人以自重外國人一有
 挑唆兵勇即靡然從之肆行無忌先將外國兵頭撤遣厚給川資
 限三日內出城違者嚴辦次即遣散中國兵勇按路途之遠近年
 分之深淺打仗之受傷與否酌給盤費驅令出城不准逗留生事
 均已貼然就道查外國弁目一百零四名受傷頗多除月餉外按
 名酌給賞卹途費自七十五元以次遞增至四千元不等勇丁除
 月餉外其分領賞卹者其二千二百八十八名自兩元以次遞增
 至一百元不等又海生輪船礮船鎗船暨通事書識等分別給賞
 其用遣散經費洋十二萬二千八百元有零又補給月餉六萬元
 有零所有軍械洋鎗帳篷號衣船隻大小礮位全數呈繳驗收現

奏稿六

聖

留礮隊六百名經臣委派副將羅榮光管帶調紫蘇城外之澹關
 留外國兵頭十一名幫同教習聽管帶官號令約束已與戈登議
 明隨後如撤遣回國只加給一月口糧其鎗隊三百名暫留崑山
 交李恆嵩督率巡防並留外國兵頭一名隨同彈壓以免各國流
 氓冒充滋事各兵丁改穿中國號衣約計每月口糧其需一萬數
 千兩仍由關道籌發此後逐漸訓練操縱由我自不致另生枝節
 臣查常勝軍利器在礮火而洋弁資恐兵勇驕悍鋼習殊深久為
 蘇省隱患兩年以來每思乘機善遣徒以軍事方棘外人把持未
 易就理現值蘇肅清戈登辭退竟肯主持議撤雖巴夏禮赫德
 從中阻撓戈登猶為我出力多方排解十餘日開分別遣留糜費
 固多而辦理甚速可免後來無窮之憂實屬真心要好始終如一
 彼既不肯領收銀兩自應請

旨再行優獎聞戈登似欲邀

賞黃馬褂以為歸國寵榮足見向慕中國之殷查戈登自上年春
開會帶常勝軍協同官兵攻克福山解常熟之圍又克復太倉州
崑山吳江各縣及蘇州省城本年克復宜興溧陽縣及擊退楊厚
竄賊攻克常州府城均屬異常出力厥功甚偉可否

特旨頒賞黃馬褂出自

逾格鴻施再據上海來信巴夏禮以常勝軍既經裁遣欲另議教
練良法仿照外國章程保守永久其意仍不過攬我兵權耗我財
力臣擬添調數營駐守上海附近地方屬戈登先為轉商應由臣
處調度不便再在英官干預戈登似以為然但不知巴夏禮與英
提督伯郎有無異議除俟該酋等如何辨難再行相機妥辦外所
有裁遣常勝軍部營就緒各緣由理合繕晰具奏並照鈔英領事

巴夏禮申陳及剗復該領事各一件又緝戈登與巴夏禮問答節
略一件恭呈

御覽伏乞

皇太后

皇上聖鑒訓示施行謹

奏

分勦湖州進逼長興摺 同治三年五月十七日

奏為官軍分勦湖州攻克吳淞殷瀆村等處賊壘太湖水師攻克
長興縣屬之夾浦口賊壘陸軍進逼長興縣城攻燬東門外賊卡
恭摺仰祈

聖鑒事竊臣因湖州賊氛尚熾派道員潘鼎新各營由平望分紮
南潯震澤以遏其衝別遣郭松林劉士奇王永勝楊鼎勳等營由
宜興分路進攻長興並調李朝斌太湖水師由夾浦口會勦均於
初二日馳陳在案嗣因潘鼎新各營分紮南潯震澤向嫌單薄復
令劉秉璋派蘇桂榮等水陸五營往紮濱湖之吳淞互相聯絡詎
初七八等日湖州踞賊偽立王黃文英偽樂王譚應芝偽襄王劉
官方等糾眾數萬已竄踞吳淞及陸家灣軋村殷瀆村丁公橋
一帶橫互數十里初八日午刻賊圍陸家灣練勇營盤道員丁壽

昌派水師總哨康嘉賓率礮船由南潯往援自帶行隊繼進賊見
我軍師船即分悍逆千餘迎敵水師排礮連轟賊甚多該處練
勇亦出助勦始行擊退救出難民數千申刻賊仍在丁公橋掠

丁壽昌乘賊不備率劉思柱吳秉權各帶二成隊由兩河橋車駕
橋包抄掩擊賊大驚潰生擒數十名殺斃淹斃無算是晚探知賊
在殷瀆村各處紮營丁壽昌夜半帶隊齊進奮勇截勦立將丁公
橋天到橋賊卡攻燬生擒偽朝將史得成初九日潘鼎新馳赴南
潯適遇桂榮等五營亦至聞吳淞賊向東竄撲潘鼎新令丁壽
昌等沿途迎勦過南潯港賊如蟻我軍分路兜殺斃賊數百追

至殷瀆村暴雨收隊哨長汪本立追賊死之另派唐宏成戴春林
等山溪港小路進抵大廟港亦遇賊仗各有所擒是夜賊仍在
殷瀆村四處焚掠潘鼎新議分道猛攻初十日早令唐宏成戴春林

揚率戴春林夏金標趙濟川王燮堂焦宗良等各五成隊由湖塘直趨吳淞桂榮率曹光澤王應海劉廣福等由丁公橋攻殷澗村而以丁壽昌劉思柱吳秉權繼之徐道奎桂林水師與為依護吳淞之賊前阻一卡後築三壘沿塘泊礮船數十號民船數百號水陸鎗礮抵我軍頗有傷亡唐公成憤勵士卒爭先猛撲立破其卡於是唐宏成率眾攻中壘韓照揚攻南壘都司何孝繼率勇躍滾突進刃賊無數生擒多名南壘賊眾脫者戴春林等偏濠擲火彈肉薄齊登中壘亦破東壘賊突門赴船夏金標等揮隊截勦躍奪其船壘入水者甚眾餘賊沿塘狂奔我軍追至喬渡斃賊千餘奪獲船隻器械無算桂榮等至殷澗村該處遍野桑陰賊匿林中西伏東出我軍步騎不得逞列隊村外誘之劉廣福王應海至天到橋口賊果傾巢出撲水師徐道奎桂林沿岸環攻轟

桂榮曹光澤從中路迎擊劉廣福等扼橋力戰斃賊多名生擒龍衣賊目一名賊棄械狂竄我軍即紮天到橋偵知殷澗村後路尙有胡渡可通十一日向曉各營躡食齊進水師抄天到橋橫截其前劉廣福等繞村分抄其後賊果出遁三而擊斃賊無數當將殷澗村二壘攻燬中塘軋村織里一帶援賊復至勢極洶湧排鎗礮之斃賊數百生擒黃衣賊目二名桂榮各營當在吳淞駐守敗賊均退喬渡以西此分期湖州之軍連日戰勝情形也李朝斌太湖水師經高調於初九日自率六營由洞庭西山乘風抵長興縣屬之夾浦口該處賊於象公廟前後堅築大石壘二座安大礮數層正對湖口左右小河中間皆橋橋上築卡以護石壘防守周密探知有賊二千餘適值天雨李朝斌冒雨以洋鎗早隊乘之左右各三營兩路分擊中路河窄令陣定國率舢板排列大

礮轟其前壘賊亡命困鬪早隊屢次搶登均被拒回李朝斌遂於左右各抽一營隊伍斫取蘆葦填入小河渡抄後壘親自鼻水躍至舢板大呼齊進從鎗礮如雨中攀援礮眼而入總兵陳定國繼進鎗子由眉心透腦後創重暈倒總兵江福山子傷左手筋骨俱斷哨官黃淵臣王春華均受重傷仍兩路猛進賊不能支石卡齊破乘勝飛過橋適填河二營亦衝過合圍賊無竄路仍以死拒偽烈王江逆中矛刺斃前後兩壘一時齊破四面圍殺淨盡當將後壘焚燬留前壘駐守初十日郭松林劉士奇楊鼎勳等陸軍亦由宜興前至分紮施溪夾浦一帶王永勝所部開字全軍進紮湯橋烏溪以防廣德四安援賊劉士奇留兩營駐夾浦口十一日郭松林等策拔赴長興遂將東門外上莘橋跨塘兩卡壘平偏紮城下此進攻長興之軍戰勝情形也臣查浙軍現紮湖州塘南此次

踞逆大股出撲獲賊訊供意圖直犯南潯震澤真學游軍後路並擾蘇防經我軍攻燬其巢穴鋒已挫惟楊漢大錢口等處踞逆尙多與吳淞毗連時出肆擾沿湖尙無水師依倚臣已飛咨李朝斌酌撥二營前往兩而兼顧仍飭潘鼎新穩紮穩進長興踞賊既失夾浦要口其氣已奪現令郭松林等合力猛攻速克此城則湖逆竄路將斷或可以次得手所有官軍分期湖州攻克吳淞殷澗村賊壘及太湖水師攻克長興縣屬之夾浦口陸軍偏紮城下各緣由理合恭摺馳陳伏乞
皇太后
皇上聖鑒訓示謹
奏

請俟湖州克復再協攻金陵片 同治三年五月十七日

再 臣 欽奉五月初八日

寄諭李鴻章所部兵勇攻城奪隘所向有功礮隊尤為得力現在金陵功在垂成髮捻蓄意東趨遲恐動全局李鴻章豈能坐視著即迅調勁旅數千及得力礮隊前赴金陵會同曾國荃圍師相機進取速奏膚公李鴻章如能親督各軍與曾國荃會商機宜勦辦更易得手著該撫酌度情形一面奏聞一面迅速辦理等因欽此仰見

聖謨廣遠

訓示周詳曷勝欽悚臣於攻克常州後未敢遽議協勦金陵一以部兵將苦戰經年傷病疲乏未得休養若遽令遠出誠恐再衰三竭無裨大局一以曾國荃全軍兩年圍攻一篲未竟屢接來書

奏稿六

奏

謂金陵所少者不在兵而在餉現開地道十餘處約有數處五六月間可成如能及早轟開自必無須協助又疊准曾國藩咨緘屬令派兵接防句容東壩溧水高淳各處又准左宗棠咨商撥兵進規長興以掣湖州賊勢臣因湖州賊氛尚熾實為蘇省切近之憂應先派勁旅進規長興協取湖州俟湖州克復門戶穩固然後分兵會圍金陵方無後顧之慮是以揀派郭松林劉士奇王永勝楊鼎勳等軍會攻長興現已進逼城根勢難遽行撤動而蘇常新復各郡縣內防湖州窺匪外堵金陵宜路節節設守未可一處空虛常勝軍裁遣後英酋巴夏禮等方以松滬腹地無備日與饒舌臣固未可遠離臣之兵力亦僅勉支堵剿至臣部礮隊向稱得力者一則常勝軍礮隊向係洋弁二三十人領帶專管安設施放各事昨經戈登分別撤遣仍留得力洋弁十餘人巴夏禮謂奉英君主

之論不准再令出隊打仗臣未便相強頃始派員接督須操練三五箇月漸求精熟方可派出攻勦一則提督程學啟所遺礮隊內有大礮三尊可以攻城有英人備雷幫同教習現為王永勝劉士奇帶往長興一則提督劉銘傳礮隊內有法國人改隸中國之總兵畢乃爾幫同操習然大礮少而小礮多可以攻營劫寨而專攻一城尚不敷用前攻常州時臣調齊三軍礮隊分門合攻月餘乃下金陵城大而堅洪李各逆負固老巢非嘉興常州可比曾國荃地道如蠶不閉必須礮隊協助則臣處所有礮隊須全調前往合力猛攻且有得力礮隊亦須有得力鎗隊而與礮隊素習者相為護持庶築牆爬城稍有把握忠逆現在金陵城內稔知炸礮虛實故非厚集礮力多選奮勇不能操券目前常勝軍所遺礮隊既未練成程學啟所遺礮隊已往長興劉銘傳近在句容亦擬添配礮位操練兩月再行攻勦除由臣督飭各軍趕緊操習一面多製炸彈廣儲攻具聽候調撥外擬請俟湖州克復蘇防稍鬆再飭協攻金陵以求有濟仍隨時咨商曾國藩曾國荃酌度辦理所有遵旨覆陳各緣由伏乞

奏

奏稿六

奏

克復長興摺

同治三年五月三十日

奏為水陸官軍擊退湖州廣德拔城乘勝猛攻克復浙江長興縣城恭摺仰祈

聖鑒事竊太湖水師攻克夾浦口陸師進逼長興經臣於十七日馳報在案十二日李朝斌帶水師進至城東北六里之後漾村十四日黎明出四營早隊分伏山後先以十餘人誘賊賊果以二千餘人由北門小東門迎敵我軍伺近揮伏衝擊追至城根斃賊多名陸軍分門築壘郭松林所部傷紫東門楊鼎勳所部傷紫東南劉士奇所部傷紫北門均離城半里互相聯絡王永勝所部自夾浦口節節為營援後路楊鼎勳又派曾明魁分紫兩營於夾浦至長興適中之西莊橋搭設浮橋二道以通前後之氣踞逆偽襄王劉官方負隅不出十七十八等日湖州堵輔二逆令偽天將陳逆率二萬人由東南來援自鴻橋至跨塘橋不斷直達城隅廣德四安兩路賊首偽列王江逆偽堵二殿下亦率四五萬人由西北來援依山築壘蘇互山谷兩面賊勢俱甚洶湧與城賊相應郭松林等會商分勦約王永勝一軍於二十二日黎明由夾浦繞至新塘口以抄賊後郭松林楊鼎勳由五里橋擊湖州援賊正而背水為陣該逆奮拒我軍排放洋鎗屹立不動任其衝突俟賊氣衰一呼齊進陳逆督眾死抗正在酣戰聞王永勝自新塘口馳至兩面夾擊鎗斃斬獲數千人遂將鴻橋跨塘橋沿河傍山賊營一律踏毀李朝斌水師登陸由磨盤山繞出賊背劉士奇亦由磨盤山直逼廣德四安援賊各營江逆驅眾衝出搏戰多時李朝斌率所部由山梁疾趨而下用火器擲燒賊營烟燄蔽天賊首尾莫顧劉士奇分路抄殺斃賊及溺水死者萬人枕藉谿壑西北而沿山賊壘亦均踏平二十三日正擬於西北兩門外搭浮橋攻城詎陳逆江逆敗逃未遠堵輔各逆復由三路添撥大股折回再逼於是郭松林楊鼎勳與淮揚水師三營馳擊湖州續至之賊劉士奇王永勝與太湖水師馳擊廣德四安續至之賊俱乘其喘息未定合力痛剿殲賊各數千人追殺二十餘里賊乃遠颺郭松林李朝斌等知湖賊必爭長興勢猶不已遂定議猛攻派廖德旺張正全在西門外王平西舒義志在北門外河內各搭浮橋三道限於是夜四鼓成工城賊鎗礮噴筒並發弁勇傷亡頗多哨官王備與中礮殞命張正全鎗傷左臂仍督工立就二十四日黎明游擊劉玉龍同洋人備雷在城北安設炸礮靠城轟打劉士奇王永勝各派二營郭松林派三營隨楊鼎勳攻北門郭松林自攻南門劉士奇與李朝斌水師攻西門王永勝自攻東門淮揚水師及郭松林礮船攻東

南東北兩隅李朝斌復派一營於北門外河邊排大礮與備雷並轟已刻已塌城牆十餘丈楊鼎勳督隊渡河鼓噪而登賊以鎗礮排聚缺口並擲整桶火藥拚命抗拒哨官參將向大鵬鎗子貫腦游擊周金才鎗子貫胸均登時陣亡總兵高占彪鎗傷右臂弁勇亦傷亡數百名營官梁安邦于奇泮易剛李長樂陳忠德葉廷杓周蘭亭等身先士卒肉薄以登各營奮勇繼之李朝斌郭松林劉士奇王永勝亦率所部三面緣梯齊上于奇泮鎗子入左眼鄧明遠鎗傷右足王平西鎗傷左頸仍各裹傷力戰賊雖面面受敵仍無退志郭松林率宋德鴻首先爬入哨官于總劉興隆繼之為插木擊破額陣亡各軍一擁並登城內悍賊次第擒斬其由西門衝出者李朝斌豫行設伏悉數殲之遂於二十四日午刻將長興縣城克復臣查長興與毘連蘇浙杭山帶湖屏蔽湖州與廣德四

安為犄角是以堵輔各逆道各股死力爭援城外重圍疊嶂桑田
 陰翳港汊紛歧兵勢頗難展布相持過久他變必生幸水陸諸將
 協力同心奮迅猛攻自克夾浦至於城下之日僅及半月神速赴
 機殲賊殆盡各將士於炎天烈日中奮力爬城傷亡枕藉實屬勞
 績卓著其尤為出力之遇缺提督楊鼎勳謀略素優前攻常
 州胸背為鎗子洞穿調治未愈移前奮往率隊先登可否仰懇
 聖恩交軍機處存記遇有提督總兵缺出儘先簡放江南提督李
 朝斌福山鎮總兵郭松林貴州古州鎮總兵劉士奇江西南贛鎮
 總兵王永勝可否請
 旨均交部從優議敘提督銜遇缺提督總兵陳忠德可否請以提
 督
 記名簡放記名總兵周蘭亭宋德鴻成命卿可否均請
 簡放總兵實缺記名總兵高占彪龔生陽葉廷杓可否均請
 賞給二品封典補用副將李長樂舒義志可否均請免補副將以
 總兵
 記名簡放總兵銜儘先選用副將宋甸南可否請免補副將以總
 兵遇缺先行提奏推補副將于奇泮副將銜儘先參將張正全可
 否均請
 賞給勇號儘先補用游擊劉玉龍可否請以參將補用並
 賞加副將銜都司程祖旺可否請以游擊儘先補用並
 賞給勇號陣亡之擬保副將銜儘先參將向大鵬擬保參將銜儘
 先游擊周金才守備王福興擬保花翎千總劉興隆可否均請
 旨敕部照陣亡例從優議卹其餘出力陣亡員弁容臣查明彙案
 奏請

獎卹所有水陸官軍擊退援賊乘勝攻克長興縣城各緣由理合
 由驛馳陳伏乞
 皇太后
 皇上聖鑒訓示謹
 奏

鼎軍吳漢獲勝片 同治三年五月二十日

再湖州吳漢之賊前經我軍擊收退至喬漢以東散布村落潛匿
 桑林中十三口潘鼎新派唐宏成等在湖漢站隊以備吳漢紫營
 午後該逆大股伺隙突犯唐宏成督戴春林等迎擊薛桂榮曹廣
 澤等從旁協助賊始潰退十四日我軍仍一面站隊一面紫營賊
 屢來撲均被擊走是晚唐宏成曹回大廟港賊偵我濠牆未回堵
 逆各大股西自喬漢湖漢南自殷濱村分路直撲王應海之護軍
 營洋鎗聲甚猛王應海出營迎擊小腹受傷折回賊從南面橫
 穿布滿街心悍賊登屋放鎗子落如雨王應海營濠未成就被衝
 破仍固護軍左營數重並犯薛桂榮營薛桂榮曹廣澤合力援勦
 水師徐道奎聶桂林賊船駛至湖濱連開大礮唐宏成趙濟川等
 半路回援立解左營之圍聶桂榮復令宋興元陳清泰周藍田盧

滿江等分隊包抄橫截賊隊賊乃大挫立將王應海原營奪回檢
 斬黃衣賊目多名當令趙濟川焦宗良派隊守之賊退離吳漢
 三里紫營潘鼎新緣吳漢兵單復添調震澤吳江之夏金標潘鼎
 立二營並各營隊伍礮船分載炸礮前往會勦十五日分頭誘擊
 賊果出撲趙濟川焦宗良等督勇從桑林四面插入斬敵數百水
 陸夾擊遂將湖漢西南城壘數座一律踏毀賊驚竄歸桂榮唐
 宏成等追至喬漢斃賊尤多是日中塘織里之賊復竄南潯近村
 丁壽昌督劉思桂吳秉權等擊走之十六日丁壽昌復約水師徐
 道奎及韓照揚分道進賊望風竄乘勢隨其新壘追過織里
 二十二日潘鼎新親越楊漢至大錢口察看賊勢回至錢漢會合
 太湖水師周正林李新燕將沿湖營賊轟散二十四日潘鼎新復
 以輪船炸礮水陸夾攻湖濱之賊悉遁歸中塘織里一帶與浙軍

何璋章各營日相纏擾臣查湖州逆眾蟻聚湖濱屢次圍犯南潯
 吳漢為分竄蘇浙之計常鎮道潘鼎新所部人數雖單屢戰獲勝
 現已扼紮堅穩除飭會同李朝斌太湖水師相機防勦外連日陣
 亡之擬保守備藍翎把總陳順昌擬保千總六品軍功汪得勝擬
 保把總六品藍翎孫彪擬保把總六品軍功楊德元均請
 旨敕部照例議卹所有分勦湖州近日軍情理合附片馳陳伏乞
 聖鑒訓示謹
 奏

奏稿六

奏

籌畫湖州金陵緩急片 同治三年五月三十日

再前奉

諭旨飭調勁旅數千及得力礮隊赴金陵會攻當經臣以湖州未復礮隊未齊暫難分撥各緣由於十七日據寶澗陳在案旋又疊奉五月十一十六十九等日

寄諭飭催臣撥兵向勦金陵或親往會攻毋稍避嫌推諉等因又疊在曾國藩曾國荃咨函遵

旨催令臣酌帶勁旅萬餘人並開花礮隊親赴金陵會商攻勦臣查金陵關繫東南數省大局如能迅速攻拔江鄂賊勢可漸瓦解況在江蘇本境臣義所應為敢存畛域之見臣在曾國藩營中從事多年與曾國荃素相投契現又諄切商催更無嫌怨之可避臣

奏稿六 全

命以來復接曾國藩等咨緘心急如焚恨不能剋期就道惟湖州賊股甚眾附城數十里內面面賊壘堵逆黃文金輔逆楊輔清等均係百戰悍賊浙師似難獨力制之且浙軍僅能扼東南兩面其西北瀕臨蘇常中隔一湖湖面極寬處處接壤浙師勢難兼顧現因湖州未復東自吳江平望西至宜興溧陽數百里間均須分守牽掣許多兵力長興攻克足扼湖州之吭若郭松林各軍乘勝進趨與潘鼎新吳淞南潯各營李朝斌太湖水師各營分路並進或可漸冀得手又不知東南浙軍能否齊進如即調攻金陵臣軍大半分守各城惟郭松林劉士奇王永勝楊鼎勳等為游擊之師其鎗隊最為得力自須調往又恐湖賊乘間內竄若欲臣會攻金陵復令臣協勦湖州臣力實有不給若令臣棄湖州而赴金陵事體固分輕重時勢固有緩急臣敢不仰體

李文忠公奏稿 卷六

朝廷與督臣殷殷責望之意但使臣統兵遠去而湖賊窺伺入境孰與主持調度若僅分兵遠去少則無濟於事多則各統將資望相等號令不一與曾國荃各軍錯處圍城之下曾國藩與臣皆不放心且各軍礮隊現尚未齊將來湊齊時開有雇用洋人教習恐亦非諸將所能節制籌思至再似乏兼全之術頃據郭松林等稟稱現在天氣炎熱洋鎗連放三四次即紅多則炸裂開花礮放至十數出後即不能著手昨攻長興各項礮具俱已震損亟須回蘇修整以後節交三伏戰事頗難亦係實在情形惟是疊奉嚴旨飭臣軍會攻金陵曾國藩兄弟又屢次檄調事關大局無論有濟與否必應竭力相助臣擬日內由太湖馳赴長興前敵察看軍情賊勢相機調撥仍即折回蘇城恭候諭旨酌奪辦理所有籌畫大概情形附片具陳伏乞

奏稿六 全

聖明訓示謹

李文忠公奏稿卷六

三五

李文忠公奏稿

卷之七目錄

擬抽隊會剿金陵摺 同治三年六月十七日
 金陵克復改派各軍截剿收匪摺 同治三年六月十九日
 湖州攻克晟舍賊壘摺 同治三年七月十六日
 進規廣德片 同治三年七月十六日
 克復湖州摺 同治三年七月二十九日
 京營弁兵到蘇學製外洋火器摺 同治三年七月二十九日
 攻克湖州詳細情形並克復四安廣德摺 同治三年八月初五日
 銘軍擊賊甯國孝豐安吉界內摺 同治三年八月二十三日
 陳明蘇省兵餉片 同治三年八月二十三日
 欠解三成船鈔請歸本省軍需造銷片 同治三年八月二十三日
 克復蘇省並浙江各城案保獎摺 同治三年九月初三日
 馬格里請賞三品頂戴片 同治三年九月初三日
 奏保陳鼎片 同治三年九月初三日
 北洋豆貨上海一口請歸華商轉運摺 同治三年九月初十日
 收回北洋豆利保衛沙船片 同治三年九月初十日
 援案請發餉票找欠餉片 同治三年九月初十日
 撥借甘餉三萬兩摺 同治三年十月初七日
 監臨鄉試片 同治三年十月初七日
 蘇太分建考棚片 同治三年十月初七日
 豁免江甯七縣錢漕摺 同治三年十月二十五日
 請裁富明阿一軍分協甘皖軍餉片 同治三年十月二十五日
 惠山建立昭忠祠片 同治三年十月二十五日

蘇軍征調分防情形摺 同治三年十一月初五日
 停止攤捐船工片 同治三年十一月初五日
 豁免攤款摺 同治三年十一月初五日
 赫德請加按察司銜片 同治三年十一月初五日
 免追徐佩瑗前領餉銀片 同治三年十一月初五日
 本科鄉試通融辦理摺 同治三年十一月二十九日
 劉銘傳等軍暫難赴豫遠征摺 同治三年十二月十九日
 軍需核實報銷摺 同治三年十二月二十七日
 京營官弁習製西洋火器漸有成效摺 同治三年十二月二十七日

奏稿七目錄

李文忠公奏稿卷七

全集一之七

桐城吳汝綸編錄

擬抽隊會剿金陵摺

同治三年六月十七日

奏為馳赴長興察酌大勢擬先抽派鎗礮隊一萬四千人會剿金陵仍撥兵分守太湖東西兩岸俟浙軍進剿湖州相機夾攻恭摺仰祈

聖鑒事竊臣等奉

諭旨撥兵會剿金陵當經兩次附片馳陳並聲明長興克復親赴前敵察看軍情賊勢相機調撥於六月初一日由蘇啟行途次接奉五月二十九日

寄諭著於所部各營內挑選精壯便捷善於攻城者二三千人即交劉銘傳等帶赴金陵長興如即克復該撫統率諸軍助攻金陵不必定俟湖州克復等因欽此又奉六月初四日

寄諭著李鴻章仍遵前旨俟長興克復後赴援金陵並令劉銘傳等督帶選鋒先行馳往助剿等因欽此仰見

宵旰憂勤先其所急之至意臣由太湖沿路察看徑抵長興查知前次攻克該城斃賊甚眾逆首劉官方是否死於亂軍之中未得確據援逆敗退四安湖州等處雖尚負固而賊氣漸衰長興距湖州六十里形勢最為扼要賊與我所必爭既經攻克若不分兵他

往自應乘勝進攻惟念屢奉

廷旨諄諄以會剿金陵為急督臣何國藩疊次奏咨並聞鄂賊已竄過麻城黃岡有直趨皖境之勢誠恐金陵飢困之賊偵知援逆漸近死灰復燃於大局殊有關礙臣由長興回蘇後即檄調南鎮總兵王永勝所部十營古州鎮總兵劉士奇所部八營由長興

拔隊並程學啟所遺開花礮隊交王永勝等督帶前往又調現駐句容之馮德提督劉銘傳各營五成鎗隊並所部軍乃爾開花礮隊又調現紫深陽南渡之提督周盛波挑選精銳鎗隊一千人併歸劉銘傳一起炮口會合赴援金陵因天氣酷熱軍士遠役易致疾病屬令曉夜登程分起徐行其輜重糧藥礮位子彈均由水路裝運長江千里船隻維艱須月杪方能齊備該軍等行抵金陵應由何路進隊何門紮營何處安礮已諄諭各將細心妥籌稟請曾國荃指示調度並派劉銘傳先赴金陵周察地勢熟商辦理現在湖州未復蘇防未鬆臣暫難遠離俟各軍拔營後如此開防期大局布置定妥臣擬乘坐輪船攜帶常勝軍所遺礮隊前往協攻仍勉期往還以圖兼顧至湖州賊股尚眾附城三十里面面堅壁昨准左宗棠來緘不欲急攻吳興先規安吉孝豐以斷甌路現

奏稿七

孝豐已復浙軍正圖安吉一時似難直趨湖州而蘇境與湖州接壤中隔太湖有李朝斌水師足以禦之其太湖西岸由長興而達宜興溧陽是長興須留重兵臣揀派郭松林楊鼎勳十五營分屯長興城內外並調現守溧陽之道員吳毓芬水陸五營移駐長興之夾浦口而調總兵周盛傳三營據守溧陽其太湖東岸由吳淞南潯而達平望潘鼎新一軍分扼數處尚嫌單薄擬調現駐松江之劉秉璋七營進紮平望與潘鼎新合力堵剿如浙軍由湖州東南進佔湖西郭松林各軍與湖東潘鼎新各軍即可聯絡並進會同李朝斌由大錢小梅各口進趨湖郡西北以勦為堵聊分賊勢而助長圍總之金陵湖州兩處攻剿均尚費手臣之兵力原不足以及兼營惟金陵關係數省全局如能協力攻克則湖州自亦解體區區愚慮欲遵

行協攻金陵仍兼防湖賊內竄相機而動所有酌量分撥各緣由
繕摺馳陳伏乞

皇太后

皇上聖鑒訓示謹

奏

奏稿七

三

金陵克復改派各軍截剿敗匪摺同治三年六月十九日
奏為金陵克復改派各軍截剿敗匪並擬乘機分路會攻湖州恭
摺仰祈

聖鑒事竊前派劉銘傳劉士奇王永勝各軍協剿金陵正在料理
啟程適准曾國荃飛咨江甯省城於十六日午刻用地道克復仰
惟

皇太后暨我

皇上宵旰憂勤刻刻以金陵老巢未拔為慮茲曾國荃冒暑督戰
有志竟成從此東南大局立見轉移各省竄賊聞而解體無難以
次例平皆緣

聖德感孚天人應助仰承

先皇未竟之志藉慰

奏稿七

四

列聖在天之靈率土臣民同深欣慶況臣忝司疆土獲見肅清其
驩忭感貫下忱尤無既極除克復詳細情形由督臣曾國藩等具
奏外惟金陵賊首是否就擒全股能否殲滅曾國荃來咨未及詳
敘各處探報亦未確知誠恐敗匪乘間衝竄臣飛飭現守句容之
劉銘傳現守東壩之黃中元鄭國魁現守溧陽南渡之周盛波等
分兵嚴守城隘一面探明賊蹤合力兜剿務使悉數殲擒毋或漏
網臣初檄調王永勝劉士奇兩軍由長興拔赴金陵但留郭松林
楊鼎勳分守該城兵力稍單難遽深入茲飭王永勝等折回長興
併由太湖西岸進紮劉秉璋潘鼎新兩軍併由太湖東岸進紮仍
會同李朝斌太湖水師與浙軍會剿湖州左宗棠所部現分攻安
吉如即得手則浙信漸緊可與蘇軍通氣臣惟督飭郭松林等聯
絡齊進以圖合力攻克仰慰

聖廟所有金陵克復改派各軍分投堵剿緣由繕摺馳陳伏乞
皇太后
皇上聖鑒訓示謹
奏

奏稿七

五

湖州攻克屍舍賊壘摺 同治三年七月十六日
奏為湖州東路水陸官軍疊次苦戰攻克屍舍等處賊壘大獲勝
仗恭摺仰祈

聖鑒事竊臣前派王永勝郭松林等軍由太湖西岸進紮潘鼎新
劉秉璋等軍由太湖東岸進紮會同李朝斌太湖水師與浙軍會
期湖州於六月十九日陳明在案嗣准左宗棠來函知浙軍蔡元
吉進紮湖州東南之長超山被賊圍攻甚急並由蔣益澧屢次函
商潘鼎新促攻屍舍賊營以分賊勢潘鼎新以浙軍待援孔迫且
屍舍悍賊麇集北自織里至湖濱西自錦山至湖郡一片蔓延即
我南潯各營兼恐受敵遂於六月二十二日調派駐平望之方有
才焦宗良二營移紮舊館頭敵並調唐宏成戴春林趙濟川潘鼎
立韓照揚丁壽昌劉思河吳秉權等各抽行隊繼之屍舍之賊憑
河自固港汊紛歧於街口排立石礮四座外加木城內挖地窖以
避開花礮彈我軍槍築三營於對河安放炸礮二十四日黎明趙
濟川督放礮位唐宏成戴春林焦宗良由北岸總擊屍舍北街石
營潘鼎新韓照揚方有才由中路攻其臨河石礮丁壽昌等在中
路策應水師徐道奎曾泗美亦以礮船對轟自卯至午賊營屋盡
轟倒死踞如故西而援賊忽至丁壽昌唐宏成併力夾擊乘勝撲
營賊倚兩河為濠我軍晷過第一河賊以排鎗死抵丁壽昌方有
才揮勇過第二河賊於河內木樁上釘鐵籤我軍更番猛撲不
得上傷亡甚多且正午酷熱軍士發暈遂行收隊潘鼎新復從吳
淞添調夏金標一營二十四日李朝斌亦從太湖駛至與潘鼎新
周察形勢議須逼近紮營便於轟礮二十五日潘鼎新令夏金標
在對面頭濠外乘夜搶築營壘二十六日令方有才趙濟川乘夜

兩面築營為犄角賊屢於半夜斃水偷營輒擊走之唐宏成韓照揚焦宗良紫舊館西頭兩岸為中路接應潘國揚潘鼎立紫舊館之東為後路接應其南潯之丁壽昌三營仍以行隊為游擊之師曾泗美徐道奎師船依護前敵李朝斌復添調太湖水師四營登岸出隊二十七日各軍會合前敵分路齊進賊匿壘穴中狙擊之不少動我軍海生輪船炸礮與水師連環轟打賊營已塌數丈太湖水師營官江福山帶隊登岸大呼躍濠各軍繼之將近壘邊適錦山織里援賊雨而至壘賊連放排鎗弁勇傷亡不少江福山推鋒直前鎗子洞胸穿背立時陣亡援賊乘勢撲犯我軍水陸夾擊斃賊極眾賊始敗回仍因酷熱收隊賊遂於營外添築長牆一道層層礮眼日夜擊我前敵三營七月初一日李朝斌自帶水師三營與唐宏成攻展舍北街潘鼎新令潘國揚潘鼎立各營攻展舍中街及塘沿礮水師護之自辰至午炸礮塌賊牆其內濠石橋礮臺一座亦已轟倒各軍乘勢過河拔橋進撲第二濠賊於礮臺塌處填塞柴薪灌以藥桶火發被阻踰濠之勇并力撲營三四次賊排鎗如雨水陸營官潘鼎立田名魁張陞楷等均受鎗傷哨弁勇丁傷亡二百餘名賊壘外牆雖倒內營屹立探知新添悍賊三四千人拚命死守我軍勢難銳進仍復止攻潘鼎新因思賊營隔河兩道非繞出北路數里廣搭浮橋不能越衝北街賊壘非轟破沿塘礮臺盡絞木椿不能越衝南路賊壘中路當賊正面非得制禦排鎗之法不能肉薄中街各賊壘連日購備稻草木料竹牌溼絮賊仍以大礮對轟我軍不動十一日初更後潘鼎新令潘國揚潘鼎立何孝繼分繞北路搭橋一面乘夜輪攻牽掣賊勢水師田名魁徐道奎督礮船相輔進四鼓收隊以唐宏成焦宗

良繼之十二日午前收隊以夏金標方有才繼之戴春林督隊憑牆施放炸礮各軍環攻該逆死拒不退北路賊里後林援賊疊撲均被擊退遂搶成浮橋數道阻於利濟寺大卡未進中路炸礮轟倒北街中街賊營各礮臺皆洞穿阻於沿塘礮臺未進我軍以鎗礮守住缺口夜不收隊賊亦拚命搶護十三日五鼓潘鼎新自帶潘國揚潘鼎立何孝繼唐宏成從北面直走織里來路埋伏桑林填小河三道包抄利濟寺卡後丁壽昌劉思河吳秉權從中路進夏金標方有才焦宗良從南路進以李朝斌所派曾泗美田名魁協同徐道奎水師由塘河盤起木椿派海生輪船轟擊臨河橋邊礮臺先是浙軍張景棠營偏西並令出隊協勦自辰至午賊營盡塌猶恃木城死拒當揮令各軍猛撲北路潘國揚潘鼎立唐宏成先奪利濟寺卡填河繼撲總管堂賊營潘鼎立製創礮戰立破之賊沿港亂竄直追至北街賊後丁壽昌丁德昌劉思河吳秉權率勇由中路填河拔橋鎗雨密頭隊傷墜後隊繼之楊春發周式貴首先登壘中街兩壘皆破南路擊毀礮臺夏金標方有才焦宗良與田名魁等水陸並衝將塘大石壘攻破北面壘賊突見我軍自後撲至紛紛驚潰唐宏成潘國揚韓照揚等乘勢掩殺北街石壘亦破於是鎮後賊營皆棄壘狂奔曾泗美田名魁等帶隊登岸踏毀西首沿塘各壘水陸合力窮追直至昇山八里店南北官塘之賊截殺過半計共踏毀屋舍總管堂昇山等處石壘八九座轟斃殺斃淹斃無數營官唐宏成肘受鎗傷劉思河腹受鎗傷吳秉權手受鎗傷弁勇共傷亡三百餘名臣查展舍當湖州東面與連南之長超山連北之織里後林各賊壘黏連一氣實為湖城屏蔽據左宗棠函稱獲賊訊供知堵輔各逆意在趨重東路內

竊嘉興是以更番調派悍黨守此要隘地勢憑河數道本極險固
 守賊堅忍尤逾尋常自浙軍張景渠等屢攻未下李朝斌潘鼎新
 又兩次環攻未能立破臣深為焦慮若晟舍不克浙軍圍且益急
 並恐由織里後林一帶繞襲南潯平望後路茲潘鼎新等於炎天
 烈日中督率水陸晝夜猛攻將士傷亡枕藉卒以苦戰拔此堅巢
 從此湖東賊勢漸衰不難次第洗俟西面各軍得有進步即可
 漸逼漸緊以期得手此次尤為出力之按察使銜常鎮通海道潘
 鼎新苦心孤詣攻堅奪隘百折不回可否請
 旨賞加布政使銜並
 賞給勇號記名總兵唐宏成潘國揚可否
 記名遇有提督總兵缺出即行簡放提督銜記名總兵曾泗美可
 否以總兵遇缺儘先提奏總兵銜儘先副將田名魁副將銜參將
 已保總兵韓照揚戴春林儘先副將徐道奎儘先游擊已保副將
 潘鼎新夏金標方有才可否均以總兵
 記名簡放戴春林可否並
 賞給勇號江蘇即補道丁壽昌可否
 賞加按察使銜並
 賞給二品封典儘先游擊已保副將銜參將丁德昌可否以副將
 儘先推補並
 賞給勇號儘先千總已保都司銜守備劉思河可否免補都司守
 備以游擊儘先拔補並
 賞加副將銜候補知州萬國順同知銜候選通判吳秉權焦宗良
 可否均
 賞加知府銜已保游擊銜都司儘先守備楊春發周式貴已保都

李文忠公奏稿 卷七

司儘先千總陳繼宗可否均
 賞加參將銜其陣亡之太湖水師營官記名總兵江福山號勇過
 人在蘇浙境內戰功甚偉此次冒險奮進捐軀尤烈可否懇
 恩敕部照提督陣亡例議卹並於死事地方建立專祠化翎守備
 已保都司將正芳已保都司儘先把總胡廷貴已保花翎守備藍
 翎把總胡永泰已保藍翎千總六品軍功花永和已保藍翎把總
 曹得順外委孫得才可否均
 敕部照擬保官階陣亡例分別議卹其餘出力及陣亡將士員弁
 容臣查明彙案分別奏請
 獎卹外所有水陸官軍疊次苦戰攻克晟舍等處逆孽緣由理合
 繕摺由驛馳陳伏乞
 皇太后
 皇上聖鑒訓示謹
 奏

四一

進規廣德片 同治三年七月十六日

再金陵既克湖州踞賊偽堵王黃文金偽輔王楊輔清等匪眾十餘萬仍固死守一以湖州襟山帶湖西南則營壘層疊東則于港白汊形勢甚險糧食甚多足以自固一以廣德四安安吉各處分眾踞守犄角勢成該逆可由此上竄徽浙而江西大股亦可由徽浙經廣德而回援湖州蓋湖州其堂奧而廣德四安其門戶也現在安吉一路左宗棠派兵堵剿並復飭郭松林王永勝劉士奇楊鼎勳等由長興呂山進攻尹隆橋大德橋一帶賊壘直搗中堅如能剋期攻拔則由湖州至四安之路已斷惟探聞廣德州城內外有偽王數人帶萬餘賊踞守該處東達湖郡西通東壩北接建平深陽為賊匪來往要道實皖浙江蘇三省樞紐之區目下蘇境肅清腹地無事臣擬派現守句容溧水之遇缺提奏提督劉銘傳統帶所部並現守南渡之提督周盛波各營由東壩建平前進以剿為堵相機攻取儻得廣德而守之湖賊去路既梗羽翼漸孤而江西皖南回竄之路亦少且與郭松林等西路各軍兩面夾擊較為得勢惟聞由建平至廣德山徑叢歧人煙荒涼河路不通轉運極艱是以數年以來曾國藩屢議分兵攻守而力有未逮臣劉銘傳督率各軍酌度機宜仍力顧東壩深陽各防穩慎籌辦至廣德四安去路若斷誠恐湖賊鋌險內竄沿湖東面亦須添兵協剿潘鼎新所部由舊館晟舍進紮劉秉璋所部由吳淞軋村進紮勢已聯絡惟白湖濱之大錢口連東而至昆山昇山賊營林立必須次第攻打又添調現守常州之簡用道張樹聲所部六營由平望前進會同潘鼎新劉秉璋合力進取仍分顧後路以防竄突並飭隨時商會浙軍分道夾剿互為聲援所有近日調派各路軍情除

咨明兩江督臣曾國藩閱浙督臣左宗棠外理台附片縷陳伏乞聖鑒訓示謹奏

奏稿七

十一

克復湖州

奏為劉銘傳各軍進攻廣德郭松林等軍猛攻四安中路潘鼎新劉秉璋各軍分進辰合大鏡口連番攻剿賊勢窮蹙遂於二十七

日克復浙江湖州府城恭摺仰祈
聖鑒事竊臣調派諸軍分路進取三面圍困湖州會合浙軍夾剿於七月十六日獲晰奏報在案自潘鼎新攻克辰合賊壘沿湖東岸賊營皆潰敗逆日有逃散潘鼎新乘勝進紮辰合劉秉璋一軍由吳淞楊馮備紮湖東要隘之大鏡口張樹聲一軍又由南潯進紮織里聲援極壯各營連日出隊迭有斬擒聞湖州賊勢趨重四安一路飛催劉銘傳郭松林等分路乘機蹙之劉銘傳於二十日親督馬隊及黃桂蘭兩營先赴建平至廣德一路酌察布置劉盛藻唐殿魁周盛波各軍陸續進日下計抵廣德城根接仗其

攻剿若何情形俟馳報到日再詳細奏明至湖州西而尹隆橋大德橋一帶上通四安廣德大道該逆節節聯營以護竄路臣飭郭松林王永勝劉士奇楊鼎勳等長興各軍由呂山進攻尹隆橋扼其中段要害詎該逆先於尹隆橋大河南岸築壘十數座又於橋頭築石卡月牆一道上流橫塘渡另築多壘廣搭浮橋與尹隆橋援應犄角王永勝派開字新中營與賊對紮該逆復於月牆左右添築兩營牆外掘濠二道寬約二丈引漕河水深可滅頂排釘木城繞壘五市又加釘梅花椿數十層極為嚴密郭松林等連夜起築長牆調齊劉玉龍所帶開花礮隊安設轟打十五日晝至未刻賊壘稍自缺處而湖州大股憑河埋伏勢若長蛇守賊於營卡地窖中堅伏不動廖德旺高占彪舒義志李長樂文茂林等奮勇先進拔橋偵濠適因水深不能覺渡乃伏賊齊起鎗礮環施首登

之哨官張祖述死之高占彪舒義志等皆受重傷天晚收隊十六日我軍復以炸礮轟擊午後于奇洋顏邦桂張正久王萬劍等衝鋒齊進賊礮愈密三面夾擊傷亡弁勇不可勝計是夜郭松林派李長樂宋德鴻等楊鼎勳派王萬劍周河清等率隊潛拔濠外木椿十七日激勸眾軍鼓勇齊登並飭呂山大德橋橫塘渡各營嚴截援賊已刻開花礮轟缺賊卡一處眾勇各負礮柴一束填塞賊濠王永勝劉士奇率隊在前郭松林楊鼎勳嚴督於後一呼猛進直抵內濠賊眾以鎗礮層層阻擊拚死抵守弁勇傷亡雖多郭松林揮令急進又被鎗子中傷左膀正欲逾濠登壘忽大雨如注鎗藥皆溼收隊回營湖城賊眾仍逐日添隊前來死護堵逆黃文金復挑悍賊數千繞呂山後路八字橋阻我糧道十九日郭松林抽派李長樂文茂林顏邦桂三營馳往李家巷搶築營壘又派各

營行隊助紮辰刻李長樂等營壘半就賊眾由洞子門蜂擁來撲我軍迎戰兩時斃賊甚夥參將何錫恩死之各軍憤極齊上賊遂潰退二十日湖城大隊自尹隆橋接連八字橋洞子門沙水橋白龍洞一帶表延二十餘里傾巢來爭郭松林飛調易剛宋德鴻周蘭亭等迎敵自督李長樂等斷後劉士奇王永勝各率兩營由呂山夾擊楊鼎勳督守尹隆橋老營已刻山上賊旗搖動羣逆吶喊衝下易剛等整隊接戰鎗礮對轟易剛受傷甚重郭松林率李長樂等捲旗突入來往縱橫並飭王平西礮船由河內助轟斃賊無數賊陣漸亂王永勝劉士奇由山脊翻下疾如風雨逆眾倉皇紛竄陣前偽列王黃十四乘勢掩殺斃數千名王永勝追過洞子門片股山後小路出援郭松林分隊擊走之共傷亡弁勇百餘名聞賊眾皆懼四路有欲竄之勢飛飭潘鼎新劉秉璋

等相機進攻二十六夜昇山守逆棄壘先走潘鼎新會合浙軍劉
樹元等帶隊追剿二十七日清晨追至八里店該逆回拒水陸各
軍併力夾擊大破之追至三里橋該處壘逆望風狂奔李朝斌劉
秉璋張樹聲等各進大錢口攻毀賊營十餘座併至城下沿途殺
斃淹斃賊匪無算敗賊擁擠入城閉門不及潘鼎新等率隊奮勇
先登由東門而入斬賊甚眾遂於七月二十七日已刻克復浙江
湖州府城潘鼎新已會同浙軍入城布守臣得信後飛飭郭松林
王永勝等由四安中路截剿劉銘傳周盛波等由廣德前路兜剿
計此路賊營最密山徑叢雜難可開道衝突而我軍分投掩捕合
力追擊亦難善脫除浙軍攻期情形由左宗棠具奏廣德四安戰
狀容臣續行詳奏外查此次肅清蘇浙尤為出力之已保布政使
銜常鎮道潘鼎新督隊苦戰克復名城翰林院侍講劉秉璋躬冒

矢石治軍嚴整雲騎尉世職

奏稿七

五

賞穿黃馬褂江南提督李朝斌謀勇兼優所向無前三品頂戴簡
用道張樹聲堅忍百戰積功甚偉以上四員應如何優加獎勵之
處臣未敢擅擬伏懇

聖裁至統領兵勇之過缺提督劉銘傳周盛波福山鎮總兵
郭松林南贛鎮總兵王永勝古州鎮總兵劉士奇記名簡放提督
楊鼎勳均力扼要衝拚力戰爭應俟廣德四安克復截剿竄賊報
到再由臣核明據實保奏其力戰陣亡之擬保副將銜儘先參將
何錫恩擬保參將銜國春擬保參將銜儘先游擊張祖述擬保游
擊銜儘先都司余兆貴曹廣惠均從征日久每戰當先應於蘇州
克復案內彙保尚未出奏請
旨敕部各照擬保官階從優議卹以慰忠魂其餘應獎應卹人員

容再查明彙奏所有各軍滾營進逼攻剿獲勝克復浙江湖州府
城大概情形專摺馳陳伏乞

皇太后

皇上聖鑒訓示謹

奏

奏稿七

五

京營弁兵到蘇學製外洋火器摺

奏為奉發京營弁兵到蘇分派各局學習製造外洋火器遵
行酌定薪水等項恭摺陳仰祈
聖鑒事竊臣於本年五月間奉

寄諭總理各國事務衙門奏請派京營弁兵學製火器一摺據稱
練兵之要制器為先洋人所製炸礮炸彈等項尤為行軍利器現
在李鴻章軍營製造此項火器已有成效擬請飭火器營於曾經
學製軍火弁兵內揀派武弁八名兵丁四十名發往江蘇一體學
習等語所奏自係為思慮豫防起見本口業經諭令火器營照該
衙門所請派撥矣此起弁兵俟抵江蘇後即交李鴻章差委專令
學習炸礮炸彈及各種軍火機器如能留心學習著有成效者准
該撫從優奏請獎勵其有怠惰偷安不遵約束者即照軍法治罪

奏稿七

該撫務當明定勸懲俾該弁兵等盡心講求以期備得西人之妙
該弁兵等到蘇後該撫務須加意稽察妥為防閑俾秘妙之傳不
致稍有漏洩方為妥善所有應給薪水等項即由江蘇酌定支發
准其作正開銷等因欽此並先後接准總理各國事務衙門暨三
口通商大臣崇厚咨會此項弁兵已由津附搭輪船赴蘇即經行
知蘇松太道飭俟該弁兵等到滬時妥為照料隨據該署道丁日
昌呈報護軍參領薩勒哈春等官兵四十八員名跟役十二名於
六月二十日抵滬遵將自津來滬輪船價值在於船鈔項下發給
並備船送至蘇省臣接見該參領等並將各兵丁逐名點驗逐細
教導令其悉心講求緣軍先後購覽西洋炸礮每月操練攻勒
需用炸礮甚多不能不添設製造局分濟應用計現開炸礮三局
一為西洋機器局派英國人馬格里履洋匠數名照料鐵鑪機器

又派直隸州知州劉佐禹選募中國各色工匠幫同工作一為副
將韓殿甲之局一為蘇松太道丁日昌之局皆不雇洋人但選
中國工匠仿照外洋做法當即酌令儘先參領薩勒哈春候補副
參領崇喜並護軍校常英王慶等四員帶京營兵二十名赴洋人
馬格里等礮局又令儘先副參領色布什新並護軍校達呢阿等
二員帶京營兵十名赴韓殿甲礮局又令額外空花翎德俊並護
軍校常慶等二員帶京營兵十名赴丁日昌所設礮局該三局分
配學習參互考校責成局員會督弁兵指引各項門徑並隨同匠
作勞身苦思究其精微臣仍隨時查詢試能否以定優劣立賞罰
以示勸懲該弁兵等如學習有效必當遵
旨從優保獎若怠惰偷安或該管官約束不嚴各局員未經細心
教導亦必分別懲處俟製造略臻精熟再酌選明白勇敏者派往

奏稿七

礮隊營中學習演放步伍準頭逐漸推求以期稍得西法之妙至
該弁兵等應給薪水等項奉
行由蘇省酌定支發作正開銷臣查此項薪糧無案可循飭由報
銷局查照軍需則例開呈京營弁兵調往軍營應支鹽折等項分
別擬具支數請示前來惟蘇省兵燹之餘食用較貴各局工匠因
係製造礮器多方糶糜其口糧較常例均加數倍況該弁兵由京
道遠來南學製火器要件責令格外用心薪糧應較軍營加厚以
示鼓勵當即酌定職分較大之參領薩勒哈春副參領崇喜色布
什新空花翎德俊等四員每月支給薪水庫平銀三十六兩
其餘帶之護軍校常英王慶達呢阿常慶等四員每月支給庫
平銀二十四兩兵丁四十名每月支給庫平銀八兩跟役十二
名每月支給庫平銀三兩書識紙張雜費每月共支給庫平銀

十兩均不計建總其月支庫平實銀六百零六兩自六月二十到
滬之日起支按月由海關道庫給發作正開銷除咨總理衙門暨
戶部備案外所有京營弁兵奉發到蘇分派各局學製外洋火器
酌定應支薪水等項各緣由理合繕摺陳伏乞
皇太后
皇上聖鑒訓示謹
奏

奏稿七
十九

攻克湖州詳細情形並克復四安廣德摺同治三年八月初五日
奏為攻克湖州西路官軍先奪大德橋尹隆橋要隘痛勦賊匪詳
細情形並各軍分路猛攻克復浙江四安鎮及安徽廣德州城恭
摺馳陳仰祈

聖鑒事竊湖州克復西路官軍大略戰狀及劉銘傳各軍進攻廣
德經臣於七月二十九日馳報在案先是尹隆橋賊壘屢攻不下
郭松林楊鼎勳劉士奇王永勝等會議以賊聚守一處無隙可乘
須避實擊虛改由後路抄入七月二十五日郭松林飭李長樂等
派隊出哨青草鵝一帶聲言由洞子門進攻八字橋以分賊勢密
令各營多紮木筏乘夜繞大德橋渡河先奪扼橋賊壘仍用炸礮
聲攻尹隆橋使賊首尾莫顧是夜劉士奇令張家瑜譚正武沿北
岸小河二道起築浮橋令張正奎左日昇等除隄內荆棘葺葺修

整馬路二十六夜二鼓時密令各營撥木筏下河用長纜大錨層
層聯繫直接南岸官塘劉玉龍礮隊排列尹隆橋前不時轟擊葉
廷杓龔生陽王萬釗周河清率隊吶喊開放鎗礮李長樂文茂林
顏邦桂派隊由洞子門登山多用火箭噴筒下擲作攻八字橋之
勢郭松林楊鼎勳劉士奇王永勝均於大德橋親督于奇泮陳日
有廖德旺陳有昇舒義志張道道覃洪陞等六成隊銜枚疾趨飛
渡過河三面圍攻橋邊逆賊大驚潰我軍拔檣踰濠爭先擁登
壘賊悉數擒斬訊賊供稱偽王相李紀才離此三里依山紮營十
餘座當派張家瑜駐守此壘飛速率隊往攻並分軍備勦虹星橋
尹隆橋兩面援賊進及里許正遇賊隊前來我軍奮呼衝擊賊不
能支回奔山下入營拒守繼見我軍圍急遂相率開營跪降計大
德橋及沿山賊壘於五鼓時一律掃平劉士奇令所部各營移紮

南岸官塘郭松林等派隊依護於是山湖州至四安廣德之路遂
斷二十七口探知城中賊全股來爭此路郭松林等飛約東路水
陸各軍乘機攻城令龔生陽王萬劍葉廷杓三營伏尹隆橋河北
李長樂文茂林顏邦桂三營伏八字橋河邊伺隙出擊午刻堵逆
黃文金率悍黨數萬由尹隆橋蜂擁而來其勢甚驟郭松林督隊
由左首官塘接仗令淮揚水師及王平西礮船沿河助攻王永勝
督隊由右首山邊小路接仗楊鼎勳劉士奇督各營從中路迎戰
堵逆利臂銜刀率騎馬老賊數百衝鋒數次均被鎗礮擊回仍冒
矢突煙驅眾猛撲經郭松林王永勝左右夾擊楊鼎勳劉士奇直
搗中堅各營官衝突入陣斃賊二三千人堵逆見勢不支率眾回
奔追至橫塘渡尹隆橋適與生陽等從北岸猛攻橋逆拚死相拒
郭松林等麾軍從後圍抄立破礮斃十餘座搶斬千餘人淹斃無
算李長樂亦乘勝攻取八字橋其嶺岡之賊知湖城已被四安又
不得去遂折而逃南突分兩股一從北岸一由河南盡向港口小
溪口梅溪一帶直趨安吉郭松林等飛派李長樂文茂林顏邦桂
三營從城隍山略取湖州一路郭松林率隊由八字橋渡河追剿
王永勝山塘口河北向港口追剿楊鼎勳由尹隆橋向小溪口追
剿劉士奇由大德橋向梅溪追剿王永勝追至港口拆斷浮橋適
郭松林踵至南岸賊約萬餘悉偕山谷聚斃無遺劉士奇楊鼎勳
追至小溪口及安吉縣之梅溪鎮郭松林王永勝亦至四面圍殺
伏屍二三十里河水皆赤偽列王等逆酋皆死焚奪賊船千餘隻
旗幟器械馬匹無數生擒逸賊萬餘救出難民數千人餘賊尙匿
梅溪山間因夜間陰雨泥滑軍士勞苦暫就民房休息仍擬人山
搜剿此七月二十五六日郭松林等軍奪獲大德橋賊壘先斷湖

州西竄四安之路二十七日湖城克復又截剿城中悍賊踏平西
路賊壘連夜追賊南至梅溪大獲勝仗之情形也前由溧陽調紫
長興之道員吳毓芬於二十七日探知湖賊出竄恐其分股由林
成橋以達四安當於是夜親帶洋鎗隊八百名冒雨宵出並派羅
義勝選水勇六十名擡小舟數隻隨行黎明馳抵觀音橋賊尙未
知我軍用小舟渡過數十人賊驚阻戰吳輔仁張裕文踰濠拔樁
躍上營牆連擲炸彈吳毓芬率兵乘之萬國本帶數十人梟水直
撲賊營賊大駭潰斬殺溺斃百餘人吳毓芬見要隘已得令吳毓
蘭羅義勝循河南攻午山橋賊營自帶陳占榜余嘉鼐周金海等
由河北進攻林成橋賊阻橋爲營復有小營倚角吳育仁用炸礮
排擊連環疊發斃賊無數死拒不退適吳毓蘭已由午山橋攻破
二營繞至林成橋南賊始棄營狂奔向四安而走吳毓芬整隊急
追二十里遙見路南山中賊多如蟻盡向西奔沿路斬擒七八
百名投降千餘器械糧糈拋滿道路未刻追至四安該逆於河北
紫三營河南二營竄賊廣集船隻塞河營賊四五千列隊迎拒
復出二三千人由河南沿山繞抄我後吳毓蘭急帶洋鎗隊二百
人設伏路南柳林以十餘騎誘賊果涉水擁至伏兵起擊我軍
隨後掩殺吳毓蘭率萬國本席正賢數騎衝入賊隊大呼降者不
殺跪降千餘人河南二營之賊驚潰吳毓芬令河北陳占榜連環
開鎗嚴陣進逼余嘉鼐熊克明鼓噪乘之連破三營追殺五六里
時已申正弁勇一日夜冒雨轉戰八十里計斃賊目數千擒
斬千餘解散三千餘人奪獲偽印八顆小賊船一千餘隻此二十
八日吳毓芬一軍由長興觀音橋追剿直破四安及沿路賊壘之
情形也劉銘傳督軍於二十五日抵建平查勘建平至廣德河路

不通運糧甚艱並探知廣德踞賊在城外築壘增濠遂於建平布
置糧道先令周盛波黃桂蘭張志邦等移紮離建平四十里之白
茆嶺水口二十八日自率劉盛藻黃中元等至桃成鋪二十九日
黃桂蘭張志邦等率三成隊及馬隊至城邊橫山頭賊出隊迎
拒我軍鎗礮齊發戰不逾時賊遽返奔追至西門適先調現守
溧陽之周盛傳亦派行隊助勦並抵北門城逆見我兩路並進遂
率大隊由南門出走我軍分路兜殺斬數百名餘匪向甯國安
吉山中竄去日暮路險我軍隊伍過單未便窮追遂將廣德州城
克復劉銘傳商派周盛波黃桂蘭等入城駐守此二十九日劉銘
傳等克復安徽廣德州城之情形也據各路將領陸續稟報前來
伏查湖州踞逆恃有西面官塘窰路節節為營是以負隅不下自
浙軍分攻安吉與左宗棠函商由臣軍橫截尹隆橋大德橋要
隘並進廣德以扼其吭而攻其心郭松林等於二十六夜先克大
德橋賊壘堵逆見咽喉將斷果為背城一戰之舉既不能西乃折
而南圖竄安吉據劉銘傳訊賊供稱廣德四安餘匪僉約初一日
至安吉會齊幸各軍神速猛進沿途敗賊大股受創從萬山叢雜
中逸出無多糧輜重拋棄殆盡前路徽浙交界各有截勦之軍
當不難以次撲滅此次統領湖州西路官軍之記名提督嶺山鎮
總兵郭松林南贛鎮總兵王永勝古州鎮總兵劉士奇記名簡放
提督總兵楊鼎勳統領廣德官軍遇缺提督周盛波苦戰出
奇力截要隘肅清蘇浙功績甚多郭松林王永勝劉士奇均已於
常州克復案內蒙
恩賞穿黃馬褂伏懇
聖裁優加獎卹江蘇補用道吳毓芬請

賞加按察使銜此外尤為出力各員片稿清單恭呈
御覽陣亡之游擊杭進先擬保守備葉雲龍請
旨敕部照陣亡例從優議卹其餘應獎卹人員仍容臣查明彙
奏所有攻克湖州西路官軍追勦窰賊詳細情形並分攻廣德四
安次第克復各緣由由驛馳陳伏乞
皇太后
皇上聖鑒訓示謹
奏

奏稿七 五

銘軍擊賊甯國孝豐安界內摺 同治三年八月二十三日

奏為劉銘傳等軍分路追剿竄賊直抵甯國孝豐安占三縣界內
沿途擊散賊股實在情形恭摺覆陳仰祈

聖鑒事竊攻克湖州廣德四安追剿梅溪竄賊各情形經臣於初
五日馳報在案旋於八月十三日

寄諭命臣飛調兵勇出境追剿並黃逆洪幼逆下落查明具奏適
續據劉銘傳等報稱自七月二十九日廣德克復後三十日已刻

黃文金率賊三萬餘人由四安旁路直趨廣德東門頭隊徑至城
下叫呼蓋猶未知城賊已走也當經周盛波黃桂蘭各帶隊由南

北兩門出擊賊大駭潰適周盛傳率隊自劉洞橋來城正抄賊後
夾攻殲殺無算黃逆行至離城三十里之界牌聞信折由南面繞

竄計廣德中路達孝豐左路達安吉右路達甯國劉銘傳等遂議
三路追剿初一日五鼓劉銘傳率黃桂蘭張志邦等躡蹤緊追傍

晚始抵孝豐縣界之劉村正遇賊隊擒斬數百名獲馬數十匹據
賊供即黃逆黨眾初二日黎明劉銘傳伏兵山谷中伺之辰刻賊

果蜂擁由原道而來俘賊指騎白馬者為黃逆伏兵發喊齊起賊
駭而奔三江兩湖人俱倒戈乞降斬馘散二千餘人白馬賊被

擒實非黃逆乃其部偽天將也黃逆尙在後隊聞前隊殲除率眾
退入山內劉銘傳親率洋鎗隊二百餘人追尋蹤跡行甫數里山

凹中忽出悍賊二千餘人攔放排鎗劉銘傳奮力迎擊相持許久
黃逆殊死戰我軍傷亡百餘人幸黃桂蘭帶隊接應賊由山僻小

路且戰且走追十餘里峻嶺崎嶇時已日暮遂收隊回是日周盛
波率隊追至甯國縣境搜獲槍斫四五千名周盛傳追至安吉縣

境僅搜獲零星逸匪據探賊蹤已去遠矣其二十八日攻克四安

之道員吳毓芬當就賊遺營駐守是晚探知又有梅溪大股繞

至三鼓時親率吳毓蘭余嘉龍萬國本周金海等鎗隊四百名扼

橋嚴陣以待五鼓賊來未知四安已駐官軍徑前相問我軍誑稱

偽昭王之眾俟近排鎗擊之賊出不意狂奔折回自相蹂躪死傷

塞途乘夜追十餘里二十九日黎明及之賊散滿山谷無復隊伍

皆棄械跪降斬頭日十數人解散約四千餘人驅回長興一路分

別資遣三十日復帶隊搜山有騎馬賊酋二十餘盡殺之又散去

四五百人適浙江藩司蔣益澧督隊前來甯山浙軍駐守吳毓芬

遂回長興臣查自湖州四安梅溪廣德連日俱克浙軍又克安吉

我軍網張三面潰逆無路穿走沿山亂竄幾難辨為何股自二十

七至初二日處處追兵起及陰雨路滑賊糧棄盡飢寒疲困紛紛

乞降連日擒溺解散實有五六萬人綜度前後賊情及各路軍報

踞廣德之黃文英若挾洪幼逆出竄則二十九日已入甯國縣界
早赴績溪而去堵逆黃文金三十日始由梅溪山中折向廣德與

幼逆已不能合又經我軍迎頭痛擊而吳毓芬擊散之眾更為別
股據劉銘傳報稱初二日獲賊訊供僉稱堵逆黃文金是日實鎗
斃於陣埋屍甯國鄉間所部死黨二千餘人行糧已盡狼狽不堪
歸楊逆帶去欲由徽境竄江西等語黃文金在賊中最高兇悍既
據賊供伏誅其漏網之眾即再詭託名號黨羽無多兇敵大減左
宗棠已飭調多軍分由江皖兜剿似可漸次撲滅臣軍現在分布
廣德建平東壩溧陽宜興等處除仍酌察動靜相機調度外所有
劉銘傳等軍出境分路追剿沿途擊散賊股各情形謹遵
旨詳細覆陳伏乞
皇太后

皇上聖鑒訓示謹奏

陳明蘇省兵餉片 同治三年八月二十三日

再臣初到上海所部水陸不過萬人前任移交兵勇四萬多不能戰除當時被賊衝潰外其餘悉數裁汰而賊勢浩大夷情詭變臣不自揣量妄思分路進剿以振

國威而伐敵謀然與曾國藩上游之師左宗棠浙東之師相去千餘里中隔賊巢孤立無援不能不陸續添募求自強之術方議分

三大枝進取一由太倉崑山進蘇州則程學啟與戈登常勝軍當

之一由常熟進江陰無錫而達常州則劉銘傳李鶴章郭松林等

當之一由浦東金山衛進浙江之平湖乍浦而達嘉興則潘鼎新

劉秉璋等當之同治二年夏開處陸軍六萬人募練甫齊相輔

並進八月以後忠逆李秀成由金陵回援糾合侍逆李世賢輔逆

楊輔清護逆陳坤書聽逆陳炳文等大股六七十萬分撲前敵各

營叛匪白齊文又為忠逆募洋匪數百拾小輪船三隻助守蘇城

軍情危急萬狀仰賴 聖主威福以次勦平亦由兵數較眾軍火鎗礮較精各將士均尚

奮勇效命非臣所能為力也惟是添募愈多需餉愈鉅臣抵滬時

薛煥吳煦皆以上海稅捐養現兵五萬斷斷不敷督臣曾國藩軍

餉尚不能稍分接濟此外撥款更無絲毫能給臣接手後遂漸添

營多方購備外洋鎗礮用度更繁又值漢九開關滬稅大減之際

因於釐捐一項加意整頓敷衍至今幸未譁潰而臣軍去年僅欠

四箇月口糧今年已逾八月乃祇發過四箇月之餉僅及半關臣

惟激勵各軍忍飢血戰不敢瑣屑上

聞自去冬以來金陵攻期喫緊准督臣咨令月撥四萬兩臣即督

同滬上司道按月勉力分濟鎮江每月三萬則解至今年夏間為

奏稿七

五

奏稿七

五

止今全省雖就肅清而被擾各屬人民稀少田野荒蕪蠶蠶子遺仍多凍餒而死職司守土方救死扶傷之不暇日與官紳謀所以招墾撫卹之方但苦無款可籌何忍於災區再有股削以是拓土雖廣而用財更多取利益薄竊恐外聞不知輒謂肅清省分指撥要款必致無可撥解上煩

聖慮此臣不能不豫為陳明者也至江西餘氛未殄有鮑超左宗棠各軍分投迫期自應無需添兵臣軍暫守境上如一兩月後賊無回竄信息當分別裁撤酌留洋鎗炸礮隊三萬人以備海防而資控守藉可節省餉需惟各軍積欠太多一經凱撤必須酌補口糧以為行資司道各庫及各釐局隨收隨放毫無存儲未知能否設法借墊按月扣還容督籌安辦續行具奏所有蘇省兵餉籌辦大略緣由理合附片據實陳奏伏乞

奏稿七

无

皇太后
皇上聖鑒訓示謹

奏

欠解三成船鈔請歸本省軍需造銷片

同日

三年八月二十

再各關所收船鈔銀兩係按三月一結扣存三成解京以充同文館經費計江海關已解至第九結止其自同治元年十一月十二日第十結至三年五月二十七日第十五結應解此項三成銀兩均經臣於奏報關稅摺內附片聲明扣存在案前據署蘇松太道丁日昌稟查前關道黃芳任內未解三成船鈔銀六萬三千十三兩零前代理關道應寶時任內未解銀一萬五千六百四十六兩零此係扣存解京之款即經札飭黃芳應寶時按數繳解去後茲據黃芳應寶時會同稟稱江海關徵收稅課業蒙奏明留抵本省軍需奉部核准在案前項三成船鈔本當按期解交總理衙門惟黃芳等在任時正值軍務緊急需餉孔殷關庫每月應放款項如鎮江協餉常勝軍用款以及英法教練洋鎗勇糧

奏稿七

三

等類均係刻不容緩關稅不敷動放不得不移緩就急通融籌墊致將提存三成船鈔銀兩挪動墊放當動墊之際原期嗣後收數稍旺於放款內節省提還積總起解乃兩年以來洋稅較前大減而本年克復常州後裁撤常勝軍計發月餉賞卹盤費等項共用銀十數萬兩搜羅一空此項三成銀兩遂絕無彌補之望黃芳應寶時先後各已卸事無從籌還繳解至動墊各款均係奉文正支正解確有批領可憑可否將前項三成船鈔共銀七萬五千九百五十餘兩

奏請免解歸入本省軍需案內作正造銷等情前來臣查滬關入數本屬不敷支放臣部勇丁口糧專指本省釐捐近歲以來每月僅放半關餉可虞遇有米藥鉅款及采買外洋鎗礮向須由關庫通融籌發是以江海關從前代徵漢九兩關稅項積至二十餘

萬代收太平杭贛三關絲稅亦幾及十餘萬均已隨時動撥無從籌扣該前關道黃芳等於任內扣存三成銀兩暫時動墊本欲接續提還積款既鉅無法能歸尚係實在情形當軍需急迫之際得有借墊之款實於軍事大局有裨即如輪船經費五十萬兩應行解京之款蒙總理衙門奏撥金陵軍餉遂收戡定之功似總理大臣深以東南軍需為重凡在行開同增咸惟此項應解同文館經費亦係待用要款先經嚴飭黃芳等趕速繳解本不敢以留抵軍需為詞違為不情之請無如欠解數逾七萬再不截清界限即下結起解之款亦致轉轉思維至再惟有據實陳明除飭丁日昌將下屆結期扣存銀兩即速報解外所有黃芳應實時任內未解三成船鈔銀共七萬五千九百餘兩可否准其免解留抵江蘇本省軍需出自

奏稿七
天恩除咨呈總理衙門察核外理合附片具陳伏乞
聖鑒訓示謹
奏

奏稿七
奏

克復蘇省並浙江各城集案保獎摺 同治三年九月初三日

奏為遵旨查明克復蘇州省城及江陰無錫金匱等縣楓涇西塘平望等鎮並浙省之平湖乍浦海鹽各城及歷次血戰解圍出力之水陸各營文武員弁兵勇地方團練員董集案保

奏恭摺仰祈

聖鑒事竊照蘇省水陸官軍於同治二年七月內克復楓涇西塘八月初一日克復江陰縣城十六日攻克蘇州之寶帶橋八月杪解大橋角之圍十月初九日攻克泔野關虎邱等處賊營二十六日克復蘇州省城十一月初二日克復無錫金匱縣城初八十三十四等日收復浙江之平湖乍浦海鹽各城二十三二十四等日攻克平望鎮及九里橋黎里等處賊壘十二月十四日解奔牛之圍此皆上年七月以後事也所有歷次戰狀及克復詳細情形節

經奏明欽奉
諭旨准將出力員弁兵勇查明集案請獎在案先後恭錄咨行水陸各營一體欽遵辦理其十一月二十八日收復嘉善縣城一案已將降酋陳占榜余嘉鼐隨摺請

旨給以虛銜其餘降眾及在事出力人員應量加獎勵至克復蘇省及江陰錫金等縣均有團練紳董助勦得力應一併請獎茲准提臣黃翼升李朝斌劉銘傳並各路統領及會帶常勝軍之戈登李恆嵩等查明勞績秉公彙保分別開單請奏前來臣覆加察核嚴為刪減分繕清單恭呈
御覽伏查東南之賊勢若長蛇以蘇州為腹地巢穴金陵杭州遂為首尾之救應由上海偏隅節節進攻時時苦戰其間變態險

狀百出不窮仰賴

景運中興

聖謨廣運使該逆謀細力竭得以恢復蘇省聚殲羣醜其枝葉而披其腹心似為軍務一大關鍵至江陰無錫兩城均蘇州之咽喉常州之屏蔽賊所必守我以力攻而得之殺賊尤眾其收復浙江之平湖乍浦海鹽嘉善各城出境勦賊望風投降足以掣動嘉杭賊勢於大局亦有關係中外水陸各營將士及隨營襄事各員均屬齊心一力勞績卓著論功行賞何敢稍有遺漏惟大小百數十戰水陸百數十營併案彙保人數較多減無可減惟有仰懇天恩破格優獎以昭激勸除應保千把總外委各員及擬給弁勇藍翎月造花名清冊咨部外所有遵旨查明歷次出力員弁彙案保奏緣由謹繕摺由驛具陳伏乞

奏稿七

三

皇太后

皇上聖鑒訓示再籌餉出力員董實於緊切軍需有裨三載以來多未甄敘不足以資鼓舞茲據捐釐總局司道彙詳請保遂細酌核另繕清單併乞

訓示施行謹

奏

馬格里請賞三品頂戴片

同治二年九月初三日

再上年有英國兵官馬格里由常勝軍改赴臣營投效當令教練西洋鎗砲隨隊攻勦頗為得力因於三月間權行給予四品頂戴以示獎勵旋即設局仿造西洋火器委副將韓殿甲知州劉佐禹會同馬格里悉心講求所製開花砲彈無遠不中無堅不摧得以克復蘇州等城厥功甚偉該兵官欲得中國官職以為榮寵相應請

旨將英國人馬格里

賞給三品頂戴俾於製造教練等事倍加奮勉軍務不無裨益理合附片陳明伏乞

聖鑒訓示謹

奏

奏稿七

三

奏保陳鼎片 同治三年九月初三日

再隨營文案藍翎五品銜候選通判前翰林院庶吉士陳鼎學
識深遂講求經濟於政治之不振戎機之樞紐地輿之形勢無不
洞悉要領咸豐九年與該員同在曾國藩幕中相處最久
深知其人曾國藩尤為賞識東征以來事無鉅細皆與之商推旋
為前湖北撫臣胡林翼前安徽撫臣李續宜招致戎幕均相倚重
久欲薦之
朝廷任以吏事惟該員淡泊性成諸臣不欲相強臣抵滬後即致
請來營凡治軍籌餉諸大端隨事諮商該員剴切敷陳持論精卓
贊畫之力實多現在江省肅清從征諸將均荷
聖恩至優極渥因念該員從軍最久懋著賢勞可否破格
施恩以道府存記擢用並換戴花翎以示優異臣為激勵人才起

見理合附片具陳伏乞

聖鑒訓示謹

奏

北洋豆貨上海一口請歸華商轉運 同治三年九月初十日

奏為北洋豆貨上海一口請仍歸內地商船轉運恭摺具陳仰祈
聖鑒事竊照北洋豆石開禁經臣於同治元年夏開附片奏請專
將上海一口歸內地商人運銷由總理各國事務衙門議覆俟蘇
松各屬肅清再與英公使商量踐守舊約奉
旨依議在案茲據江海關道丁日昌轉據船商郁森盛等聯名稟
稱上海一隅之地沿海居民多藉船業為生自西洋各國議准通
商上海一口最為繁盛良由沙衙各船聚買易始得交易流通
商賈輻輳若令內地商人均已乏本停歇洋商亦豈能獨獲通商
之利惟沙船運銷貨物向以豆餅豆石為大宗舍此無可販運是
以和約內有外國船不准裝運牛莊等處豆石一條雖為沙船留
一養命之源實欲保全上海市面為各國通商經久之計自同治
元年暫開豆禁夾板洋船直赴牛莊等處裝運豆石北地貨價因
之昂貴南省銷路為其侵佔兩載以來沙船貨本虧折殆盡富者
變而亦貧貧者絕無生理現在停泊在港船隻不計其數無力轉
運若不及早挽回則沙船停泊日久船身朽壞行駛維艱業船者
無可謀生其在船者舵水手十餘萬人不能存活必致散而為匪
肆行搶掠商賈難安上海市面既廢即洋商貿易亦難前曾稟求
轉詳奏准照會英國公使專將上海一口豆石仍歸內地商人運
銷旋據英公使而稱現因撥兵在滬防勦特此以濟軍需俟賊稍
平再行議辦並蒙總理衙門覆奏俟蘇松各屬肅清再與商量踐
守舊約各在案現今江蘇通省均已肅清英國防兵亦漸撤退彼
國以信義為重公使既有言在先定不失信環求轉詳奏請
敕下總理衙門照會英國公使仍守舊約以全大局等情並據該

關道會同捐釐總局議稱登州牛莊兩處豆石豆餅向不准外國商船裝載出口天津新定條約載有明文原因內地商船南北經營必有回貨可裝始不徒勞往返而登州牛莊兩處惟以豆石豆餅為大宗貨物舍此別無可裝之貨是以申明條約為船號各商及舵水人等特留養命之源旋值北洋防務緊要開資協衛據英國公使節次聲請始奉總理衙門奏准開禁以示寬大從此兩處豆貨一任外國商船及時轉運沙船自北回南非不裝豆特其經歷重洋遠不逮夾板洋船之迅速進口避而銷路轉隘市價減而保本愈難漸致資本虧盡現在上海沙船因無貨木停泊在港者無數稅捐短絀實由於此將來船身朽壞無力重修勢必日就廢棄各船商具有身家即能束手待盡而耆舵水手人等藉此謀生者數至十餘萬人別無恆業至於生計盡絕難保不鋌而走險萬

奏稿七

奏

一則掠橫行為害行旅外國商人亦豈能安享其利諺所謂主富則客安主窮則客困該船商等所稟自係實在情形夫以火輪夾板等船往來外洋各國通商各口利權在握無地不到無貨不裝即不轉運油豆餅三件亦無所損而上海各項船隻僅能駛赴北洋又專藉此以營什一之利其關係實非淺鮮既蒙總理衙門議俟蘇省肅清商踐前約英公使威妥瑪亦有賊平議辦之說現在蘇省軍務大定正船號各商暨耆舵水手十餘萬眾想望更生之日惟有據情詳祈奏請

救下總理衙門照會英國公使酌量定議請將登州牛莊兩處豆貨查照前約專歸內地商船轉運似此量為變通於華商生計稍留餘地而洋商互市亦可永遠相安即海關稅捐長有裨益各等情前來臣查核原詳所引主客之喻最為透澈上海為通商口岸

適中之地各國商船涉歷重洋會集於此自必樂與中國商船彼此相安而後主客共獲美利斷無內地商船盡行廢棄而洋船可以獨享其利之理連年上海用兵各船商於困苦不堪之時竭力助餉原冀賊平有日復守舊章今東南大定英兵漸撤若仍不議復前約則船商自此絕望耆舵水手十數萬眾無復生理興言及此可為寒心且僅以上海一口豆貨專歸內地商船運銷於洋船生意初無甚損而市面日旺中外熙攘和樂實於洋商亦有利益斯則通商立約之本意非有所偏厚偏薄於其間也伏祈

皇上聖鑒訓示謹

奏稿七

奏

奏

臣等查核原詳所引主客之喻最為透澈上海為通商口岸

收回北洋豆利保衛沙船片 同治三年九月初十日

再據江海關道丁日昌稟稱所有沙船壅塞情形業經詳請察核具奏特其中尙有大可慮者查江浙兩省漕米改歸海運向由沙船裝載赴北現在軍務雖有端緒而河運一時難復舊章東南漕糧必賴上海沙船起運今沙船無貨販買停泊在港者以千百號計內地船隻以運動為靈若半年不行由朽而爛一年不行即化有為無矣將來無力重修全歸廢棄海運從何而辦此事非特上海商民市面以及捐稅攸關且於天庾正供大有窒礙長貽後患何可勝言不得不急為挽回以期通漕運而裕賦稅惟此層關係與彼族無干未便形諸稟牘使外國因我情形別生枝節等語查該道所稟切中利害非將上海一口運銷北洋豆貨之利設法收回則商船生意斷無轉機即海

運關稅一切毫無把握惟洋人趨利若鶩該公使必多方狡執總理衙門原難以口舌相爭因係條約所不准行威妥瑪曾有俟賊平再行議辦之語臣不得不據滬上官商公論剴切上陳或可乘機轉圜於國計民生均有裨助謹附片密陳伏乞

聖鑒訓示謹奏

擬案請發餉票找抵欠餉片 同治三年九月初十日

再日下江浙肅清軍務大定臣部勇丁擬酌量遣留前已附片奏明在案查臣軍糧餉專賴松滬及蘇屬釐捐接濟瘡痍之後進款總無起色各軍口糧向係前後牽算歷放只及半關三年以來統計欠餉已七八百萬兩兵勇連年苦戰恢復全自功成之後一旦遣歸別無希冀只此應得找欠之項合之總數固為鉅款分之各勇仍屬無幾既無折扣之理更無籌補之方前准江甯將軍富明阿咨以江北水師裁撤欠餉請援照鎮防成案一律給發餉票准予請獎亦准其移獎親族子弟毋庸令加二成實銀以示體恤將來江北陸軍裁撤並照章辦理各等因臣當即分行營務支應各員會同各統領議商蘇軍裁撤能否仿照鎮揚各軍現案辦理據議稟復欠餉既鉅只有按照程途遠近酌補現銀以為行資其

餘欠項以票給抵准其請獎並移獎親族子弟惟鎮營餉票抵欠辦法係查照皖北軍營章程准照籌餉事例減成銀數執持餉票具呈請獎曾經部議加以二成實銀此為軍營未經裁撤常行之例此次富明阿援照奏辦復以該官兵等既不能實領欠銀僅得餉票而於報捐之款仍令加實銀殊不足以示體恤蓋裁兵宜於速散欠餉利在速清若令以現銀加成請獎則積欠久困之勇丁從何得銀必至報捐遲滯裁勇因此觀望久聚不散尤恐別滋事端此加收現銀一層與清釐欠餉之意適為相左而不能相成者也故欲籌補欠餉體恤兵艱必須餉票流通而欲餉票收捐迅速必須無庸加收實銀如此權宜辦法無論裁撤之勇固可截收找補即留防之軍亦得藉清積欠其餉票赴捐應作實銀收捐核照籌餉事例減成銀數請獎不必加搭實銀則兵勇得票如得實銀

不致久欠難結於

國計毫無虧損而軍需亦易清楚但向來捐案其奏甚緩更宜加意鼓勵按三月一卯出

奏則捐生自必踴躍裁兵亦利遄歸各等情由蘇藩司劉仰賢覆核詳請

奏前來臣查所議尚為妥協合無仰懇

天恩俯准照辦並敕部知照施行所有撥案請發餉票找抵欠餉並照實銀收捐緣由理合附片陳明伏乞

聖鑒訓示謹

奏

奏稿七

呈

撥借甘餉三萬兩摺 同治三年十月初七日

奏為江海關奉撥甘餉銀擬先措銀三萬兩劃解楊岳斌軍營募勇赴甘以應急需而抵撥款恭摺陳仰祈

聖鑒事竊臣承准議政王軍機大臣字寄同治三年九月十五日奉

上諭陶茂林一軍期匪正在喫緊該營餉項急應廣為籌備所有江海關海兩關各撥銀五萬兩著李鴻章英桂如數籌撥解交陶

茂林軍營並著駱秉章將上年指撥甘餉五萬兩按糧津貼銀數萬兩如數措解陶茂林軍營交納等因欽此仰見

皇太后

皇上慮念嚴疆廣籌軍食之至意查江海關入不敷出及臣軍餉項支絀各情經臣歷次陳明久邀

奏稿七

呈

聖明洞鑒自蘇省肅清以後臣即擬裁軍二三萬以節餉需續准督臣曾國藩緘商謂臣部分防各軍不宜遽撤兼之欠餉太鉅驟

難籌補向未果行而水陸諸軍待哺嗷嗷江海關稅款仍隨時撥濟本省軍餉無餘惟甘省軍務正緊既奉

特旨飭催雖萬難籌措之中應竭力稍為籌濟陶茂林未知現駐何處自蘇解餉赴甘須由徐州河南山陝各省繞道前進賊氛梗

阻恐致節節延適陝甘督臣楊岳斌自江西軍營遣記名總兵楊作霖齎函來蘇備言甘奉

諭旨催令帶兵赴甘回匪勢甚猖獗即須赴楚募勇萬餘製備器械棚帳酌撥三箇月行糧一時無可取給屬臣代籌鉅款並懇擲

交來員解回湖南以濟以勇急需等語臣查楊岳斌此次奉旨赴甘因兵餉棘手未能如期就道若不就近協助勢難成行昨

准左宗棠來函亦以該督專弁赴浙求助為言而蘇省竭蹶奈無餘款可以籌畫再四思維前項奉撥銀兩同一甘省軍需而楊岳斌情尤急迫自應移緩就急由江海關撥銀三萬兩交該總兵楊作霖星夜解回楊岳斌軍營俾得早日募勇赴甘即抵作奉旨飭撥甘省之款至陶茂林軍餉既奉撥閩海關五萬兩又奉旨飭四川速解大批濟用當不致停兵待餉現在蘇軍未撤偏地瘡痍實在力難兼顧非敢稍有推諉致干咎戾再正在繕摺開奉到十月初一日

寄諭飭臣速撥楊岳斌募勇銀十萬兩查楊岳斌指撥各省多係有若之款募勇行糧計可敷用蘇省協撥三萬已屬勉顧大局合併聲明所有割解甘餉各緣由專摺摺陳伏乞
皇太后
皇上聖鑒訓示施行謹
奏

監臨鄉試片 同治三年十月初七日

再欽奉九月十九日

寄諭十一月舉行鄉試李鴻章能否馳赴江甯入闈監臨如不克入闈請司萬啟琛能否代辦或咨明安徽學政朱蘭代辦均由曾國藩李鴻章迅速籌商奏明辦理等因欽此仰見聖慮周詳無遠弗屆臣查本年補行鄉試督臣曾國藩為激勵士心招徠商民起見例應輪派蘇撫監臨臣本無所推諉惟地方甫經肅清誠如

聖諭善後各事仍需次第籌辦恐難分身久駐金陵而臣自同治元年三月開駛赴上海與曾國藩睽違已久雖函牘常通軍務地方一切應行興革事宜尚有必需面商之件即今屆科場百凡草創亦應親往協力籌辦現在闈期已迫監臨為文場主持承辦之

官吏赴考之諸生豈能無所稟承曾國藩來函以安徽學政向無代辦之案誠恐呼應不靈萬啟琛本任提調事件日不暇給不能更兼監臨催臣速往會商等語擬於十一日由蘇州帶印起程馳往仍將監臨應辦事件次第籌備俟至江甯與督臣妥商如須入闈應於三場事竣先行回蘇未便循例坐候鈐榜致誤本任要

公容會同督臣奏明辦理再士子雲集例由學政錄科送試江蘇學臣宜振尚無到任確信臣已咨明漕臣吳棠迅催宜振於任後速赴金陵如該學政仍未抵任恐有貽誤即將學政關防書吏文卷委送金陵由臣就近暫行權宜代辦是否有當伏乞
聖鑒訓示謹附片具
奏

蘇太分建考棚片 同治三年十月初七日

再據蘇州府太倉州紳士前右春坊右中允馮桂芬翰林院修撰徐邨等呈稱蘇太兩屬考棚向在崑山前明時係巡撫行臺借以校士或調往江陰就試本無一定

國朝順治年間定為歲試在崑山科試在江陰雍正三年以後始均在崑山考試現崑山考棚已被賊毀蘇屬紳士欲就府城創建考棚太倉舊屬蘇州同一考棚自升為直隸州後出境辦考本多未便若仍令赴蘇考試道路既遠且所屬崇明渡海而來愈益遼闊寒士乏於資斧尤宜體恤是以太倉紳士亦願於州城自建考棚業經會議允洽呈請核辦前來臣查蘇州省會本應另建考棚從前蘇太兩屬均於崑山策試實係一時權宜遷就之計太倉既升直隸州照例亦應分建既據該兩屬紳士會商呈請當此全省

奏稿七

聖

肅清須及時興修文教自應照議籌辦於該府州城各建考棚以順眾情除飭司轉飭各該地方官擇地鳩工舉董籌捐迅速建造外謹會同協辦大學士兩江總督一等侯臣曾國藩附片具陳伏乞 聖鑒謹 奏

豁免江甯七縣錢漕摺 同治三年十月二十五日

奏為遵 旨查明江甯克復後地方困苦情形擬請將該府所屬七縣錢漕豁免三年以廣 皇仁仰祈 聖鑒事竊准部咨同治三年六月二十九日奉 上諭咸豐三年洪逆竄陷江甯省城竊據者十有餘年百姓遭其荼毒慘難言狀或被賊裹脅而鋒刃頻揮或轉徙他鄉而溝壑難免蚩蚩何辜罹此殘酷現在江甯克復全省底定亟宜渥沛殊施 廼此遺孑苦曾國藩李鴻章查明江甯地方應徵錢漕分別應蠲 應緩據實入奏候旨施恩該督撫等務宜實力詳查毋任官吏從 中弊混以副朝廷軫念殘黎因時施惠至意欽此仰見

奏稿七

聖

聖慈垂念災區痼瘵在抱 臣等莫不欽感遵查江甯為東南第一省會田土本非饒沃咸豐三年省垣暨各屬縣先後被陷士庶爭先殉節深明大義自偽都竊據閱十二年羣賊南北往來擄脅焚戮之苦百倍他處咸豐六年十年開大營兩次潰退賊眾更肆焚掠於是附近數百里內幾無一寸安寧之土今幸克復金陵普天同慶而該處被害至慘且久田疇荒廢人民稀少非休養生息三 數年別無權宜補救之方 等因 旨詳查茲復晤商再四擬援照常州武陽等縣豁免錢漕三年之 案仰懇

恩綸特沛將江甯府屬上元江甯六合句容江浦溧水高淳七縣 錢漕自同治四年起一律豁免三年至同治七年再行起徵以甦 民困而廣

皇仁臣等伏奉到

俞旨謹卽刊刻謄黃徧行曉諭斷不容官吏從中弊混所宜遵

旨查明援案請將江甯府屬錢漕豁免三年緣由合詞恭摺據實

覆陳伏乞

皇太后

皇上聖鑒訓示謹

奏

奏稿七

四七

請裁富明阿一軍分協甘皖軍餉片同治三年十月二十五日

再等營奉

寄諭飭解甘省軍餉以東南分濟西北本屬義不容辭惟江蘇各

屬蹂躪過久元氣太傷必須加意休養軍務雖定而海疆重地防

兵未敢遽撤臣復蒙

恩飭署兩江轄境過寬則兵力尤不可少頃調劉銘傳李鶴章等

洋鎗隊萬餘人隨臣國藩進剿鄂仍須籌養勁旅以備調撥援

應所有蘇滬釐稅等款自應仍照舊章先濟本省軍食至臣國藩

所部分駐金陵及皖南非者尙有五萬餘人卽蘇皖鹽務釐卡照

舊撥解不敷甚鉅仍須臣鴻章隨時設法籌濟查江北淮揚通海

各屬較爲完善歷年供支揚防一軍絲毫不能外撥現在裏下河

安靜無事楚省逆氛遠距數千里前敵重兵節堵揚州與金

陵僅隔一江總督既移駐省垣臣鴻章可就近派兵接防臣國藩

由皖北兜剿亦無竄越後路之虞如有疏失應惟臣等是問富明

阿所部兵勇擬請

特旨飭令分起妥爲遣撤庶騰出江北之餉以一半分解甘省要

需以一半分濟皖軍前敵似於大局有裨臣等通盤籌畫爲戡軍

節餉起見是否有當伏乞

聖鑒訓示施行謹合詞附片具

奏

奏稿七

四七

惠山建立昭忠祠片

同治三年十月二十五日

再據臣部水陸各營統將聯銜稟稱自同治元年相從東下迄今兩載有餘肅清蘇省兼復浙境計先後大小數百戰仰賴朝廷威福未嘗挫衄實由各軍士忠勇奮發效命爭先所有陣亡員弁兵勇共約數千人例應於各府城縣陣亡地方建立昭忠祠設位致祭惟分地建祠經費無措查無錫縣城外惠泉山介在蘇常之間上年進剿錫城與忠侍大股相持數月鏖戰尤苦死事尤眾其地夙號名勝自被賊擾紺宇琳宮悉成瓦礫興復無期請先於山麓天下第二泉之側公議捐助餉銀建立昭忠祠查明歷次陣亡員弁兵勇分別設位由地方官春秋致祭以彰卹典而慰忠魂呈請具

奏前來除咨部立案並飭地方官列入祀典外理合將無錫惠山

奏稿七

奏

建立昭忠祠緣由附片具陳伏乞

聖鑒謹

奏

蘇軍征調分防情形摺

同治三年十一月初五日

奏為蘇軍征調分防布置情形恭摺奏祈

聖鑒事竊臣前抵金陵與曾國藩商調派淮勇赴皖協剿已於前月二十五日附片陳明在案當查臣部分紮蘇境十月間業將總兵熊兆周況文榜所帶貴州兵及記名提督滕嗣武周蘭亭鄭國魁等各營分別裁撤以節餉需茲飭劉銘傳統所部十六營自廣德建平提督周盛波等九營自溧陽防所即日拔隊由無湖過江赴六安霍山一帶相機防剿飭現駐宜興之提督楊鼎勳易用剛統松勳兩軍拔赴建平等處接防飭常鎮道潘鼎新一軍駐紮松江塘橋就近節制青浦鳳凰山英國教練鎗礮各隊該隊經戈登教練日久頗為整齊戈登頃已回國與英領事巴夏禮商薦英兵官哲貝接管教練臣飭海關道丁日昌等與該領事兵官堅明

奏稿七

奏

要約只請哲貝等制同操演不令干預營務山潘鼎新兼統其眾

並隨時酌派所部一體練習俾壯聲威與上海呼吸相應以鑿中外商民之望署撫臣吳棠接任後蘇境各防如有應行調換之處

仍由臣商酌調度臣已於十一月初三日欽遵

諭旨暫行接署兩江總督篆務片疏

題報准吳棠來函俟交卸篆篆即赴江甯會商接替巡撫篆務再

行赴蘇合併聲明所有布置蘇防大概情形理合繕摺由驛具陳

伏乞

皇太后

皇上聖鑒訓示謹

奏

停止攤捐船工片 同治二年十一月初五日

再蘇松太道衙門向設軍工廠承辦提鎮兩標各營戰船所領例價之外賠貼不敷銀兩山道按照在任月日攤捐道光二十五年開經前督臣

奏准改歸省廠委員承辦不敷銀兩仍由該道無分正著按月捐解每年應攤捐銀八千四百三十六兩六錢二分四分季解司撥用茲據署道丁日昌會同前道黃芳前代理道應寶時稟稱此項捐款本籍關稅平餘補苴滬關商稅向以沙衛各船所裝油豆併為大宗自咸豐十年洋人復開豆禁洋商轉運較沙船迅速油豆等貨改裝洋船徑達閩廣各路即有到滬之貨亦在新關完納洋稅常關額稅短絀較甚因正課攸關不得不設法賠補正額須賠則無羨餘可知既無羨餘則捐項無著可知且新關洋稅向係

奏稿七

五

每百兩支銷折耗銀二兩現奉部定新章自同治二年正月為始每百兩准支折耗銀一兩二錢如有不敷由關道自行籌補等因滬市歷係通用規銀較之足紋成色低潮洋商以市銀完納關稅一經傾銷折耗甚重迥非別關情形可比向支折耗銀二兩今驟加核減實有不敷由關籌補已屬竭蹶萬分若再將船工銀八千四百餘兩照常攤派實無力賠此鉅款會請奏免攤捐等情前來臣查此項船工軍興以來久經停辦即設廠造船應動正款不應責令攤捐致啟虧挪之漸況上海自通商後洋關收數較旺則常關進項必絀今昔情形不同未便仍執定章徒滋弊政相應懇天恩俯准將滬關每年攤捐船工不敷例價銀八千四百餘兩自同治元年十月以後一律停止俟蘇省建復船廠興造戰船再酌

定經費章程奏明辦理是否有當附片具陳伏乞 聖鑒訓示謹 奏

奏稿七

至

豁免攤款持同治三年十一月初五日

奏為蘇省咸豐十年以前攤補清查各款懇

恩一律豁免以消官累而紓民困恭摺奏祈

聖鑒事竊據蘇州布政使劉郁菁會同江安蘇松各糧道詳稱蘇

省額徵錢漕最重攤捐款目最多今蒙

恩飭辦理減賦一經減定賦額應即酌定徵價力禁浮收從前之

弊竇欲盡前除後此之攤捐必歸無著即如官墊民欠已奏明禁

革即三次清查四次清查續辦清查案內墊欠之數最鉅迨三案

定後照章查辦其本員已故子孫並無官職家產亦已盡絕者歸

於無著項下由外籌補又道光二十五六七八等年墊完酒尾前

經援案

奏請於道光三十年秋後起分作四年帶徵徵不足數著落原墊

及接徵之員分賠賠不足數立予參革未完銀兩亦歸無著籌補

又道光二十一二年等年夷務兵差不敷因公挪缺亦有由外攤補

之款為數均屬不資其籌補之法於通省州縣中按缺分之優瘠

派銀數之多寡分年歸款名似有著而後任已為前任所累且錢

漕之羨餘雖取之於官仍係取之於民既已派令攤補難保無恣

意浮收之弊更恐正項錢糧藉端挪掩又其甚者有提無解徒託

空言不特李代桃僵抑且盜鈴掩耳州縣之稍知自愛者負累無

窮其不肖者藉端賤削民生口困職此之由茲際東南大定吏治

更新所有從前攤捐積款應請

奏准一律豁免等情前來臣伏查三次清查酌提羨餘攤補蘇省

雖已咨報提補足額尚有續查無著待補之款而四次清查續辦

清查及墊完酒米兵差不敷案內待補者尤屬為數繁夥且查咸

豐十年以前蘇省尚存在外攤捐之款或由州縣詳明有案或由

府司遇事仿捐並有因公會議分年攤補各項雖未

奏咨有案而捐攤名目則同因之挪動庫款均須歸補計自江甯

失守後蘇松五府州屬次第被擾倉庫焚掠一空物故人工毀亂

已極前五案之攤款及由外之攤捐久經停攤茲幸大功告成全

省肅清復奉 特恩減免浮糧淨糶既減羨餘亦因之並減糶

將前五案之攤補等項銀款仍責令現任人員按數分別起攤不

特案撥無存款目移轉而物力已盡官累無窮殊非與民更始之

義檢查四次清查案內如應追官欠之前任亦定縣知縣楊遇恩

等員已由原籍廣東遵照

恩詔條款咨請豁免此係本身應追之款既可照例請豁則蘇省

各屬籌補前任虧缺無著之款情事更輕且查江西省道光二十

五年年豁免清查等案查出官墊民欠及攤補兵差經費並因公

挪缺等款經督臣曾國藩於同治元年開奏奉

恩旨全行豁免江蘇事同一律惟有仰懇

天恩俯將前五案籌補攤補銀兩及咸豐十年以前一切由外捐

攤各款援照江西成案

准予概行豁免其餘流攤名目永遠禁革消官累即以紓民困從

此根本既清末流可截庶倉庫絲粒可歸實在州縣亦無所藉詞

似亦澄清吏治慎重度支之道所有請免攤捐積款永禁流攤各

緣由恭摺具陳伏乞

皇太后

皇上聖鑒訓示謹

奏

候選道徐佩璠收合餘燧管帶礮船隨同程學啟進勦昆川吳江
蘇州府興各城賊積卓著而徐佩璠從前領款未及造銷懸案待
結究之款歸公用不應取償於一家功雖無成未便勒賠於身後
合無仰懇

天恩准將徐佩璠前領餉銀十二萬五千兩概免追繳飭由前署
蘇藩司吳煦策入軍需案內遵照新章開報免其造銷至徐佩璠
應否議卹之處容飭忠義局司道核明詳辦所有查明練軍死事

懇
恩免追領款緣由理合附片具陳伏乞
聖鑒訓示謹

奏

奏稿七

奏

水利鄉試通融辦理摺 同治三年十一月二十九日

奏為監臨鄉試出閣謹將本科通融辦理各事宜恭摺陳明仰祈
聖鑒事竊臣入閣監臨仿照鄉省章程變通趕辦各情業經十月
二十五日附片具陳在案於十一月初六日迎同正副考官
劉岷平步青入閣計上下江應試者仍有萬餘人場內外均恪遵
規矩現屆三場完竣卷封送內廉已畢照例將閣中事務飭交
提調監試道員承辦臣即於二十九日先行出閣惟查此次江南
鄉試事同草創督臣曾國藩先期督飭司道布置周備而蘇皖士
子流離遷徙之餘資斧維艱風波多阻未能剋期豫集又臨場運
遇雨雪寒苦困頓迴異時有不得格外體恤者即如試卷一
項向例益用江甯藩司印信乃初四日以後投卷尙多司印蓋用
不及因令兼用江安糧道印俾可無誤試期又向來上下江學政

奏稿七

奏

錄遺截止後不再收考此次學政雖極寬限其遲到諸生仍有不
及錄遺者即准由臣處給照辦卷入場場後仍各送學補考臣
復於受卷之日督同提調監試各員查閱應貼各卷照例議貼其
添注塗改等項錯誤及無礙文理無關弊實者酌從寬免夫
國家掄才大典臣敢不恪慎將事惟金陵停科十二年多士荒疏
已久一旦振興文教遠近鼓舞臣仰體
朝廷寬大之意未便拘執成例尤願明年試卷解部部臣磨勘稍
寬其例以相繩也所有江南本科鄉試通融辦理事宜專摺具陳
伏乞

皇太后

皇上聖鑒訓示施行謹

奏

劉銘傳等軍暫難赴豫遠征摺

奏為欽奉

寄諭體察軍情據實陳仰祈

聖鑒事竊臣承准議政王軍機大臣字寄十二月初九日奉

上諭賊由南召北趨魯山窺伺河汝僧格林沁張之萬先後督軍

馳紫葉縣曾國藩前派分赴楚豫之劉連捷劉銘傳等軍曾否到

防著曾國藩李鴻章迅檄劉連捷等所部星速馳赴豫境毋許再

有稽延等因欽此臣查劉銘傳周盛波各營在蘇境轉戰數年所

用均係外洋軍火劉銘傳營內並有練成開花礮隊一營其洋礮

二十餘尊大者四五千斤小亦千餘斤數百斤不等車架器具均

仿照洋式笨重異常礮彈火藥動需數萬蘇省水鄉頗有船隻運

駛故赴機應敵不致遲誤一經派往陸路攜帶轉運萬分掣肘勢

難如期應調臣前在金陵曾國藩商調該軍赴皖當以南循大江

北沿淮河駐紮防期軍火礮彈由蘇轉解雖遠而尚能運到雖遲

而可期決勝若調往西北水道不通接濟不及誠恐遷地弗良是

以曾國藩奏明劉銘傳等軍宜以三河尖固始為老營凡皖豫交

界有營相機助辦蓋欲就淮河為轉運之路蘇省當設法籌濟也

臣於十二月初六日自金陵起程回蘇其時曾國藩先奉

寄諭飭調劉銘傳等營赴豫與臣再四籌商苦無善策臣於初十

日抵蘇十一日接據劉銘傳由六安來稟以該軍與周盛波各營

自廣德溧陽移營渡江沿途雨雪阻滯長行將近一月始抵六安

兵勇不勝疲憊因內河水涸舟膠倉猝進行所有洋鎗炸礮配用

藥彈不能多運尚遺礮隊及洋軍火數萬屯留建平須俟來春水

長始可設法陸續運營未便即赴豫省陸路遠征以致誤事各等

情臣查劉銘傳周盛波皆係蘇軍驍將向來奉調即行毫無避忌

臣等既概令出境斷不敢稍分畛域惟該軍專恃鎗礮軍火制敵

角勝目前既未運齊似難遠調南召魯山在豫省西北由六安三

河尖西去千餘里均係旱路不通水道糧餉軍火由蘇解濟又遠

隔數千里萬萬不及必致中途飢匱且賊蹤飄忽節節落後亦恐

於大局無裨臣統帶該軍較久深悉實在軍情不敢不詳細上陳

可否俟明春水長察酌入豫道路何處可通舟楫易於轉運再行

相機調度俾臻穩慎仰懇

聖明俯准照辦曷任感戴所有劉銘傳等營暫難赴豫遠征各情

理合恭摺由驛據實覆陳伏乞

皇太后

皇上聖鑒訓示謹

奏

軍需核實報銷摺 同治三年十二月二十七日

奏為遵

旨酌擬蘇滬軍需收支各款核實開報章程恭摺奏祈

聖鑒事竊准部咨同治三年八月二十日奉

上諭同治三年六月以前各處軍務未經報銷之案准將收支總數開單存案免其造冊報銷事屬創始其中款目繁多應如何分年分起核實開報之處著該大臣督撫等各就實在情形先行妥議章程具奏等因欽此仰見

聖恩寬大除常例推誠開外凡有血氣莫不欽感伏查軍需用款絲毫皆

國帑民脂豈容稍有浮濫惟用兵之道因時因地當隨事勢以為權宜緩急所需實用實銷必與例案不能盡合臣前因蘇滬軍營

收支繁冗應分限截數報部核銷當委蘇州藩司劉郁膏馳運使銜候補道童廷設局認真查辦在案今同治三年六月以前未銷各款既蒙

恩免其報銷於成法無所拘閱則開報更不容遷就復飭該司道

等督飭局員按款句稽悉心釐剔其有事所必需與例未符之款即行據實開報不得飾混以期仰副

朝廷實事求是至意茲據酌擬開報款目章程十條會詳前來臣

覆加確核均係實在情形合將章程繕具清單恭呈

御覽謹會同協辦大學士兩江總督臣曾國藩專摺具陳伏乞

皇太后

皇上聖鑒訓示謹

京營官弁習製西洋火器漸有成效摺 同治三年十二月二

奏為京營官弁習製西洋火器漸有成效仰懇

天恩先行獎勵恭摺奏祈

聖鑒事竊臣前奉

寄諭總理各國事務衙門奏請派京營弁兵學製火器等語業經諭令火器營照所請派撥矣此起弁兵俟抵江蘇後即交李鴻章差委專令學習炸礮炸彈及各種軍火機器如能留心學習著有成效者准該撫從優奏請獎勵等因欽此仰見

聖謨廣運默寓機宜莫名欽服旋據儘先參領薩勒哈春等官兵四十八員名來蘇稟到當經分派製造洋礮各局督同該管各員盡心教習將炸礮炸彈各種機巧火器製造運用諸法逐細指授成立課程復隨時稽核勤惰半載以來該官弁等勤苦講求協

同中外工匠依式仿造頗得門徑雖用爐鑄礮試演準頭尚未臻臻精熟而由此用心不懈半年後當能自出機杼為他處設局製器之先導臣查西洋諸國以火器為長技欲求制馭之方必須

盡其所長方足奪其所恃臣設局仿製原為軍需緊急起見亦欲中國官弁匠役互相傳習久而愈精但苦機器未能購全巧匠不

可多得造成礮彈雖與外洋規模相等其一切變化新奇之法竊愧未遑該參領等遂日究心於炸彈一項已得要領尚屬奮勉可

嘉理合繕具清單仰懇

天恩先行獎勵敘俸已能者交相鼓舞未能者益加策勵俟習學有成再遵

旨破格請獎臣仍督飭局員勤加訓練多方研究以期精益求精仰副我

國家蒐討軍實之至意所有派習火器官弁漸有成效懇
恩獎勵緣由專摺具陳伏乞

皇太后

皇上聖鑒訓示謹

奏

李文忠公奏稿卷七

李文忠公奏稿

卷之八目錄

挑濟吳淞江摺 同治四年正月二十一日

派兵由海道援閩摺 同治四年正月二十九日

籌畫軍餉片 同治四年正月二十九日

洋弁請獎片 同治四年正月二十九日

程學啟建專祠片 同治四年二月十七日

蘇滬軍需第一案清單摺 同治四年二月十七日

用款與洋人交涉權宜酌定片 同治四年二月十七日

軍需用款酌量變通片 同治四年二月十七日

飭催郭松林楊鼎勳航海援閩摺 同治四年三月初四日

援閩未便分兵援粵片 同治四年三月初四日

李元度請免發遣摺 同治四年三月初四日

添練馬隊片 同治四年三月二十二日

各軍分撥准徐摺 同治四年四月初四日

許關暫緩徵稅摺 同治四年四月十四日

酌度軍情無庸出省督勦摺 同治四年四月十四日

餉票收捐停止片 同治四年四月十四日

請將奉天糧穀准內地商船販運摺 同治四年四月十四日

援閩獲勝會克漳州府摺 同治四年五月初六日

密陳勦捻事宜片 同治四年五月初六日

郭松林勦辦同安土匪片 同治四年五月初六日

署理總督籌辦大概情形摺 同治四年五月初六日

海關應撥北新贛州太平三關絲稅請免補解片 同治四年五月初六日

日

派兵航海赴津摺 同治四年五月初九日

酌籌南路布置情形片 同治四年五月初九日

援閩克復漳浦縣摺 同治四年五月十六日

籌調洋鎗隊赴津兼籌製造片 同治四年五月十六日

擊獲白齊文片 同治四年五月十六日

太倉鎮洋二屬改徵折色摺 同治四年五月十六日

蘇省地漕錢糧一體酌減摺 同治四年五月十六日

裁革錢漕積弊片 同治四年五月十六日

添調赴津之洋鎗隊無從撤回摺 同治四年閏五月初三日

奏稿八目錄

李文忠公奏稿卷八

全集一之八

挑濬吳淞江摺 同治四年正月二十一日

奏為蘇省挑濬吳淞江河道在事出力員董懇

恩獎敘恭摺奏祈

聖鑒事竊照吳淞江居太湖下游為蘇省三江之一西受蘇郡諸

水東會黃浦江以達於海蘇松太三府州屬田疇灌溉所資

商民舟楫往來所必經也同治元二年間駐軍上海查該處河

道年久未濬海潮灌塞日以淤淺旱則蓄水無多潦則泛濫不定

於農田水利關係尤重當經臣飭令臬司劉郁膏督同候補知

府汪有勛督上海縣知縣王宗廉暨委員紳董等籌款挑濬計自

上海曹家渡野雞墩至黃渡為吳淞江正河又申紀港江橋南翔

各支河並壩外裏浦口撈濬稀淤五逆灣取直開挖新河總共工

長九千二百餘丈逐段挑竣核給夫工錢十四萬五千餘串臣親

往驗收工程均尚核實河身一律深通查開濬之時正值連月淫

雨集夫鳩工艱苦百倍該員董等一而催捐籌費一面分款督率

得以剋期成事其裨益於農田商旅者甚多所有出力各員董自

應擇尤給獎據藩司劉郁膏臬司郭柏蔭查明具詳請

奏前來臣覆核無異除總辦委員降調候補知府汪有勛業經月

案

奏請開復原官及出力稍次員董由外酌獎外謹將尤為出力各

員董注明勞績酌擬升階開繕清單恭呈

御覽合無仰懇

天恩俯准給予獎敘以昭激勸理合恭摺具

奏伏乞

皇太后

皇上聖鑒訓示再此項經費出自本地捐款請免造冊報銷合併

陳明謹

奏

奏稿人

派兵由海道援閩摺

同治四年正月二十九日

奏為遵

旨酌派兵將擬由海道赴閩援剿恭摺覆陳仰祈

聖鑒事竊臣欽奉同治三年十二月二十一日

寄諭著於蘇省防兵內酌量抽撥破隊赴閩歸左宗棠調遣等因

欽此又十二月二十六日

寄諭由蘇赴閩水道可通著李鴻章與左宗棠妥為籌商飭劉銘

傳統帶所部星速赴閩等因欽此又同治四年正月二十日

寄諭李鴻章即籌畫軍裝口糧令劉銘傳等分隊入閩並催令起

緊部署起程無任觀望等因欽此正在籌商調派復准左宗棠

咨催前來查劉銘傳周盛波等二十四營人數較多據報正月初

進紮皖豫交界之三河尖離蘇已千餘里若再調回由蘇赴閩遠

奏稿人

道既易疲乏師期必致遲誤且豫省捻逆飄忽無常暫留該軍駐

淮河上游堵扼回竄於局勢似亦相宜容會商督臣曾國藩隨時

察度辦理惟聞賊日肆披猖疊奉

諭旨酌量抽撥又准左宗棠咨商催臣何敢推諉謹就蘇省防

兵內就近調撥查有奉

旨飭令赴任之福建陸路提督郭松林統帶松字楚勇七營遇缺

題奏提督楊鼎勳統帶勦字淮勇六營均係洋鎗隊訓練精整歷

年轉戰蘇常嘉湖等處所向有功應飭赴閩協剿並令記名總兵

曹仁美帶護衛營併歸郭松林統領記名提督黃中元帶親兵二

營併歸楊鼎勳統領以厚兵力至閩省與蘇並非連界由溧陽南

去則隔皖南江西兩省由吳江東去則隔浙江一省內地水道實

不能通況由皖浙入閩崇山峻嶺迤邐千里客軍遠去呼應不靈

饋運不繼將若之何臣再四籌思只有由滬航海至廈門登岸較
為便速現在侍逆大股久踞漳州句結洋人窺伺泉廈廈門為通
商要口距漳甚近由此相機進剿亦較得勢臣檄令郭松林楊鼎
勳等由建平東壩拔隊來蘇整頓軍裝籌給口糧一面飛飭江海
關道丁日昌商雇火輪夾板等船豫備分起裝載前往其船價即
於關稅內提給作正開銷惟洋船雇值過昂該關收稅日絀久已
不敷支解一旦增此鉅款籌措維艱俟能籌出若干銀兩雇定若
干船隻裝得若干兵勇即催令迅速起程續再奏報所有酌派兵
將擬由海道赴閩援剿緣由恭摺由驛馳陳伏乞
皇太后
皇上聖鑒訓示謹
奏

奏稿八

四

籌畫軍餉片 同治四年正月二十九日

再欽奉
寄諭閩省餉源早竭飭臣處派兵籌畫軍裝口糧並於到閩後源
源接濟左宗棠來函亦謂各軍入境米鹽薪草均無從購辦須請
代籌月餉閩中蹂躪瘠苦固係實情惟蘇省亦殘破之區僅上海
稍為完善從前江浙未復各路商賈聚集一隅籌捐尙易近來富
商四散市貨彫零關稅捐釐驟形減色而臣部水陸七萬人月餉
過鉅支細時虞去年秋冬之交方裁撤數千人督臣曾國藩以臣
軍餉軍火尙為精利南北軍情未定不宜遽撤嗣又疊奉援豫
援閩之
旨計撥往皖北劉銘傳等一萬數千人現派赴閩郭松林等八千
人均須力籌接濟本省防兵除淮揚太湖兩支水師尙食蘇餉外
陸軍尙有三萬餘人分守要地亦難聽其飢潰以入抵出不敷甚
多加之本年奉撥京餉二十萬甘皖協餉時來催借若以一省兼
顧數省蘇力必不可支諒邀
聖明俯鑒惟本省軍餉索實有不容緩置之情即如此次援閩
道路險遠郭松林楊鼎勳等求給兩月口糧十餘萬雇洋船經
費恐亦將近十萬此皆分外添出之款臣督同司道設法騰挪不
知能否應手該軍到閩後即照臣處糧臺放餉章程一律普放每
月只得半關越境遺物勞苦甚比照左宗棠所部二萬八千餘
人由浙月撥十四萬已得全餉者亦恐甘苦之不均然臣未敢遽
請分濟也惟有照蘇省各營餉章暫行勻撥查由滬附海船轉解
廈門滬廈兩處均須設局擬令海關道丁日昌在滬籌解已革廣
東候補道段詰於閩粵沿海情形均甚熟悉擬派該員隨隊照料

前往廈門會同興泉永道鄧廷枏接運第軍向例按照各營人數月給食米柴薪油燭等項俾臨敵不至缺乏戰守方能久支需費無多而關係最要蘇省去閩絕遠人地生疏勢難瑣屑代謀昨已緘覆左宗棠請其酌飭地方官或委員籌款就地采辦隨營轉運期無缺誤懇
 恩飭下福建督撫卽起速籌辦該軍到閩後既歸左宗棠調遣將來調令進剿賊勢軍情未能預定若去廈門過遠卽處無從轉解蘇省亦難兼管並請
 豫飭福建廣東各督撫就近協力籌濟勿得推諉所有籌畫軍需大概情形理合附片陳明伏乞
 聖鑒訓示謹
 奏

奏稿八

六

洋弁請獎片 同治四年正月二十九日
 再江蘇常勝軍自同治二年戈登接帶以後督同分營兵頭教練勇丁會合官軍攻城奪隘所向有功現在蘇省肅清該軍陸續凱撤提督銜戈登業已登沐
 恩施其餘在事外國弁助出力似應一體給獎用示
 聖朝賞功懷遠之意前據英國公使威妥瑪將幫同戈登打仗各洋弁開單交由總理衙門知照到臣當經飭據蘇松太道丁日昌通商隨員候補知府應寶時會同戈登及總稅務司赫德悉心查核大致相符並據英領事巴夏禮而稱緝譯官梅輝立等與有功績此外法國兵官陸國費在上海教練鎗勇亦著勤勞由該道等開摺詳請獎勵前來臣覆核無異謹繕清單恭呈
 御覽合無仰懇
 天恩俯准分別獎賞如蒙
 俞允卽由臣札飭蘇松太道仿照天津金寶星及銀牌式樣趕緊製造送交各領事分給佩帶以示寵榮除咨明總理各國事務衙門外附片具陳伏乞
 聖鑒訓示謹
 奏

奏稿八

七

程學啟建專祠片 同治四年二月十七日

再記名提督江西南贛鎮總兵程學啟上年春開科攻嘉興傷亡

欽奉 恩旨褒卹加太子太保銜

賜諡忠烈並於蘇州等處建立專祠七月開復奉

特旨追贈三等輕車都尉世職旋據蘇郡紳士馮桂芬潘曾瑋等

呈請將賊遺偽聽王府重加修葺為該提督建祠並耐祀陣亡各

將士查蘇城收復後據善後局司道稟稱城內各衙署被燬須權

借民房辦公惟查賊遺偽王府開有經賊改造規模僭越非復民

房之舊請酌給原主地價即將屋宇入官暫作公所當經批飭遵

照在案又據統領兵勇劉銘傳張樹聲潘鼎新王永勝等稟稱道

念程學啟功烈之大死事之苦願各捐助銀兩為程學啟建祠經

費酌給民房地價交還原主並請行知地方立案春秋致祭列入

祀典以垂久遠各等情前來臣查程學啟在蘇浙一帶戰績最偉

克復蘇省尤為首功茲官紳公議就蘇城內賊遺房屋籌給原主

地價俾建專祠仰副 聖朝崇祀報功之至意除飭縣列入祀典外理合附片陳明伏乞

聖鑒 奏

蘇滬軍需第一案清單摺 同治四年二月十七日

奏為蘇滬軍需第一案收支款目總數開列清單恭摺奏祈

聖鑒事竊准部咨同治三年七月初七日奉

上諭同治三年六月以前各處辦理軍務未經報銷之案在將收

支款目總數分年分期開列備明清單奏明存案免其造冊報銷

等因欽此當經轉行欽遵旋據督辦報銷局蘇州藩司劉郁齋等

具詳湘淮水陸各軍糧餉卹賞隨營文武官弁鹽折采辦雜支製

造戰船等項應分別正雜款目請自同治元年四月起至二年六

月底止為第一案自二年七月起至三年六月底止為第二案其

補發元年三月底以前原部各軍正雜各款及所收皖省撥解之

款毋庸歸歸皖省統歸第一案另列收放又上海原設軍需製造

各局並松滬原存舊部兵勇糧餉卹賞應截至元年十月初三以

兼署藩司蘇松太道吳煦交卸司案前一口止歸該道片案開報

十月初三日起至三年六月底止歸該司等由局彙入第一案開

報以清界限等情當將酌議開報章程奏蒙

聖鑒在案茲據該司劉郁齋等詳稱第一案收款自同治元年正

月督臣曾國藩在皖陸續撥給及臣抵滬後提撥江蘇藩關各庫

並釐捐等項共計收銀四百四十三萬三千五百九十八兩一錢

三分七釐二絲三忽錢五萬九千一百九十七千四百二十六文

據各委員將支放實數詳報到局該司等督飭局員逐款句稽悉

心查核計第一案請銷銀四百四十二萬三千六百六十六兩六

錢五分三釐一毫四絲二忽錢三萬四千二百七十一千文實存

銀九千九百三十一兩四錢八分三釐八毫八絲一忽錢二萬四

千九百二十六千四百二十六文歸第二案接續開報所有收支

銀錢均就實收實放之數開列其各軍欠餉統俟酌發餉票完竣核清數目另行專案辦理詳請具奏前來伏查同治元年四月間由皖統帥至滬接署撫篆其時鎮江以南僅存上海一隅之地賊勢披猖軍情萬分喫緊經臣於虹橋四江口幾經血戰力挫兇鋒大局始有轉機嗣後遂漸募勇添營規畫進取並挑留松滬原防兵勇人數愈眾需餉愈繁江海關稅供支常勝軍用款及外國會防教練勇丁口糧購置外洋鎗礮軍火需費尤多適值九漢開關滬稅減色因將釐捐大加整頓藉濟水陸軍需而綜計收支仍人不敷出提前提撥設法騰挪各營口糧積欠甚鉅前因無從籌補援案奏請酌發餉票設局收捐其欠餉不願領票者仍難相強此外挪借洋行采辦米價應行按款提還又購辦外洋軍火價值較昂分立期票亦須陸續清付三

奏稿八

十

年以來督飭司道百計經營勉力拮据幸稟承廟算恢復省郡州縣二十餘城江蘇全境得以廓清而籌餉之難實較用兵為更甚茲據開報各款擬加確核委係實用實銷毫無浮冒應請存案免其造報除常勝軍等五款另行開單附奏外合將蘇滬軍需第一案收支款目總數開列清單恭呈

御覽伏乞

皇太后

皇上聖鑒謹

奏

用款與洋人交涉權宜酌定片 同治四年二月十七日再蘇滬軍需案內常勝軍用款為向來軍務所無又英法兵官教練洋鎗礮隊湘淮各營添雇洋人教習及租置輪船買用外洋軍火製造西洋礮火均經先後隨摺聲明具奏有案據督辦報銷局蘇州藩司劉仰膏等詳稱常勝軍及英法教練洋鎗礮隊勇糧同治元年十月初六日以前應歸前兼署蘇藩司蘇松太道吳煦一手開報以後川款常勝軍截至三年四月裁道止其教練勇糧並各營教習洋人辛工及租買各項輪船購買外洋軍火製造西洋礮火等五款截至三年六月底止其請銷銀二百七十八萬八千三百八十八兩八錢三分八釐一毫係於藩關各庫捕盜經費撥捐等項內陸續提撥另開收支款目詳請具奏前來臣查前五項用款皆與洋人交涉無例可循經臣隨時權

奏稿八

十一

宜酌定飭發並無浮冒理合附片具陳並照繕清單恭呈御覽一併存案免其造報再前項既屬例所不及嗣後支放各款仍應覈實專案奏報請銷其法國教練龐字營口糧由會防經費項下動支者應歸外銷由關道庫動支即附入奏銷彙辦合併陳明伏乞

聖鑒謹

奏

軍需用款酌量變通片

同治四年二月十七日

再前奉

上諭同治三年六月以前各處軍務未經報銷之案免其造報其自本年七月起一應軍需凡有例可循者務當遵例支發其例所不及有應酌量變通者先行奏咨備案等因欽此仰見

朝廷實事求是至意曷勝欽服除三年六月以前軍需用款歸於月案奏報清單外查楚軍向以五百人為一營每百人用長夫三十六名所統湘淮陸軍原照楚軍向章連長夫共六百八十名為一營每月支餉銀二千八百餘兩係按勇百名內勇目十名每名日支銀二錢正勇九十名每名日支銀一錢五分長夫三十六名每名日支銀一錢綜計所支銀數與非銷勇糧每名月支銀四兩五錢成案有減無增惟勇營向不准銷夫價而長夫一項移營

奏稿八

三

拔隊挑運鍋帳可以不拉民夫不佔民房至臨敵交仗分送粥飯子藥與賊對壘日夜修濠築卡皆賴長夫為之其得力實與勇丁無異應作為正勇開報至陸軍內開添洋鎗礮隊一二哨勇丁亦須加增則一營有七八百名不等節經造具官弁銜名兵勇總數清冊咨送軍機處戶部有案又水師官弁向來只支鹽菜跟役不支例馬草乾馱折實屬不敷食用是以淮揚撫標太湖各起水師官弁均照陸軍一體支給例馬草乾馱折等項其水陸各營五六品軍功之哨官向照外委例支給鹽折均與懸屆造銷成案稍有未符自應遵旨先行奏明立案以備嗣後據實開報除咨戶部外所有軍需用款酌量變通緣由謹附片陳明伏乞聖鑒再楚軍章程兵勇陣亡受傷卹賞銀兩俱山營全數給領不

由原籍找給亦與例案未符先經分咨戶兵二部查照在案合併陳明謹奏

奏稿八

三

飭催郭松林楊鼎勳航海援閩摺 同治四年三月初四日

奏為飭催郭松林楊鼎勳各營雇搭洋船航海援閩業經分起裝載啟行恭摺奏報仰祈

聖鑒事竊臣擬派兵將由海道赴閩援剿前已專疏覆陳欽奉二

月初六日

寄諭即飭丁日昌趕雇輪船並將郭松林楊鼎勳等十六營軍裝

口糧妥速籌措催令起程適雨雪兼旬各營由建平東埔拔隊來

蘇長途冒雨不無阻滯該軍人數較眾行糧及雇船一切費用約

須二十萬兩臣督同司道竭力挪湊展轉需時至二月杪甫克就

緒郭松林楊鼎勳先後督隊抵滬江海關道丁日昌諭飭在滬閩

廣紳董楊徽猷郭振瑞李瑞岐等與洋商議雇火輪船專裝弁勇

月雇夾板船載運軍火馬匹輜重福建陸路提督郭松林統所部

八營遂於二月十八日全數登舟記名提督楊鼎勳所部八營因

輪船稀少不敷裝載由丁日昌趕緊添雇三月初間當可接續開

駛自上海放洋至廈門約計數日可到在左宗棠函稱龍巖州克

復後康逆汪海洋亦棄巢窟遁有歸併漳州之勢南面濱海一帶

正虞空虛李世賢句結洋人廈門英領事柏威林往來詭秘各等

情是閩省沿海南路極形喫重臣已飭令郭松林楊鼎勳等整肅

軍規於到廈後察看賊情地勢妥籌合剿並密令丁日昌轉商上

海英領事巴夏禮致書廈門領事約束洋人勿與侍逆交通官軍

到後如遇有洋匪接濟被營中查獲照約懲辦或有幫助賊匪打

仗臨陣格殺勿論據丁日昌函報英布各領事皆允為通知無論

是否可信仍飭郭松林楊鼎勳等相機聯絡俾得我範圍不致

添賊羽翼庶於大局有裨所有援閩各軍雇搭洋船分起裝載啟

行各緣由謹繕摺由驛馳陳伏乞

皇太后

皇上聖鑒謹

奏

奏稿八

五

援閩未便分兵援粵片 同治四年二月初四日

再正緒揭開非兩廣督臣毛鴻賓廣東撫臣郭嵩燾咨稱漳州以西漳浦雲霄平和各城環粵邊數百里皆為賊踞賊眾現屯聚閩省而其出路則在粵省閩軍由東北漸次兜圍蘇軍再由廈門南面進攻則漳州三面被剿必由西路全股入粵請分軍由汕頭登岸會合粵軍由詔安規復雲霄平和等城以斷賊路等因臣查賊初入閩本自粵東邊界取道龍溪龍漳各城現在粵省方耀等軍進紮永定上杭等處計與閩省龍巖州各營可以聯絡遮截則北路之防較固惟賊勢併趨閩中腹地據探報康逆仍欲會侍逆北竄江西似江閩各路兵力足資防制左宗棠慮其句結盜艘洋船竄擾沿海一帶郭嵩燾等慮其被劫窮蹙西竄潮州一帶皆在意料之中臣派郭松林楊鼎勳等由廈門進兵正當沿海一面但夷

奏備八

六

情巨測孤軍遠出本宜合而不宜分且已與洋商議定赴廈閩省官軍皆知蘇軍由彼處會期更未便改赴汕頭惟密飭郭松林等到廈後察酌賊勢穩慎進取須先截其窺伺海濱之路如將來賊股併趨入粵就近跟蹤兜追以收夾擊之效除咨復廣東督撫外理合附片陳明伏乞

聖鑒訓示謹

奏

李元度請免發遣摺 同治四年三月初四日

奏為陳明已革臬司前功足錄母老堪憐可否懇恩免其發遣恭摺仰祈

聖鑒事竊臣等接部咨同治三年十二月十九日奉

上諭已革浙江臬司李元度著從重發往軍臺效力贖罪等因欽此謹查此件部議全案臣等均未及見惟恭讀邸鈔所載前後諭旨知李元度於罷職後被言官撫拾前事奏劾曾國藩復自陳前參本屬從嚴李元度原有兼人之才懇請酌量錄用左宗棠查奏亦稱原參各節失實而咎由自取各等語是李元度功罪始末早在

聖明洞鑒之中臣等竊仰體

朝廷追念前勞愛惜人才之意有不能已於言者彼此緘商不謀

奏稿八

七

而合用敢臆陳事蹟干瀆

聖聰李元度以湖南舉人集練起軍咸豐五年八月轉戰撫州建昌廣信一帶常以數千之勇當石達開楊輔清數十萬之眾軍無宿糧惟以忠義激勵士卒每戰則自策馬出陣敵子集於頰血濡袍袖危險不顧臣葆楨實親見之弋陽貴溪廣豐玉山諸縣卒賴保全當是時江西糜爛微元度倉猝入城受代甫數日而陷非之役賊已偏門庭空無備禦元度倉猝入城受代甫數日而陷非戰之罪也當經曾國藩奏參革職擊問臣鴻章實力爭之欽奉文宗顯皇帝諭旨有李元度謀勇兼優挫衄可惜人才難得之語遠近聞之莫不感涕嗣帶勇援剿湖北江西尋授浙江臬司時江浙偏地賊氛元度以偏師走數百里追剿乃飾報勝仗而不能救杭州之失既再被劾率請裁撤所部索領欠餉又失之急迫種

種獲符誠如部議所云罪有應得等亦無庸代為申辨惟李元
 度少孤其母守節數十年撫此一子年近七十家無次子元度今
 蒙重譴方將遠離救水之養託付伊誰桑榆之以以夕莫保計荷
 戈赴戍之日即倚闕水訣之時懸想此情實堪憫臣葆楨前在
 廣信府任內圍城岌岌賴元度倚角救護其事數年見其能耐艱
 苦忠勇奮發遂聯為姻親矢同心力以報
 國家非為私也臣鴻章曾在曾國藩軍中知元度頗深嘗謂其血
 性足以幹事而人則不甚明其才識足以謀事而帶勇則非所
 長當咸豐三四年間曾國藩在湖南練勇造船百凡草創人多視
 為難事惟元度獨信從之厥後進剿江鄂軍情之利鈍不一局外
 之謗議多端人或視為畏途惟元度常左右之一時名將如塔齊
 布羅澤南李續賓楊岳斌等皆與元度深相交契臣玉麟臣超與
 其患難十餘年而不料其數奇若此也近世提振東南全局首推
 曾國藩與前湖北撫臣胡林翼查咸豐八年二月間胡林翼特疏
 奏調李元度赴浙防剿稱其素性忠義才足任事十年五月薦舉
 人才疏中又稱李元度血誠果毅志節清嚴其同列刻章如左宗
 棠劉蓉暨臣葆楨等均蒙
 特旨擢用若元度果無足取胡林翼亦豈肯再三密陳春秋傳曰
 善善從長惡惡從短書曰罪疑惟輕功疑惟重臣等各以所知證
 諸公論竊謂李元度後此雖有可議之罪前此究有不可掩之功
 且係節母孤子在平民例得留養況其曾為
 國家出力之人夫通下情宣上德人臣之職也以人事君之義臣
 等雖至愚陋不敢忘也拘嫌疑之小節置是非之大公或竊竊歎
 息相顧而不發一言又臣等所不敢出也伏思

聖朝微勞必錄
 孝治方隆上年道員王沐因案發遣迨江西肅清臣葆楨陳其前
 功並以母喪未葬據實懇懇遂荷
 恩施免其遣戍今李元度前功多於王沐而有母年衰情同一例
 仰惟
 錫類之仁必在矜全之列所有已革浙江臬司李元度可否懇乞
 天恩免其發遣之處出自
 高厚鴻施如蒙
 俞允該革員應繳臺費銀兩即由臣等公同捐廉代繳合並陳明
 謹會同兵部侍郎署漕運總督臣彭玉麟浙江提督臣鮑超合詞
 恭摺具陳伏乞
 皇太后
 皇上聖鑒訓示謹
 奏
 奏稿八
 九

添練馬隊片 同治四年三月二十二日

再劉銘傳周盛波各軍現留皖防剿捻逆聞捻馬多而且悍平原曠野騎戰尤宜軍向在江南專用步隊陸路剿捻則不利於馳驟追逐據劉銘傳商請添練馬隊擬派參將崔萬榮帶同馬勇王春德等赴古北口張家口一帶挑買戰馬五百匹旬日回營以備急需除咨兵部請給印票並移行經過各省照章喂養接遞護送外相應請

旨敕部知照各關口將崔萬榮等戰馬按數查驗照例免稅放行謹附片陳明伏乞
聖鑒訓示謹
奏

奏稿八

二十

各軍分援淮徐摺 同治四年四月初四日

奏為遵奉

諭旨飭催各軍分往淮徐援剿恭摺覆陳仰祈

聖鑒事竊臣承准軍機大臣字寄三月二十四二十六等日奉

上諭迅飭張樹珊吳毓芬馳赴邳宿防守其劉銘傳一軍飭由蕭

碭一路前進等因欽此查道員吳毓芬所部四營派赴揚州接防

業於三月二十二日附片陳明在案先是漕臣吳棠來咨商調吳

毓芬赴浦策應臣以揚州重鎮關繫要吳毓芬兵力本單未可

遠離因檄令現守鎮江之廣西右江鎮總兵張樹珊統帶樹字六

營護軍一營洋鎗隊馳赴清江相機堵剿據報已於四月初二日

自鎮城拔隊渡江又准督臣曾國藩咨商添派馮提奏臬司張

樹聲前往淮徐查張樹聲係張樹珊之胞兄久歷戎行謀勇兼優

今年正月經臣調蘇總理營務釐局藉資歷練督臣商調該員赴

徐督剿翼於軍務地方均有裨益臣即飭令該臬司於三月二十

九日起程北去連准吳棠咨商捻逆大股竄至邳州沭陽境內清

江萬分喫緊臣又嚴催張樹聲張樹珊等督隊兼程計日內必可

抵浦淮揚鎮總兵歐陽利見帶所部礮船四十號計亦早抵清江

得此水陸兩軍合之淮徐原防兵勇分布扼剿裏下河門戶當可

保固該逆不得逞於海流恐將由徐邳回竄蒙臺准會國藩咨會

已調直隸提督劉銘傳會同馮提奏提督周盛波等統率所部

由六安前進臨淮徑赴徐宿一帶防剿臣又疊加咨催該提督等

迅速拔營迎頭截堵惟臣部各隊所用外洋鎗礮軍火繁重異常

營經
奏明在案以之摧鋒陷陣較可得力第轉運笨滯又無馬隊可利

進行北路陸多於水捻逆騎多於步流賊無定飄忽靡常誠恐各營為軍裝步行所累或不能疾馳速追又甫經調勘捻匪地勢賊情均未熟悉亦須慎重布置仍隨時諄飭各統將合力兜剿勉赴事機並咨請督臣漕臣就近調度所有遵旨派撥各軍分往援剿各緣由繕摺由驛覆陳伏乞

皇太后
皇上聖鑒訓示謹
奏

奏稿八

三

許關暫緩徵稅摺 同治四年四月十四日
奏為許關尚未設關擬請援案暫緩徵稅另行籌款辦理恭摺奏祈

聖鑒事竊照蘇州織造所管許墅關向設省城西北三十里地方咸豐十年蘇州失陷該處關署民房俱被賊毀克復後商販稍通而南北大宗貨物尚未暢行建署設關經費無出該織造是以未能遽請開關臣因軍餉支絀不得已就地擇要設卡抽釐慎選廉幹之員核實經理並飭總局司道綜覈稽查按月分耗旺牽計每月收捐錢數萬串所有防兵餉需及援剿閩省淮徐各軍糧餉軍火並內河水師修船船隻均賴此款湊用統歸軍需案內報銷是釐卡實餉源所自出關係至要難遽議撤前任織造文燾現任織造錫祉因大關未設又設法就巡徵稅而子口過多散布百數十

奏稿八

三

里開商民因與舊制不符屢至衙門申訴似於政體輿情均未甚協聞錫祉到任八箇月僅徵稅銀五千餘兩各口零星攢湊每月共不過六百餘金得不償失已有明證即令撤卡設關衙署多所開銷丁胥從而苛索斷不若釐卡委員各專責成遞相鈐制其所徵白不敵釐卡之數而稅捐同一來源不免互有藉口查杭州之南北兩關江甯之龍江西新關均因徵稅寥寥經左宗棠曾國藩先後奏請暫行停徵在案許關事同一律且兩利相權則取其重應援案請旨一體暫停徵稅俟蘇省防軍盡撤南北商貨流通由臣等察看情形奏明辦理復歸舊制該織造每年織辦大運綢緞及各項活計均屬要需從前山蘇州藩庫撥銀解濟咸豐四年前督臣怡良兼署織造諭知藩庫撥餉浩繁奏准在關庫自行動用今該關巡



口雖多收數太少於織辦要工究無裨益徒滋紛擾臣內外兼籌
悉心酌核與其關稅有名無實且礙釐捐莫若織款分撥值金同
歸實際溯查咸豐七八九等年派辦大運緞紗每年計報銷六七
萬餘兩藩庫撥銀三萬餘兩至四萬餘兩不等餘由關稅項下開
銷彼時江南未復似係彙派兩處應辦之數是以需款較鉅今江
甯織造已由督臣

奏明撥給辦理自可分任其勞所有蘇州織造衙門除應辦

廟要工由該織造隨時會商蘇藩司籌撥濟用期無貽誤外其有
大運等項工需即由臣核明於釐捐內酌撥銀錢交該織造分別
緩急最為辦理隨時咨部備查每年撥款以三萬兩為率至奉派
大運緞紗若按年辦運實恐力有不逮可否仰懇

聖恩俯念瘡痍之餘元氣未復准將一屆應辦之數分作兩年辦
運則時日既可舒徐經費亦資周轉當可不致延誤再蘇州織造
養廉前

奏明每年在於藩庫酌借銀一千兩其餘司庫庫使等員並由外
酌量支給查該織造兼管蘇州每年共例支銀一萬六千兩今
關稅議停織務仍舊擬請照原額減去四分之一仿照浙省成案
亦在釐捐項下每月撥銀一千兩作為織造養廉及該衙門書吏
匠役紙張飯食各項費用俾資辦公臣為慎重要工起見是否有
當謹繕摺具陳伏乞

皇太后
皇上聖鑒訓示謹
奏

酌度軍情無庸出省督勦摺 同治四年四月十四日

奏為酌度南北軍情暫無庸出省督勦恭摺陳仰祈
聖鑒事竊臣飭催劉銘傳張樹聲各軍馳往淮徐援勦並郭松林
楊鼎勳兩軍先後起程航海接閱各情業於三月初四月初四
等日專摺馳報在案嗣據張樹聲張樹珊等稟稱已於初六日統
帶樹字等七營行抵清江適捻股回窺邳州沈陽境內清淮空虛
該軍暫紮河北鎮定人心並准酒臣吳棠兩稱邳宿運河已經各
水師布扼清淮原防陸軍已悉數派赴宿北堵勦應令張樹聲等
暫行扼防裏下河門戶俟劉銘傳等大隊到齊即可相機進合
力兜擊又據宿遷縣知縣吳元漢探稟初九日捻逆回窺經官軍
擊敗遂向山東郟城馬頭集西北一帶逃竄等語恭讀屢次
寄諭以揚防已撤清淮兵單恐裏下河完善之區或有疏虞又奉

四月初四日

寄諭該督撫應否出省前赴江北督勦之處著酌度辦理迅速馳
奏等因仰見

聖主塵念要區指示機宜易勝欽悚如果捻蹤逼近清淮吳棠獨
力難支臣等先其所急自應帶隊出省會同督勦惟從前捻竄海
州時吳棠已商調水陸各營分布扼守嗣回窺邳沈界內距清淮
將近二百里黃翼升暨歐陽利見等水師與張樹聲等陸軍先後
趕到劉銘傳於初六七等日周盛波於十二日自六安分起拔營
亦克期可至聲援已壯賊蹤愈遠裏下河斷可無虞即淮徐各郡
必可保守臣身任地方籌兵籌餉兼辦洋務百緒紛煩未便遠離
惟隨時會商督臣酒臣妥為調度並飛催劉銘傳周盛波張樹珊
等相機前進會合兜勦以期顧全大局仰慰



聖座至福建陸路提督郭松林統帶所部由上海乘坐輪船於三月初四五等日抵廈門登岸十三日進紮漳州城外鎮南一帶十六日會同閩軍擊敗大股援賊於赤嶺擒斬約二千餘人記名提督楊鼎勳亦督所部於三月十五十七等日抵廈擬即由海澄進漳州南路聯絡協剿惟聞漳城守甚堅人數甚眾又有洋匪接濟軍火雖經盤獲數案但沿海廳縣多被賊踞尚未能一律禁絕李世賢汪海洋皆著名悍逆負固巢穴難遽即下即使漳州攻克恐將由粵界出竄江楚邊境固須嚴備蘇浙後路仍當豫防臣所派援閩各軍隨時由海道酌濟餉項軍火南北軍情似應兼籌並顧所有酌度情形暫無庸出省督剿各緣由繕摺由驛馳陳伏乞皇太后

奏

皇上聖鑒訓示謹

奏稱人

餉票收捐停止片

同治四年四月十四日

再臣前奏收捐餉票一案准戶部議照例定銀數請獎並准裁撤勇丁欠餉不照馮子材報效之案而援富明阿補發之案自係未便強令報捐但現在所遺之勇是否全係從前欠餉之人豈無先經遣散傷亡革退等項事故為數既有七八百萬何以圖圖其詞並無確數亦未截清住支餉銀月日若所欠係在三年六月以前自必歸人無庸報銷之內當飭承發各員潔已奉公勿為旁人竊議至所部勇丁為數若干所欠發者究係某年某月應發之餉如何設法俾此項歸於實用令人一目了然毫無疑義之處應令悉心酌核妥議具奏等因伏查臣部水陸各營多係楚師閒有添募淮勇仍照楚章辦理楚軍驍果善戰惟餉銀不能短少凡補發欠餉裁撤勇丁均以實銀補給其傷亡者於補發時由營官交其家屬具領革退者即時挑選頂補以點驗之日起支曾國藩等裁撤各軍均不能以餉票抵給此其明證臣因新復各縣錢糧多未啟徵上海稅捐日絀道撤無此鉅款不得已奏請試行餉票原為國計酌劑盈虛起見而楚軍不願領票者居多非特不便強令報捐且不能強之領票馮子材所部本皆金陵潰散之餘當時倉猝招留急不暇擇繼因欠餉甚鉅雖明知疲羸居半欲簡汰而勢有不能自到蘇後按月由上海撥濟銀三萬兩始陸續挑換訓練部議所云後來頂補之人豈復與聞從前欠餉之說切中鎮江軍營情事與曾國藩及臣所部情形不同然鎮營欠餉猶以餉票抵放收捐請獎至百餘萬之多始將下餘欠餉陳請報效是鎮營之報效不在全軍撤防餉票捐竣之後推行自有次第今欲期之於餉票擬辦之初似覺操之過急雖臣所部貴州兵營忠字勇營亦

奏稱人

奏

屬具領革退者即時挑選頂補以點驗之日起支曾國藩等裁撤各軍均不能以餉票抵給此其明證臣因新復各縣錢糧多未啟徵上海稅捐日絀道撤無此鉅款不得已奏請試行餉票原為國計酌劑盈虛起見而楚軍不願領票者居多非特不便強令報捐且不能強之領票馮子材所部本皆金陵潰散之餘當時倉猝招留急不暇擇繼因欠餉甚鉅雖明知疲羸居半欲簡汰而勢有不能自到蘇後按月由上海撥濟銀三萬兩始陸續挑換訓練部議所云後來頂補之人豈復與聞從前欠餉之說切中鎮江軍營情事與曾國藩及臣所部情形不同然鎮營欠餉猶以餉票抵放收捐請獎至百餘萬之多始將下餘欠餉陳請報效是鎮營之報效不在全軍撤防餉票捐竣之後推行自有次第今欲期之於餉票擬辦之初似覺操之過急雖臣所部貴州兵營忠字勇營亦

有報效欠餉請廣學額者然非全軍盡撤集有成數不敢零星奏
報士卒衝鋒陷陣出生入死幸而凱撤還家各有父母兄弟妻子
皆望其攜帶銀錢共資生計若事平後欠餉責令報效概作罷論
誠如部議非統兵者所能強也所統水陸兵勇總數節經咨報
軍機處兵部有案所放餉銀在同治三年六月以前者亦於清單
內專款開列並於酌議奏報清單內詳明三年六月以前欠
餉綜計我後餉票若干月款開報原所以杜牽混而清眉目臣奏
請收捐餉票時部下兵勇有酌議裁撤者有留防蘇松常鎮及先
後調派勦擒援闕駐場而至今未撤者本屬參差不齊全軍既未
盡撤餉銀即無從截數馮子材報效之奏必在全軍盡撤之時豈
非其時則報效之數亦無從核見也臣前因急欲裁遣先行約略
具奏原擬俟餉票截止月行核准確數造冊奏咨並非有意圖圖
其詞在戶部實事求是必應以報冊為憑即臣處按營核欠亦須
以事竣為斷其在三年六月以前各營欠餉若干發過餉票若干
擬俟第二案清單奏報後即截清造報在三年六月以後者放餉
尚無止期欠餉尚無定數將來總須核實報銷本不以七八百萬
作為定論斷不致為人欺朦所定餉票章程飭歸蘇州藩司刊刻
刷印各營領票俱有鈐領為憑由放餉委員核對欠餉月分銀數
相符隨時申請藩司照數填票並於票內注明某營字樣頒發給
領互相稽考均歸實用俟辦竣造冊報部自當一目了然如欲先
將各營欠餉逐一查明月日截清確數再議收捐餉票非全軍盡
撤不可若待全軍盡撤始議收捐餉票則與糧臺之歸補捐名異
實同若令已裁之兵勇散處郡邑坐俟全軍盡撤截清欠數奉部
議准之後再將餉票出售報捐然後起程回籍不惟易滋事端且

恐若輩無此資斧此又事理之不可行事勢之不能行者也惟自
上年十月奉
旨允准開辦以來發過餉票銀僅將近五十萬兩收捐則尚未及
半頭仰請獎冊又奉部發還捐生頗多觀望餉票即難流通部臣
既以收捐為疑兵勇又以領票為苦擬請即行停止將來只有月
議設法籌補其已發之票仍照部議收捐每月三月請獎一次以
昭大信俟收完後將已領餉票若干同已經報效數目月行詳晰
奏咨並先咨覆戶部查照外合將欠餉驟難截數查明給發餉票
並無弊混及現擬停止緣由附片具陳伏乞
聖鑒謹
奏

奏稿八

无

請將奉天糧穀准內地商船販運摺 同治四年四月十四日

奏為奉天等處雜糧米穀請准內地商船與北洋豆貨並行販運恭摺奏祈

聖鑒事竊牛莊等處豆貨請照約禁止外國夾板等船裝運仍歸內地商船轉運經臣奏奉

諭旨該衙門議奏欽此旋准總理衙門咨擬俟與英國公使議有章程再行辦理迄今數月尚未知能否議准而上海沙衛等船資本虧折停泊黃浦港者甚多日久朽壞生計竭蹶於大局殊有關礙本屆蘇省新漕及采買米石不及四十萬沙船已不敷裝兌若將來江浙全漕同時海運沙船日少從何辦理臣已於本年正月間出示曉諭將該船等助餉捕盜及油豆餅各捐一體酌減三成以示體卹而商情困敝滬市蕭條仍復日甚一日殊可危慮茲據

奏稿八

三

船號商王永盛等稟稱近年商船虧本停泊推原其故一由於北口之油豆餅被夾板船搶裝運出貨少價昂一由於商船本小者無整宗販運之貨素悉奉天等處雜糧米穀出產最多進本較輕現在江浙雖已肅清開墾荒田尚未一律成熟米糧騰貴民食維艱擬請以雜糧米穀與油豆餅並行販運庶資本輕重均可營生沙船不致全停民食更資接濟惟奉天等處雜糧米穀向不准華商販運而洋商轉得裝運往來獨佔其利伏查通商稅則米穀雜糧不拘內外土產不分何處進口皆不准運出外國惟欲運往中華通商別口則照銅錢一律辦理等因是米穀雜糧既准外國商船裝運中國商船似可援照准辦亦係此口運至彼口與例相符稟求

奏請開禁准令商等於奉天等省裝載雜糧米穀與油豆餅並行

販運等情由江海關道丁日昌轉詳請

奏前來臣查奉天等處所產米穀不准販運出口係防奸商濟匪起見該船商均係安分良民可無慮有濟匪情事況通商條約米穀雜糧既准洋商仿照銅錢之例出具保結請領執照轉運通商別口而內地商船轉不准其出口未免向隅上海關稅以沙船為大宗近因沙船停泊稅餉口細若早將登州牛莊兩處豆貨定議按約專歸內地商船轉運並准將奉天等處糧食與油豆餅一律販運則船商得利益各自踴躍開行無停朽之患不惟稅捐可期起色即每年海運漕糧需用沙船不致缺少實於籌餉運漕國計民生均有裨益合無仰懇

奏稿八

三

天恩敕下總理各國事務衙門會同戶部迅速核覆准行所有奉天等處雜糧米穀請准內地商船與北洋豆貨並行販運緣由理

合恭摺具陳伏乞 皇太后 皇上聖鑒訓示謹

奏

援固獲勝會克漳州府摺 同治四年五月初六日

奏為援固蘇軍會合浙軍分路進逼疊獲勝仗踏毀城外賊壘乘勝克復福建漳州府城恭摺仰祈

聖鑒事竊福建陸路提督郭松林記名提督楊鼎勳率師先後由上海乘坐輪船至廈門登岸進紮漳州城南及三月十六日郭松林會同軍擊敗大股援賊於赤嶺均經臣於四月十四日奏報在案四月初十日郭松林所部由城南鎮門進紮東山城中悍逆悉數出撲楊鼎勳派隊相助鏖戰移時獲勝賊逆不敢復出十一十二日適有同安土匪之變郭松林抽隊往剿幸於十八日竣事東山在漳州城南十里係通漳浦大路郭松林以入營扼之又十里為鎮門係東山海澄石碼適中之地楊鼎勳以五營扼之海澄縣為兩軍後路有山徑可通漳浦復派三營分佈縣城內外防賊

抄擊適獲賊書知侍逆求救於康逆約由龍岩漳平來援時總兵劉運捷臬司王開榜各軍皆在西北提督高連陞黃少春等軍在東路自蘇軍扼紮東山南路已斷惟北路之梗內寨烏頭門及東路教子橋東岳廟等處該逆築壘數十座皆悍賊主之以為犄角各壘不破東北官軍勢難會合備攻二十日郭松林預派松字營由石亭仔小浦南前進使賊首尾不能相顧另挑洋鎗隊五百名會同勳字五營五成隊親督至翰林洲地方駐宿是夜三鼓沿山疾行直抵烏頭門左側適東路高連陞等三軍亦至楊鼎勳即派副將張道記名提督黃中元直搗賊前總兵王萬劍舒義志周河清繞出通城大路掩襲賊後郭松林派總兵朱德鴻謝連陞擬保游擊馬宗駿等從旁夾擊該逆面面受敵死拒不退我軍愈攻愈猛將侍逆之叔偽老王宗主營踏破餘賊俱潰郭松林楊鼎勳

軍軍截殺斃賊極多花翎守備周有泉被礮子穿胸陣亡樓內寨之賊驚潰敗逃向南路一路紛逃各營追剿賊里當會同高黃等軍折回東南將東關外教子橋東岳廟及附近南門新橋各賊壘一律蕩平維時郭松林派由石亭仔小浦南進兵之提督易川剛總兵李長樂曹仁美副將郭文武王德駿等乘勝直抵至城根楊鼎勳又飛調提督銜總兵高占彪副將朱興榮已革廣東候補道段詰帶隊循河南岸依護廣東補用知府葉文瀾率礮船乘晚潮駛入助轟水陸各隊正仰攻開值高黃兩軍並均用火箭射入城中攻之益急各軍趁勢登城侍逆冒火突燃潛開西門而遁遂於四月二十一日夜克復漳州府城郭松林楊鼎勳隨派各營疾趨漳浦沿海兜剿並圖規復漳浦雲霄詔安各城據郭松林楊鼎勳馳報請奏前來伏查侍逆久踞漳州恃有東北城外多壘負固

不下並喉使同安土匪擾我後路屢次勾結洋匪思購輪船入海旁窺計甚狡毒此次援固蘇軍遠涉重洋數千里擣虛批吭足伐賊謀初至時士卒病憊倍嘗艱苦泊由鎮東山節節滾紮而入先斷南通漳浦下海之路會合浙軍連番血戰迅掃城外賊壘遠拔堅城各將士實為奮勇陣亡之花翎守備周有泉應請
敕部照陣亡例從優議卹統領松勳兩軍之督福建陸路提督郭松林遇缺題奏提督楊鼎勳前已蒙
恩賞穿黃馬褂郭松林並有雲騎尉世職此次越境遠勦力挽全局應如何
加恩之處伏候
聖裁楊鼎勳訓練精嚴謀勇兼優並請
旨即行簡放實缺其尤為出力文武各員另繕清單恭呈

御覽類

恩施其餘蘇軍各營應獎應卹人員可否由臣查明彙奏除浙閩各軍會勦情形由左宗棠詳細具奏外所有援剿蘇軍會同克復漳州府城各緣由恭摺山驛馳陳伏乞

皇太后

皇上聖鑒訓示謹

奏

奏稿八

三

密陳勦擒事宜片

同治四年五月初六日

再密陳者僧格林沁督師數載屢次勦滅大股賊匪實為

京畿屏蔽北路保障今變生意外賊勢復張念

國家之多難痛老成之凋喪臣聞信之餘憂惶無措初以為捻逆

晝夜急馳避兵亂賊勢已窮蹙有僧格林沁追勦可期旦夕撲滅

曾國藩與臣專防江皖協勦閩賊但使沿江沿海水路通行之處

自度兵力尙可制之臣軍由江南勦賊入手本宜水而不宜陸嗣

因西洋火器精利倍於中國自同治二年以後分令各營雇覓洋

人教練使用炸礮洋鎗之法傳習日久頗窳奧妙故派往南路戰

守稍有把握而各營軍火輻重視他軍尤為煩多曾國藩所立楚

軍營制每營五百人僅用鎗小鎗一百二十餘桿臣軍每營則

用洋鎗四百餘少亦三百餘桿洋藥銅帽每開一仗則須數萬斤

其開花礮隊礮具之笨重藥彈之繁冗每出一仗則須數十巨艦

裝運此非他人所能深知他省所能接濟者也楚軍營規無論調

援何處事勢緩急仍守古法日行三四十里半日行路半日築營

糧藥隨帶到處可以立腳勞逸飢飽之間將領節養其氣力體卹

其艱苦是以用兵十餘年卒能成功為其能自立於不敗之地致

人而不致於人臣軍陸戰亦用此法此又非他省將帥所能仿行

非他軍但圖野戰不肯紮營者所能合一者也往見僧格林沁統

帶馬步隊窮年累月逐賊而行到處掠食不於險要形勢及賊匪

歸路竄路布置扼紮以逸待勞竊疑其用兵別有師法又慮疲憊

日久將有大挫而未敢越俎建言伏讀疊次

寄諭飭該親王持重養銳冀其或稍省悟不謂竟以此一蹶弗振

然其忠勇勤勞實非諸臣所及臣等能毋深痛曾國藩威望忠略

特出冠時仰見

聖明倚任得人惟以備臣帶兵向未騎馬督戰又自金陵克復東南漸就肅清所部兵將陸續裁撤惟鮑超一軍最為得力近又潰變督與臣齊精力頗憊願求退息臣方極力勸阻外有調兵各事臣方竭力相助目下事機緊急關繫重大尙未接准來函想必仰體

聖廟克期就道惟江西鮑超勇無人收拾滋蔓可虞漳州雖已克復據郭松林楊鼎勳函稱賊必由廣東邊界上竄江西是皖南蘇常防備益須嚴密臣軍分防蘇境三萬餘人內水師居多不能遠調陸師僅侍講學士劉秉璋十營常鎮道潘鼎新十營總兵王永勝劉士奇等十七營尙屬大枝勁旅若南路有警即須分投堵剿曾國藩若再商調似亦不能多派致海疆餉源重地或有疏虞

昨已緘商曾國藩現在劉銘傳已抵徐州張樹聲周盛波已抵宿遷該三軍其一萬七千餘人合之可當一面請該大臣酌留湖遣屢奉

寄諭嚴催劉銘傳繞赴直隸自應先其所急護衛畿甯前接該提督來函云由六安遣程二十餘日始抵徐防該軍全係步隊拔行笨帶軍裝尙多落後即繞道赴直行走需時軍火糧餉各省未能接濟曾國藩遣役士卒必多病憊若令飢疲逐賊轉恐損銳且曾國藩既奉

命北征兵將素習正可藉資驅策臣竊料黃河寬深滯急該地方官但將渡船收提沿河北岸分資兵練扼守多置疑兵該逆斷難飛渡更請特旨嚴飭該督撫於賊到地方督令郡縣各守城垣紳民各守圩

塞萬一偷渡北竄當不遽擾亂大局曾國藩督兵繼進先聲奪人諒可驅賊他走至目今欲圖制擒之策臣愚以為非令直東皖豫各省居民堅壁清野官督民團去邪扶正認真辦理則賊得就地覓食辦人增黨為患竟無底止非令各省自整練步隊勁旅扼要紮營伺近邀擊則賊得任意去來徵調徒增疲乏無裨實用非令各將帥多練馬隊則無力兜追期辦殊難痛快東三省騎兵尤宜趕緊添練以備北方明末流寇嘉慶年間川楚教匪正與此股捻逆情形相似辦法亦須參仿曾國藩及臣部各軍於北省地勢未熟賊情亦異又無馬隊可利馳逐當徐籌變通之方斷不能如價格林沁之神速各省會剿責成督撫須擇真正知兵者同心合力以期有濟近來練兵調將往往似是而非軍情隔膜應請皇上於久在軍營帶勇著有成效文員中慎選擢用假以便宜不責速效而求遠略不驚虛談而考實濟庶緩急可恃而殘寇可漸滅矣臣因事勢危迫冒昧直陳未知有當萬一否伏乞聖鑒裁擇施行謹附片密

奏

郭松林剿辦同安土匪片 同治四年五月初六日
 再郭松林於四月十二日接提督後即據興泉永道邵廷相等
 函報同安縣西鄉土匪暗受侍逆喉使聚眾攻城冀擾官軍後路
 城內止有水陸提標兵六百名勢頗危急郭松林即親帶二營五
 成隊伍星夜馳往十三日午刻已至同安隨向官紳詢悉該邑西
 鄉一帶匪徒最多者有上宅村張僻許井鄉張卓張禱古山鄉洪
 甜橄欖嶺大鄉邵敦外教場鄉楊聯八社半鄉陳晉陳懷官浮林
 厝塘林振等皆句通髮逆而張僻張卓張禱尤為著名匪首上宅
 村離城僅及十里郭松林即掩其不備冒雨馳赴該逆鳴鑼聚敵
 郭松林先令隊伍圍定仍分三路進攻鎗礮環施賊敗入村官軍
 乘風縱火分頭截殺生擒張僻之叔張振奪獲太平天國中軍主
 將黃旗一面擡鎗五十餘桿時已昏黑搜出火藥數百桶分佈轟
 燒上宅村賊巢及羣賊均燬洗無遺回軍後會同前興泉永道曾
 憲德馳諭古山等家長令將洪甜等匪首捆送以免搜剿十四日
 卯刻復率隊至離城三十五里之許井鄉該處背山臨海環村長
 牆遮護均有礮眼逆眾遂排列三四千人山嶺並豎黃旗郭松林
 派馬宗駿帶隊由左路進洪寶麟王興明帶隊由右路進自率小
 隊與曾憲德攻其中路令包國挺帶隊於山後抄擊葉文瀾陳
 謙恩於海汶緊追兜剿該逆見官軍四路分開亦即分路來撲並
 於牆內川鳥鎗狙擊郭松林先破其中路左右兩軍亦爭先陷陣
 逆眾潰退山嶺賊見長牆已破即舉放煙火山後之賊忽翻山湧
 下我軍鎗礮連環擊適包國挺帶隊抄至山後奮力衝殺逆眾
 後路先亂官軍兩面夾擊各路乘勝包抄殺縱火焚村陣斬及
 鎗斃千餘人其海面拖泊匪船百餘號為葉文瀾等盡行焚燬敗

匪被迫入海竊沈無數許井鄉賊巢亦平其逸去匪首按名先燒
 房屋仍由該地方官緝拏訊辦郭松林即於十七日帶隊折回漳
 營據該提督馳報前來 臣聞福建泉州府同安縣西鄉向稱悍惡
 抗糧拒捕形同化外此次膽敢句通髮逆聚眾攻城尤屬罪大惡
 極郭松林兩日之間剿撫兼施蕩除巨患辦理尚為妥速除陣亡
 弁勇由 臣核給卹銀外所有剿辦同安土匪情形理合據情附片
 奏 聖鑒謹
 奏稿八
 奏

署理總督籌辦大概情形摺 同治四年五月初六日

奏為欽奉

諭旨恭謝

天恩並籌辦大概情形恭摺奏祈

聖鑒事竊臣於五月初四日承准軍機大臣字寄四月二十九日

奉

上諭曾國藩著即攜帶欽差大臣關防統領所部各軍星夜出省

前赴山東督剿兩江總督已有旨令李鴻章暫行署理即著前赴

金陵接印任事兩江任大責重李鴻章務須悉心經理仍隨時與

曾國藩妥商曾國藩軍營調兵集餉各事宜該撫並當妥為籌畫

不得稍有遲誤等因欽此當即恭設香案望

闕叩頭祇謝

天恩伏念臣吳疆承乏三載於茲雖思竭慮以效忠竊愧過多而

功少仰荷

酬庸曠典

異數疊加兄弟同列封圻將佐多膺專閫每念寇氛未靖時事多

艱輒互相做戒懼有隕越致負

聖主倚畀之隆茲復

特降恩綸斬權督篆聞

命震悚日夜旁皇竊以臣籍隸安徽該省係總督兼轄例須迴避

又兩江政務殷繁所屬蹂躪已久彫瘵萬分善後各事兵餉二端

在在棘手誠如

聖諭任大責重微臣才智短絀非所克勝揣分量力必應籲辭同

請惟親王們格林沁勦賊陣亡捻氛口熾直東一帶失此長城中

外憂驚

宵旰憂勞急盼曾國藩前往督師需人接替臣何敢拘泥常例引

嫌避位致誤事機擬即料理交卸馳赴金陵暫行接印此間善後

如潯河興學撫卹勸農及常鎮招墾荒田上海通商洋務均次第

辦有端緒藩司劉郁齊接護撫篆情形熟悉地方一切可無貽誤

惟蘇境水陸防軍三萬餘人均已分布各隘又援剿福建之提督

郭松林楊鼎勳兩軍共八千餘人援剿徐州淮揚之提督黃翼升

劉銘傳周盛波臬司張樹聲道員吳毓芬等軍共二萬數千人除

黃翼升李朝斌兩枝水師係曾國藩舊部餘皆由臣募練而成各

軍餉糧軍火專指蘇滬稅釐歷經奏明在案統計每月餉需及製

造采辦各項雜支額款將近五十萬而蘇滬稅釐及藩庫地丁牽

算月入不足三十萬挪東拖西儘力湊濟雖前敵各營時時置乏

呼號徒以恩義相維尚不至於譁潰臣獨心憂之是以疊次奉撥

京餉義不敢辭甘餉迄難定數每月能解一萬已為勉力臣非忍

忍道西陲實迫於不容已也臣暫署督篆距蘇較近所有調度兵

將籌畫餉需自當引為己責隨時會商曾國藩照章悉心經理以

期仰副

宸廑至通商業務係臣兼辦現未奉

明諭臣謹暫帶通商

欽差大臣關防前往隨事飭令江海關道丁日昌等妥為辦理仍

旨定奪除俟交卸起程續行馳報外所有接奉

諭旨恭謝

天恩並籌辦大概情形理合繕摺由驛具陳伏乞

皇太后

皇上聖鑒訓示謹

奏

奏稿八

聖

海關應撥北新贛州太平三關絲稅請免補解片同治四年五月初六日

再上海初設洋關時內地商人販運湖絲來滬議令補納北新贛州太平三關稅課由江海關代為徵收除太平關稅數由該關核入額徵

題報所收銀兩仍彙入江海關洋稅報解向不解還外其北新贛州二關按月截數造冊撥還嗣開辦新章在洋商領照自赴內地買絲完納半稅因自咸豐十一年三月二十三日起無論中外商人運來湖絲一律改完內地半稅免補三關稅課經前撫臣薛煥具

奏在部議以太平等三關絲稅既歸入江海關徵收應俟一年期滿將其完內地半稅若干報部照從前應徵之數酌量比較撥補

奏稿八

聖

三關等因是雖有撥抵之虛額究不必有補解之實銀自咸豐十年四月以後蘇省軍務愈繁餉需浩繁各該關道儘數湊放歷經奏咨有案雖聲明俟軍務平定再行籌補但愈積愈多以數十萬之鉅款斷無彌補清理之日據江海關道丁日昌疊次詳請奏懇免補前來臣查上海通商之始湖絲出口皆由內地商人轉運本應逢關納稅是以令其補納三關稅課今在洋商自赴內地買絲即由洋商運運粵東亦祇照章完一半稅無違關納稅之理是所謂三關絲稅名實顯屬不符部議仍於半稅項下比較撥補三關蓋恐該三關稅額驟減藉以抵補虧累耳然即以湖絲半稅而論每百斤只收銀五兩並無耗銀而按照向例撥補三關每湖絲百斤北新關應撥正銀八錢五分七釐六毫贛州關應撥正銀九錢一分九釐一毫太平關應撥正銀一兩四錢三分二釐合共

應銀三兩二錢八釐七毫連加一耗銀併計其應銀三兩五錢二

分九釐五毫七絲除撥三關外海關僅餘半稅銀一兩四錢七分

四毫三絲原定章程實已偏枯況上海洋稅向以絲茶為大宗近

來湖絲每由甯波出口不必盡來上海茶葉白漢九開關凡楚西

二省運出之茶均由漢九兩關徵收滬關雖有出口之茶竟無可

徵之稅是以同治元年以前滬關月收至二三十餘萬兩自漢九

添關後每月至多不過十餘萬除扣英法四成外僅存數萬今昔

情形不同稅額大減而本省軍需及指撥京協各餉紛至沓來應

接不暇更何能分餘力以補三關而北新贛州等關且以額稅為

詞或委員催提或撥抵別項海關無可籌付徒費文移臣愚以為

與其日久宕懸轉滋轉輟曷若因時變通務求實在合無仰懇

天恩俯准將江海關現徵內地半稅項下應撥三關絲稅自咸豐

十年四月以後一律免其補解歸入蘇省軍需案內報銷並請嗣

後悉照太平關舊案由江海關將代徵三關銀數按年劃清月造

分冊移知各該關核人額徵數內

題報所入銀兩仍彙入江海關洋稅動放軍需俟軍務告竣防軍

全撤儘數報解以昭平允而免延誤是否有當伏乞

聖鑒訓示謹附片具

奏

派兵航海赴津 同治四年五月初九日

奏為遵

旨酌派兵將由滬航海赴天津登岸南趨東省藉固畿疆門戶並

籌辦大略情形恭摺陳仰祈

聖鑒事竊臣欽奉

諭旨暫署兩江督篆業於初六日繕摺馳陳旋又接奉五月初一

日

寄諭德州一帶與河間接壤距京甚近尤恐蓄意北趨震及畿輔

是江南援軍遲到一日則逆蹤鴟張日甚一日後患將不可勝言

李鴻章務當於所部各軍內商撥勁旅數枝速派得力鎮將統帶

由上海乘坐輪船北駛或由膠州登岸西趨濟南或由天津登岸

由景德地方南趨東省均著李鴻章酌量迅速辦理等因欽此仰

見 聖主審幾防患縹緲至周臣渥受

重恩瞻戀

闕廷誠恐逆眾銳意北趨畿疆稍有震驚則臣等罪戾滋大伏讀

憂思寢饋俱廢頃准曾國藩來函以金陵所部湘勇早議全數遣

散且南人北去難期得力擬即督帶淮勇劉銘傳周盛波張樹珊

各軍前往等語劉銘傳等均任在徐境由東南向西北節節進藉

以遮蔽淮徐兼顧糧運後路勢不能遽繞赴北綱奉初三日

寄諭崇厚已起程取道景州前赴畿南又有劉長佑扼守大名一

帶河岸似畿防漸嚴密惟慮兵力未厚若東南數道並進偏賊

北趨則有防不勝防之勢臣所部各軍已大半出省援剿又須防

聞賊回竄論事勢則緩急宜備實係不可再分論大義則輕重相

形必當先顧北面躊躇再四豈能忽然查有布政使銜常鎮道潘鼎新順天舉人原籍安徽自咸豐七年在皖北帶勇隨營協剿十一年克復三河後經曾國藩札調募勇隨東下同治元年以來疊次克復浦東各廳縣及浙西嘉湖郡縣上年湖州報捷奉特旨賞穿黃馬褂嗣委兼統上海英國教練勇該員器識沈毅勇略兼優於洋人火器用法頗知究心所部鼎字淮勇十營洋鎗居多內有開花礮隊一營礮位器具皆陸續購自外洋為中土難得之物堪為海疆鎮守茲令由海道赴天津登岸進景州德州為畿輔一助聲勢江海關道丁日昌適來蘇省與該道等面籌雇備輪船及將來接濟軍火各事宜潘鼎新感激國恩矢圖報效願即日整治行裝俟丁日昌將輪船雇齊率隊迅往該軍到天津後在直隸境內應由劉長佑酌量妥為調遣入山東境後應仍由曾國藩調遣該軍鎗礮隊軍裝子藥最為繁重不比他處陸營可以輕齎行走其所到之處必須地方大吏派委妥員設法伺應陸路則多備車輛水路則多備船隻源源轉運庶可接次趨行應請旨敕下直隸督臣先派大員在津迎護豫備剝船往大沽接運再雇船由天津運河陸續裝運南下其開花礮隊或留重大者在津坐鎮酌挑輕礮隨隊行走由潘鼎新自行相機妥辦該軍初往北路地勢未熟人數稍單似宜循運河左右穩慎防期與劉銘傳等互為援應則氣脈貫連道易通並請豫飭山東撫臣於該軍人東後一體照料至該軍航海遠役應由臣籌給行糧惟蘇省釐稅短絀出境及在防各軍需餉甚鉅每月僅放半關釐經奏明在案此次輪船雇價及五千人月餉立需八

九萬兩竟無力措此鉅款查本年奉撥滬關京餉二十萬臣已奏定分季撥解所有存季五萬兩業經匯解其夏季五萬兩該道正擬報撥今潘鼎新一軍赴津實為京畿根本起見事機緊要自應先其所急以公濟公仰懇敕部准其暫行截用作為該軍北援餉需嗣後仍設法籌解十萬兩以符本年派數再臣軍向例按照各營人數月給食米柴薪油燭等項出境遠期勢難供支此次潘鼎新一軍援直應查照郭松林等軍援閩由閩支發成案無論在何省防期即歸何省接支勿得推諉貽誤該軍人直後每月餉項並請旨飭令直東督撫按月各撥銀一萬五千兩為數無多必應如期解濟無令缺乏其軍火一切要需他省未能措辦應由臣督令丁日昌隨時由滬籌撥搭海船運津交天津道轉解潘鼎新行營應用所有遵旨酌派兵將航海赴津籌辦大略情形恭摺由驛六百里加緊馳陳伏乞皇太后皇上聖鑒訓示施行謹奏

奏稿八

吳

奏稿八

吳

酌籌南路布置情形片 同治四年五月初九日

再蘇滬係臣軍餉源江北係曾國藩餉源防守均關緊要曾國藩由清江北去必可屏蔽清淮保固後路惟閩賊李世賢汪海洋兩股人向眾悍現分竄粵東邊界並有月股由福建永定上杭回竄江西之諸鮑超靈營清勇已竄至義甯新昌境內難保不勾結賊股乘虛內犯江楚邊界須有重兵堵剿若稍大意縱令該逆由建昌廣信邊境舊路竄入皖南則蘇浙餉源重地防不勝防臣軍分調遠省既無大枝勁旅可備游擊又無倉猝添募之餉實堪危慮臣擬俟浙鼎新拔營事宜部署略定即交卸撫篆起程出江陰口乘輪船馳赴金陵曾國藩欲俟臣到江甯乃敢放心啟行亦為慎重南路大局起見蘇松防務擬派翰林院侍讀學士劉秉璋統所部水陸十一營並鼎字水師一營會同江南提督臣李朝斌護撫

奏稿人

吳

臣劉郁賢妥為籌辦臣即調副將張紹棠陸軍六營暨羅榮光劉玉龍兩起礮隊赴江甯接防改派南贛鎮總兵王永勝所統開字十營移紮東壩建平一帶並遵

旨飭令皖南防軍認真扼堵毋任敗匪內竄但徽甯江浙交界重山復嶺徑路紛歧防軍無多戰守殊無把握不若厚集兵力在江西建昌贛甯一帶嚴扼兜勒勿使一賊內窺腹地則蘇浙後路自可無虞查漳州克復所有漳浦南靖平和雲霄各城斷難久踞閩事必已大鬆該省主客各軍近四萬人似應酌調出省兼顧江西左宗棠洞悉賊情素顧大局可否請

旨飭下該督迅撥健將勁兵繞出江西邊界作兜圍之遠勢杜句結之內患至前派援閩之提督郭松林楊鼎勳兩軍應令由閩繞赴江西湖南邊境相機迎堵兼為江蘇遠固門戶該軍與蘇省隔

絕行蹤莫定籌濟為難已緘商臣兄湖南撫臣李瀚章如該軍將抵湘境酌量解濟餉需並妥為調度可期得力所有酌籌南路布置各情形附片具陳伏乞
聖鑒訓示謹
奏

奏稿人

吳

援閩克復漳浦縣摺 同治四年五月十六日
奏為援閩蘇軍進攻漳浦疊次獲勝踏破城卡克復漳浦縣城恭摺仰祈

聖鑒事竊郭松林楊鼎勳等會同浙軍攻克福建漳州府城並已派營疾趨漳浦沿海兜剿各情經臣於五月初六日馳奏在案茲據報稱四月二十二日郭松林楊鼎勳飭令黃中元高占彪折回海澄帶三營全隊從橫口渡河進紮長橋郭松林等自率各營由漳州城南木棉庵九龍嶺至長橋會齊二十三日督各營出四成隊至近漳浦之博孝嶺該處適有賊卡正當衝途守賊千餘施放鎗礮各營併力破之追至水磨嶺城北突出悍賊數千勢甚猖獗郭松林等據山列陣及其撲近開放洋鎗賊始奔退二十四日各營拔隊進紮博孝嶺之南坑尾坑前等處賊大股出犯郭松林所部山大路迎擊楊鼎勳所部山沿山小路抄擊逆眾翻下水磨嶺我軍夾擊斃賊甚多其眾始潰自相蹂躪狂奔入城城外賊營乘勝一律踏毀我軍於二十五日偪紮東西北三面二十六日雲霄援賊大至城逆亦開門出應郭松林等以四成隊守營以六成接仗布置方定賊已至前被鎗礮連環擊回薄暮乘其懈擊之賊始潰奔郭松林等知城賊勢孤且我軍米糧不繼不能久持是夜商派周河清高占彪王萬釗黃中元等掌號吶喊攻城之西南易川剛李長樂宋德鴻郭文武等各帶輜梯暗攻東北宋興榮張遵道舒義志吳勝清等由城西山背繞過南門外通雲霄大路之士橋地方潛伏謝連陞王德駿曹仁美洪寶麟孫懷德等伏於南門外迤東溪南小路以斷其下海並派道員段詰等會同漳浦縣知縣英峻署游擊陳洪凱帶領鄉團擒殺賊該逆被攻倉

皇無措遂由南門出竄經我軍追擊及中伏截殺者共數千人餘賊向雲霄遁去遂於四月二十七日丑刻克復漳浦縣城續據馳報雲霄廳賊亦於二十七日竄去其南靖踞賊先於二十二日經楚軍擊遁即可規復詔安等情前來臣查漳州既克賊勢震動漳浦雲霄各城本料其不能久踞惟接郭松林等來函士卒轉戰數百里旬日之閒攻城奪卡未嘗少休頗形疲乏且山路崎嶇饋運隔絕至以紅芋充飢時有乏食之慮幸該提督等嚴飭將士猛攻速下不致久頓赴機尙為神速近聞詔安已復敗賊由閩粵邊界竄入江西贛州界內雖尙未得確報郭松林楊鼎勳二軍前經奏請繞赴江西湖南邊境迎堵實於大局有裨但恐相距過遠糧餉難繼除飭江海關道丁日昌由關稅內酌籌解濟並催該提督等相機前進此次據請隨摺保奏出力各員飭歸漳州案內彙保

外所有蘇軍克復漳浦縣城各緣由理合恭摺由驛馳陳伏乞

皇上聖鑒訓示謹

奏

籌辦洋鎗礮隊赴津兼籌製造片 同治四年五月十六日

再臣 欽奉五月初七日

寄諭許彭潘祖蔭奏請飭江蘇巡撫解落地開花礮並揀請悉製造火器之員由輪船北上 一摺著即查明戈登所練洋鎗各隊尙有若干酌量派撥迅即由輪船赴津並將落地開花礮多為籌備一併由輪船帶來其帶隊洋人應否酌派數員隨同內地將弁管帶如令其前來必須妥籌章程嚴定餉項以免臨時藉口事後要挾等弊丁日昌能否令其北上如該員不能離滬即另派妥員帶領熟諳製造火器之匠役數人趕緊前來一面籌畫調派一面奏聞等因欽此 臣先奉五月初一日

寄諭飭派得力鎮將統帶勁旅北援當即籌派常鎮道潘鼎新統領所部淮勇十營內有開花礮隊一營由滬航海赴津於五月初

九日馳

奏稿八

五

奏在案此次許彭壽等請飭解開花礮與臣所籌不謀而合並據崇厚奏請調派戈登舊隊仍可邀同外國人幫同統領等語查從前中國將弁於洋鎗開花礮未諳施放不得不用洋弁管帶本屬一時權宜挾制要求既不能免牢籠駕馭亦未易言總須主兵者兵力自強方能操縱由我用彼而不為彼所制苟在我稍有把握即不必假以重權江蘇之常勝軍原係外國人幫同統領波瀾疊出糜費滋多且與洋人交涉各事均受牽制嗣戈登去後所存洋鎗隊千人以余在榜袁九皋兩副將分帶而統於潘鼎新其接手之兵官皆只只下以教練虛名俾約束各兵頭不准干預營事故兩年以來夏禮雖局外數數饒舌哲貝等尙恪守規條潘鼎新所部月有開花礮隊一營上年攻拔展舍湖州等處極著成效復

逐漸添置礮具朝夕操練已臻純熟該營向募有洋人隨營教習山該道節制調換糧餉均有定章不致藉口要挾自毋庸另派管帶其餘在榜所帶洋鎗隊五百餘人袁九皋所帶三百餘人連餘丁計共一千餘名即係戈登舊部駐紮青浦之鳳凰山巴夏禮以人數太少屢請增添 臣力持不允亦以潘鼎新全軍分駐松江塘橋本有輪換教練之議今潘軍既經北調該處僅存此營戈登巴夏禮原議以此專防上海若再抽調不足以禦服外人之望 臣飛飭丁日昌體察情形一面預籌募補一面妥商巴夏禮等如可將余在榜一營交潘鼎新統帶北去兵力較厚余在榜同該營弁勇已熟悉洋人鎗礮火箭用法亦毋須洋弁管帶前往致難鈐束惟此項弁勇因牽涉洋人向須按月發餉不能絲毫拖欠若調令出省遠助勢難由滬接濟 臣前已將潘鼎新月餉請由直東分濟即

奏稿八

五

邀 俞允各該省未知能否照辦若再加以洋人所練鎗隊一營正恐撥款難靠必致誤事應請 豫飭總理各國事務衙門會同戶部逐細籌畫知照遵辦此籌調戈登練存洋鎗礮隊之大略也丁日昌到滬年餘情形愈熟聲望日孚刻值 臣軍四出援剿各路糧餉子藥轉運接濟根本多在滬上以及雇備潘鼎新赴津輪船籌補鳳凰山教練勇額購辦外洋軍火在在關繫緊要全賴丁日昌督率籌辦方無貽誤萬不能離滬北上其所設上海製造礮局向由該員經理潘鼎新此行約攜帶大小開花礮子一萬餘顆蘇滬各局存儲尙多仍可隨後運濟北路縱有大戰事足供施放 臣管與洋弁討論火器稔知礮攻城劫營最利而用子最多至平原曠野行陣自隨止須十二磅及

九磅六磅長礮及田雞礮較為輕靈又苦不能及遠以之驚亂賊騎虛張聲威自可制勝惟陸路轉運費力究不若水路之進退自如則用于亦必不能多仍飭潘鼎新到直東後察酌情形稟商崇厚等如應設局製造即妥議章程再由臣飭商丁日昌酌派該局熟練之員帶領匠役器具由輪船赴津開局鑄造炸彈以資應用容俟籌商定議再行覆

奏此遵籌製造火器人員擬赴天津設局之大略也頃據丁日昌稟稱天津輪船雇價比前赴廈門較貴慮遠之閒洋商居奇恐未能定雇多隻仍督催籌辦俟稍就緒即於本月二十日由江路駛赴金陵除交卸撫篆接署督篆日期分別恭疏題報潘鼎新起程有期再速馳奏外所有遵旨籌派先行覆陳各緣由伏乞

聖鑒訓示謹附片具

奏

學獲白齊文片 同治四年五月十六日

再美國人白齊文前因管帶常勝軍不遵調遣並敢毆官劫餉經臣奏明奉

旨革去三品頂戴聽候查辦詎白齊文於革退後私自赴京求英美兩國公使冀得復用事既不成遂投蘇城髮逆購濟軍火搶奪輪船拒敵官軍嗣屢敗衄為賊所棄戈登復代央求悔罪投誠免其深究又經美國公使及領事官議明押令回美永不准再來中國上年五月間聞其潛至甯波欲往金陵投賊當經總理各國事務衙門照覆美公使轉飭辦並由臣飭上海各國領事通行各地方營卡一併緝拿在案茲據署福建陸路提督郭松林咨稱該營教習洋人司端里向與白齊文熟識四月十九日在廈門海口瞥見白齊文與英國人克令在司古那船上詢悉白齊文欲往

漳州投賊知司端里在蘇軍營中央請相送許給謝儀洋銀四百元司端里偽為應允白齊文等遂坐小船至漳州十餘里鎮門河下暫住司端里即至廈門稅務司處報信適代理稅務司巴德合先已接得臺灣關防聞白齊文來廈投漳之信正派幫辦揭謨及扞手二名在外密巡遂同將白齊文克令鎖解郭松林營中委員訊據供認投賊不諱當派弁押赴廈門交與泉永道鄧廷楨等收禁查請辦理並據總稅務司赫德申報前來又准閩浙督臣左宗棠咨稱該道業將白齊文等兩犯解送行轅已飭解交福州府嚴密押禁查商提案嚴辦各等因臣查白齊文窮兇極惡屢次甘心助賊情罪重大且以不准再來中國之人仍潛入內地蓄意從逆謀害中國按律久應誅殛前緣美領事西華強執和約由本國治罪之條曉曉置辯致稍顯戮此次由郭松林營中罕獲若當時

作為對敵殺死可首葛藤該提督等因係洋人及稅務司公同盤獲無法消彌既經解回訊辦恐未便即予斷誅惟查同治二年七月間總理衙門照會美公使文內聲明自應訪擊正法或被官兵鎗斃難均罪有應得等語嗣該逆復來中國該公使與領事均有拘擊嚴辦之說中國之待白齊文恩典寬恕已至再至三該犯惡貫滿盈在外國則不守法律亦非一次實為中外人等切齒其憤不能容留之人應否由臣谷覆左宗棠即將白齊文正法餘犯解交該領事嚴辦抑候

敕下總理衙門與美公使反覆申明情節請以如何嚴辦或治以死罪使其不能置辯之處均候

旨飭遵臣未敢擅便至此次訪擊出力之外國各員弁等勤正可嘉代理廈門稅務司巴德合幫辦揭謨松字營教習司端里應請

旨均賞給二等寶星并手羅士惠費陸斯經應請

旨均賞給三等寶星由臣做謹製辦分別給領以示鼓勵除咨總理衙門查核外所有擊獲白齊文擬請治罪緣由理合附片具陳

伏乞 聖鑒訓示謹 奏

大倉鎮洋一屬改徵折色摺 同治四年五月十六日 奏為蘇省太倉鎮洋二州縣地不產米請將漕糧改徵折色以紓民力恭摺奏祈

聖鑒事竊太倉州併所轄同城之鎮洋縣地居濱海在宋時本隸崑山常熟後分崑山東南沿海地為嘉定明初又割崑山常熟嘉定三邑沿海邊地添設太倉州

國朝雍正三年升為直隸州並闢東南鄉地方設附郭之鎮洋縣在建置之初輾轉分割原屬多瘠而少肥故種植之法遷就土宜祇能就棉而舍稻以產棉之區責以完米民情實多苦累今據太倉州知州方傳書鎮洋縣知縣李萼馨稟稱蘇松太官田浮糧恭

逢 恩旨准減三分之一凡在士民無不同聲感激惟太鎮浮糧之外

尚有買米完漕之累為兩邑士民所獨苦者緣太鎮分建之始盡割他邑瘠薄之區積而成邑又因舊隸蘇州賦課之重約略相等迨水利失修劉河改口土田高亢既不產米虞市蕭條無從采買不得不借糴鄰邑之粟以充本邑之糧越境轉輸其勞自倍幾番折閱其費自多夫出所有以上供賦稅民所甘也責所無而強就

輪將民所苦也地利遠不逮蘇松而田賦科則幾埒於蘇州民收租息倍遜於松郡固理之未得其順也土宜本無殊嘉定寶山而一則寬之使改折一則抑之使完米又情之未得其平也況太倉

州城前為逆匪負固之區自民團大舉逆更讐視諸鄉肆行焚掠現向人煙寥落田地荒蕪雖經招集崇明海門農民設法開墾咸

以地多瘠薄竭一歲之勤勞所入不敷辦供是以流亡之民望故鄉而裹足汗萊之田待墾復而難齊一經改折既無輸米之難自

有力田之利流亡集而荒野闢是固改折之有便於民者甚薄也
查太鎮歲徵漕白正米現奉

恩減之後約計起運漕糧正米四萬五千餘石以新定百二十萬
之額漕而內折四萬餘石上不見其損以積苦兩邑之民免細四

萬餘米下大受其益正米既經改折耗米亦併起徵是起運則
京倉收此四萬五千餘石正米餘耗徒隨正開銷折漕則部庫收

十二萬餘兩額銀餘耗可盡充
國用方今幸覩昇平徐復河運改徵折色計可裁汰糧船百餘號

所節經費為數更多且向來太鎮漕糧民欠多於他邑歷屆豁免
案內官墊民欠均有七八萬石可為明證雖屬州縣墊挪仍耗

國家財賦他邑民欠專因賦重賦減而欠自無虞太鎮民欠不專
係賦重恐賦減而欠猶難免與其強民以所難而仍多帶欠下權

通賦之條何如予民以甚便而一律全完上無不足之課是又改
折之有益於

國者甚多也一轉移間百姓既易於輸將州縣亦易於徵課於
國計民生兩有裨益惟查嘉寶折案係前明所定價僅七錢難於

援辦現在兵燹之餘各處田地拋荒米多騰貴財外散銀價偶
平實與無事之時情形迥別况年歲豐歉不齊米價長落不一固

未便以目前之價值而定久遠之章程自應前後通籌酌中定價
查道光二十七年王大臣戶部會議以

京師之現銀太少南中之浮收太多請將南漕改徵折色定為每
石一兩三錢近年江西湖北折漕徵銀一兩九錢除一兩三錢部

價外餘作隨漕之款各在案今秉公酌商應請仿照江西湖北辦
過成案酌量加增每漕米一石徵銀二兩以部定一兩三錢解歸

部庫其餘七錢作為隨漕等款一併批解司庫耗米亦一律折銀
二兩不在正米二兩之內似此量為變通較之嘉寶折價連耗七

錢固屬多寡懸殊即較江西湖北成案亦已有盈無絀似屬於
國於民兩無偏抑至白糧為

天庾玉粒未便並請折徵應令仍輸本色照常起運所有白糧隨
正應支耗米贈五行月同額徵兵卹自當核數隨徵本色其漕糧

改折銀兩徵解自應明定期限擬請於每年十一月間開徵次年
二月全完解交司庫分別解部備有遲延仍照漕糧例議處以杜

虧欠侵挪之弊理合稟懇察核
奏請並聲明漕糧應折數目俟減賦定案後再行查報等情由蘇

州布政司劉邵督核詳請
奏前來臣等伏查大倉鎮洋二州縣地居海濱素不產米其土宜

賦則均與毘連之嘉定寶山無殊而一則改折一則徵米辦法實
未平允自應因時度勢量為變通茲擬將白糧正耗仍輸本色照

常起運以順京倉根本其漕糧正耗等米請援照江西湖北辦過
折漕成案酌量議加每石折徵銀二兩以一兩三錢解歸部庫作

為正價以七錢解交藩庫以抵隨漕各款體察情形實係無損正
課有益民生相應恭懇

天恩俯准將大倉鎮洋二州縣應徵漕糧正耗改徵折色解部以
順民情而紓積困理合會同漕運總督臣吳棠合詞恭摺具

奏伏乞
皇太后
皇上聖鑒訓示謹
奏

蘇省地漕錢糧一體酌減摺 同治四年五月十八日

奏為續陳蘇松等屬酌減漕額情形仰懇

天恩將地漕錢糧一體酌減恭摺奏祈

聖鑒事竊臣等欽奉同治二年六月初三日

上諭前因潘祖蔭丁壽昌先後奏請酌減江浙等處漕額當交戶部議奏嗣據曾國藩李鴻章奏請減蘇松太三屬漕額因特降諭旨宣示令曾國藩李鴻章分別查明折衷議減茲據戶部奏稱常鎮漕額雖較輕於蘇松似應一律量加體卹惟據曾國藩等所奏減蘇松太三屬漕額聲明與舊額本輕毋庸議減之常鎮二府通融核計每年起運交倉米一百萬石以內是蘇松太三屬實徵米五十萬石按之原額止存十分之四以常鎮二府額徵米較之未免不得其平請將蘇松太三屬漕糧統按原額減去三分之一常

奏稿八

空

鎮二屬照原額酌減十分之一各等語著曾國藩李鴻章按照戶部酌減分數將蘇松常鎮太等屬漕糧各按上中下賦則一體分別議減以昭平允並將各該州縣等田額若干酌減若干分晰開列奏聞請旨務令下卹民生而不至上虧國用方為妥善等因欽此仰見

聖主湛恩汪濊均平齊一之至意臣等跪誦之下欽感實深遵卽轉飭蘇藩司劉卞曾會同蘇糧道設局查辦一面詳稽志乘博采輿情議者以為蘇松漕額偏重減數尙須請益又以銀米相連錢糧必須並減又有謂錢漕各有偏重應通籌合辦於蘇松太則錢漕並減於常鎮則專減錢糧以期內外兼顧又有謂減法宜均平公泐不分輕重一律均沾又有謂各屬科則有上中下懸遠之分減法亦當有多寡與不減之別按則核減則浮糧方可盡祛議論

既屬紛紜折衷必求至當臣等督飭司道詳細籌商竊維

天庾正供既奉

諭旨以三分減一十分減一為斷請益之說未敢再事瀆陳其餘

各說尙皆可備采擇惟於懷遵

諭旨之中有不能不稍示變通之勢而併減錢糧尤為推廣

皇仁最為切要之圖謹為我

聖主詳陳之伏查蘇省賦額概科平米初無所謂條銀也嗣以額糧過重產米不敷始於平米內改徵條折並有不科本色者是銀米本自同原又有隨漕經費名曰酒項此項銀兩專濟漕運亦與地丁一申並徵故直省偶遇偏災無不銀米並蠲以前蘇省歷年辦災每至秋成米數一定地丁之奏銷與漕項之考成俱照米數驗派民間完納錢糧亦必俟蠲緩定案方始踴躍輸將江蘇四府

奏稿八

空

一州每年額徵地漕正銀二百一十五萬零自道光癸巳大水以後無歲不歉無歲不緩數十年來舊額幾同虛設即如道光辛丑以後咸豐庚申以前二十年中奏銷完數之多以咸豐戊午八年為最然地丁僅完九十餘萬兩漕項亦不過三十萬兩餘皆災歉民欠在承平無事之時情形尙復如此今各屬漕額既尙非常曠典額編地漕銀兩自應援案一體請卹溯查雍正三年乾隆三年兩次蒙

旨共減蘇松浮糧六十五萬兩計數已不為少惜當日奉行者未

能仰承

德意詳為成慮稽科則之輕重寓調劑之權衡乃按額驗算均勻攤派至不科本色之折糧分隸海門之沙地一律普減而本折並科最重各屬反無以資挹注輕者益輕重者仍重流極至今仍有

不得不減之勢臣等自接奉減漕

恩旨後早欲覆奏而吳中官紳無人不求再減錢糧初疑乞

恩太濫未敢上陳既而迎盤籌畫反復諮詢若減米而不減銀奏

銷萬難如額必至捏災請緩仍蹈故轍際此瘡痍之後休養需時

欲其解徵之數轉增於完善之年此事理必無者更慮經徵之員

苟且彌縫此有所盈彼有所絀因銀不足而累及於米所關尤重

與其久懸虛額使民開徒受追呼何若悉予蠲除俾徵數行歸實

在且於三十年來捏報例災之弊政可以永革查蘇松常鎮太五

屬地漕每畝實徵數目尙不至大有軒輊則議減成數自不必強

為區分擬請將該五府州地漕錢糧一體分別酌減其成數總以

十分之二為斷所謂推廣

皇仁者此也至各州縣漕糧賦額不同即一州一縣上中下則亦

甚懸殊欲其銖兩悉稱一律均平誠非易竊謂治病當治其原

去弊務去其甚蘇省浮糧官田乃其原也嗣因解運賠累疊次加

耗重乃滋甚而官田舊籍久併民田耗米編徵久歸正米欲求減

法之得平惟在按田以稽則前明宣德年間巡撫周忱奏減蘇州

浮糧詳明每畝自一斗至四斗者各減十分之二自四斗一升至

石以上者各減十分之三正統元年令蘇松等處官田准民田

起科四斗一升至二石以上者減作三斗二斗一升至四斗者減

作二斗一斗一升至二斗者減作一斗既有一斗以上及一斗一

升之文則一斗以下不減可知康熙年間江蘇藩司慕天顏奏

減浮糧亦有一斗五升以下地澇山塗等則不可議減之語是按

則議減歷有成規特其米數均指平米而言平米之中有本有折

以現在賦額考之每平米一石派徵折色自一錢有奇二錢自奇

甚至八錢有奇者又派徵本色自三斗有奇四斗有奇甚至九斗

有奇者平米之實數相懸如此故現在辦減未便照平米之科則

而當照每畝實徵之科則輕者不減以顧

國計而度支不致大絀重者多減以卹民生而積累可以盡除惟

常鎮二府僅止丹徒一縣有科則較重之區其餘各區及此外各

縣科則均輕又有萬難按則之勢查常鎮二府與蘇松太本有區

別且係欽奉

特旨減免自應與蘇松太三屬分案辦理常鎮漕糧擬普減十分

之一蘇松太若亦用一律普減之法則蘇常毗連之地南北不下

百里同一田畝蘇屬之長洲每畝減餘向一斗三升有奇常屬之

金匱每畝減餘止六升輕重仍復懸絕既不能請益於三分減一

之外似不得不酌劑於三分減一之中以示均平而統計總數仍

是三分減一庶幾兩無窒礙所謂稍示變通者此也據藩司糧道

會詳請

奏前來等折衷眾論推求一是往返商意見相同徧訪輿情

亦皆悅服台無仰懇

皇上逾格天恩俯准將蘇松常鎮太五屬額徵地漕錢糧一體減

免十分之二仍查明上中各則分別核減其有折糧田地不科本

色及兼科本色而每畝科徵在三分以下者概不議減至蘇松太

三屬漕糧亦按則分別遞減毋庸併減五升以下之輕則統照部

議三分減一之數常鎮二屬漕糧則一律普減各照部議十分減

一之數庶於培養元氣之中仍寓慎重度支之意除督飭司道悉

心較核妥議章程月行具

奏外所有分別籌辦減賦大概情形謹會同漕運總督臣吳棠合

詞恭摺具

奏伏乞

皇太后

皇上聖鑒訓示再此案關係重大輾轉籌商不厭詳慎是以奏報稍稽合并陳明謹

奏

奏稿八

六

裁革錢漕積弊片 同治四年五月十六日

再江蘇錢漕既重流弊滋深以致官民交傲現在欽奉

恩旨減額內之浮糧若額外之浮收不減仍無以崇政體而蘇民

困查糧銀按戶啟徵數多項屑小民折錢完納向由各州縣於買

銀一兩中隨計必不可少之傾鎔火工等費照章定價微解稍有

盈餘即留為地方辦公之需定價不能過昂其弊尚不甚重弊之

最重者無逾於徵收漕米時出入叢雜幾難究詰在州縣一切費

用取給於漕亦屬必不可已乃糧戶中之強且黠者執正數而抹

雜款動即勢力相抗甚至包完短交故意與官為難州縣徵糧起

運例限禁迫既無暇逐一嚴辦兼之自願考成遂不得不示以隱

忍並於馴良之戶稍從浮溢拒彼注茲冀全大局從此大戶愈佔

便宜小戶愈受虧折此賦之不均所由來也從前屢經言路條陳

並經前督撫臣查辦常昭兩縣均賦以冀漸次推廣復將漕糧河

運幫費開單

奏請分別裁減旋即議改海運官民之困稍紓軍興以來錢漕停

徵兩年同治二年秋間蘇藩司劉鄩營體察松江太倉兩屬情形

尙有可以酌徵之處惟兵燹之餘尤應加意體卹凡地丁錢糧之

以錢完納者酌定折價劃一徵收仍將向來各屬解司錢糧所需

隨解傾鎔火工等款一律減半飭提通行遵照並移糧道將解道

之漕項仿照辦理是年徵辦冬漕因起運之數無多飭令本折兼

收聽從民便一面采訪市價併計漕務用款酌定折徵數目務使

大小戶一律均平不在稍有軒輊所有漕務費用大加刪減明白

曉諭各衙門官吏人等尙知遵守是以羨餘所入均僅勉敷辦公

不致重為民累可期積弊漸除由該司先後詳報前來臣等復查

蘇省地方日就廓清小民元氣尙難驟復寬一分則受一分之益該司分別核減浮費酌定徵價並禁革大小戶名目辦理尙屬得宜是以同治三年冬酒亦即循照舉辦並將酒糧本折兼收緣由

按年奏聞在案第係權宜救時之計既恐日久玩生且此時米貴銀賤不能遽為定衡應俟減賦定案再行督飭司道通盤籌畫妥議經久章程務使官民相安輸將踴躍另行

奏明立案惟在官之浮收必須裁除而大戶之短交難遽盡革查大小戶不均之弊惟蘇松為甚而蘇尤甚於松自臣蒞任後松江府屬已兩屆徵酒蘇屬尙未開徵年來辦理餉捐田捐各大戶不免多所趨避應請

明降諭旨嚴飭等嗣後遇有大戶包攬短交等弊無論職官及

奏稿八

奏

舉貢生監一律執法相繩俾得知所儆惕而尤在各州縣勤求治理潔己奉公不致為劣紳挾持短長庶酒精務地方均有起色臣等為慎重酒運起見謹合詞附片具陳伏乞

聖鑒訓示謹

奏

添調赴津之洋鎗隊無從撤回摺 同治四年閏五月初三日 奏為潘鼎新一軍由滬航海赴津起程並添調余在榜洋鎗隊一營業經登舟難再撤回恭摺奏報仰祈

聖鑒事竊臣於五月二十日由蘇起行途次專員將撫篆齎交護撫臣劉郁齋接收即出江陰口坐捕盜局輪船星夜兼程於二十

二日駛抵江甯省城接署督篆當即專疏題報並由督臣曾國藩將交卸日期馳奏在案頃接常鎮道潘鼎

新蘇松太道丁日昌稟稱先由丁日昌督同委員董事雇備輪船四隻夾板船五隻潘鼎新所部淮勇鼎字鎗隊十營及續調青浦鳳凰山余在榜洋鎗隊一營均於二十二二十三二十四等日陸續拔隊到滬連日搬運軍裝配搭船隻殊費周折二十六日已開駛輪船二隻其餘各船儘於二十七八日全數放洋初三三日

奏稿八

奏

當抵天津各等因臣於二十六日接奉二十一日寄諭蘇省洋鎗隊祇有千名僅敷留防本地之用即著仍留青浦毋庸調赴直隸管帶洋鎗隊之余在榜袁九皋二員亦著毋庸再調等因欽此隨即恭錄轉飭丁日昌等欽遵辦理惟查由金陵遞

信至上海至速五日乃到茲據該道等稟報是二十六日欽奉諭旨之時已在各營拔隊登舟之後丁日昌接信更在各營開駛放洋之後本係遵

旨飭調無從撤回臣先已密屬丁日昌與英領事巴夏禮兵官哲

貝等妥議如將余在榜鎗隊一營調往直隸即照數片募一營派久經戰陣之候補知府趙宗道管帶仍駐鳳凰山交哲貝幫同教

練由丁日昌節制調遣巴夏禮等初猶饒舌嗣經丁日昌反復開導並允於一月內募齊勇數所有余在榜營中攜去戈登原購之

開花燄洋火箭洋鎗等件為之一一購遺巴西始允又欲令洋弁
隨往照料該道等慮事後要挾再三力阻該營現並無洋人隨往
幸余在榜係潘鼎新督部恩信素孚鎗礮精熟可期得力實無須
再添洋人致受牽制又據潘鼎新稟稱該軍十營餉需業蒙奏請
飭下直東督撫按月各撥銀一萬五千兩誠恐兩省分辦易致推
諉孤軍遠役呼應難靈又添調余在榜一營因係洋人教練在滬
未缺一日之餉到直後行營無定若待蘇滬接濟轉折太多勢必
鞭長莫及若無可靠之款缺望易生終恐難得死力等語臣於五
月初九日覆陳調派潘鼎新一摺五月十六日覆陳遵調洋鎗隊
一片均已籌慮及此

朝廷但以兵力得用為望臣等尤以餉項無著為虞若無人管餉
則雖有用之兵亦將變為無用仍乞
聖明核酌示遵所有潘鼎新一軍由滬航海並添調余在榜洋鎗
隊業經登舟各緣由理合專摺由驛馳陳伏乞

皇太后

皇上聖鑒訓示謹

奏

李文忠公奏稿卷八

李文忠公奏稿

卷之九目錄

覆奏股兆鏞等條陳江蘇釐捐摺 同治四年六月初一日

陳明租捐丈田清理民房情形摺 同治四年六月初一日

軍需第二案收支款目摺 同治四年六月初一日

援閩蘇軍回滬摺 同治四年六月二十三日

裕利現未啟徵籌款解應要需摺 同治四年六月二十三日

白齊文覆舟湖斃摺 同治四年六月二十九日

覆陳籌濟甘餉摺 同治四年七月二十二日

徐宗瀛請補江甯府摺 同治四年七月二十二日

覆保馮桂芬片 同治四年七月二十二日

向榮等所收釐金收支數目片 同治四年七月二十二日

淮揚鎮撥養馬灘地租片 同治四年七月二十二日

規復皖省營汛兵額片 同治四年七月二十二日

籌設織造機器摺 同治四年七月二十二日

置辦外國鐵廠機器摺 同治四年八月初一日

唐國華贖罪片 同治四年八月初一日

奏保李宗義等片 同治四年八月初一日

松滬舊案軍需款目摺 同治四年八月二十八日

揚鎮糧臺收支總數摺 同治四年八月二十八日

調楊鼎勳等軍赴徐宿摺 同治四年九月初八日

奏保克復嘉興常州等城員弁摺 同治四年九月初八日

奏保王凱泰凌煥片 同治四年九月初八日

覆陳奉旨督軍河洛摺 同治四年十月初八日

江北新漕民折官辦摺 同治四年十月初八日

請飭議新漕全數解折片 同治四年十月初八日

徐屬冬漕循舊折價充餉片 同治四年十月初八日

李宗義吳坤修請緩 陸見片 同治四年十月初八日

京營官弁學製開花礮子請獎摺 同治四年十一月初八日

海運回空沙船請免正稅摺 同治四年十二月初三日

龐際雲請准補鹽道摺 同治四年十二月初三日

張樹聲在營起復片 同治四年十二月初三日

上海裁撤會防局摺 同治四年十二月十九日

應寅時請補蘇松太道片 同治四年十二月十九日

王大經請准加鹽運使銜片 同治四年十二月十九日

奏稿九目錄

李文忠公奏稿卷九

全集一之九

覆奏殷兆鏞等條陳江蘇釐捐摺

桐城吳汝綸編錄

同治四年六月初一日

奏為欽奉

諭旨據實覆陳仰祈

聖鑒事竊臣承准軍機大臣字寄同治四年五月十九日奉

上諭有人奏功臣宜知警戒請嚴加訓迪俾得保全等語據稱江

蘇巡撫李鴻章戰功雖著而子惠未孚百姓之流離者未盡收恤

地畝之荒蕪者未盡開墾不聞德政惟聞厚斂並以侍郎殷兆鏞

前疏極言江蘇橫徵暴斂之害皆指李鴻章而言等語李鴻章自

簡任江蘇巡撫以來疊克城池肅清全省厥功不為不大惟以該

省事同創始委用之人較多則流品易雜籌餉之途稍廣則民怨

易滋今軍務未竣待用孔亟抽釐之局自不能全行裁撤若如該

侍郎所奏各捐未免太形瑣屑至官親幕友游客劣紳爭充委員

擅用令箭旗牌等事紳董稍假事權擅作威福恐亦事所難免著

李鴻章將不肖委員嚴加裁汰釐卡仍以歸併為主俟軍務肅清

再行次第撤裁另片奏江蘇各項捐款加以各項田捐歲可收銀

四千萬兩等語江蘇捐款雖繁亦斷不能如所奏之多究竟可得

若干如何開支著李鴻章造冊報部覈銷該撫受委任之重惟當

體朝廷痼瘼在抱之念與民休息以期日臻上理以上各情有則

改之無則加勉以無負諄諄誥誡之意原摺片並殷兆鏞摺均著

鈔給閱看將此諭令知之欽此伏讀再四既感我

皇上優容之厚

訓誨之殷又愧臣忝任疆吏以軍需為急不能要結紳士致招物

議又自恨不守儒生愚拙之分謬附戰功叨竊太過盈滿致災惟既帶兵不得不籌餉既籌餉不得不任怨戩兆鏞至以恃功賤民相譏又以歲收四千萬聽未免意存傾陷若非

聖主明鑒萬里洞燭隱微則當局為難之苦衷無以自明後此辦事之掣肘罔知所指中夜以思駭汗戰懼曷能自己但近年以來廷臣奏請停減釐捐者不止一人不止一次而外省未有一處停減豈督撫大吏皆不肖皆恃功耶亦事關大局有所不容已也臣早欲覆陳去冬在廣東督撫咨鈔會奏抽釐助餉熟籌利弊一摺於本末源流言之最為切盡而未聞

明詔如何指示茲奉旨以軍務未竣待用孔亟釐局不能全裁是聖明實已鑒及凡毛鴻賓等已陳各節臣固毋庸再瀆姑就江蘇

情形論之向稱財賦最盛以地丁漕糧鹽課關稅四者為大宗自咸豐三年賊陷金陵江南北大軍雲集分兩臺供支蘇甯兩藩司進款各顧一面不通融和春張國樑統兵七八萬人月餉五六十萬上海稅捐及蘇藩司丁糧正款已足敷用尚不借釐金之力而其時紳士把持議論紛繁當事亦未能認真興辦自蘇常疊陷僅存上海一隅藩庫丁漕絲毫無收薛煥招集兵勇四萬餘人僅資滬關稅項幸漢口九江尚未開關洋稅月收三十餘萬仍不足用乃擴充釐局以增益之臣於同治元年四月接署撫篆隨帶水陸各營僅及萬人將薛煥舊部裁汰簡練合之華爾常勝軍亦不過四萬人以人抵出欠缺無幾旋值漢九開關滬稅遞減僅足養洋兵及分濟鎮江一軍而軍攻劫日急添募愈多至二年夏閒水陸已增至七萬餘人餉無所措不得不專恃釐捐乃將滬釐大

加整頓並仿照上游楚軍辦法克復一處即酌添卡局以濟軍需商民僉謂官兵能殺賊救民無不踴躍樂輸餉鉅痛深之餘方有好義輕財之舉蘇松被擾較輕生意尤旺故捐卡稍密常鎮蹂躪最苦至三年四月克復常州後不再添釐局臣固斟酌行之非敢意切此蘇省抽釐助餉之原委也凡有卡局處所臣均親歷查勘於河湖扼要立總卡收捐於港汊紛歧立巡卡重徵之事照漏一微一驗相隔或五七十里實無十里五里設卡重徵之事照上海定章每千錢取三四十不等實無十錢抽三之事由浙滬至蘇或捐兩次或捐三次按成本之輕重貨色之高下刊章其守亦無綢緞須捐八九次木料須捐五六次之事殷兆鏞捐內所稱茶棚桌子賭場桌子點心剃頭擔擔日捐數千文至數十文並有妓女捐名色蘇省捐目雖多本由商賈繁盛貨物輻輳因地制

宜亦何至有此等荒唐之事造謠誣駭人聽聞不知其意何居至所稱官親幕友游劣紳爭充委員董事擅用令箭旗牌等事前湖北撫臣胡林翼嘗言辦理釐捐須依唐臣劉晏之法引用士人不使胥吏經手則弊端較少是以湖南北釐捐分濟本省及各省征餉之餉為日最長而功效最著由於擇人而用不專令候補人員及地方州縣經辦臣初仿而行之無論本籍外籍但求廉勤不苟者延請入局官親幕友實未充當此差游劣紳亦必審慎擇取迨至省清或謂候補人員必須兼用於外自員紳漸去漸少臣督同總局司道明察暗訪一有弊竇立予參撤數年來奏參各革之案層見叠出未敢稍事姑容至令箭係行軍所用未聞用之釐卡旗牌告示以曉諭商賈嚴船弁勇以保護行旅亦無擅作威福之事此蘇省釐卡辦法之大略也至有人片奏江蘇各

項捐款加以各縣山捐歲可收銀四千萬兩等語奉
旨江蘇捐款雖繁亦斷不能如所奏之多究竟可得若干如何開
支著造冊報部核銷仰蒙

聖慈洞鑒曷勝欽感查我
朝定鼎之初每年直省所入丁漕僅一千數百萬自乾隆六十年
海內殷富鹽務開稅燁加整頓戶部所入每年多至四千餘萬嘉
慶道光以後人不敷出至咸豐間每年例入之收不及三四矣

茲乃謂蘇省偏隅州散之餘能籌出乾隆盛時各省所入四千萬
之巨款非獨不識時務且似不通掌故其正捐責人以學道不知
彼之所學何道也查蘇省出入各款緣奉上年七月初十日

上諭各處辦理軍務未經報銷之案准將收支款目總數分起開
列清單奏明存案免其造冊報銷即欽遵辦理業於本年二月

十七日將蘇滬軍需第一案收支款目開單具奏茲又將第二案
收支各款另摺陳奏均係實收實放毫無扣飾綜計先後單開如

釐捐一項自元年四月至二年六月止共收銀三百四十九萬餘
兩又另單自元年十月至三年六月止共收銀八十八萬七千餘

兩又自二年七月至三年六月止共收銀二百六萬二千餘兩此
其已報達部者計兩年有零共收釐捐銀六百四十餘萬數目不

為不鉅江楚各省釐金每年不過百數十萬茲於蘇松二百餘
里內歲收釐捐將三百萬辦事不為不力自蘇杭金陵克復東南

腹地肅清商賈四散不盡聚於上海亦不盡走蘇境釐金日以減
色目今衰旺乘算月不過二十萬若如般兆鏞所奏非惟不減反

從而日增月益果有增益何至收數轉細耶至如何開支其三年
六月以前經臣分案逐款臚列固可一目了然嗣後當遵

旨報部彙銷獨念去秋以來金陵及各路兵勇陸續遣散軍將
士亦未嘗不久役思歸蘇省紳商更莫不冀撤兵裁卡臣若乘機
盡撤所部慰軍士凱旋之樂邀流俗免捐之譽而臣得解兵柄進
退綽然未始非計之得者徒以餘氛未淨

厚恩未報一旦有警無以應
君父之急遂巡未決乃至今年奉
旨調蘇軍援淮徐五月奉
旨調蘇軍援直東事變發生強起立應計郭松林楊鼎勳八千餘
人潘鼎新五千五百人皆雇用輪船航海遠征船價行糧軍裝各
項格外驟費至三十萬兩而劉銘傳周盛波各軍一萬四千人轉
戰皖北山東糧餉轉運弗絕於路其分防蘇境及金陵揚州徐州

內外江海淮河各處水陸各營又將近四萬人餉不繼則譁謔
堪虞軍數不減於在蘇攻勦之時而費用轉倍於尋常有事之日
徒恃釐捐養戰士出款增而卡局未增商民尙不甚怨般兆鏞以
蘇屬巨紳為貴近之臣不以

國家大局為念乃倡為浮議肆口詆誣上以眩惑
朝廷之聽下以鼓動愚民之氣遠近傳播便有藉口以遂其背公
藐法之私臣固不能不寒心以後官斯土者更無所措手矣既荷
聖明垂鑒臣當引疚自責隨時督飭甄汰委員酌量歸併卡局仍
籌顧各路緊要餉需仰副我

皇上諄諄誥誡之意至所稱百姓流離未盡收恤地畝荒蕪未盡
開墾此臣日夜疚心長太息者竊惟撫吳三年到處捐賑施粥施
寒衣織具歲不下數十萬緡存活尙眾常鎮荒山太多今春遊委

奏稿九

奏稿九

奏稿九

奏稿九

奏稿九

奏稿九

奏稿九

奏稿九

奏稿九

員紳知府高梯簡用道府陳鼎等前往設局招墾由蘇籌發穀種
六萬石捐款六萬申農具十數萬約計十一縣中官墾民墾之田
新添百餘萬畝雨澤應時欣欣有生意江皖毗鄰災區且有聞而
募者臣實自愧惠政之未周仁心之未盡也抑臣更有請者臣由
海上用兵兼辦通商洋務稔知西洋各國兵備足器械精專以富
強取勝而中國虛弱至此士大夫習為章句帖括輒以經術以經
術自鳴攻訐相尚於尊主庇民一切實政漠不深究誤管理財之
道為股利妄擬治兵之人皆怙勢顛倒是非混淆名實論事則務
從苛刻任事則競趨巧偽一有警變張皇失措俗儒之流弊人才
之敗壞因之此最可憂我
皇上冲齡踐阼秉承
兩宮

奏稿九

六

皇太后聖訓攘除寇亂中興盛業必可馴致惟於用人聽言二端
推求實濟堅持定見務為遠大之謀深維富強之術消內患杜外
萌蔑不由是臣雖情愚無識幼讀父書早識科第咸豐三年蒙
文宗顯皇帝派往軍營迄今十有三年飽歷艱難出入生死身家
度外榮利泊然乃蒙

聖朝委任之隆

宵旰望治之切忍辱負重不敢自避嫌怨兢兢焉以軍實未充
民生未安為懼要其設施無非為公家籌畫絕無一毫自私自利
諒亦可以其見其聞見揔慮方亟曾國藩督師在外後路籌餉籌
兵關係至要臣何忍別有希冀一俟擒賊蕩平撤軍歸農屆時有
以謝中外之責庶無負
聖主始終保全之恩所有感激愧悚下忱據實披瀝陳伏乞

皇太后
皇上聖鑒謹
奏

奏稿九

七

陳明租捐丈田清理民房情形片

同治四年六月初一日

再前據蘇州善後局藩司劉郁膏臬司郭柏蔭等詳奉札開同治四年五月初二日奉

旨諭殷兆鏞奏蘇州前年畝捐四斗上年民間收租一石捐錢八百餘文甚至有不肖官吏私製步弓丈量浮增畝數著佃交糧者民房多被大小員弁霸佔原主來認輒稱入官等語江蘇被賊蹂躪最深新復地方瘡痍未起正宜休養生息以紓民力豈容不肖官吏肆行賂削重困吾民著李鴻章嚴密訪查如有前項情弊務當通飭所屬地方官嚴行禁革以拯遺黎而蘇民困原片著鈔給閱看等因欽此恭錄行司欽遵查辦該司等遵即按照原奏檢查各案並就克復蘇省後情形詳析陳之伏查同治二年八月間蘇城未復之時據總辦團練刑部郎中潘曾瑋轉據局員周椿紳董

奏稿九

九

吳嘉椿等以親歷三縣鄉境除吳縣全境被踞外凡長元各鄉已經克復者秋禾可望豐收因蘇城淪陷後各佃租籽或由土豪代收或由偽職征收業戶則顆粒俱無向該官紳訴述並求總局為之經理僉願今歲減收五成租息內以三分之一報捐軍餉又月提善後撫卹經費該官紳察其情詞出於至誠議擬章程由潘曾瑋等具稟奉經據實

奏明開辦並以江震二縣情形相同委員一律辦理租捐凡成熟田一畝共收佃戶租米六斗以二斗報捐軍米以一斗四升捐辦撫卹以一升充辦公經費餘米二斗五升給還業戶計每畝共捐出三斗五升並無所謂四斗之事其捐助軍食仍按戶請獎三年九月因蘇州府屬十廳縣收成中稔奏仿上年租捐章程變通辦理計長元吳三縣凡收租米一石捐錢八百文分上中下計成繳

捐此外各屬情形不同准其酌量增減是數目本非一律惟江震二縣因月籌修建

文廟經費由官紳會議每石加收錢七十文雖辦理未能劃一總以俯順輿情為主並無嚴酷甚於催科之事即所收數目以三年收成及市價核計每石不過繳捐四分之一較之完納地漕錢糧所省實多民情尚稱安貼惟素來短交錢漕之紳戶亦幾等於齊民是甚於催科之說所由來此辦理租捐之大略也兵燹以後田畝界址不清冊籍單串大半毀失不能不查辦清糧前經蘇紳馮桂芬擬將各屬田地次第丈量先行試辦川沙乃清丈數月止得萬畝查核所丈繪田圖說係將房基墳地池塘溝岸剔除不計實田僅得七千有奇不及十分之八既與經界不符更恐虧短正課馮桂芬擬以實丈數目為準將額糧攤派通境必致大拂民情是

奏稿九

九

以詳明停止如有於清糧案內查丈者由各州縣督同本地紳董自行經理因之長洲等縣稟請頒給步弓當將存司之華亭上海及兩淮鹽場送到之弓飭發較準製造應用一面詳請咨部頒發如其私製八折小步弓希圖增溢畝數斷不能掩人耳目且查松太二屬間有施丈之處已經竣事田數均尚相符並無增溢分毫此辦理丈田之大略也松江府屬同治二年冬漕據華婁青浦三縣因清糧尚未竣事在官冊籍不全責成圖董確查造冊代收佃租分別應完糧者由董代完應完租者由佃清交雖係偏重圖董亦即著佃完糧之意行之一年尚無流弊同治三年冬漕金山縣仿照辦理並無貽誤此係暫時變通之法官民兩便惟素來抗欠漕糧之紳戶非其所願謗毀之興或由於此此著佃交糧之大略也至蘇城克復以後如無佃難民資遣降眾等事均關緊要需費

孔多不能不先其所急而衙署毀為平地廟宇亦多坍塌合城文武各員辦公之所軍火兵米製造各局屯住之處均不能不借資民房而民房中惟曾為偽府者屋宇較多是經

奏明暫以偽忠王府為巡撫衙署此外如織造暨藩臬兩司蘇糧道等亦權以從前偽府為衙署因其規模均有僭越本非紳民所宜尚可暫時借居一俟衙署修復當按數發還飭令改作其餘各處議將賊匪改造屋料拆除充公仍將原有房屋及地基發還民戶管領或給價買作公所並無概令入官之說當蘇城初復時居民向未返里所有無主民房由善後局代為查封收管嗣紳民陸續來歸逐一清釐給領管業並恐兵燹之後民間產業易於混淆又各發印照俾資執守偶有兵民交涉爭訟即分別查明押令遷讓迄今六門城內望宇對衡衙牙高咏牆垣窗戶整飭如初闕

奏稿九

十

喧闐為各省新復地方所未有是蘇州民房一節各員弁實有清理保護之勞閭閻受福不淺而迺一概抹煞目為霸佔不以為德而以為仇議論之不公莫此為甚現復逐戶稽查房屋概歸原主其武營大小員弁長元吳三首縣暨在省需次之員大率商借民房酌給租息藩司舊署已撥節籌款動工此外院司各署若同時興復庫款既無可籌勸捐尤滋口實惟有隨時酌量情形陸續興造俟二三年後可期漸復舊觀此又籌修衙署之大略也總之蘇城克復以後百事均同創始租捐一事尤於劣紳不便以致謠諑繁興撫拾丈田估屋等事並以仿照賊匪辦法之詞侈口污蔑

天聽幸荷
聖明洞鑒僅予

敕令查禁所有實在情形自應據實具陳相應查案會同詳請據情覆

奏仍由該司等嚴密查訪如屬員中實有舞弊壞法擾累民生及紳士之包攬抗欠貽誤漕政者容隨時分別詳請參辦等情前來臣覆加查察均屬實在情形毫無浮飾此案臣在蘇撫任內接據司詳因續奉

寄諭嚴兆鏞有條陳釐捐等事姑候彙齊覆奏所有查明蘇省田捐丈數及清理民房各緣由附片覆陳伏乞

聖鑒訓示謹

奏稿九

十

援閩蘇軍回滬摺 同治四年六月二十三日

奏為援閩蘇軍由輪船航海陸續回滬現令暫紮鎮江休息再商

調遣恭摺仰祈 聖鑒事竊福建陸路提督郭松林記名提督楊鼎勳等援閩之十

六營臣曾奏調由閩繞赴江楚邊境攔頭扼勦續據閩浙督臣左

宗棠以東省捻逆猖獗兵力宜厚閩中潰匪止存汪海洋一股該

督已分派所部入贛州等處兼顧江楚應令郭松林楊鼎勳二軍

回蘇候調勦捻於閏五月初五日奏明並咨行到臣等奉

諭旨此案當經左宗棠飭委廈門員紳雇備輪船資送照料該兩

軍於六月初開陸續由海道抵滬尚有二營在廈候船亦不日可

到查皖北捻逆圍攻淮河集業經劉銘傳周盛波等趕到會同各

軍痛剿解圍該逆分竄豫境趨向未定皖事大鬆據郭松林等

文稱此次援閩各營崎嶇轉戰饑苦萬狀茲復冒暑遠涉重洋適

遇颶風顛簸受疫氣弁勇死於海中者數十人其餘亦十病六

七疲憊異常臣因檄令由滬拔隊西上暫紮鎮江城外加意休養

俾軍士元氣漸復一面修理鎗械整頓操練再會商閩浙相機

調遣所有援閩蘇軍陸續回滬暫紮鎮江候調緣理由理合由驛馳

陳伏乞 皇太后 皇上聖鑒謹

奏

奏

奏

奏

奏

奏

李文忠公奏稿 卷九

幣利現未啟徵籌款解應要需摺 同治四年六月二十三日

奏為步軍統領衙門奏借兩淮幣利現未啟徵片行籌款解京以

應 奉安大典要需恭摺仰祈 聖鑒事竊於同治四年六月十三日准步軍統領衙門咨開六月

初四日奉 上諭兩淮應解步軍統領衙門本年初限利銀及積欠內所撥銀

兩前經降旨飭催限於六月內如數解到現在絲毫未據交納亦

並未咨報起程實屬膜視要需任意延宕著兩江總督嚴飭兩淮

鹽運使務將本年初限應解利銀一萬八百兩及欠款內所撥銀

三萬兩星速委員剋期起解限於六月底一律如數解到不准

再有積延等因欽此伏查從前兩淮鹽務盛時在京各衙門往往

奏撥銀兩飭發准商生息以每年所入之利供京中辦公之需謂

之幣利厥後離綱疲壞承領幣利之商類皆倒歇人亡產絕無可

著追不得已而改為按引攤徵軍興以後淮南未經開綱經前督

臣將幣利等雜款奏請停解運庫不徵此銀已閱十數年之久臣

前與曾國藩討論鹽務京中各衙門取資於兩淮之款為數不少

前此引岸虛懸無從設法今則運道無阻亟宜熟籌無如商酌再

四總因鄰私未堵鹽釐未裁岸銷未暢即如鄂湘兩岸向為行銷

最旺之區因川私粵私漏地侵灌各督撫借抽私鹽之釐以助軍

餉不願查禁臣方量減准釐以卹販酌輕售價以敵私雖戶部飭

加正課尚未輕率議增何敢將幣利雜款遽行列徵致啟各商藉

口之端更滋各岸滯銷之慮是前項利銀運庫既未啟徵委實無

憑應解至原奏內稱如該運使一時難於籌解即由藩庫無論何

一

一

一

項先行解解等因似兩淮銀錢情形該衙門亦已洞悉奈運庫之
應課固微而積庫之地丁亦細入不敷出彼此略同實屬無從湊
墊惟查步軍統領衙門奏提此款聲明九月內該衙門應派隨
扈旗營官兵修墊道路所需費用最關緊要

奉安大典非尋常辦公可比臣權衡事體之輕重不敢不於無可
設措之中作暫時通融之計擬在行營糧臺籌撥軍餉釐捐銀二
萬兩即日委員解京交該衙門兌收以應要需其兩淮裕利銀兩
應請

旨暫行免提俟軍務告竣准綱復額容再設法籌解所有步軍統
領衙門要需月行籌款起解緣由理合恭摺陳伏乞
皇太后

皇上聖鑒訓示再此案報解遲延前年查取現著兩淮鹽運使職
名先行交部議處現經臣查明係因利銀未經啟徵無從報解與
催收不力者有開所有該運使職名應請豁免開送合併陳明謹
奏

臣查明係因利銀未經啟徵無從報解與
催收不力者有開所有該運使職名應請豁免開送合併陳明謹
奏

白齊文覆舟溺斃摺

奏為洋犯解至中途覆舟淹斃並懇將同時溺斃之解弁護勇營
兵人等分別
賜卹恭摺具陳仰祈
聖鑒事竊漳州拏獲投賊洋人白齊文等三犯前經臣鴻章附片
奏明請

旨飭下總理各國事務衙門議奏以該犯罪不容誅暫行嚴密監
禁聽候嚴辦在案該犯被獲後即解往福州省城監禁嗣有解蘇
收審之議當由閩省派委干總賀光泰把總任尙勝隨帶護勇管
解洋犯白齊文克令及細仔三名於五月初八日由閩起程行至
江山縣清湖地方把總任尙勝因感冒病故即由干總賀光泰率
同護勇等押解前進臣鴻章先尙未接准咨會臣新貽於閏五月

十六日接據署蘭谿縣知縣江紹華稟稱閏五月初三日准龍游
縣兵役護送福建委弁干總賀光泰帶同護勇十名押解外國人
犯白齊文克令細仔三名過縣當經照例分別點驗加派兵役雇
船轉解以天氣炎熱人數眾多添撥幫船一隻分坐前進於初四
日黎明一齊開船解赴下站去後詎於是日午刻據長解護勇唐
聚泰等回縣報稱行至離城二十五里匯頭灘地方其時東南風
正大灘高溜急水勢旋捲又值大水之後更加洶湧犯船甫經下
灘忽被風水掀翻全舟覆溺同行幫船被水溜下趕救不及喊經
就地居民漁船趕往救得護勇兵役九人所有賀干總及外國人
犯白齊文克令細仔與護勇兵役船戶共十三人同時隨流飄溺
當趕撥船役分頭撈屍即於灘下河岸並石礮邊及施家灘等先
後撈獲白齊文克令細仔屍身分別驗明給棺封識續於灘河下

同日黎明一齊開船解赴下站去後詎於是日午刻據長解護勇唐
聚泰等回縣報稱行至離城二十五里匯頭灘地方其時東南風
正大灘高溜急水勢旋捲又值大水之後更加洶湧犯船甫經下
灘忽被風水掀翻全舟覆溺同行幫船被水溜下趕救不及喊經
就地居民漁船趕往救得護勇兵役九人所有賀干總及外國人
犯白齊文克令細仔與護勇兵役船戶共十三人同時隨流飄溺
當趕撥船役分頭撈屍即於灘下河岸並石礮邊及施家灘等先
後撈獲白齊文克令細仔屍身分別驗明給棺封識續於灘河下

流各處覓得護勇陳福堂營兵王以芹縣役胡福并千總賀光泰各屍身分驗明確經臣新貽委員馳往查明屬實臣宗棠亦接據稟報飭將現存之勇丁唐聚泰等八人資送回營先後會到臣鴻章臣等查白齊文營助粵西髮賊謀害中國按律久應誅殛此次仍敢潛入漳州內地投逆被獲本應立正典刑即美國公使衛廉士亦有白齊文既經投賊已失體面美國不應庇護之語特以監禁聽候嚴辦經臣宗棠等委解蘇省收審實因閩中賊匪未平又距海口甚近設有疏虞關係非淺不料行至中途翻船溺斃雖中國未申治罪之權而該犯窮兇極惡致伏冥誅足見天道之不爽克令細仔二犯前經閩省審訊投賊是實亦有應死之罪惟中國護解弁兵勇役船戶無辜溺斃至十人之多由於今夏江浙一帶霖雨連旬山水暴漲而浙河灘高溜急風波險惡變起倉卒非人力所能施該弁兵等因公死事實堪憫惻可否仰懇天恩敕部將溺斃之守備銜千總賀光泰護勇陳福堂宋春益營兵王以芹照例議卹其同溺之縣役船戶等六人由蘭谿縣查明分別給與卹賞以免向隅至白齊文等三犯本有應得死罪既均淹斃應毋庸議其英人克令一名前據英領事巴夏禮申陳請照約交該領事懲辦臣鴻章本擬俟該犯解到按約轉交今既與白齊文同舟覆溺事出意外只有付之命數設該領事等聞信之後無理糾纏臣等必當據理駁辦相機妥辦隨時咨商總理衙門完案白齊文克令屍棺二具聽由該國洋人領回細仔本係中國犯屍即由縣飭保掩埋其署蘭谿縣知縣江紹華倘非撥解不慎遇救得生之護勇唐聚泰等亦非護救不力均請免其置議所有洋犯中途淹斃情形並懇

恩將同時溺斃之解弁兵勇分別議卹緣由謹合詞恭摺由驛具陳伏乞
皇太后
皇上聖鑒訓示謹
奏

奏稿九

九

覆陳籌濟甘餉摺 同治四年七月二十二日

奏為援甘協餉業經按月撥解仍飭源源籌濟恭摺覆陳仰祈
聖鑒事竊承准軍機大臣字寄同治四年七月初七日奉

上諭劉蓉奏援甘協餉緊要請飭催各省迅解等語楊岳斌於行
抵西安時先後由陝庫借撥銀六萬兩均議俟各省協餉解到時
扣留歸款著李鴻章將揚防節省項下月解之三萬兩劉郁齊將
江蘇月協之一萬兩趕緊委員撥解到陝由劉蓉轉運前進以濟
要需等因欽此仰見

皇上廬念嚴疆急籌軍食之至意也查此項協甘餉銀經營臣曾
國藩於閏五月初一日奏明撥定數目奉

旨允准在案先經陝甘督臣楊岳斌派委訓導彭登焯來江守提
自五月起至七月揚防節省項下共應解銀十二萬兩歷經曾國

奏稿九

三

藩及臣督飭江藩司准運司等先後籌撥清款飭由該委員解交
湖北後路糧臺轉解楊岳斌軍營投收其江海關每月應撥之一
萬兩亦飭蘇松太道丁日昌竭力籌撥昨又委解二萬兩由護撫
臣劉郁齊附片奏明按月勻濟不至缺誤至都興阿甯夏軍餉欽
奉閏五月二十日

寄諭飭臣等由應解協甘兩淮鹽課內月撥銀二萬兩徑解都營
照數扣除查揚防節省項下前奏明撥定甘餉三萬兩本指運庫
協款及江北釐金運庫人不敷出情形昨經曾國藩會同臣等於
緩解漕折案內分晰具奏此項同一協甘餉銀同一撥動鹽課斷
不能於認定三萬外再籌鉅款而楊岳斌委員守領轉解尤甚便
捷現楊岳斌已抵督任甘省軍餉自應由該督通籌勻撥應否分
解之處已咨請楊岳斌自行商定至每月議定協款嗣後無論如

何支細臣仍督飭司道源源籌濟以顧要餉而慰
聖廬所有甘餉業經按月撥解緣由理合恭摺山驛覆陳伏乞
皇太后

皇上聖鑒謹
奏

奏稿九

三

涂宗瀛請補江甯府摺 同治四年七月二十二日

奏為揀員請補江甯鎮江要缺知府恭摺具

奏仰祈

聖鑒事竊照留署江甯府知府鄭濟美殉難開缺前經督臣曾國藩會同臣鴻章查明奏請

簡放同治二年十一月初五日奉

上諭江蘇江甯府知府員缺緊要著該督撫於通省知府內揀員調補所遺員缺仍著李仲良補授欽此緣軍務倥偬揀調未能得人是以久未覆奏查江甯府本係衝繁難省會要缺被賊陷踞十二年之久為東南敗省劫運最深之地上年甫經克復城鄉一片榛蕪各屬流亡殆盡辦理善後百事草創非躬親民事能耐艱苦之人斷難勝任曾國藩移駐江甯即經奏請以候補直隸州知州

奏稿九

三

涂宗瀛署理迄今任事將及一年於招集流民查辦保甲督理工役撫恤招舉各政均能有條不紊日見起色省城善後該員經手事件最多亦最妥洽無須遞易生手臣等於通省知府內逐加遴選亦無堪調之員查涂宗瀛年五十四歲安徽六安州舉人同治元年大挑一等奉

旨以知縣川籤舉江蘇經曾國藩留營差委於會克高漣溧水東壩案內出力保奏同治三年六月初四日奉

旨著免補本班以直隸州知州仍留江蘇補用旋委署斯缺該員廉幹樸誠慈惠耐勞深識治體先於同治二年十一月經曾國藩奏保賢員以備器使摺內聲明涂宗瀛踐履篤實治官事若家事是月二十日奉

寄諭已月交軍機處存記候旨錄用等因欽此以之擢補江甯府

知府於極苦災區可期逐漸整頓惟與例未符而人地實在相需例得專摺

奏請合無仰懇

天恩俯念新復省會員缺緊要

特旨准予破格擢用即以江蘇候補直隸州知州涂宗瀛升補江甯府知府實於政治民生均有裨益如蒙

俞允即無遺缺可補其兩次奉

旨補授江甯府遺缺之李仲良前曾委署常州府知府辦事實心操守端謹現查有鎮江府知府周幅瑞病故遺缺亟應請

旨簡放據藩臬兩司詳委該員前往接署可否請

旨即以李仲良補授鎮江府知府亦於要缺有裨謹合詞恭摺具

奏伏乞

奏稿九

三

皇太后

皇上聖鑒訓示施行謹

奏

同治四年七月二十二日

再承准軍機大臣字寄七月初三日奉

上諭在籍中允馮桂芬才識若何品行有無可取李鴻章自必知之甚悉著即據實奏聞等因欽此臣在翰林時即與馮桂芬相識服其學問精洽及統兵至滬復經

奏留臣營藉資贊助隨時諮訪地方利病嗣於上海設立外國語言文字館及請減蘇松太等屬漕糧皆采其議居多該員好學深思博通今古喜為經世之學綜其所長於鹽政漕務尤為洞悉源流惟持論務求刻覈不無偏倚洋務機要研究亦深前督臣李星沅陸建瀛撫臣許乃釗徐有壬歷經延請入幕並襄辦鹽務及協濟籌餉諸局以本籍紳士與聞公事未免易招物議現主講蘇州書院專於閉門授徒雖年近六旬精力稍衰究其品行實為醇正

奏稿九

而識略宏通學有本原在江蘇紳士固不多得即近時詞臣似亦罕有謹就臣所知據實附片覆陳伏乞

聖鑒謹奏

同治四年七月二十二日

再據總辦前江南大營糧臺報銷候補道王曾樾詳稱奉准部咨

同治三年七月初十日奉 上諭同治三年六月以前各處辦理軍務未經報銷之案准將收支款目總數分年分期開列清單奏明存案免其造冊報銷等因欽此遵查前大臣向榮先於咸豐四年十月間附奏余萬清在於鎮江三江營設卡抽釐為募勇經費賞卹等用藉以捍衛蘇常復於東壩南渡丹陽等處試辦捐釐以作水陸諸軍打仗犒賞並師船加給口糧添募水勇划船等項經費由營派員專司收管支發分別咨照糧臺併入三江營釐項彙案造報亦於五年八月間奏明在案所有此項釐金收管支發悉由營中經理並不知會糧臺嗣經營務處游擊李春寅專管釐金委員陳化儒林昌鈺等

奏稿九

造報東壩南渡丹陽等處自咸豐四年十一月五年正月先後試辦起截至六年五月初八日止共計解收錢洋合銀一十八萬五

十六兩六錢七分六釐內於五年十月撥解廬州軍營協濟餉銀五萬兩共支發上游師船加給口糧添募水勇划船等項銀四萬一百二十二兩六錢三分三釐其餘銀八萬九千九百三十四兩四分三釐奉前大臣向榮總統諸軍江南提督張國樑隨時犒賞之用又准幫辦江南軍務雲南鶴鹿鎮總兵余萬清造報三江營自咸豐四年八月十六日起截至七年正月月底止共收錢合銀一十三萬九千八百八十四兩二分二釐內撥解金陵大營協濟犒賞共銀四萬兩共支發忠義等勇口糧等項銀九萬九千八百八十四兩二分二釐聲明無存各等因合將前二項釐金查照營冊造報收支數目開單詳請附

奏存案免其造冊報銷等情前來理合照繕清單恭呈
御覽伏乞

聖鑒謹
奏

奏稿九

美

淮揚鎮撥養馬灘地租片
同治四年七月二十二日

再查河標中軍副將衙門經前河督臣庚辰

奏明酌撥洪湖淤灘五十頃作為養馬灘地由營經理充費上年

因河標中軍副將員缺裁汰復經漕督臣吳棠以此項灘地原丈

界址迷失即將該地內原尾草灘一併丈量撥給實計地七十五

頃零七十畝三分五釐五毫奏請撥歸新設淮揚鎮標所屬之中

營接管在案茲據淮揚鎮總兵歐陽利見稟稱淮揚添設總兵本

因裁撤河標中軍副將而設此項灘地每年約計租錢七八百千

文從前既歸河標中軍副將衙門充費此時改立總兵自應仍歸

總兵衙門經管況淮揚鎮統轄改操各營一切公用較繁時形竭

歷請將河標養馬灘地七十五頃零七十畝三分五釐五毫撥歸

該鎮衙門經理收租藉充所轄各營及本衙門一應公費俾符原

案等情前來臣查淮揚鎮員新設公用無資該鎮本係由河標中

軍副將改設據請以河標衙門養馬灘地撥充淮揚鎮標公費之

用尙與原案相符除批飭遵照外理合附片陳明伏乞

聖鑒敕部知照謹

奏

奏稿九

美

規復皖省營汛兵額片 同治四年七月二十二日

再安徽省綠營兵丁共十八營向設馬步戰守額兵九千四百二十四名內惟宿州一營歸徐州鎮兼轄前經漕臣吳榮奏准暫留全額其餘十七營應歸撫臣既皖南壽春兩鎮分轄軍興以來弁兵散亡殆盡其留存各屬城汛者皆係零星孱弱之兵經督臣曾國藩撫臣喬松年於上年二月會奏裁撤請俟軍事大定次第募補以實營伍在案日下皖南肅清巡緝鎮撫責在綠營分汛設防未可久任懸曠臣等往返咨商擬自本年為始先行募補守兵五成照例籌給糧餉俾資地方彈壓之用俟田野漸闢錢糧盡徵客兵防勇全撤再分年酌飭募補足額派鎮將認真選練總視歷年庫款之盈虛為招復兵額之次序至額兵估餉事宜另飭藩司衙門查核向章分晰議詳由撫臣續行奏辦惟皖南鎮總

奏稿九

天

兵係咸豐五年新設之缺當因地方被擾日事戰爭鎮標營制至今未暇議及茲奉

諭旨皖南安撫總兵作為額缺該鎮標下除徽甯池廣蕪采各營須歸統轄外應否添立幾營抑或酌改增定之處以及官弁兵丁人數俸薪馬乾口糧章程是否即照壽春鎮標例定成額相應

請

旨敕部分別核議具奏俟該部行文到臣再行遵照會商辦理所

附片具陳伏乞

聖鑒訓示謹

奏

籌設織造機房摺 同治四年七月二十二日

奏為大運級綢礙難購買現籌設局房試辦開織恭摺仰祈聖鑒事竊查本年戶部內務府派辦大運級綢等項按照市價估計約需料工銀十餘萬兩均經奏明定限解交督臣曾國藩前因織局尚未設立請援案由江藩庫先撥銀二萬兩交織造酌量購辦奏蒙

奏稿九

天

俞允在案臣詳佑到任後應即遵照辦理當飭司庫松齡筆帖式德善吉順庫使景禧榮裕等帶同熟諳書吏察訪市價去後旋據稟稱江甯久遭蹂躪甫經克復尙無大商設局開織且上用倭緞大級部用龍蟒粧緞等款花樣顏色尺寸半多民機所無實屬無從采買惟春綢紡絲產自蘇杭尙堪購辦又據江藩司文稱江甯所屬徵解錢糧向歸揚營糧臺提充軍餉藩庫並無存銀本年揚防撤後此項節省錢糧尙須歸還上年揚營所借解部價銀並支放旗綠各營坐餉核計實屬不敷所有奏撥織造料工銀二萬兩祇可陸續籌解各等語是采買固屬為難而籌款亦殊不易也臣等以為采買本權宜之計既多窒礙難行而設局實久遠之謀自應酌量趕辦惟江甯城西華門內外常府街向設織局三處鋪機六百餘張經亂以來片其無存機具亦盡毀失當此經費極絀於奏撥辦運之款尙形竭蹶若議修復局房從何措手臣鴻章再三籌度惟有另覓城中空屋將三局置倉庫歸併一處於變通之中寓撙節之法因飭善後局員擇地勘屋在珠寶廊地方購得民人李端住宅一所尙存樓房三十餘間前臨內橋河水便於漂絲移置織局最為合宜現經籌款鳩工就兩旁餘地添蓋機房五十間倉廩五間計每間設機二張新添房屋可設機百張自

下機匠之回籍者僅有數百名倉厥五開亦可敷用仍俟款項稍裕徐議擴充擬此後織造各局即改置於珠實廊不再移回西華門等處而舊時織局基址亦可留作別項公所至養匠口糧例由上江之無為等州下江之六合等縣解到屯米內歲撥一萬石以資散放上年六合縣冬酒未經散放安省又別荒徵熟暫收折價是以曾國藩原奏匠役一項併歸月撥津貼經費銀一千兩內開支臣祥佑查此項銀兩發廉薪資出其中書吏紙張飯食出其中而匠米又出其中實屬不敷支發商之臣鴻章擬俟開機織辦時查明機匠實存名數仍飭江藩司於安省屯米折價內按月酌撥其應用機張則曉諭回籍機匠廣覓舊機量給賞銀損壞者修整短缺者添置所需不致費現在珠寶廊局屋已於六月二十五日動工十月內約可竣工竣計藩庫所撥料工價銀屆時亦可陸續籌解臣祥佑當趕緊采辦絲斤挑造花木倭緞大緞等項先儘民機所無者織辦其春綢紡絲之向可采買者仍視撥款之多寡量加采買雖本年乙丑大運不能照數依限解交而織局粗立之後當漸起色所有大運緞綢礙難購辦擬設局房試辦開織緣由謹繕摺合詞具奏伏乞

皇太后
皇上聖鑒訓示謹
奏

置辦外國鐵廠機器摺 同治四年八月初一日

奏為置辦外國鐵廠機器併局製造並飭奉派京營弁兵分起到廠學習恭摺具陳仰祈

聖鑒事竊自同治元年軍到滬以來隨時購買外洋鎗礮設局鑄造開花礮彈以資攻助甚為得力上年春開蒙總理各國事務衙門函詢學製各種火器成效如何當即詳細具覆以短炸礮與各種炸彈均能製造其長炸礮及洋火藥非得外國全副機器不能如法試造現亦設法購求以期一體學製至於各項運用之妙與洋人之貴重此器暨日本視中國之強弱以為向背各情形亦推爾陳明經總理衙門鈔函恭呈

御覽並以臣函中所言慮患防微與該衙門所籌適相符合宜趁南省軍威大振洋人樂於見長之時將外洋各種機器實力講求

期得盡窺其中之秘有事可以禦侮無事可以示威等語於同治三年四月二十八日奏蒙

諭旨飭由火器營派撥護軍參領薩勒哈春等官兵四十八員名到蘇經臣酌派在丁日昌韓殿中及洋人馬格里等三局分習製

造專摺覆

奏在案查製造船礮軍火各種機器有通用者有專用者若買製齊全須數十萬金雇覓中外匠工采購外洋銅鐵木炭等料亦需費不貲臣處所設西洋礮局其機器僅值萬餘金不全之器甚多只可量力陸續添購以求進益前由曾國藩派人赴英美各國探訪該處船礮機器實價並議及此物若託洋商回國代購路遠價重既無把握若請派弁兵徑赴外國機器廠講求學習其功效迅速與利弊輕重尤非一言可決不若於就近海口訪有洋人出

傳鐵廠機器確實查驗議價定買可以立時興造進退之權既得自操尺寸之功均獲實濟擬飭海關道丁日昌在滬訪購如製器之器已可購得若干仍應添補若干或宜另擇妥口試辦容通盤籌議略有端倪方可入

告以上各情均經節次面陳總理衙門一面飭訪購辦此臣處前此議辦鐵廠機器之原委也又去年十二月初九日欽奉

寄諭昨據御史陳廷經奏綠營水師廢弛請飭整頓營伍製造軍火一摺著旨國藩李鴻章會同商酌奏明辦理原摺著鈔給閱看等因欽此遵查原奏所議軍火一節大意以夷情叵測恃有戰艦

機器之精利逞其貪縱然彼機巧之器非不可以購求學習以成中國之長技請於廣東等處海口設局行取西洋工匠置造船廠以期有備無患等語雖語焉不詳未得要領而大致與總理衙門

暨臣所籌議不謀而合曾國藩平時亦持此論自應遵旨商酌辦理茲據丁日昌稟稱上海虹口地方有洋人機器鐵廠一座能修造大小輪船及開花礮洋鎗各件實為洋涇浜外國廠中機器之最大者前曾問價該洋商索值在十萬洋以外是以未經議妥茲有海關道事唐國華歷游外國多年熟習洋匠本年因

案革充贖罪情急與同案已革之扞手張燦泰等願共集資四萬兩購成此座鐵廠以贖前愆廠內一切機器俱精所有匠目照舊發價任憑遷移調度其餘廠中必需之物如銅鐵木料等件均

值銀二萬兩由該關道籌借款項給發采買以資興造先行請示前來當查唐國華一案既情有可原報效軍需贖罪亦有成案可

援此項外國鐵廠機器覓購甚難機會尤不可失批飭速行定議

稟候分別具

奏並飭該廠一經收買即改為江南製造總局正名辦物以絕洋人覬覦其丁日昌及廠中舊有兩局即歸併總局一切事宜責成該關道丁日昌督察籌畫會同總兵韓殿甲暨素習算造之分發補用同知馮煥光候選知縣王德均熟諳洋軍火之候選直隸

州知州沈保靖一同到局總理所有出入用款收發器具稽查工匠分派委員數人各司其事分飭遵照去後旋據丁日昌等查造

該廠機器物料件數清冊擬具開辦章程約有數端一核計局用房租薪水及中外匠工等有定之款月需銀四千五百兩其添

購物料多寡不能預定大約每月總在一萬兩以外一查原廠所用之洋匠計留八人其匠目科而一名技藝甚屬精到所有輪船

鎗礮機器俱能如法製造現擬於華匠中留心物色督令操習如有技藝與洋人等者即給以洋人工食再能精通則拔為匠目以

示鼓勵一現造洋鎗器具尚未全備已令匠目趕製全副約大小四十餘件數月可以成功如式仿製即省功力惟已製洋鎗則必

需銅帽既得銅帽又必需洋藥皆係相因而至之物不容偏廢但聞製藥機器工料尤為繁重容再設法購求俾可推行盡利一查

鐵廠向以修造大小輪船為長技此事體大物博毫釐千里未易

繁長較短目前尚未輕議興辦如有餘力試造一二以考驗工匠之技藝其鑄錢織布挖河犁田諸器雖可仿製但其法式同中有

異觸類引伸尚須考究尤當權其輕重緩急庶不致凌躐無序一

前奉議飭以天津拱衛

京畿宜就廠中機器仿造一分以備運津俾京營員弁就近學習以固根本現擬督飭匠目隨時仿製一面由外購求添補但器物繁重非窮年累月不能成就尚須寬以時日庶免潦草塞責一查

本廠現在虹口每年房租價銀六七千兩實為過費兼之洋涇浜
習俗繁華游藝者易於失志廠中工匠繁多時有與洋人口角生
事均不相宜應請擇地移局其他所議如機器官擇人指授工匠
不令隨意去留費用宜實報實銷宜明定章程以上各條均
屬切實臣查此項鐵廠所有係製器之器無論何種機器逐漸依
法仿製即用此項鐵廠所製之物生不窮事事可通目前未能兼
及仍以鑄造鎗礮充軍用為主月需經費容臣隨時於軍需項
下通融籌撥如將來各種軍器仿造式造成取攜甚便即可省
購洋軍火之費上海虹口地方設局於久遠之計殊不相宜稍
緩當籌款月建房屋移至金陵沿江偏僻處所以便就近督察曾
國藩采辦西洋機器俟到滬後應歸併臣處措置至前次派在丁
日昌韓殿甲兩局之護軍校達禮阿等四員京營兵二十名已飭

奏稿九

聖

入廠學習其儘先參領薩勒哈春副參領崇喜等所帶弁兵本在
蘇州西洋礮局該局機器與上海鐵廠亦自同源仍可互相觀摩
惟此事形下不離形上與規矩不能與巧將來各弁兵所得之淺
深恐難以一例繩也機器製造一事為今日禦侮之資自強之本
總理衙門原奏言之甚詳已在
聖明洞鑒之中抑臣尤有所陳者洋機器於耕織刷印陶埴諸器
皆能製造有裨民生日用原不專為軍火而設妙在借水火之力
以省人物之勞費仍不外乎機器之牽引輪齒之相推相壓一動
而全體俱動其形象固顯然可見其理與法亦確然可解惟其先
華洋隔絕雖中土機巧之士莫由鑿空而談逮其久風氣漸開凡
人心習慧之同且將自發其蘊料數十年後中國富農大賈必
有仿造洋機器製作以自求利益者官法無從為之區處不過銅

李文忠公奏稿 卷九

錢火器之類仍照向例設禁其善造鎗礮在官人役當隨時設法
羈縻耳天下至奇至異之事究必本於平常之理如或不然則推
之必不能遠行之亦不能久陳廷經原奏以中國修造鐘表推之
於機器雖有精粗大小之別可謂談言微中中國文物制度迥異
外洋狻狂之俗所以邪治保邦固丕基於勿壞者固自有在必謂
轉危為安轉弱為強之道全由於仿習機器臣亦不存此方隅之
見願經國之略有全體有偏端有本有末如病方亟不得不治標
非謂培補修養之方即在是也如水大至不得不防非謂濬川
滄經田疇之策可不講也事無鉅細樂成固難而圖始尤不易自
來建一議興一利勞臣志士纏綿而經營之及乎習之既久相安
於無事或幾不察其所自來而追溯創議之初於此中難易得失
之數幾經審慎曷敢兩莽而一試哉臣於軍火機器注意數年督
飭丁日昌留心訪求又數月今辦成此座鐵廠當盡其心力所能
及者而為之日省月試不決效於旦夕增高繼長尤有望於方來
庶幾取外人之長技以成中國之長技不致見絀於相形斯可有
備而無患此則臣區區愚誠之所觀幸者也除唐國華贖罪一案
月片附奏並咨總理衙門外所有置辦外國鐵廠機器併局製造
並京營弁兵分廠學習緣由謹會同協辦大學士兩江總督臣曾
國藩恭摺由驛具
奏伏乞
皇太后
皇上聖鑒訓示謹
奏

奏稿九

聖

一一一

唐國華贖罪片 同治四年八月初一日

再前據江海關道丁日昌查出新關已革通事捐職唐國華等私收陋規詳請革訊經臣在蘇撫任內附片具

奏同治三年十一月初二日奉

旨唐國華著即行斥革嚴訊究辦該衙門知道欽此當即恭錄行關欽遵會同臬司嚴訊詳辦旋據總稅務司赫德申稱以上海華商貿易半係自雇洋船立具合同並保險憑據必託通事代為繕譯洋字由華商自行酌送銀兩酬勞似有可原之情呈祈查核辦理又據職員鄧玉樵等稟稱清國華之母譚氏以伊子曾在外國多年深知外國鐵廠能製造鎗炮輪舟等物現當軍務未竣誠為有用之具邀同秦吉張燦願行勉辦鐵廠一座報效冀贖子愆哀求代達各等情先後飭發該司道等按照申稟各情節確實查訊

奏稿九

奏

茲據署江蘇臬司王大經江海關道丁日昌會核議詳前來緣唐國華係廣東香山縣人咸豐九年在福建報捐州同職銜同治元年在上海新關充當通事兼緝洋字公文總理進出稅單張燦係浙江鄞縣人秦吉係上海縣人均於同治元年投充上海新關并手分司并查出進口貨物是年七月初旬因華商每遇洋船裝貨所議合同及水腳總單並洋行保險憑據均係洋字華商往往不能辨識屬託唐國華緝譯偶然送給銀兩酬勞續因緝譯較多並因到關納稅應給稅單交運遂各相沿送銀兩酬謝張燦秦吉分司并查出進口貨物凡遇華商貨船到關隨時并查不令守候亦各願酌送洋錢與唐國華情事相同約計唐國華每節收受紋銀二千兩張燦秦吉每節約計各收受洋錢七百元三年六月丁日昌到任訪聞禁止詎至中秋節各商仍送唐國華規銀一千九

百八十三兩送張燦洋錢六百九十元秦吉洋錢六百八十元經該關道查出詳

奏革訊飭發上海縣知縣王宗濂提案研訊供悉前情不諱係販貨出進關口華商自行致送先係按貨計算致有包件費名目並無刁索訛詐情事復經該縣訪查此項規費致送緣由與總稅務司赫德所陳大略相同詳由該司道等查訊無異至報效鐵廠一節查此項鐵廠前經商辦多時均為洋人阻難唐國華曾在外國多年與領事商人熟悉其贖罪情急與張燦秦吉合出重資購成報效將來洋礮洋鎗火箭及一切機器均可由廠自造於時事大有裨益其歷次收受規費即按律坐贓論罪罪止滿徒查定例自斬絞以至徒杖均有納贖明文是

奏稿九

奏

秦吉各出銀七千五百兩共銀四萬兩合辦洋鐵廠一座核與納贖之例相符查唐國華總計得受過銀一萬三千九百兩零張燦秦吉總計各得受過洋錢合銀三千兩現在所出之數除將各名下得受規費照例追起外所餘之銀尚逾於贖罪之數應請將唐國華張燦秦吉准予寬宥免其治罪庶於情法兩得其平唐國華居心貪鄙前革職銜應不准其開復追起實收片請咨銷並與張燦秦吉一體革役並聲明唐國華係州同銜前次請革同知職銜係因該犯錯供所致今已更正等情會詳請

奏前來臣查唐國華等均係在關人役輒敢收取規費有干例禁惟核其情節尚與訛詐需索者有間總稅務司赫德亦稱情有可原自屬在關親悉情由不妨代為陳明本可稍予末減且集貨至四萬兩購成鐵廠以資製造尤與報效軍需贖罪成案相符辦理

尚非寬縱此案應候

奏咨議結緣該項鐵廠機器交涉外洋未便遲延致滋謬為已先飭驗收具報除置廠併局事宜另摺具

奏並咨總理衙門外所有已革通事唐國華等一案擬在贖罪緣由理合會同護理江蘇巡撫臣劉仰膏附片具陳伏乞

聖鑒訓示謹

奏稿九

奏

奏保李宗義等片 同治四年八月初一日

再江甯藩司為稟下河各州縣錢糧總匯察吏安民均關緊要其江甯府屬殘破尤甚招墾撫卹百廢待興籌款非易前敵勦捻各軍暨南北分防兵勇餉需浩繁應由臣督同該司量入為出勉力籌顧非情形熟悉才識素裕之員難期勝任查有留署兩淮鹽運使安徽按察使李宗義四川進士由安徽知縣洊升今職廉正和平能持大體總理鹽務及江北釐局均有條理江省利病講求較熟可否容臣調署江甯藩司以資贊助至兩淮運司正當推廣運路整飭場壩經辦必須得人前奉

寄諭飭臣國藩酌保堪勝運司人員臣鴻章接署督篆曾面與商議查有三品頂戴蘇松太道丁日昌廣東廉貢由江西直隸州調營當差嗣擢任海關道籌辦洋務撫綏商民實力整頓不避勞怨

操守亦甚清嚴昨因病請假調理計可就痊上海洋務現有通商隨員升用道應實時代理關道本是熟手可期措置得宜又按察使銜廣西補用道程桓生安徽拔貢咸豐四年由廣西知縣調赴臣國藩軍營相從最久操履廉潔深耐勞苦上年江路暢通經臣國藩分派大員赴楚西各岸籌運准鹽程桓生辦理江西督銷局銷數較旺釐餉賴以接濟鹽務利弊均所洞悉又現署江安糧道遇缺即補道李鴻裔四川舉人由兵部主事調營差遣經臣國藩於同治二年十一月間奏保賢員以該員襟度軒豁敏而能精欽奉

寄諭交軍機處存記錄用上年委辦江甯善後局督理工程綜核細密才略明練以上三員均堪擢用伏乞聖鑒采擇施行謹會同協辦大學士兩江總督臣曾國藩合詞附

片具奏

Blank area for the top part of the document, likely containing a title or header.

奏稿九

早

松滬舊案軍需款目摺 同治四年八月二十八日

奏為查明松滬舊部軍需收支款目總數開列清單恭摺奏報仰

聖鑒事竊准部咨同治三年七月初十日奉

上諭同治三年六月以前各處辦理軍務未經報銷之案准將收
支款目總數分年分期開列簡明清單奏明存案免其造冊報銷
等因欽此當經轉行欽遵旋據蘇省報銷局司道將湘淮水陸各
軍糧餉等款分別正雜酌議開報章程聲明松滬舊部兵勇糧餉
等款并上海原設軍需製造各局應截至同治元年十月初三前
兼署藩司蘇松太道吳煦交卸前一日止歸該道另案開報等情
並經督飭該司道將蘇滬軍需第一案第二案收支各數先後
開單奏蒙

奏稿九

聖

聖鑒各在案茲據原辦松滬軍需前兼署藩司蘇松太道吳煦
詳稱上海辦理防期自咸豐十年二月起截至同治元年十月初
三該道交卸司篆前一日止經前撫臣薛煥奏准動撥江海關稅
並各局釐捐抵用共計收銀四百四十四萬六千一百八十二兩
一錢二分六釐五毫五絲錢三十六萬五千九百九十二兩三錢
米二千四百六十石據各委員將支放實數分晰開報該道逐款
句稽共計請銷銀五百五萬一千五百四十四兩四錢一分三毫錢
三十六萬七千一百六十一兩二千二百五十四文米二千四百九
四石八斗一升八合五勺計不敷銀連錢米折價共墊欠銀六十
萬九千五百八十二兩二錢六分一釐二絲五忽內除初案銷冊
列墊銀十八萬一千三百八十七兩八錢一分四釐六毫四絲八
忽業奉戶部奏准勸捐歸補外實計墊欠銀四十二萬八千一百

九十四兩四錢四分六釐三毫七絲七忽擬請撥案給發餉票另
文附詳各等情詳請具

奏前來臣查松滬舊部各軍始於咸豐十年二月其時浙江省城

初次失守賊氛密邇上海即辦防堵未幾金陵大營潰退蘇常松

太各屬相繼淪陷該逆屢以大股圍撲上海軍務十分喫緊節經

前撫臣薛煥督飭該道添募勇弁雇用外國兵官教練常勝一

軍購買外洋鎗礮軍火竭力防勦兩次克復松江府城分防金山

寶山等處增兵愈多需餉益鉅十一年冬杭州復陷浦東四廳縣

概被賊踞僅膜上海一隅之地局勢尤為危殆迨同治元年三月

臣統皖師東下將松滬各防兵勇分別裁汰歸併以次進攻始得

逐漸廓清是前次上海防勦俾保餉源重地均屬實在情形先經

前撫臣薛煥奏明責成該道吳煦經理軍需准於司關各庫動支

應用元年四月復經臣奏明責成蘇藩司督辦支放報銷時該道

兼署藩司亦仍一手經辦第當逆氛環擬高買星散地漕絲毫無

徵釐稅旺衰無定綜計收支入不敷出設法挪墊亦誠不得已

茲據開報各款覆加確核均係實用實銷並無浮冒應請存案免

其造報除常勝軍等三款暨墊欠原委分別另行附

奏外合將松滬舊部軍需收支款目總數開列簡明清單恭呈

御覽伏乞

皇太后

皇上聖鑒至咸豐十年二月起至是年十二月止松滬軍需收放

各款曾由該道作為初案造冊咨呈到部在同治三年七月初十

日欽奉

恩旨以前當經戶部奏請將銷冊暫行存案仍飭一併列入清單

等因現係遵照辦理合併聲明謹
奏

奏稿九

呈

揚鎮糧臺收支總數摺

奏為查明揚鎮糧臺自同治三年二月初三日起至六月底止軍需收支總數開列簡明清單恭摺奏祈

聖鑒事竊准戶部咨同治三年七月初十日奉

上諭同治三年六月以前各處辦理軍務未經報銷之案准將收

支款目總數分年分期開具簡明清單奏明存案免其造冊報銷

等因欽此當經轉行欽遵去後茲據辦理揚鎮水陸糧臺報銷局

前江甯藩司萬啟琛詳稱前奉

諭旨辦理揚鎮糧臺未到任以前係前代理江甯藩司候補道吳

世熊暫行代辦自同治三年二月初三日起至二十一日移交接

辦截至六月底止應由該司一手開報今查揚營糧臺接頂前辦

糧臺任安徽巡撫衙門移交並新收錢糧協餉釐捐等款其

銀六十四萬七千八百四十三兩八錢四分五釐八毫四絲八忽

四微二纖內除協濟豫勝營餉銀一千兩由該營自行造報外實

應入收銀六十四萬六千八百四十三兩八錢四分五釐八毫四

絲八忽四微二纖又錢二萬二千五百九十六千八百文官票十

四萬七千七百一兩一錢七厘七毫三絲五忽四微六合一

勻六抄鎮營糧臺接頂喬松年移交並新收協餉關稅釐捐等款

共銀五十九萬七千三百六十七兩二錢三釐六毫八絲九忽一

微一纖內除撥還滬餉銀三萬兩又解戶部補繳監生四成實銀

及代放廣東紅單船餉並京口等處防兵鎮江旗綠各營防兵薪

糧各省管解軍火委員借支盤費等款共銀十萬七千一百三十

一兩四錢九分二釐九毫三絲二忽應歸各處自行造報外實應

入收銀四十九萬二千三百五兩七錢一分七毫五絲七忽一微

一織又洋錢五元銀首飾六件計重四兩二錢三分據各委員將

支放實數詳報到局該司督飭局員逐款核計心查核計揚營

糧臺實發過銀六十四萬五千二百七十一兩六錢三釐一毫四

絲二忽九纖又錢二萬二千九百七十七千六百文官票四萬五千一

百二十七兩米一萬七千七百七十三斗三升三合九勺四抄實

在欠發銀十萬九千五百二十一兩二錢六釐八毫三絲九忽三

微一纖欠發錢一千四百四十二千四百十文應歸下屆開除造

報又存銀一千五百七十二兩二錢四分二釐七毫六忽三微三

織存錢四百九十九千二百文存官票十萬一千八百九十兩存

米二十五石二斗一升二合二勺二抄應歸下屆支銷造報又鎮

營糧臺實發過銀四十八萬八千二百七十五錢五分六釐九

毫五絲七微八纖實在欠發銀二十六萬三千五百五十六兩六

錢四分一釐五毫一絲七忽二微應歸下屆開除造報又存銀一

千九百六十五兩一錢五分三釐八毫六忽三微三纖洋錢五元

銀首飾六件計重四兩二錢三分應歸下屆支銷造報以上支放

各款係按照江南江北歷次奏准題准章程辦理分別開單詳請

具

奏前來臣查揚鎮兩軍分防江南北兩岸上年會合蘇軍攻克丹

陽糧餉軍火所費不貲萬啟琛兼顧統籌分投支應無誤要需茲

據開報各款臣確加覆核均係實用實銷並無浮冒應請存案免

其造報現在該兩軍早經凱撤其自上年七月起至撤竣之日止

已飭另行造冊報銷以清界限而符部議所有查明揚鎮糧臺軍

需收支總數緣由謹會同漕運總督臣吳棠會詞具陳並開列簡

明清單恭呈

御覽伏乞

皇太后

皇上聖鑒謹

奏

奏稿九

吳

調楊鼎勳等軍赴徐宿揚

奏為飭調楊鼎勳等軍分赴宿遷徐州聽候調遣防剿恭摺仰祈

聖鑒事竊楊鼎勳等援閩凱旋之軍暫駐鎮江俾資休息經臣於

六月二十三日陳明續奉八月十四日

寄諭令臣等酌量調派在案茲非曾國藩各商捻匪被剿由豫境

北竄現至山東曹考一帶各軍尾迫迎剿均關緊要請由臣調派

蘇省大枝勁旅赴北路扼守派撥等情臣已檄飭遇缺提督

蘇松鎮總兵楊鼎勳統領所部勦字等洋鎗隊八營由鎮江北渡

循運河東岸前赴宿遷暫紮遮蔽清淮再察度東省賊情及海贛

鄒邳一帶地勢相機扼勦福建陸路提督郭松林已遵

旨回籍葬親該部松字等八營及現駐江甯之親兵桂字等三營

准勇均飭拔隊前赴徐州聽候曾國藩調遣接據探報捻逆將往

嘉祥鉅野之閒屯歇並欲由春開舊路渡運河竄濟兗各處新授

山東臬司潘鼎新以五營留濟設防自帶六營赴鉅野扼紮迎剿

曾國藩又由徐州添派各起馬隊並右江鎮總兵張樹珊所部樹

字各營赴濟會同潘鼎新合力防剿是東境兵力稍厚該逆被剿

窮蹙難保不圖竄東三府由東窺蘇而淮海門戶空虛臣飭楊鼎

勳於到防後妥為布置潘鼎新楊鼎勳張樹珊及徐州各軍糧餉

軍火須由金陵蘇州籌濟全恃運河一綫設法轉運阻滯時虞艱

難萬狀瞬息冬令水涸尤應保護糧路自顧根本為先著臣當隨

時會商曾國藩吳棠妥籌辦理所有飭調各軍分赴北路緣由理

合由驛馳陳伏乞

皇太后

皇上聖鑒謹

奏

奏保克復嘉興常州等城員弁摺 同治四年九月初八日

奏為遵

旨查明克復宜興荆溪溧陽等縣嘉興常州等府城及調撥江陰常熟無錫各城力戰解圍並截勦楊厚金壇賊殲除大股節次打仗出力之水陸各營文武員弁兵勇及團練籌餉得力官紳分結清單彙案請獎恭摺奏祈

聖鑒事竊照同治三年正月二十四日克復宜興荆溪縣城又正月二十三等日官軍分進嘉興攻克賊壘大獲勝仗又二月初一日收復溧陽及二月內各路敗賊乘雨內竄攻撲江陰常熟無錫等城調派各軍援勦次第解圍連獲大捷又二月十八日克復嘉興府城擒斬偽榮王廖發受盡斃偽挺王劉得功餘匪悉就殲除又臣於三月初六七等日督飭各軍四面兜剿將常熟楊庫一

奏稿九

吳

奏稿九

吳

帶竄賊殲除殆盡沿江腹地肅清又三月二十五六等日溧陽官軍截勦金壇竄逆獲勝擒斬偽酋多名殲滅大股又臣於四月初六日督飭各軍四面圍攻克復常州府城生擒逆首偽護王陳坤書餘眾全股撲滅以上七案歷次戰狀及克復詳細情形均經先後奏明其尤為出力各員已隨摺奏蒙

恩獎此外出力員弁勇營奉

諭旨准其查明彙獎恭錄各行欽遵在案至蘇常上海等處及通州泰興沿江團練並籌餉各員或巡防得力或助勦立功或措置有方饋遞相繼自應隨案一併請獎茲准長江提督黃翼升江南提督李朝斌直隸提督劉銘傳福建陸路提督郭松林與各營統領並會帶常勝軍之戈登李恆嵩等及總局各司道先後查明彙保陸續開摺請奏前來臣悉心確核嚴加刪減分繕清單恭呈

御覽伏查嘉興為蘇浙咽喉常州為三吳鎖鑰賊以全力守之攻取非易當時陳坤書等分遣悍逆四出紛擾欲由江陰揚州沿江北竄並圖由常熟以襲太倉山無錫而撲蘇省其鋒甚銳金壇敗賊狼奔豕突若歸併金陵或旁竄他處我軍為其牽掣則辦必又費手仰賴

聖謨廣運

威德遐宣將士踴躍用命嘉興拔而杭州之賊勢始衰常州克而金陵之外援始斷實為東南軍務一大關鍵其圍撲江陰常昭錫金之賊及金壇竄匪亦皆就地殲除不致以鄰為壑水陸各營文武員弁及隨營襄事人員均屬異常出力今全省肅清論功行賞以臣請陋恭竊崇封在事各員自應表公甄敘惟大小百數十戰水陸百數十營且係七案彙保人數較多不敢稍有遺濫合無仰

奏稿九

至

懇

天恩准予破格獎勵以昭激勵除擬保千總以下各弁及擬請藍翎六品頂戴各弁勇另行造冊咨部外所有遵

旨查明節次出力員弁策案開單保獎緣由謹繕摺由驛具陳伏

乞

皇太后

皇上聖鑒訓示再所保隨營各員到營均在二年以上至吏部章程保獎文員應將勞績明晰詳敘各員事蹟甚多逐一臚陳未免瑣屑是以摘敘大略又劉銘傳郭松林楊鼎勳周盛波潘鼎新張樹聲各軍自去冬以來先後調援山東河南安徽福建各行南非分馳相去或數千百里軍務倥傯往返駁查有需時日是以彙奏稍遲合併聲明謹

奏

奏稿九

至

奏保王凱奏凌煥片 同治四年九月初八日

再浙江候補道王凱奏同治元年山編修經臣
奏調來營派辦臣軍營務處歷次隨臣督軍攻克蘇州常州等城
躬親行陣洞悉機宜復派綜釐釐捐籌濟餉需興利除弊能任勞
怨該員廉潔深穩皎然不欺其志洵為有用又道銜原保員
外郎凌煥曾由舉人考取正其學問素稱淵博自元年三月隨
臣至滬久歷艱險費盡戎機深獲其益於籌議通商事務尤思精
慮密力持大體該員操行耿介識略宏通迥非凡近所及查王凱
泰業經浙撫臣馬新貽於保舉賢才摺內奉
旨以浙江道員補用凌煥先於咸豐十一年揚防肅清案內由候
補主事經江甯將軍臣都興阿奏請以員外郎分部補用吏部旋
因新章不在保升京員指駁另核請獎該員淡於仕進是以隨
累年未為保請官階惟與王凱泰皆係臣營最為得力之員未敢
沒其勞績合無仰懇
特恩准以浙江候補道王凱泰遇有浙江道員缺出請
旨簡放道銜原保員外郎分部補用主事凌煥即以道府
存記簡用出自
逾格鴻慈謹附片具陳伏乞
聖鑒訓示謹
奏

覆陳奉 旨督軍河洛摺 同治四年十月初八日

奏為欽奉
諭旨恭摺覆陳仰祈
聖鑒事竊臣前奉九月初六日
寄諭令臣督帶楊鼎勳等軍馳赴河洛一帶防剿兼顧山陝門戶
飭與曾國藩等會商覆奏仰見
宵旰焦勞思慮豫防之至意臣當即欽遵
諭旨函商曾國藩原擬俟兵餉大端籌有把握再行縷晰復奏旋
准曾國藩咨鈔九月十九日覆陳摺片內稱河洛現無可剿之賊
淮勇亦無可調之師李鴻章若果入洛豈肯撤東路布置已定之
兵挾以西行坐視山東江蘇之糜爛而不顧等語似屬切中事情
曾國藩因業經覆奏未月與臣覆信臣再四籌思彼覆疏中已陳
之言皆臣所欲言而不敢遽言之隱大局所關臣未便稍有立異
但不知
批旨如何定見五中旁皇瞻前慮後仍有不能已於言者綜其大
要約有三端一兵勢難遠分也我
朝從前武功專恃兵力此次軍務全資勇力臣初至軍營習聞周
天爵琦善向榮和春諸臣之議論皆謂旗弁兵馴謹而易調遣
各省勇丁桀驁而少紀律其不得已而用勇就地召募隨時遣汰
尚無甚流弊若遠調數千里外終必譁潰誤事咸豐初年廣西所
募潮勇最多向榮張國樞等帶赴江南沿途騷擾卒至十年三月
金陵之變一潰而遂不可收拾矣自曾國藩江忠源胡林翼李續
賓等創練楚勇不用一兵益深知綠營廢弛已久習氣太深萬不
足以殺敵致果而以楚將練楚勇恩信素孚法制嚴密又由湖南

北轉戰江皖一水可通人地相宜是以歷久而能成功然李績宜
唐訓方以楚勇勦淮北之捻劉長佑以楚勇勦直隸之騎馬賊均
未大著功效則以離鄉太遠南北異宜勇性未能馴服何能得其
死力曾國藩兄弟有鑒於此故金陵克復東南軍事將竣即將所
部湘勇全數遣撤但屬暫留淮勇以備中原勦捻自係因地制
宜夫捻匪係皖豫東三省無賴糾合而成其隸籍者大都穎蒙
毫宿人皆在淮北籍隸廬州實在淮南所部淮勇則廬州六安
安慶揚州人居多皆濱江之處於長江上下防勦最宜軍士戰於
其鄉亦較得力其性情風氣與淮北迥殊同治元年臣初由安慶
赴滬湘勇以去路太遠多不願從乃商之曾國藩就臣鄉里團練
久戰之士選將東伍遂漸添募如程學啟劉銘傳潘鼎新張樹聲
周盛波等始僅為營官帶數百人耳嗣因打仗可靠各增募至數
千人今遂為淮勇最勁之兵究之用於江淮南北千餘里內必可
指揮如意若逐漸調移山東河南邊境尚能勉強相從若遠赴
河洛山陝並預備勦除京東馬賊甘肅回匪之用水土不習誠恐
遷地弗良勇心渙散不獨素食穀米驟改麥麩一端為可慮也且
朝廷期望於臣欲以西北軍事相屬不過以臣在蘇粗立戰功而
臣亦惟賴所部將士踴躍用命若令臣去而平素慣用之健將勁
兵不得隨行臣復何能為役曾國藩設徐州濟甯周家口等處
防軍皆臣部最得力者若不調西行則聲勢不能大振若全調
他往則東皖無以自立若另圖添募馬步而隨身先無親信可恃
之兵勇必致敗軍償事而無裨於全局此兵勢不能遽分之實情
也一餉源難專恃也凡欲滅賊必先治兵欲強兵必先足餉欲籌
餉必先得人與地自咸豐三年至八年皆在皖北軍中窺見和

春鄭魁士之軍戰陣頗勇旋因餉缺而潰袁甲三亦同書等繼之
更因餉絕而敗即十年江南大營之潰十一年浙江之陷皆由於
糧餉斷絕官文胡林翼蘇鄂餉以供東征曾國藩進圖江皖以江
西湖南廣東釐金為餉源左宗棠以浙餉辦閩浙之賊臣以滬蘇
入款辦江浙之賊皆能自我為政轉輸不匱幸而賊事從古至今
言兵事未有不先籌餉者也
諭旨慮及皖豫髮捻一日不除盛京甘肅勢難兼顧誠以捻滅而
後騰出餉需非徒捻滅而後騰出兵力有餉則到處兵勇皆可用
無餉則已成勁旅亦無用也陶茂林雷正綰均係多隆阿部下百
戰驍將昔何勇而今何怯其一潰再潰之故可知想而知曾國藩夏
開奉
命勦捻臣忝署江督即以後路籌餉引為己任以安其心數月以
來分屯豫東蘇皖千餘里湘淮兵勇四萬餘糧運供支源源協濟
又兼辦蘇松揚州留防各陸營長江外海各水師皖南北江西防
期遣撤各湘軍之餉難以入抵出不敷尚多竭力勻撥幸無貽誤
臣若奉
旨西征現在前路勦捻後路分防各軍之餉尚無專責之人即臣
帶兵遠出餉源當屬於何處籌餉當責成何人亦未蒙
聖明指示若無確然可指之款率眾前行必為雷正綰陶茂林之
續若非切實可靠之人維持後路亦無以安曾國藩與臣軍各將
士之心臣當默籌熟計目今大患在捻與回自須先圖滅捻若以
現餉養現兵約計河南可養戰士一萬五千山東可養戰士二萬
安徽可養戰士一萬江蘇可養戰士六七萬湖北可養戰士四五
萬各省督撫果皆熟諳略認真籌餉練兵使一兵得一兵之用

通力合作勿存推諉爭忌之心則兵與餉可漸足一二年間可奏效若

皇上專派督勦大臣而各督撫辦事有專屬或擁兵觀望或玩視軍需或勝則爭功敗則諉咎遂使客兵出境種種舉擧亦難必其收功之遲速矣臣若赴豫欲圖兜滅此捻必須多練馬隊以備衝突廣置車驟以資轉運需餉甚鉅豫中蹂躪已久力難供應若專指蘇餉目下蘇滬稅釐分供前敵淮軍已成仇讐再添募馬步人數益眾道路益遠勢必不支臣一經離任恐亦不能遙制此餉源不能專恃之實情也一軍火難常接濟也臣軍久在江南勦賊習見洋人火器之精利於是盡棄中國習用之擡鳥鎗而變為洋鎗隊現計出省及留防陸軍五萬餘人約有洋鎗三四萬桿銅帽月需千餘萬顆粗細洋火藥月需十數萬斤均按月在上海香港各

洋行先期采買陸續供支臣每親自料理又有開花礮隊四營一為潘鼎新帶往濟甯一交劉秉璋鎮守蘇州其副將羅榮光劉玉龍兩營為臣親兵現分守金陵城外之下關江東橋兩處江口綠洋人最重開花礮目下長江通商各船來往奸人覬覦偵知有此利器可稍奪凶魄洋礮重者千餘斤輕亦數百斤其礮具之堅精藥彈之繁完臣講求數年稍窺秘要他人多未及見更未與知臣既幸苦練成若出省討賊必須酌量往藉壯聲威惟礮隊所用器械子彈盡仿洋式所需鋼鐵木煤各項工料均來自外國故須就近設局製造蘇州先設有三局嗣因丁日昌在滬購得機器鐵廠一座將丁日昌韓殿甲兩局移併上海鐵廠曾經奏明欲再移設金陵附近濱江僻處所為久遠之計但事體繁重須有精心果力者主持其事方冀漸收功效臣若遠赴他省則

礮局與鐵廠久必廢弛不但技藝不能漸精且慮工需多有缺乏而臣軍接濟亦將有斷絕之時臣部將士皆已熟習洋器慣用礮賊設此後臨敵不能應手或遠道解運不及將若之何臣與洋將共事數年彼視軍火鎗礮為行軍第一重大之事中國將領往往隔膜置之無怪軍威不能自振臣軍所向則以此為命脈關係誠不敢輕以付託此軍火恐不能常接濟之實情也臣所慮者只此一端儻蒙

皇上天恩俯憫愚忱熟思審處俾微臣帶兵遠出日後更無掣肘之患臣得效命疆場努力設謀割同曾國藩等為國家殲此殘寇雖萬死有所不辭臣知曾國藩陳奏在先久未續奉

諭旨敢再冒昧披瀝上陳伏乞

皇太后

皇上聖鑒訓示謹

奏

Table with multiple vertical columns, likely a list of names or titles, mostly blank or partially filled.

江北新漕民折官辦摺 同治四年十月初八日

奏為會籌江北新漕民折官辦分別解運情形恭摺覆陳仰祈
聖鑒事竊臣等奉准軍機大臣字寄同治四年八月二十五日奉
上諭戶部奏江浙來年海運請飭催趕辦一摺江北久經肅清各
屬本年新漕應即徵收本色歸數起運惟本年河運係封屆民船
誠恐米數太多不無掣肘如江北全漕不能概由河運即由該省
酌量情形劃分成數河運並運一切章程趕緊妥議奏明辦理等
因欽此遵經轉飭代理江甯藩司勒方鈞署江安糧道李鴻裔妥
議籌辦茲據會詳前來伏查江北淮揚徐通四府州屬額徵起運
漕米十六萬餘石本年淮揚等處夏旱秋澇被災較重尙未勘定
分數約計可徵米九萬餘石竊自咸豐三年以來運道不通漕船
盡壞應徵漕米均經

奏稿九

奏

奏明飭屬變價分解揚徐各糧臺充餉各州縣因徵米既須變價
即按逐年米價折收錢文易銀解臺臣案於試辦河運時將各省
漕糧因軍需孔亟先後改徵折色之處附片陳明在案今年揚防
盡撤欠餉已清臣鴻章曾豫飭司道本年漕價必應全數解京雖
有急需不得援例截留以實部庫惟江北漕價部定每石折銀一
兩四錢嗣糧臺因米價日增軍餉日絀歷年飭令加增各州縣以
收錢盈餘並節省軍費等項全數捐解充餉每米一石解銀二兩
四錢當軍務緊急之時民間咸知為
天庾正供竭力報效官民相安十餘年來從無鬧漕抗糧之案今
若改徵本色民間完米既慮弊端百出而以米運京之費一無所
措本年試辦河運每米一石所用船價耗米運廊經費屆挽繹纜
帶片及通倉經紀筒兒錢等項約共需銀二兩數錢民間完納漕

李文忠公奏稿 卷九

糧既不能違例加收運費州縣徵米起運亦不能勒令賠貼解費
則此每石運費二兩數錢臣等實無從挪墊至本年蘇松起運漕
米可較上屆加增海運沙船無多正虞不敷裝運勢不能加入江
北漕米則江北之漕仍須另籌河運臣等往返商榷督飭司道
各員再四熟籌惟有仿准徐等屬民折官辦章程變通辦運本屆
江北全漕約米九萬餘石擬請令各州縣照舊每米一石折收銀
二兩四錢全數解司以一半按部定例價每石作銀一兩四錢先
行解京其餘一半派員於米糧督率之區分投采買江北稷米無
多米色不能一律仍照試行章程紅白兼收稷和並買約計米價
每石需銀二兩有餘以一半解部例價外之節存銀一兩又益以
例支漕項行月贈五給丁等銀作為一半河運之費計尙不敷再
由外設法籌補事竣分別報銷此次雇用民船並起運事宜容臣

奏稿九

奏

等參酌上屆試辦河運章程續行妥議具
奏所有遵
旨會議辦理情形合先恭摺覆陳伏乞
皇太后
皇上聖鑒訓示謹
奏

請飭議新漕全數解折片 同治四年十月初八日

再查此次籌辦江北新漕采買運京權宜試行尙未知能否應手
南漕停運已久大亂之後亟應與民休養一旦改議徵收起運各
有為難謹為

皇上懸陳之漕弊積久愈深大略不外於丁胥遞事誅求幫兌互
相魚肉究其受害最切厥維小民道光開諸臣章疏

宣宗諭旨言及州縣浮收旗丁幫費未嘗不深恨次骨終以積重
難返無可如何道光二十七年王大臣戶部議將南漕改徵折色

以實部庫而甦民困為前督李星沅奏駁未行咸豐元年江蘇
撫臣傅繩勛力陳浮收幫費弊端請收折色又經部科議駁蓋以

數百萬之米易銀則銀必貴以數百萬之銀易米則米亦必貴皆
不敢輕為嘗試迨至時勢所迫改為折色數十年鋼弊不期除而

自除凋瘵之民於以少得休息今若重收糧米必致諸弊復萌夫
小民之情減則順而加則逆稍有抑勒勢將堪堪軍興十有餘年

閭閻瑣尾流離不忍偏視雖有完善之處而官指私借歛費抽釐
幾無一歲能寬亦無一家得免困苦至此非大培元氣不特瘡痍

莫起兼慮鉅險生端旁觀者謂完米完錢並無二致何以折色易
而本色難不知徵收折色照部定每石折銀一兩四錢必不敷買

米之數州縣所收縱有增益民閒以部價相衡斷不能加至倍蓰
即如江北近年折至二兩四錢已較江楚各省為多然照市價亦

僅能買米一石耳民間輸納較易力量較省若令備米交倉則向
所謂錫斛淋尖風篩打樣以及併包勻各種苛勒乘機而來紳

士包漕棍徒抗亦開風自起民間以米上兌有一石完至數石
者更有由單鋪藉掛號抽釐等項訛取錢文米色與銀錢不同明

屬潔淨乾圓何難指為醜米格外需索更屬防不勝防是完收本
色總較現在折收之數有增無減近日民力實有不逮江北向屬
一隅之地既收本色將來須推及兩楚江西而江楚漕折較江北

為減收米必更掣肘似應寬以數年之力俟各省軍務大定防軍
全撤次第籌酌舉行驟議改徵恐滋事故此所謂徵收之難也至

於起運南糧唐代用轉般法沿水置倉由江而淮而汴遞輸於官
宋崇甯中改為直達明季置屯衛我

朝因之今漕船盡廢欲全數修復約需銀三千萬兩若轉般之法
必先建倉南漕正耗四百餘萬石以一倉儲萬石計之須四百餘

倉一時均無此鉅款浙蘇海運歷屆幸安乃近年北口通商各貨
為洋船攬載沙船生意淡薄減歇之後虧朽過多本屆蘇浙之漕

尙慮不敷裝運斷不能益以江北之米即原運之數亦恐此後海
船日少不能不預為熟籌則惟有仿直達之策以民船代漕艘較

為近便臣棠本年試行河運原欲為先事之導以濟海運之窮雖
已挽運抵通而運費不貲雇船亦極艱苦卸米之後尙無回空日

期聞山東戴村壩復決河水洩枯濟河以上乾涸已多前船年內
不歸則來年需用之船必致無人受雇且近來勦捻各軍皆由運

河轉運軍裝餉米兵差日多民船日少雇價日重沿途之偷竊運
道之阻滯在在堪虞只可強試一行而米數必不能多遲速必不

能定此所謂起運之難也有此二難若欲解運本色漸復舊規固
非咄嗟可辦即采買雇船耗費滋多亦非經久之策臣等籌思至

再力為其難本年江北之米仍擬照上年試行河運章程再行試
辦而以半折半運通融用費冀稍彌補而免貽誤若半銀之數不
以例價解京則少每石一兩之節存半米更不能起運近時捻蹤

飄忽往來運河左右蹤跡靡常內河船隻愈見稀少屆期能否履
寬齊全及運行無阻之處當隨時察看情形

奏明辦理抑臣等更有請者此次漕米運至通州運米價及運腳
雜費每石總須合銀四兩數錢無可再省本屆蘇浙海運稍多京
倉儲備亦稍裕似不爭此四五萬石之米且因此修理沿途壩
挑濬長河耗費更鉅尤為不值莫若全數解折省出運費每石可
實折銀二兩四錢在津運以米糶倉既可有盈無絀即以之抵放
俸甲亦得實惠均需似於
國計不無裨益並請

敕下部臣迅速通籌妥議核覆飭遵理合據實附片陳明仰祈
聖鑒訓示謹
奏

奏稿九

奎

徐屬冬漕循舊折價充餉片 同治四年十月初八日

再本年正月間臣吳棠以徐宿捻氛未靖

奏准將徐屬本年地漕仍解徐餉在案茲奉

諭旨江北各屬本年新漕應即徵收本色仿照河運成案掃數起

運等因欽此查漕糧為

天庾要需自應一律酌徵籌運惟徐宿餉源本極支絀原撥東豫

陝晉四省協餉均已停解徐屬地瘠民貧蹂躪已久錢漕徵數無

幾全供防軍不敷甚鉅現在捻逆大股由東境回竄逼近徐城防

剿萬分喫緊軍士枵腹荷戈尙賴屬徵地漕稍資接濟若併此有

苦要款提解京倉匪惟以後軍需無從設法即此時征兵緊餉何

以支持惟有仍將本年冬漕先其所急循舊折價解充軍餉方免

飢軍譁潰之虞據徐海道張樹聲詳請嚴

奏稿九

奎

奏前來臣等復加體察委係實在情形合無仰懇

天恩俯念徐宿防務喫緊待餉孔殷准將徐屬本年冬漕循舊折

價解充徐餉以繫軍心一俟捻氛肅清再籌起運出自

逾格鴻慈理合附片陳明伏乞

聖鑒訓示謹

奏

李宗義吳坤修請綬 陸見片同治四年十月初八日

再江南布政使李宗義安徽按察使吳坤修奉

旨簡授今職例由該員等具摺謝

恩奏請

陸見惟查江甯省城克復未久察吏安民事事更始又有清查田
畝籌捐濟餉諸大端其責在藩司者較前更形繁劇道員勒方錡
代理四月雖無貽誤究不若實缺人員呼應更靈至吳坤修向帶
團防營駐紮蕪湖現暫署皖南道篆擬俟徽甯開餉各勇遣撤事
竣再會商會國藩飭調安慶防兵王可陞所部五營分紮甯國蕪
湖騰出團防兩營由吳坤修帶赴安慶布置省防以資鎮壓是該
二員於地方防務均關緊要一時遽難交卸入都可否仰懇
天恩准令李宗義吳坤修先行各赴新任暫綬

奏稿九

奏

陸見以重職守之處出自

聖裁謹會同暫護江蘇巡撫臣劉郁膏安徽巡撫臣喬松年附片

陳請伏乞

聖鑒訓示謹

奏

京營官弁學製開花礮子請獎摺 同治四年十一月初八日

奏為京營官弁學製西洋開花礮子已有成效仰懇

天恩准照存記前案給獎恭摺奏祈

聖鑒事竊臣於同治三年十二月二十七日在蘇州巡撫任內具

奏京營官弁學製西洋火器漸有成效懇

恩獎勵一摺於同治四年正月十五日奉

旨知道了薩勒哈春等均著暫行存記俟續有成效再行奏請獎

勵欽此當即恭錄行知該官弁等一體欽遵並飭奮勉學習嗣於

上海新購機器鐵廠設立製造總局復奏明將參領薩勒哈春等

暨即補副參領色布什新等各帶兵二十名分派蘇滬兩局就所

有機器互相觀摩期於外洋礮火祕法實有所獲惟機器奧妙精

深礮法尤精之又精即在外洋巧匠亦不易得該弁兵等竭其心

奏稿九

奏

力以從事或限於天資之不齊現在甫經設廠凡製器之器中國

員匠均須逐漸操習原不能剋期求效但飭該弁兵等朝夕在廠

與中外工匠雜作臣督同各委員時加策勵或者日計不足月計

有餘溯自該弁兵等到局之初臣以行軍攻剿所需莫要於開花

礮子一項即令該弁兵等專力先攻此件前因已得要領曾經奏

請先行獎敘以勉其已能而策其未能自奉

聖恩記獎以來數月之間實力研究所有開花礮子之內模外胎

銼光鉸口釘絡旋盤以及裝做彈心木引等事均能按法承造復

遵總理衙門劄飭自行具稟將所習各件開具清單由臣處遞京

察核接准總理衙門回文以其辦理尚屬認真足徵該弁兵等所

學已有進益再能於機器鑄礮之法漸入門徑自可有裨實用竊

以循名責實一得未許其自封而善善從長利用必資於鼓舞前

奉 諭旨以該弁兵等學習炸礮炸彈各種軍火機器如有成效准該
撫從優奏獎等因欽遵在案謹查照前次開列銜名繕具清單恭
呈 御覽合無仰懇

天恩准照存記原案給獎以為激憤發憤之助庶收日新不已之
功其烏鎗護軍校玉慶七品頂戴高鎗長吉崑先後病故局員從
九品邵有源業經撤差以上三名均應扣除保案烏鎗護軍校常
英一員原保擬以烏鎗護軍參領即補未免過優應改請以委烏
鎗護軍參領即補除於清單內分別刪正外所有派習火器官弁
學製開花礮子已有成效懇
恩准照存記原案給予獎勵緣由專摺由驛具

奏稿九

奏

奏伏乞

皇太后

皇上聖鑒訓示謹

奏

海運回空沙船請免北稅摺 同治四年十二月初三日

奏為蘇浙海運回空沙船裝貨請免天津牛莊關稅以廣招徠恭
摺仰祈

聖鑒事竊照蘇浙海運漕糧歷係上海沙船承雇裝載由滬運津
向無貽誤沙船生計以北洋豆貨為大宗自為外國夾板船攘奪
其利沙船日就疲乏無力出洋大半廢擱今屆漕數較增不敷雇
用

京儲根本攸關亟應綢繆未雨上年臣在蘇撫任內奏奉

諭旨准令此項沙船販運奉省雜糧本年復將上海助餉船捐全
行蠲免總理各國事務衙門議辦北洋豆稅欲令洋船成本稍重
隱留華船地步中外合籌無非預為補救起見然奉省雜糧經部
議定應交稅課其豆稅須華洋並收方可開辦是南捐甫減而北

奏稿九

奏

稅驟增誠恐商力仍未能紓運局究無大補與籌救之初意不符
在該船承運

天庾正供往返海洋與自行販運者本有不同若查明運卸回空

船隻裝貨南下時准其免交北稅既於體恤之中仍示區別而華

商得以邀免子稅洋商亦無從藉口先准總理衙門公函籌商並

以糧船向有帶貨二成免稅成案今議回空全行免稅其南省如

何給照為憑北省如何稽查影射應由臣與三口通商大臣臣崇

厚會商妥議奏辦等因當經彼此鈔函知會由臣鴻章飭據江海

關道會同海運局員查議稟覆前來覆加酌核緣運漕海船自南

省裝米到津必須津局收清方知其交卸是否無誤若由南預給

回空免稅執照不特易生影射且恐北地稽查為難擬請明年海

運漕船到津米石交清即由津局蘇浙糧道分別填給該船原裝

漕米若干石某日交清准在天津牛莊自運回貨全行免稅印照
 持赴天津牛莊各關呈驗放行其交米未清之船概不給執以杜
 拖欠此議係專為體恤沙船維持海運起見今屆船不敷用必須
 兼雇甯波等處船隻該船雖與沙船情形不同而運北回南並無
 殊致應請一律准予免稅其重運帶貨二成免稅事宜仍照舊章
 辦理與現議回空裝貨全免北稅各為一事不相牽涉至於北省
 如何稽查之法臣崇厚查天津戶關向不徵收豆貨雜糧均歸天
 津道所轄海關抽收亦係徵收進口者居多其出口豆貨雜糧總
 以牛莊一關為大宗應如何嚴查影射等弊屆時當轉飭山海關
 監督及天津道認真稽核毋令奸商假冒偷漏其該漕船所免前
 項稅款仍由天津牛莊各關作正開除以重課額計明春兌運在
 邇必須先事籌定合無仰懇

天恩俯准照辦俾免遲誤除分咨外所有蘇浙海運回空沙船請
 免北口豆貨雜糧各稅緣由謹會同三口通商大臣臣崇厚恭摺

由驛具

奏伏乞

皇太后

皇上聖鑒訓示謹

奏

應際雲請准補鹽道摺 同治四年十二月初三日

奏為江南鹽巡道員缺仍請

恩准補授恭摺仰祈

聖鑒事竊鹽巡道缺前經臣等請以遇缺即補道應際雲補授奉
 旨交吏部議奏頃准部咨該員尚未赴部引

見核與章程不符應令另揀合例人員請補等因應即遵照辦理
 惟查江蘇省現無合例及人地相宜之員該員應際雲自上年隨
 督臣曾國藩至金陵派辦善後諸事經理裕如迨冬開舉行鄉試
 復經臣派充內提調官倉卒之中悉臻妥洽現金陵善後雖已粗
 立規模而地方彫瘵未蘇一切需員佐理江甯省城實缺司道惟
 藩司及糧鹽道各一員藩司政務殷繁糧道須出省督運鹽巡道
 有巡守地方之責該員督率講求有素老成精細穩慎廉明允稱

職守因保留江蘇後未經引

見與例稍有未符惟查該員以咸豐壬子科庶吉士散館改刑部
 主事及八年熱河差滿回京凡曾三次引

見多年京秩保升道員與在外疊次保舉從前未經引

見者不同人地實在相需例得據實請

旨可否仰懇

天恩仍准以應際雲補授江南鹽巡道缺俟善後事竣再行給咨
 赴部引

見俾資臂助臣為地方吏治起見謹繕摺具陳伏乞

皇太后

皇上聖鑒訓示施行謹

奏

張樹聲在營起復片 同治四年十二月初三日

再徐海道張樹聲前於咸豐十年十二月十三日在籍丁父憂不計開扣至同治二年三月十三日服滿山臣咨報起復曾經吏部駁查以該員留營當差並未奏明有案行令回籍補孝百日由原籍呈報服滿等因臣查該員張樹聲以廩生候選知縣在籍辦團於咸豐十年十二月丁父憂曾在安徽軍營呈請咨部自同治元年正月督臣曾國藩飭該員招募准勇樹字營隨臣赴滬計已在籍見喪穿孝一年有餘臣前在安徽募勇成軍事草創漏未將該員奏請留營然該員抵滬後率隊剿賊攻克蘇浙各郡縣無役不從經曾國藩及臣在江蘇巡撫任內奏報戰狀不下數十次由知縣存保至三品頂戴遇缺奏按察使均奉諭旨允准本年五月捻股南竄徐州戒嚴新改徐海道一缺非向

奏稿九

年

稱知兵長於戰守之員斷難勝任曾國藩與臣等會商請以該員借補弁令帶兵赴任原以為缺擇人也現雖伊弟右江鎮總兵張樹珊代領所部進駐河南之周家口而該員仍在徐州總辦營務整飭堡團條理秩然正資贊助未便遽飭交卸回籍轉滋貽誤復查該員前在原籍穿孝年餘業已不止百日本可毋庸補制況四月開吏部續定章程從前札調丁憂人員如係打仗出力未經奏明者亦准補行奏留由營起復相應遵照新章奏請救下部臣准將徐海道張樹聲就近在營起復毋庸回籍再行補孝實於軍務地方兩有裨益理合附片陳請伏乞聖鑒訓示謹

奏

上海裁撤會防局摺 同治四年十二月十九日

奏為上海裁撤會防局仍練兵接防要地恭摺具陳仰祈聖鑒事竊據蘇松太道應寶時稟稱咸豐十一年冬間上海賊氛環逼籌議中外會辦防剿經江浙紳士呈由前撫薛煥奏奉諭旨江浙紳士請借英法官兵助剿上海為通商要地自宜中外同為保衛善與英法兩國迅速籌商辦理但於剿賊有裨朕必不為遙制等因欽此經前蘇松太道吳煦與各官紳會商舉辦先於十一年十二月十四日在洋涇浜設立會防公所與英法提督領事各官籌商防剿之策開築濠牆建造礮臺一面添練礮勇隨同西兵四出攻擊並支應夫船糧草食物以利軍行嗣又雇備輪船迎接臣軍東下迨同治元年三月大軍蒞滬整兵籌餉屢克名城未及三年肅清全省即於上年四月開遵制將洋涇浜會防公所

奏稿九

主

停撤仍留分局數處併歸蘇松太道衙門兼辦以備支應現在英法在滬防兵均已回國會防分局於本年十一月底全行裁撤又吳淞口原有法國防兵駐劄由該處團防局董事辦理支應本年七月間亦將供應全停裁撤局計自十一年十二月開辦會防至今閱時四載所用經費悉在本局捐款項下支銷並未動用正項合將會防撤局緣由稟祈察核奏各等情前來臣查從前上海會防局之設緣時勢危迫不得不籠絡洋人薛煥原奏內即已聲明只可謂一時權宜之計究之中西兵弁實不能在一路會助致受牽制先是西兵克復青浦嘉定二縣旋得旋失待官軍再舉而後定自嘉定復進攻蘇屬各城惟戈登率常勝軍以從英法弁兵總未離滬城一步是以臣軍抵滬數月即經會防原紳馮桂芬潘曾瑋等呈請撤局維時臣以戰

事方亟上海係後路根本西兵屯駐城內外索應月糧房租夫價
需費甚鉅既相習為固然未便遽翻前說致生他釁因暫留會防
一局稍示羈縻迨至蘇常肅清金陵告捷彼族無可藉口英法駐
滬之兵以次撤退自上年八月起丁日昌應變時等與該提督領
事再四商催始將歷年占住上海學宮城隍廟園及大境青蓮庵
諸處陸續讓還節經咨明總理各國事務衙門從此滬城風氣一
清界限分明實皆仰賴
朝廷德威所被事機十分順手而會防局從容藏事亦得有始有
終殆非該局官紳始願所及計三四年來動用經費為數不貲悉
就華商設法籌捐於本年二月奏報軍需清單內已聲明此
項應歸外銷再英法未撤兵之先據英領事巴夏禮以上海係通
商最要口岸須由中國練兵接防該公使復向總理衙門瀆請臣
即酌留上海城南高昌廟法國教練勇四百人鳳凰山英國教練
勇千餘人仍揀派英法武弁各數人分司教習令由中國官統帶
並派記名總兵鄭海龍帶准勇親兵一營赴鳳凰山駐紮兼統教
練各營會同上海道節制調遣其勇丁口糧章程改照楚軍營制
按月由關稅內撥給外國弁兵止管教習鎗礮不准干預營務並
與該領事等議明此後該軍進止機宜與洋弁應否撤換之處悉
由督撫統兵大員主政以重海防而肅體制所有裁撤上海會防
局仍練兵接防各緣由理合繕摺由驛具陳伏乞
皇太后
皇上聖鑒謹
奏

應寶時請補蘇松太道片 同治四年十一月十九日
再臣欽奉同治四年八月十四日
寄諭蘇松太道員缺前已有旨令應寶時署理如果勝任即著李
鴻章奏請實授等因欽此查江蘇補用道應寶時浙江舉人咸豐
三年考取國子監學正學錄改就本班直隸州州同分發到蘇歷
由海運團練及克復城池各案洵保今職
賞戴花翎該員在滬年久自辦理會防以來更歷事變熟悉洋人
情偽先經
奏派通商隨員上年二月本年六月兩次委令代理蘇松太道篆
務當以該員勤幹廉明遇事持平得體奏蒙
聖鑒在案自奉
特旨署理斯缺數月以來籌辦洋務及稅餉地方一切事宜均臻
妥洽惟洋人多方譎詐有非可以情理範圍者隨事稟由臣詳加
審度剛柔相濟期於調劑得宜不致貽誤察看該員尚堪勝任所
有蘇松太道員缺可否即以應寶時補授之處出自
天恩理合遵
旨覆陳伏乞
聖鑒訓示謹
奏

王大經請准加鹽運使銜片 同治四年十一月十九日

再署理江蘇按察使候補道王大經前於同治二年十月克復太倉等城出力案內彙保奉

旨賞加鹽運使銜嗣准部咨以該員係安徽道員查照定章軍務省分人員如有經別省因勞績保奏者一律議駁王大經所保升銜應即撤銷行令迅速赴省等因查該員王大經浙江舉人咸豐三年以知縣揀發安徽歷在皖北軍營保升道員同治元年五月經臣附片奏調奉

旨赴江蘇軍營差遣三年三月復經臣以安徽並無外補道缺援案奏請改發鄰近軍務行分奉

旨著改發江蘇歸原班補用吏部知道欽此是該員前至安徽已歷八年其調赴臣營係奏奉

諭旨允准旋又奉

旨改發江蘇自無須再赴安徽省亦不應撤銷保案現委署臬司辦事實心勞績久著相應懇

天恩仍准賞加鹽運使銜以示鼓勵理合附片陳明伏乞

聖鑒訓示謹

李文忠公奏稿卷九

李文忠公奏稿

卷之十目錄

淮鹽減釐加課以供京餉摺 同治五年正月二十五日

稅務司請獎摺 同治五年正月二十五日

畢乃爾隸籍合肥片 同治五年正月二十五日

江蘇地方懸缺請准遴員酌補摺 同治五年二月二十日

江北新洲籌辦河運摺 同治五年二月二十二日

代奏丁日昌湖州洋務條陳摺 同治五年三月初九日

議覆鹽釐難分片 同治五年三月初九日

劉秉璋襄辦軍務片 同治五年三月初九日

茶捐請獎摺 同治五年三月初九日

南洋七關交過二成銀兩摺 同治五年三月十二日

捻股南甯扼勦摺 同治五年四月十六日

河運回空帶貨免稅摺 同治五年四月二十三日

淮軍報效欠餉請加廣中額學額摺 同治五年五月二十七日

汪皖防剿片 同治五年五月二十七日

減漕未盡事宜摺 同治五年六月十三日

部駁保案覆奏片 同治五年七月十三日

淮鹽課釐半年收數摺 同治五年七月二十八日

分援浙皖閩六案彙保摺 同治五年八月二十日

馬格里請加道銜片 同治五年八月二十日

籌辦稷毛摺 同治五年八月二十日

遵旨出駐徐州起程日期摺 同治五年九月初七日

保薦人才片 同治五年九月初七日

李文忠公奏稿卷十

全集 之十

桐城吳汝綸編錄

淮鹽減釐加課以供京餉摺 同治五年正月二十五日

奏為鹽釐難酌分擬請減釐加課以供京餉恭摺仰祈

聖鑒事竊臣鴻章於同治四年十二月二十九日准戶部咨請

酌分兩淮鹽釐三四成勻解部庫又片奏內開近年銷數既有三

十餘萬引若照部擬整頓淮南鹽務摺內每引照從前原額減半

徵收三兩有零核算即應有百萬內外何至不敷撥解等因當經

咨商臣國藩會同籌議伏查淮南鹽課為

國帑大宗臣等再三講求鹽釐之重雖數倍於課然納課例在請

引之前成本不無加重完釐須待銷售之後成本可資周轉故釐

雖重而於商甚便於餉有益即於公家無損若正課遽請加增則

商情必多畏阻臣國藩於同治三年十月奏報課釐摺內覆陳俟

川私稍衰楚岸稍暢再奏明增課在案至今楚岸之滯銷如故戶

部之撥款益繁鹽課之外復撥鹽釐查鹽釐一項專為接濟軍餉

而設其礙難酌分之故大端有二以收數而言近年造報較前似

屬可觀但楚西原定釐數每引抽銀十一兩有奇及九兩有奇不

等未免過重本重則價昂昂則銷阻勢不能不隨時酌減先因

場商利漸楚西每引減釐三錢以貼商力之不足繼因岸銷日疲

鄂湘每引減釐三兩以冀銷路之暢通是現收之數已較原定之

數逐漸核減而馮子材部與阿等營協款雖裁其江西湖南湖北

三省分川淮釐及在鹽釐內撥解彭玉麟內河水師兵餉及九江

關稅京口旗綠營餉等項款日向繁慮入奏報清單部中有案可

稽合算則見其多分攤即雖其少此礙難酌分者一也以用數而

江北水災籌辦工賑摺 同治五年九月初七日

陳潛留營調遣片 同治五年九月初七日

行抵清江據報捻已西趨摺 同治五年九月十九日

行抵徐州籌辦情形摺 同治五年十月十二日

江南查抵教堂地基片 同治五年十月十六日

定購來福鎗一千桿解京片 同治五年十月十六日

謝署欽差大臣遞陳大略摺 同治五年十月二十七日

謝授欽差大臣遞陳下情摺 同治五年十一月十三日

接受關防後調度情形摺 同治五年十二月初一日

據報各路賊情飭催各軍入鄂會剿摺 同治五年十二月十

奏稿十月錄

言金陵各營湖勇雖已陸續遣撤欠學藥尚需籌補至山東山西河南並未解過山西亦久經停解山東近來所解漸次減少上年十二月分僅解銀一萬兩是協餉皆屬有名無實此時所需款惟賴各岸鹽釐之入為請軍養命之源且前敵淮軍之向食蘇餉者現因蘇省貨釐大減道路費用日增亦須酌撥鹽釐稍資津貼若再分撥部餉三四成則餉源益窘誠恐貽誤軍事關繫非淺此礙難酌分者二也惟查戶部奏撥本年京餉案內指撥兩淮鹽課銀三十萬兩又另撥內務府銀三萬兩照淮南現收課銀以入計出實係不敷應解臣等往返商通盤核算深知戶部籌餉之難力求分濟只有減釐加課以供部餉查淮南每引現收報部正課銀七錢二分為數太微自須酌量加增但部文議照從前科則減半徵收每引徵正雜銀三兩零商力實有未逮現在只能酌減鹽釐先復正課湖查咸豐元年辛亥綱係徵報部正課銀每引一兩七錢三分二釐九毫五絲五忽一微三纖九秒咸豐三年奏辦就場徵課即按前案徵收經部議准現定於本年三月初一日起先復此數每年約銷三十餘萬引可得課銀五十餘萬兩除月協皖餉五十兩及例支鹽屬各員養廉外餘擬備撥京餉即使本年指撥三十萬兩解足之外尚有益餘亦必令運司專款存儲俟候部撥又南鹽每引另徵運庫經費銀一錢八分係同正課奏明自改新章後需用較繁加以每解京餉一批須另備加平部飯盤川等項為數頗鉅前收一錢八分不敷支用擬酌加二錢每引收三錢八分仍歸外銷並正課並零計每引加銀一兩二錢一分三釐此項銀兩未便加請商販致使淮木益增閩粵川路各私乘閒充斥惟有在於楚西派解金陵鹽釐項下照數減收以實部庫而

舒商力其皖岸及江甯江甘等食岸一律減釐照加課銀均由督銷各局按引扣解運庫分批解部另撥內務府銀三萬兩亦即在於此項內籌解庶於中外緊餉可期兼顧所有減釐加課以供京餉緣由謹合詞繕摺具奏伏乞
皇太后
皇上聖鑒訓示再兩淮向收京內各衙門幣利雜款停止十數年之久符既不存利無所出況軍需之緊如此部餉之迫如彼若再紛紛奏撥幣利萬難應解仍應一概停徵俟軍務告竣鹽釐全裁再行妥酌議辦合並陳明謹
奏

奏稿十

三

稅務司請獎摺 同治五年正月二十五日
奏為南北洋各口稅務司經徵洋稅出力援案請
旨獎賞恭摺奏祈

聖鑒事竊照通商各口徵收洋稅自咸豐四年上海一關設立稅務司幫同經理有效嗣後南北各口亦即次第舉行並添設總稅務司名目咸豐十一年五月間赫德於粵總稅務司時曾將每年應收洋稅約略開報迨同治二年議定稅務司歲支經費案內截至第八結長江開口是年所徵正稅半稅及子口稅共有銀七百二十五萬餘兩聲明此後仍可較前豐旺均經總理衙門專摺奏明又於同治三年因總稅務司赫德年來經理洋稅接濟餉需用資戰勝即與宣力行開無異奏蒙
恩准賞加按察使銜欽此欽遵各在案茲准總理衙門咨據赫德

申稱現值兩國扣款將完又值告假回國將經手稅務各款比較總數詳細開呈並稱此五年中各口稅務司均悉心查辦任勞任怨竭力襄助內有稅務司日意格美理登休士惠德幫辦巴德好博遜薄郎滿三德揭謨業經各省大吏另案奏請鼓勵蒙
恩賞給寶星此外尚有現任稅務司吉羅福費士來馬福臣暨狄安瑪威理士麥士威並粵海關并子手頭目鮑良七人應如何一體獎勵各臣酌核辦理等因前來臣查赫德總司稅務現呈比較總數清單係將南北各口通年合計除子口半稅不計外其進出口各項洋稅近已收至七百八十萬餘兩較之從前歲收總數已增數十萬兩是為通商稅課豐旺之徵該總稅務司赫德悉心經理業蒙
恩賞加按察使銜其各口稅務司俱能不避艱怨竭力襄助現值

兩國扣款將完查單結數均有勞績所有吉羅福等自應一體獎勵臣遂加查核援照成案酌辦合無仰懇

天恩准將稅務司吉羅福費士來馬福臣狄安瑪威理士麥士威等六人各給一等金功牌一面粵海關并子手頭目鮑良給予二等金功牌一面以示獎勵俟
命下之日再飭江南海關照式製備齊全分別移送祇領所需價值即在洋稅項下作正開銷至此內有外洋名字譯音參差致與檔冊未符之處應准由赫德隨後查明呈請更正除咨明總理衙門外謹會同三口通商大臣臣崇厚恭摺具奏伏乞
皇太后
皇上聖鑒訓示謹
奏

奏稿十

五

畢乃爾隸籍合肥片 同治五年正月二十五日

再准直隸提督劉銘傳轉據統帶礮營記名總兵畢乃爾稟稱該
總兵本係法國兵丁同治元年在上海投效奉派在銘營教練鎗
礮嗣委管帶銘軍洋礮營先後攻克楊庫江陰無錫金匱常州府
縣汛城浔保今職

賞戴花翎並

賞給法什尙阿巴圖魯名號仰荷

聖恩甄敘微勞不遺化外矢以此生捐糜圖報溯自昔年隨營之
始即自陳願隸版圖區區愚誠五年一日當於去歲十二月具稟
請示隸籍一事奉批願隸何省何縣以便

奏咨立案伏念畢乃爾孤身遠寄本無可依緣主帥暨統將兩人
均係合肥縣籍乃爾在營日久所識亦多淮軍將士前此隨軍西

奏稿十

六

上曾過廬州樂其風土敦龐人情樸厚竊願隸安徽合肥縣籍并
於縣境略置田廬俾有因依庶冀世世子孫長為

聖朝赤子轉請察核附

奏等情前來臣查上海用兵以來洋將助勦立功膺受中國官職
者不乏其人然事竣仍回本國惟畢乃爾倉猝遇合投袂從戎當
時即欣欣然有出谷遷喬之意矢願他日受廬為氓察其向慕華
風實出至誠不貳經臣於二年八月克復江陰出力案內隨摺奏
明欽奉

上諭三品頂戴法國兵丁畢乃爾自隨營投效以來即已冠帶雜
髮願隸版圖教習鎗礮極為得力等因當即恭錄行知去後該將
益加感激訓練精勤奮苦戰三年之內屢復名城轉戰數省而
孤身孑然時時以隸籍為念茲自陳願隸安徽合肥縣籍實因久

在淮軍營內人與地均尙熟悉得有照應臣維歷來番將立功改
隸中土往往見於史冊即核諸現在通商條約之意中外人民攜
家就地居住悉獲安全是久後即係入籍亦屬情事之常況畢乃
爾自同治二年冠帶雜髮學為中國語言旋又娶有妻室勢不能
仍回法國似應准如所請以遂其歸依
聖朝之志益堅其畢生效命之忱該總兵樸訥謹飭尙易駕馭臣
仍與劉銘傳隨時嚴加訓誡曲為保全仰副
皇上懷柔遠人愛惜戰將之至意所有總兵畢乃爾自請隸籍緣
由理合附片具陳伏乞
聖鑒訓示謹
奏

奏稿十

七

江蘇地方懸缺請准遊員酌補摺 同治五年二月二十日

奏為江蘇地方初定求治首重得人積年懸缺懇

恩准予遊員酌補以期人地相宜恭摺奏祈

聖鑒事竊照大江南北軍務初平兵燹之餘瘡痍未復即未經被
擾之處烽燧頻驚民生日促時逾一紀元氣已傷一切安集撫綏
勸農興學均關緊要全在牧令得人地方庶有起色而才識之短
長器局之大小秉賦之強弱不能盡同且地有衝僻俗有敦薄政
有繁簡事有難易量材授任人地各有所宜明練者理繁謹厚者
治簡凋瘵之地宜寬惠者為之撫循浮靡之地宜方正者示之表
率民情強悍之地非嚴明廉幹無以養成中外互市之地非機警
縝密不能應事俗好健訟則宜用長於折獄者以息刁風地多匪
類則宜用長於緝捕者以清伏莽願全才難得但有一長足取求

奏稿十

八

其位置愜當已非易易儻復限以資格束以章程則遴選愈難而
州縣之稱職者寡矣宋儒楊萬里作選法論謂不任人而任法終
於信吏而不信官吏執定法以進退予奪天下之人才尚書侍郎
莫之與抗莫若略小法而存大體則吏權漸輕其弊可以漸革等
語名儒通論足為良規舊例候補班人員不論繁簡均准酌補又
外補各缺人地實在相需雖與例不符仍准聲明奏請每奉
特旨准行推原例意蓋以球弊起疑必先有治人而後可責成效
循資按格所以杜倖進而未足定人材故於明示限制之中仍寓
變通盡利之法自軍興日久保舉人多廷臣建言部議酌加裁抑
始有候補班初任人員專補簡缺之例部臣之意因其未經閱歷
恐有美錦學製之虞原為慎重職守起見惟江蘇員缺停補多年
現任各官實缺甚少積年所出繁要各缺堪以照例升調者實屬

寥寥若以繁劇繁成例仍有未合循資升補人地多不相宜惟候
補各員委署得缺才猷卓著者其臨政親民既已確有表見即與
實缺相去無幾此外即用揀發人員亦有可用之人而到省多在
出缺之後儻墨守定章竟有無員可補之勢查安徽浙江等省皆
因軍務甫定員缺久懸擬補多不合例或請通融酌補或請以省
城克復之日作為出缺日期均經吏部議准在案江蘇較皖浙二
省被兵更久情形相同似可一律照辦合無仰懇

天恩將同治四年十二月以前蘇省所出沿海沿江沿河各要缺
及升補事故所遺各選缺按照院浙成案准臣等督同兩司秉公
遴員酌補期於人地相宜所有出缺日期及與例不符之處暫免
核計如蒙

俞允內有應行引

奏稿十

九

見者俟接准部文給咨赴部有應捐免保舉者飭令於三箇月內
赴京銅局補交俟本年正月以後所出各缺再行照例序補以符
定制等為地方初定求治需人起見謹繕摺具陳伏乞

皇太后

皇上聖鑒訓示謹

奏

江北新漕籌辦河運摺 同治五年二月二十二日

奏為江北新漕遵辦河運謹將購運米數籌議情形恭摺會陳仰祈

聖鑒事竊臣等會奏江北漕米擬請每石仍折收銀二兩四錢以一半米數按一兩四錢例價解部每石節省銀一兩合之一半折色銀兩仿照民折官辦章程買米河運奉

旨飭交戶部議令力為其難以圖規復河運舊制遵經督飭司道迅籌妥辦旋准山東河臣撫臣咨會以河運難期安速

奏請仍准全數折價以節浮費而資實用等恐運道不能修復則挽運難行不敢遽行采辦嗣於同治四年十二月二十二日接准部咨河運甫有成效不宜旋舉旋廢奏請仍遵前奏辦運毋庸再議更張等因奉

奏稿十

十

旨依議欽此欽遵咨會到臣遵復轉飭江甯布政使李宗義江安糧道許道身催提漕價刻速買米雇船提前趕辦茲據會議詳前來查同治四年江北起運冬漕只有推揚通三府州屬剔除災緩計應徵正兌改兌正耗米七萬三千三百四十二石四斗二升七合一勺分半起運為數崎零擬請以正耗米四萬石試行河運其餘三萬七千餘石即按例價每石作銀一兩四錢另行派員解部伏思河運係創辦之事以配船為最難既無官造漕艘則受雇應從民便又無弁丁押護則長途尤費周防上年試辦之船以東境汛後河乾至今未返間多拆賣船板空身自歸以致各埠舟子篙師傳為畏途竟無一船受雇臣等以此試辦正漕原期規復舊制斷不可暫圖敷衍致誤遠謀若以威令迫脅開行今歲或可勉從來年決難為繼因令優加體卹必船戶樂從方能行之久遠上年

試運水脚每石共給銀六錢部議以後不得援以為例按海運水脚每石僅給銀四錢二分有奇誠覺河運較重第海運船大行駛四月之久每船得領水脚千有餘金尚以疲乏無力出洋現須另為調劑河運則一船只裝米二百餘石加以二成貨物所得運費總不及二百金自准至通非七八月不能往返母怪其相率裹足驅迫勢窮等語現令每米一石仍給水脚及神福犒賞等款銀六錢並許以海運沙船已

奏請回空時准裝貨物免交北稅如蒙

旨允則河運船隻准其仿行應如何給照稽查月行議辦各船戶有此希冀受雇遂多因令於多船之中認真挑選務取堅實穩固者現已選屆完備飭令以揚州為水次按幫停泊取具承攬保結編定號數擇日受兌開行江北向產糶米無多應照

奏稿十

十

奏定章程紅白兼收糶和並買惟以乾圓潔淨為主歲杪時因起運未定采買稍遲本年正月初米價驟增辦理極形棘手幸飭分投購辦不任囤戶居奇現亦一律買就接准東河臣函知黃河穿運之區非五月盛漲不能浮送等擬令該糧道於三月上旬受兌銜尾開行趁盛漲未至之前全幫挽抵張秋一俟汛水初生即可暫行無阻一面飛咨山東河臣督飭應縣趕緊修理廂壩挑濬古淤俾利遄行並飭經過各地方官一體防護接催不准稍有稽滯總期秋前交米俾船戶乘水回空以廣招徠而利後運惟查向來漕務弊端互為魚肉事屬相因州縣既浮收於民幫丁即取求於官抵通之後丁胥經紀亦從而向幫丁勒索之本年解運雖屬正漕係於無可籌備之時為民折官辦之舉絕無累民累官各病運資較海運尤難辦法與正漕不同所費銀錢係節首解部折價

及漕項銀兩事竣應一律造冊報銷凡有用項無不力求樽節竭
 慮以從山淮徑運通倉納費雜款兩款固無庸批解印輕齎銀兩
 亦僅能照米數合銀交倉只有經紀箇兒錢在所必需則仿照海
 運成規辦理此外向來解漕規費一無所出恐丁胥經紀仍
 沿從前勒索幫丁之弊惟有仰懇
 天恩飭下倉場衙門嚴行禁革隨時稽查如有需索苛求應予嚴
 提究辦務使漕弊乘此裁革河運可以暢行將來江廣各處正漕
 漸次添造河船設法推廣似有益於
 天庾正供為
 國家經久之謨所關實非淺鮮所有辦理章程繕具清單敬呈
 御覽謹會同護理江蘇巡撫臣劉坤膏合詞恭摺由驛具
 奏伏乞

奏稿十

七

皇太后

皇上聖鑒訓示謹

奏

代奏丁日昌潮州洋務條陳摺 同治五年二月初九日
 奏為丁日昌擬陳潮州府城交涉洋務應辦事宜據情轉奏恭摺
 密陳仰祈

聖鑒事竊照兩淮運司丁日昌奉

旨馳回潮州原籍隨辦中外交涉事件現飭趕緊料理經手各務
 再行交卸起程以潮州一事有關通商大局該運司熟悉洋務
 諳切梓鄉平日必有籌慮當如何妥速了結其辦理關鍵所在能
 否擇要指陳當經緘詞去後茲據稟稱潮州與洋人為難非一
 朝夕之故賢者抱義憤而不願與其戴天屈者負血忱而必欲寢
 食皮肉固無論已而此外不得已之隱衷不能願白於眾者其故
 有二一曰惜虛聲當洋人之初欲入潮也其膽先怯有徘徊卻顧
 之勢潮人因而得窺虛實益為大言以恫喝之而洋人之氣益餒

奏稿十

七

於是眾志成城以為舉天下莫能拒洋人而潮人獨能拒之有自
 鳴得意之概今一旦非其入城似從前毅然以拒夷自命者忽然
 墜此令名騎虎難下不能不勉強支撐必使不食前言而後已此
 所謂惜虛聲者也一曰懼實禍洋人在潮屬之汕頭開設碼頭屢
 被潮人擄掠近歲入城復屢被辱罵一旦挾官威而進城恐勢益
 猖獗欲得昔日之厄已者而甘心焉人人皆有復之懼固結於
 中於是不能入城之議持之益堅此所謂懼實禍者也但潮城河
 道本窄產物不豐而洋人必汲汲於入城者其故亦有二一曰恐
 效尤洋人議定通商之後於內地均無猜獨潮州口岸不能執
 約從事誠恐各岸如廣州廈門臺灣之民情稍悍者相率效尤羣
 起而與為難則有防不勝防之勢計尤悍者莫如潮州擇尤而抑
 制之使莫敢予侮即他處之萌伏未動者皆將相視而噤不敢發

所謂奏刀輒族而欲卻便可迎刃而解矣一曰苦嘲笑英人自不能入湖城之後凡等國及通事之不稱意者輒慢曰若雖強何不逞志於湖羣居口角輒舉以相訾警英人實厭苦之其始本不甚著意於入湖而終乃為不得不入之勢古稱新法皆吾黨激成者此之謂也然則湖民之不願洋人入城者情也亦勢也而洋人之不能不入湖城者情也亦勢也在湖民之理理爭執誓與偕亡論上氣則為公忠論大局則多窒礙況洋人屢次入城屢次受辱彼遵條約而我背之則屈不在彼而在我所謂刻核太過則必有不肖之心應之者將於是乎在從前粵省辦理洋務當事者徒博一時順民之美名而未衡全局始終之利害馴至敗壞決裂事不可為而後已日昌每追維往事誠私心痛之此次隨同瑞麟辦理交涉事件自當得一得之忱藉收不吐不茹之效惟日昌雖籍隸潮州而住居鄉僻且遊客多年久未與潮人相習去歲在上海道任內復因粵中游勇逃匪盤踞洋涇浜以搶劫為生涯幾釀成豐三年之變稟請誅戮首惡百餘人資遣回籍者八九千人雖滬瀆氣象一清而故鄉不無怨毒之積兼之潮人重官輕宦有指引開導洋人入城之舉者輒以漢奸目之違眾立議未必遽遵日昌既奉簡命何敢復計利害即使不能顯為倡率亦當暗地轉關默計行店天主堂之舉能免則免不能免尚當從緩至入城之說不難於目前無事而難於長久相安所慮者潮人習於鬪狠素稱犷悍不慮洋人之不能入城而慮其入城之後以利何誘愚民廣收無賴之徒聯為指臂之助變起禍大彌足隱憂此又當徐圖防範者也茲將應辦事宜先行臚列三條稟祈據情轉奏以備

廟堂采擇等情臣查核所稟於本籍居民與洋人相持不下之故頗未悉具謂不難於目前無事而難於長久相安誠慮甚遠所擬事宜三條似尚曲中窺要臣不敢壅於上聞理合照繕清單恭呈御覽可否請旨飭下署兩廣督臣瑞麟先行查核酌辦庶無歧誤除咨總理衙門查照外謹繕摺由驛密陳伏乞皇太后皇上聖鑒訓示謹奏

奏稿十
五

謹將丁日昌擬陳潮州府城交涉洋務應辦事宜三條繕具清單恭呈

御覽

一立威宜留餘地也查潮民多聚族而居地近海濱鎗礮皆所素具一夫指麾千百為羣督臣親臨潮郡固足稱之以威矣但舊之以威而未喻之以義督臣一去仍必尋釁生端結怨愈深且一省重官無過於督臣者儻親臨之後事有齟齬除則百姓並非叛逆勸慰則更無餘地可以轉圜愚意督臣似宜駐紮嘉應以撫卹難民辦理善後或託閩邊為名一面摘傅潮州得力紳士赴轅開導並擇仕潮素得民心之人員會同紳士親往撫慰勸諭彼潮民不因迫脅而准許洋人便覺恩由已出可以久安無事且督臣相距不遠明示以若再違抗隨當親臨查辦自當備極恐懼不敢堅

執意見且使洋人知不能逞志於百姓者固非大吏之所能迫勒亦可以杜其處處要脅自重之念宋中葉遣官宣諭河北三鎮時相李綱頗以為非此事固非其倫然清議所在固當處置得宜也一勸諭宜曲通民志也聞從前洋人入潮時府縣勸諭紳民但責其不顧大局且云若不約束滋事定惟紳士是問言語之間幾至微色發聲宣布閭閻眾論沸騰宣公云感人以言其本已淺言又不切其將誰懷潮州官民太相隔絕似宜選曾任潮屬素得民心如前任饒平縣李福泰潮陽縣曾澄等親往開導獎以敵愾同仇之義諭以漢過不先之條且密勸以拔劍挺身之無益時局臥薪嘗膽之留為後圖萬一洋人欺壓吾民官吏必為加約懲辦彼潮民既信李福泰等之素非厲己又感大吏之諒其苦心且幸洋人之不能即圖報復當不致再蹈前轍罔聚阻撓至該屬釐捐之

過於繁重者歷年捐輸出力之未蒙請獎者郡邑政令之不便於民者一二為之施行裁革則百姓歡呼鼓舞自有令如流水之樂所謂說以使民民忘其死也

一紳士中宜德才並用也查潮州紳士中之守正不阿者類多閉戶自高不干外事其足以號召閭閻唯諾眾口者率皆才勝於德似宜因勢利導隨所欲而牽制之亦弛不羈之才拒之過甚反致激成事端此又不可不因地制宜也以上三條謹將管見所及略獻芻蕘至於和議之不可長恃自強之必須早計想

廟謨遠追近鑒必已未雨綢繆其餘一切未盡事宜俟至粵時再隨時稟商督撫辦理相機應變百聞不如一見固不敢遙為懸揣也

奏稿十

七

議覆鹽釐難分片 同治五年三月初九日

再准戶部咨議覆淮南減釐加課一摺令再通盤籌畫等因查淮
南鹽釐為期拮据前敵諸軍命脈所繫臣前接勻分鹽釐部文與會
國藩統籌兼顧再四熟商惟有減釐加課於部餉可增於商本無
損於軍餉亦不致大絀上年兩淮祇解部餉銀十萬兩本年照
等前奏辦法非但部撥三十萬及內務府三萬兩可以籌解足敷
但願軍情無變銷路無阻鹽課得有盈餘亦必全供京餉乃部中
於外間情形未能深悉即如覆奏內稱四年鹽釐單內有解安徽
三款共八十餘萬兩皖省早經肅清該撫營內本有月餉用款未
經核實等語查前次奏報清單惟錢款項下列解皖營軍需錢四
萬六百餘千文係分濟安徽撫臣喬松年之餉其安慶牙釐局安
慶糧臺則皆係會國藩所設前單所解臺局鹽釐尚係金陵未克
以前經會國藩撥放湘楚各軍緊餉絲毫皆歸實用並非批解安
撫營內又覆奏內稱運庫經費一錢八分與原案不符等語查咸
豐七年經前督臣奏明每鹽百斤令完銀一錢五分以一錢二分
作為報撥正稅三分作為外銷經費經部議准在案每引六百斤
應收經費一錢八分係照奏案辦理並非與原案不符至會國藩
遺撤各軍欠餉業皆須陸續籌補其隨征留防楚軍尚有三十
餘營上年出省時曾經添募新營現復加練馬隊購買駝戰馬
製造營帳及洋鎗炸藥軍火費用日增而舊有之廣東江西湖南
釐金早已歸還本省新撥之山東山西河南協餉又均報解無期
臣部准軍自東南肅清後全湖皖豫東徐各路並未報撤一營
路遠供繁餉短細亦不得不稍分接濟以統年淮南鹽釐所入
約計尚不敷用上將各岸應完之釐酌量預提並將淮北課釐

勉湊支放始克敷衍分釐解部之議目前勢有未能至加完鹽課
前奏內聲明定於三月初一日起已通飭各局一律遵辦現惟兩
淮運使丁日昌趕籌課銀十萬兩儘三月內匯解進京以應戶部
要需除俟鹽課收有成數再行接續解部謹會同協辦大學士兩
江督臣會國藩附片具陳伏乞
聖鑒謹
奏

奏稿十

九

劉秉璋襄辦軍務片 同治五年三月初九日

再臣欽奉正月十八日
寄諭劉秉璋統帶軍素稱得力著李鴻章即飭令該學士迅赴
會國藩軍營襄辦軍務等因欽此查翰林院侍講學士劉秉璋
所部准以親兵十營及水師兩營駐防蘇松一帶均係餉源重地
須另派一員接替防務俾可交卸起程當即恭錄
諭旨行令該學士部勒隊伍分起拔行又調總兵況文榜常字營
併歸劉秉璋帶赴宿遷以厚兵力一面咨請江南提督臣李朝斌
由吳江之同里移駐蘇州省城酌分太湖水師並於劉秉璋原部
水師內撥出一營改歸李朝斌調遣以防水路仍添募陸軍小隊
分習洋鎗炸礮會商護撫臣劉帥酌補中軍城守營額兵認真
操練以防陸路匪藉可稍資鎮壓現在張總愚捻股悉
竄東境宿遷為由東入江門戶亟須重兵布置堵剿會國藩疊次
咨函亦盼劉秉璋速赴此路惟該學士咨報業與李朝斌會商交
替蘇防先派總兵吳長慶統帶六營於三月初二日由蘇啟行劉
秉璋自督駐守松江兩營許聖閣榮字兩營及開花礮小隊由蘇
取道鎮揚陸續前進並飭況文榜一營從高涇徑赴清江會合大
隊同駐宿遷再行相機派撥其親兵水師一營與山東臬司潘鼎
新舊部水師並飭往鎮江接渡陸勇亦即隨同北上除到防
後由會國藩酌度妥辦外所有劉秉璋一軍起程日期理合附片
陳明伏乞
聖鑒
奏

恭摺請獎摺 同治五年三月初九日

奏為皖南續辦茶捐查取四卯捐數員名懇給獎敘恭摺奏祈
聖鑒事竊照徽州甯國池州三府屬產茶地方經原任左副都御
史張清於咸豐七八九十等年按引籌捐彙入徽州各項捐輸分
案請獎自督臣曾國藩接辦以來明定章程每引捐銀八錢同治
二年復定章程加捐銀四錢每引其捐銀一兩二錢仍照向章填
發捐照由各商開具履歷呈繳牙釐局換給實收照簿例一律
核獎業將頭二三卯捐生造冊請獎在案茲據安徽牙釐總局署
布政使何璟詳稱自同治四年六月起至五年正月月底止各屬陸
續呈繳元二三四等年茶捐省照二千九百六十九張計銀十八
萬六千三百九十六兩九錢五分四釐七毫嗣據各捐生繳到中
照六百二十六張計銀四萬五千二百二十九兩六錢六釐七毫
就現請官階按照減成新例核算計正項銀四萬五千二百二十
六兩六錢除所餘零星尾數銀三兩零零六釐七毫應行核銷毋
庸給獎暨仍存茶捐省照二千三百四十三張俟各捐生呈繳中
照到日換給實收月行核獎外此次計請實職虛銜加級
封典者有王炳等一百二十三名請監生貢生者有徐樽等二百
七十二名道員履歷清冊請奏前來臣覆查各屬繳到省照比對
銀數所請官階等項均屬與例相符除將清冊咨部核辦外仰懇
天恩俯准敕部照議給獎以昭激勸理合恭摺具奏伏乞
皇太后
皇上聖鑒訓示謹
奏

南洋七關交過二成銀兩摺

奏為南洋長江七關自第一結起至二十一結止交過英法各二成銀兩數目繕摺奏祈

聖鑒事案照咸豐十年英法二國續約內載每國賠償銀八百萬兩在津郡先各付銀五十萬兩又在粵省各分繳銀三十三萬三千三百三十三兩其餘銀兩從是年八月十七日起於通商各口所徵稅內每屆三箇月一結各付二成歷經接結照辦山各口將軍督撫會摺

奏咨嗣屆第十九結時承准總理衙門咨查當將交過數目開單咨報現至同治四年十一月十四日又屆第二十一結期滿復准總理衙門咨據總稅務司赫德查明南洋北洋各口連天津廣東兩款在內合計每國約應收有銀七百七十五萬兩之數未扣之

奏稿

五

銀仍各有二十五萬兩上下併歸閩海粵海江漢四關於第二十二三兩結底其各付銀二十五萬兩如有尾數仍由江海關付清完案應知會所轄各關再將二十一結以前付過銀數詳加復核另造細冊每結係交某國領事手收並照繕每結會單一分由關會同稅務司核對清楚送交領事復核彙齊奏咨其已經停付扣款各關從二十二結起於部撥京餉協餉之外仍按結酌提四成委解部庫專款存儲以備要需於同治四年十二月初五日具奏奉

旨依議欽此又准咨開續據赫德申稱前開第二十一結各口交過銀兩本係約計核對報到較前約計銀數多至十一萬四千兩請將原定閩粵漢三關第二十三結底應交之銀毋庸再扣即由江海關查明尾數儘數扣清各等因均經轉行遵辦去後茲據各

該關查照總冊會單先後詳報前來臣查南洋長江七關通商各

口自第一結起至二十一結止交過英法二國各二成銀兩計閩

海關交過銀各一百九十三萬一千一百七十九兩一錢一分七釐一毫六絲粵海關交過銀各一百二十八萬一千一百八兩二錢五分江海關交過銀各二百三十四萬六千七百七十五兩八錢五分七釐一毫浙海關交過銀各二十九萬六千六百九十三兩一錢七釐六毫鎮江關交過銀各七千一百八十五兩四錢八分五釐九江關交過銀各三十一萬三千六百四十七兩六錢九釐江

漢關交過銀各五十三萬六千三百九十九兩七錢八分二釐共計交過英國二成銀六百七十一萬二千一百九十九兩二錢七釐八毫六絲法國二成銀六百七十一萬二千一百九十九兩二錢七釐八毫六絲其應我尾數已飭江海關俟第二十二結之銀交付後

奏稿

五

連前及後並合北洋交過數目通盤核算仍有應我尾數若干即行按數清交完案月再專案辦理除將總冊會單聲明咨送總理衙門查收以備憑算並分咨戶部查照外所有南洋長江七關交過英法二國各二成銀兩數目理合繕摺由驛具

奏伏乞

皇太后

皇上聖鑒謹

奏

擒股南竄扼剿摺 同治五年四月十六日

奏為東省各擒股被創悉眾南竄現籌派隊扼剿情形恭摺陳仰祈

聖鑒事竊自張總愚擒眾流竄東境任柱牛洛紅賴汶沈各股在鄂省敗遁後由皖而豫而東與張逆並股悉眾郟城鉅野境內旋因直隸提督劉銘傳涼州鎮總兵周盛波等督軍追及又有臬司潘鼎新暨臣弟昭慶所部分投堵剿該擒不得逞志於黃運兩河乃回竄蘇之豐碭將窺皖之蒙亳臣接准督臣曾國藩咨報即檄調南贛鎮總兵王永勝統開字十營由宿松馳紮臨淮以扼其衝適周盛波周盛傳等亦率部隊由歸德疾進邳州以遏其前賊遂折竄宿州分股由徐境東趨延擾銅山邳州宿遷睢甯界上游氛一片勢將偪伺清江查清淮腹地屏蔽裏下河各州縣該處二麥

奏稿

五

正當成熟尤為羣擒所覬覦雖有學士劉秉璋駐軍宿遷總兵楊鼎勳駐軍臺莊韓莊會同總兵歐陽利見鄧長里等淮揚水師上下聯絡力扼運河以固兗沂淮海之防而清江兵單究為可慮臣商令長江提督黃翼升輕舟駛往布置水路又飛調古州鎮總兵劉士奇統奇字七營由東壩拔營北渡計旬日內可抵清江現據劉銘傳馳報由曹縣追賊而南途次疊獲小勝四月初五日率隊進解豐縣城圍復蹙賊而東周盛波等亦於二十六七日在荷澤縣境與張總愚擒股惡戰數次臣批飭劉銘傳會合周盛波等從西北進追並令劉秉璋俟劉士奇王永勝等到防後相機從東南兜剿總須趁地勢以布局各軍漸逼近首尾互應乃能收夾擊之效惟賊騎剽忽善於避兵旁竄臣軍鎗隊笨重四路遠隔往往追逼不及當隨時與督臣曾國藩漕臣吳棠妥籌調度力維全局

所有擒股南竄派隊堵緣由謹繕摺由驛具陳伏乞
皇太后
皇上聖鑒謹
奏

奏稿十

五

河運回空帶貨免稅摺

同治五年四月二十三日

奏為江北河運新設法開行並遵議准帶貨物免稅章程恭摺仰祈

聖鑒事竊照同治四年江北漕米起運四萬石經臣等籌議河運章程會奏欽奉三月初一日

上諭上年漕船回空停泊東境日久未歸若不量為變通無以廣招徠而利後運著照該督等所請每米一石給銀六錢並准照海運沙船之例回空時准裝貨物免交北稅應如何給照稽查示

以限制之處由該督等妥議具奏等因欽此遵即轉飭江安糧道趕緊受兌依限起程適值捻勢東趨淮徐告警兌米稍事停頓

茲據該糧道許道身申報前項漕米四萬石均已受兌齊全於四月十五日自揚州水次起程督率委員押護北上又准東河河臣

張之萬飛咨逆捻竄擾東境窺伺運濱尚未遠颺深賴運河攔禦已將各閘加下嚴板攔蓄水勢滕嶧二汛減壩缺口均未堵築各

州縣挑工未能空水興挑請將漕船稍遲放行上駛等因臣查漕米既經兌齊故運固難遂令截留東河因防務未能興挑亦屬勢

所必至第思挑漕運道原圖漸復河運舊規但使東境各工酌量挑濬沿途捻氛稍遠開壩無阻漕船當設法挽回庶可乘汛水盛

漲之時浮送渡黃若開駛過於後期則臨事必至貽誤現飭該糧道隨時探明捻蹤相機運行妥籌進止過清江後由漕臣吳棠督

飭照料沿河水道深淺不一仍仿照上年試運辦法在途酌雇剝船遇淺起剝以利進行一面分咨督臣曾國藩山東撫臣閻敬銘

轉飭守河營員地方官弁按站巡防撥護以昭慎重至船戶來回所帶貨物飭令該糧道以裝米輕重價值科算如重運一船裝米

三百石准帶二成上宜六十石其貨物價值不得過銀一百二十兩回空之船准帶成本銀五百兩之貨均以置貨發票為憑由糧道督飭委員查明按船開單黏發護照並詳咨經過關卡驗照放行俾示限制所有漕米兌齊設法運行並妥議帶貨免稅各緣由理合會同漕運總督臣吳棠合詞由驛具

奏伏乞

皇上聖鑒訓示謹

奏稿十

七

淮軍報效欠餉請加廣中額學額摺摺
 奏為淮軍水陸各營報效欠餉請加廣中額學額恭摺仰祈
 聖鑒事竊臣部湘淮各軍截至同治三年六月底止積欠軍餉發
 過餉票數目於上年六月初一日開單奏報聲明貴州兵營忠字
 等勇營不領餉票報效欠銀七萬二千七百四十八兩一錢八
 分五釐三毫六絲七忽請俟彙案辦理續據統領准勇提督銜記
 名總兵張紹棠鄭國魁按察使銜江蘇候補道吳毓芬及臣弟昭
 慶等稟稱所部親兵中營護軍中營桂字正副兩營松字新中營
 親兵正中營春字中營先鋒芳字營魁字正前兩營水師親兵後
 營華字正副左右四營共計十五營自同治元年先後編立成軍
 開支口糧日期遲早不一年來餉源短絀積欠日增各該營官傳
 集哨勇曉以大義其體時艱願將歷年欠發餉銀截至四年底止

全數報效不邀獎敘請為本籍加廣中額學額等情當經飭局將
 各營官籍貫及欠餉實在數目併案詳晰查復除籍隸外省之貴
 州兵營雖據報效行糧尚有原省坐餉可領要與勇營不同無庸
 核計外所有臣弟鶴章營部忠字正副左右四營春字右後兩營
 撫標水師前營將領弁勇多係皖人計欠發餉銀三萬五千七百
 七十七兩七錢四釐三毫此次所報親兵中營等淮勇十五營計
 欠發餉銀二十七萬三千八百一錢三分九釐六毫六絲七忽
 通共欠餉項下報效銀三十萬八千八百五十七兩八錢四分三
 釐九毫六絲七忽詳核前項銀數按照奏定章程請廣文武鄉試
 定額各一名又一次文武學額各四名尚屬有益無細據報銷局
 司道查明詳請奏辦前來臣查此起淮軍募自皖北凡統領營哨
 賢勇夫人等籍隸合肥一縣者居多現雖粵逆殄除而捻氛方熾

近且流竄皖境伺長淮該將士等身在行間深知籌餉日艱願
 效愚忱以為各軍之倡尚屬急公好義顧全大局合無仰懇
 天恩敕部查議准以銀三十萬兩加廣安徽省文武鄉試定額各
 一名以銀八千兩加廣廬州府一次文武學額各四名俾作士氣
 而昭激勸除將營官籍貫欠餉實數造冊送部核辦外所有淮軍
 報效欠餉請廣中額學額緣由謹會同安徽撫臣喬松年安徽學
 臣朱蘭繕摺陳請伏乞

皇太后
 皇上聖鑒訓示謹
 奏

奏稿十
 天

江皖防剿片 同治五年五月二十七日

再東路捻股於五月初八日在徐州之荆山橋經直隸提督劉銘
傳所部擊敗後全數竄出徐境惟時涼州鎮總兵周盛波提督周
盛傳等適由蕭縣追賊至徐又截之於大壩牛浦地方張總愚一
股向西北逃往歸德單縣等處任柱牛洛紅等股與張逆相失折
而南趨遂渡滄渦兩河竄入懷遠鳳臺境內淮河南北伏莽竊發
有句捻過淮之謠淮南腹地空虛居民驚徙撫臣喬松年函稱皖
軍力薄難支急求援救臣以周盛波等為張總愚月股牽綴恐未
能引軍南來因令現駐蕪湖署皖南鎮總兵王可陞分派陞字兩
營拔隊北渡移守廬州並檄南鎮總兵王永勝由臨淮分隊赴
懷遠臬司劉秉璋由宿州進蒙城與楊鼎勳王永勝等會合相機
兜剿冀可稍遏兇鋒劉銘傳一軍終歲馳驅疲勞已甚前經督臣
曾國藩奏明在濟甯休息兩月旋因追剿東下已至徐州即在徐
城暫駐據該提督來函以賊勢趨重皖北自願調戍六安保全
故土臣已批令刻期兼程入皖如能早到廬六一帶當可無虞所
有近日江皖軍情理由驛附陳伏乞
聖鑒謹
奏

減漕未盡事宜摺 同治五年六月三十日

奏為確查蘇松等屬裁減浮收案內未盡事宜詳細聲明請
旨勒石遵守恭摺奏祈
聖鑒事竊臣等接准戶部咨同治四年十二月二十六日奉
上諭李鴻章劉銘傳奏查明蘇松等屬裁除浮收實數並請旨永
禁大小戶名目等弊一摺前因江蘇蘇松常鎮太等府州屬額賦
太重經該省督撫等奏請裁減按照全額計減去制錢四十萬餘
千當經降旨允行朝廷加惠閭閻實足以蘇民困惟江蘇積習已
久各州縣徵收漕糧之時每有大戶藉詞抗欠任意短交致各州
縣有所藉口而裁減之惠徒以供不肖官紳之腹削而無益於民
嗣後江蘇各州縣開徵漕米漕折不准復立大小戶名目其包漕
索規等弊著一併永遠禁革如有京外職官舉貢生監仍藉大戶
為名與各州縣為難營私抗玩即著該省督撫奏請革職從嚴懲
辦該督撫務當督飭各屬秉公徵收亦不准於例定折價之外稍
有浮冒抑勒違則從嚴參辦此旨即著李鴻章等勒石遵行並出
示曉諭俾紳民咸知感奮一律清完餘著照所議辦理等因欽此
應即通飭各屬欽遵辦理惟查蘇省浮收之弊約有三端漕居其
二地丁漕款居其一漕米徵本色者弊在加收斛面徵折色者弊
在高擡米價其地丁漕項徵條銀者弊又在高擡銀價上年裁減
浮收經臣鴻章暨前護撫臣劉銘傳督飭臣柏蔭在署蘇州布政
使任內飭屬查報仿照浙江江西現辦情形折衷定議本色收漕
每石餘耗以三斗為率折色收漕每石折價年內以四千五百文
為率年外以五千文為率徵收地漕各款條銀每兩折價以二千
文為率所有啟徵各屬業已一律遵行尚無窒礙惟現在減定地

漕條銀折價之數既應遵

旨勒石所有減定徵漕餘耗折價各數自應一併通行勒石永遠
遵循復經飭司通盤稽核除鎮江府屬各縣徵收條銀從前折價
較少向係徵不敷解若概令照現定折價數目完納小民未必樂
從應於漕米本折收數內通籌挹注庶幾官不朘民民不累官咨
俟啟徵時另行酌議具

奏外其常州一屬向辦情形前此未經周悉之處現亦一體查明
照減定實徵數目通盤核算計蘇松常太四府州漕米項下其
減去浮收米三十七萬四千餘石浮收漕折錢一百六十七萬六
千餘串地漕項下共減去浮收條銀折價錢四十萬餘串謹月開
清單恭呈

御覽仰懇明降

諭旨再行詳悉宣示以便欽遵勒石永遠奉行此後設遇銀米折
貴有不得不與時變通之處仍當遵照部行於啟徵時

奏明辦理據署蘇藩司王大經蘇糧道奇克坦奏會詳請

奏前來謹會同漕運總督臣吳棠恭摺具陳伏乞

皇太后

皇上聖鑒訓示謹

奏

部駁保案覆奏片

同治五年七月十三日

再自同治元年三月赴滬督師維時大江以南盡陷於賊以上
海一隅之地當數十萬方張之寇成敗利鈍本非敢知幸仗
天威諸將用命即帷幄之士亦皆同仇敵愾荷戈相從用能規取
省垣旁收郡縣三年之內攻下江浙二十餘城軍需太繁則用才
必廣其節次出力人員何忍沒其勞勩以致士氣不揚查吏部奏
定章程除攻克城池斬擒要逆不准越級保升及免補免選本班
又軍務省分人員如經別省督撫帶兵大臣因勞績保奏即一律
議駁等因自應遵照辦理惟臣軍歷辦保案必俟克復數城後始
請獎原為慎重竊實起見茲准部咨有助勦解圍而議駁者有
以奮勇鏖戰首先登城加考而仍駁者似定章未盡畫一臣先在
皖南北軍營幾及十年凡筮仕皖省如劉佐禹周德樑等其籍隸

皖省如吳儉徐文達方鴻周馥任本照鮑國治等皆由積年留心
訪察深知其才能可用始調赴上海軍次若資其力而轉斬其賞
奚以策效將來復查異常得力實為營中必不可少之人例得聲
明請

旨恩准將劉佐禹等十七員悉照所請以資激勵並將諾穆歡布
立功年月及孫錦原銜錯誤之處

敕部分別核准更正此外本部議駁尚有勞績卓著之員俟各營
詳查到日隨時核明據實懇

恩施斷不敢稍涉濫濫理合附片陳請伏乞

聖鑒訓示謹

奏

奏

奏

奏

奏

淮鹽課釐半年收數摺

同治五年七月二十八日

奏為恭報同治四年下半年淮南徵收課釐數目仰祈

聖鑒事竊照淮南鹽務經曾國藩奏定新章請將所徵課銀按半年奏報一次各處鹽釐隨課並報欽奉

諭旨敕部議准前已報至同治四年六月底止在案茲查四年七月初一日起至年底止共收課釐銀一百七十九萬九千一百六十八兩有奇又收鹽釐錢十七萬七千九百三十二兩有奇以上半年收數併計共收銀三百十九萬餘兩又收錢三十二萬餘兩較三年分加增一百餘萬之多籌運疏銷漸收成效各省緊要軍需聊資接濟但臣溯查曩時鹽法屢振屢蹶其致壞之由皆由初定一章偶著小效人人視為利藪俄焉而引額加之俄焉而課項增之甚至鹽規匪費融銷帶徵名目疊出內外爭索取用日繁則

奏稿十

商利日薄正項亦日虧不數年而積重難返於軍國大計奚所補益今淮南運道雖已暢通而鄰私未及堵引地未盡復其新章尙有起色者惟在保固商本禁絕浮費涓滴歸公不似昔年之濫徵濫應是以履奉部文飭加正課祇能在於派解金陵鹽釐項下酌量減收以供京餉未敢加取於商轉令聞風裹足至所收課釐下半年共徵一百七十餘萬兩乃係總收之數其江西湖南湖北三省派分五十餘萬兩藉充鄰省軍需此外如彭玉麟黃翼升水師軍餉暨九江關稅京口旗綠營餉皆須分款協濟曾國藩前此餉源以廣東江西湖南釐金為大宗早已奏明歸還本省目前勦捻緊餉專恃淮南鹽釐兼須支發湘楚各軍留防新糧道撤舊餉統師日久費用浩繁以入抵出不敷尙多江西湖南兩局共計虧墊十六萬餘兩急待籌補本年每引又減鹽釐一兩一分三釐加入

正課月減二錢加入經費即使各岸銷數與上年相仿釐銀必形短絀況鄂省三四月間川私跌價搶售准鹽更多積壓近日運河決隄浸沒場窰漢江發水淹及鹽倉於額產銷路均有窒礙良可焦慮據署兩淮鹽運司程桓生具詳請奏前來除將各冊咨送部科外謹彙開清單恭摺具奏伏乞

皇太后

皇上聖鑒敕部查覈再前准部咨以兩淮鹽釐用款轉轉奏請飭查當經臣查明前次報解安慶牙釐局安慶糧臺銀兩實係四年上半年所收鹽釐經曾國藩撥放湘楚各軍除新餉外有補發金陵未克以前欠餉前奏未及聲敘明晰並非以四年之釐作三年之用况臺局支放有月口可稽印領可考亦斷不能以應銷之款牽入免銷數內即經繕晰備文咨覆戶部合併陳明謹

奏稿十

聖

分撥浙皖閩六案彙保摺 同治五年八月二十日
奏為蘇軍分撥浙皖閩三省疊克城隘之水陸員弁兵勇及籌餉
轉運出力人員遵
旨查明六案彙保仰祈

聖鑒事竊自蘇常既復賊聚浙西逆酋黃文金楊輔清等堅踞湖
州勢將爭我太湖之險同治三年五月 臣商調長江提督黃翼升
江南提督李朝斌各帶所部水師並檄令直隸提督劉銘傳福建
提督郭松林總兵楊鼎勳劉士奇王永勝臬司潘鼎新劉秉璋及
諸統將等各帶所部陸師分道入浙擊退賊援五月二十四日直
隸長興縣城克之乃由太湖兩岸連營並進七月十三日李朝斌
潘鼎新環攻辰舍賊巢又克之劉銘傳一軍由安徽之建平縣徑
趨廣德郭松林楊鼎勳王永勝劉士奇各軍先奪大德橋尹隆橋

奏稿十

奏

兩隘徑取湖州二十七日諸將會戰大破賊於八里店遂克湖州
府城二十八九等日旋拔四安併克廣德州城又於四年三月遵
旨飭派郭松林楊鼎勳督師由滬航海入閩會攻漳州漳浦不數
旬而府縣兩城俱下在事出力員弁經 臣六次奏奉
諭旨查明彙獎遵經恭錄轉行去後茲據各該營詳查勞績分別
等差先後開摺請奏前來伏查 臣部水陸百數十營請保各員合
計之似見其多分計之或嫌其少況此次援勦三省攻克五城四
隘湖州廣德復而為皖浙肅清之始漳州漳浦復而為粵賊殄滅
之機現當東南七省大功告成各路軍營皆得捷報退息獨蘇軍
將士全數調征北捻方且馳驅終歲攻戰不休即轉餉人員越境
相從重洋遠涉躬親戰陣出死入生亦不過冒鋒鏑之餘以冀尺
寸之賞 臣仍逐加核減期於無濫無遺相應分繕清單仰懇

天恩俯念粵逆勦辦告竣從優准照所請破格獎勵以資激勸除
千總以下各弁及六品藍翎等項循案造冊咨部核辦外所有分
撥浙皖閩三省出力員弁六案彙保緣由謹繕摺摺由驛具
奏伏乞

皇太后

皇上聖鑒訓示再陸軍各營經督 臣曾國藩先後調赴東皖豫等
省勦辦捻逆遠隔數千里移駐無常輾轉駁查有需時日是以彙
奏稍遲合併陳明謹
奏

奏稿十

奏

馬格里請加道銜片 同治五年八月二十日

再英國兵官馬格里前在臣營教練鎗隊設局仿造西洋火器著有成效當經奏蒙

賞給三品頂戴該兵官感極思奮講求洋器製造益精在局四年始終不懈每募

聖朝聲教冀得一中國文職俾可誇示同類以遠耀島洋查此次克復湖州等城破敵摧堅頗得開花礮彈之力論功行賞該兵官

亦應酌予獎勵可否懇 恩准將三品頂戴馬格里

賞加道員虛銜以示優異之處出自逾格 鴻施理合附片陳請伏乞

聖鑒訓示謹

奏稿十

奏

辦辦棧毛摺 同治五年八月二十日

奏為籌款派員采辦棧毛備解部庫恭摺仰祈 聖鑒事竊臣前准工部咨以成造各

增 廟棧毯並常朝棧毯需用棧毛向例行文兩江總督飭屬辦解現 在庫無存儲待用孔亟所有欠解之十五萬斤

奏請行催辦解等因經臣飭司查明產棧之甯國池州太平三府 地方久經賊擾棧樹盡被砍伐無從采辦應派員前往江西湖北

產棧處所酌量辦解據署安徽布政使吳坤修詳稱奉取棧毛向 以五萬斤為一批茲奉催辦十五萬斤司庫實係無款可籌擬即

辦解五萬斤以供支用其應需正協價值等項在於司庫正款內 動銀一千五百兩耗羨項下動銀四千九百餘兩派委幹員徑赴

江西湖北等省采辦等情請

奏稿十

奏

奏前來臣查皖省司庫支絀籌款維艱而京棧要需未可緩解應 令設法采辦五萬斤備解供用餘俟地方棧樹興復庫款稍裕再

行察辦所有籌款酌辦棧毛緣由謹會同安徽巡撫臣喬松年合 詞具陳伏乞

皇太后

皇上聖鑒謹

遵旨出駐徐州起程日期摺 同治五年九月初七日

奏為

臣准督臣曾國藩兩咨張總愚任柱各捻股於八月十

六夜由汴南衝破隄牆悉眾東竄已派直隸提督劉銘傳山東臬

司潘鼎新兩軍道出曹單濟甯一路江蘇臬司劉秉璋蘇松鎮總

兵楊鼎勳右江鎮總兵張樹珊等三軍先後拔行回顧徐州韓莊

一路仍商令臣親赴徐州就近調度等因臣以此次捻眾合竄而

東不旬日開蔓延荷曹鄆城鉅野一帶乘虛疾走勢欲搶渡運河

查沿運上游開河新口以北有東軍分防韓莊八間有臣弟李昭

慶一軍分防兵力皆單誠恐顧此失彼連日接據探稟劉銘傳潘

鼎新各軍均入東境分路齊進自當酌就地利布局兜剿以取前

後夾擊之勢惟中原平曠賊騎飄忽若難越過運河必將回竄徐

皖腹地空虛亦甚可慮臣已飛檄南贛鎮總兵王永勝統開字十

營由六安拔隊渡淮馳赴泗州暫駐並飭道員吳毓芬由揚州酌

帶華字四營前赴清江暫駐又在江甯省防抽調副將鄭國榜等

魁字兩營總兵吳殿元親兵一營徑赴徐州城外暫駐均俟臣過

清江後相機調遣正在分派各隊料理啟行開欽奉

諭旨飭臣迅即攜帶關防馳赴徐州調度湘淮各軍防衛淮徐以

東各路並與閣微銘商辦山東軍務互相策應等因伏查兩江總

督兼轄三省地方公務極繁又須籌餉籌兵兼辦洋務徐州相距

較遠微臣才智短絀竊慮前後不能兼顧第曾國藩久勞在外病

體未愈捻眾全股東竄邊防萬分喫緊但使力所能勉何敢稍自

諉延現將地方尋常事件暫委江甯藩司李宗義代印代行凡有

關軍事餉事及通商衙門地方緊要事宜均飭遞徐州行營核辦

至江甯省會山地時有瀕江游匪劫掠並飭藩司李宗義會同督
江安糧道杜文瀾記名提督張紹棠所統親兵鎗礮五營暨省標
中軍城守各營嚴密巡防臣部督糧定遵即於九月初九日由省
啟行順過高郵查勘運隄衝缺如何培築情形即往清江與漕臣
昭商一切俟到防布置察度賊勢妥籌調度續行具奏外所有
臣由省啟程前赴徐州緣由謹繕摺山驛馳陳伏乞
皇太后
皇上聖鑒謹
奏

奏稿十

四

保薦人才片 同治五年九月初七日

再准吏部咨開五月二十七日奉

上諭直省道府州縣歷經各督撫隨時保奏特予擢用者頗不乏人第恐惻無華之吏尙未能盡登薦剴著各督撫於所屬府州縣內留心查訪如有盡心民事政績可紀為紳民所愛戴者即臚列事實具奏候旨調取引見以備備用等因欽此仰見

朝廷講求吏治慎舉賢才曷勝欽感竊維今日急務以求才為最要若體用兼備器識闕遠者固未易言臣忝膺疆寄五年於茲籌餉籌兵兼任地方從事不下數百員隨時留心察訪如運司丁日昌才猷卓特粗道王大經操守廉介均已仰蒙

擢用此外州縣無華實心任事歷試不渝者尙不乏人敢舉所知以備器使查有分發補用道錢鼎銘江蘇舉人操行貞篤條理精

奏稿十

呈

密同治初年蘇省淪陷上海危急該員來皖乞師首定援滬之策隨臣攻勦籌備軍需始終無誤上年委辦出境勦擒各軍轉運糧餉軍火通籌全局緩急得宜調和軍民輿情翕服實屬久歷艱苦最為得力之員又保升江蘇補用道高梯江西舉人廉正勤苦志趣堅卓從軍數載誓於公款不染絲毫同治三四年委辦常鎮招墾撫卹事事躬親布衣草履問民疾苦節次密查要案嫉惡如仇今秋下河水災飭往賑撫扁舟徧歷核實散放吏畏民懷足備循良之選又江甯府知府涂宗瀛安徽舉人曾國藩於二年十一月開保奏稱其踐履篤實治官事如家事嗣督補斯缺見其志慮忠純勤求民隱孳孳不倦與書院以教士招流亡以墾荒賑施窮黎歲懲衙獄俾彫敝地方漸有起色殆所謂日計不足月計有餘者又保升知府借補長洲縣知縣蒯德模安徽附貢才識開明

而能斷自蘇城克復後調署首篆凡通商惠農緝匪滅漕諸大政皆隨同艱苦經營一洗膏場浮滑之習清理積案獄無留訟紳民愛戴頌聲翕然以上四員雖未必遽能勝艱鉅之任要其勵行修飭治事勤奮錢鼎銘蒯德模才略較優高梯涂宗瀛質地最樸用其所長均可振疲玩而裨吏治應如何破格擢用之處出自聖裁惟揆忠正急方出省督師不獨錢鼎銘高梯承辦轉運賑卹各要務未可暫離即涂宗瀛蒯德模現任省會守令巡防彈壓尤資熟手難遽交卸赴京應請旨暫緩調取引見俾資贊助所有遵保循吏緣由附片具陳伏乞聖鑒訓示謹

奏稿十

呈

江北水災籌辦工賑摺 同治五年九月初七日

奏為江北水成災請撥司庫存款並另籌捐項以賑災黎而濟要工恭摺仰祈

聖鑒事竊自本年夏間雨水過多湖河漫溢清水潭二閘決口江北高郵興化寶應泰州鹽城山陽阜甯各屬悉被淹沒當經派員往勘挪款撫卹一面飭令江甯藩司預籌堵築巨款並辦捐賑留養以濟災民臣於七月十三日附陳大概在案茲據該藩司李宗義詳稱此次夏下河災重且廣自秋徂冬為日正長亟須量加賑卹惟當庫藏支細款項難籌祇有酌盈劑虛請從節省如山陽阜甯等縣尚有高區薄收者飭派印委各員勸諭紳富勉力捐輸或買米平糶或設廠煮粥因地制宜酌量妥辦其餘高郵興化等州縣盡在水中無捐可勸必應撥款賑助現在籌節估計今歲冬賑

來春接濟至省約需銀十餘萬兩而堵築漫口又須東西兩隄並舉蓋西隄為東隄之屏蔽西隄不築則湖水毫無收束東隄口門刷寬已將三百丈連堵一日即下河田廬多淹一日明年春汛湖水復來不但春花無望並秋禾亦不能種此隄工尤萬不可緩者也如於今冬水落之時併力趕堵則費半功倍約須銀二十餘萬兩統計工賑兩項共須銀四十萬兩向來堵築河工賑濟災民均在本省藩關各庫請撥銀兩近年蘇屬錢糧未盡放徵兩淮鹽課久未復額各關商稅并無可撥之款江藩司所收錢糧僅有淮揚通海四屬而兵災蠲緩徵解無幾今屆大水入款更細轉籌思實無良策或謂款無可撥捐尚可籌然江北勸捐向賴裏下河各州縣今下河既全遭水患祇通州海門如皋泰興四處稍有收成紳富連年捐餉業已筋疲力盡亦斷難如數取盈查江藩庫僅有

奏稿十

摺

奏稿十

摺

摺

摺

摺

摺

提存揚防節省項下歸還同治三年將軍富明阿借用漕價撥贖銀七萬七千六百六兩零又淮海等屬四年分漕糧折價解存銀二萬二千一百兩零又歷年扣存解部餉平銀五千三百五十五兩零又三年官捐京倉米價未經撥用銀七千五百兩零又近年牙行捐領部帖積存銀八千七百兩以上存庫正雜各款共銀十三萬餘兩應請儘數撥充工賑要需此外不敷尚多再會同運司設法籌捐等情請奏前來臣查江甯北川兵十數年惟裏下河一隅幸稱完善今年高寶運隄漫口造此奇災難民渡江而南者疊傷各屬收當耕牛招墾荒田分別留養備值惟老弱孤苦輾轉溝壑不知凡幾飢寒交迫勢將束手待斃為目前救荒計不能不急籌賑濟為來年農事計又不能不迅辦隄工現值北路軍務未平餉需萬繁別無鉅款可應應如該司所請仰懇 天恩准將前項存庫各款全撥工賑之用不敷則勸令地方紳富及淮南鹽販酌量籌捐以圖補助溯查咸豐六年江甯籌辦捐米抵賑上年金陵善後捐輸均經奏准按照籌餉新例減成給獎此次捐辦工賑銀兩事尤重大若不優予獎敘難期踴躍應請援案照例銀遞減二成准報捐實職銜 封典翎枝等項如本身不願請獎並准移獎子弟親族由司先給實收隨時造冊報部換給執照其官監職銜擬查明藩庫有無舊存空白部監各照先行填用仍開單咨部續請頒發如蒙 俞允當即分別飭司趕辦並將請撥銀款及所收捐項節節動用計工賑所需若干俟事竣一併造報不准絲毫浮冒以歸核實而重款項所有江北工賑要需請撥存款及籌捐辦理緣由謹會同調任閩浙總督漕運督臣吳棠護理江蘇撫臣郭柏蔭繕摺馳

陳伏乞
皇太后
皇上聖鑒訓示謹
奏

奏稿十

吳

陳藩留營調遣片 同治五年九月初七日
再前任安徽道陳藩奉
旨開缺調取引

見已據報交卸請咨惟查該道由翰林御史簡放江西南安府知府咸豐十一年開前安徽撫臣李續宜訪聞該員操行廉愷奏調赴皖適值安慶克復臣正在曾國藩營中目擊省城彫瘵情形亟須賢史佐治曾國藩復奏請

旨將該員調授安慶府知府莅皖之初百事草創飲冰自勵勤政愛民署中未延幕賓鉅躬親招集流亡振興學校在任五年境內無不墾之田鄉曲有絃誦之樂皆由該員與民休養所致該員樸訥長厚貌粥粥若無能有兩漢循吏氣象曾國藩同治二年奏保摺內謂陳藩貞介澹定雖才力較薄而月計有餘固篤論也其

奏稿十

吳

心地政績上司或不盡知皖中士民無貴賤皆知之昨聞卸事入都該省紳庶攀留不得有來轅訴歎者有寓書詰責者誠以撫臣帶兵遠駐省會根本得一好官則民心較易維持臣係皖人采訪輿情甚為愛戴不敢稍避嫌怨匿不上

聞該道京官十餘年疊蒙
先皇帝召對引
見似非軍功出身未曾赴部者可比臣現帶兵赴徐切近蒙毫皖事頗有交涉行營正須差委願懇
聖恩可否暫准留於臣營以備調遣仍請
旨量予擢用以順民心而裨吏治謹附片據實陳請伏乞
聖鑒訓示謹
奏

行抵清江據報捻已西趨摺 同治五年九月十九日

奏為 行抵清江據報捻已西趨恭摺仰祈

聖鑒事竊臣於九月初九日攜帶關防山江甯成行業經奏報在案十三日過高郵赴清江潭漫口履勘水勢漸就平緩暫同在工文武籌議興作仍須先堵西隄次築東隄現節逾霜降亟應遴派委員分投購料籌捐勉期趕辦十五夜行次清江與漕臣吳棠晤商大略十六日即接直隸提臣劉銘傳飛報該軍與潘鼎新所部在鄆北梁山接仗大勝後捻逆由鄆城西竄銘兩軍緊躡其後初四日追抵曹州該逆屢次拒敵與我軍一日數戰見仗即敗捻殺解散極多該兩軍由考城分進一進杞縣一走睢州初八日劉銘傳抵睢是日五鼓賊即由睢州西南竄走揆其趨向似由扶溝一帶過賈魯河等語又據徐州鎮道稟稱捻眾有由歸德府竄穎

毫之說計豫皖交界均形喫重賴有劉銘傳潘鼎新劉秉璋楊鼎勳張樹珊各軍分道兜剿當可不虞滋蔓而徐州雖屬重鎮目下軍情較鬆臣適感冒風寒在清江舟次延醫服藥數劑擬即力疾循運河北上察勘沿隄長牆籌商水陸主客各兵戰守責成再赴徐郡從容布置所有行抵清江捻已西趨緣由謹繕摺由驛具陳伏乞

皇太后

皇上聖鑒謹

奏

行抵徐州籌辦情形摺 同治五年十月十二日

奏為 行抵徐州籌辦布設防剿情形恭摺仰祈

聖鑒事竊臣前過清江於九月十九日專疏具陳次日即力疾由運河北行密勘沿隄長牆興築已將就緒二十五日抵宿遷縣准山東撫臣閻敬銘咨任柱賴汶沈捻股由豫回竄晝夜疾馳二十一日復猛撲運防勢甚剽悍當飭沿運水陸各軍實力嚴守臣即倍道前進與為聲援二十九日過邳州境內欽奉二十五日寄諭飭臣酌撥兵勇赴山東協同進剿以資厚集等因遵又檄催直隸提督劉銘傳臬司潘鼎新等迅速回援赴東兜擊並令臣弟昭慶所部分防濟甯韓莊各營憑河扼紮攔頭截堵適據潘鼎新稟稱已於二十日自豫啟行二十八日至嘉祥縣北遇賊一擊奪馬數十匹擒賊日宋全庸一名旋因肥城黃崖山土匪起事奉撫

臣閻敬銘調往進剿等語又准劉銘傳報稱二十七日行次曹州聞賊由鉅野南竄二十九日追至鉅境之葛店即派馬隊進抄賊館擒賊數十奪馬數百初一日又追及於馬山口縱橫擄擊生擒二百餘人尾賊悉乘輜重回奔被各圩寨搜殺殆盡前隊之賊排築不動當令劉盛藻由西路唐殿魁由中路該提督同黃桂蘭等由北路我軍前進一步該逆即退一步追十餘里田履安丁汝昌二營衝入賊陣各營趕上猛進賊眾紛紛潰散張景春等馬隊由後抄擊該逆自相踐踏死者無數追抵金鄉縣東北又殺賊千餘降馬賊二十三名等語臣於十月初三日行抵徐城據徐州鎮道而稟初二日賊騎先由金鄉竄至豐縣是日大股南趨離徐百數十里臣即將隨帶親兵三營並李昭慶留徐四營分布城廂嚴為守禦惟據劉銘傳擒獲賊供任賴等逆竄東既不得逞仍圖竄擾

淮徐窺撲運河臣在徐州尚可力扼要衝但恐該逆避兵繞竄唯
宿泗靈處虛空慮已檄調南嶺鎮總兵王永勝統開字十一營進
紮皖徐交界之雙溝古州鎮總兵劉士奇統奇字七營進紮運河
西岸舊邳州縣外可與劉銘傳李昭慶等軍前後夾擊又添調水
淮以東各州縣外可與劉銘傳李昭慶等軍前後夾擊又添調水
師分扼運河上下使無旁逸之患仍隨時會商曾國藩妥為調度
以期剿除賊勢仰慰
宸廬所有抵徐布置防期情形理合繕摺由驛五百里具陳伏乞
皇太后
皇上聖鑒謹
奏

奏稿十

手

江甯查抵教堂地基片 同治五年十月十六日

再江甯查還教堂臣前將允於城內給地並擬暫給寓所緣由緘
達總理衙門照會法國公使冀可少安無躁乃續准總理衙門密
咨鈔示六月間法公使照會拉雜諱厲令人髮指其開牽涉此案
指為臣處遲延仍欲索教堂原地實則教士雷適駿在江甯時自
愧翻悔難於措詞遂回上海慈恩公使與波已可概見臣查法國
之志不在通商而在傳教彼亦知所到之處民情鬱鬱未能躊
滿志因而致憾於疆臣橫加傾陷相脅備總理衙門被其嚙演
揆時度勢或慮外閒辦理過當為之極力調停固已煞費苦心惟
彼族恫疑虛喝是其慣技得隴望蜀亦其常情臣與交涉最久如
白齊文戈登前事風浪極大究其曲不在我以理相持以誠相感
終可消弭無形至尋常通商傳教於恪守條約之中每有相機通
融之處似不至以微嫌細故遽成決裂亦不得因其恐嚇偏迫遂
無限制且即明知辨爭無益而入手之初彼氣過盛而欲太奢幾
莫測其所以止況輿情不順公論沸然勢亦未可以勉強則不能
不辨爭不能不緩宕以折其氣而逆制其無厭之心此又辦理洋
務不得已之實情也臣渥受

奏稿十

至

厚恩濫膺重任於
國體大局兩當兼顧此案法公使先斷以三月為期未嘗不可辦
結然任其指索誠恐後難為繼民心不服而該教士之狡譎變詐
倏去倏來臣疊准總理衙門咨催知法使雖力持異議該教士固
陰俟轉圜因密飭上海關道應寶時及江甯營教練洋廠法國兵丁
呂嘉招之使來復於赴徐啟行時而囑江甯府涂宗瀛等俟其到
省仍照前議妥辦未便移營備倉屋以徇其請現幸仍以小桃源

前地為抵給堂基之所立據完案既可稍挫其矯強之意亦尙不至拂乎輿情合再將前後擬辦情形附片密陳伏乞
聖鑒謹
奏

奏稿十

至

定購來福鎗一千桿解京片 同治五年十月十六日
再臣前准總理衙門函稱以奉省擬練洋鎗隊屬詢上海現存洋鎗能否湊足千數將來京中亦應豫為存儲須內有螺旋者洋人名來福鎗多為購辦等因當因此項鎗件外洋頗為貴重上海並無存餘臣處勘檢各軍需用洋鎗請添請換者紛至沓來均係先時定購即飭蘇松太道應寶時會同采辦委員知府劉瑞芬沈保靖等向洋商地亞士定購來福鎗一千桿限五箇月由輪船運滬茲地亞士於九月二十日運到英國恩費來福鎗一千桿驗明鎗質精堅準頭極遠實為軍中利器每鎗加皮條一根火門礮臺釘一箇每五桿加開鎗起子一箇每二十桿加鑄彈錐子一箇計共裝五十四箱由道驗收轉詳前來臣查此鎗係京營待用要件轉瞬北洋東阻恐無輪船搭解已飭據蘇松太道應寶時將前項來福鎗一千桿並隨鎗器具搭裝輪船派委江蘇補用知府樊毓桂管解於十月初十日開行運赴天津交三口通商大臣崇厚轉解赴京以備撥用除咨明總理衙門及三口通商大臣查照並飭將價值運脚由江海關正稅內提給外謹附片陳明伏乞
聖鑒謹
奏

奏稿十

至

謝署欽差大臣憑陳大略摺 同治五年十月二十七日

奏為欽奉

諭旨恭謝

天恩並憑陳大略情形專摺陳仰祈

聖鑒事竊臣承准軍機大臣字寄十月二十日奉

上諭曾國藩著再賞假一箇月在營調理欽差大臣關防著李鴻

章暫行署理必須迅將東股辦竣方可騰出兵力專意西路即著

通籌全局妥為辦理應否移紮豫境適中之地並著酌量奏聞等

因欽此仰蒙

聖慈簡界

訓示周詳欽感之餘倍增惶悚伏念臣一介庸儒毫無知識前在

蘇省薄立寸功皆由諸帥協力將士苦戰而成臣並無指揮謀略

猥蒙

厚賞濫膺重任夙夜懷慙前奉

旨飭令進駐徐州本係總督轄之地疆吏應辦之防清淮以東

宿蒙以南如兵力能及臣皆責無旁貸固不敢稍有推諉茲復奉

命接署

欽差大臣則凡髮捻所到之區眾人束手之際皆將責望於微臣

以臣智術短淺才力薄弱實難勝此艱鉅非敢沽謙抑之虛名拘

解讓之末節揆時揣分戰慄驚怖誠有不能自己於衷者惟恭釋

聖諭因曾國藩積勞致疾重煩

屢念令臣暫行署理為一時權宜之計若再三堅辭往返耽延既

無以仰體

宵旰之憂勞且令曾國藩病軀候代情誼亦覺歉然旋轉集思惟

仍仰懇

聖明從容籌議另簡知兵大員督辦勦捻軍務或俟曾國藩調理

就痊仍舊辦理俾臣稍安愚拙獲免大戾感戴

高厚曷有既極但就目前局勢有必須豫為籌度者有不敢豫為

限制者謹為

聖主一一陳之上年九月奉

旨令臣帶兵馳赴河洛臣即恐一離本任則糧餉軍火均無所出

當將可慮三大端據實詳細陳在案曾國藩本年八月二十三

日附片奏稱將帥帶兵勦賊非督撫手有理財之權者軍餉必不

應手係閱歷真切之語年餘以來曾國藩在前督帥臣在後籌餉

患難與其休戚相關雖士馬未盡飽騰而臣之心力實已交瘁怨

謗亦所不辭自臣來徐山踰一月後路糧餉轉運相隔漸遠每恐

呼應不靈若再逐賊出境遠駐豫省軍務大局未必遂能有濟而

各軍餉需本任公事必多貽誤仰蒙

派員接署督篆各有責任各有作為何能與前敵痛癢相連始終

如一若強爭則徒失和衷若隱忍則必分畛域軍需稍有不敷斯

功效全無潰敗立見臣去年摺內固已言之詳且盡矣且臣自問

本心於一切榮利素知恬澹若從此脫卸地方事件專意辦賊事

機可赴神智不紛猶可勉力報效若因餉缺而潰亦非

朝廷所以用臣督師望臣成功之意臣從軍十數年稔知軍情利

鈍之由其樞紐不在賊之難辦而在糧餉軍火之難接濟曾國藩

老病侵尋自前退志臣每諄切懇勸謂若不耐軍事之勞頓即請

回任籌餉坐鎮要區彼總以精力衰憊相謝然亦以勦捻全軍專

恃兩江之餉若經理不得其人全局或有衰減與臣再四密商迄

無嘉謨可以入告是不得不仰賴

朝廷之善為區處矣今

諭旨並未令人接辦江督與通商要件而詢及應否移紮豫境若至豫省邊界離江甯千餘里離蘇滬千數百里軍儲之調發屬吏之稟承文牘往還動踰旬月未有不遲誤者後路根本重地皆新復之區又多通商口岸設有蠢動更難兼顧臣反覆推究事理務求一是綱領全在得人

皇上若仍令臣兵餉兼籌須以駐紮徐州而止應仍如曾國藩前奏東路稍鬆當回金陵或駐清江力籌餉運乃足以固軍心而維大局揜逆在東則督飭各軍就近兜剿揜若趨豫則體察諸軍之勞逸東路之防務更番酌調跟追前往與鮑超曾國荃等軍會合

夾擊劉銘傳等忠勇奮發臨敵應變均尚可靠臣隨事商籌調度似不致速有失機若

皇上專責臣以討賊在本境可兼管地方駐別省即不能兼管地方如不兼管地方軍需當責之何人缺之當如何處置非一二空談能有實濟此必須豫為籌度者也至揜逆久成流寇臣軍打仗雖尚得力而馬隊太少不及賊馬之多月悍曾國藩固屢言之臣到徐後審察軍情可以勝賊而尚不足以滅賊蓋賊收後抱隊急走日百餘里我軍步隊至速日七八十里賊隨地擄糧我軍須隨糧而行現各軍略置車駝齎糧不過旬日旬日之後就地采辦而賊過處人煙荒涼城鄉窮苦往往停留三四日購不出一口之食且餉銀遠道解送亦不應于軍士忍飢趕路備極太緊恐生潰變我停一日賊去已數百里此剿揜追賊之苦前親王僧格林沁所

統馬隊尚多而仍履蹶不振者職是之由曾國藩接手後有鑒於此故始為設立四鎮旋議扼守運河沙河使地勢收窄賊勢較蹙較易兜剿目下運防水深隄密尚可扼住冬春淺涸尤須加意其設開徐國制賊或慮之於山深木複之處棄地以誘其入然後各省之軍合力三四面圍困之或陰招其飢疲囊脅之眾使其內亂殘殺否則投降免死給資遣回以解散其窮蹙致死之心而披靡其黨羽或另有設守致困之法容臣與湘淮各將帥及各省督撫相勢妥籌但能同心協力冀有殲賊之時軍事隨時隨地變幻無常此不敢豫為限制者也至任賴等逆東竄之股蓄意撲運河不勦即下竄清淮經劉銘傳潘鼎新張樹珊各軍分路兜擊月餘幾於無日不戰劉銘傳追逼尤緊奔馳尤苦據報該逆已於二十三

日由鉅野西北竄去似向鄆城一帶劉銘傳等亦跟蹤而進趁地勢以圖夾擊惟前有黃河水套之阻西南出曹考地勢散漫無可扼扼恐仍由此入豫或回永陽均未可知惟曾國藩來咨已派劉秉璋周盛波兩軍東來如能早到當飭會合兜剿以厚兵力而期殲殲所有欽奉

諭旨恭謝 天恩並懇陳大略情形謹摺由驛六百里具

奏 皇太后 皇上聖鑒訓示謹

謝授欽差大臣瀝陳下情摺 同治五年十一月十三日

奏為恭謝

天恩瀝陳下情仰祈

聖鑒事竊臣接准兵部火票遞到同治五年十一月初一日內閣

奉

上諭曾國藩著回兩江總督本任暫緩來京陛見江蘇巡撫一等

肅毅伯李鴻章著授為欽差大臣專辦剿匪事宜欽此並承准軍

機大臣字寄同日奉

上諭本日已明降諭旨令曾國藩回兩江總督本任授李鴻章為

欽差大臣專辦剿匪事宜該大臣膺此重任自當益加奮勉以竟

全功等因欽此當即恭設香案望

關叩頭謝

恩又准軍機大臣字寄十一月初八日奉

上諭李鴻章俟曾國藩回任後辦餉有人即著相度情形馳赴前

敵軍營就近調度等因欽此伏念臣前奉

諭旨命臣暫署

欽差大臣當經瀝陳微臣智短才薄難勝此任仰懇

聖明從容籌議另簡知兵大員督辦軍務或俟曾國藩調理就痊

仍舊辦理誠以督臣曾國藩老成重望自受

命鞠揔以來其於地勢賊情分防合擊無在不焦勞勩特揔匪

剽疾流竄迥非粵逆之比官軍往來追躡力有所窮是以奏功未

能迅速微臣自揣以有奇謀勝算可以過之乃荷

聖恩簡任加以策勵欲再辭則跡涉畏難欲前去則後無付託日

夜輾轉悚惶萬分仰蒙

皇上洞鑒兩江所出餉需實關剿捻全軍命脈

特命曾國藩回任籌辦仰臣後路無掣肘之虞

聖慈曲逮俯察艱難無微不至臣等應如何感奮復何敢稍有推

諉致誤事機謹當恪遵

諭旨俟曾國藩回任後料理交卸馳赴前敵惟臣熟知曾國藩積

勞久病時形衰憊其前奏不能見容及畏聞公廩等語皆係實情

屢接來函深以地方公務煩重精力不支必欲堅辭回任臣雖專

函商懇但既疊請開缺在先亦自恐貽誤於後其素性耿介量而

後入固久在

聖明鑒照之中揔股現盡入豫曾國藩適在西路計鮑超劉松山

所部湘軍已由曾國藩檄往陝汝一帶其餘各大枝皆臣准軍備

部臣即未受

欽差關防本可辭商調度臣暫不赴豫亦尚無妨設臣與曾國藩

皆離本任根本重地孰與維持於大局確有關礙感激之餘不無

過慮臣惟有隨時勉循職守殫竭庸庸以報

鴻慈於萬一所有微臣感悚籌慮愚忱理合繕摺馳奏伏乞

皇太后

皇上聖鑒訓示謹

奏

接受關防後調度情形摺 同治五年十二月初一日

奏為接受關防後籌商調度大略情形恭摺陳仰祈
聖鑒事竊臣欽奉

恩命簡授

欽差大臣當經具摺恭謝

天恩嗣准兩江督臣曾國藩派江蘇候補道林桐芳衡州協副將

胡正盛齎送關防於十一月二十三日馳抵徐州臣即於是日未

刻恭設香案望

關叩頭謝

恩祇領開用疊據涼州鎮總兵周盛波等稟報任賴捻股自羅山

擊敗十四五等日經皖軍在固始扼剿該逆折向西南由商城竄

光山繞山而逸周盛波督軍由光州四十里鋪越山追之十六日

至白雀園該逆狂竄已過界嶺向湖北麻城竄去周盛波因行糧

缺乏俟派弁催提餉項到營即入鄂追剿湖北撫臣曾國荃現駐

德安之武勝關重兵均在西路自必派隊迎擊安徽撫臣英翰來

函已派總兵張得勝等軍分紮六安之流波礮霍山之漫水河黑

石渡等處六霍門戶稍有防備亦當不令擱入臣與曾國藩咨函

籌商以此股捻逆勢已窮蹙湖北黃州各屬毗連皖西潛太英宿

一帶皆山多田多之處有險可扼賊騎不易施展若我軍分路併

進會合鄂師設法兜截或趁地利以圖聚殲現已派直隸提督劉

銘傳江蘇臬司劉秉璋自周家口拔隊進固始商城與周盛波張

樹珊分道入鄂由東北兜剿兼可屏蔽皖省鄂軍自隨州德安而

下由西南進戰兼可自顧腹地惟慮鄂皖之交耳寨最少積糧較

多賊匪到處可以掠食但能感之以兵力而不能困之以飢餓又

鄂豫交界山徑紛歧此賊彼竄尤在慮中將來賊之出路不經隨

棗向南陽則山光羅回汝信是豫省南路仍須扼紮重兵以備回

竄夾擊之用現飭全軍營務處李昭慶統率南嶺鎮總兵王永勝

開字馬步十一營徐州鎮總兵董鳳高馬步七營暨所部親兵由

陳州周口直進汝甯信陽擇要屯駐時時出擊鄂中李昭慶

到信陽後仍酌量分隊入山協剿若賊由鄂出竄相機整備迎擊

鮑超如即赴秦南陽一路似宜令豫軍宋慶等預為扼堵以昭周

密正在繕摺開欽奉十一月二十七日

寄諭淮河北岸應仿照黃運兩河辦法一律嚴守等因臣查目下

冬令水涸逆眾雖過淮南淮河自桐柏發源甚微由信陽下至固

始數百里處處窵窵可渡似難節節置守且由隨棗出唐鄧即繞

淮河而往腹裏即扼淮亦不能堵其回竄也臣軍有進剿之兵更

無分防數省之兵現駐徐州控制北路千餘里江境內僅留總

兵劉士奇七營東境內僅留臬司潘鼎新十一營地曠兵單空虛

已甚如賊北竄聊張虛聲以為策應其餘營分防運河者斷難

擅動就目前大局而論督篆未卸政務極煩固不可遽離徐州

曾國藩力辭回任又駐周口距鄂豫較近相機調度必無貽誤臣

仍隨時悉心會商並籌備後路餉糈轉運以利師行諄諭諸將戮

力戰守以赴機會冀得早殲醜類仰慰

聖廑所有籌商調度大略情形謹摺摺由驛馳陳伏乞

皇太后

皇上聖鑒訓示謹

奏

據報各路賊情飭催各軍入鄂會剿摺
奏為據報各路賊情並飭催各軍入鄂會剿恭摺仰祈
聖鑒事竊臣等奉十二月初一初二初四初六初九十二十三等

寄諭飭催鮑超劉銘傳張樹珊周盛波等軍分道入鄂會剿臣查
鮑超一軍已於初六日由南陽拔隊赴新野樊城劉銘傳乘璋
兩軍於初四初六等日抵信陽初八九日分起拔往棗陽此三軍
者均已入鄂之北境分路前進正得迎頭攔擊之勢張樹珊一軍
於初二日由麻城馳赴黃安之河口與周盛波會合初六日進應
山之廣水驛周盛波一軍在黃安候提餉銀初五日進應山之馬
口嶺此二軍者均已入鄂之東北境合力進取又得從旁兜剿之
勢據劉銘傳張樹珊等稟報皆接湖北撫臣曾國荃來函商令劉
銘傳劉秉璋會於棗陽擱頭進偕張樹珊周盛波由應山折赴應
城與郭松林等會剿十二月初一日郭松林等軍在安陸之楊家
峯遇賊大戰獲勝初五六等日捻逆仍聚鍾祥之曰口一帶賊眾
以數萬計蘇互頗遠又據探稱該逆於襄河淤淺處竄越前股擾
及荆門之石牌驛後股尙踞安陸境內未知確否揣度逆情初欲
從安陸遁竄隨回豫現有鮑超劉銘傳等大枝勁旅由西北歷
下則回竄無路必又退屯襄河左右仍窺腹地曾國荃是以函飭
張樹珊等由德安應城協同兜剿兼顧後面曾國荃於兵事臣
復飛飭請將就近乘承指示相機妥辦必不貽誤事機惟有可慮
者兩端各軍在襄河東岸兵勢四集蹙賊一隅適屆冬令水涸難
保不借急避兵偷渡河西則荆襄完善不免蹂躪鮑超由襄樊直
下正可搗其北面鄂省兵力或能遮其西面此可慮者一劉銘傳

劉秉璋張樹珊周盛波皆淮軍也糧臺尙在金陵轉運支應亦設
在安徽之正陽關今深入鄂境相隔千數百里餉運艱遠人地生
疏有阻乏難繼之勢據各軍稟報入鄂後日行六七十里山嶺重
疊較東豫百里為尤難勇夫足裂驟馬蹶蹶者不一而足其飢困
形狀可想賊在襄河東岸尙可勉奮馳驅若至襄河以西恐難強
令遠去此可慮者二欽奉

寄諭鄂省地勢既非平曠馬力不能施展若各軍四面夾擊齊心
併力必可痛挫其鋒以後勢如破竹易於剿辦等因仰蒙
聖明指授機宜曲盡事理曷勝欽服目下軍勢既集網羅已張鄂
省西南有漢江之阻較東豫地形平曠者有閒曾國荃久擬誘賊
入險三面兜剿以期聚殲無如本省兵力不厚圩寨過少賊得飽
掠亂竄然憚於郭松林等之追兵猛進雖陷數城未敢屯踞少停
喘息鄂軍實甚出力此次鮑超劉銘傳抵棗後該逆如尙未出
鄂境冀就地圍剿痛挫其鋒臣昨緘商曾國荃謂勿以賊速出境
為望而以設法殲除為謀曾國荃與諸將均同此意但賊極飄忽
未知能辦到否嗣後該逆即在鄂中久屯旁逸似無礙於鄂省大
局而有益於滅賊大計也惟鄂邊山境歧出此弊彼竄恐仍乘閒
回豫臣前咨商曾國藩派令李昭慶統率王永勝董鳳高等軍馳
赴汝甯信陽擇要屯紮以備鄂賊回竄時迎頭截擊李昭慶現已
於十一日由周口拔隊赴汝甯布置又據統領老湘營總兵劉
松山自洛陽稟稱探聞張總愚捻股於初四晚由臨潼縣屬之交
口雨金嶺渡過渭北已於關山鎮西豫讓橋一帶屯踞等語先在
劉蓉飛咨張捻回竄渭華將圖偷渡同朝是晉西河防與秦中腹
地均甚喫緊該逆既經渡渭一時似不能回豫不致與鄂中任賴

各逆句合聞山西泉司陳泥水陸布守順嚴又有曾國藩所派劉
松山張錫燦等營分屯洛陝與陳泥就近策應雖嚴冬河凍成
橋礮船難以得力但宜分軍沿河密紮先保晉省完善之區俟鮑
超殄滅東股自當遵
旨折赴陝中徐圖堵蕩所有近日各路賊情並飭催各軍入鄂會
剿緣由理合專摺由驛五百里馳陳伏乞
皇太后
皇上聖鑒訓示謹
奏

奏稿十

奏

李文忠公奏稿卷十

李文忠公奏稿
卷之十一目錄



- 援秦籌辦麥捐摺 同治六年五月初二日
- 德安接仗張樹珊陣亡片 同治六年正月初二日
- 請飭何國藩回任片 同治六年正月十九日
- 徐防兵餉歸併糧臺片 同治六年正月十九日
- 督軍起程籌度軍情摺 同治六年二月初一日
- 行抵歸德通籌調度摺 同治六年二月初八日
- 銘軍尹澧河挫敗片 同治六年二月初八日
- 進駐周家口籌商調度摺 同治六年二月二十日
- 奏調何慎修吳贊誠片 同治六年二月二十日
- 籌軍援鄂請催鮑超前進摺 同治六年三月初九日
- 所部各軍入鄂賊又北趨摺 同治六年四月初三日
- 請准鮑超在營養疾片 同治六年四月初三日
- 周盛波獲勝信陽摺 同治六年四月初十日
- 援陝湘軍獲勝摺 同治六年四月十四日
- 各軍追賊黃安銘軍迎擊大勝摺 同治六年四月二十三日
- 賊敗出鄂竄南陽摺 同治六年四月二十九日
- 懋陳山東協餉遲誤片 同治六年四月二十九日
- 賊勢東趨調派追剿摺 同治六年五月初九日
- 賊過運河移營調度摺 同治六年五月十八日
- 劉松山援秦疊勝片 同治六年五月十八日
- 行抵歸德布置大略摺 同治六年五月二十四日
- 行抵濟甯籌防運河摺 同治六年六月初六日

陳明辦賊大致暫難親赴前敵摺 同治六年六月十七日

劉松山追擊張逆片 同治六年六月十七日

賊入登州抽調運防隊伍摺 同治六年六月二十二日

膠萊河防已定馳赴前敵督勦摺 同治六年七月十八日

劉松山追勦張逆屢勝片 同治六年七月十八日

賊由濰河搶渡相機調度摺 同治六年七月二十八日

奏稿十一目錄

李文忠公奏稿卷十一

全集一之十一

桐城吳汝綸編錄

援秦籌辦麥捐摺

同治六年正月初二日

奏為酌籌援秦兵食請援浙省減成米捐成案變通辦理仰祈
 聖鑒事竊前以鮑超一軍入秦勦捻經曾國藩派委丁憂在籍之
 江蘇題補道薛書常商請山西撫臣撥款就地購糧接濟嗣鮑超
 回按鄂省復檄總兵劉松山編修張錫燦等軍入關援勦並在陝
 州設立糧臺仍令薛書常就近支應臣惟各軍西行不能枵腹荷
 戈亦難裹糧前進全賴該糧臺就近寬籌米麩以資接濟西路地
 鮮產米麥價亦昂且有錢無市猝辦不及若不豫計購儲必致臨
 時缺乏晉省撥款緩不濟急即金陵糧臺向支該軍餉項轉輾接
 運道路既遠難免阻滯現雖由臬司陳澍籌銀萬兩交薛書常在
 靈寶縣設局采買然為數無多亦難源源接濟後路稍不應手前
 軍立見飢譁亟宜先事籌維多方補救因思同治元年升任浙江
 撫臣左宗棠因軍食艱窘
 奏准援照湖北米捐減成章程就地收捐頗著成效秦中軍務之
 急無異於浙而餉運之艱有過於浙自應仿照辦理目下賊勢出
 沒渭華一帶窺晉回豫尚不可定戰事方長軍情萬緊秦晉豫地
 雖三省事同一家各軍奮勇西行實能裨益全局凡係紳商富戶
 各宜量力捐輸河北三府及晉豫交界尤稱完善薛書常籍隸陝
 州情形熟悉且鄉誼融洽必能就地勸助應飭督同各府州縣官
 紳廣為籌辦惟是南北情勢不同捐麥則易捐米則難未便拘泥
 定章查浙省原案凡捐實職虛銜照辦餉例統減四成升銜加級
 各項向減四成者准再遞減二成捐米一石加耗米一斗五升運

腳銀三錢五分准作捐例銀五兩其願交折色者每米一石連折
耗運費交庫不足紋二兩五錢飯銀照例仍照例交納均以庫平
足紋上兌概不准搭交錢鈔餉票等項其應歸京銅局收捐各條
並補交四成實銀者仍不准收以願京餉是浙捐雖係減成較之
現在河南陝西兩省捐章每例銀百兩折捐實銀多至七八兩不
止與其一成不易壅滯難行何如稍事變通來源可旺再四籌度
惟有將米捐改為麥捐原章捐米一石交庫平足紋二兩五錢改
為麥捐一石交庫平足紋二兩雖較陝西尚嫌其昂而與河南不
相上下仰懇

聖恩特准援照浙省米捐成案變通辦理
敕部先頒各項虛銜封典及貢監生空白執照一千張飛遞
轉發趕緊籌捐以裕兵食而利戎機其有願捐實職者隨時分卯

彙

奏其有外籍民人自願捐輸者亦聽其便至於鄉鄰之人但求衣
頂或情殷報效而力有未充擬由刊發五品以下功牌視捐數
之多寡分等給獎俟彙咨所有變通捐章籌備軍食緣由理合
繕摺由驛馳陳伏乞

皇太后

皇上聖鑒訓示施行謹

奏

德安接仗張樹珊陣亡片 同治六年正月

再前催各軍入鄂會剿業經馳報在案茲據涼州鎮總兵周盛波
等馳稟十二月二十日與總兵張樹珊奉湖北撫王曾國荃飭
赴雲夢縣境圍擊張樹珊亦同抵應城二十一日黎明又接曾國
荃前稱捻逆全股竄近德安距城僅三十里周盛波當由雲夢中
途折回向德安前進行抵兩河口搭浮橋過渡行數里又阻淺河
未刻突見隔河胡家店一帶賊眾自北而南周盛波揮軍涉河前
進迎頭擊之是日劉秉璋所部亦抵該處周盛波與之左右聯絡
進剿該逆猛驅馬賊沖我陣經大小炸礮連環轟擊逆猶拚死
抵拒馬賊擊開步賊繼進我軍屹立如牆鎗礮抵擊自未至戊糜
戰四時連開炸礮百餘彈斃賊極眾逆始敗潰全股折奔西北我
軍迫八九里夜深乃回此周盛波接仗獲勝情形也張樹珊與盛

本稿十一

軍東西分進相隔約二十里是日午後至德安之王家灣適任賴
牛李大股匪至眾約數萬張樹珊以游擊日久雖屢挫賊氛恨未
撲滅帶隊進五六里至新家園見賊屯紮楊家河東岸縣互十
餘里遂分所部六營左右夾進自督副營居中馬隊四面游護我
軍擁而進鎗礮如雨沖撲過河賊死傷無數紛紛敗潰張樹珊
督隊直追莫得痛勦不意該逆大隊分路回抄我軍力單前後隊
被賊沖斷均在重圍賊騎愈裹愈多各營衝突十餘次出而復入
一而整立營牆復加排擊賊始敗退時已三更各營官不見統領
尋至河邊始獲張樹珊屍身詢據逃回親兵云當賊回犯時該鎮
營副營及親兵善戰賊陣被圍攻心昏夜莫辨及至親兵二
百餘人傷亡將盡張樹珊猶大呼衝突手刃數賊力盡斃於賊
所此張樹珊力戰陣亡該軍先勝後挫之情形也查石江鎮

總兵張樹珊自咸豐四年隨在皖北帶勇血性忠篤治軍精強嗣隨勦江浙所向有功歷克名郡該軍向止樹字六營與其兄直隸臬司張樹聲會統其兄以謀勝而弟以勇勝四年春張樹聲赴徐州道任遂令張樹珊專領其眾曾國藩又為添募步勇兩營馬隊一營轉戰東豫各省屢獲大捷每以兄弟受

國厚恩奮勉報效臨敵勇敢馭下有恩實有古名將之風該部在淮軍中人數最少去冬張樹珊過徐求添馬隊三千誓圖滅賊臣以餉缺未允竊自愧恨此次援鄂早慮其打仗過猛寡不敵眾疊經批檄令與周盛波合進一路以厚兵力詎倉卒遇賊與盛軍隔河並戰互救不及軍未敗而身亡追念忠勳惻悼曷已應請旨敕部將遇缺提督廣西右江鎮總兵張樹珊照提督陣亡例從優議卹並懇

奏稿十一 四

特恩予諡准於廬州本籍及立功地方建立專祠以彰忠節其隨同力戰陣亡之副將劉登朝郭有容都司馬壽文同知銜升用知縣李輝麟都司銜守備黃瀚均請照原銜從優議卹並附祀張樹珊專祠所遺右江鎮總兵一缺可否容於各軍打仗出力記名提督總兵人員內遴選請

旨簡放其樹字馬步各營業飭護送張樹珊靈柩回豫再行妥為整頓臣接曾國荃二十三日咨函知劉銘傳亦進抵德安會合周盛波等跟蹤追躡賊已向西北奔竄如仍在京山天門尚可兜剿若由宋河集走隨州前路無軍攔堵勢將入豫鮑超已回樊城恐調轉不及等語捻逆本極狡悍行走如飛去秋兩竄東境年饑寨密無糧可擄我軍乘勢逼之漸形窮蹙此番竄鄂月餘飽掠人眾官軍飢走疲乏輒為所乘逆勢復張徒增焦憤除俟各軍續有戰

事再行具奏並飭李昭慶由羅山麻城相機折赴豫境協力堵擊外所有盛樹兩軍在德安接仗情形附片縷陳伏乞聖鑒訓示謹

奏稿十一 五

請飭曾國藩回任片 同治六年正月十九日

再湘淮勦擒全軍糧餉軍火專恃兩江總督曾國藩與臣懇陳均已仰邀

鑒察年來臣在後路竭力籌畫所屬官吏不稍掣肘湘勇來路較遠人數較少尙可勉發全餉淮勇各軍去年僅能發給九關除積欠口糧不計外以入抵出每年總欠三箇月近日徵調奔馳動輒數千里疲苦缺乏軍心勞怨徒恃臣等恩誼相維各統領約束尙嚴未至譁潰然臣等無日不凜凜迫於時勢不得已也臣今已卸督篆無地方之權即無籌餉之責昨與曾國藩商議餉源仍指江蘇除外洋軍火米糧長夫車驟雜項絲毫不可缺誤外淮軍餉銀每年至少必須放足九關俾臣得以激厲將士齊心辦賊但以現餉養現軍蘇力已不能獨支若再添募馬隊經費更無所出躊躇

再四相對咨嗟曾國藩久勞於軍所稱衰病情形實無捏飾惟感

聖主倚畀之隆臣復仰體

眷懷以大義相勸勉似可力疾任事捻匪已成流寇蔓延數省勦辦本無把握况臣才智極短深以不能滅賊為懼仰求

朝廷諒臣之愚忠不責臣以速效臣敢不悉心報稱竭蹶支撐所幸陝甘軍務已奉

旨責令左宗棠督辦左宗棠才力有餘當能制賊潼關以內臣軍斷難遠顧至東豫皖鄂江蘇五省無論何處緊急臣必提師赴援與各督撫和衷商辦稍效縣薄勉顧大局惟長江千里空虛番舶如織游匪橫行自臣去金陵後時恐小有蠢動回顧不及督臣必須常駐省會坐鎮四方曾國藩慮臣照料難周移駐徐州力顧東

路並以回任跡涉艱難取巧具見公忠蓋抱貞介素心臣亦深為感敬但臣在江年久審知後路籌餉察吏督臣綜攬大綱不可遠離臣即赴豫鄂而東運各防尙有布置遇有捻警亦必令追兵速來曾國藩即回金陵臣必隨時隨事虛衷商榷與駐徐調度無甚懸殊可否仍乞

聖明敕令曾國藩早日回省久於其任則東南已成之局不致敗壞即中原方張之寇終可殄除通計天下大勢關係良非淺鮮臣無任觀幸悚禱之至理合附片陳明伏乞

皇太后 皇上聖鑒訓示謹

奏稿十一

七

徐防兵餉歸併糧臺片 同治六年正月十九日

再徐州自咸豐三年軍興以後設立糧臺飭派徐州道經管收支各款均由該道專案造報因督臣相距較遠詳由漕臣覆核請銷同治三年江甯克復軍務稍鬆經臣火棠奏改糧臺為善後局一切軍需仍由徐道收支造報同治四年督臣曾國藩奉

命督師來徐後設立徐州行營糧臺支放湘淮軍餉及儲運米糧軍械等項仍派徐州道經理去年九月臣復奉旨赴徐辦理軍務當即督率徐州鎮道將防馬步兵勇從新整頓裁汰老弱添募精壯仿照湘淮各軍營制設立長夫製備車輛並將帳棚軍火等項一一料理整齊改名鳳字營交徐州鎮總兵董鳳高統帶與湘淮各軍一律調遣已於去冬撤令赴豫助勦在

案查徐防兵勇既與湘淮合軍則餉項不應再分徐州既已設糧臺則善後局不應管餉同一期掄之師同歸徐道經理而彼壘此局各支各款未免雜出紛歧臣已札飭該道李鴻裔將善後局軍需款目起於二月內分別清釐相應

奏明自三月初一日為始將徐防軍餉歸併徐州行營糧臺毋庸由善後局支放該局所收地漕釐捐湖租及各省協餉均由該道提解糧臺照章收支自上年三月該道到任之日起一切收支各款應飭造具細冊移送金陵總糧臺彙入期掄案內詳由督臣覆核奏銷合併之後永遠遵辦毋庸該道專案造報以歸畫一而免歧異臣自去歲駐徐據該道李鴻裔以用款甚繁入款太少稟請籌濟查徐防兵食以豫東晉三省協餉為大宗近年撥解寥寥而徐軍出境助勦遠赴豫鄂較從前需餉尤鉅現既改歸大營糧

支應合併仰懇天恩飭下各該省查照舊案撥解臣當以查接濟除分別咨照外理合會同督臣曾國藩漕臣張之萬附片陳明伏乞聖鑒謹奏

奏稿十一

九

督軍起程籌度軍情摺 同治六年二月初一日

奏為督軍起程赴豫並籌度大概軍情恭摺仰祈

聖鑒事竊臣交卸兩江督篆後連日與曾國藩熟商兵餉及地方各事大致粗定疊接鄂省探報鮑超劉銘傳會勦任賴捻股於安陸府屬之楊家峰尹澧河一帶正月十五日劉銘傳統軍先至迎擊獲勝追逐四五里因軍中訛傳後面有賊分隊回救賊眾悉力回犯銘軍挫退兵將頗有折損幸鮑超督隊接應奮力轟擊殺賊數千大獲勝仗該逆仍向安陸西路竄去又據豫省探報捻股自棗陽直趨東北二十二日竄至桐柏泌陽交界之平氏鎮勢已東趨颶疾如風淮湘各軍均已深入楚境一聞該逆竄豫當即追躡北來而軍行斷不及賊行之速臣已檄調山東臬司潘鼎新由濟甯率所部赴豫之尉氏扶溝擇要暫駐擬於二月初三日親督

奏稿十一

十

古州鎮總兵劉士奇所部奇字馬步八營自徐州啟行入豫先由歸德至周家口駐紮如途次賊警漸近即在歸德暫駐相機調度河南撫臣李鶴年兵力本單臣部各軍在鄂者數月奔馳遠役疲乏急切未能趕到銘樹兩營新挫亦須休息整頓再圖進剿目前別無可調之軍曾國藩前檄令鮑超緊躡任賴一股凡在開封以西如南陽許州汝甯境內均與之縱橫追逐如任賴至汝州河陝等處亦跟蹤西行等語實屬切中事機應令鮑超迅督所部由豫西兜擊俟臣部各軍抵豫後再由豫之東路兜擊惟豫中地勢平曠無險可扼賊又善於避兵疾走勦辦殊無把握東徐一帶除防運各營外竟無一枝游擊之師若該逆乘虛闖入臣仍須派兵往來追剿所有督軍起程赴豫並籌度大概軍情理合恭摺由驛馳陳伏乞

皇太后 皇上聖鑒謹 奏

奏稿十一

十

行抵歸德通籌調度

奏為行抵歸德查探賊蹤通籌調度情形恭摺仰祈

聖鑒事竊於二月初三日自徐州啟行當經專疏陳報在案途

次承准軍機大臣字寄二月初一日奉

上諭賊數不下十萬鮑超既與賊相持自不能舍而之他著即整

隊前進會合豫鄂諸軍將此股全行殄滅並著會同李鴻章酌

度軍情如任賴股匪鮑超一軍足能賊事即令該提督暫紮鄂豫

之交先將此股辦竣軍情日夕變遷朝廷不為遙制會同李鴻

章務當權衡緩急統籌大局不得置陝事於膜外等因欽此仰見

廟算周詳謀慮深遠曷勝欽悚臣在徐時屢與會同藩籌商以賊

情而論張總愚入陝一股向不若任賴等股之悍固該兩逆衅怨

已深勢難久合故張逆避至陝西欲與回匪勾結然回逆自懸巢

穴未必需此黨羽秦地瘠苦多山似張逆終當回竄鮑超即遠去

亦不過驅之回豫耳任賴等股以任柱為最悍而馬賊獨多自入

鄂後據稱益眾往來中原四達之地剽忽狡譎從不踞寨守城難

得合圍痛剿鄂中地形較險是以鮑超尚能因勢獲捷若乘機蹙

之與有殄滅之機以軍情而論劉松山十餘營入秦臣等先令薛

青常在靈寶設局辦糧又令山西臬司陳澍就近籌濟近以銀米

兩缺匱乏時虞若鮑超馬步全軍勇夫二萬人入陝月需米糧更

多實屬無力購運該軍若因飢譁潰轉於大局有損左宗棠以疆

任軍事呼應自靈轉運當較易為鮑超則客軍也臣等不敢保

其遠去不飢乏也竊就日下賊情軍情揆之應仍令鮑超在鄂豫

先辦此股為便臣於初七日行抵河南歸德府連接南路羅山正

陽各縣探稟任賴等股自桐柏繞信陽城北之長台關雙井店向

羅山東竄二十八日竄至光山之陳家棚旋折而南竄渡陂河又

由白雀園舊路竄鄂之麻城等語適准湖北撫臣曾國荃二十九

日函稱鄂軍追賊悉已西至棗陽頃調回東路黃麻堵剿未知能

否趕及是鄂東空虛實甚該處寨少糧多逆眾盤旋肆擾且恐楚

及皖之宿太潛霍為患滋深臣已飛咨鮑超自樊城拔隊由德黃

山內兼程東下會同曾國荃所部分投截剿如賊趨皖省即跟追

入宿太境內如賊復由鄂回豫即由信羅麻黃山會合各軍兜

擊其東面六安英霍固始潁州一帶並咨安徽撫臣英翰派兵嚴

密堵剿至淮軍援鄂劉秉璋周盛波兩軍二十七八日已由信陽

赴羅山劉銘傳一軍二十六日抵信陽暫息李昭慶一軍由棗陽

即赴羅山豫軍宋慶善慶各軍亦進抵羅山現在捻逆趨向未定

擬令霆軍與鄂軍專由山內兜剿淮軍與豫軍暫在山外扼剿臣

於拜摺後即起程赴周家口就近相機調度仍視該逆所向與各

撫臣合力籌辦惟賊速兵遲總期就地勢一痛懲之所有查探賊

蹤通籌調度情形理合專摺由驛六百里馳陳伏乞

皇太后

皇上聖鑒訓示謹

奏

銘軍尹澹河挫敗片

再直隸提督劉銘傳一軍正月十五日在安陸尹澹河接仗先勝後挫業將大概情形於初一日陳明在案茲接劉銘傳文稱正月十四日由安陸馳抵下洋港探知賊眾聚尹澹河與鮑超約約次日分道前進軍由西而東銘軍由北而南以期兩面夾擊十五日辰刻銘軍先至尹澹河望見賊股均紮對岸當將輜重寄放河邊留王德成龔元友兩營護守劉銘傳即督部過河進剿馬賊千餘向北包抄步賊繼進陳振邦保成等率馬隊擊賊騎賊而步賊亦向南遁我軍馬步分追四五里忽後路驚傳有賊疊次飛報不知係建軍亦由此路進也劉銘傳恐後路有失兩營守護太單復由前敵抽派步隊三營馬隊二營回顧後面賊見我軍抽隊過河悉力回犯劉銘傳以十二營分三路迎勦任逆率眾先撲左軍牛逆撲犯右軍賴李二逆抵拒中軍中右兩軍尚未交手而任逆大股已將左軍全隊包裹劉盛藻鏖戰多時漸不能支劉銘傳當令黃桂蘭張士元李錫增三營暫舍賴李兩股往救左軍行不數武左軍已敗退過河李錫增見賊追左軍奮力衝擊深入賊中中鎗陣亡賊即乘勢擁進復將中軍圍住唐殿魁急率所部援救詎任賴牛李各股併力包抄劉銘傳親率中軍且戰且退右軍衝突不出唐殿魁率部戰至河邊殺賊無數賊眾攔圍馬斃墮水與營官田履安吳維章同時陣亡弁勇陣歿六百餘名賊眾馬步全行過河跟追劉銘傳督飭王德成龔元友等接應擊退賊敗過河鮑超乘勢踵進分勦大獲全勝殺賊數千並准會國荃函稱是日劉銘傳所部殊死戰頗為喫力各等情前來臣查劉銘傳勦賊向稱得力自四年四月親王們格林沁殉節後捻勢猖獗向賴劉銘

傳督隊苦戰兩載以來屢挫賊鋒未嘗稍收惟去年三起山東兩

入湖北往來徐豫皖各境逐賊而行寒暑無間該部部隊居多勞苦疲乏遠過他軍該提督血性忠勇平素好戰輕敵曾國藩與臣皆慮飢疲日久或有意外之挫疊經批兩勸戒令其益加持重不料尹澹河之役接仗過猛又因鮑超期會偶誤致有此失幸寔軍援應奮勇再接再厲乘機大捷轉敗為功該提督經此挫折以後閱歷更增當倍穩慎據劉銘傳自請參辦應否量予薄懲或加恩暫行寬免以觀後效出自聖裁道員劉盛藻統帶銘左軍先行敗退固屬眾寡不敵究竟督隊不力應請旨將劉盛藻拔去花翎撤銷勇號仍責令帶隊勦賊至記名提督調補廣西右江鎮總兵唐殿魁治軍嚴整勤勇絕倫自隨臣渡江東征轉戰數省每陣當先勦勞卓著為銘軍最為得力之統將此次力戰捐軀深堪痛惜記名總兵田履安總兵銜儘先副將李錫增副將胡衡章劉朝煦吳維章候選知縣舉人陳允孚均歿於戰應併請旨敕部查照原銜從優議卹唐殿魁並請照提督陣亡例從優賜卹以慰忠魂其餘陣亡弁勇容俟查明分別奏咨請卹劉銘傳二十六日追賊至信陽來兩擬稍息數日仍即躡蹤追勦臣念該軍勢乏過久新挫之餘批令及時休養整練再圖大舉切不可逞憤性急所有銘軍正月十五日在鄂境接仗先勝後挫詳細情形附片具陳伏乞聖鑒訓示謹奏

進駐周家口等商調度摺

奏為進駐周家口連日等商調度情形恭摺仰祈

聖鑒事竊臣行抵歸德會將各調總超赴鄂先期任賴等股緣由

於初八日馳陳在案臣於十二日行抵陳州府南六十里之周家

口暫駐催調後路軍裝糧餉緘商前敵各處軍情劉秉璋周盛波

等馬步二十一營於初七日追賊至湖北麻城縣據報賊已東竄

巴河斬水將由廣濟入皖之宿松太湖劉秉璋等即於初八日由

麻城繞羅田山中進向英山抄出宿太以冀攔賊之頭嗣疊准湖

北撫臣曾國荃咨前賊於初九等日由廣濟及黃梅宿松邊

界曾國荃擬移駐黃州防鄂軍彭毓橘劉維楨等馬步四十六營

分為兩路跟蹤東下會勦計劉秉璋等陟山越嶺尙需時日賊

蹤迅疾或由宿太北向潛霍東趨舒桐則皖省腹地糜爛又令李

昭慶王永勝董鳳高等所部由光商進六安會商劉秉璋暨皖軍

分投攔擊又令蘇松鎮總兵楊鼎勳帶所部八營由周家口馳往

光州探明賊蹤會合進勦總期扼堵北竄就南路山斷水連之處

合力兜裏如各軍漸逼漸近數路攻打較易為功猶恐地廣軍單

賊速兵遲該逆復旁逸回竄飛商安徽撫臣英翰多派弁兵赴英

霍舒六擇要扼布未知果有濟否昨准鮑超十四日函稱擬遵前

旨拔隊由南陽潼關援陝適接臣咨令人鄂先勦東股仍候奉

旨定奪臣頃奉二月十四日

寄諭准照所請令鮑超在鄂豫之交相機進剿軍情且夕變動鄂

事近又稍鬆臣復備咨商請鮑超迅率所部即由南陽取道信

陽羅山而至光固屆時無論任賴竄往何處皖鄂何路有警即行

兼程進擊設法兜滅該提督於兵機地勢素能洞悉想可酌量選

辦臣查東豫游賊饑餓無繼可據該逆知鄂皖交界橫殺尙多趁

此春荒人山揭脅轉瞬麥熟必圖渡淮北趨而淮河下游自正陽

關達臨淮較為寬深皖省當派峻船節節巡扼將來該逆竄路不

由宿霍漸黃回鄂即由光固六鳳過淮臣現商鄂皖撫臣及各統

將欲於江淮之間設法兜圍較得地利但兵力強弱不齊遲速難

定未敢謂有把握如果諸軍大集賊未遠颺臣再馳赴皖豫之交

相機督辦所有進駐周家口連日等商調度情形恭摺由驛六百

里馳陳伏乞

皇太后

皇上聖鑒訓示謹

奏

奏稿十一 七

奏調何煥修吳贊誠片 同治六年二月二十日

再臣督師勦擒凡聯絡前敵各軍籌辦後路餉運均須得人襄助查行內閣中書何煥修清操卓識體用兼備廣東候補道吳贊誠治軍理餉精細樸實以上二員臣所素知合無仰懇聖恩飭交臣處酌量差委其道員吳贊誠並懇飭下廣東督撫臣迅飭前來軍營俾資任使謹附片陳請伏乞聖鑒訓示謹奏

奏稿十一

六

籌軍援鄂請催鮑超前進摺 同治六年三月初九日

奏為鄂省軍情緊急籌派各軍援鄂並請旨飭催鮑超力疾督隊前進恭摺奏祈

聖鑒事竊臣進駐周家口業將籌商調度各情於二月二十日馳報在案旋接各路探稟任賴捻逆於二月十四五日由廣濟黃梅竄近皖邊適山西藩司劉秉璋涼州鎮總兵周盛波等統軍由羅田英山於十五日起至太湖迎頭攔截兵部侍郎彭玉麟復督師船駛往安慶江面署安徽藩司吳坤修督勇布置省防撫臣英翰所部亦分赴潛太英霍堵禦賊即於十六七日由蕪州蕪水回竄十八日鄂軍記名藩司彭毓楨督隊在蕪水六神港迎勦先勝後挫彭毓楨與葛承霖等陣亡業經湖北撫臣曾國荃專摺馳報並疊函商請臣處派援臣部各軍先已飭往皖境堵勦因檄令劉秉璋周盛波周盛傳等由宿太跟追入鄂兼蔽皖省門戶李昭慶馳抵六安即由商固折回入鄂楊鼎勳行抵光州即由光山入麻城相機攔擊東北兩路或較穩固惟捻勢西趨鄂軍單弱自彭毓楨挫敗後賊即蔓延黃岡黃陂腹地有回竄德安之意鄂省西北極為空虛鮑超久駐樊城極奉

奏稿十一

九

寄諭飭令追勦任賴等股若就近由德安馳赴黃州迎勦最得機勢乃疊准鮑超咨兩因病奏請開缺回籍調養已奉溫旨慰留臣並六次咨催五次兩勅速援鄂省以顧餉源而維大局昨准初二日來函謂該提督傷病難支已再奏懇開缺並請臣處派員接統該軍等語臣查定軍馬步人敗甚多十餘年久戰精銳功績卓著皆由該提督自行募練必須該提督統率進勦呼應方靈臣處實無勇幹大員可以遞派接統查請該提督仍遵

諭旨辦理並與國茶壘商勉勵其力疾援鄂又咨請曾國藩一體咨催去後可否仰懇

天恩俯念該提督宣勞最久鄂事正緊飭催力疾統軍由樊城逕趨黃州會同各軍迅將任賴捻股合力剪除再行

賞假調理實於期捻全局有裨臣仍就現有兵力與鄂豫皖各撫臣酌籌布置飭劉秉璋李昭慶等相機分路穩紮穩進協力援剿

冀紓鄂患而慰聖慮所有等派各軍並請飭催鮑超力疾督隊各緣由謹繕摺由驛六百里馳陳伏乞

皇太后皇上聖鑒訓示謹

奏

奏稿十一

二十

所部各軍入鄂賊又北趨摺同治六年四月初三日

奏為臣部各軍先後入鄂援期賊勢又漸北趨恭摺奏祈

聖鑒事竊臣前因任賴捻股由黃郡西趨催調鮑超一軍就近由樊城迎剿嗣准鮑超函稱傷病沈重實難支撐聞賊有由安陸上

竄之意擬派運軍營務處記名提督宋國承與譚勝唐仁廉會成武鄂訓誥陳由立楊德珍黃海清等同帶全部出八條岡觀賊

所向商請曾國荃就近調遣並准曾國荃來各捻逆大股腐聚鍾祥之白口京山之尹澧河一帶必須選鄂湘淮合軍三面並進逐

漸合圍再行進剿各等語曾國荃派員省視鮑超病狀據稱伏枕呻吟難遽強起督隊所部將領無人統率即暫紮八條岡距安陸

甚遠尚不足以扼要衝緣鮑超傷病屬實未便再四煩催而曾國荃求援迫切豈忍漠置飭催劉秉璋李昭慶等分起前進李昭

奏稿十一

三

慶二十一日行抵德安即帶王永勝董鳳高等進扼京山之宋河

劉秉璋周盛波亦由太湖宿松同進斬黃與楊鼎勳會於麻城之

宋埠二十六日進抵雲夢臣又飛飭劉銘傳由信陽入鄂之應山

隨州據報於四月初一二日陸續拔行是鄂省東北兩面兵力已

厚如安陸西北一路果有重兵扼擊庶可就地勢三面兜圍以收

聚殲之效茲接李昭慶二十七日由京山稟報賊由尹澧河鄂東

驛洋梓一帶上竄二十五日已竄過安陸府擾及流水溝豐樂河

等處恐由襄棗之間復窺豫境現派開鳳等營馳赴隨州之雙河

扼紮但襄陽襄陽交界無兵攔截賊乘隙北趨駭駭有出豫之勢

臣部各軍一轉瞬聞又落賊後可勝焦慮臣本擬選准各軍進抵安陸上下分投扼紮漸備漸緊辦較有把握臣再馳往鄂境督

徽撫臣英翰來周口會商軍務臣與面議現屆麥熟捻必回竄皖軍宜整備出境互為聲援所有臣軍先後入鄂賊勢又漸北趨各緣由謹繕摺由驛五百里馳陳伏乞

皇太后

皇上聖鑒訓示謹

奏

奏稿十一

全

請准鮑超在營養疾片

同治六年四月初三日

再前據運軍營務處記名提督宋國承暨該部統帶馬步隊各提鎮公稟鮑超病勢加重懇請臣處派員接統等情鮑超續函語意略同當經臣函屬鮑超靜心調理現在進剿緊急如不能親督前往即就該營將領中自行酌派一人暫代統兵俟調養就痊再行督剿頃又接據宋國承等二十七日自八條崗公稟鮑超病勢委頓急欲離營醫治請臣就選軍將領中選員暫代等語臣自咸豐九十年間在曾國藩幕府數與鮑超會晤頗相洽洽營各將多未見過嗣臣帶兵東下鮑超轉戰江皖遠隔久遠於該營人材之長短軍情之向背實無由深知底蘊此次鮑超引疾商詢曾國藩曾國荃如何辦法曾國荃覆函謂於選軍不甚諳悉現請宋國承唐仁廉等統營進剿仍望鮑超病愈親往視師曾國藩鈔示致鮑超信稿勸其竭忠耐勞力疾治軍永保令名與臣處致書慰勉之意均相脗合臣維日下肝陽當令傷疾易發入夏後冀漸痊復鮑超身經百戰勞傷過重殊堪憫念惟該部三十餘營打仗素稱得力現值賊窺棗襄堵剿喫緊之際似應擇人暫代俾資鈐束台無仰懇天恩准令鮑超在營安心調養隊護諸將飭就選軍將領中酌派老成勇幹一二員暫行代統進剿由該提督查明臣處以便加飭飭遵仍俟鮑超病痊親行督率以示體卹而專責成是否有當伏乞聖鑒訓示謹附片具

奏

周盛波獲勝信陽

奏為任賴捻股由東陽隨州東竄信陽境內劉銘傳同軍迎擊周盛波由應山追剿大獲勝仗賊又南竄入鄂恭摺奏祈

聖鑒事竊捻逆北竄東陽飛調劉銘傳由桐柏探剿業於初三日馳報在案劉銘傳初一日督軍至游河店探聞賊竄屬山一帶邊

馬繞至桐柏之四十里沖初二日賊又折竄黃土關大廟畝邊馬擾至譚家河西雙河距信陽東南四五十里劉銘傳於初四日由

游河復回信陽初五日進紮西雙河迎頭攔截適周盛波周盛傳等帶隊由湖北應城趨應山初四日自廣水驛出信陽武勝關賊

銳欲東竄但防前敵有兵不虞我軍之躡其後也周盛波探悉任逆大股在台子畝譚家河並踞民圩牛賴二逆在西山河李允踞

平靖關初五日黎明周盛波率三營由台子畝山左進周盛傳率

三營由山右進周壽昌劉啟福由中路進吶喊突前聲震巖谷賊

眾倉皇紛拒我軍鎗擊矛刺斃賊極多層層疊嶂中賊馬不能馳

驟大半棄騎徒步四竄我軍分路追殺直至譚家河任逆越山南

竄輜重悉存所佔民圩留悍賊守護官軍併力殺入牛賴各股自

西山河率眾來援周盛波軍迎擊援賊又潰我軍奮力追截沿

途斃賊千餘餘逆竄入山谷當令周壽昌劉啟福入山南搜殺賈

起勝楊正國入北山搜殺該逆均擬向西南狂竄周盛傳率部追

至平靖關李允一股橫出迎拒又令衛汝貴楊安典等擊卻之劉

啟福正迫信時見有黃鞍賊騎越湖飛逃知係逆首賴汝沈策馬

緊追力冀生擒被賴逆從騎回矛刺傷額角劉啟福負創刃賊猶

策騎直前連翻十餘嶺至蠟梅山地方幾及賴逆叢林伏賊暗放

洋鎗擊中劉啟福腰腹落馬旋即傷亡周盛傳追至麻油店賊去

漸遠始收隊回營是日擒斬賊匪二千餘名奪獲騾馬千餘匹陣

斬汪老魁陳大狗祝老伏等大小賊酋十八名解散難民男婦無

數並奪耕牛二百餘匹分給附近農民領回據周盛波周盛傳等

稟報前來劉銘傳初六日追入平靖關兩報逆股經周盛波等大

創又折而南竄入鄂周盛波兄弟以馬步十營出賊不意戰諸西

於叢山之中地勢於賊騎不利官兵易施俸獲大捷實屬奮勇異

常該軍疊次勦擒出力人員應請

旨准臣查明奏請獎勵盛字後營營官提督銜總兵劉啟福自元

年從征以來歷百餘戰身先士卒所向披靡此次追擒賊首被鎗

陣歿殊堪痛惜擬請

旨飭照提督陣亡例從優議卹以慰忠魂先據謀報擒逆因東豫

麥熟亟欲東竄掠食現被官軍扼勒折回鄂境將來或仍由隨棗

繞竄桐泌或圖由黃麻繞出皖西均在意中劉銘傳周盛波等已

自信陽分路入鄂劉秉璋楊鼎勳王永勝等亦由德安分起北趨

應山臣飭令相機兜剿如賊回竄豫皖即躡蹤緊追出鄂勿任該

逆得稍喘息所有任賴捻股由東隨信陽周盛波追剿大獲勝

仗賊又南竄入鄂各緣由謹繕摺由驛五百里馳陳伏乞

皇太后

皇上聖鑒訓示謹

奏

援陝湘軍獲勝摺 同治六年四月十四日

奏為援陝湘軍追剿擒獲各逆連獲大勝現由同州進剿恭摺仰

聖鑒事竊新授廣東陸路提督劉松山一軍自正月初六日在省西魚化鎮擊賊獲勝嗣即節節勦賊西上由鄂縣盤屋郿縣追賊渡渭至扶岐以北無戰不捷克銀渠金渠董村臨平等鎮賊巢並大小堡寨不下百餘處節經喬松年庫克吉泰等

奏報在案連日接據劉松山李祥和栗稱三月十五日攻克臨平鎮後擒獲向武功東竄劉松山等會同黃鼎安住等軍折由大北溝赴興平截剿十七日抵張楊村賊突至各軍督隊猛擊斃百餘人賊潰竄咸陽一帶十八日五鼓各營疾馳八十餘里至涇陽之竹范村探知各莊寨打館者均係狗逆遂分三路馳進兜殺

破村寨十餘處賊無敢逆馬步相繼來撲各營勇氣百倍屢撲屢敗之仍向咸陽遁去計擒斬三百餘名偽元帥馬向陽陣斃追奪騾馬軍械甚多陣亡游擊胡長才等二員十九日該逆出馬步大隊距營五六里我軍併力擊走至彭王村楊家莊于家堡一帶圍竄涇河我軍於二十日五鼓先由臨涇渡過河以待該逆果由花池渡宋村渡分數處竄渡劉松山商令黃鼎李祥和分左右兩路率隊疾進而自當中路並以安住全福及錄字順字壽字各營馬隊左右包抄時賊渡方三股之二猝遇我軍縱橫殺賊屍枕藉首尾不顧遂大潰奔我軍乘勝追殺至十五里之白楊村傍岸之賊屍水死者數百敗賊悉向三原富平遁走計共殺斃淹斃生擒約二千人奪騾馬千餘匹軍械無算陣亡都司曹德明等五員勇丁亦有傷亡二十四日我軍追抵富平時賊踞城東王寮鎮一

帶會同郭寶昌進擊賊由北原下竄流曲鎮二十五六等日我軍進紮原邊東西各堡仍分三路進攻該逆蜂擁來撲擊斃悍賊百餘馬賊為馬隊所斃甚夥步賊見馬賊先敗不敢復撲仍回原巢二十七日各軍進逼流曲鎮鼓噪而前賊出隊死拒各勇愈擊愈奮奪回村堡數十處賊由蘇坊村向蒲城飛竄大荔屬之洛河東岸我軍由蘇坊跟追初一日至晉成堡距河十里賊過河迎拒麾隊擊之收回東岸淹斃甚眾初二日追至距同州十三里之姜彥村林中伏賊突出圍抄我軍之後劉松山督軍奮擊賊同州東北此三月十七至四月初二日劉松山等與郭寶昌黃鼎安住等軍併力追剿斃賊巢之情形也初三日劉松山等與黃鼎安住等同州城北整隊行八九里探知賊屯許莊小塚各村即率部分進猛攻賊棄巢遁去我軍整隊欲追忽前而塵頭大起馬賊橫互二十

餘里作長圍包來步賊大隊結數十團分投滾進距營三里劉松山李祥和與黃鼎各率隊分中左右三路以順字壽字等營馬隊張兩翼布置方定馬賊已包過陣後步賊分三路冒煙撲來並排列滾龍車擋牌以避鎗礮各營加勁奮擊盡決無前斃長髮老賊數百賊三撲三敗復加隊猛衝總兵黃萬友率隊從陣中左路衝出黃鼎由右路衝出塵戰半時賊大敗狂奔追殺十餘里餘逆紛竄謝家坡素羅村小東坡大塚等處各軍暫紮許莊村擬在同州購糧跟蹤再進是役共計殺傷斃斃生擒者約三千人擒獲頭目鄧立志李老五陳連芳等訊明正法奪騾馬四百餘匹旗幟刀矛六七千件滾龍車擋牌均為我得我軍陣亡員弁副將胡理明等十三員傷亡勇丁一百七十餘名此四月初三日劉松山李祥和與黃鼎等軍在許莊村續獲大勝之情形也臣查張總愚捻股

自入秦後大肆鴟張去冬秦師屢敗省城岌岌可危曾國藩調派
湘軍於臘杪疾走入關遇賊即戰每戰必勝數月來會同安住黃
鼎郭寶昌等軍轉戰涇渭之間偏賊東走俾省城危而復安賊勢
張而復蹙有裨於大局匪淺劉松山稟據擒賊供稱該逆商議總
打不過此起官兵將要休息又被追到東西奔竄總無主意等語
是賊勢窘迫可知惟該逆既竄同州東北逼近晉防據山西臬司
陳湜來稟已商請駐防閩鄉豫軍馬德昭帶八成隊就近過河移
紮老河口而自守禹門以上并謂現在河水漸漲儘力防守提盡
船隻當可不使竄渡臣已批令劉松山等趕速進兵如擒獲匪
陽韓城北趨即靠黃河西岸節節兜遮護晉防如賊由朝邑渡
渭回豫即緊追出關回顧陝洛并屬與陳臬司就近緝商互為策
應勿使賊得逞志以期漸就殲除該軍歷次力戰捐軀員弁另繕

奏稿十一

天

清單請

旨分別從優賜卹以慰忠魂至各營將士齋糧遠征奮勇用命仰

賴 聖主威福鏖戰獲勝勞苦功多此次續獲大捷尤屬異常出力所

有統領營官亟應量加獎勵謹繕清單恭呈

御覽應懇

天恩准照給獎以示鼓勵其餘湘軍出力員弁勇丁可否由臣查

明專案奏獎伏候

聖裁所有援陝官軍節次追勦擒獲各逆獲勝擬請獎卹緣由謹

繕摺馳陳伏乞

皇太后
皇上聖鑒訓示謹

奏

奏稿十一

天

各軍追賊黃安銘軍迎擊大勝摺

同治六年四月二十三日

奏為任賴等股捻逆由黃安東趨經各軍奮力追剿獲勝劉銘傳
擱頭繞擊大獲勝仗賊又西趨雲應沿途截殺情形恭摺仰祈
聖鑒事竊捻逆回鄂東竄黃孝境內各軍分往追剿業於十四日
附片馳陳在案先是李昭慶遣南嶺鎮總兵王承勝徐州鎮總兵
董鳳高帶隊山隨州赴應山探剿聞捻股自信陽回竄應山初五
日董鳳高率吳鳳柱馬隊馳抵城北忽賊馬百餘衝至城下吳鳳
柱迎剿斃賊數名生擒一名奪馬三匹該逆大隊踵至我軍趕築
營壘王承勝等即帶馬隊抄擊又斃賊數十名生擒五名並擒首
范守田一名奪馬十餘匹賊敗退十里外盤踞初六日黎明王永
勝董鳳高派六成隊進剿賊即全股向東南奔竄我軍追四十餘
里申刻至李店賊分股紮住直前猛撲我軍嚴陣以待鎗礮齊施

副將陳福先橫衝賊陣手刃數賊中鎗而亡馬步大隊一擁齊進
逆即潰竄追十數里斃賊百數十人奪馬十餘匹天晚回駐李家
集該逆連夜竄往孝感小河溪適山西布政使劉秉璋蘇松鎮總
兵楊鼎勳帶隊由應山之廣水驛逕向東追初七日逆眾自小河
奔竄黃安之河口鎮劉秉璋與楊鼎勳追抵小河李昭慶由德安
趕到飛調王永勝董鳳高赴花園改由南路進兜探聞該逆屯踞
河口上下長山寨一帶劉秉璋等率隊直前初九日至黃家橋賊
已整隊迎敵勳營副將李占彪四馬衝鋒首先陷陣楊鼎勳督正
副兩營馳往接應賊紛紛敗退劉秉璋左路各營進擊該逆越
山而逃是晚有賊首胡連發帶二十餘騎投降初十日我軍進至
長山寨賊馬步大股分投拒戰各營鎗礮連環轟擊自辰至午相
持數時副將高森茂首先衝陣奔勇趁勢齊進賊陣潰亂擒斬甚

多奪馬騾四百餘匹賊均退駐河口是夜遁去十一日劉秉璋等
拔隊緊追楊鼎勳帶所部八營先行已刻至王家田忽山內伏賊
馬步七八千人覲我軍頭隊已過突出邀截總兵張遵道回隊力
戰死之楊鼎勳當飭各營結為方陣將輜重裹入短兵相接弁勇
頗有傷亡劉秉璋在後聞信趕派吳長慶況文榜率八營往援兩
軍各殊死戰將賊擊退向宋埠竄去此初五至十一日李昭慶劉
秉璋等軍在應山黃安境內追剿獲勝之情形也直隸提督劉銘
傳初七日抵應山知賊竄河口恐其乘虛由黃州下竄安慶則瀕
江腹地俱危初十日馳抵黃陂十二日自紫潼河向北攔截行五
十里至黃安紫屏鋪即見賊騎當整集後隊待之該逆馬步大股
正向東走忽遇官軍隔河排紫馬賊千餘竟過河繞我軍之後劉
銘傳即派道員丁壽昌分隊護守輜重令劉盛藻一軍由左路擊

賊步隊副都統善慶馬隊助之滕學義四營並樹軍三營由右路
抄賊後陳振邦馬隊助之劉銘傳自率親兵及黃桂蘭五營由中
路迎擊賊見我分路出剿亦分路來撲馬賊先經劉朝幹擊敗退
過河西劉盛藻督部過河賴道率眾迎拒馮汝霖丁汝昌擊敗之
任逆見賴股西潰即率馬步悍賊數千直犯滕學義及樹軍隊伍
指派牛逆一股迎撲左路賴道復回拒中路身山馬賊數百繞撲
我後馬隊營官陳鳳樓王保勝率部搏戰四五合戈矛相及彼此
不分步賊繼進董大義等率隊猛衝我軍鎗礮如雨斃賊滿地賊
猶持矛死鬪滕學義等抄出城旁賊始大敗各軍乘勝追殺該逆
爬山越嶺相率狂奔我軍分路緊追擒殺數千奪獲騾馬千餘匹
沿途解散難民萬餘人追三十餘里至陡山收隊李昭慶正帶隊
進分水嶺忽賊大股自東回竄行走甚疾李昭慶督鳳宇武毅十

二營迎頭盛戰賊整隊抵拒王有明以炸礮擊潰賊馬副都統溫德勒克西等帶馬隊迎擊步隊各營排進轟打賊乃奔潰殺數百奪鎗械馬匹無數王永勝帶開字十營在後路遇賊倉猝結團陣迎敵賊以全力抄撲王永勝督廖德旺楊正清等直衝賊陣傷悍賊多名弁勇亦有傷亡各營拚力齊進斃賊數百賊眾奪路向西逃竄生擒七十餘人奪馬六十餘匹救出難民千餘人生獲賊酋潘石頭蔡大義等供稱逆首畏兵遠避仍回安陸曰口一帶此十二日劉銘傳馬步攔擊大獲勝仗賊眾西竄李昭慶中途截勦獲勝之情形也據各統領稟報前來臣查任賴等逆在鄂中屢勝之後勢甚猖獗此次由黃安東趨欲由黃州廣濟下竄皖豫各軍分路追擊劉銘傳攔頭痛勦始折而西王永勝等於途次遇賊奮勇苦戰力遏兇鋒勦辦尙爲得手准會國荃函稱賊於十四五日過雲夢應城已趨曰口天門等處現催宋國永等帶靈軍由隨州折赴安陸之洋梓扼紮要隘鄂軍回紮阜市天門劉銘傳督軍已赴京山如霆軍能扼安陸竄路仍可設法就地兜圍臣飛飭劉秉璋李昭慶等酌量回軍屯紮以助聲勢惟天久不雨湖河盡涸人馬疲憊誠恐無水不足以限賊無糧亦足以困兵臣當會商曾國荃並督諸將相機籌辦所有銘軍尤爲出力之降補參將董大義吳宏洛擬請以副將儘先補用降補游擊董明禮因鳳來擬請以參將儘先補用並加副將銜已革記名提督劉克仁經劉銘傳調令隨樹字營進勦十二日之戰愧奮前驅擬懇天恩暫緩發遣軍臺仍留營協勦以觀後效其連日接仗陣亡之勦字營記名總兵張遵道副將李占彪高森茂開字營副將陳福先副將銜儘先參將李洪貴儘先參將謝元勦參將銜游擊孫雲

標升用知縣龔汝弼提舉銜候選縣丞廖得琦馬隊都司趙貴生千總蕭東江范顯慶外委吳永年均請旨敕部從優議卹以慰忠魂其餘戰勝出力員弁可否容臣查明彙保以示獎勵出自聖裁所有擒股由黃安東趨各軍追勦獲勝銘軍攔頭大捷賊又西竄曰口各緣由謹繕摺由驛五百里馳陳伏乞皇太后皇上聖鑒訓示謹奏

奏稿十一

賊收出鄂竄南陽摺 同治六年四月二十九日

奏為任賴捻股收遁西趨山來陽出鄂奔竄南陽境內各軍分投
追剿恭摺仰祈

聖鑒事竊捻逆由黃安東竄經劉銘傳等軍連次擊敗折向西趨
業於四月二十三日馳陳在案該逆自十二日痛剿後日夜狂奔
十四日已抵孝感劉銘傳督軍疾追十五日陳振邦派降將任承
清哨官鄧長安馬金敘先率馬勇百餘名追抵雲夢乘夜進擊賊
不及防自相驚潰斃賊數十奪騾馬三十餘匹生擒賊目陳大貴
一名該逆不敢喘息向阜市一路奔竄十七至十九等日忽折向
京山由鄂東洋梓上竄沿途飢散甚多寔軍營務處宋國承等由
隨州回軍西向十九日抵棗陽之吳家店適賊已由宋家集竄至
平林店關山一帶距該軍三十里不等二十日商令記名提督

奏稿十一

送

唐仁廉率隊夜襲關山賊館斬擒先鋒悍逆數百名奪獲騾馬二
百餘匹據各路探稟二十二等日已竄至新野東南之朱集水
臺並南陽西南之清華穰東等處邊馬擾及鎮鄧境內擒賊供稱
該逆因追兵過緊急竄東豫又有欲逃往陝西等語臣查該逆疊
經挫敗窮數日之力奔突出鄂其圖竄豫東蓄志已久惟豫境平
曠四達賊情詭異常日下既至宛郡或東走葉裕或西趨內淅
竄東入陝向未可定劉銘傳由棗陽緊追出鄂周盛波由信陽馳
赴泌陽已檄令該兩軍視賊所向相機兜剿豫軍宋慶亦率隊馳
往新唐均與寔軍前後聯絡東豫徐志新麥登場計旬日內可收
入寨民食稍易保護如賊果東趨當令潘鼎新劉士奇兩軍會合
迎截為東路援剿之師其餘援鄂諸軍馳逐數月疲乏已甚檄令
分道回豫更番休息察度賊蹤再行進戰所有捻股奔竄出豫各

軍追剿緣由謹繕摺由驛馳陳伏乞
皇太后
皇上聖鑒訓示謹
奏

奏稿十一

送

滌陳山東協餉遲誤片 同治六年四月二十九日

再山東月協餉銀五萬兩係四年四月曾國藩奉命北征時戶部奏撥向協餉之款

諭令按月如數解往不得稍有遲誤自經奉撥報解從未足數五年二月以後除扣給山東藩司請期新月餉三萬二千兩外每月俸解徐州糧銀一萬八千兩必至月杪起解近則二月分餉銀遲至四月十五始行報解三月協款尚無起解之期四月則更不必言臣部各軍轉戰豫東皖鄂等省窮年累月遠道奔疲勞苦獨甚即使協款如期撥發而轉解遲尚復需時若報解先逾期兩月更屬緩不濟急溯查前親王僧格林沁督師時各省兵餉皆可隨便調用山東除月供巨款外一切麩草料軍需捐項均取給焉此外則晉豫亦多協助今剿捻之餉晉豫力有為難或曾有詞可

委若東省財賦完善遠邁豫省既不能出兵以助剿又不肯出餉以助兵且賊竄東而西軍每以全力赴之即賊出東而西尚有水陸四千餘人留守東境運河上於東省未敢漠視而東省於上軍毫無體卹僅此月解一萬八千兩尚且愈窘愈遲情理太欠平允朝廷垂察苦衷恐以後專任師旅之臣所在掣肘必至貽誤大局理合附片據實滌陳伏乞 聖鑒謹 奏

賊勢東趨調派追剿摺 同治六年五月初九日

奏為任賴捻股被官軍兜剿緊急由南陽奔竄東北勢將由汴入東飭調各軍分投追剿摺恭摺仰祈

聖鑒事竊捻逆敗竄南陽於四月二十九日馳陳在案連接各路探稟二十五六七等日該逆由宛郡西竄鄧州鎮平內鄉各境攻破民寨擄掠麥糧駭駭有由浙川荆紫關入陝之勢適豫軍宋慶二十八日由南陽進擊獲勝淮軍劉銘傳由棗陽襄陽緊躡其後二十八日亦抵鄧州二十九日四鼓劉銘傳督隊急馳四五十里該逆盤踞趙家集等處固風葉館向東北逃遁副都統善慶副將陳振邦馬隊追及之於白龍廟任逆當分馬賊兩路回撲均經我軍擊敗擒斬賊酋李紅山朱五等並騎賊數十名奪獲騾馬百餘匹步隊相繼趕到賊遂狂奔追二十餘里至鎮平縣之馬莊宋慶

率部攔剿復總向東南竄去五月初一日賊至唐縣裕州之交適周盛波周盛傳由泌陽趕及唐縣小有擒斬賊遂折而北趨初二日橫竄舞陽葉縣臨潁之交初四日過許州西北撫臣李鶴年派張曜出隊攔擊初五六日流竄洧川尉氏中牟一帶山東藩司潘鼎新在尉氏之張市出隊邀擊賊又折而北初七日潘鼎新即拔營追之據劉銘傳擒賊供稱賴李兩逆本圖竄陝任逆因郟城梁山寨有土匪勾引欲速赴東裝旗等語豫境平原四達無險可扼該逆避兵急趨日夜東走其為竄東無疑也早料及此疊經奏明有案惟自冬但夏逆眾久擾鄂中不得不催調全軍赴鄂協剿稍慰鄂人之望迨賊出鄂而軍俱已深入又不得不落其後堵禦無術愧憤徒深劉銘傳前在信陽整練兩月銳氣甫復尚能與賊馳追東自應山黃陂西出安陸襄陽頃又由南陽追至鄭汴日

行百里該逆雖望風奔逃而軍士亦因疲乏臣令其退抵曹州
暫行屯紮察度賊情地勢再行合力兜圍賊過商考巡趨曹濟圍
撲運河水係歷年慣技茲天久不雨河水枯涸臣先派有總兵徐
道奎水師一營駐防濟甯以下之南陽湖昨據稟報自新店至新
聞水不盈尺南陽湖至谷亭十八里竟成乾埔人馬暢行賊船無
可施展賊若由此逕犯鄒滕則防成局險於一旦實為可慮據
藩鼎新來函業經緘商撫臣丁寶楨未知其有無布置也臣飭藩
鼎新如賊入東即緊躡前往與運防水陸各營妥籌策應又徐州
防兵甚單江境運河亦洞悉賊乘虛下竄已飛咨兩江督臣曾國
藩商令長江水師提督黃翼升迅率礮船馳赴清江徐州一帶會
督水陸嚴密巡防又派昭通鎮總兵沈宏富代統奇字馬步八營
由周家口拔赴歸德相機截堵如賊已東竄即由虞城赴豐縣扼

奏稿十一

天

勦與劉銘傳潘鼎新聯絡聲援仍俟劉秉璋王永勝楊鼎勳董鳳
高各隊由鄂回周口後整頓休養再酌飭前赴東徐就地布局設
謀制賊臣當隨後馳往督辦所有捻股經各軍兜勦由南陽東竄
汴境勢將入東調派追勦各緣由謹繕摺由驛六百里馳陳伏乞
皇太后
皇上聖鑒訓示謹
奏

賊過運河移營調度摺

同治六年五月十八日

奏為捻逆狂竄東境由鄆城梁山東北戴廟突過運河東省震動
臣自周口啟行先赴歸德察度軍情相機調度恭摺仰祈
聖鑒事竊任賴捻逆由南陽奔竄勢將由汴入東業於初九日馳
陳在案該逆初七日由朱仙鎮竄過陳留關考初八日即入山東
曹縣境內銳意北趨颶疾如風初九日定陶城武備地賊氛頃
據駐防濟甯南陽湖水師提督徐道奎飛稟該逆十一日竄至鉅
野十二日由鄆城梁山折竄戴廟探聞是日午刻突有賊馬數匹
衝進運河東岸圩牆將東軍統領精捷營總兵王心安等營軍裝
盡行搶擄遂擄船搭橋搶渡運河該處河道係東省水師總兵趙
三元分防地段距濟甯一百數十里等情並據單縣金鄉濟甯州
探稟前來其過河後竄東境北尚無確耗並未接准山東巡撫咨

奏稿十一

天

會而各處稟報同臣接閱之下憤懣憂惶莫知所措從前價格
林心督師運河水經設防捻眾往來自若官軍馬隊甚多尙可隨
時馳逐迨曾國藩接辦因湘淮各勇募自南方素無騎隊步軍笨
重往往緩不濟急乃議於運河東岸沿隄興築長牆嚴堵賊則
援勦較易為力濟甯以上責令東軍分守臺莊以下責令清淮各
軍分守其濟甯南至臺莊一段閒以湘軍水師淮軍陸師補其闕
兩年以來捻逆屢次猛撲未能竄過前撫臣閻敬銘疊奏有案保
全東省完善兼同畿南藩離實於大局有裨自臣接任物匪任賴
等股遠竄鄂中臣不得不率全師赴援去冬即與閻敬銘緘商以
東境運防自黃河以南申家口戴廟至濟甯石佛趙村共不過二
百里有運河可阻有長牆可扼東省財賦較可贖軍應專任本省
運防而騰出前駐濟甯之潘鼎新張桂芳淮軍作為游擊兼顧他

省各督撫自守汛地俾臣得專力援剿庶免處處牽掣閣敬銘復
兩頗以爲然即丁寶楨亦稱濟甯新店以上由東軍認守臣方慮
徐道奎所紮南陽湖一帶水涸易渡不料賊直撲運北之戴廟該
處東軍水陸兵力尙厚竟不能爲一日之守廢弛貽誤誠可痛惜
臣方檄調劉銘傳潘鼎新周盛波王永勝沈宏富董鳳高各軍分
赴曹單豐徐舊河陽聯絡扼紮並密商豫軍進紮蘭考皖軍進屯
蕭場同時興工圍築冀蹙賊於黃連之閒就地勢以圖圍困潘鼎
新劉銘傳於十二三日馳抵單縣諸軍未集賊入東甯四日而即
撲河撲河未半日而即搶渡機曾頓失局勢又非查賊既過河東
而濟泰登萊南而兗沂海嶺儘可任意流竄潘鼎新劉銘傳已拔
隊過河追勦惟張秋濼口二鎮尤係北竄要津渡口船隻較多該
撫當有防備臣深爲懸系拜摺後即由周家口放行先赴歸德察
度賊情相機進止一而提催各軍就近調派但軍士久役酷暑疲
病未知能否補救於萬一竄深慮慮合無仰懇
聖恩飭催直隸督臣於張秋以東黃河北岸趕速擇要嚴防以杜
該逆乘虛窺竄所有據探捻逆由戴廟竄過運河由周口移營
日期理合繕摺由驛六百里加緊馳陳伏乞

皇上聖鑒訓示謹
奏

劉松山援秦魯勝片 同治六年五月十八日
再劉松山一軍自三月十六至四月初三日節次剿擒獲勝臣於
四月十四日彙摺具陳在案該逆向同州東北竄踞大壕營小東
坡各堡四月初六日劉松山李祥和會同黃鼎安住全福各軍夜
襲其巢殺斃數百人該逆折渡洛河西竄富平一路初十日各軍
分路攻奪流曲鎮及各村堡由富平西北文川圍一路追剿十七
至二十等日攻奪三家莊新堡蒲溪鎮等處賊巢並村堡二十餘
處連日共斃賊六百餘名該逆折由東南郭公祠一帶渡渭向郭
縣境內奔竄該提督等恐其東擾省垣亦由咸陽過河橫截二十
四日進搗元其寨殺賊莊城巢圍殺馬賊七八百連奪村堡十餘
處適郭寶昌一軍亦到復分路追至省城南山門口是役斃賊約
共三千並頭目多名生擒八百餘救出難民七八千人奪騾馬一
千五百餘匹二十七日各軍由蒲橋追至新底鎮詎該逆因潼關
有備不敢東竄折沿渭河西趨五月初一日又敗之鄂縣少義坊
小有擒斬遂由盤屋橫出郭公祠竄渡渭北蒲溪鎮桑家莊一帶
初三日該軍亦由塔耳寺過河抵張家村賊大隊來撲督勇擊退
遁回原處據劉松山等稟報前來查該逆屢經痛勦奔竄渭
河南北窺晉不遂回豫未能賊勢日窮趨向難定已批令劉松山
會商各軍相機追勦設法殄除勿任得再逞志其元其寨陣亡藍
翎參將汪明理花翎游擊胡光亮應懇
天恩敕部從優議卹以慰忠魂所有劉松山會合各軍節次剿擒
獲勝情形謹附片具陳伏乞
聖鑒訓示謹
奏

行抵歸德布置大略

奏為行抵歸德察度賊情調派布置大略

聖鑒事竊任賴捻逆山東境賊廟搶過運河

如循汶上鄒滕舊路下竄

賊已竄往泰安濟州新由單縣兩晝夜馳抵濟甯

拔赴濟甯候餉到營即向東進發

乘虛回竄飛飭周盛波周盛傳等由曹縣拔往濟甯

堵扼又恐賊由泰安折竄沂海則清江裏下河門戶可虞

鳳高鳳字營孔昭石華字營併扼韓莊要路

璋李昭慶援鄂甫回周口臣合劉秉璋一軍即赴濟甯

授機宜即日督隊由虞城單縣金鄉逕赴濟甯

濟入心某海隅趁勢制賊

說請上商調皖豫各軍出境協守東蘇運河西岸

不得再出即或逸出仍與往來追躡

已成流寇循之不流然後會師合剿

於矢石之間即勝亦無關於蕩平實為勦辦

一月開奏稱須臾之山深水複之處棄地以誘

兵力三四面圍困之亦是陰師其意本年三月

就湖北襄河東岸日口地方設圍困賊五月開

楊黃河舊隄分段布紫冀賊黃運之間皆欲就地

無如賊蹤應疾兵力未齊瞬息百變竟未辦到


臣軍久役疲乏斷不敢謂賊海隅之議遂有把握

偏賊早回運西再行相機酌辦再自周口起程後日日遇雨農田渥澤均霑秋禾可期暢茂合並附陳仰慰聖廬所有行抵歸德調派布置大略仍即進駐濟甯各緣由謹繕摺由驛六百里馳陳伏乞

皇太后
皇上聖鑒訓示謹奏

奏稿十一

臣



行抵濟甯籌防運河摺 同治六年六月初六日
奏為行抵濟甯後調派各軍分路兜剿並籌商運河防務大概情形恭摺仰祈

聖鑒事竊臣前過歸德察度布置擬先守運河盛賊海隅各情於五月二十四日馳報在案二十五日劉秉璋李昭慶帶隊由周口馳抵歸德臣分飭劉秉璋隨臣往濟甯料理東境運防李昭慶赴徐州宿遷察看蘇境運河督催淮軍各營與皖軍聯絡扼紫即於二十六日由宋啟程二十九日行抵濟甯與劉銘傳晤商一切適接潘鼎新二十七日追賊至長山稟報捻逆已過濰縣其勢似趨登萊劉銘傳即督所部於六月初一日由濟拔行由泰安萊蕪徑趨青州為中路潘鼎新由濰縣昌邑赴萊州為北路又派徐州鎮董鳳高昭通鎮沈宏富馬步十五營由郟城蘭山進莒州為南路三路兜截而前欲借入登萊絕地會合東軍相機扼堵如能扼之於膠萊河一帶使其不能復出臣再抽調運防各軍輪往替紮更番進擊如各軍尚未到齊或布紮未定而賊已回竄劉銘傳等相機兜抄督運防各軍隨地攔截使之不得遠竄運西仍須登入海隅乃有殲賊之一日登准山東撫臣丁寶楨咨函亦以登萊三面距海河渠環錯山徑崎嶇馬賊無可駛騁亟思就地勦除與臣等意見相合惟任賴各股實粵逆捻匪百戰之餘兼游兵散勇裹脅之眾狡猾剽悍未可易視若兵力未足兜圍而迫之過緊書地過狹使其窺破機關勢必急圖出竄稍縱即逝全局又非故臣必先布運防以杜出路次扼膠萊以斷咽喉其追賊之軍未達膠萊則須急進以偏蹙之既達膠萊則宜聯紮以圍困之業將此意緘復丁寶楨請其至平度州後與劉銘傳潘鼎新察商就地布

置無論能否堵住而制流賊之法必先能堵而後能勦也連日接
 准河南撫李鶴年函復已派張喇宋慶兩軍由省協守東境連
 河軍令該軍分紮東平以上新口至黃河沈家口百餘里周盛波
 分紮開河至新口一帶劉秉璋分紮濟甯至開河一帶楊鼎勳分
 紮趙村石佛至南陽湖一帶又准安徽撫王英翰咨復已派黃秉
 鈞英字一軍赴宿遷運河向上游扼紮張得勝凱字一軍赴貓兒
 窩灘上向下游扼紮程文炳強字一軍居中策應並調水師三營
 人運巡護英翰擬隨後親往督率等語臣飭李昭慶即督所部由
 灘上黃林莊接守至韓莊八閘一帶如此部分大段略定各軍先
 後報到趕緊興築士氣尚為奮發但冀一月之間賊未竄出運防
 可漸就緒臣擬仍商調湖北防軍萬人出境酌換運防再替出勁
 旅一二枝入東兜擊如果運西固守則皖豫鄂蘇腹地稍安祇此
 東海偏隅追逐兇匪功較易區區愚慮非敢謂遂有把握然事
 勢至此欲就地利合人力以謀之未便畏難自阻也李鶴年函稱
 豫軍全調出境恐張總憲由秦回竄惟荆紫關尚嫌空虛伏讀五
 月二十三日
 寄諭左宗棠現已督軍分兩路入關著即與陝省兵勇夾擊兇匪
 迅將此股在陝殄盡免致流入鄂豫等因仰蒙
 洞燭幾先易勝欽服左宗棠劉典分進潼關荆紫關似已周密其
 潼關閿鄉一路豫省已有守兵可否
 敕下左宗棠酌留數營嚴扼荆紫關使張逆不得乘閒逸出庶陝
 軍可以就地殲除臣等專辦東賊亦無後慮再臣既設防進西其
 直隸開州大名等處防軍專備曹邯渡河之路似可無虞將來賊
 若撲運不動難保不折而窺黃張秋地當衝要防兵甚單可否

救下直隸督臣轉飭臬司張樹聲暫移所部進紮張秋北岸一帶
 聯絡東軍嚴為布扼且與臣軍隔河聲息相通策應較便實於全
 局有裨所有行抵濟甯後調派各軍分路兜勦並籌商運河防務
 大概情形謹繕摺由驛五百里馳陳伏祈

皇太后

皇上聖鑒訓示謹

奏

奏稿十一

聖

陳明辦賊大致暫難親赴前敵摺

奏為陳明辦賊大致及現在情形暫難即赴前敵先令劉銘傳就近妥商調派恭摺仰祈

聖鑒事竊承准軍機大臣字寄六月十三日奉

上諭丁寶楨奏追賊獲勝並布道扼勦一摺東省兵力未厚劉銘傳董鳳高沈宏富等軍須星馳前進互為聲援庶足以杜回竄又恐諸將會合呼應不靈防勦機宜閉不容疑著李鴻章即星夜馳赴前敵就近調度以期呼應靈通迅殲孽醜等因欽此查臣前商調皖豫各軍協守運河西隄派令劉銘傳潘鼎新董鳳高沈宏富等三路前進備賊膠萊會合東軍相機扼堵等情雖經於五月二十四日六月初六日具奏在案茲

將臣懸擬辦賊大致及現在情形為我

皇太后

皇上詳悉陳之自來流賊最難追勦而賊流之速尤莫如今日之捻逆中原平曠騎冲突無可限制日輒百數十里或二百里無論我軍步隊笨滯力不相及即使及賊見仗而此截彼竄橫行側出賊路不窮我力必有時而窮迨日久追逐疲憊為賊所乘往往一蹶不振自勦捻以來十數年如一轍雖追賊神速如僧格林沁尚且不能成功臣等自問萬不能及故欲滅此賊計惟有寬地兜圍之一法臣曾屢奏及之曾國藩始思變計初議四鎮之設繼議沙河賈魯河之守本年春間左宗棠曾國荃又擬為白口之圍皆欲備之不流燧之漸緊也自臣受事抵豫賊已入鄂各軍與賊轉戰鄂豫數月迄無機勢可乘惟有嚴檄諸軍往來躡擊智術短淺

實無解於

朝廷之責備追賊由豫竄東臣思東省運防屢經賊撲向稱可恃遂急注意布扼曹單豐碣舊河隄欲困之運黃之間以為得地乃不數日而賊已渡運臣由歸德馳赴濟甯與劉銘傳等商商不得已復為盛賊登萊之計先借各省兵力協守運河西隄以圖圍制而遏回竄續奉六月初五日

寄諭鈔發劉長佑英翰等原摺皆言之甚切與臣所部署均屬相符是日前辦賊舍此竟無良策臣更衡量利害之重輕與其馳逐終年流毒江皖東豫楚各省不如棄一隅以誘之與其往復運東濟秦充沂青及蘇之淮海各屬均受其害不如專棄登萊以扼之膠萊河之守不密則登萊無可扼運河之守不密則膠萊仍不足恃賊蹤已向膠東事勢至此機會可圖但求萬全不爭一日故

臣立意必運隄與膠萊河兩防均已布定乃可抽兵進勦庶打一仗是一仗滅一賊少一賊賊智自困而兵力不疲明知此計至愚至拙亦至難然不若此更不足以制賊肆經緘商丁寶楨屬其勿

遠窮追反驅出境即兵力未集而迫之過緊使之窺破機關轉虞脫逸並告以壁之一字宜求實濟勿尚虛鋒恭讀六月初四日寄諭丁寶楨宜妥籌兼顧杜賊回竄不可專事尾追致賊延蔓等因尤服

聖謨之炳照臣惟日夜圖維先固守局而後進兵此臣籌辦之大致也東蘇兩境運隄袤長千里苟非各營撫關顧大局通力合作臣軍斷不敷用皖豫派到各軍與淮軍分守宿遷以上地段臣前已奏明現令於西岸排築長牆分哨過運東就舊牆修繕礮臺倚角護守方漏夜興工非月餘不得牢固而宿遷以下至清江運隄

幾二百里向無守兵濟臣張之萬兵力止能自保蘇省防軍無可再調上僅調前金門鎮王鍾華提督魯洪遠水師三營分布宿遷等處開下至鹽河河口一帶但苦無陸師保護欽奉初五日寄諭復經面商浙江撫臣馬新貽請其速派五千人北上協守宿遷桃源運隄以補其隙尙未接復欽准李瀚章曾國荃咨稱已派提督譚仁芳總兵劉維楨率萬二千人劉長佑咨稱已派臬司張樹聲率總兵余承惠等四五千人前來助守尙未得起程日期故運防猶未布滿即暫無兵替入膠萊至膠萊河距南北海口潘鼎新面稱二百七十里丁寶楨則云約三百里以每營三里計之須百營布守至少亦須八十營劉銘傳等三路之師日內先後已到然步隊止四十六營臣復擬調豫軍宋慶十二營淮軍王永勝開字十營由運河續行抽往必合之丁寶楨所部東軍三十一營始可密布丁寶楨止允以十一營相助而臣添調運防之宋王兩軍又須牆工稍就乃可拔隊若丁寶楨盡以東軍協守目前略可敷用未知果否准行連日據報賊蹤盤旋萊陽掖縣仍向東北駛竄臣飭劉銘傳等如賊外向當設法堵入並商請丁寶楨移營分扼若膠萊之守未成即未能銳意擊賊若賊或竄出膠萊請將必能跟蹤急追臣雖庸懦前辦江蘇粵逆凡遇堅城要地每多親往督攻蓋剿守賊與辦流賊情事本自不同況此時運防各軍已到者築牆紮營既須就近督飭布置而直隸湖北浙江未到者尙有二萬餘人沿途催趕照應及將來調派抽替皆臣所當主持皆須在濟甯居中籌辦若遠舍之前進則五省各兵何所稟承運防門戶未屬膠萊咽喉未斷臣即親往尙無裨益而於大局轉有妨礙兵事百變臣誠不敢謂運防既成滅賊必有把握然立意已定

則經營尤須盡善此臣暫難即赴前敵之實情也伏讀初五日寄諭前敵各軍督兵大臣號令不及諸將進止不齊難免互相觀望應否揀派威望素著大員統領前敵諸軍以一進止之處善該大臣酌量辦理等因欽此查臣部州准各將久其戰陣素相輯睦號令尙無不齊此次派兵入東臣因直隸提督劉銘傳深達機要與潘鼎新同建倒守運河進扼膠萊之議曾令該提督就近察酌前敵情形妥籌調派隨時會商丁寶楨協同東軍籌辦膠萊一帶扼勒事宜但使諸將力所能勉臣兩贖交催當不致誤一俟各省調兵到齊運河膠萊兩防部署略定臣再抽選勁旅移營前往督飭進擊以期聚殲總之此時大局先圖兜困此賊不求一時戰功臣若令劉銘傳潘鼎新等追進登萊計亦可獲小勝驅之使出惟念捻逆流竄多年數省生靈塗炭實貽

聖主宵旰之憂及今地利人力幸有可辦之機惟辦理須有次第臣何敢避迂緩之名而不竭力經營顧彼失此貽誤全局仰懇聖慈曲鑒稍寬時日以責臣效臣不勝悚切屏營之至所有微臣辦賊大致現在情形暫難即赴前敵先令劉銘傳就近商籌調派各緣山恭摺由驛六百里馳陳伏乞
皇太后
皇上聖鑒訓示謹
奏

劉松山追擊張逆片

同治六年六月十七日

再劉松山一軍自四月初六至五月初三日節次追賊獲勝經臣
 於五月十六日稟奏在案該逆自張村敗後退屯北五村南五村
 等處劉松山李祥和仍會同郭寶昌黃鼎安住全福等軍於五月
 初六日進攻賊巢奪村堡十餘處追斬五六百名賊由西北折而
 東初八日由小咸店追至山村遇賊由南而東擊斃馬賊無數初
 九日在大莊鎮分路進擊盡奪其巢至胡家崖地方擒斬五六百
 人我馬略有傷亡該逆逃至武功適郭寶昌一軍先至截殺甚夥
 遂渡渭東竄十一日各軍亦由咸陽過河時劉逆不與捻合已回
 老巢十三四日由秦渡鎮三路進擊敗之石佛寺十五日又敗之
 寨河村擒斬四五百名復由鄂縣北渡十七日我軍亦由塔耳寺
 過河抵興平之張村劉松山適染時疾二十五日始拔抵咸陽詎
 該逆踞武功數日又句合劉逆繞由涇陽三原向富平分踞流曲
 王寮等鎮二十九日敗劉股於南都村六月初一日攻流曲鎮賊
 潰追殺至蒲城之蘇坊鎮斃五百餘名旋竄晉城鎮渡洛河入大
 荔境內劉松山等恐其北竄韓邵窺伺河防初三日乃由蒲城疾
 走朝邑苦泉鎮繞前截擊窮追至同州以西之高牆寨連奪村堡
 十餘處斃賊六七百名獲軍械甚多我軍傷亡數十人賊復由洛
 河西竄節據劉松山等呈報前來查張逆疊經痛挫與劉股倏分
 倏合勢漸窮蹙但現尚有馬步二萬餘人恐非追勦所能盡殲已
 令劉松山步步進逼勿稍鬆勁左宗棠入關後或當察度地勢另
 籌兜圍之法其順字營哨官參將鄒得勝千總陳慶祥初三日力
 戰陣亡應懇
 天恩敕部從優議卹以慰忠魂謹附片具陳伏乞

聖鑒訓示謹
奏

奏稿十一

五

賊入登州抽調運防隊伍同治六年六月二十二日
奏為賊蹤竄往登州府屬備催前敵各軍趕緊分紮膠萊河抽調
運防隊伍馳往接應恭摺仰祈

聖鑒事竊臣籌辦堵剿捻逆業於本月十七日懸陳大略嗣接劉
銘傳潘鼎新兩報任賴逆股於初九日由萊陽北趨招遠黃縣
境內劉銘傳十三日督軍行抵平度州之瓦廟口潘鼎新先於十
二日移駐掖縣之新河口會勘膠萊河道形勢南北海口相距二
百八十餘里惟萊州海倉口外沙灘又七八十里沙水沮洳萬難
築牆而人馬皆能逕渡潘鼎新擬除去海倉三十里由新河西紮
至濰河東岸水勢較深就地築牆挖濠三十餘里設險限制其
自新河南至麻灣海口是為膠萊正河開段淤淺水深或一二尺
並有無水之處現與撫臣丁寶楨公同籌議因人數過單每營暫

奏稿十一

奏

守五里劉銘傳所部自新河南紮至大成寺一百一十里董鳳高
沈宏富自大成寺紮至吳家崗一帶約六十里東軍自吳家崗接
守至南海口約八十里俱於西岸增修長牆其濰河西自夏店至
海口水深泥淖亦未可空虛擬請東軍分守以補其隙劉銘傳潘
鼎新十六日來信均已督率勇夫及時興築須二十日粗就然後
逐細加工董鳳高沈宏富十六日始抵諸城十八九日計可到防
丁寶楨亦擬調回東軍各營分投起辦慮其地廣力薄設賊悉
眾回撲牆壘未就猝為所乘昨已抽調豫軍宋慶帶毅字十二營
由東平運防淮軍王永勝帶開字十營由宿遷運防分起馳赴膠
萊河會同劉銘傳等相機策應七月初間必可陸續趕到疊據登
州府縣稟報十一二日捻蹤仍游弋福山甯海一帶間通商大臣
崇厚已派洋鎗隊五百餘名防守煙臺口岸當不遠有侵擾若賊

在登境盤旋月餘我軍先後畢集膠河之防可固運河之守益嚴
臣再酌量抽替節節進剿斯為穩著萬一膠萊布置未及周到賊
或乘閒突出而運河長牆漸就根基已固尚可嚴扼歸路徐圖收
拾是運防亦甚緊要目下既抽宋慶王永勝兩軍東去自沈家口
至新口八十餘里暫令豫軍張曜勻紮自濰上至韓莊百數十里
仍令李昭慶淮軍勻紮東境各段長牆粗有眉目蘇境亦正在興
工須俟湖北派出譚仁芳劉維楨二軍直隸派出張樹聲一軍到
後乃可再行設法抽派續赴膠萊臣當隨時察奪情形妥籌辦理
所有賊蹤竄入登境各軍趕緊紮膠萊抽隊前往策應仍兼顧運防
各緣由謹繕摺由驛馳陳伏乞

皇太后

皇上聖鑒訓示謹

奏稿十一

奏

膠萊河防已定馳赴前敵督剿摺 同治六年七月十八日

奏為膠萊河防布紮已定馳赴前敵督剿摺 臣竊官軍協力堵守各省防
運之軍備調辦齊即抽帶隊伍馳赴前敵督籌防剿恭摺仰祈
聖鑒事竊前將膠萊河防於六月二十二日專疏陳明拜摺後
即親往東境運河上下周歷察勘督催修牆築風烈日之中弁勇
晝夜興作勞苦異常酌加慰勞犒賞以作其氣七月初間運西長
騰一律完整臣在沈家口舟次直隸臬司張樹聲由張秋過河稟
商知道省有臬匪滋事臣飭張樹聲勿庸南渡協守運隄速派余
承恩三營馳回大名先清內患所有沈口戴廟至靳口一帶運防
暫令豫軍張曜勻紮自靳口下至濟甯係淮軍周盛波劉秉璋分
地必須鄂軍譚仁芳劉維楨前來接替乃可抽調進剿運據譚仁
芳等稟報行過光州大雨時作積潦遍地沿途沮滯七月十二三
日始抵歸德睢州等處臣復專弁持令嚴催務於二十日趕到以
便抽隊換防蘇境運河最長李昭慶以十九營分守韓莊至貓兒
窩一百七十里據報長牆已將竣工自貓兒窩至宿遷仰化集安
徽撫臣英翰親督皖軍布紮亦有眉目漕臣張之萬清淮各軍橫
守六塘河接至仰化集為止但慮秋後六塘水涸難資設險飛調
淮揚水師王鍾華魯洪達三營自宿遷以下沿運布紮並緘商浙
江撫臣馬新貽酌派五千人昨准查復已令候補道李耀南副將
余朝貴統帶楚勇三千人備齊糧餉刻日北行擬仍添調水師兩
營相為依護實屬力顧大局該軍到後應自仰化集接守至桃源
迤南並令隨時稟商漕臣就近察奪調度與清淮防軍互為策應
此籌商運防大致就緒之情形也膠萊河防自六月下旬銘鼎奇
鳳四軍與東軍先後畢集日雨日晡起築長牆劉銘傳統率諸軍

安商分紮七月初一日賊由即墨回撲麻灣一帶丁寶楨督東軍
擊退嗣復折竄平度即墨交界匪准軍汛地三四十里往來窺伺
劉銘傳會督各軍一面趕修牆濠一面派馬隊過河巡徼賊不敢
近初七日游騎駛近潘鼎新防所新河對岸一嚟即走初八九日
竄至萊州附近其被圍情急必圖乘隙死撲幸豫軍宋慶於初三
日趕到填紮新河至楊家岡淮軍王永勝於初八日趕到填紮吳
家口一帶聲援較壯布置漸密似可無虞惟潘鼎新由新河橫紮
至濰河西岸自辛安莊北至海口尚空五六十里劉銘傳潘鼎新
暫派馬隊六營沿河巡哨仍須步隊扼紮聞王永勝到防後已騰
出東軍王成謙所部移守濰西昨據提督傅振邦呈稱黃河盛漲
距賊已遠直省撥兵分防嚴密該提督籍隸昌邑熟悉情形請調
該軍回籍會團進剿等情臣先已函商丁寶楨應調該提督東去

當經批飭傅振邦即率所部一千二百人馳赴濰西勸集團練協
力堵剿以資籌導此籌辦膠萊河防大致就緒之情形也當賊初
入東時臣慮兵力未齊賊蹤飄忽膠萊防局難遽有成故須急辦
運防先杜回竄之路茲丁寶楨與劉銘傳等業將膠萊防務勻紮
周安賊眾銳意竄撲自須添兵輪替進剿臣前奏擬俟各軍到齊
部略略定即抽選勁旅移營前往昨又欽奉初九日
寄諭令臣對酌情形親臨前敵督飭防剿現計鄂軍譚仁芳等二
十日內外可到臣即督同劉秉璋周盛波萬餘人於二十一二等
日分起由濟南青州前進俟抵前敵再行交細察辦兵法十則圍
之五則攻之從前連鎮高唐之長圍金陵安慶之困賊皆不過一
城一鎮需兵奚啻數萬茲查膠萊河自新河南至塔埠口已二百
六十里其中淤淺處甚多自新河橫出濰河北至下營又百餘里

加之南北海口沙灘亦須酌籌布置一隙稍疏即虧全局守兵必須五萬人分路進戰則又須三四萬人統計目前前敵各軍其力實只能分守而不足進戰如果膠防稍有把握似須酌撤運防全軍併往更番戰守庶可望就地殄滅此股昨准英翰爾稱擬派得力統將帶萬人馳往助剿臣已緘復允行若仍不敷用當再相機酌調惟海隅窮僻糧維艱人多食少飢乏可虞耳至諭旨慮及逆賊勾結匪徒入海及洋人接濟軍火此誠不可不防臣先已函致丁寶楨以洋人軍火來路甚遠煙臺口岸甚小素少購藏但責成東海關道嚴密查禁當不致有大批接濟捻匪搶船句結入海若於賊近時細心防範外來商船不許傍岸本地船戶飭令移泊亦地方官力所能為之事即使窮極人海必不能千百成羣捻患在聚而不在散即使兇渠開有漏網各口岸認真查緝亦不至為大患所慮者膠萊防軍不厚或秋後河涸潮枯該逆仍乘閒突出雖戰勝亦難蕪事此臣所私心惴懼而不敢不竭力籌維者也所有膠萊及運河兩防布策已定臣即抽帶隊伍馳赴前敵督籌防剿各緣由謹繕摺由驛六百里馳陳伏乞

皇太后

皇上聖鑒訓示謹

奏

劉松山追剿張逆屢勝片 光緒六年七月十八日

再劉松山一軍自五月初六至六月初三日節次追賊獲勝經臣於六月十七日彙奏在案該逆東竄未遂仍竄過洛西踞蒲城之北賈曲槐德寶村等處六月初四日劉松山李祥和率隊與郭晉昌一軍冒雨過河初六日與黃州安住全福各拔隊進攻賊棄巢且戰且走至蒲城之高都村擒斬百餘名全股遁往富平初十日各軍進抵渭南之夏集一帶十一日賊由孝邑鎮北折而西十二日我軍進至蒲城之號同鎮賊又竄蒲城以南十三日由樊家村分數路搶奪賊巢賊拚死衝撲劉松山等督隊橫截斃賊數十賊潰追至洛北村共擒斬五百餘名弁勇亦有傷亡十五六日由青銅鎮追至田市村賊又竄蒲城以東十七日抵和睦村以軍士胃暑多病安頓數日二十九日仍會師進張村探賊在蒲城之高閣馮家村等處七月初一日分路擊之追至雙家埠賊敗遁羅家莊擒斬三百餘名初二日各軍進佔賊巢該逆被勒狂竄乘勢掩殺至興市鎮賊疾走富平之大王村見頭昌甫村等處初三日各軍趕至索家地方遇賊大股擊斃數十名時賊方屬聚昌甫村各軍分三路衝擊賊奪路奔竄自相擁擠跌落溝坡而死者甚眾直追至富平之何家莊其前後斃賊六百餘名生擒頭目屈中喜趙起新等當即正法該逆向西南敗去節據劉松山等稟報前來查張總愚一股近因涇渭洛水漲發游弋蒲富高渭等境屢剿屢逃散頗多左宗棠進駐潼關正可扼斷東竄豫鄂之路或能設法兜圍就地殄除劉松山轉戰經年弁勇勞苦飢饉疫疠繁興實堪憫念臣批令隨時蓄養士氣會師進佔其收聚殲之效和字營哨官都司楊輝玉十三日力戰陣亡老洲營哨官參將熊開雲游擊李

玉喜外委曾顯祥和字營于總羅蘭軒等四名初三日追勦陣亡
應懇
天恩敕部分別從優議卹以慰忠魂謹附片具陳伏乞
聖鑒訓示謹
奏

奏稿十一

卒

賊山濰河搶渡相機調度摺
奏為捻逆由濰河北口海神廟搶渡據報由昌樂臨朐境內南趨
臣行抵濟南現擬改道泰安南下相機調度並籌顧下游進防恭
摺仰祈
聖鑒事竊前因膠萊河北路海倉口沙灘不能築牆橫接西面濰
河設守及臣抽帶隊伍馳赴前敵各緣由疊於六月二十二七月
十八等日具奏在案膠萊河自王永勝一軍到防騰出南路東軍
王成謙所部於十三日拔往濰河西岸南接潘鼎新守地北至下
營三十六里僅敷布紮下營以北沙灘最淺者尙有魚里鋪至海
神廟十餘里王成謙又商派原紮辛安莊之東軍已革總兵王心
安平字四營移守該處劉銘傳等因有步隊填紮遂將巡哨馬隊
撤回原防先據豫軍朱慶稟報十六日五鼓賊馬步大股猛撲該

奏稿十一

卒

軍所守新河地段拚命衝突經游擊蔣尙鈞千總程允和抽守牆
勇丁四百人繞出賊後夾擊斃賊甚多生擒老賊三十餘名
奪獲騾馬四五百匹追奔二十餘里實屬異常出力賊眾旋向萊
州西北竄走計自月初賊撲南路長牆經東軍擊退後疊犯劉銘
傳潘鼎新守地至此已非一次該逆知膠萊河二百餘里牆壁濠
深守禦嚴密無懈可乘乃有圖渡濰河之意疊准丁寶楨來函及
前敵各統領稟報膠萊防務大致就緒惟地長兵單亟須添人協
助適鄂軍譚仁芳劉維楨等於十九二十日均抵濟甯臣當令星
夜接替迤西靳口至安居防務飭催劉秉璋周盛波兩軍於二十
一日起程臣即於二十二日由濟甯州督隊進發冒雨兼程二十
六日馳抵濟南忽接東軍道員王成謙稟稱二十日辰刻捻逆全
股由海神廟以北十數里外海灘撲渡濰河王心安即率四營馳

往堵勦軍力戰陣亡營官胡祖勝一員哨弁七八員勇丁六七
 百名王成謙得信後亦率親軍戰隊會同鼎字營馬隊馳援賊已
 塘渡過河番擊移時斃賊數百名城急向西南狂奔王成謙即拔
 營進賊等情詳報新到銘傳二十一日聞信軍鳳高王永勝沈宏
 富二十二日聞信先後均拔全隊緊躡而西水師提督徐道奎稟
 稱在日邑姜家集遇賊擊退二十一日該逆竄至濰縣二十二日
 濰州新王成謙追至濰縣賊竄昌樂東南鄉二十三日分股由安
 邱臨胸南竄其勢將趨東境之沂莒蘇境之贛榆清口查濰河自
 辛亥莊北至海口向空五六十里前於十八日摺內奏明綠濱
 海湖沙向大據報沙灘深淺不等水約五六尺莫可支持旬日以
 待軍糧至再行勻布臣於衛陽途次方批令王成謙多紮一二
 十里並檄催提督傅振邦速赴濰西勸集民團協守海口即傅振
 邦先經丁寶楨調勦直隸梟匪未得回軍且皆緩不濟急臣慮防
 軍單游賊仍乘閒突出日深揣懼不意賊匪搶渡如此之速其濰
 河海神廟以北地方係東軍王心安相近王心安前守運河戴廟
 五月間曾經失事此次僅帶四營分守要地據王成謙稟稱該革
 領甫經築營尙無河牆窳算不敵似亦實情想丁寶楨必已奏參
 臣奏任督師中途聞報愧憤交集應請
 旨將臣交部議處臣初意膠萊河防難成專力注重運防嗣聞膠
 防漸有頭緒是運防輕而膠防重先抽宋慶王永勝萬餘人前去
 今又調劉秉璋周盛波萬餘人偕行運防乃愈抽愈空亦愈難守
 賊既由濰河突竄南趨清口必圖猛撲運河查運防自韓莊以下
 李昭慶以十九營守至一百七十里兵力極單宿遷仰化集下至
 桃源僅有水師前調浙軍三千人協守尙未到防目前膠萊各軍

及臣部均落賊後若賊猛撲竟無把握盪淮漕自張之萬函稱自
 桃源東至海口五百餘里兵力斷難敷布現在六塘河水勢正漲
 已派水陸各營分守但秋後日漸消涸賊氛逼近處處喫緊亦須
 設法籌顧臣即日督同劉秉璋周盛波由濟南改道逕赴泰安沂
 州一帶就近察度賊蹤督飭各軍分投堵勦並察看下游運防空
 虛之處酌量添兵協守未知能否趕及殊深焦慮所有捻逆由濰
 河北口出竄臣行抵濟南改道泰安南下督勦緣由謹繕摺由驛
 六百里馳陳伏乞
 皇太后
 皇上聖鑒訓示謹
 奏

奏稿十一

奎

李文忠公奏稿卷十一

李文忠公奏稿

卷之十二目錄

擬駐臺莊調度摺 同治六年八月初十日

覆陳東軍離防失事摺 同治六年八月二十二日

不滬迎防片 同治六年八月二十二日

請飭東撫籌辦軍糧片 同治六年八月二十二日

江境追剿獲勝摺 同治六年九月初九日

覆陳存營馬匹片 同治六年九月初九日

賊回東境銘軍獲勝摺 同治六年九月十七日

覆陳勦辦情形片 同治六年九月十七日

移駐濟甯摺 同治六年十月初三日

現籌調度情形摺 同治六年十月十八日

銘軍安濰大勝賴逆被創略盡摺 同治六年十月二十五日

請擊問閉羅縱兇之知縣片 同治六年十月二十五日

銘軍續輸大勝陣斃任柱摺 同治六年十月三十日

查明鎗斃任柱情形並銘軍保案摺 同治六年十一月初五日

鼎軍海屬大勝片 同治六年十一月初五日

賊竄入東現籌調度摺 同治六年十一月十七日

各軍齊集賊勢窮蹙片 同治六年十一月十七日

劉松山剿賊北山李祥和陣亡片 同治六年十一月十七日

銘軍東境大勝摺 同治六年十一月二十一日

各軍疊勝賊股瓦散摺 同治六年十二月初四日

敗賊搶渡六塘河摺 同治六年十二月十四日

敗賊竄裏河各軍兜追摺 同治六年十二月十九日



覆奏餘匪悍目片 同治六年十二月十九日

生擒賴逆東擒肅清摺 同治六年十二月十九日

籌辦目前緊要各事片 同治六年十二月十九日

陳濬請簡用片 同治六年十二月十九日

搜捕餘匪賴逆正法摺 同治六年十二月二十七日

擒獲巨酋請獎吳毓蘭等片 同治六年十二月二十七日

奏稿十二目錄

李文忠公文稿卷十二

全一之十二

桐城吳汝編錄

擬駐臺莊調度摺 同治六年八月初十日

奏為賊過莒州受創南走 臣行抵沂州察度賊情擬赴東蘇運河
交界之臺莊暫駐調度堵剿恭摺奏祈
聖鑒事竊 臣前過濟南聞賊渡濰河之信改道由泰安南下業經
專疏陳明拜摺後即於七月二十九日由濟南督隊進行八月初
一日泰安途次接據徐州鎮總兵董鳳高稟稱二十二日督馬步
七營由膠河折回二十六日將抵莒州探知賊騎過即帶隊抄
出賊前派馬隊於秫叢中四面埋伏霎時間大股賊馬蜂擁來撲
我軍俟其逼近開放鎗礮賊墜馬者甚多該逆步隊繼進相持許
久經我馬隊伏兵齊出賊退向西追十餘里擒斬百餘名二十七

日黎明分路進躡甫過莒州南門外有馬賊萬餘西來當即分投
迎擊步賊又四面圍裹經總兵魏興發開放礮山礮斃賊數十各
營鎗礮環擊賊死傷枕藉仍復拚命衝突營官董學友孫文科王
芝生等奮力抵殺呼聲震地軍士無不以一當百吳鳳柱又帶馬
隊攔腰橫擊賊馬步仍抵死抗拒我軍往來數十台邀股散而復
聚有騎馬賊酋數十將陣最猛經王芝生突入砍倒三名董鳳高
親督血戰兩時之久賊勢大挫各營追殺二十餘里斃賊數百生
擒一百三十餘名奪馬三百餘匹鎗礮牛驢甚多查點我軍陣亡
弁勇二十八名受傷四十餘名等情查董鳳高人數極單猝遇大
股竟能裏創惡戰以少勝眾實屬異常出力是日陣亡儘先都司
駱得標守備朱朝壽千總黃正科外委孫魁元奮勇捐軀均請
旨飭部從優議卹賊被創後聞道急趨初二日竄及日照嶺榆

境內臣因東蘇運防兵力單薄先令董鳳高王永勝等各帶所部
由沂州馳回臺莊灘上一帶協助守河並飭劉銘傳統率大隊緊
追兜剿據該統領等稟報董鳳高於初六日到防接守貓兒窩
至灘上三十里李昭慶移守韓莊至黃林莊以下王永勝已至邳
州之官河夾護運防上下游擊劉銘傳同豫軍宋慶初四日追抵
邳城臣因張曜稟報賊廟至靳口兵力不敷飛飭宋慶帶隊折回
運河原防地段仍酌挑精銳以備游擊汶上東平等處劉銘傳偵
知捻股竄聚青口日照交界即由邳城取道海州桃林沙河向青
口兜剿日內計已接仗臣又慮該逆被擊亂竄南路空虛飭周
盛波周盛傳由邳城邳州探蹤進剿潘鼎新由嶧縣臺莊進邳
宿一帶相機會擊臣於初八日行抵沂州會晤撫臣丁寶楨知已
派王成謙王正起等軍扼紫莒沂要隘之十字路該撫自帶楊飛

熊十營駐沂堵其回竄臣即督同劉秉璋沈宏富溫德勒克西馬
德順等馬步隊進駐東蘇運河交界之臺莊就近調度初七八日
探聞賊已由青口西北竄邳蘭境內本日又折而南趨必係窺撲
運防查蘇境運河自宿遷仰化集以下至桃源清淮二百餘里尚
無長牆漕臣張之萬兩稱目前六塘河水勢充足惟兵力恐不可
恃臣所調浙軍三千二百人初三四日始過揚州或為清淮稍助
聲援臣俟抵臺莊後再行酌量分隊繞過運西前往協守如情形
喫緊或再親赴下游察勘籌商妥為布置但南北相隔五百餘里
未知能否趕及焦灼均任所有賊過莒州受創情形臣行抵沂州
察度賊情擬赴臺莊暫駐調度各緣由謹繕摺由驛馳陳伏乞
皇太后
皇上聖鑒訓示謹

奏

覆陳東軍濰防失事摺

同治六年八月二十二日

奏為欽奉

諭旨據實詳晰覆陳仰祈

聖鑒事竊臣欽奉七月二十八日

密諭飭擊戴廟及濰西兩次失事之王心安正法又奉八月初三日

日

寄諭以山東貢生張垚等聯名呈訴東省兵勇勦賊不足害民有

餘飭臣查辦等因仰見

皇上整飭戎行嚴申軍律曷勝欽悚臣查行軍首重紀律而紀律

嚴明要在主帥之賞罰公平功罪允當已革總兵王心安經前撫

臣閻敬銘派令帶勇分守運河戴廟一段臣於六月下旬巡閱河

防見該處北岸長牆重濠布置頗嚴若弁勇實力憑守何至倉猝

遽陷當據該處被害民人投遞聯名稟控十數紙均稱五月十二

日黎明賊至河邊王心安所部未經拒戰鎗礮無聲代賊毀牆賊

即於朱萬美營前過河焚擄等語臣復訪問東省官紳僉稱王心

安平時剋扣勇糧軍心離怨營規不整以致讓賊偷渡眾論藉藉

似非無因即籍隸濟南之前任兩廣總督毛鴻賓曾經保薦丁寶

楨六月初間致臣書亦云丁寶楨予智自雄慢師輕敵先有以王

心安舉動乖常防務恐不足恃為言者該撫喝斥之未幾而賊果

由彼處飛渡矣王心安戴廟失事時使丁寶楨據實奏參即不立

置重典亦令荷戈遠戍尙足昭公道而服人心乃丁寶楨奏報猶

飾陳戰狀仰荷

聖慈暫予寬宥洵屬格外

恩施臣以孤軍逐賊與各督撫及各省主兵須和衷共濟未便輕

奏稿十二

三

奏稿十二

四

有畿彈致生嫌當賊寇過運河臣於五月十八日摺內但略陳東軍廢弛貽誤及至濟甯後賊寇欲與丁寶楨劉銘傳等急圖膠萊河防軍力單不不求助東軍尤須開誠布公委曲聯絡惟聞東軍在膠萊牆壘未堅勇糧未放恐致誤事會密商婉勸丁寶楨留意詳查該撫覆書云並無其事乃未幾而賊又從濰河東軍汛地竄出矣夫守河責成各有汛地必以能守汛地與否為功罪丁寶楨咨鈔七月二十三日奏稿意以濰河不守謗告於藩司潘鼎新請撥東軍查濰河新僅統鼎軍步隊十二營初以膠萊北口海灘七八十里無可設防乃議由膠萊河南平地橫築牆濠三十餘里北接濰河以十營守之臣與丁寶楨皆疊奏有案潘鼎新又以鼎軍二營接守濰河西岸十餘里其下至海口尚空六七十里鼎軍何能獨認但盛夏水漲該處野無須多兵入秋後水漸淺濶潘鼎新請添撥撫臣派軍往守皆係分所當為丁寶楨令王心安平字四營與道員王成謙常武十營陸續往紮既無派歸潘鼎新統率明文潘鼎新即不能兼管迨至失事距該藩司汛地四十餘里賊眾一撲即渡常武軍相離最近尙不及救似不能苛責四十餘里外之鼎軍而丁寶楨事後牽混不責部將之不能堅守轉怪藩司之屢請添兵是非似欠分曉潘鼎新蒙恩僅予議處已在

聖明洞鑒之中惟各軍汛地乃行開功罪所關臣不敢不略為剖晰也臣於濰河疏防後詢劉銘傳潘鼎新實在情形據劉銘傳復捻過濰河銘傳汛地過遠當時不知其詳初一日沂州途次見王心安潰勇詢知該逆撲犯王心安所紮海神廟魚里鋪等處賊隊入營官軍尙多不知其四營隊伍傷亡過半王成謙常武

軍營將最近並未出隊接應等語潘鼎新稱濰河空虛先以鼎軍二營與王心安四營分守一平嗣王成謙帶常武十營到防僅以八營填紮王心安四營原防地段鼎新因其認地過短與之力爭該道堅不肯添又以海神廟以下無牆之河商令王心安移守王心安已奉丁寶楨飭調回膠王成謙強留之頗相齟齬鼎新因賊已歷境苦勸王心安暫留協守甫兩日賊警大至王成謙又不肯就近抽援二十日辰刻賊已過河鼎新接其是刻回信云並無賊蹤係王心安心虛等語其手書具在也賊撲河西王心安所部亦陣亡數百人此次失事究非戴廟之比鼎新未能兼顧咎有應得而王成謙畏葸取巧罪實難辭若專咎王心安則取巧者自謂得計請力持平允據情衡斷等語臣覆查王成謙所呈紮營地圖與潘鼎新圖無異臣就王心安前後兩次疏防情形逐細考究戴廟駐守年餘將濠濠深竟任賊眾偷窺甚重至濰四四營原守汛地王成謙強令讓出移紮海神廟無牆之岸賊警逼近長牆未紮移防甫二日而即失事其情不無可原道員王成謙統帶常武十營赴濰籌防既商留王心安協守應令仍守原段設王心安再有失事無可置喙乃該道利其已成營牆以八營填紮王心安四營地段而令王心安移守無牆之處賊來倉猝又不分隊就近應援實屬畏葸取巧亦應分別參辦臣過沂州晤丁寶楨面詢王心安如何處分丁寶楨謂此次濰河失事王心安應無罪會諭知王心安

朝廷加罪必為力爭已令統帶九營赴日照防勸等語臣雖奉旨查辦王心安現統多營近在前敵若派員擊解誠恐激之生變丁寶楨意袒護亦有掣肘之虞應否仰懇

聖恩將王心安罪名量從末減抑仍查照前奉

諭旨嚴飭山東撫臣另派幹員接帶該營再行擊辦之處伏候

聖裁山東候補道王成謙應否請

旨暫行革職留營效力以為好巧誤事者戒王成謙原呈分紮濰

河地段草圖一紙併呈

御覽以備查核此外各軍如有畏縮疑擬情事容臣隨時查明懲

辦所有欽奉

諭旨據實詳晰覆陳緣由恭摺山驛具奏伏乞

皇太后

皇上聖鑒訓示謹

奏

奏稿十二

七

不能運防片

同治六年八月二十二日

再臣於八月初十日在沂州拜摺後即督隊啟行十一夜馳抵臺
莊次日接劉銘傳飛報初八日在嶺榆沙河鎮佳穀山一帶遇賊
鏖戰竟日追逐二十餘里擒斬頗多據擒賊供稱任賴逆首意圖
撲竄運河臣因宿遷仰化集下至桃源清江西岸尚無陸軍駐扼
即派襄辦軍務山西布政司劉秉璋督率所部及總兵沈宏富奇
字七營山嶽莊過河趕赴桃源會合浙軍聯紮至清江以上設法
堵扼劉秉璋等即於十四日分起披行旋接劉銘傳報稱初十日
追抵郟城賊南竄紅花埠趕辦軍糧再行追躡十三四等日勦賊
於沈陽之黃泥河等處連獲勝仗生擒領白旗左隊逆酋蔡有城
據供該逆恐秋後運東無所掠食急欲出桃源一帶空虛之處搶
撲運河等情適據浙軍統將李耀南余朝貴稟稱行抵清江已奉

奏稿十二

八

漕臣張之萬飭令進紮六塘河南岸史家集莊家灘沈家渡等處
會同歐陽利見王可陞所部分段扼堵十五六日賊隊竄至宿遷
對岸及六塘河劉老澗一帶分投猛撲皖軍程文炳漕標姚廣武
等晝夜扼擊均甚出力連日陰雨連河增漲宿遷以上長牆森布
似可無虞惟六塘河日漸淺涸各軍甫經到防未知能遏奔突否
張之萬來函亦以仰化集以下運河未經設防如竄過六塘即可
過運河飛飭劉秉璋馳抵桃源先就西岸分紮營壘設賊南竄於
半渡扼喉之並令劉銘傳潘鼎新等緊躡賊尾兜擊牽制但恐阻
雨阻水道泥濘師行致多阻滯殊為焦急至從前議守運河原
恐膠萊之防倉卒難成書遠圖以扼歸路所集皖豫鄂各軍皆以
守本境者移守外戶能守固守有裨大局即不守可剋日回援計固
兩便而軍全係步隊追勦收省外逐收年功效毫無精力費甚

疲憊無論賊何處責望悉歸於微臣軍上必苦相驅迫勢怨不支勢且潰決臣日夜憂之請將稍懷忠義者皆力勸就地圍賊使其竄地較狹追勦較近我得稍屯守以吏稍休息賊或限方隅而漸有窮期以是會國藩創守賈魯沙河與運東臣又議守膠萊河與運西皆萬不得已相機勢而為之非謂遂有把握也自去歲豫軍疏於汴南今則齊軍一疏於戴廟再疏於濰西人力不齊前功盡棄膠萊河防三百餘里尚不可靠沿運千里調兵數省敢自謂可恃乎

朝廷因賊竄濰河甚慮運防難以堵截會國藩聞賊竄出亦有吝緘商及守運似可中止實係老成之見臣反覆籌思賊正急欲出運萬一力者不佳亦勝負之偶然若先撤運防是示賊以弱也守運各軍早夜修防尚無疲倦較窮年追逐者勞逸飢飽略殊忽令

奏稿十一

九

守又忽令不守是使軍心惶惑也運河東南北三面賊氛來往竄擾官軍分路兜逐地方必受蹂躪然不過數府州之地驅過運西則數省流毒無窮同是疆土同是赤子而未便歧視也今使罷運防而弓有制賊之法臣必速罷若更無可制賊似不若得守且守能戰即戰盡人力以待事機如因地段為遠疏漏致賊逸出或冬令水涸冰凍慮生他變再行相機變通辦理賊無常勢兵無定形以臣才力兵力竭蹶之狀辦此流賊尤不敢懸擬成局容隨時察度賊情會商會國藩暨各督撫交領籌除劉銘傳戰狀續行詳報外所有近日軍情並籌辦大略理合附片瀝陳伏乞
聖鑒訓示謹
奏

請飭東撫籌辦軍糧片 同治六年八月二十二日

再軍行以糧為最要臣部湘淮各軍向食大米自調北路勦捻會國藩創設四鎮每處皆就河道辦運米糧以資軍食嗣游擊東豫無米之處每就地辦穀充飢由各統領先行文地方官代向民戶照時價采買應用往往追賊緊急之時因繞赴城鎮辦糧停待一日雖稍遲緩尚無缺誤自今夏賊過運河臣派各軍東征飭知經過州縣預為定購由營照市給價取用若各統領銀錢不使即取具營中收到糧食印條稟由臣處核明飭知糧臺發銀扣餉不使稍有賠累並各行東省撫藩通飭遵照乃劉銘傳潘鼎新前赴膠萊沿途州縣即有閉城不理者此次各軍由膠萊南下更形窘餓劉銘傳至郟城函云已斷糧三日初十又追賊至郟稟稱所過城寨閉關絕市有錢無處買食勇丁嗷飢致多困斃旱道艱遠斷

奏稿十一

十

不能多辦行糧若地方官不為照料關繫實大由泰安沂州日向鄉紳民謀易麩穀草料以飼人馬亦有朝不保夕之虞至臺莊則轉運較便臣過沂州時會面商丁寶楨亟須嚴飭運東各地方官預提公款若干購存麥麩小米若干以便追軍過境給價采用一則追賊可赴事機一則公款不致虧缺誠為兩便儼各州縣推諉貽誤各營取糧不肯給價均即嚴行參辦昨又據劉銘傳來文咨催但未知該撫果否照行相應請
旨飭下山東撫臣查照妥速認真籌辦於軍事裨助匪淺如該州縣仍前疲玩於客軍過境坐視不理致令飢困有誤師行可否容臣隨時查明撤參伏乞
聖鑒訓示謹附片具
奏

江境追剿獲勝摺

同治六年九月初九日

奏為各軍追剿江境疊次接仗獲勝情形恭摺具陳仰祈

聖鑒事竊捻逆自淮河竄出由莒沂日照趨江南之贛榆沭陽宿

遷等處劉銘傳追剿疊勝經臣於八月二十二日附片略陳在案

先是劉銘傳督隊由郯城追賊八月初八日馳抵贛榆之沙河行

二十餘里即遇賊大股沿山南來當派善慶陳振邦馬隊迎擊往

來衝突捻斬數十名該逆抱隊且拒且走追至顏家莊逆眾抵死

回拒善慶等戰稍卻唐定奎黃桂蘭等步隊趕到分路抄擊賊向

西走馬賊復橫衝我後經丁壽昌連放炸礮火箭擊散賊又向西

南奔逃劉銘傳督軍繞郯城紅花埠十二日馳至沭陽之高流寨

賊踞沭城西新河一帶十三日我軍甫過殷坪即見賊馬前有黃

泥河水勢陡漲僅一橋可通任逆率步賊千餘堵住橋口劉銘傳

奏稿十二

飛調步隊以鎗礮轟擊斃賊百餘賊棄橋走遂派劉朝幹等五營

過橋追擊賊渡沙河南奔是夜令劉盛藻搭造浮橋十四日黎明

即率馬步過河行十餘里賊隊紛走當令陳振邦帶隊衝擊善慶

接應該逆棄輜重老弱逃奔善慶等乘勢追擊斬獲甚多賊走數

里任逆忽率眾回犯劉銘傳令黃桂蘭唐定奎由西岸進自率劉

盛藻親軍繼之善慶等馬隊連戰五六回合步賊數千如牆而至

劉銘傳揮令步隊迎敵鎗礮如雨賊猶拚死猛撲黃桂蘭督領劉

克仁吳宏洛張士元等執長矛格鬪兩時唐定奎又率隊學義等

大呼陷陣賊紛紛潰敗身股方撲劉盛藻隊伍未及交鋒而遁我

軍馬步緊追生擒三百餘名鎗斃及落河死者千餘並生擒領白

旗左隊逆首蔡育城一名奪獲器械馬甚多我軍亦傷亡數十

人追二十餘里至沭陽城南城圍立解十五日以後賊西走宿遷

對岸圖撲運河及六塘河經晚軍及漕軍防軍分投堵剿幸未得

逞連日陰雨泥水過深劉銘傳約同潘鼎新周盛波冒雨進躡二

十日抵宿遷之程集抄擊賊館數處捻斬數十該逆由嶽灣邳州

北道運河之防遂鬆此劉銘傳一軍疊次追擊獲勝之情形也潘

鼎新周盛波十五日同抵沭陽因購糧阻雨數日十九日偕銘軍

西進二十一日分路追賊我進一步賊退一步二十二日同抵埕

頭二十三日及賊於沂河東岸生擒逆首周毛兒賊不戀戰二十

四日由官湖晷渡至邳賊馬羣來撲犯均經擊退追至邳北溝上

鼎軍頗有擒獲內有賊目黃得宜一名賊復沿沂河北走謂將回

趨沂究該軍就地購糧再行躡追二十九日我軍抵郯城而賊又

東走海州潘鼎新周盛波會齊並進三十日抵海屬之雙石鋪探

賊全踞房山一帶九月初一日進發石榴寨突遇賊馬斬游騎十

奏稿十二

餘名該逆驅全股馬步結數十團衝撲我軍以炸礮擊之且躡且

進斃賊百餘潘鼎新督隊由南路兜上鎗礮齊施賊大潰走連夜

竄向西南初二日盛軍仍由石榴寨向南抄擊鼎軍由房山東追

該逆先以馬隊迎拒我軍以炸礮對轟賊馬四散驚潰步隊乘勢

喊殺該逆亦驅步隊環擊盛戰兩時賊復潰奔追至安峰山解救

難民千餘人初三日游騎突至宿遷之邵店周盛波循安峰山緊

躡賊後逆眾貫行如蟻沿途旗幟左右相望賊馬時來包抄不敢

偏視午刻追至沭陽之高家寨盛軍出隊誘戰營官董邦傑襲創

突進親放炸礮轟破馬賊十餘團賊復回拒各營鎗礮輪旋迎擊

自午至申連開大小炸礮百餘彈賊死傷無算潘鼎新亦馳抵高

寨併力追殺奪賊百餘騎是夜賊距我軍四五里周盛傳率部潛

襲之奪賊館三處獲四十餘騎擒賊十餘名餘眾驚走初四日官

軍追抵海州之阿湖鎮逆驅老弱於十里外留馬步悍眾於阿湖
 拚死一戰午刻我軍由南追及逆騎如潮迎捲而至鎗礮環擊賊
 馬不能撲入步賊排結五團每團約數千人奮臂而前提督周壽
 昌率五哨敵賊五團以一當百該提督脇受矛傷負創揮戰參將
 孫顯寅率後營繼進殺傷相當該逆矛械全拋而敗任逆見步賊
 大潰率內五營悍騎接戰總兵衛汝貴帶隊迎上各營乘勢齊進
 童邦傑親燃炸礮絡繹轟擊賊亦被擊散潘鼎新由東路兜勦
 賊向北狂竄共傷斃千餘名我軍亦有傷亡此潘鼎新周盛波兩
 軍連日追勦獲勝之情形也臣因逆眾盤旋海流郊宿交界無非
 多方誤我亟肆疲我以圖乘隙撲運河疊飭運防各軍晝夜嚴
 備劉銘傳轉戰日久士卒疲勞暫就運河灘上一帶駐紮休息昨
 聞賊近宿鄉復出行隊探勦潘鼎新周盛波兵力較單兼以賊到
 之處城寨緊閉糧糈維艱軍士忍飢連日酣戰屢挫凶鋒實屬異
 常奮勉據周盛波稟稱賊因我軍奮擊圖竄東境掠取寒衣劉銘
 傳函報探賊仍欲往青口流陽似趨向尙無一定臣飛飭潘鼎新
 周盛波察度賊蹤如竄海流即赴流陽扼勦遮其下竄六塘河之
 路如竄東境即相機追躡一面就辦軍糧更番休養以恤兵飢而
 鼓士氣劉銘傳仍回灘上略息再行整隊進勦所有連旬疊次力
 戰陣亡之吉林委騎校防禦富春黑龍江防禦農吉布都司銜
 守備張登瀛都司擬保游擊汪百昌王德富把總衛汝倫山東補
 用未入流陳禮元均請
 旨收部從優議卹以慰忠魂所有各軍追勦江境疊次接仗獲勝
 情形謹繕摺由驛六百里馳陳伏乞
 皇太后

皇上聖鑒訓示謹
奏

奏稿十二

十四

覆陳存營馬匹片 同治六年九月初九日

再欽奉八月二十二日

寄諭曾國藩李鴻章歷次奏稱采買戰馬不下八千餘匹駝隻幾及千匹現在存營數目究有若干曾格林沁所部馬隊除裁撤外現在存營馬隊官兵馬匹數目若干將領出色者其若干員均著李鴻章查明迅速覆奏等因欽此查曾國藩與臣歷次派員出口采辦戰馬隨時陸續交各營募練馬勇惟鮑超劉銘傳兩軍馬隊較多鮑超馬隊十二營經曾國藩奏明裁撤令提督唐仁廉挑選壯馬八百匹帶赴臣營頃已編立仁字三營交其訓練協勦劉銘傳所部吉林黑龍江馬隊官兵共七百十五員名並馬勇二營係副都統普慶統帶又馬勇五營係副將陳振邦統帶此外劉秉璋潘鼎新周益波各有馬勇二三營不等李昭慶所統馬勇

奏稿十二

五

四營現隨臣行營操練臣逐細察度勦捻必要馬隊得力而捻極狡悍動以萬騎夾數萬步團拚死包裹彼既馬步並進我亦須馬步相依立腳纔穩專用步隊則馳驟不速專用馬隊則出入太大逆首任化邦印任柱馬賊死黨最多曾格林沁初專以馬隊勦捻極利晚年騎將不甚得力而賊鋒過銳亦賴步隊相依蓋十餘年慣戰之賊不比新起股匪也臣等以南人練馬隊本非素習又少騎將經營兩年愧無成效現惟劉銘傳騎卒較多尙可與賊搏逐然亦難操必勝其餘步隊出勦須有馬隊探護躡追昨方絨商曾國藩廣籌餉源徐議添調或俟運防得罷酌裁守軍騰出添練馬隊之餉至馬匹到南隨營游擊疾症易生麩料難購動輒倒斃仍須隨時購補各營駝隻運解輜重自冬徂夏奔馳楚豫東各省亦多病斃俟飭查現存確數再行具陳至曾格林沁所部馬隊除盡

次道撤外現只吉林黑龍江黃旗馬隊三百二十員名據劉銘傳善慶面稱爲數太少入馬亦已疲乏軍事少暇須另撤換又已革漢軍正黃旗副都統溫德勒克西所帶察哈爾項二起馬隊係曾格林沁殉難後始行調到現只三百九十餘員名隨臣差遣馬匹不足亦待新購口馬到時酌補再令出勦此外曾格林沁所部並無餘存亦無另有將領出色之員理合附片據實覆陳伏乞聖鑒謹奏

奏稿十二

六

賊回東境銘軍獲勝摺 同治六年九月十七日
奏為擒逆被賊回竄東境劉銘傳追剿獲勝現籌布置情形恭摺
仰祈

聖鑒事竊八月初八至九月初四日各軍追剿江皖疊次戰狀於
初九日詳細馳陳在案劉銘傳聞賊近宿遷初四日帶八成行隊
由邳州灘上迎勦初六日抵邳城探悉潘鼎新周盛波初四日在
海州阿湖鎮苦戰獲勝賊仍竄踞石榴樹以東並牛山一帶初八
日即率隊東向行三十餘里至王堰地方備是賊館當令善慶陳
振邦馬隊從兩旁抄襲黃桂蘭唐定奎步隊隨後接應自率親兵
二營中軍五營繼進善慶等衝進賊館該逆猝不及防互相驚潰
劉銘傳督馬步隊向前急追逆眾屢創之餘紛紛退走我軍追二
十餘里東至牛山擒斬三百餘名奪獲騾馬四百餘匹解散難民

奏稿十二

千餘人賊於是夜聚住房山一帶陳振邦於三更後復派降首鄧
長安馬金敘等率領馬勇三百名襲取賊館十餘處殺賊百餘任
賴各股均即驚遁初九日追至房山賊已北趨嶺境劉銘傳因行
糧已斷曠野難購仍回邳州鼎盛二軍亦絕糧數日周盛波赴臺
莊運米潘鼎新往邳城就糧十一日賊復折走西北由邳郊境內
晝夜急趨入東潘鼎新遇賊於邳城之馬頭集派隊截擊小有斬
擒劉銘傳又自邳州出行隊速追十二日陳振邦馬隊及賊於邳
州蘭山交界之梁岵山叻鹿山一帶晝蹙賊尾夜擊賊館生擒四
十五名內有任柱左營領旗逆首王成章一名又陣斬悍賊百餘
名奪獲騾馬七百餘匹賊眾抱頭鼠竄不敢戀戰十三日賊山紅
山蘭陵竄走東軍駐守蘭陵之總兵楊飛熊連擊十四日賊走嶧
縣山中臣派溫德勒克西馬德順等馬隊循山南兜剿賊匪奔騰

縣一路韓莊以下防河各營均出隊沿河游護潘鼎新日由嶧
滕相機兜進上飭其抄過賊前馳往濟甯一面策應運防一面整
頓休養再行會合追勦查該逆盤旋邳宿海沭之交已近月餘圖
撲蘇境運河經各軍固守緊迫計不得逞劉銘傳潘鼎新周盛波
等疊次戰勝乃折而入東又由嶧滕西向必欲乘虛窺撲濟甯以
上運防軍先已密飭東境防河之淮軍楊鼎勳鄂軍譚仁芳劉維
楨豫軍張曜宋慶等嚴為扼並因豫軍汛地較短力量較厚飭
宋慶酌抽行隊在東平汶上就近游擊適據張曜稟稱秋間黃水
大漲沈日成廟南北岸平地水深數尺汪洋似湖隄牆大半漫坍
無可設守請俟水退即設法堵築該軍避水已移嶧口東岸臣因
張曜原守戴廟一帶本係賊竄熟徑現在水勢漲發長牆坍塌兵
既無從設守賊亦難飛渡該軍副將蔣希夷來轅面稟機宜臣

奏稿十二

令其回商張曜俟賊竄近卽督隊在東汶附近攔頭截勦使賊不
敢窺犯黃運邊界仍俟十月後水漸消涸再籌堵禦計濟甯上下
有鼎軍夾擊東平汶上有豫軍夾擊目前暫可支持劉銘傳追賊
過勞所部將士患病甚眾暫在邳州休養起置寒衣豫備三冬長
驅轉戰臣復抽撥運防隊伍交郭松林及時整練為會合追勦之
用並遴委員紳分赴兗沂青泰各屬會商地方官勸諭多購糧草
以備追軍過境急需俟後路各事布置粗定再移駐濟甯督率
調度所有擒逆被擊回竄東境現籌布置各緣由謹繕摺由驛馳
陳伏乞
皇太后
皇上聖鑒訓示謹
奏

復陳潮辦情形片 同治六年九月初七日

再欽奉九月初六日
寄諭皖軍擊賊之時未聞該大臣派出一軍乘機要截初不料觀
望延延一至於此又九月初八日

奇諭據英翰奏皖軍在順河集擊退捻匪劉銘傳潘鼎新等何以
並未緊追互相夾擊其為意存忌刻縱賊誤事已可概見等因欽
此伏讀之下惶悚曷勝查八月十四日劉銘傳在沈陽擊賊獲勝
賊即於十五六日竄至宿遷對岸圖撲運河臣於八月二十二日
附片略陳險雨河漲宿遷長牆森布似可無虞並令劉銘傳等緊
蹙兜擊但恐阻雨阻水師行多滯等語蓋宿沈之交河道紛歧一
雨便漲人馬難渡十六日以後晝夜大雨臣料劉銘傳等追軍斷
不得速劉秉璋督軍赴桃源運防十六日過宿遷適賊騎在對岸

游弋礮船擊退函稱宿防尚無大股撲犯皖軍尚可自支臣逐日
派弁赴河干探視亦稱各營守禦尚嚴皖將並無告急求援之文
臣又料宿防必可無虞十八九以後賊漸上移聲稱撲犯察灣皖
軍張得勝汛地臣派郭松林馳往督令各軍嚴守二十一二等日
忽報賊眾全股北走臣知係追軍趕上旋接劉銘傳潘鼎新兩報
在沈阻雨數日十九日從泥淖中甕河進蹙二十日抵宿遷之程
寨略一抄擊賊即為道我進一步賊退一步未敢拒戰而宿遷運
防以鬆臣於九月初九日彙摺補陳在案大概軍營習氣賊甫至
則羣事張皇賊一退則鋪敘戰績臣向所痛惡每誠諸將稟報賊
情戰事勿得一語虛飾以便據實上陳自忝任軍事以來臣疏具
在可覆按也英翰遠在穎郡系念運防又力顧大局派程文炳等
出境助勦臣與該撫交好有年公義私情均深敬佩何至稍存忌

刻維賊觀望為此悖義昧良之舉膠萊潰防以後

朝廷責備日嚴他人處此或打一仗報一仗甚且未戰報勝以期
稍寬咎戾臣自念庸懦無比謬負重肩捻勢方張殄滅無術日夜
憂懼即諸將追賊小勝何足蓋愆賴各省協力合謀奚須猜忌區
區愚誠伏乞

聖察至丁寶楨以濰河前事謂臣初私諉咎倒置是非仰蒙
聖明詳切訓誡臣敢不懷遵臣與丁寶楨本無嫌怨自夏間賊人
竄後彼即欲逐賊出境固身任地方之常情臣初謀困賊膠萊繼
圖扼賊運防丁寶楨皆不甚謂然惟臣專辦剿捻必思所以制賊
之方扼膠萊為上策其次則濰之運河以東竄地較狹迫勦較易
無論能否辦到勢固不得不辦即如賊出濰河將近兩月若非運
防有備賊颺疾如飛必已竄過兩省官軍步隊尾追何及劉銘傳

追賊最速每稱往年追至千餘里行至一兩月方得見仗轉瞬則
又失之今賊在運東不過數日數程便可躡擊一交冬令野無所
掠賊或漸窮出運不能則必求戰臣現整集各軍擬籌出三大枝
為合力兜剿之計但捻逆人馬眾多我軍須加整練不能不稍待
時日臣斷不因丁寶楨妄生訛議致涉遷延惟臣所慮實有二端
東軍約二萬餘人兵將多不得力劉銘傳周盛波各營降賊捻賊
皆供賊知東軍不足畏官紳士民亦皆知之丁寶楨拒諫飾非終
不肯悟此可慮者一也客軍入境呼應不靈全賴地方官扶助照
料況捻賊到處流竄賊至兵隨城寨俱閉惟地方官偵知是兵辦
運糧草給價賈則賊當飢而兵可飽而賊亦不難滅矣臣前已
奏奉
諭旨一再嚴飭並分派員紳赴東省各郡豫商購儲尙未據報購

存符干銘鼎盛各軍昨過郟城仍辦糧不出目下各軍不憂賊之
難打獨恐軍之常飢從古不能責飢軍以用命此可慮者二也臣
受恩至重默游大局絕不敢稍參私見亦未便引嫌緘默謹據實附
片瀝陳伏乞
聖鑒謹
奏

奏稿十一

五

移駐濟甯摺 同治六年十月初三日

奏為擒匪回竄東境圖撲運防經各軍躡嚴堵賊又折趨東南
臣移駐濟甯調度情形恭摺仰祈

聖鑒事竊捻逆被擊入東於九月十七日馳陳在案潘鼎新十六
日帶隊抵滕縣之臨城驛適賊由嶧境出竄潘鼎新且戰且行至
柴戶店賊大股來衝當添總兵張景春吳從發等分路迎擊賊退
回東路山下十八日賊騎數千復來偷襲潘鼎新先添鎗隊埋伏
樹林賊至伏起擊斃馬隊賊酋陳金福楊添燕二名餘眾潰走十
九日各營分進兜剿賊亦分兩路包圍我軍鎗礮齊發愈戰愈酣
賊騎先敗步賊紛潰直由滕縣大道北趨充濟是晚游騎已至濟
甯南陽湖邊窺伺經鼎營水師徐道奎分投扼剿潘鼎新即馳往
濟甯策應運防二十一日賊眾由兗州走甯陽邊馬向濟甯迎北

奏稿十二

五

奔竄偵知運防嚴密未敢撲犯二十二日豫軍宋慶派桂錫植帶
領馬勇由東平迎探行抵汶河正遇馬賊過河一擊即遁我軍乘
勢追殺斃賊數十生擒十餘人張隔因黃運盛漲亦抽隊進紮汶
平之交准備會剿二十三日賊遂東走泰安折向東南大路狂竄
二十四五等日由新泰蒙陰南走似又將回竄沂莒將後路運
防部分略定即於二十五日由蒙莊啟程飭徐州鎮總兵董鳳高
帶小隊移駐臺莊北岸涼州鎮總兵周盛波將所部移紮韓莊八
閘由韓莊南陽湖沿途察度布道二十九日馳抵濟甯賊驚漸
鬆面屬劉銘傳將疲病弁勇留守邳州灘上老營藉休養以設防
即酌帶精銳隊伍探賊所向迎頭截擊古州鎮總兵劉士奇患病
未痊所部奇字馬步八營與南嶺鎮總兵王永勝開字馬步十一
營均以兵力過單未足獨當一路飭將奇營併歸郭松林統領開

營併歸楊鼎勳潘鼎新分統厚集其勢趕緊整練約本月內可先
後出剿與劉銘傳合力相機會戰所有鼎軍十九日陣亡儘先都
司楊占魁候選從九品白璧請旨救部從優議卹以慰忠魂所有捻逆回竄東境經各軍躡剿嚴
堵賊又折趨東南臣移駐濟甯調度情形謹繕摺由驛具陳伏乞
皇太后
皇上聖鑒謹
奏

奏稿十二

五

現籌調度情形摺 同治六年十月十八日

奏為銘鼎兩軍分路進剿現籌調度情形恭摺仰祈
聖鑒事竊捻逆前月杪由新泰蒙陰南竄業經繕摺具陳旋探九
月二十九十月初一等日捻眾折由沂水越嶺東趨初三四日由
青州淄川長山西竄初五六日突至章邱臣先因賊已下竄飛催
劉銘傳由邳州灘上拔隊迎剿據報於初七日啟行初九日馳至
沂州探知賊在東路即於初十日由沂水穆陵關向青州進發臣
又慮濟南警急飭潘鼎新率部由濟甯巡趨省城迎剿適准丁寶
楨咨稱該逆在齊東馬莊等處河套搶得民船恐其乘機偷渡已
調水師駛往堵遏等語臣聞齊東城外今秋黃河決口漫淹四十
餘里水勢尚大礮船正可得力當即咨請嚴飭地方文武速將沿
河民船悉數提歸北岸不准停泊南岸水陸各營曉夜加意隄防
必能力扼北竄旋據濟南府稟報該逆沿河窺伺被守河礮船轟
斃數名即行逃去初九十等日悉數向青州竄走濟屬已無賊蹤
計劉銘傳一軍正由穆陵關北來當可迎頭攔擊道遠未得續報
殊深焦盼潘鼎新十四日行過肥城聞賊又東竄無庸迂道省城
遂折由泰安東向若賊盤旋青境即由博山臨胸前進會商劉銘
傳合力兜剿若賊被擊南下即由新泰蒙陰南進沂莒截剿鼎軍
馬隊過少飭派霆軍記名提督唐仁廉所部仁字三營並親兵馬
隊馳往泰安與潘鼎新會合福建提督郭松林武毅奇字各營在
臺莊整練將齊飭即帶赴濟甯與湖南提督楊鼎勳所部勳開各
營會合續進蓋臣部止此兵力運防千里所調各軍尚不敷布楊
鼎勳分守濟甯南至石佛一帶周盛波周盛傳分守韓莊八開一
帶鄭國魁張桂芳孔昭石等分守大泛口至灘上一帶劉銘傳留

各營二成隊分守灘上至貓兒窩一帶李昭慶劉秉璋本接守宿
遷仰化集下至清江之楊莊經清江張之萬商議移守六塘河與
泗沂皖南等軍聯紮以固清淮門戶臣又令李昭慶以四營仍紮
運西原段以四營渡運斜紮六塘河十餘里至簷家莊劉秉璋所
部全移六塘河張老爺廟至白草溝與各軍分守惟六塘水漸消
涸平地立牆甚費工力須冬月下旬牆濠可竣賊若南窺未知能
否趕及統計臣軍分守東蘇運河及六塘河共約三百五十餘里
河道寫遠力分愈單原屬制流寇之拙計但自八月至今該逆上
下窺窺尙未闕過各軍牆濠愈加高深將來水涸冰凍或不至絕
無可恃而臣忝任專征責望交集既不敢自弛運防又不敢緩於
兜剿不得已為騰挪之計因劉銘傳聲威素著兵力略厚令其帶
八成步隊與副都統善慶溫德勒克西副將陳振邦等馬隊出剿

奏稿十二

五

郭松林楊鼎勳新併武毅開奇各軍兵力亦較厚令其酌留數營
防守濟甯至石佛河牆仍帶大隊會合出剿現除留守運牆外計
有三枝游擊之師劉銘傳潘鼎新各為一枝郭松林楊鼎勳併為
一枝每枝均及萬人可南可北可合可分總須躡賊所向竭力會
剿隨時兼護運防但使兵到之處有糧可購或得一二好仗稍挫
兇鋒安徽撫臣英翰所派程文炳方長華一軍赴東協剿又因皖
軍宿遷運防力量必須就近援應臣商令進駐郟城為南路適中
要地賊蹤在二百里內可以相機截擊惟北路黃防關繫尤重臣
為運防所牽不能兼顧慮滋深目前黃水寬溜斷可無虞冬至
後風雪嚴寒每易凍互近數年來惟去冬晴暖未凍天時固屬難
知人事必須預計聞直軍上下游防河水陸不過八千東軍不過
二千屆時分段打冰實不敷用查唐訓方張樹聲分駐齊河張秋

北岸均最衝要惟人收稍單前准直隸督臣劉長佑咨稱東省范
縣以下去年曾經奏明劃歸東軍防守今夏始調直軍兼防現因
梟匪未靖自顧不遑請仍將范縣以下酌撥東軍協守等因東省
賊在腹地恐未能分兵多顧河北惟臣揆度形勢目下運防圍密
黃防可慮者自張秋至利津海口八百餘里訪聞歷年情形僅張
秋至東阿魚山不足百里河套紛歧溜小力薄中泓易凍魚山下
至海口河合歸槽大溜向難東合或暫東旋開不至堅久今議河
北沿岸增防既恐無此兵力莫若令東軍大隊於冬臘正三箇月
專駐濟南至青州一路以防為期過正月後仍可到處尾追蓋賊
欲北窺必由青濟始能逼近河岸黃河下游實以濟南青州為門
戶若以東軍二萬分駐梭巡賊來迎擊賊去勤操不獨有裨大局
且可練成勁旅賊知南岸有備自不敢乘虛直突臣所派游擊各

奏稿十二

五

軍屆時當緊躡賊蹤自北而南節節兜剿為遮蔽黃運兩防之勢
但祈仰託
聖主威福黃運水涸冰凍之時防軍嚴守游軍力戰使賊勿得窺
窺而過明正野無所掠賊技自窮殄滅或較易耳捻極奔突即限
以運東一隅為地尙寬微臣才弱智短議防議剿竭蹶萬狀全賴
各疆臣實力扶助分任其難儻以黃運數千里之防羣然糾責於
微臣一人之身臣即無所推諉必致收壞全局萬不得已惟有撤
去運防專事追剿誠恐此賊終無了期各軍疲於奔命久或更生
意外之變臣身在行間熟知利病用敢詳悉陳伏冀
聖明裁決指示俾其遵循所有銘鼎兩軍分路進剿現籌調度情
形謹繕摺由驛六百里馳陳惟乞
皇太后

皇上聖鑒訓示謹
奏

奏稿十二

五

銘軍安瀕大勝賴逆被創略盡摺同治六年十月二十五日

奏為銘軍擊賊安瀕之交大獲勝仗賴逆股匪被創略盡現在督飭諸軍由海鏡南路兜剿恭摺仰祈

聖鑒事竊銘鼎兩軍外路進剿及調度情形業於十八日馳陳在

案查捻逆於齊東被破船擊退後大股東竄青州連擾樂安壽光

因濰縣有糧可掠盤踞三日臣先飛催劉銘傳一軍由沂水繞出

穆陵關迎頭攔截十六日行抵鄒郡地方聞賊尙在安邱濰縣一

帶飽掠劉銘傳即派參將陳鳳樓率馬勇百名前往偵探行至臨

河寨即遇賊館陳鳳樓率隊衝擊生擒任逆外五營賊目潘債一

名并其黨十餘人訊供賊糧之後即欲颺走劉銘傳恐該逆聞

風潛遁攻其不備督軍於四更拔隊十七日黎明至臨河寨見賊

踞松樹山一帶馬步重疊互數十餘里劉銘傳即分軍三路劉

克仁左軍六營同善慶馬兵五營為一路唐定奎右軍六營同陳

振邦馬勇五營為一路劉銘傳自率劉盛休滕學義等中軍六營

并親兵兩營為一路徐邦道陳鳳樓率馬勇兩營大呼殺入銳不

可當賊不虞我軍之驟至倉皇整隊拚命抗拒我軍分路迎擊唐

定奎等抄賊於右劉克仁等抄賊於左滕學義劉盛休等直搗賊

巢該逆抵敵片時我軍收路包進所有松樹山以西賊館十餘處

賊眾二千餘名全數撲滅生擒藍旗賊首張斯潘德楊三注等三

名陣斬賊目王雙如等十餘名奪獲驛馬一千六百餘匹維時任

逆率馬賊二千餘由東飛奔而來賴逆亦率馬步三千餘由南濰

擁齊至劉銘傳自督中左各營東拒任逆分派陳振邦唐定奎兩

軍南擊賴逆我軍無不以當百賴逆不敢接戰率黨回奔任逆

踞牟山頂經善慶陳鳳樓等猛擊十餘回合賊不少卻劉克仁劉

盛瑞率步隊繼進，放排鎗賊始不支，潰向牟山東去。我軍追逐數里，該逆復同牛逆白旗步賊數千，併力回拒。劉克仁、滕學義、徐邦道率軍追至大戰，陳振邦、唐定奎遂走。賴逆之後，亦向東路合進。任牛兩酋見我軍勢盛，不敢抵戰，過汶河向安邱城北竄走。劉銘傳即督令各軍由汶河南岸跟追，當任賴兩逆之兩路猛撲也。我兵分路禦之，賴逆不戰先潰，竄往牟山之南。為大軍所隔，不得與諸逆合股。任牛二逆潛由安邱城西與賴逆合。劉銘傳在山頂瞭見，即令步軍速進，抵任任逆，又派陳振邦、善慶、溫德勒、克西、徐邦道、陳鳳樓等，連帶馬隊合擊，賴逆追至東嶺，賴逆所部已逃去大半。僅賸步賊千餘，經馬隊四路抄擊，斃斃生擒偽天將張大有、偽恭天福、邱姓等數名，並賊眷十餘人。任牛各逆見勢不支，亦繞向安邱東北，由高密諸城一路南竄。此劉銘傳一日三戰，連獲全勝之實在情形也。據該提督馳報前來，臣查捻逆因運防嚴密，不能竄出，飢寒交迫，游弋東路，志在擄掠為樂，冬之計此，久擾濰縣，難保不折回青濟，窺伺黃防。經劉銘傳閉道繞出其前，奮力痛擊，賴逆一股被創，略盡洵足壯天威而制狡謀。潘鼎新自肥城改道由泰安東向節經，臣飭令由博山臨朐出穆陵關，計現在當已與銘軍會合。追剿該逆，大創之餘，必從諸莒直趨海嶺，則南路運防又形喫重。郭松林武毅一軍整練已齊，來濟候調。臣飭該提督與楊鼎勳所部勦開各營，合為一路，迨日適發，取道沂邳探賊所向，與劉銘傳程文炳等合力兜剿。若再能痛挫兇鋒，解故必眾賊黨漸離，或可收聚殲之效。此次劉銘傳一軍赴機甚速，苦戰獲勝，在事員弁兵勇奮往爭先，實屬異常出力，合無仰懇

天恩准臣查明彙案保獎，以勵士氣。所有銘軍大獲勝仗及臣督催各軍馳往南路會合兜剿情形，謹專摺由驛六百里馳奏伏乞

皇太后

皇上聖鑒訓示謹

奏

請擊問閉羅縱兇之知縣片同治六年十月二十五日

再征軍以行糧為急必須地方官預為購儲隨時由營給價取用始得一意追賊無誤事機疊奉

嚴旨飭山東各州縣購糧存儲以濟軍食經臣各催丁寶楨飭辦在案茲據劉銘傳文稱該軍十七日在安邱城外接仗大勝是晚收隊住宿城東遺游擊宇文建持諭進城知會該縣知縣李舒翹購辦軍糧城上人不由分說竟將該游擊開槍擊斃復誘李舒翹劉長進千總王得勝什長李應書搶去馬匹衣物不知存亡劉銘傳恐該縣官民誤認為賊無從分辦復令近城安阜堡寨長候選布政司理問王培專人入城告知官軍亦被鎖押十八日辰刻善慶營內吉林黑龍江馬隊官兵又被銃傷四人請

奏稿十一

豈竟毫無見聞即或倉猝誤認劉銘傳令近城寨長專人曉諭復加鎖押是誠何心且無故擊斃游擊大員誘擊官弁擄槍馬匹其為守城人等恃蠻肆橫該縣知縣執法避差縱民逞兇已可概見若不嚴行懲辦誠恐各處紛紛效尤是追剿之軍既苦於戰復苦於飢縱倖免於戰陣之傷亡轉難免於城寨之戕害於軍行大有關係相應請

旨將安邱縣知縣李舒翹革職拿問並勒令將開鎗戕官及誘擊弁兵槍擄衣馬之犯逐名交出交山東臬司嚴訊確情由臣等定擬具

奏以傲刁抗至游擊宇文建平日打仗極為奮勇本日血戰尙殺賊多名乃因赴城求羅碎爾被戕情形極慘深堪憫惜並懇請天恩敕部照游擊陣亡例從優議卹附片具陳伏乞

聖鑒訓示謹奏

奏稿十二

三

銘軍機處大勝陣斃任柱 同治六年十月三十日
奏為劉銘傳善慶馬步各軍乘勝追賊至嶺榆城南大獲勝仗陣
斃兇悍逆首偽王任柱即任化邦現仍星夜緊追以期乘勢盡
殲餘黨恭摺陳大略情形仰懇

聖慮事竊銘軍十七日在安邱濰縣之交大戰獲勝情形經臣於
二十五日馳奏在案賊敗後潰向諸城南趨劉銘傳督率馬步各
軍奮力兜躡二十二日追至日照地方先鋒馬勇與賊接仗鎗傷
偽王任柱右耳際尚不甚重該逆逆奔江南嶺榆縣境劉銘傳
同善慶等二十四日追抵嶺榆任逆憤急棄創拚命決一死戰挑
選馬步悍賊數萬預伏嶺榆城南村林後欲乘我軍遠道疲乏以
圖一逞劉銘傳與善慶等是日未刻齊抵城下詢問土人俱稱竄
青口一帶距城甚遠蓋賊過民逃不知其詭狀也劉銘傳督隊由

城東進天忽大霧垂映四野昏不見人該逆突分數大股蜂擁撲
來善慶等整隊攔頭迎擊殺三四回合馬上洋鎗連環施放任
逆眾而且悍幾不能支劉銘傳親督先鋒馬勇將賴汝洗牛遂兩
股擊敗復督步隊上前接應任逆自率馬賊數千直抄我後經善
慶等分隊擊回該逆猶率親兵步賊拚死拒敵劉銘傳善慶督
馬步各軍大呼殺入鎗礮如雨賊中忽自驚喊曰魯王受鎗傷死
矣賊眾一轟而潰我軍勇氣百倍乘勢趕殺但見一羣悍逆罔簇
任逆屍身用快馬負馱而去餘賊狂奔其馬賊過眾我軍槍屍不
得追殺二十餘里捨斬極多伏屍遍野旋降出藍旗馬賊數十名
俱稱任逆被鎗子洞穿腰肋登時斃命劉銘傳善慶等仍督隊趕
追以期乘勢盡殲賊黨業經兩次專弁飛馬馳報到臣查偽王
任柱即任化邦係亳州積年巨寇最為兇悍之首逆所帶藍旗

馬步悍黨最多四年四月親王僧格林沁曹南之挫據疊次擒賊
降賊皆供該逆尤與僧親王死鬪者屢密屬劉銘傳等懸賞購
線使其自相戕殺若軍士能於陣前擒殺該逆許以破格保獎並
賞銀數萬兩劉銘傳前於安邱戰勝後兩稱有逆首潘貴升專人
密信願謀殺任逆贖罪圖功該督督允給三品花翎並賞銀二萬
兩等語此次據報任逆死於亂軍鎗礮之中或謂係官軍洋鎗擊
斃或謂即係潘貴升暗鎗中傷慮速之中尚難查究臣據劉銘傳
善慶兩報並細詢兩次來弁是日接仗及賊匪敗遁擒賊眾俱情
形則任柱伏誅似已確鑿無疑餘俟確查核辦此股捻逆以任化
邦及偽逆王賴汝洗牛洛紅之子牛遂等三人為首賴汝洗係廣
西老賊詭詐多謀任化邦馬賊最悍牛遂步隊最多然賊中皆稱
任化邦善戰各路官軍屢為所窘任逆不除則餘黨斷不得滅今

奏稿十二

奏稿十二

請

仰賴
聖主威福兇渠先已授首實足伸
天討而快人心惟其悍黨尚多各軍乘機兜剿解散脅從招納降
酋冀可漸次掃蕩潘鼎新唐仁廉已先後由莒州日照向南兜追
郭松林楊鼎勳二十六日自濟甯拔隊由滕嶧逕趨鄒縣軍程
文炳等亦由郯城就近迎剿臣督催各統領倍道星夜馳往與劉
銘傳前後夾擊軍勢四合剿辦當可得手又慮困獸猶鋌而走
險並飛飭下游運河及六塘河防軍嚴加堵守勿任竄越以收聚
斃之功臣俟劉銘傳等續報賊情稍定或再馳赴南路督辦
頭品頂戴直隸提督劉銘傳忠勇耐勞追賊神速此次陣斃巨逆
擬先請
旨優加賞賚頭品頂戴杭州副都統善慶驍勇敢戰鎗技無敵擬

懇

恩賞穿黃馬褂已革副都統溫德勒克西謀勇穩練擬請
旨開復原官仍交軍機處記名遇有副都統缺出儘先簡放其餘
尤為出力將士俟劉銘傳等查明具報續請優獎所有陣斃逆首
偽魯王任柱即任化邦官軍仍星夜緊追兜剿大略情形理合由
驛六百里先行馳奏仰慰
聖慮伏乞

皇太后

皇上聖鑒訓示謹

奏稿十一

奏

查明鎗斃任柱情形並銘軍保案摺
奏為查明鎗斃逆任柱實在情形並銘軍馬步將士疊次獲勝
尤為出力人員額請
恩獎恭摺仰祈

聖鑒事竊劉銘傳等追賊贛榆大獲勝仗陣斃逆首偽魯王任柱
即任化邦經臣於十月三十日馳陳大略聲明任柱係何人殲斃
俟確查核辦並續請優獎在案嗣據劉銘傳文稱十月二十四日
追抵贛榆城下探知賊眾全伏東南數里外當派善慶溫德勒克
西由城東進陳振邦徐邦道陳鳳樓等由城西進陳振邦等甫過
西關正遇牛賴兩股馬步賊數千蜂擁而來陳鳳樓等當率馬勇
迎擊四五回合賊馬稍卻步賊復持矛格鬪唐定奎步隊六營趕
上衝擊劉銘傳復派劉盛休等接應其時善慶馬隊已與任逆接

奏稿十二

仗該逆眾而且悍善慶令各旗弁兵下馬開鎗拒戰劉銘傳又派
劉克仁步隊六營及丁壽昌滕學義等由城北繞出賊後以分其
勢牛逆一股經唐定奎陳振邦等擊走陣斬百餘名賴逆亦即敗
遁惟任逆尚與善慶劉克仁丁壽昌等惡戰不退劉銘傳親率奮
勇趕上策應鎗礮如雨之中忽見降西潘貴升躍馬而前曰任柱
已為我鎗斃矣賊眾相驚譟遂大潰奔劉銘傳善慶揮令各軍
乘勢追殺二十餘里擒斬千餘名奪獲騾馬器械極多旋降出藍
旗馬賊二十餘名供稱任逆正在指揮督戰忽鎗子洞穿腰肋而
斃二十五日五鼓偽王宗賴賜福率三十餘騎來降所供任逆陣
斃情形亦同查潘貴升係任柱內五營頭目素有膽氣前於安邱
戰勝後密信約降遂投入陳鳳樓馬隊營內願殺任逆圖功是日
接仗正酣該降西潘商馬隊哨官鄧長安於煙霧之際口充賊中

旗號混入賊陣乘任逆督戰不暇後顧施鎗中斃飛馬回陣善慶
等即乘勢率隊猛進綠賊騎眾多未及搶獲屍身嗣賴賜福等降
出據供賊中因任柱已死甚形慌亂羣推賴汝洸為首等語臣查
擒逆頭目雖多實以偽為王任柱即任化邦為最悍其將騎得法
飄忽善戰我軍幾無能制之者十餘年來剽掠數省荼毒生靈惡
貫已滿今幸仰託

聖主洪福將士用命劉銘傳於安邱一日三戰大挫兇鋒晝夜緊
追因降人潘貴升設計臨陣殲厥渠魁其餘黨較易剿辦劉銘傳
等前已懇

恩獎勵該軍馬步隊疊次打仗尤為出力及是日陣斃逆首內應
外合各將士著有微勞據劉銘傳核實開保請奏前來相應懇懇
天恩俯准給獎以示激勸仰補參領吉爾洪額擬請

賞加副都統銜佐領興祿擬請

賞加勇號已革副都統布特哈總管哈奇祥阿格洪額雙巴圖魯
薩尼布布特哈正黃旗佐領葉普春均擬請開復原官吉林蒙古
鑲白旗佐領薩連擬請開復頂戴已革驍騎校委營總那本吉勒色楞擬請以

請開復原官以防禦補用驍騎校委營總那本吉勒色楞擬請以
防禦用並加佐領銜按察使銜江蘇卽補道丁壽昌擬請遇有江
蘇道員缺出請

旨簡放並加布政使銜記名總兵陳振邦擬請
記名以提督簡放記名總兵劉盛休劉盛瑞馮如霖均請加提督
銜儘先副將唐定奎王德成徐邦道丁達材王貴揚均擬請以總

記名簡放唐定奎並請

賞加勇號儘先副將梁善明李常付趙懷業高士成儘先參將滕
學義陳鳳樓吳宏洛副將銜儘先游擊丁汝昌均擬請

賞加勇號滕學義陳鳳樓並請以副將儘先補用丁汝昌並請以
參將補用參將銜明禮姚天霖唐恩純蘇得勝均擬請以副將儘
先補用並加總兵銜參將趙長發邱尊謙閔鳳來游擊張光亮均

擬請以副將儘先補用儘先都司王保勝張佩芝謝大魁談燮和
守備吉玉成均擬請以游擊儘先補用王保勝張佩芝並請加副
將銜守備王鳳彩擬請以都司儘先補用並請加游擊銜藍翎千
總任之書馬加銀記保千總鄧長安任永清馬金敘均擬請以守
備儘先補用並

賞戴花翎鄧長安並加都司銜暫免發遣留營帶隊已革記名提
督劉克仁衝鋒勇敢擬請免其發遣以副將降補至潘貴升以降

首謀殲逆首忠義可嘉先經劉銘傳允給三品花翎並賞銀二萬
兩除咨商兩江督臣曾國藩由糧臺籌給賞銀以示大信外可否

蒙
恩准以千總補用並
賞戴花翎加游擊銜出自逾格

鴻施湖北候補同知閻克顯擬請補缺後以知府補用江蘇候補
同知直隸州知府候補知縣王亮督練助勦出力復籌辦軍糧接

濟無誤擬請俟補用知直隸州後以知府不論繁簡儘先升補先
換頂戴所有查明鎗斃首逆任柱實在情形並銘軍馬步將士疊
次獲勝出力人員請獎各緣由理合恭摺由驛具陳伏乞
皇太后
皇上聖鑒訓示謹

奏

奏稿十二

三

鼎軍海屬大勝片

同治六年十一月初五日

再正緒摺開據潘鼎新稟稱十月二十七日追至贛榆沙河寨探知賊在海州境內二十八日進至海屬上莊鎮正遇賊股北竄該司即派提督戴春林馬隊伏於後面樹林中以潘國揚等六營由中路迎敵吳從發兩營當左路張景春兩營當右路潘鼎立兩營與薛桂榮等四營接應賊先以馬隊左右包抄經張景春等奮力擊退賊馬步大股由正面壓下因獸之鬪兇悍異常吳從發屹立如山屢撼不動鎗礮環擊賊倒紛紛潘國揚等被賊大股猛衝潘鼎新趕帶親軍馬隊督催回殺各營鼓譟齊進賊立潰奔我軍追殺三里餘忽被馬賊將前隊壓回潘國揚立斬先退者一人各營併力兜進賊遂大敗長矛馬匹拋棄滿地戴春林乘勢由後路猛追縱橫排盪殺傷甚多斃賊約二千餘人內有少隊賊酋任金保亦係任柱之族也是晚收隊後任逆內五營李宗詩馬隊降出五百餘名據供任柱陣斃後賴汶洸苦勸眾酋為任逆復仇拚命一戰又被官軍擊敗賊中多懷疑懼各等情前來銘軍由贛榆追至鄰城之羽山續後接仗情形尚未報到目下劉銘傳潘鼎新仍分路緊追唐仁廉馬隊於初二日由沂州前進會合潘鼎新截剿郭松林楊鼎勳大隊計日亦抵鄰城諸路軍勢漸合剿撫兼施當可依次得手臣本擬俟賊蹤稍定即赴南路督辦茲審察賊情盤旋海流宿鄉之交似圖撲下游運防幸防軍已有準備游軍已漸齊集一經併力會剿難保不伺隙北趨臣應稍緩酌奪進止疊飭劉銘傳郭松林楊鼎勳潘鼎新等互相約會務趁任逆熾燄賊解體之時穩兜剿使賊不稍喘息其投降馬步妥為安插解散以孤其黨而分其勢冀收廓清之效所有鼎軍在海屬截擊大勝及

現籌調度各情理合附片馳陳伏乞
聖鑒訓示謹
奏

奏稿十二

賊竄入東現籌調度摺
奏為擒逆被擊狂竄入東各軍緊追兜剿現籌調度各情恭摺仰
祈

聖鑒事竊逆首任桂馨斃後銘鼎各軍分路追剿恐其伺隙北竄
緣由經臣於初五日奏報在案旋接潘鼎新疊次稟稱十月二十
八日在海州上莊戰勝是夜賊走贛榆之沙河北二十九三十等
日賊至鄰贛一帶追兵雲集沿海北趨日照之濤雜夾倉各口十
一月初一日鼎軍追抵日照初二日賊走諸城初四日鼎軍追及
諸城之兩城集先遇賊騎游弋我軍且進且逐之將至兩城步賊
伏於後面樹林中馬賊在平地誘戰潘鼎新飭各營步隊列陣以
待親督馬隊分東西路迎擊回合數四忽調大隊從岡嶺三路壓
下我軍馬步夾進賊大敗狂奔殺斃甚多奪賊馬數十匹初五日
賊折由海濱竄向諸城膠州之閒午後鼎軍又追及船益場該逆
一見即走未敢接戰初六日鼎軍過留武關賊竄高密初七日鼎
軍至油溝賊竄昌邑初八初九日鼎軍至北蒙賊又折向濰縣初
十一兩日銘軍邀擊潘鼎新恐賊西走青州遂繞由濰縣
昌樂出壽光趕出賊前與銘軍夾擊各等語又接劉銘傳初四
日在莒州函報擒逆自贛榆擊敗日夜狂奔銘營馬勇於二十五
日夜擊賊館數處該逆以後夜不止宿二十八日賊由海境偷向
北竄適遇鼎軍痛剿斃賊極多賊仍折緣海濱急趨該提督慮青
州所屬寨少糧多賊必投此路謀食因知鼎軍銜尾北追遂督銘
軍由沭陽高淄集取道巡赴莒州以冀攔剿並飛函知會郭松林
楊鼎勳等亦由莒諸北來會剿等語連日未接劉銘傳稟報戰狀
但據諸城縣知縣仇恩注稟稱初六夜五鼓副都統善慶督馬隊

馳抵該境直向東北進剿黎明劉銘傳亦統馬步全軍追及在該縣東北十五里之小石橋十八里之孫村三十里之昌城北巴山莊及高密之駐清等處與賊接仗五戰皆捷賊無數洶屬大快人心等語又據濰光縣稟報初十日捻逆闖入該縣東南十一日寅刻劉銘傳督軍追及濰河東岸接仗獲捷賊屍遍野逆眾窮蹙郭松林潘鼎新等亦即帶兵至縣會合追剿等語是臣部各軍均已趕至東路日有戰事臣已飛飭諸將乘勝兜剿使賊勿得喘息竄偏黃河南岸又慮賊西趨檄調皖軍程文炳挑帶六成行隊由沂州進駐泰安適中之地若賊由萊蕪青石關沂水穆陵關翻山西竄即據險邀截與劉銘傳等前後夾擊若賊由濟泰西走即與豫軍守運之張曜宋慶等左右夾擊若賊回竄沂海即回軍沂邳與方長華留邳之四成隊策應運防庶為面面周到至黃河防務關係緊要臣於十月十八日摺內豫籌大略擬請直東分任設防事理似尚平實旋疊奉

嚴旨飭籌協助臣苟力所能盡自係義無可辭查黃河冬凍惟張秋至魚山六十里河汊分歧溜小力薄嚴寒易凍防務最為喫重直隸臬司張樹聲與唐訓方分段設守兵力過單臣於十月中旬兩飭張樹聲來營妥細籌商因將該臬司舊部記名總兵張樹屏所帶樹字三營准勇洋鎗隊撥歸該臬司調遣兵將相習較可得力張樹屏所部已於十一月初七日由濟甯運防拔隊北行飭令到張秋後打水築牆各事相機妥辦並以直省臬匪未靖兵餉難籌所有樹字三營月餉仍由蘇省一體籌濟不敢稍分畛域臣暫駐濟甯督籌運防隨身並無一營此外實亦無可抽撥所有捻逆被擊狂竄入東各軍緊追兜剿現籌調度各情謹繕摺由驛馳陳

李文忠公奏稿 卷一一一

伏乞
皇太后
皇上聖鑒訓示謹
奏

奏稿十二

臣

各軍齊集賊勢窮蹙片同治六年十一月十七日

再正在繕摺間接鄂松林楊鼎勛呈報初七日行抵莒州偵知該
逆由諸城高密北趨當即寄頓輜重酌製餵糧取道諸城州兼
程繞進口行百餘里將士履冰涉水寒苦異常十二日至濰縣東
南七十里之杞城瞥見塵沙蔽日自北而東適前鋒馬隊飛報擒
賊供稱該逆以我重兵在北故折而東竄等語郭松林即揮軍趨
行甫至流黃鎮即遇賊隊郭松林居左楊鼎勛居右均飭馬隊前
驅步隊繼進吳鳳柱張朝山易剛即率所部馬勇分馳猛進吳
鳳柱胡連發躍馬陷陣手刃賊目多名賊陣稍動且前且卻我軍
步隊乘機排隊如牆而進該逆退往汶河濰河之間為水所阻拚
死回拒步賊居中騎賊分兩翼出勢極兇很郭松林等親督李
長樂朱德鴻張正全陳飛熊王萬釗張海龍唐宏成高占彪等各
率所部合力奮擊鎗礮環施刀矛搏刺賊勢不支紛紛斃水東遁
我軍亦渡河躡擊連戰復捷迨至余家寨三更收隊露宿林中倚
樹以憩天明仍由東路跟蹤追剿是役也計擒斬大小賊目數十
名悍賊四千餘名淹斃無數任柱之弟偽王宗任三厭代領其眾
亦受重傷救出難民三千餘人奪獲驛馬二千餘匹我軍弁勇亦
有傷亡各等情又接據副都統善慶稟報初七日會同劉銘傳追
過諸城十餘里遇賊即督隊上前追壓該逆竟敢列陣包夾善慶
分部抵敵衝殺四五回合斃賊多名餘匪往東非奔竄劉銘傳督
馬步合力追殺四十餘里初十日抵濰縣該逆由縣東往西北劉
銘傳即刻督令進剿派善慶溫德勒克西唐仁廉各馬隊與左軍
步隊同進陳振邦馬勇與右軍步隊同進劉銘傳親督中軍馬步
由中路進該逆見勢不支向北狂奔我軍猛追生擒髮逆多名奪

獲驛馬器械不計其數該逆經我軍追急分為數處亂竄直追六
十餘里于刻始行紮隊十一日卯刻該逆折回東南又經我軍馬
步齊進鎗礮迭施將該逆追至濰河東岸小湖邊該逆即往湖中
亂走泥淖過深我軍就此斫殺千餘名生擒及解散無數奪驛馬
數千匹又據濰縣知縣祈昱稟稱十二日賊由昌邑折走濰境西
北劉銘傳即督部馳往截擊大獲全勝殲賊無算生擒多名投降
二千餘人賊大潰分股四散奔竄各等情前來臣查該逆在江境
負創乘虛北竄不料我軍諸路並進一時齊集遂於濰縣昌邑壽
光之交來往亂走接各軍稟報初十一十二等日無路非兵無
戰不捷擒斬解散約以萬計實足寒賊膽而快人心郭松林報稱
賊敗竄汶濰而東情勢頗為窮蹙似不至窺伺黃防即使開道西
趨亦不過於運河上下求逃命之路除督飭運防各軍加意堵扼

奏稿十二

飛飭諸將乘勝窮追痛剿俟劉銘傳續報捷狀再行詳細具奏外
謹附片馳陳伏乞

聖鑒訓示謹

奏

劉松山勦賊北山李祥和陣亡片 同治六年十一月十七日
 再據授陝提督劉松山馳報該軍於十月間會同統領和厚等營
 壽春鎮總兵李祥和及郭寶昌等軍由蒲城白水入北山追勦擒
 逆十七日行抵中部探得捻逆已竄宜川距河甚近急應飛速進
 勦無如山徑險狹峻深溝峻陀上下各營隊伍須魚貫而行首
 尾難於兼顧十八日該提督率前隊六營抵安子頭距洛河十里
 後路各軍連紮約二十餘里十九日察看洛河水勢甚急處渡遲
 緩該提督遂自率六營先渡黃葛友帶三營押尾催諸軍陸續
 進發前隊甫經渡河越嶺將抵洛川城下忽接黃葛友飛報洛河
 西岸礮聲不絕後路有警該提督即派六成隊飛速回援行至中
 途據報李祥和和厚兩營至中部之太賢村突有回匪百餘從
 西北山隈翻越而上猛撲該營李祥和和厚字營營官記名提督
 劉芳桂結隊穩站自率和字營奮勇殺入斃賊多名忽又衝出悍
 賊千餘重重包圍李祥和和厚所乘馬中鎗連斃二匹下馬
 步戰石臂中鎗猶復忍痛格鬪奈眾寡不敵身受多傷登時陣亡
 劉芳桂見統領被困率眾救護研問直入被賊刀斫頭面傷甚深
 重又受矛傷多處經郭寶昌黃葛友先後趕到力解重圍賊眾不
 敢抵拒遂向東北龍安鎮一帶竄去劉松山帶隊追擊因天晚路
 險未便深入暫收至洛河東岸紮住謀知回匪已經遠遁擒在宜
 川尚未他竄遂於二十一日回抵洛川相機進勦劉芳桂旋亦
 因傷殞命該提督均妥為棺殮派員護送出關呈請
 奏卹前來查陝省北山路徑險阻軍行本極艱險現值捻回交
 訂倉猝遇賊尤為變起不虞記名提督安徵壽春鎮總兵李祥和
 忠勇耐勞向隸會國萃部下轉戰江皖克復安慶江甯省城屢著

奇功入陝以來大小數十戰極為奮勉茲以遇伏接仗力竭捐軀
 軍事方殷良材遽殞深用軫傷合無仰懇
 天恩敕部照提督陣亡例從優議卹並懇
 特恩予謚於原籍及立功死事地方建立專祠用昭蓋績記名提
 督劉芳桂救護主將奮不顧身受傷殞命亦堪悼惜應一併請
 旨照提督陣亡例從優議卹以慰忠魂其餘陣亡弁勇由該提督
 查明續報到時咨部核辦所有統領營官力戰死事情理合附
 片具陳伏乞
 聖鑒訓示謹
 奏

奏稿十二

哭

銘軍東境大勝也 同治六年十一月二十一日
奏為劉銘傳督軍在東境諸高灘濤四邑擊賊獲大勝餘賊敗走東南詳細情形恭摺仰祈

聖鑒事竊捻逆被擊狂竄入東各軍追剿獲勝經臣於十七日附片馳陳大略在案茲據統領銘軍直隸提督劉銘傳文稱初七日行抵諸城東十餘里遇賊北竄當派善慶等馬步各隊進擊賊即折向東走我軍追擊四十餘里步隊至巴山馬隊至注溝賊馬千餘回關經陳鳳樓徐邦道等擊敗陣斬紅旗賊酋鄂馬糊生藍旗賊日張定柱並斃馬賊二百餘名奪獲戰馬二百餘匹該逆狂奔東北而去其已過濰河之馬賊數百步賊千餘悉為我軍衝散是晚之降馬賊供稱順逆等圖竄北海邊沿湖沿黃捕糧再由濟甯上下搶撲運河等語劉銘傳恐賊竄青濟黃防喫重當由安邱

開道馳抵濰縣攔頭迎剿初十日賊竄濰縣東北安坨地方不虞我軍之先至也劉銘傳急起截擊適新授安義鎮總兵唐仁廉督所部仁字三營及親兵營馬隊來濰會戰我軍行抵安坨日已薄暮逆眾方四散投宿當探任逆藍旗俱往東北牛李各股已至西北壽光一帶劉銘傳令陳振邦先鋒馬勇與丁壽昌步隊由東路兜擊藍旗一股該提督親督劉克仁唐定奎滕學義劉盛休等步隊並徐邦道陳鳳樓馬勇山正北截剿善慶溫德勒克西由西北抄擊復商令唐仁廉由正西繞向東擊俱約定今夜五鼓在東北會集整隊其藍旗股匪相較近初更時已被先鋒馬勇擊破賊節十餘處大股復整隊抵陳振邦率勇搏戰正在相持善慶等趕上開鎗轟擊滕學義劉盛休兩隊亦到該逆就莊抵拒我軍鎗破如雨劉克仁唐定奎兩軍衝入賊中擊散數館唐仁廉亦於

正面開鎗奮擊數十里鎗火相接各旗賊節人聲鼎沸全行潰散維時月色正明我軍沿村追殺賊之大股即向東北逃走另股為兵衝斷者驚遠四走劉銘傳督中軍親兵山河沿接殺三更後追抵稍田已四十餘里月落夜黑各軍分投追捕無從尋集惟聞鎗聲喊聲停而復起劉銘傳從火光中急行二十餘里至壽光境之仇家莊遇唐定奎一軍攻破賊館訊擒賊知即牛遂子宿處已潛逃矣劉銘傳乃發號收隊馬步各軍天明俱集惟唐仁廉馬隊未到正疑慮間忽見該部自北歸來擒賊極多據稱一夜追行百餘里將賴李兩股擊散遇海而返當查我軍陣亡把總孫永勝黑龍江廂藍旗披甲藍翎蒙庫吉爾嘎二名傷亡勇丁百餘名生擒擒匪二千餘名奪獲騾馬三千餘匹賊已四散逃竄十一日卯刻忽報西北賊至當派善慶徐邦道等迎擊但見賊馬零星各村潛匿

甚多該隊即四處搜殺刻逆眾復由東北合股乘突而來仍欲向西奔竄劉銘傳督各營攔擊令劉克仁當白旗牛遂黑旗李逆兩股唐定奎當藍旗任錠任三瓶劉三菊兩股滕學義迎擊馬賊劉銘傳親帶劉盛休五營接應吳宏洛大呼衝殺白旗賊股先敗各軍乘勢齊進賊眾潰唐仁廉陳鳳樓各率馬勇抄攔賊前該逆涉河逃奔伏屍遍野拋棄長矛千餘件戰馬數百匹我軍復追至禹王臺向東南敗奔日已過午因各軍追趕一晝夜迂回苦戰百餘里人餓馬乏當令收隊適善慶陳振邦等由西北趕到搜殺敗賊千餘並收降白旗賊酋盧金輝鈕洪章尹已端黃文隆四股其二千餘人即分別遣留是役也其計擒斬賊三千餘名銘軍將弁出力者已於陣斃逆首任柱案內請獎唐仁廉所部勇往耐戰擬請酌獎賊員各等情前來臣查銘軍初七月初十夜十一日

之捷前據東府各縣稟報並善慶馳報知係非常快戰任逆斃後賊眾避兵倉皇北走欲趁我重兵在南突出濟沿黃飽掠西趨濟甯搶撲運防計甚狡黠幸劉銘傳兼程赴濰到在賊前與唐仁兼善慶等連夜攔擊該逆日走夜息我軍向以入夜襲賊為得計然未能於黑夜中放手大戰則受創亦不得深今銘軍馬步乘勝猛進終得達旦再接再厲斬降散極多實足振軍威而寒賊膽是日賊賊踉蹌南竄又經郭松林楊鼎勳迎頭痛斃無數餘賊渡濰河向東南逃去已於十七日專片詳陳該逆由高密安邱南趨似又回沂海一路郭松林楊鼎勳劉銘傳潘鼎新等均銜尾分路兜追如再趕及痛斃數仗莫可漸次廓清惟賊股係粵捻兩逆糾結而成多十數年百戰死黨又無屯踞定所可以設法聚殲且追且剿半殺半降計需時日目下節交冬至河涸冰凍必圖偷撲運牆以求生路臣惟嚴飭上下游運防各軍分段責成日夜固守並請旨飭下漕督及皖豫各撫臣各飭所部一體戒備勿任死灰復燃庶藉眾力以收全功實中原大局之幸唐仁廉所部仁字營馬隊驍勇敢戰擬如劉銘傳所請擇保數員以昭激勸記名提督徐連陞請

賞給一品封典記名總兵龍太勝請遇有總兵缺出先行提奏並賞加提督銜湖南補用游擊周有才儘先都司尹昌景均請以參將儘先補用並加副將銜周有才並請賞給勇號湖北補用同知直隸州曹南英帶隊衝鋒請免補本班以知府仍留原省儘先補用湖北補用從九品朱滋澤請免補本班以縣丞留省儘先補用並加鹽提舉銜出自逾格

恩施所有劉銘傳督軍在東境諸高濰壽四邑擊賊疊獲大勝餘賊敗走東南詳細情形謹繕摺山驛五百里具奏伏乞
皇太后
皇上聖鑒訓示謹
奏

各軍疊勝賊股瓦散摺

奏為郭松林楊鼎勳潘鼎新三軍追賊而南韓獲勝仗賊由日照沿海北趨劉銘傳會合各軍緊追二十九日在壽光瀰河洋河之交合力鏖戰大獲奇捷逆首殲擒殆盡全股瓦散僅逃脫馬賊數百現仍乘勝追殺大略情形恭摺仰懇
 聖鑒事竊劉銘傳郭松林等前在濰縣等處連獲大勝經臣於十一月十七二十一等日兩次馳陳在案十一月十三日郭松林楊鼎勳乘勝向東南跟追行抵夏灣接仗賊即敗遁降任逆外五營陳懷忠馬賊千餘人十四日追一百三十里十五日及賊於膠州之鄭家寨兵至即逃沿途小有斬獲十七日黎明大霧賊知追軍四集乘昏時繞兩城集山中回竄楊鼎勳郭松林亦回軍追截賊由東北沿海潰走十八日潘鼎新唐仁廉會追行抵諸膠交界之劉午關賊猝相值倉皇亂竄唐仁廉勒馬馳逐賊折由山內急走潘鼎新督軍追至丁家村是夜賊目王占魁帶馬賊二百餘人來降十九日潘鼎新繞出賊前二十日黎明追及膠州之小南溝乘其未備縱橫擊賊隊大亂拋棄婦女牲畜器械沿路不絕潘鼎新唐仁廉嚴飭各營不准離隊擄取盡力掩殺斃賊甚多餘眾且戰且走追二十餘里又殺悍賊五六百奪馬二百餘匹天忽大霧咫尺不辨唐仁廉冒霧前追方五六里賊馬步併力回犯唐仁廉督同龍太勝徐連陞等橫衝賊隊軍趕上火擊殺斃粵逆偽奏王賴世就及悍賊多名奪獲賴逆偽印一顆驟馬器械以千計是晚賊目張向春趙林高帶馬賊六百餘人步賊千餘來降分別遣留賊眾日夜狂竄山高密濰縣昌樂臨淄北趨二十四日劉銘傳郭松林楊鼎勳潘鼎新會集於安邱途次商定分路兜逐二十

五日潘鼎新由濰昌繞往長山攔截西竄濟南之路劉銘傳郭松林等遂赴青州會剿正盼望捷音頃接據劉銘傳郭松林楊鼎勳二十九夜羽書飛報行抵青郡賊已西走因會議各營暫棄輜重日夜痛追二十八日賊竄新城縣境見我軍追緊不敢再出海邊偷回東竄壽光界內二十九日我軍自南而北逼賊於海濱洋河瀰河之交該逆無處逃走拚死抵戰郭松林楊鼎勳當其東劉銘傳當其西逆首牛遂子親持長矛率領步賊四五百人任定帶藍旗步賊三千餘賴汶沈李允皆帶隊抵敵馬賊分兩路來撲任三厭迎抵易用剛張朝山陳鳳樓徐邦道各營白藍馬賊迎抵善慶陳振邦兩軍我馬交鋒數次相持不下步隊與步賊大戰連殺三四回合西路唐定奎劉克仁猛力衝進牛逆白旗先敗任逆藍旗經郭松林楊鼎勳及劉銘傳中軍乘勢壓下我軍馬隊徑抄賊後該逆尙整隊回拒又屢擊敗該逆先棄步賊後棄老弱輜重再棄馬匹我軍由洋河追至瀰河僅獲馬賊數百名奪路而走是役也生擒一萬餘人殺斃不可勝數屍橫遍野四十餘里據擒賊供稱偽逆王賴汶沈已下馬投水而死任柱之親兒任定死於瀰河東岸牛遂子及任柱之弟任三厭已否就擒未及徧查寫信時已更深我軍尙未收隊明日擬挑馬隊分路窮追僅逃去馬賊數百當可剋日殲除惟軍士踏凍忍飢日食野菜仍拚命殺賊殊堪嘉憫出力將士懇先奏保所擒賊首並詳細戰狀容再查明詳報各等情前來臣查粵逆賴汶沈擒逆任柱牛遂子李允等股糾合兇悍百戰死黨流竄中原數省腹地荼毒生靈閱十餘載幾有燎原之勢自竄入東境與江鄂皖豫各督撫商合力防守運河以期就地兜滅日夜戰懼深恐一隙疏漏復貽數省無窮之憂又慮

勦兵不力無以懲賊而制其死命仰賴

聖主威福

指授機宜臣戮力同心將士赴機用命偽魯王任柱偽秦王賴
世就業經先後陣斃今接劉銘傳等手書又得非常奇捷逆首殲
擒殆盡大股已就削平僅賸數百馬賊亡命奔逃劉銘傳等專派
馬隊緊追冀可剋日成事實足伸

天討而快人心直隸提督劉銘傳首倡合守運河併軍兜剿之議
智勇出眾勞苦功高福建提督郭松林湖南提督楊鼎勳忠勇耐
戰迅速赴機均擬俟此股全數蕩平再額

恩施其帶隊尤為出力之副都統善慶溫德勒克西擬請

旨交軍機處記名遇有都統缺出儘先簡放記名提督陳振邦易
用剛唐宏成宋德鴻記名總兵唐定奎吳從發李長樂轉戰功多

奏稿十二

奏

熟諳紀律均堪專闕之任擬請

旨另行存記簡放實缺以示優獎副將劉克仁吳鳳柱均請

記名以總兵簡放並

賞給清字巴圖魯名號副將尹昌景蔡家旺均請

賞給勇號儘先參將寶加田陳明龍均請以副將儘先補用行營

千總張勝選請以守備儘先補用並加都司銜已革記名提督高

占彪已革游擊潘國英余琪均請開復原官其餘出力文武員弁

兵勇及陣亡將士咨查明彙案分別奏請獎卹除督飭各軍趕緊

乘勝追殺將逃出馬賊盡數撲滅仍俟劉銘傳續報擒賊首詳

細戰狀再行具奏外所有各軍大獲奇捷賊股瓦解僅賸馬賊數

百大略情形繕摺由驛六百里馳陳伏乞

皇太后

皇上聖鑒訓示謹
奏

奏稿十二

奏

敗賊搶渡六塘河摺 同治六年十一月十四日
奏為東省捻逆自壽光大捷後餘眾南奔江境圖撲運防經皖淮各軍收降多名又乘夜搶渡六塘河浙軍防段下趨清淮現飭各軍趕緊追剿並遵

旨飭調張曜宋慶兩軍先赴河北恭摺仰祈
聖鑒事竊劉銘傳郭松林楊鼎勳等偪賊海濱疊獲大勝賊股瓦解大略情形 於十二月初四日先據來函馳報在案嗣接劉銘傳郭松林等文稱收隊後細查是日在壽光濶河等處痛剿一晝夜殺賊無數將弁兵勇無不衣袖濺血生擒萬餘人當將著名大小賊酋數百概行駢誅餘暫分別安置送回老營陸續資遣據獲賊供稱逆首賴汝洸追過濶河落馬淹斃水中天已昏黑究竟未知虛實我軍在陣上望見逃出賊騎整隊約止數百敗賊零星偏

野趕殺不盡尚有隨後遁歸賊隊者沿途追尋蹤跡荒村古樹下往往自經或被民寨截殺賊勢極窮蹙又據壽光縣知縣吳樹聲稟稱賊退後赴鄉查驗該境自西北至東鄉濶河約長四五十里寬三五里不等賊屍枕藉分段計算不下二萬且皆髮長尺餘兵勝賊敗時各鄉團多出寨截殺以洩積忿有文生楊錫齡等呈報殲斃偽首王范汝增偽列王徐昌先二名並獲其木印等情臣稔知范汝增係廣東人前為粵逆踞守浙江紹興者也當批飭該縣將出力紳董等查明請獎是役擒殺之多實軍興以來罕有之捷賊之精銳已略盡矣敗賊由昌樂諸城日照嶺榆日夜狂奔初六日距宿遷數十里圖撲運河皖軍統帶馬隊總兵牛師韓出隊迎擊先後收降曹濬汶王了頭劉娃等千餘人徐登善收降高春等數百人知府方長華亦收降王瀛等數百人劉銘傳督帶馬隊

於初八日趕至宿遷聞賊折竄泲陽遂派陳振邦率所部會同牛師韓馳往追剿皖軍程文炳泰安途次聞賊敗回亦於初八日回至宿遷馳赴海流搜捕詎該逆初七夜突至泲陽城南六塘河浙軍防所據張家灣濶處猛撲立即派隊堵剿該逆先鋒拚死由張家灣過河約有數百名後隊立即擊退擒斬甚多等語又據分防六塘下游山西布政司劉秉璋報初七夜派馬隊過河巡哨適馬賊三百餘南竄猝遇我軍紛紛潰散內有賊目信有恆等百餘人乞降繼莊塌上亦有賊馬亂竄弁勇過河截追亦降數十人旋聞由浙軍地段搶渡人數無多餘皆紛紛降散已派馬隊星夜馳追頃准酒臣張之萬函稱賊竄六塘後初八日撲過鹽河欲由板開圖渡運河已派張從龍姚廣武各隊兜擊請調馬隊馳往協剿

臣已飛飭劉銘傳郭松林各派騎軍兼程赴援惟接劉銘傳初九日函稱遠道奔馳人馬俱餒善慶溫德勒克西所部之馬亦倒斃大半先令陳振邦挑精騎數百前往再派大隊繼進郭松林初八日追抵沂州趙隊南行相距過遠日久飢疲未知能否趕及該逆敗殘之餘亡命亂走清淮各軍若能就洪湖運河之交扼賊使不遠竄以待追軍併至或可合力掃除賊蹤疾事機難定殊深焦慮再臣欽奉初七初九等日
寄諭陝捻搶渡黃河竄至山西吉州飭派宋慶張曜程文炳各軍分道入晉兼防河北查運東徐匪未盡張曜宋慶原防戴廟至斬口地段甚長臣實無兵可調惟晉省毗連畿疆關係緊要自應先其所急暫派記名提督吳雲集添募小隊並帶仁字兩營馬隊前往戴廟一帶接替巡防檄飭宋慶張曜即日束裝兼程進發應否

分路入晉抑併由何路進取由河南撫臣李鶴年酌核飭遵張曜
宋慶協力防剿東捻半載以來勞勩倍常懇
恩准飭撫臣李鶴年查核奏請獎勵皖軍程文炳現已追賊南下
臣飛檄行知並飭候安徽撫臣英翰相機酌調所有收捻南奔江
境經皖淮各軍收降多名又乘夜搶渡六塘河浙軍防段下趨清
淮現飭各軍趕緊追剿並飭宋慶張曜兩軍先赴河北各緣由
謹繕摺由驛六百里馳陳伏乞
皇太后
皇上聖鑒訓示謹
奏

奏稿十二

奏

Blank space for the main text of the top section.

敗賊竄吳河各軍兜追摺 同治六年十二月十九日
奏為擒逆餘賊南奔江境連東六塘河以北敗賊業經次第收降
其竄過六塘之賊又經追軍擊敗由清淮下走高寶邵伯裏河一
帶窮蹙已甚各軍晝夜兜追恭摺仰祈
聖鑒事竊劉銘傳等前在東省壽光濶河等處大獲全勝餘賊無
多南奔江境搶渡六塘河下趨清淮起飭各軍追剿經臣於十二
月初四十四等日先後馳報在案當賊過六塘時臣即飛飭駐守
桃源迎河之候選道李昭慶分守六塘下游之山西布政使劉秉
璋各派行隊會同長江水師提督黃昇就近馳往兜剿並屬
劉銘傳郭松林楊鼎勳督隊追擊六塘河北岸餘賊仍分馬隊赴
清淮協剿疊接李昭慶函稱初八日連夜挑帶各營二成步隊向
清江沿途探期仍飭在防將士加意守禦初十追抵清江據各營

奏稿十二

奏

官馳稟初九日六塘河北岸餘賊竄丁家嘴朱林渡一帶總兵王
有明副將王芝生各挑隊過河迎擊直衝賊館該逆紛紛潰我
軍追至包家河頭賊竄無路環跪乞降計收撫一千數百人飭即
雜髮暫行安置其過河之賊是日竄過淮安經漕軍姚廣武擒獲
數百人劉秉璋所部馬隊追及山後交界張橋地方戰勝又擒獲
數百名僅餘三四百人向寶應高郵一路竄去李昭慶即連夜督
隊緊追又接劉秉璋報賊過六塘即派總兵者貴葉志超楊岐
珍馬隊三營連夜追剿初九日午刻及賊於清江老壩地方小有
斬獲初十日黎明追至淮城東南四十餘里之張橋賊甫掠食棗
志超從北路衝入該逆燦爛回撲葉志超腰受矛傷者貴從南路
楊岐珍從中路殺入賊勢大潰斬斬五六百名賊向寶應奔去
劉秉璋又添派九營五成步隊親督繼進跟蹤緊追又接黃興升

西報初八日抽調礮船會同李昭慶南下初十日未刻馳抵淮城
 下之平橋賊正欲由該處渡運立即堵擊劉秉璋姚廣武馬隊均
 已追至賊不敢撲循高寶河隄下竄黃翼升連夜跟蹤急進各等
 語又劉銘傳派令陳振邦帶領馬隊會同皖軍程文炳牛師韓道
 往沅陽搜剿初九日途遇賊酋任根住百餘名乞降運東六塘河
 以北已無餘匪陳振邦牛師韓等即赴清江劉銘傳隨後亦同善
 慶趙宗道等挑帶馬隊由清淮追去郭松林督帶騎隊及新編降
 騎與楊鼎勳馬隊由沂州南進聞敗逆已過六塘即繞道疾行六
 百里十二日亦抵清江次日向南追去頃接李昭慶十二日自高
 郵來書十一日賊由邵伯欲往揚州為六開橫河急溜所阻折趨
 仙女廟聞竄向泰州裏河一帶黃翼升礮船已進裏河劉秉璋馬
 隊去賊僅數十里頃當追及翼可就地殲除臣初聞該逆係眾搶
 過六塘恐其由清淮上下水淺處乘夜渡運雖人數無多必致竄
 擾皖豫到處襄脅又成不了之局幸臣所部與黃翼升劉秉璋
 李昭慶水陸馬步各營飛速趕追疊有斬獲該逆偷渡不遂勢窮
 計迫信趨高寶而下該處西阻重湖運東則裏下河水套南則江
 海寬深最得地勢從前粵逆踞揚州不能越邵伯湖而東此次
 捻逆係匪亦豈能越邵伯而西聞該逆過寶應後多潛自雜髮沿
 途並不放火縱掠其窮蹙概可想見北路水陸各軍既星夜兜進
 督臣曾國藩先已分派水師巡扼江口若就地勢蹙之一隅或可
 一戰殲擒設竟假扮商民四散潛逃必嚴飭各口岸地方加緊查
 拏總期不留餘孽仰副
 聖主肅清中原之至意除俟續有捷報再行馳陳外所有運東六
 塘河以北敗賊業經次第收降其竄過六塘河之賊又經追軍擊

敗由清淮下走高寶邵伯裏河一帶各軍晝夜趕追緣由謹繕摺
 由驛六百里具陳伏乞

皇太后

皇上聖鑒訓示謹

奏

奏稿十二

空

覆奏餘匪悍目片同治六年十二月十九日

再欽奉十二月十三日

寄諭前據李鴻章奏擒匪在馬光檢斬殆盡備賊數百騎遁去何以忽有捻眾萬餘竄撲六塘河擾及鹽河逃逸餘匪究有若干逆酋悍目尚有幾人即著確切查明具奏等因欽此查臣於九月十六日曾經附片

奏明大概軍營習氣賊甫至則羣事張皇賊一退則鋪敘戰績臣向所痛惡每誠諸將稟報賊情戰事勿得虛飾以便據實上陳在案前月二十九日劉銘傳等在壽光會戰大捷殲賊幾盡是夜向未收隊劉銘傳即懇恩手書馳報臣因此戰關係勦捻全局即據其來書繕奏大略仰慰

聖廬嗣劉銘傳郭松林楊鼎勳初二日會報詳細戰狀與前書略

同惟稱收隊後覆查逆首賴汶沈落馬淹斃雖據擒賊所供天已昏黑無從認辨虛實我軍在陣上望見逃出賊騎一大團約止數百敗賊零星遍野起殺不盡自夜達旦有隨後起歸賊隊者但不至過多等語臣又於十四日疏內詳及疊據淮皖各統將收撫降眾供詞及沿途州縣稟報均稱賊南下不過數千沿途各防先後受降約三千餘人據六塘河浙軍統領李耀南稟稱初七夜賊撲該防衝過約有數百人臣弟李昭慶拾獲過河之賊訊供只渡過一千餘人連後起未渡者不過三千餘人張之萬初九日出奏計賊過河僅一日即沿路擄斷不至驟添萬餘人之多張之萬但據姚廣武所稟仍軍營張皇晒耳至逆酋悍目尚有幾人據近來擒賊降賊口供不一有稱偽逆王賴汶沈偽衛王李永已斃於陣牛遂子任三賊宋三剛等糾眾欲渡運回老巢往投張

總愚有稱賴汶沈李永尚在賊隊畏罪不敢投降迫欲逃隱臣惟辦賊之要先誅最悍頭目賊中實以任柱為渠魁賴汶沈雖狡猾而不善戰牛遂子雖能戰而年幼不足服眾其餘更無能為現在全股漸就削平僅數百騎逃入裏河必有逆酋在內已疊飭各軍儘力追殺理合遵旨確查覆陳伏乞聖鑒謹附片具奏

奏稿十一

奏

生擒賴逆東擒肅清摺 同治六年十二月十九日

奏為擒逆餘眾自壽光大捷後南奔江境由清淮下走高寶邵伯
盪經追軍擊敗復竄揚州東北灣頭瓦窰鋪一帶經臣部准軍華
字營攔河截剿生擒首逆餘賊悉數殲除東蘇皖豫鄂五省一律
肅清恭摺陳仰慰

聖廡事竊擒逆餘眾數百騎由清淮下走高寶邵伯各軍晝夜兜
追並經臣查明逆首賴汶沈尙未殲斃各緣由於十九日丑刻馳
陳在案頃復接據派防揚州之統帶華字營准勇印選道吳毓蘭
稟稱十一日戌刻賊眾突至灣頭立即出隊迎擊獲勝星夜派兵
四路趕追該道督游擊梅宏勝參將杜長生游擊吳輔仁由運河
東岸向前追殺遇賊於瓦窰鋪雨夜昏黑逆騎數百拚死拒戰五
更時該逆縱火燒屋志在逃逸我軍冒雨直前砍殺吳毓蘭於火

光中望見一騎馬老賊手執黃旗指揮知是逆首逆放數鎗賊馬
倒斃當將該逆生擒餘逆紛紛投河淹斃並擒賊眾三十餘名東
路一股剿滅無遺訊據賊眾指認生擒者實係逆首偽導王賴汶
沈該逆亦自認不諱年四十一歲面黃有鬚容再解送訊辦副將
吳育仁等由運西沿河追殺三更時遇賊於槐子橋馬賊正在放
火我軍鎗礮迭施一擁而前殺賊百餘名生擒二十餘名餘逆向
西南奔竄准揚水師營官繆福寶吳家榜隨捕營司曾德麟齊
來兜剿合力擒捕西路餘匪亦殲滅無遺所有善營擒捕皆在擒
殺之內現仍四路搜捕長江水師提督黃昇山西藩司劉秉璋
候選道李昭慶均隨後督隊追趕接應各等情前來臣查粵捻兩
逆糾合而成約有數股倡亂已十數載上年冬間始分為二一竄
陝西偽小閻王張總恩係張落川之姪向不若任賴等股之眾且

悍該股專係擒匪並無粵逆在內一竄山東偽王任柱等係蒙
恩擒首偽導王賴汶沈等係粵逆餘黨任柱馬步賊為最善戰賴
汶沈為最善謀兩逆狼狽相倚固結不解自親王僧格林沁督兵
苦戰數年賊漸窮蹙死黨已不踰萬四年四月僧親王殉節曹南
逆勢驟張擄脅愈眾兩江督臣曾國藩受任於收軍之際緣僧親
王舊部潰散添調湘淮各軍久戰東南於北方地利賊情尙未深
習是以督辦年餘疊獲勝仗而未遽成功去年臘月臣遵
旨接受帥篆其時任賴等股入鄂飽掠官軍勝敗參半鮑超今年
正月十五日永漣河大捷稍挫其鋒奏稱賊數尙不下十萬曾國
藩與臣會於徐州諄諄以逆勢猖獗勦辦無功為恨屬臣耐煩忍
辱務將此股設法殄除以報

國恩而酬同志 臣自維才力遠不逮信格林沁曾國藩諸臣值此
時艱義無諉卸既而懇會國藩回任為籌後路糧餉一切軍情調
度事宜仍懷遵

諭旨隨時咨商以資裨益並與皖豫鄂各疆臣通力合作趁賊
竄東境為倒守運西進紮膠萊就地圍剿之議前直隸督臣劉長
佑督安徽撫臣英翰河南撫臣李鶴年前湖北撫臣曾國荃及臣
兄署湖廣督臣李瀚章實贊成之各派重兵越境分段聯紮臣因
兵力不足又遵
旨咨商浙江撫臣馬新貽亦派三千人來助膠萊之防經營數月
而潰逆醜復熾仰蒙
聖明督責嚴嚴曲諒事勢之難不遽為譏謗所撓私衷感愧早
作夜思惟冀運防完固先制賊使不流朔兵加勁乃燧賊使自困
九月以前劉銘傳潘鼎新周盛波疊獲小勝實因賊眾兵單未能

制其死命。復探派郭松林楊鼎勳抽併運防大隊剋日整練決一死戰。十月十七日劉銘傳安邱之捷已得機勢二十四日劉銘傳復設計殲斃逆賊膽大寒而黨羽未盡推也潘鼎新二十八日海州上莊之戰斃賊甚夥十一月十一二日劉銘傳唐仁廉等在濰縣壽光抄擊一晝夜賊眾心搆投降遂多郭松林楊鼎勳潘鼎新繼之無戰不捷至二十九日壽光瀾河之役劉銘傳郭松林楊鼎勳追七十里始得接仗戰至十數回合又追殺四十餘里斬獲幾三萬人賊之精銳器械馬輜重拋盡蓋軍興以來罕有之事軍士同老營者親加拊慰皆而無人色其飢億勞苦亦可憫矣敗賊到宿遷後沿運之降遠近軍民共知其窮蹙已極乃悍酋賴汶洸前在瀾河敗後落水未斃復糾同逆黨千餘騎衝出六塘河防經漕張之萬趕緊調隊兜追黃翼升劉秉璋李昭慶水陸馬步銜尾而下節節進剿祇賊敗自騎信人高寶水鄉臣與會國濟先派有華字營在揚州進河扼守請軍戮力前截後追竟能殲除全股肅清五省實非臣等始願所敢期此皆仰賴

兩宮

皇太后宵旰焦勞
聖主德威遠播廷臣贊畫於內疆臣合謀於外數省將士竭力用命艱險備嘗故收功如是之速臣與弟李昭慶受

恩極渥無可報稱不敢再邀

獎敘自取災管所有臣軍諸將勦擒三年論功以直隸提督劉銘傳為第一福建提督郭松林杭州副都統善慶記名提督陳振邦湖南提督楊鼎勳次之長江水師提督黃翼升山東布政使潘鼎新山西布政使劉秉璋涼州鎮總兵周盛波等又次之謹先繕具

清單伏懇

恩施此次生擒逆首賴汶洸之候選道吳毓蘭謀勇兼優懇特恩破格立予簡放道員實缺並

賞加布政使銜以示優獎其餘出力將弁兵勇及籌餉轉運著有勞績人員容臣查明核實分案列保其各省會同防剿出力員弁及地方紳董均請

飭下各該督撫查核奏獎以示激勵至逆首賴汶洸俟臣提解來營訊供再行請

旨辦理所有擒逆全股撲滅東蘇皖豫鄂五省肅清各緣由謹繕摺由驛六百里加緊馳陳仰懇

宸慮伏祈

皇太后

皇上聖鑒訓示謹

奏

籌辦目前緊要各事片 同治六年十二月十九日

再欽奉十二月初七日

寄諭東省捻勢雖熾該大臣務趁此機會迅圖殄盡此後搜捕餘匪安插降眾事事均關緊要等因欽此 臣思目前緊要之事須次第籌辦者實有數端東捻人數本眾臣仰體皇上好生之仁期撫兼施自十月間任逆伏誅即編張示諭播散敗賊中准令投誠免死嗣是我軍每次戰勝紛紛乞降十一月二十九日壽光大捷全股瓦解械環跪者不絕於道諸將因追剿緊急送回運防老營自濟甯下至六塘河降眾與兵勇開雜即前敵馬步隨隊協剿者亦尚不少亟須清理安插其有田里可歸應分別資遣遞解回籍飭地方官妥為照料若無業游惰而又精悍能戰者暫留營伍嚴為約束漸化其桀驁之氣再謀分遣此安插

奏稿十二

完

降眾應急辦而難遽就緒之實情也東南及中原敗省用兵年久物力凋瘵民氣浮薄游勇匪到處糾劫外憂內患潛伏根苗各省綠營頹廢素為宵小所輕尚須藉軍威以鎮攝臣所部各軍自同治元年逐漸募練初係淮南農民居多迨克復蘇浙各城開收粵匪降眾四年後全調勦捻隨地募補馬步水陸營數過多需餉愈鉅數年以來竭兩江之財力供億此軍羅掘淨盡而各營每年必欠放三箇月積逋如山會國藩與臣同司道屢請裁軍節餉臣以運防游擊多一營得一營之助未敢遽議今東捻既平必應陸續裁撤每裁一營應酌補欠餉若干糧臺無絲毫存項須與督撫設法籌商未知能行銀款否此等相繼裁弁勇在營食餉尚可守法一經遣散其無業可歸者最易滋事以餉需時勢衝之皆須逐漸辦理明察妥慎此裁撤營勇應急辦而難遽就緒之實情也昔

周公東征三年零雨缺斯播諸風詩久役思歸固人情之常臣軍各統領營官從征年久東南肅清後即求假歸比因中原多故未便遽允旋調勦捻馳逐數省轉戰終年日行百里忍飢耐寒憂讓畏譏多人生未慰之苦境與各省兵將賊來則追賊去則息者勞逸迥異臣去冬至徐州晤劉銘傳諄稱疲憊已甚欲速了此賊以求開缺歸農今春以來周盛波劉秉璋潘鼎新皆疊請開缺出於至誠臣以此捻未滅義無可辭郭松林八月來營即約以賊平歸養楊鼎勳體弱多病更難久支今倖獲成功將士勞苦極矣用馬不竭馬之力用人不竭人之才似應留其有餘仍備異日馳驅即臣自咸豐三年正月從軍今已十五年矣無歲不親戎馬苦身焦思時憫隕越苟其稍可支撐豈敢遽求退息惟年未五十飽嘗艱險精力已不如前實難久承重任俟裁遣稍有端緒應再懇

奏稿十二

完

恩准將 欽差大臣關防專員齋京呈銷諸將請假當酌量准行或所部裁撤後酌飭赴任如堅請開缺果其情事不可強留當再據實奏懇此又體察軍情宜稍休暇而難遽責令遠役之實情也所有目前緊要各事須次第籌辦大略謹附片奏明伏乞

聖鑒 奏

陳藩請簡用片 同治六年十一月十九日

再前任安廬滁和道陳藩去年四月奉旨開缺送部引

見八月請咨入都該員在皖數年廉明貞介勤政愛民招集流亡振興學校政績卓著與情極為愛戴去年九月臣在署兩江總督任內奉

命督師徐州當經據實奏保請留營差委並懇

恩量予擢用欽奉

諭旨准其留營在案該員自到營以來總理營務費盡機宜以及收撫難民解散降眾夙夜辛勤深資裨助現值任賴等股全收殲滅實屬著有微勞嗣後裁撤營勇安插降眾大半籍隸皖省之人

奏稿十二

主

正須得力監司大員督率地方官妥為緝輯方免別滋事端該員德政在民從征以來與淮軍將弁均相熟悉且由翰林御史出身久居侍從并非軍功保舉未經引

見人員合無仰懇

天恩俯准免其送部引

見仍以安徽道員候

旨簡用并

賞戴花翎以示鼓勵出自

逾格鴻慈是否有當伏乞

聖鑒訓示謹

奏

搜捕餘匪賴逆正法摺 同治六年十二月二十七日

奏為派兵搜捕餘匪據報經皖軍全數收撫並逆首賴汶沈就地正法各情恭摺仰祈

聖鑒事竊擒逆任賴等股次第殲除於十九日循例報捷並聲明官軍仍四路搜追在案旋接揚防道員吳毓蘭稟稱十一夜擒獲賴逆仍派隊在河西搜捕逃匪水師營官繆福賓吳家榜亦帶隊登岸分投截擊十二日黎明有零星馬賊被兵衝散三五成羣均經追獲惟霧雨迷離對面莫辨尚有敗匪向天長逃去李昭慶十三日自揚州派令道員余思樞總兵葉志超楊岐珍馬步隊由天肝儘力前追據余思樞稟稱十五日抵天長探詢賊股十餘人竄天邑之沙河被鄉團擒殺淨盡月股二百餘人由來安之自來橋竄往盱眙津泥鎮余思樞連夜緊追十六日黎明及之督令弁

奏稿十二

主

勇團練兜擊殺賊十餘人奪馬數十匹適前提督李世忠專人聲稱伊已招降遂將賊眾帶往該提督舊縣圩內等情臣稔聞李世忠與該提督素多熟識今春撫臣英翰會令伊設法招撫當即飭余思樞等妥商酌辦山東藩司潘鼎新追至清江亦派提督戴春林馬隊赴盱眙搜捕回報擒李允等實已投降李世忠此外並無餘孽正在疑慮又據前江南提督李世忠二十日稟稱前蒙撫臣英翰屢勸助辦撫會到潁州就商密辦難期得手今因賊被圍困恐其竄逃趕赴潁縣團防適賊由自來橋逃至內有偽魏王李允等跪求投誠據李允口稱被官軍擊散情願管押限期投降四擒賊匪查點馬騾二百餘匹擒獲約二百餘名當經勸李允等即隨該提督由水路速投大營立功自贖並留賊數十名在舊縣看守馬匹以堅其信各等語查逃匪既在皖境李世忠

係英翰等令招撫李允等酋已解送順州英翰當能相機辦理不致復為後患聞牛遂任三厭皆在其內想英翰必分別妥辦奏報在途此股擒賊已經剿撫淨盡臣軍馬步各隊已飭各撤回原防休息矣至逆首偽總王賴汶沈一犯臣前已奏明捉解來營訊供接准兩江督臣曾國藩咨稱已批飭統帶華宇營道員吳毓爾會同兩淮運司李元華訊取確供即在揚州就地正法仍照上年克復金陵擒獲偽忠王李秀成之例由臣備文傳首被擾各地方以昭炯戒等因先據吳毓爾稟呈賴逆親筆書寫供詞詳述十餘年來謀叛情形資格之老狡計之多一如繪實已毫無疑竇黃翼升李昭慶過揚面訊賴汶沈均稱該逆詞氣囁強與李秀成情狀相似不可遠解致有疏虞吳毓爾即遵批於十六日會同地方官將該逆正法仍由臣行知安徽河南陝西湖北江蘇山東六省

奏稿十二

七

遞相傳首俾雪敷天之憤該逆親筆供詞甘心背叛不敢墮於上聞謹照鈔原文恭呈御覽內稱頭目任化邦牛宏升張宗禹李蘊泰等皆係捻首任化邦已在嶺榆殲斃牛宏升即牛洛紅上年經周盛波戰敗受傷而斃牛遂即牛洛紅之子李蘊泰即偽魏王李允合併聲明所有派兵搜捕餘匪經皖軍全數招撫逆首賴汶沈就地正法各緣由謹繕摺由驛馳陳伏乞

皇太后

皇上聖鑒訓示謹

奏

再蒙聖慈匪向以捕掠為生性多蠢頑本無大志從前張落刑宮瞎子孫葵心等雖擁眾數萬尚無僭稱名號之事自粵逆賴汶沈與之合夥以洪楊各逆軍法詭謀部勒其眾擅稱魯魏荆梁各王東西分竄患幾不測任柱斃後劉銘傳曾誘賴逆投降該逆至死不變今被擒後口供猶堅強若此若不速除其類誠必無已時仰

聖主洪福殲此巨酋即竄晉之張總愚亦當聞風寒膽吳毓爾生擒首逆厥功甚偉業經懇

恩優獎是日會同兜擊之淮揚水師營官繆福寶吳家榜隨後緊逼追剿之馬隊營官者貴葉志超楊岐珍均屬尤為出力准督臣曾國藩咨請保獎並黃翼升劉秉璋查報前來合無仰懇

奏稿十二

七

聖恩將記名總兵繆福寶者貴均記名以提督簡放並賞換清字巴圖魯名號記名提督吳家榜遇有提督缺出儘先提奏記名總兵葉志超楊岐珍均賞給清字巴圖魯名號仍以總兵遇缺提奏俾示激勵其餘在事出力文武員弁俟續查明彙辦謹附片具陳伏乞

聖鑒訓示謹

奏

李文忠公奏稿卷十二

李文忠公奏稿

卷之十三目錄

籌期張總憲捻股摺 同治七年正月十一日
 請飭辦擊擊清野片 同治七年正月十二日
 請派張樹聲辦運片 同治七年正月十二日
 覆奏督軍北上摺 同治七年正月十六日
 渡黃察辦轉運相機調度摺 同治七年正月二十八日
 請籌圍賊之策片 同治七年正月二十八日
 行抵德州籌辦防剿情形摺 同治七年二月十一日
 暨陳進剿情形摺 同治七年二月十五日
 安平獲勝督軍進剿摺 同治七年二月二十日
 官軍兜剿大捷信賊南趨摺 同治七年二月二十九日
 唐殿魁請卹片 同治七年二月二十九日
 行抵南宮擬由大名追擊摺 同治七年三月初六日
 自大名抵開州並滑縣獲勝摺 同治七年三月十五日
 賊向東竄與左宗棠籌商夾擊摺 同治七年三月二十四日
 東昌追剿獲勝摺 同治七年三月三十日
 追賊北上附陳等書情形摺 同治七年四月初八日
 由東境轉戰入直沿途疊勝摺 同治七年四月十二日
 賊竄西南籌商布置情形摺 同治七年四月十七日
 賊趨東北官軍分投兜剿摺 同治七年四月二十三日
 覆奏催飭劉銘傳北上片 同治七年四月二十三日
 馳往滄州仍回德州調度摺 同治七年閏四月初二日
 各軍兜剿獲勝摺 同治七年閏四月十一日

兜剿獲勝並布置大畧摺 同治七年閏四月二十日
 張宋襲賊獲勝片 同治七年閏四月二十日
 劉銘傳患病片 同治七年閏四月二十日
 袁保恆派全軍翼長片 同治七年閏四月二十日
 各軍兜剿獲勝摺 同治七年五月初二日
 銘軍四案彙保摺 同治七年五月初二日
 議防馬頰河就地燹期摺 同治七年五月十五日
 築馬頰河長牆片 同治七年五月十五日
 墊發陳國瑞軍餉片 同治七年五月十五日
 各軍兜剿連獲大勝摺 同治七年五月三十日
 德平獲勝片 同治七年五月三十日

奏稿十三目錄

李文忠公奏稿卷十三

全集一之十三

桐城吳汝綸編錄

籌勦張總愚捻股摺

同治七年正月十二日

奏為張總愚捻股突竄畿南暨

旨籌派各軍由東入直相機勦剿臣趕緊布置後路各事即起程

北上督率調度恭摺奏祈

聖鑒事竊東捻任賴等股勦除後業將臣軍將士馳逐數年疲憊

已甚宜稍休養難遽遠役各實情附片懇陳仰蒙

恩諭准予休息各營追賊南下至歲杪正月初始收隊回營人困馬

乏勞苦萬狀臣徧加拊循宣傳

德意靡不感激涕零挾纒同溫旋奉正月初一初四初七等日

寄諭飭催劉銘傳善慶溫德勒克西馬步各營迅赴河北進剿臣

奏稿十三

查劉銘傳一軍自同治四年春開奉調北征馳逐數省迄未稍休

戰功最多而疲勞亦最甚臘月下旬劉銘傳自清江追賊回邳州

灘上老營面稱積受寒溼傷疾並發兩腿麻木瘡癩徧體不能乘

騎諄請開缺卸兵或乞假三箇月暫予調養等情臣派員前往看

視患病屬實焦灼無似因屬臣弟李昭慶順道勸慰並請其由水

路力疾同舟來濟甯晤商一切除夕到濟臣與朝夕聚會精神雖

尚可支惟腿疾增劇萬難騎馬肝氣上衝動輒憤怒暴急不能自

已蓋由秉性忠勇追賊三年之久艱苦備嘗心力交瘁至任賴請

逆俱滅而其身亦病矣疊蒙

諭旨飭赴河北被亦以張總愚股匪亟須勦辦但體氣久虧力不

從心自恨負

恩辜職惟求寬予假期臣既稟

聖訓催督之嚴又憐該提督積勞致病之苦又恐

畿南有警無能解救幸皇中夜寢食難安合無仰懇

聖慈暫予賞假調養俟劉銘傳病體稍愈臣即催令督隊北行欲

圖勦滅張捻非該提督親臨前敵恐不能收功耳至善慶溫德勒

克西馬隊共千餘名善慶所部由河南帶來七百餘名加以僧格

林沁舊部黃旗馬隊三百餘名均係吉林黑龍江官兵出征十數

年疲病思歸久無鬪志劉銘傳善慶屢請撤換臣以軍事緊急慮

致耽延每激勸該軍如同心努力將任賴巨股撲滅定為懇

恩凱撤回旗溫德勒克西所帶察哈爾馬隊三百餘名亦甚疲乏

臘杪東捻告平善慶等即稟稱各起官兵均求撤回其時已奉

寄諭調赴直隸臣愧無詞以對將士遂屬善慶溫德勒克西由

邳州老營來濟劉切勸諭或限捻速平再行凱撤或到直隸片有

奏稿十三

他隊撥補即行撤換該副都統等深明大義已由灘上調取隊伍

整頓鞍馬剋期北行善慶溫德勒克西熟習勦捻機宜惟所部太

單又極疲憊不足自當一路與淮軍步隊依護既久親若弟昆若

益以助騎輔以臣軍或可為

國家捍禦疆圉也正繕摺聞又欽奉正月初八日

寄諭賊窟開州井店地方與畿輔路路可通該大臣如山山東徑

趨直境督率所調各軍自北而南節節進剿較為得勢等因並准

河南撫臣李鶴年面稱張順宋慶兩軍在湯陰擊賊大勝但馬隊

太少不能制賊死命賊已北趨邯鄲一路臣查直豫交界地勢平

坦賊騎馳騁必速畿南各屬向少寨堡猝被寇警蹂躪何堪聞信

之餘焦憤莫釋臣軍專期任賴等股力竭筋疲已成強弩之末劉

銘傳適因傷病難遠征請將亦多告疲乏休養整頓實需時日

以行軍常理而論本不宜操之過蹙致有蹉跌惟畿疆警報至必當提師赴援臣立即檄調總兵周盛波周盛傳等馬步十一營由徐州韓莊拔隊來濟會合藩司潘鼎新鼎宇全軍及善慶溫德勒克西馬隊陸續進發由東阿渡黃後視何路有警即向何路截勦臣趕緊布置後路轉運糧餉軍火各事並催提督郭松林楊鼎勳整飭大隊隨後繼進臣俟部署稍可就緒即起程北上督率趨行過河後察度賊蹤地勢擇要駐紮妥商調度庶幾稍竭縣薄仰慰

宵旰憂勤於萬一所有遵

旨等派各軍由東入直相機攔勦臣趕緊布置後路各事即起程北上督率調度各緣由謹繕摺由驛六百里覆陳伏乞

皇太后

皇上聖鑒訓示謹

奏

Blank columns for the main body of the document.

請飭辦堅壁清野片 同治七年五月十二日

再辦流寇以堅壁清野為上策嘉慶初年川楚教匪辦理十數年卒賴此以收功即任賴捻股流寇中原數省畏其甚於畏兵豫東淮北民風強悍被害已久逐漸添築圩寨深溝高壘到處與城池相等是以捻逆一過即走不能久停肆擾近年惟湖北陝西被擾最甚以素無圩寨籌辦不及賊得盤旋飽掠其勢愈張直晉向無捻患民氣尤為樸樸未能築寨自守張總愚本極狡猾又係窮寇南有黃河之阻必致縱橫馳突無處不流百姓驚徒蹂躪詎有已時徒深浩歎且畿疆河北平原曠野古稱四戰之地無險可守辦流賊與辦守城踞寨之賊情形迥異流賊專於避兵守此則竄彼迎左則趨右交臂旋失情勢使然非盡兵將之不力也聞該逆自竄陝西北山後渡黃入晉沿途擄獲驛馬愈眾步賊多改為騎我軍騎少步多即騎兵每人不過一馬追逐病斃即已無馬視賊匪每人可二三騎隨地擄添情形則又迥異自古辦賊必以彼此強弱飢飽為定衡賊未必強於官軍但彼馬多而我馬少自有不能及之勢彼可隨地擄糧我須隨地購糧賊常飽而兵常飢又有紳民趕緊築圩寨一有警信收糧草牲畜老弱壯丁於內既自固其身家兼以制賊死命及今為之亡羊補牢尚未甚晚若待深受荼毒再議補築經費更難措籌如果十里一寨賊至無所掠食兵至轉可買食賊雖流而其技漸窮或可剋期撲滅伏乞皇上特頒訓諭諄飭地方官紳妥速籌辦實力奉行勿以空文搪塞於軍務大局裨益匪淺臣深知捻賊無攻城伎倆無奸細內應即圩寨堅密亦不敢攻仍求隨時

申徹近畿大小官吏遇警鎮靜嚴守城隘賊必避而地走切勿誤聽訛言驚惶遷徙致亂人心區區愚慮敢再冒瀆上陳惟祈聖鑒謹附片具奏

奏稿十三

五

請派張樹聲辦轉運片 同治七年正月十二日

再行軍以籌糧為第一要義去年圍賊運東併軍兜勦疊請飭下山東撫嚴飭州縣酌提公款購備米麩草料俟追軍過境給價取用該撫遵飭各地方官照辦臣並片委員紳分投購儲各軍追賊過緊日行或百數十里不及迂道借糧仍有忍飢數日未飽一餐者若毫無儲備必至譁潰貽誤臣每與諸將討論軍情不慮捻之難打實畏兵之常飢劉銘傳戰最久追逐最速總以萬眾枵腹為勦捻最苦之境臣從前往來直隸道中目擊地瘠民貧上年旱澇尤甚赤地千里米珠薪桂客軍所過欲立籌數萬人食多齋數日之糧斷不可得此最可憂臣軍皆係南人素食大米北征以來賴曾國藩創為四鎮屯兵之議就運河淮河為糧路源源運濟倖告成功茲遷移往無米糧無運道之區辦理諸形掣肘查直隸臬司張樹聲深知軍士艱苦習地方情形應請飭派該臬司籌辦臣軍赴直後轉運籌各事宜並救下署直隸督臣王文韶飭各州縣豫提公款起購糧草麩料各十萬斤儲備公所俟援軍過境給價取用轉輸周轉照數買補屆時如有缺誤由臣等據實奏參聞天津倉儲有粳米可否懇恩先行借撥二三萬石責成張樹聲督率印委由水道分運河開保定大名等處儲存以濟軍食再由江蘇督撫臣照數籌運歸補臣仍咨商江蘇撫臣督同上海道隨時由滬搭海船運解糧餉軍火至津轉運行營俾資接濟所有豫籌軍食各緣由伏乞聖鑒迅飭施行謹附片具奏

覆奏督軍北上摺 同治七年正月十六日

奏為遵

旨據實覆奏並迅撥潘鼎新營慶溫德勒克西郭松林楊鼎勳周
盛波唐仁廉諸軍倍道入援臣等草草布置後路刻日親督北上
先後起程日期恭摺陳仰祈

聖鑒事竊臣昨因張總愚股匪突過漳河竄擾畿南即經派撥山
東藩司潘鼎新副都統善慶溫德勒克西等軍赴直會剿及臣親
督入衛各情形於十二日馳報在案茲接奉正月十二日內閣奉
上諭本日據官文崇厚奏捻匪北竄衡水定州一帶等因欽此並
連奉正月初十二日

寄諭各一道臣跪讀之餘戰慄惶憤急莫可名狀惟奉
旨查詢劉銘傳善慶溫德勒克西各軍是否李鴻章於接奉諭旨
後未經催令起程抑係該員等任意逗留著據實覆奏臣前已略
陳梗概敢再將實在情形為我

皇上瀝陳之查臣軍自入東勦捻以來任賴等股約十萬眾肆擾
東境兇燄鴟張臣每念此賊不平則中原之禍靡有已時即西北
之憂亦未有艾而滅賊大計要必於冬春之交乘其飢困併力殄
除故於運黃兩防布置穩固後即選將併兵與之角逐嚴督諸將
剋日圖功諸軍耐凍忍飢日馳百數十里始棄輜重後并鍋帳而

棄之各裹乾糧日夜奔逐用能仰託
威福倖立寸功自壽光大捷以後餘賊全趨海濱下走淮揚東境
已無賊蹤東軍亦早回防休息而臣軍仍乘勝南下直追至揚州
分至安徽之盱眙五河等處生擒巨寇殄平餘孽年底始克賊事
劉銘傳善慶溫德勒克西於十二月二十五六等日分起馳回邳

州灘上老營潘鼎新郭松林楊鼎勳諸軍於十二月二十九三十
正月初二三等日先後回至濟甯老營解甲暫息臣親加拊視各
士卒面無人色手胼足胝衣履不全疲憊不堪馬匹倒斃大半疊
經奏明有案仰荷

聖慈准暫予休息合營感戴
皇仁歡呼雷動劉銘傳三年轉戰勞苦尤甚積受寒溼手足麻木
瘡癩遍體不能乘騎臣因該提督素資得力屬其始終奮勉毋得
偷安而目擊其狼狽情形策勵之餘實深矜憫臣以勦辦東捻為
己責初不料西捻張總愚一股由山右直趨河朔又肆蔓延慮事
之疏咎無可辭先奉

諭旨准劉銘傳將所部稍為休養整頓正月初旬疊奉
諭旨催令劉銘傳善慶等赴河北進剿臣即嚴飭各營趕緊汰去
病弱添補缺額製辦衣履整備鞍馬不准刻延向來游擊之師疲
勞已甚須休養整練兩三月然後可用今尚未踰兩旬也各營向
以火器制勝子藥鎗礮軍裝均須配帶自去冬輕騎逐賊鍋帳輜
重沿途拋棄寄頓今奉調遠征必應逐件收集並另行添補又糧
臺分設徐州清江鎮給餉項往來千里動需時日軍中事件繁瑣
有一不給難以遠行若倉猝登程徒有赴援之名必難責赴援之
效臣深悉兵艱催令起程亦不能不略待齊備將領各知大義既
入援畿輔斷不敢有意逗留茲奉

諭旨賊勢深入畿疆聞信之餘五中欲裂恨不奮飛馳援稍紓
君父之急一切籌備各項亦無暇逐細經營除劉銘傳患病屬實
已乞
恩稍予養息斷難成行外潘鼎新郭松林等軍並善慶溫德勒克西

馬隊已於正月十六日拔營飭令兼程由東阿德景進發唐仁廉
馬勇於十八日跟蹤北上郭松林楊鼎勳武毅勳字等營亦陸續
過發俟周盛波所部由徐州調到擬於二十日親督啟行由東
入直查勦捻非馬步大隊不能得勁直境地勢平曠尤須用眾臣
軍強弩之末遷地弗良事機所值敢稍推諉但冀沿途地方官能
為預備糧餉俾無缺乏必當視賊所向繞由東北向西南攔剿聯
絡諸軍或掎或角共維大局所有據實覆奏及親督諸軍北上日
期謹繕摺由六百里馳陳伏乞
皇太后
皇上聖鑒訓示謹
奏

奏稿十三

九

渡黃察辦轉運相機調度摺 同治七年正月二十八日

奏為潘鼎新善慶馬步等營行抵直境徑趨饒陽進剿臣由東阿
渡黃至張秋察辦轉運催提周盛波郭松林楊鼎勳各軍陸續北
上隨時察度賊情相機調度恭摺仰祈
聖鑒事竊臣調派各軍分起援直業於正月二十六日兩次馳
陳在案潘鼎新督率所部於十八九日由東阿渡黃善慶溫德勒
克西於二十日渡黃唐仁廉馬勇於二十一日渡黃銜尾北發潘
鼎新二十日馳抵德州探聞賊由保定南竄饒陽恐其久踞肆擾
或東竄河間天津大局攸關因督隊倍道進征二十一日過直隸
景州二十二日抵阜城即改由獻縣西境徑趨饒陽臣知該藩司
勇往赴敵隊伍稍單飛飭善慶溫德勒克西唐仁廉等馬隊趕速
前進會合兜剿庶可自當一路旋接潘鼎新二十三日獻縣西境

奏稿十三

十

來函云途遇東軍王心安濟勇紛紛回獻詢知該軍二十二日在
饒陽接仗挫衄賊馬甚多仍在饒陽一帶該軍即趕前攔擊等語
善慶等二十三日抵德州已率部前往大約二十五六日方能與
鼎軍會合唐仁廉二十五日續抵德州據稱沿途麩料難購馬力
疲乏計潘鼎新日內早有戰事若善慶各營趕上馬步相輔或可
稍挫賊鋒殊深焦盼聞劉松山郭寶昌兩軍已偏饒陽北面該逆
疊陷兩城其散漸熾各軍須穩慎進戰前截後兜此擊彼應
先得一二勝仗再厚集其勢與之角逐即難就地殲除必將窮奔
出境若以無制之師單弱之隊輕為嘗試挫敗既易賊氣立張故
兵家慎言戰以戰而必不勝不如不戰之養威重矣極極張
總愚尤窮寇死黨非戰勝不足以寒其膽非久戰屢勝之軍則人
馬器械徒以餉賊臣所知者劉松山湘軍打仗甚穩郭寶昌皖軍

進隊尙猛聲該提鎮稟報遠役久迫人馬飢困恐尙不足大戰
豫軍宋慶張曜勇隊皆精練熟悉熱擒情當不至挫現經官文
相機調度諒臻妥協臣軍疲憊之餘又勇丁多係南人一渡黃河
水土食物俱不相習此次奉調北來將領迫於大義勉力遊行而
勇夫無知竊聞北地荒旱缺糧聞多逃走亦無可如何之事臣不
敢謂進戰卽有把握惟督同諸將設法激勸隨時募補體恤其艱
苦以冀用其死力耳臣所調周盛波一軍由徐州北來候至二十
日未到臣卽自帶小隊先行起程由東阿過黃河順道至張秋運
河口察看後路糧餉軍火轉運事宜兼候盛軍取齊昨已督飭委
員籌挑黃運交匯淤阻之處在張秋設立轉運局以通南北餉道
周盛波在後督押尾隊先令其弟周盛傳率部北行頃已趕到張
秋臣卽日督率起行由東昌至德州再察賊情如已南趨或進駐

奏稿十三

十一

冀州大名一帶如賊尙趨東北視何處糧草最便暫行屯紮就近
調度直境兵馬過眾芻糧不給此最可憂慶谷緘商請督臣官
文預籌速辦頃准函覆已令各地方官提款購備並因張樹聲派
充行營翼長難遽分身另委候補知府張光藻赴河間一帶隨營
照料嚮導或可無誤軍食郭松林楊鼎勳大隊在濟甯整頓軍裝
深恐過河以後直東糧草艱細難資飽騰臣又飛催陸續遊征據
報於二十七八等日分赴北行黃河渡船稀少若無阻滯二月初
旬可到該軍過河後察看賊趨何路再向何路兜剿途次疊奉
寄諭敬悉北路防軍已厚無虞擬走下懷揚勝欽慰臣軍自可由
東南相機夾擊以取掎角之勢惟賊善流走直境平坦千里無高
山大川以扼之兵雖多仍布不滿且強弱不齊殊未易言聚殲此
實在之事理不敢大言以取咎戾也所有潘鼎新善慶馬步等營

行抵直境徑趨饒陽進剿臣渡黃後至張秋察辦轉運催提周盛
波郭松林楊鼎勳各軍陸續北上隨時察度調度各緣由謹繕摺
由驛六百里馳陳伏乞

皇太后

皇上聖鑒訓示謹

奏

奏稿十三

十一

請籌圍賊之策片 同治七年正月二十八日

再正總摺開撥游鼎新二十四夜自饒陽縣西張保地方來稟
 二十三夜開拔隊進期二十四日辰刻行抵饒陽城東十餘里遇
 賊邊馬飛奔回竄我軍趕緊追逐適院軍郭寶昌程文炳自西北
 來會兵勢較盛賊盡敗竄西南各軍分路兜追三十餘里天晚暫
 住賊已趨深州一帶次晨仍約會院軍探蹤追擊等情臣查東
 北各軍雲集賊知不可深入勢將南趨順廣或循舊路回竄彰衛
 懷或乘虛東擾臨清東昌均未可定臣正由張秋北行雖後隊未
 齊可為東邊聊作聲援俟過東昌後察探賊蹤所向再定進止一
 面飛催郭松林楊鼎勳等倍道趨行計其渡河尚需旬日即令徑
 趨東昌大名一帶攔剿仍飛飭游鼎新善慶等由東北壓追而下
 惟直境西南地勢尤極寬平無險可阻李鶴年在磁州兵力甚單
 似亦難於堵遏臣懸揣局勢惟懷慶衛輝北阻太行南隔黃河地
 形較狹似可設法圍制若左宗棠趙長齡等趕派軍嚴扼澤潞各
 山口及垣曲來路使其無可竄遁憑山設險本易為力各軍由東
 北節節兜追過廣平大名後或分紮漳衛各河或進扼懷慶之沁
 河機局更緊再派隊蹙之一隅仍仿照上年扼賊運東稍需時日
 冀收聚殲之效於大局亦無妨礙如不求圍賊之地似難有殄滅
 之期是否有當伏祈
 聖明核飭屆時妥細察辦賊情無定而地勢有定比在直晉圍剿
 似較得力各省將帥秉公合力籌商成否雖未敢預知或亦因地
 制宜之法附片具陳仰乞
 聖鑒訓示謹
 奏

行抵德州籌辦防期情形摺 同治七年二月十一日

奏為 微臣 督隊行抵德州駐紮籌辦防期情形恭摺仰祈
 聖鑒事竊 臣由東阿渡黃順赴張秋催提後隊各情業於正月二
 十八日馳陳在案二十九日行抵東昌阻雪數日探聞捻逆由高
 陽東竄河間陷踞獻縣邊馬擾及交河富莊一帶景州德州均
 已戒嚴二月初六日雪霽臣即於初七日自東昌督隊趨程北上
 途次接豫軍張曜宋慶稟稱初三日會合劉松山郭寶昌等馳抵
 河間西南初四日分路進剿至獻縣西北賊踞數十村見兵即走
 我軍向南追壓捻斬甚夥臣恐該逆被擊乘虛東走飛催郭松林
 楊鼎勳各督所部即由東阿徑赴德州攔頭進剿臣初十日行抵
 德州郭松林楊鼎勳亦於十一日兼程抵德沿途雨雪泥淖馬駝
 倒斃輜重落後軍馬甚形疲乏須暫停息兩日探知捻逆被官軍
 由北兜剿初六七日竄衡水境內因滹沱河水勢大漲未能竄渡
 初八日又北竄深州王家井等處陝豫各軍仍分路兜圍臣查德
 州距深州僅二百餘里捻極飄忽趨向無定德景一路係竄天津
 要道而德州濱臨運河糧草較便臣暫駐此開籌提天津米糧以
 濟軍食兼扼東竄之路並飭郭松林楊鼎勳趕緊整隊擬由景州
 阜城繞趨深州一帶偵察賊蹤會同各軍由東北向西南兜剿藉
 可屏蔽近畿但慮直境兵多食少糧草購辦不及耳初八日高唐
 州途次始奉到二月初二日
 寄諭飭潘鼎新等暫在北路堵遏旋接潘鼎新善慶稟稱二十九
 日追賊至保定即奉署督臣王文韶紮省西大汲店一帶以堵北
 竄臣當即面飭該司與善慶溫德勒克西唐仁廉等馬隊無論防
 剿必須合併一路如北路情形過緊再督同郭松林楊鼎勳等

聞道繞赴保定一帶會商官文妥籌拱衛京畿以壯聲援而慰
聖慮所有行抵德州籌辦防期各緣由謹繕摺由驛六百里馳陳
伏乞

皇太后

皇上聖鑒訓示謹

奏

奏稿十三

十五

覆陳進期情形摺 同治七年二月十五日

奏為欽奉

諭旨恭摺覆陳並派隊進期情形仰祈

聖鑒事竊臣行抵德州業將籌辦防期大略於十一日馳陳在案

十二日接奉初五日

諭旨令各統兵大臣並各督撫均歸恭親王等節制等因十三日

接奉初七日

寄諭令臣等抽撥馬步勁旅相機兜剿等因十四日接奉初八日

寄諭崇厚奏賊勢逼近津南飭臣於天津河間一帶相機進紮等

因當即分別欽遵辦理臣前抵德州探知捻逆盤旋深州衡水交

界距德甚近即擬派郭松林楊鼎勳大隊由景阜前往兜剿十二

三日該兩軍隊伍輜重整頓齊備即於十四日由景州武邑西北

徑趨深衛之交視賊所向會合劉松山郭寶昌張曜宋慶等軍分

路壓期偪賊南趨頃據探報該逆連日被各軍及鄉團堵期情急

意欲渡河南竄適漳沱河雪水漲發衡水一帶不能偷渡臣軍又

自德州進偪逆眾現往西南逃遁等語臣初至此聞不知漳沱河

上游葉城正定等處水勢若何該處有無防兵逆蹤原無定向若

不得渡必圖他竄深州一面既有劉松山等軍排進保定防軍亦

厚計可無慮北竄緣東路空虛諄飭郭松林楊鼎勳從東面兜

進藉以遮蔽景獻一路該兩軍馬步四十營素稱勁旅遇賊當可

痛剿但恐我軍一到賊已旁竄臣又屬令該提督等無論賊定何

處總須猛力追壓使之不得喘息臣即日督帶周盛傳馬步十一

營進紮景州為郭松林等後繼如該逆越漳沱而南臣再相機進

駐大名一帶就近調派與左宗棠等會籌布置山東撫臣丁寶楨

現駐河間非谷稱該撫親督王心安七營在河間居中調撥已派楊飛熊八營扼紫邱又派莫組紳十營四出追剿是其兵力尙非甚單賊勢現趨西南河間情形稍鬆該處糧草報費似未便兩軍並紮致多擠雜臣軍帶赴北路者郭松林楊鼎勳爲一大枝已派進剿潘鼎新善慶等合爲一枝已派扼紫保定西北礙難移調現僅周盛傳馬步十一營隨護衛此外並無他軍其零星各營尙留防黃河以南劉銘傳因病請假所部暫未能北來儻必令臣專防河間天津一帶應請調回郭松林楊鼎勳等勿庸進剿由臣帶赴東北妥籌布扼丁寶楨即可帶東軍回本境分防德州臨清東昌等處伏乞

聖明核示遵行抑臣更有陳者勦擒與勦他賊情形迥異賊蹤飄忽瞬息百變祇須揀派大枝勁旅敢戰宿將與之隨地兜逐相擊

奏稿十三

十七

勦辦不能取決進退於數十百里之外致誤機宜臣前在山東辦任賴等股只管選將練兵不管臨敵調度諸將皆賴臣無所牽掣得以放手勦辦倖告成功至防捻亦與防他賊情形迥異捻賊無攻城奪寨伎倆故城寨易防而平原難防凡城池失陷必其城已倒坍或無壯丁可守也平原四達則只能守城寨城寨之外不能禁大股之不衝突馬賊之不游駛惟大山大水可以扼之直境四望寬平除漳沱滏陽衛運各河西淀東淀一帶略可設法置守但人少亦不濟事此外有勦法無堵法其言防堵似只虛聲而無甚實濟臣於辦捻粗有閱歷既有所見不敢不據實瀝陳除咨呈神機營王大臣查覈外所有派隊進剿緣由謹繕摺由驛六百里馳陳伏祈

皇太后

皇上聖鑒訓示謹奏

奏稿十三

六

安平獲勝督軍進期摺 同治七年二月二十日

奏為郭松林楊鼎勳在安平境內連日勦賊獲勝由東北偏向深

州東南臣進紮景州派隊就近扼剿恭摺仰祈

聖鑒事竊臣在德州派隊由景州武邑向西進剿業於十五日馳

陳在案福建提督郭松林湖南提督楊鼎勳會同前敵營務處道

員段詰於十四日帶隊入直駐景州之龍華鎮探聞賊又由省南

下窺安平該軍十五日由武強小範鎮過河十六日行九十餘里

將抵安平城下忽見塵沙蔽天賊騎皆從西北迎捲而上郭松林

等派馬隊衝進趕調後路步隊接應易剛吳鳳柱胡連發等帶

馬勇與賊持戰屢卻屢前小有斬擒乘勝追殺里許步賊從後突

出如牆排進馬隊小卻郭松林楊鼎勳亟令李長樂宋德鴻高占

彪唐宏成吳雲集各督步隊馳至鎗矛擊刺鏖戰三時人足馬蹄

蹴塵而起三十里內幾難辨識我軍合力猛進盪決縱橫賊斃甚

眾猶敢拚死拒敵楊鼎勳等又派馬隊分左右抄出賊後張逆腹

背受敵奔路狂奔我軍追殺將近三鼓始收隊暫息計陣斃悍賊

千餘名生擒五百餘名奪獲驟馬器械無數四更後天忽大霧賊

乘我疲困繞路竄逸郭松林等復督隊急起追之自西而南至饒

陽之楊家村該逆回軍返鬪戰五六合賊酋張志清劉琅夏以仁

領數百騎乞降餘眾紛紛向東南敗走追二十餘里劉松山郭寶

昌張曜宋慶程文炳等均率軍來會楊鼎勳郭松林與之晤商擬

各簡選精銳跟蹤會剿將各軍輜重運存安處俾可輕裝追擊早

清畿甸十八日賊又折竄饒陽以北張曜宋慶連夜躡擊郭松林

等亦赴饒北迎頭截剿該逆瞥見我軍即繞回東南由獻縣武邑

境內復向西南逃竄盤踞深州交界之留楚鎮現仍商會各軍設

法兜剿據郭松林等呈報前來臣督周盛傳馬步各營十七日行

抵景州疊據武強阜城等縣稟報賊在西路各軍兜剿緊時恐

敗匪東窺景德武衡一帶虛無一兵該逆被剿情急難保不由此

徑窺滄青則津郡又形喫重臣隨身值周盛傳十一營已令該總

兵挑帶八成行隊徑趨武強小範河口探蹤截剿為郭松林等援

應並遮蔽越河東窺之路疊奉

諭旨飭即進紮河間賊現敗竄東南景州武邑亦當衝要臣既派

隊進扼自未便遽行北去徒煩更調俟各軍會齊大舉賊蹤趨向

稍定臣再相機督軍進紮仍飛飭郭松林楊鼎勳等約會各軍乘

勝兜剿以期肅清畿輔仰慰

聖廑其十六日力戰陣亡之擬保總兵銜副將尹昌景參將擬保

副將吳興祖擬請

敕部從優議卹以慰忠魂所有郭松林楊鼎勳連日擊賊獲勝並

臣進紮景州派隊扼剿情形謹繕摺山驛馳陳伏乞

皇太后

皇上聖鑒訓示謹

奏

官軍兜剿大捷倭城南趨摺

同治七年二月二十九日

奏為官軍連日四路兜剿獲大捷倭城南趨據報該逆已搶過
溇沱河截殺尤眾恭摺仰祈

聖鑒事竊郭松林楊鼎勳等於十六七日在安平擊賊疊勝各情
業於二十日馳陳在案十八日劉松山郭寶昌喜昌程文炳與豫
軍張曜宋慶追及於饒陽南旺等處是夜銜枚急進數面歷剿劉
松山等先破賊踞村莊十餘處斃悍賊數百名拔出難民四五千
張曜等復由北面繼進生擒數十名該逆向南敗走十九日郭松
林楊鼎勳整隊迎擊馳五十餘里探賊復橫折而北追至深州東
北四十里之李家村賊反戈回關結十數馬團抵拒楊鼎勳等飭
馬隊馳進步隊接應兩戰正酣賊陣稍亂然猶齊隊猛撲郭松林
等親督李長樂宋德鴻蔡國祥高占彪唐宏成吳雲集從旁抄擊

奏稿十三

而令馬隊合搗中堅鎗擊矛刺斃賊千餘名騎兵衝入亦生擒數
百名奪獲驟馬無數賊氣盡奪勒隊徐退我軍乘勝排壓追十數
里賊皆縱馬奔去張曜宋慶追軍亦即趕至賊又奔往東南欲由
武邑之圈頭過河適先派小隊紮堵圈頭橋聯絡民團協守賊
知有備二十日以後復由深州南擾冀州界內二十一日郭松
林等馬隊遇賊於范家村又獲一捷收降鄧新樂等一百餘騎張
曜宋慶等趕至晉州西北攔剿小有斬擒該逆又折竄東南二十
二日竄近武強之小範河口將欲渡河東竄已預飭弁兵協同
該處團勇將沿河木橋概行拆去賊騎萬難飛越二十三日賊又
由饒陽徑奔肅甯張曜宋慶急馳百餘里抄出賊前探知是夜賊
踞饒陽東北元城一帶遂知會劉松山郭寶昌等乘夜兜襲二鼓
後行近賊巢立即直前猛撲村旁零星散賊悉置不問該匪驚亂

奏稿十三

之餘猶思拒敵經我軍奮力包抄四面齊進立將偽懷王邱得才
偽幼沃王張五孩所踞兩大莊同時攻燬斬殺無算邱逆一股剿
除殆盡張總愚仍糾齊四面踞賊拚命迎敵鈔極兇猛經張曜宋
慶督軍鏖戰一時之久逆始亡命狂奔其下馬拒戰之賊皆不及
騎追殺十餘里賊屍枕藉餘匪敗向西遁計生擒長髮悍賊二百
餘名內有賊目張立堂蘇付恩陳小奎三名殺斃賊目多名獲馬
騾二千數百匹旗幟器械二千餘件賊勢衰蹙從此必難復振據
各該統領稟報前來又據安平縣探報賊於二十四日由該縣竄
祁州深澤二十五日竄晉州境內聞已由棗城渡河又據武邑縣
陸時言稟報探得捻逆於二十七日辰刻在晉州棗城交界樓上
村偷渡溇沱河郭松林楊鼎勳張曜劉松山各軍先後追至賊多
淹斃其未渡之賊經官軍圍殺殆盡已渡之賊均向南竄各等語

奏稿十三

臣現駐景州距西路稍遠未知是否確實郭松林等追賊南去
夜奔馳驟遊梗滯數日未接來信亦未知戰狀何如但據張曜等
二十四日專弁來函云賊眾屢挫之餘勢頗窮蹙已會商郭松林
等趕緊追剿當此各軍雲集該逆東奔西走膽落魂驚其乘間偷
渡溇沱本在意中臣曾諄屬郭松林張曜等如不能就地兜滅應
設法痛剿備令南趨以免繼輔切近之患張曜宋慶等追逐甚速
夜戰尤力實足仗賊謀而振軍威除俟探確逆蹤南竄情形再行
相機進扼郭松林等續報戰狀隨時具奏外所有官軍連日四路
兜剿疊獲大捷倭城南趨據報已搶過溇沱各緣由謹繕摺由驛
六百里馳陳伏祈
皇太后
皇上聖鑒謹

奏

奏稿十三

三

唐殿魁請卹片 同治七年二月二十九日

再前記名提督廣西右江鎮總兵唐殿魁於同治六年正月十五日在湖北尹澧河地方勦辦任賴等股捻逆力戰陣亡經臣奏奉諭旨照提督例從優議卹仰荷

恩哀忠烈允足激勸戎行臣查唐殿魁籍隸廬州自咸豐年間倡辦鄉團南禦粵匪北擊苗逆所向有功同治元年隨臣帶勇赴滬疊復奉賢南匯川沙柘林常熟江陰無錫各城嗣進攻常州賊眾兵單屢瀕於危賴該員堅忍血戰數月而後克臣察其才堪大用為添募三千人令隨劉銘傳渡淮勦捻逐東豫皖鄂數省又身經百餘戰無戰不捷數年追賊忍飢耐寒不稍懈志平日諄諄以練兵愛民為事所到之處軍威整肅輿情愛戴實為淮軍諸將之冠卽論戰績亦無與並自尹澧河陣沒後銘軍失此良將幾不復

奏稿十三

三

振其弟唐定奎忠勤勇敢素嫻紀律誓欲為兄復仇臣令接統唐殿魁舊部上年冬間贛榆帶光之捷該軍殺賊最夥任賴等逆全股就殲固由將士用命亦係唐殿魁平時恩誼所感皆願出死力以償其畢生未竟之志其忠義正直耿耿滅賊之誠軍士每追念之無不流涕東掄已奏肅清該故提督積功最多死事最苦臣不敢不亟為表揚可否仰懇

聖主逾格

恩施


特旨予諡並

敕於江蘇湖北及安徽原籍地方建立專祠所有銘軍歷年陣亡弁勇均准附祀其唐殿魁戰功及死事情狀並請宣付史館立傳以獎忠勛而作士氣理合附片陳請伏乞

聖鑒訓示施行謹奏

奏稿十三

三



行抵南宮擬由大名追擊摺 同治七年三月初六日
奏為官軍備賊南竄入豫 督隊行抵南宮擬即由大名前進相機夾擊籌商布置恭摺仰祈 聖鑒事竊捻股南竄臣督軍由冀州前進於三月初一日馳報在案大日督隊自景州啟行疊接郭松林楊鼎勳報稱方賊匪竄過

漳沱該軍馬隊渡河追及二十七日午刻賊以騎隊十數團直前拒敵經吳鳳柱胡連發等開鎗迎擊相持兩時該逆三進三卻郭松林楊鼎勳復飭胡良作湯得上尹長林陸懷邦夏青雲等合力猛進躍馬入陣刀矛盪決賊乃潰走我軍乘勝追殺二十餘里調集步隊蟬聯繼進仍馳三十餘里直抵趙州境內沿途斬獲共計斃賊千餘名奪騾馬數百匹三十日馳抵南和聞賊已狂奔磁州軍士飢疲已甚步不及騎徒為焦急臣初四日行次冀州探聞該

逆已竄豫之臨漳本日抵南宮縣據各處探稟賊過漳河後經豫院防軍迎擊獲勝仍向正南逃竄臣於正月二十八日督附片妄陳管見以懷慶衛輝北阻太行南偏黃河地形較狹各軍若進扼懷慶再派隊蹙之一隅比在直晉圍剿較得地勢昨左宗棠面商方略臣又將此議詳晰緘商去後但慮賊騎飄疾晝夜不停仍循舊路徑奔山西而太行各口如懷慶交界之天井關九里關濟源交界之風門口邵源關形勢雖險堵扼不嚴恐其交臂旋失頃准李鶴年來函亦以備懷一帶依山阻河比之膠萊略似擬聯絡晉省慎守河防但非多兵莫辦等語是與臣等意見相同惟賊極狡猾亡命敗逃之餘見兵即走有騎如飛未知設法布置能否趕及懸慮殊深左宗棠及各省追軍均由磁州彰德循山兜進臣念大名與濮范滑滑毗連恐該逆勾引土匪傍衛河以東乘虛回竄

直境擬即督軍由大名相機前進循河入豫之衛輝與左宗棠李鶴年等隨時商夾擊以期就地兜圍日下賊蹤愈遠直境稍鬆臣所部兵力尙單應請

旨飭催官文迅飭潘鼎新善慶等各隊倍道南下俾資調派所有官軍偪賊南竄入豫臣行抵南宮卽由大名前進相機夾擊籌商布道各緣由謹繕摺由驛六百里馳陳伏乞

皇太后

皇上聖鑒訓示謹

奏

奏稿十三

毛

白大名抵開州並滑縣獲勝摺同治七年三月十五日
奏為微臣行抵大名後探聞賊山豫境被擊東竄趕督所部分路攔剿郭松林楊鼎勳在滑縣東北抄截賊前大獲勝仗臣進抵開州接應偪賊南趨恭摺仰祈

聖鑒事竊臣督軍由南宮進大名於初六日馳報在案初十日行抵大名旋據各處探稟賊由衛輝新鄉一帶西竄獲嘉修武等處經豫軍扼折而東趨原武陽武初十日已過延津而北漸近直東交界臣飛飭郭松林楊鼎勳由彰德赴滑縣相機攔擊臣督隊由大名前進迫行抵南樂縣探知該逆由滑縣東南向東北奔竄援及直隸開州邊境臣卽由清豐馳赴開州以備迎頭扼剿適郭松林楊鼎勳十二日先抵滑縣城西劉松山郭寶昌張曜宋慶等軍均在賊後緊追郭松林等慮該逆被追急竄入直是夜三更後

奏稿十三

天

銜枚急趨折經濟境繞出東北一爲攔擊之師一爲橫截之計行四十餘里次於大邳山天甫近曙有賊馬數十團由東南直竄向北不虞我軍之繞截而前也郭松林自率胡良作馬隊飛騎衝入易用剛吳鳳柱分督各營排列疾進賊隊初甚整備猝遇我軍鎗矛相接衝突逾時尙敢拚死抵非吳鳳柱易用剛等戰久愈奮躍馬陷陣奔勇繼進當者輒靡蔡國祥宋德鴻李長樂陳飛熊等亦各帶步軍乘勝盪擊賊屍枕藉田隴幾爲之滿賊中有悍酋執旗揮刀督眾返鬪經鎗子擊傷墜馬餘賊敗走愈急楊鼎勳督隊由大邳山左橫出截擊賊又悉銳來爭經胡連發徐邦道猛擊敗之高占彪吳雲集等帶隊接應該逆下馬迎戰長矛撥刺有聲約歷兩時之久楊鼎勳督步隊排放連環鎗礮傷斃甚眾賊勢大潰郭松林楊鼎勳合力猛追四十餘里劉松山張曜等軍復由東南節

節兜勒賊眾驚亂徑向西南奔突是日郭松林等生擒悍口常虎
兒張裕寬朱元青李王名等十數名並老賊數百名其餘陣前斬
殺無數奪獲騾馬千餘匹實足寒賊膽而振軍威臣甫至開州派
隊向西南搜捕策應賊已回嶽延津封邱一帶飭郭松林楊鼎勳
乘勝猛追會合各軍竭力勦辦以冀早就殲除惟該逆窮蹙之餘
避兵亂竄此次本欲乘虛由開州走大名東昌以圖北擾不料臣
軍趕至截擊又負創南趨而衛輝懷慶以西地形漸狹各軍兜逐
兵勢雖盛而賊蹤極狡若難就地殲滅必仍折而北趨查由豫入
直分東西兩路由淇縣湯陰赴彰德為西大道由延津滑潯赴開
州大名為東大道左宗棠由彰德進正當西路臣由開州進正當
東路目下賊情未定臣暫紮開州相機督飭進剿仍兼顧東北一
面其十三日力戰陣亡之記名總兵胡家讓副將銜參將夏得勝

奏稿十三

三

游擊周得意羅清瑞等四員應請

旨飭部從優議卹以慰忠魂所有郭松林等軍在滑縣攔截大獲
勝仗臣進抵開州接應備賊南趨各緣由謹繕摺由驛馳陳伏乞

皇太后

皇上聖鑒訓示謹

奏

賊向東竄與左宗棠商夾擊摺 同治七年三月二十四日
奏為各軍連日兜剿緊急賊蹤向東竄走商籌辦理情形恭摺仰
祈

聖鑒事竊臣行次開州業將郭松林等攔剿獲勝備賊南趨於十
五日馳陳在案郭松林楊鼎勳十四日會同劉松山張曜宋慶
等追至衛輝沿途疊獲小勝賊不戀戰向西南竄走十六日賊忽
由衛南折竄東北盤旋延津封邱一帶郭松林楊鼎勳繞赴滑縣
迎剿適潘鼎新善慶溫德勒克西亦由內黃至滑諸將會議以自
滑縣至長垣地勢平曠賊騎驍悍此擊彼竄無可攔制欲就衛河
以西黃河以東聯營排紮先扼竄路再圖進剿請臣緘商左宗棠
李鶴年合力籌辦等語正在商籌間布置未定賊已突至十九日
賊由封邱北趨長垣潘鼎新趕往阻遏賊又乘夜折竄滑境二十

奏稿十三

三

日黎明該逆全力死衝楊鼎勳當派徐邦道胡連發馬隊迎擊縱
橫盪決撿斬數十名賊退數里忽又率眾回犯步賊皆下馬持矛
結數十團奮臂直前而以馬賊分兩翼包抄我後胡連發左膀被
矛傷猶奮創力戰楊鼎勳復率高占彪吳雲集唐宏成等接應連
開鎗礮鏖戰兩時該逆且卻且前拼死猛撲吳雲集大呼陷陣手
刃悍酋數名收向東北竄走郭松林分紮長滑之交是日辰刻聞
賊由滑南突竄起督所部馳往策應臣亦自開州添派唐仁廉陳
振邦馬勇赴滑協勦行至大河村遇賊唐仁廉首先衝陣斃賊多
名賊騎兩邊抄下陳振邦繼進斬悍賊二十餘名賊始卻退未幾
逆股全數回撲陳振邦鼓勇猛進奪馬三十餘匹賊以悍騎合力
死鬪四面包圍陳振邦衝入賊陣腰中鎗傷喉頭復被矛傷正危
急聞郭松林督隊趕至隨飭宋德瀾陳飛熊李長樂等步隊橫矛

持鎗縱橫擊刺賊眾紛紛落馬易川剛吳鳳柱各縱騎從旁抄殺
該逆負創如飛竄去潘鼎新善慶等旋自長垣追至與郭松林楊
鼎勳會合疾追是日同抵濬縣賊由濬縣內黃交界圍渡衛河二
十一日潘鼎新善慶等擊走之臣復派周盛傳吳長慶等由開州
帶隊截勦二十二日行抵內黃之七級見賊馬由西南向東北即
率所部攔頭迎擊賊騎拚力來撲我軍步隊一擁而進炸礮火箭
連環轟擊賊立敗退馬隊乘勢抄擊賊向東路竄去生擒賊目許
善王坤杜秋等十數名賊沿河竄往內黃潘鼎新善慶溫德勒克
西追過城北二十餘里二十三日潘鼎新郭松林等恐賊繞由大
名偷渡仍循衛河以南兼程緊躡使其不得喘息周盛傳吳長慶
等由清豐南樂向東分路兜擊沿途接仗屢勝容再詳細續奏臣
正慮大名空虛賊在衛河東南臣軍與之兜逐難退舍而北去幸
河水尚深左宗棠已督隊由湯陰楚旺沿河東下二十三日可抵
大名與臣商約臣軍在衛河南岸追勦左宗棠督軍在衛河北岸
夾擊使賊不得徑渡庶畿疆可資遮護賊勢亦有所牽綴該逆全
係騎隊飄忽善走屢獲賊供因懷衛一帶阻山面河地勢過狹恐
被圍困故亟出險肆竄但冀不過衛運兩河仍不出東豫數郡之
地或可徐圖收拾臣惟隨時會商左宗棠相機妥辦並密屬郭松
林潘鼎新等若賊乘間渡河我軍須設法繞出其前以顧北面記
名提督陳振邦向隨劉銘傳勦滅任賴捻股驍勇最著積功最多
頃甫調令帶所部馬勇千餘赴前敵助勦奮不顧身受傷沉重旋
卽殞命實堪痛惜擬請
旨敕部將該員照提督陣亡例從優議卹以慰忠魂同日陣亡之
仁營馬隊總兵銜副將劉正同游擊銜都司魯朝斌銘營馬隊守

備高峻嶺均請
敕部照例議卹所有各軍連日兜勦緊急賊蹤向東竄走現籌辦
情形謹繕摺由驛六百里馳陳伏乞
皇太后
皇上聖鑒訓示謹
奏

奏稿十三

至

東昌追剿獲勝摺

同治七年三月二十日

奏為捻逆折趨東昌各軍追剿獲勝情形恭摺具陳仰祈
 聖鑒事竊賊蹤向東竄走督軍兜剿業於二十四日馳報在案賊
 初欲循衛河北竄二十二日正在內黃之五龍口試淺偷渡善慶
 溫德勒克西馬隊馳及賊見步軍向遠遂揮馬賊數十團散趨齊
 上猛力迎戰並分股繞出陣後層密包裹愈戰愈緊善慶等各率
 部分拒頗有斬獲潘州新郭松林等督馬隊馳援而令武毅勳鼎
 各步隊接應善慶溫德勒克西知有援軍從圍中突出夾擊賊氣
 盡奪降其偽天將熊大海騎賊百餘人賊潰遁東北二十三日賊
 竄南樂清豐之交周盛傳吳長慶帶隊趕至在陶保村外擊斃馬
 賊數十名奪驟馬百餘匹生擒賊目徐老滑等數十名隨即就地
 正法又追二十餘里至南樂縣東遇賊大隊回撲周盛傳率馬隊
 迎剿賊騎萬餘合力壓下周盛傳當將馬隊撤回依附步隊進戰
 賊見我軍馬步齊上悍賊數千下馬持矛蜂擁死鬪經官買起
 勝衛汝貴汪炳炎葉志超楊岐珍馬朝選等奮勇迎敵鎗擊矛刺
 連戰十餘回合賊勢稍卻馬朝選身受矛傷數處朱冠軍復帶開
 花劈山礮連環轟擊自未至申慶戰兩時之久賊大潰走我軍乘
 勝掩殺屍橫田野計斃悍賊千餘名當接仗正酣時該逆分二千
 餘騎抄吳長慶各營之後立飭黃仕林者貴等分路擊走之又斃
 賊目張丑等數十名賊連夜遁往山東莘縣境內潘鼎新郭松林
 楊鼎勳善慶等恐其乘隙渡衛是日循河岸追至莘冠交界二十
 五日賊即直奔東昌前股已由東昌城南十餘里李海務一帶渡
 運東趨我軍於午後追及郭松林善慶溫德勒克西縱騎疾上該
 逆率悍黨迎戰易剛吳鳳柱排整進擊賊隊衝不動徐邦道胡

連發吉玉成各馬隊從旁抄截步軍齊進陣擒悍目何士喜周久
 等數名殺斃老捻數百名各軍在東昌略購行糧仍圖繞出賊前
 向南壓剿此各軍連日追剿獲勝之詳細情形也臣查賊勢雖甚
 窮蹙惟步賊悉改為騎日馳百數十里官軍追急常苦尋戰不得
 偶一接仗其悍賊又多下馬拒敵我軍須馬步並進方可制勝步
 隊晝夜飢驅實形疲乏東直交界平曠千里逆騎任意盤旋無險
 可扼殊為焦慮左宗棠現督劉松山張曜宋慶程文炳各軍由大
 名循衛河東北游擊以堵北竄臣亦飭郭松林楊鼎勳潘鼎新等
 會合東軍繞由北路向東南兜剿臣拜摺後即日啟行進駐東昌
 一帶就近相機調派仍隨時會商左宗棠等妥籌酌辦其力戰陣
 亡之副管委參領即補協領常通阿委防禦舒勒恒候選訓導陳
 兆榮擬保副將嚴鴻猷均請

奏稿十三

臣

旨敕部從優議卹以慰忠魂所有捻逆折趨東昌各軍追剿獲勝
 情形理合繕摺由驛馳陳伏乞

皇太后

皇上聖鑒訓示謹

奏

追賊北上附陳籌畫情形摺 同治七年四月初八日

奏為微臣行抵東昌探知賊竄東北駭及津郡臣所派各軍節節抄前攔剿即遵

旨北上相機調度並附陳籌畫情形恭摺仰祈

聖鑒事竊捻逆折趨東昌各軍追剿疊勝臣由開州繼進東郡各

情於三月三十日馳陳在案先因賊騎颯疾恐入東後運奔東北

密飭郭松林楊鼎勳潘鼎新等倍道急馳務繞由北路沿運河南

岸儘力兜截但使賊不得渡運北趨庶可援護津門屏蔽畿輔郭

松林楊鼎勳潘鼎新善慶等深知緩急雖值連日陰雨久役飢疲

激厲軍心晝夜趨進昨據潘鼎新善慶等稟報二十七八日在往

平高唐等處追逐屢獲勝仗二十九日追過平原三十日繞至吳

橋日行百數十里節節抄前攔剿惟地勢平曠西擊東奔祇有兼

程緊躡以冀會合津郡及各路追軍設法牽制遏其竄渡以維大

局等語臣冒雨趨行初六日至東昌探聞該逆已竄滄州南皮境

內距津不遠臣所派郭楊潘各軍均當追及左宗棠督劉松山

張曜宋慶程文炳等初五日已由德州進景州以北計北路兵力

已厚足資堵遏臣深慮各軍趕到賊又折回南擾官軍奔命不遑

轉瞬又落賊後正在臧商英翰請其督皖軍進駐臨清豫籌布扼

臣即暫駐東昌聯絡布置俟賊回竄就地迎擊欽奉四月初三日

奇諭以定安等兵力單薄飭臣迅督諸軍馳赴吳橋一帶扼要駐

紮以為前敵諸軍調度目下賊勢駭駭北走臣雖派大枝勁旅剋

期前驅心繫

京畿憂惶莫釋惟有遵

旨遵行不遑顧及後路拜摺後即督同周盛波吳長慶等營由東

昌起程馳赴德州吳橋等處扼紮就近相機調派翼補救於萬一

臣查捻逆久成流寇張總愚尤極狡獪頻年竄擾非地擄馬最多

平原曠野瞬息百里我軍步隊與為躡逐實苦不及近來軍行日

至百餘里為用兵十數年來之變格然軍士如此奮勉猶不能迅

圖殄滅非力不能敵蓋勢不足制之也窮年累月飢走疲憊徒勞

我師誠恐一旦潰滅難支轉生意外之變臣不得已屢為就地圍

制之請冀商左宗棠等擬設長圍以困之無如黃河以北平坦千

里網羅難施由於地勢使然懷慶形勢最險賊竟不肯深入張逆

鑒於任賴等股之攔截一聞圍紮立即死力衝出亦不容我聞暇

次第施工議者謂就運河一綫設防蹙之海東一隅較得地勢惟

運河自天津至張秋黃河口計一千二百里內張秋至臨清二百

四十里年年黃水倒灌淤成平陸尤費兵力約須十餘萬人方可

分布現計直東豫主客各軍僅及十萬臣慮其有守無戰潰決為

患左宗棠慮局勢疏廓難於有成皆係實情或又謂待賊回竄豫

境分守漳衛河及張秋至臨清運隄以蹙之費兵亦近十萬又恐

偏賊入晉總之圍局不得猝成賊騎難禁紛竄即嚴督諸軍日以

追剿為事能勝賊而未足以滅賊久且有疲師覆軍之憂可勝憚

惴微臣智術短淺於事勢之難略有所見不敢不據實質陳謹繕

摺由驛馳奏伏乞

皇太后

皇上聖鑒訓示謹

奏

由東境轉戰入直沿途疊勝摺

奏為郭松林楊鼎勳潘鼎新善慶等馬步各軍由東境轉戰入直沿途疊勝仗急援天津備城南趨恭摺仰祈

聖鑒事竊臣派軍追剿經馳報在案三月二十七日郭松林楊鼎勳潘鼎新等督軍由東昌冒雨進躡二十八日探賊由平東轉向西北騎賊數十團隱伏樹林間郭松林飭王平西蔡國祥宋德鴻李長樂等步隊上前轟擊賊馬即退列村外潘鼎新督戴春林吳從發潘國揚各營楊鼎勳督高占彪吳雲集唐宏成各營從旁抄擊郭松林復調集各部馬隊與善慶溫德勒克西騎兵繞前接戰值步軍挫賊之後銳氣益奮飛馬馳突不及一時逆陣果為衝動退越數村我軍馬步乘勝合追三十餘里至高唐州之雲家村陣斬悍黨極眾生擒擒目賈託張有得二名老擒數十名追至

徒駭河邊該逆倉皇擁奔楊鼎勳擒獲馬甚夥二十九日追過平原賊向陵縣吳橋急走是夜四鼓各軍即冒雨前進行未三十里與賊相值善慶溫德勒克西唐仁廉及武毅鼎勳各馬隊圍結排列蜂擁而上賊騎以長矛回鬪都司即得功陷陣死之步軍各營趕為接應應戰逾時擒殺多賊潰而北走擒賊供稱欲循吳橋就安陵連鎮兩處渡運郭松林等會商繞出賊前攔其搶渡之路是晚我軍巡抵吳橋賊乃自北迤東而走四月初一日大雨如注竊獲賊供仍欲由東光偷渡各軍循河急趨午後及之賊復回余家莊初二日賊又從東光境內突犯運濟我軍排壓倒擊賊敗竄南皮是夜賊首鄧保正率二百餘騎來降初三日潘鼎新商催各軍以賊既銳意北竄必須繞前抄截雖積霖泥潦軍士怨苦不遑深卹遂循運河東岸徑指滄州賊向阻雨城南適東軍王心安落

後遇賊求援潘鼎新楊鼎勳兩軍先從左右兩路包裹而進郭松林督所部合之善慶溫德勒克西唐仁廉直從中路壓下賊騎橫列數十起已整備拒敵郭松林令馬隊展為前卻誘之使近步軍始放連環鎗礮開以長矛攢刺該逆人馬中傷勢漸不支鼎勳兩軍分投抄擊賊乃大潰奪路東走夜間仍折而北我軍亦躡擊之次於滄州之花園連奪賊館數處收降張懷慶胡志等數百人初四日賊竄靜海我軍追由唐官屯官屯以至陳官屯楊鼎勳乘夜襲擊賊目何祿誠等率七百餘騎來降初五日賊竄近天津二十餘里郭松林等趕行數十里沿途截賊信賊自北轉向東南我軍傍晚到津分駐郡外探賊尚在楊柳青地方伐木結陣潘鼎新派張景春戴春林會同善慶溫德勒克西擊走之擬在津門稍辦軍糧再行相機壓剿據該統領等稟報前來查擒逆屢為追師所

挫猶欲拚死渡運以圖一逞郭松林等自去秋馳逐至今將士疲憊已極因賊蹤沿運北犯各路官軍多未趕及晝夜冒雨苦戰力追泥途飢走勞乏萬狀倖能攔截賊頭援護津郡實足伐逆謀而固大局惟沿運上下未駐防兵雖雨後河水較深難保不循運回竄乘間窺渡左宗棠已令劉松山張曜宋慶喜昌春壽各軍由東光南皮循運西節節截勦聞丁寶楨亦督軍由運西繼進德州以下正形空虛臣本日督隊至德扼要暫駐偵察賊蹤再相機分派截勦其郭松林營內連日力戰陣亡之總兵銜副將郭文武例貢生擬保縣主簿郭士琳擬保副將姚長庚游擊曾文益都司邱得功均請旨敕部從優議卹所有郭松林等軍轉戰入直沿途疊勝急援天津備城南趨各緣由謹摺由驛馳陳伏乞

皇太后
皇上聖鑒訓示謹
奏

奏稿十三

奏

賊竄西南籌商布置情形摺 同治七年四月十七日

奏為湘豫各軍追剿賊已回竄西南籌商布置情形恭摺仰祈
聖鑒事竊臣於十二日行抵德州堵扼北竄當經專疏馳報其時
探賊已由鹽山慶雲竄海豐一帶撫臣丁寶楨帶隊由交河回德
晤商僉以賊勢回奔自臨清東昌至張秋運河淤涸已久賊所必
經非重兵不能設防時日太促賊蹤偏近亦非倉猝所能施工丁
寶楨與臣隨身人數無多既須扼勒北路又欲兼顧西防實屬力
有未逮相顧躊躇適福建提督郭松林統帶所部由靜海滄州追
賊沿運南下道經德州臣即商令該提督與吳長慶親兵各營會
合丁寶楨東軍馳赴東昌一帶相機布扼十五日各軍拔隊由恩
縣南進據探報捻逆已於是日由禹城在平回竄高唐州境郭松
林等十六日至高唐當有戰事即抄出東昌實恐趕辦不及連接
劉松山張曜稟報渡河迨往鹽山初十日接仗獲勝十一日賊奔
海豐陽信十二日至武定十三日至商河沿途疊戰斬斬頗眾訊
賊供張總愚以官軍均係運東現仍圖由水淺處急竄運西等語
除劉松山等戰狀由左宗棠陳奏外臣查張秋至臨清運河二百
四十里年年黃水倒灌淤成平陸設防最難費兵最多已於四月
初八日摺內詳奏在案前由東昌循河岸北行親見人馬可涉
迨至德州察勘北運河水勢數日之間陡長至一丈五六尺由於
漳衛上游山水暴發而黃河桃汛尚未盛漲臣雖先委員弁在張
秋河口挑浚淤沙意欲引黃入運以困賊然黃水僅高尺餘未便
啟壩須待伏秋大汛運河方可灌滿此時設防則全恃兵力未能
以水為險議者皆謂賊在東境蹙之河海一隅可圖聚殲臣等身
在行間豈有不竭力籌辦之理但直東交界縱橫平曠七八百里

奏稿十三

早

賊騎飄忽無從制欲趁東海南河形勢必須先扼西北近河聯築長牆絕其出路而尤以東至天津沽西至東昌張秋為兩頭鎖鑰天津為

京師門戶通商重地誠如崇厚初八日奏內所稱須籌畫萬全不敢輕於嘗試正在講求簡捷之法郭松林潘鼎新昨過滄州慮賊回撲津郡因見運河盛漲督率弁勇將滄州連南捷地壩掘開內有滅河一道橫通海濱牧豬港約百餘里運水立時灌入深可四五尺潘鼎新已飭該地方官就河東集練築牆若守住滅河既斷竄津之路兼為滄青靜海屏蔽上令潘鼎新楊鼎勳等暫行察度布置並緘商崇厚派兵接防設法築壩蓄水使深以為津緩外戶惟重兵均在前路東昌一帶空虛無備賊必乘虛回擾臣初八日摺內亦略及之昨准安徽撫臣英翰函稱十四五日可至

東郡當能與郭松林各軍攔頭一擊但地面寬平河牆未立難保其不繞由上下水淺處竄越而西應請

旨飛飭河南撫臣嚴防內黃滑濟一帶並救下直隸督臣轉飭大順廣道將衛河南岸船隻盡行提歸北岸豫為之備賊現尚在運東丁寶楨郭松林等折往東昌設竟與英翰會師堵截賊又折而北竄德州為北路衝要距賊甚近臣暫帶周盛傳數營駐扼此間偵視賊情再籌調度所有賊蹤回竄西南籌商布置情形謹摺由驛六百里馳陳伏祈

皇太后 皇上聖鑒訓示謹 奏

賊趨東北官軍分投兜剿 同治七年四月二十三日 奏為捻逆折趨東北官軍分投兜剿恭摺仰祈 聖鑒事竊張捻由禹城平原回竄高唐籌商布置情形經臣於十七日馳報在案旋接郭松林十六日稟稱該提督會同吳長慶帶隊行抵博平縣城北探賊大隊又自南折而東趨郭松林率馬隊及親兵步隊追及賊騎散轡急遁小有斬獲訊供賊回竄連不遠復繞而北該提督仍趕赴東昌會同東院各軍築牆憑河設守以杜竄越等語又疊據劉松山張曜宋慶等稟稱十五日會同春壽喜馬隊追抵高唐恐賊窺渡運西十六日偕之博平以東賊突由桂平折竄東北剽疾異常十八日躡及平原進東賊又狂竄該提督等以逆眾絕不及拒無從痛剿仍乘夜襲之是晚銜枚疾走五十餘里始見匪蹤各軍排進立破馬家集任家集李家樓各村

馬賊多住村外四散狂奔我軍復馳逐十餘里擒賊二百餘名十九日賊竄陵縣德平等處二十日追往南津境內該逆尾隊橫出拒敵我軍分投猛壓賊即收遁追二十餘里擒殺甚多兩始行收隊逆股復向東北狂奔各等語該逆前竄天津未遂又乘我軍南下折而北趨不知滄州捷地壩已開滅河灌海尚有潘鼎新楊鼎勳兩軍在彼扼堵也昨接潘鼎新稟稱滅河東岸已修築長牆八十餘里水深丈許足資守禦臣飭該藩司與楊鼎勳妥籌防剿必不任其竄過並密屬劉松山張曜等沿途緊追勿任喘息偷渡左宗棠已督程文炳等軍由吳橋南津赴南皮一帶沿運河東岸扼剿臣料該逆知滄州滅河有備南皮東光沿運又有游兵必即折而南走仍由鹽山樂陵回竄臣所部潘鼎新楊鼎勳既在滄州以北郭松林吳長慶又往東昌以南兩處皆緊要關鍵賊所

馬賊多住村外四散狂奔我軍復馳逐十餘里擒賊二百餘名十九日賊竄陵縣德平等處二十日追往南津境內該逆尾隊橫出拒敵我軍分投猛壓賊即收遁追二十餘里擒殺甚多兩始行收隊逆股復向東北狂奔各等語該逆前竄天津未遂又乘我軍南下折而北趨不知滄州捷地壩已開滅河灌海尚有潘鼎新楊鼎勳兩軍在彼扼堵也昨接潘鼎新稟稱滅河東岸已修築長牆八十餘里水深丈許足資守禦臣飭該藩司與楊鼎勳妥籌防剿必不任其竄過並密屬劉松山張曜等沿途緊追勿任喘息偷渡左宗棠已督程文炳等軍由吳橋南津赴南皮一帶沿運河東岸扼剿臣料該逆知滄州滅河有備南皮東光沿運又有游兵必即折而南走仍由鹽山樂陵回竄臣所部潘鼎新楊鼎勳既在滄州以北郭松林吳長慶又往東昌以南兩處皆緊要關鍵賊所

必經之路臣僅帶周盛傳一軍駐扼德州咽喉偵察賊蹤相機截
剿就現在局勢而論英翰丁寶楨已抵東昌西路運防可期嚴密
滄州減河濶濠既固津郡亦無他虞惟自滄州至臨清河道六百
餘里現雖水深丈餘久晴必漸涸涸河西一帶毗連畿輔專恃民
團捍衛臣實不敢放心各省兵將除前敵追剿及分防東西要地
外似已無可抽調若抽調太多則又無大枝兜剿之兵疊奉
寄諭以直省沿運防務責成左宗棠官文崇厚妥商布置但運防
未穩進剿仍不宜過急致有鋌而走險之虞臣尤不得不懇懇
慮謹據實由驛馳陳伏乞

皇太后
皇上聖鑒訓示謹
奏

奏稿十三

呈

覆奏催飭劉銘傳北上片

同治七年四月二十三日

再欽奉四月十七日等

寄諭以劉銘傳三月假期已滿飭催督率所部迅赴北路剿賊仰

見

聖主愛惜將材訓勵交至欽感莫名竊查劉銘傳與臣生同鄉里
少負不羈之材血性忠勇智略明達近時武將中實所罕見蘇省
肅清非臣之功劉銘傳與程學啟之功為多任賴捻股蔓延敗省
倖而殄滅亦非臣之功劉銘傳一人之功也追逐三年疲憊實甚
五年冬臣初至徐州督師劉銘傳稱必欲速了此賊以求開缺
歸農臣當時望其成功許以事竣代奏去冬任柱授首後劉銘傳
疊次手書堅申前請是以臣曾附片奏過一次明知時事多艱將
材難得臣向於部將然諾不欺未忍強信也迨東捻全股撲滅劉

奏稿十三

呈

銘傳扶病來濟甯相見乞退更切其時適西捻出窺將及河朔

諭旨令該提督統兵協剿該提督久勞致病腿腫不能乘騎係屬
實情臣不敢遽為代請開缺但請假三月俾得靜心調養並將所
部銘軍委該軍營務處道員丁壽昌暫行代理駐防邳州認真操
練以待劉銘傳假滿視師自軍援直後劉銘傳回籍就醫久無來
信未知其腿疾果否全愈三月間臣因捻勢日猖生獲賊供城中
恐劉銘傳復出時探問臣已兩次手書專弁赴劉銘傳處諄催
來營襄助聞督臣曾國藩亦為懇切而催茲疊奉
恩諭又經恭錄檄行去後惟恐驛遞梗阻該提督或藉病延致
誤師期劉銘傳於捨情地勢最為熟悉湘淮皖豫各統將素皆心
折微臣文弱辦賊之才自愧弗如可否仰蒙

恩旨令劉銘傳總統前敵馬步各軍
飛飭兩江督臣曾國藩署安徽撫臣吳坤修就近催令迅速統軍
北上與臣等其籌滅賊之方該提督啟行時如須添募兵馬添製
器械等件並請
飭曾國藩籌款助給俾無掣肘該提督通習書史素明大義諒無
不急難赴公白干清議是否有當伏乞
聖鑒訓示謹附片具
奏

奏稿十三

聖

馳往滄州仍回德州調度摺
奏為各軍堵剿獲勝情形
臣馳往滄州北路察勘一切仍回德州
會籌調度恭摺仰祈
聖鑒事竊前次賊蹤北趨臣料其必由滄州折回於四月二
十三日馳奏後臣即督周盛傳行隊於二十四日由德州沿運河
東岸北行察勘形勢並擬賊若沿運河截擊是日行次東
光之連鎮據據潘鼎新楊鼎勳善慶等稟稱二十一日戌刻捻眾
突至滅河南岸盤踞各村三鼓時直撲河牆善慶溫德勒克西暨
吉玉成徐邦道等嚴堵橋口潘鼎新起派張景春潘國揚等馳往
援勦楊鼎勳亦派隊由白兔過河兜擊二十二日卯時賊因防兵
嚴整屢撲不動即收竄鹽山一路等語是日午後左宗棠亦督軍
追至河邊劉松山張曜宋慶等遇賊回竄在舊滄州獲一小勝均
經左宗棠馳報臣二十五日馳抵南皮探聞賊已掠樂陵而西二
十六七等日臣即往滄州捷地巡視河牆商善慶潘鼎新楊鼎
勳等察看滅河上游水勢尚旺惟下游呂橋東至海口數十里河
身淤塞一片漫灘可由鹽山小徑抄入潘鼎新楊鼎勳等親督弁
勇逐節挑濬以期引水入海淹沒此路使該逆無隙可乘臣飭各
營妥速布置俟防務穩固潘鼎新仍抽隊出勦暫留楊鼎勳駐守
一面緘商崇厚請酌添津軍赴滅河分段協守蓋守住滄州滅河
則天津萬無一失無須多兵駐防且不可使臣處游擊勁旅盡改
作守兵也臣即於二十八日督隊南下二十九日行次德州之桑
園與左宗棠函約在此相會面籌堵剿機宜意見均合並無畛域
堪以仰慰
聖慮閏四月初一日回駐德州偵知賊已由高唐西走夏津圍撲

臨清東昌運河先准丁寶楨英翰郭松林函稱四月十九日東院
淮軍議分段落淮軍郭松林吳長慶等自東昌城南守至張秋河
口東院各營自東昌以北分守至臨清上下剋期趕築長牆惟河
水淺澗可慮臣先遣派水師提督徐道奎張秋轉運局員萬年清
統帶樹字營張樹屏在張秋督勇挑濬淤河已報完工適黃水驟
漲三尺二十二日夜徐道奎等趕督勇夫開壩引黃灌運以裨防
守並調楚軍丁長春水師由張秋臨清駛入德州運河臣抵德時
丁長春礮船亦至面詢臨清以上河牆大致堅厚開河水勢深淺
不等其淤淺處亦有水三四尺將來伏汛盛漲無難引水灌賊日
來南路文報梗阻竊料東昌上下河防有牆有水又有重兵逆騎
必難飛越據各縣探稟賊擾及東昌不得渡運又從高唐平原回
竄二十九日已至禹城固河楊園一帶閏月初一日向臨邑沙河

奏稿十三

聖

莊任奔仍圖北犯等語左宗棠已飭劉松山張曜宋慶喜昌春壽
相機兜擊臣過桑園商令程文炳迅帶所部前往與皖軍郭連昌
牛師韓等合隊迎勦臣抵德州後又令周盛波周盛傳帶馬步親
軍馳往陵縣一帶相機攔勦除俟各軍續有戰狀再行馳陳外至
劉松山張曜宋慶等二十五日追至臨邑獲勝郭連昌牛師韓二
十六日在恩縣東南接仗獲勝情形左宗棠英翰必已詳細奏報
矣所有各軍堵勦獲勝臣馳往滄州察勘仍回德州派隊截勦各
緣由謹摺由驛馳陳伏乞

皇太后

皇上聖鑒訓示謹

奏

各軍兜勦獲勝摺 同治七年閏四月十一日

奏為連日各軍兜勦獲勝情形恭摺仰祈
聖鑒事竊賊窟東北派隊堵勦各情臣於初二日馳報在案是日
周盛波帶銘營先鋒馬隊周盛傳帶盛軍步隊由德州赴陵縣截
勦夜見賊火在臨邑陵縣之交初三日周盛波等由陵縣東進二
十里至鳳凰店即遇賊馬往來游駛其大股尙在五里以外我軍
馬步結陣齊進擣其中堅賊眾突見官軍大驚逸走當令馬隊躡
之沿途擒賊三十餘名獲馬六十餘匹奪回賊踞村莊二十餘處
追至何家莊張逆突驅馬賊大股結十餘團回撲我軍亦排陣迎
之正欲交鋒賊見官軍馬步並進旋又回竄大股直向東路絕勒
而馳並有賊騎分路折竄劉松山張曜宋慶程文炳各軍亦已追
及據擒賊供稱該逆欲將官兵誘至東路海隅遂疾竄西北圖撲

奏稿十三

聖

運河等語劉松山張曜宋慶等於初四日橫出德平邀擊大勝擒
斬數百人該逆由東北敗向正東初五日劉松山張曜等跟蹤急
追周盛波周盛傳慮賊回撲運防改由甯津向吳橋西南截擊兼
為德州屏蔽初六日賊過海豐東北四十里忽折向西北劉松山
宋慶張曜在慶雲東遇賊來撲慶戰半時擒斬二百餘名初七日
追過鹽山滄州交界是夜四鼓擒酋高老步韓錦生率四百餘人
赴劉松山營乞降又有周老鳳率七十餘人赴張曜營乞降均經
分別遣留降西供張逆傳令各帶門板繩索欲向東光下口一帶
搶撲運河適臣先派水師總兵丁長春赴下游巡防是日帶礮船
駛抵下口初八日午刻劉松山張曜等又追及下口迎東該逆正
在搬運板片箱櫃等件水陸各營分投截勦逆眾狂奔繞東光城
而走有馬賊數十竄至馬頭河邊丁長春趕督礮船前來轟擊劉

松山張曜宋慶程文炳等均循河東追殺沿途頗有擒斬該逆向西南奔竄仍欲由連鎮一帶搶渡左宗棠在吳橋聞信已於初七日督隊移駐連鎮河東由張秋調到提督徐道奎水師初六日飭由德州下駛初七日已刻亦抵連鎮該逆偵知有備初九日繞由吳橋德州界內南走陵縣臣飭周盛波周盛傳率隊急追是日申刻及賊尾隊於陵縣西二十里之土橋賊以精騎二三千回拒周盛波督馬勇與之搏戰回合數次步隊趕到合力兜擊賊大潰奔擒殺百餘人奪賊馬二百餘騎聞侍衛陳國瑞是日亦帶所部由恩縣至陵縣截剿獲勝初十日據探賊已向西南平原高唐一帶竄走臣飭周盛波等乘勝追相機兜截劉松山張曜宋慶程文炳均帶隊過德並令分路躡進賊趨西南我軍仍須傍連東節節牽制現在該逆無一步隊每人攜有三三騎替換避兵急走忽

奏稿十三

完

東忽西多方誤我遇官軍步隊攔頭或追及一瞥便已突過絕不戀戰遇馬隊則我馬不敵賊馬之多又未可單進浪戰致有蹉跌故馬隊須與步隊相輔則亦不易追及逆情如此標勇幸在運河以東一隅之地稍有限制但冀上下游運防加嚴游擊各軍再沿運兜追先使不得竄渡庶期漸有歸宿所有各軍連日兜剿獲勝情形謹繕摺由驛六百里馳陳伏乞
皇太后
皇上聖鑒訓示謹
奏

兜剿獲勝並布置大略摺 同治七年閏四月二十日

奏為各軍連日兜剿獲勝並布置調派大略恭摺仰祈

聖鑒事竊初十日以前剿辦情形經臣於十一日馳報在案該逆於十一日南竄高唐在平界內陳國瑞在天官廟抄出賊前率隊痛剿擒斬甚多礮斃悍首陳熊一名十二日東軍王正起等在往平夜戰大勝擄獲騾馬無數張曜宋慶適至夏津東南一帶攔頭扼截匪騎散漫徧野宋慶等突出猛擊大股倉皇折走生擒騎賊五十餘名奪馬百餘匹皖軍程文炳牛師韓等是日亦在高唐池西截擊疊有擒斬十三日陳國瑞遇賊於在平清平之交儘力勦洗賊不戀戰向東潰走十四日以後又竄馬城平原一帶昨又由陵縣之南竄往臨邑據生擒賊供逆情竊迫時圖搶渡運河現在連旬晴燥張秋黃河口業已斷流東昌臨清開河淺涸殊甚東

奏稿十三

辛

皖淮軍聯紫牆濠布置嚴嚴兵力較厚似尚無虞自臨清北至滄州運河上通衛河雖有來源日落水二三寸四岸直東民團齊集紫牆官文派臬司張樹聲道員歐陽正庸丁寶楨派候補道王成謙等分投督催臣又添派直東紳士道員李逢春裴德俊提督傅振邦前往會同聯絡督勸以冀剋期集事一律高厚昨因水淺賊近德州上下牆工間有斷缺之處潘鼎新帶隊由減河來德飭令先其所急拔往景州東岸分飭弁勇過河替修吳橋至景界長牆三十餘里又令周盛傳帶隊由四女寺過河替修故城至德州長牆五十餘里運西團勇見官軍通力合作為保身家愈增踴躍旬日之間可期大致竣工有牆有水稍資堵禦惟河道過於縣長自連鎮北至滄州西岸有京營馬隊直省練軍協同民勇分段防守連鎮南至臨清數百里則專恃民團強弱不齊未盡可靠各省各

軍俱在前敵本難分撥且南勇性情口音與非人均不相習民團既不願與之雜處客軍亦不能全行替防等再四籌維祇有揀派各軍輪替出擊更番休息其久追疲乏須暫休息之軍即在運河東岸擇要屯駐俟賊近立起迎擊以明為防左宗棠已派劉松山郭寶昌喜昌等軍自連鎮北至滄州減河東岸分紮與捷地楊鼎勳等軍就近策應亦飭派張曜宋慶分紮夏津高唐一帶程文炳紫陵縣吳橋一帶遇賊回賊整隊截擊兼為運防護護臣前因北運河寬深礮船可以得力咨商曾國藩飭調長江水師提督黃翼升督帶數營前來助防昨准曾國藩咨覆已令黃翼升統淮揚水師五營赴張秋候調日來黃水消涸各礮船阻滯張秋不得進口殊為焦急早晚若得大雨河水增漲礮船駛入分布運防當較有把握耳東昌以南前派郭松林往紫嗣因進剿喫緊先令

奏稿十三

道員丁壽昌帶銘軍北來督防但該處運河極涸水僅數寸仍虞地長兵單已咨商河南撫臣李鶴年將現守滑縣之提督馬德昭六營調往東昌以南與丁壽昌聯絡布守據報業經啟程郭松林昨已帶隊抵德臣令與潘鼎新善慶春壽溫德勒克西及侍衛陳國瑞等會合由陵縣前進覘賊所向併力痛剿以期早就殲除所有各軍連日兜剿獲勝並布置調派大略恭摺由驛馳

奏伏乞

皇太后

皇上聖鑒訓示謹

奏

張宋慶賊獲勝片 同治七年閏四月二十日

再正繕摺聞接據張曜宋慶稟稱十八日督隊追至臨邑縣境適該逆由東北折向西南奔竄時當薄暮相距約二十里當飭各營潛伏樹林宋慶親率劉廷蔣東才李承先等張曜親率賈蕙山胡書李永芳等選帶精銳銜枚疾進匪眾正在搶據村莊不虞我軍猝至也立經分投猛擊逆首張宗道張振江李瀛林率黨抗拒我軍奮力衝殺該匪敗歸村莊復經劉廷督率馬玉坤宋得勝等由左路進李永芳胡書等由右路進攻破賊踞村莊十餘處悍賊斃斃無遺張總愚仍率全股來援張曜宋慶督隊猛擊該逆且敗且走繼為河溝所阻倉皇搶越我軍乘勢追壓賊大潰奔宋慶等督軍追殺二十餘里始行收隊生擒四百餘名斬馘約千餘名並獲賊酋聶瑣李瀛林二名擊散脅從甚眾奪驟馬三千餘匹洋鎗四

奏稿十三

十餘桿器械輜重無數天明後逆眾方湊集一處向東北逃遁各營傷亡奮勇一百二十餘人等情前來臣查宋慶等軍最善夜戰近來賊情剽悍見兵即走白晝追逐難得接仗晚間必離官軍數十里外團聚露宿夜不解鞍偵知兵至亦即狂遁宋慶等謂得其情於十五六日以後但緩追以懈之賊不防備乃乘夜猛進襲剿有此快捷足寒逆膽惟賊技愈窮圖竄愈速難保非引我軍追往東北忽折而西伺隙撲運臣屬令張曜等俟郭松林等軍前進接追該軍即暫回扼高唐夏津一帶待賊回竄即行相機剿辦兼可遮護運防所有該軍此次戰勝尤為出力將弁可否懇恩准其查明存記策案請獎以示鼓勵合將張曜宋慶十八夜襲剿大獲勝仗情形附片馳陳伏乞

聖鑒訓示謹

奏

Blank area for the main text of the document, currently empty.

劉銘傳患病片 同治七年閏四月二十日

再欽奉十三日

寄諭劉銘傳計報起程著令迅赴前敵統帶各軍迅圖滅賊查臣
自前次奏催劉銘傳來營正深盼望閏四月初七日始接該提督
四月初九日函稱左腿瘡毒春開復發初起堅硬一塊不見紅腫
日發潮熱遂赴六安州就醫連服托膿提頭等劑於四月初四日
潰出膿血數碗疼痛異常昏迷數次飲食大減步履維艱請奏懇
開缺展假調治等情頃又接准署安徽撫臣吳坤修閏四月初九
日函開欽奉

傳諭當備咨函諄催又令六安州知州親往看問接劉銘傳函稱
瘡已出頭尙未收口現在趕緊醫治以求速愈一俟瘡毒收口稍
可步履即力疾就道斷不敢有意遷延自外

奏稿十三

五函

生成並據六安州劉奎光稟稱瘡疾實未收口約計本月下旬或
五月初旬漸愈當可遊行各等語並將來往信函鈔寄前來臣查
劉銘傳素性直爽尤不慣以清閒自處聞其左腿瘡毒係名跨馬
癰若未即愈於戰陣馳驅固非所宜察其疊次兩牘情詞急迫並
詢南中來弁尙非捏飾據稱瘡疾收口即行就道為期當不甚遠
臣仍隨時檄催除俟到營後察酌具奏外現在運河固局漸成逆
情窘迫思慮如果雨水旺發師船並集在事諸將帥均以防務為
重使賊猛撲不過諸軍就地協力痛勦可冀殲除有期若各軍皆
圖進勦不顧其後賊騎飄忽無定恐乘水淺之時空虛之處亡命
衝突亦慮中事此臣與左宗棠暨前敵諸將所日夜危心者理合
附片陳明伏乞
聖鑒訓示謹

奏

奏稿十三

五古

袁保恆派全軍翼長片 同治七年閏四月二十日

再候補鴻臚寺少卿袁保恆奉

旨飭赴軍營交臣差遣該員於閏四月初五日抵營臣與朝夕接

晤稔知其久歷戎行智勇俱優前敵各統將多其素識已檄派馬

步全軍翼長聯絡諸軍妥籌防剿理合附片具陳伏乞

聖鑒謹

奏

奏稿十三

五古

各軍兜剿獲勝摺 同治七年五月初二日

奏為擒逆竄往東北被擊回竄連日各軍兜剿獲勝情形恭摺仰

聖鑒事竊逆眾經張曜宋慶等軍擊收竄向東北經臣於閏四月二十日馳奏在案旋據張曜宋慶稟稱十八夜收隊後搜獲髮賊十餘人內有楊見山一名供稱跟隨逆首偽准王邱遠才多年是夜官軍攻破邱遠才住處邱逆不及騎馬帶同伊等逃遁甫出莊外半里鎗礮之下忽見邱遠才受傷倒地伊等入路旁小廟復見官軍二人過去又將邱遠才扎了兩矛諒已身死等語查邱遠才係粵逆餘黨與賴汶洸同入捻夥去冬賴逆被擒曾供稱令邱遠才往陝甘句結回匪張總愚與之狼狽為奸實為賊中巨魁若果伏誅足孤張逆之黨除飭候續獲賊匪訊證明確或尋獲該逆屍

奏稿十三

奏

身再行專案具奏外郭松林潘鼎新與陳國瑞合軍進剿二十一日行抵甯津探賊由樂陵向陽信信化一帶二十三日各軍追抵樂陵二十四日赴陽信離城二十餘里即遇賊隊該逆不與接仗直由海豐竄向東北郭松林等跟擊之獲其尾股十餘人二十五日潘鼎新郭松林追出西北之大柏山以攔賊頭劉松山郭運昌亦各帶隊由南皮鹽山迎剿行抵小山地方適遇賊由東向北劉松山等分路進抄賊驚聞官軍在北相率停住趕緊列隊劉松山郭運昌乘勢猛擊賊紛紛潰走追四五里張逆復糾眾回拒我軍酣戰半時斃賊甚夥賊仍向南收竄前面隔一小河賊已撲過郭松林潘鼎新大隊適至善慶溫德勒克西唐仁廉等馬隊分列兩翼蟬聯排進鎗礮刀矛並舉賊雖力抗逾時抵敵不住越河而遁郭松林等由後追殺二三十里生擒七十餘名斃賊約二三百名

奪獲驃馬三百餘匹劉松山郭運昌復由北面衝擊賊遂折向西奔我軍乘勝追殺老洲卓勝兩營計其斃賊數百名生擒二百餘名獲驃馬四百餘匹我軍亦有傷亡二十六日劉松山等追至鹽山城外頗有拾斬賊向西南狂奔陳國瑞追過樂陵二十七日黎明及城接仗殺斃百餘名獲馬百餘匹營官陳文仲陣亡復遇各軍遂合追三十餘里至德平縣西二十八日各軍會追至臨邑城南賊由禹城向西南一帶奔竄皖軍程文炳牛師韓二十七日晚出平原縣南遇賊騎回竄當即督隊迎剿斃賊數十名賊又向南敗走追十餘里營有拾獲據各統領稟報前來臣查賊情窮蹙之餘極為狡猾恃其多騎善走避兵疾驅官軍步多騎少時值炎熱每苦追趕不及該逆欲乘虛北撲滅河不料劉松山郭運昌兩軍由北迎來郭松林潘鼎新陳國瑞由南追及迨經擊敗回竄由鹽

奏稿十三

奏

山麓至德平原之交日行百八十里我軍亦日行百三十里徒疲我師難得痛戰實深憤急據陳國瑞函稱該逆欲由往平清平直撲臨清圖渡運河該侍衛二十九夜已帶隊由平原赴高唐相機迎擊臣又飛飭張曜宋慶由恩縣折往夏津一帶攔剿郭松林潘鼎新等由禹城一帶兜進冀收夾擊之效所有擒逆竄往東北被擊回竄各軍兜剿獲勝情形謹摺由驛馳陳伏乞

皇太后

皇上聖鑒訓示謹

奏

銘軍四案彙保摺 同治七年五月初二日

奏為劉銘傳馬步各營歷任山東曹縣湖北黃安紫坪鋪及東境
安邱濰縣擊賊營勝江蘇贛榆戰斃逆首在事出力員弁勇遵
旨查明四案彙保仰祈

聖鑒事竊自五年九月任賴捻股復犯東蘇由梁山繞竄金魚豐
浦回擾鉅野曹濟勢將南犯清淮東撲運河臣檄直隸提督劉銘
傳山東布政使潘鼎新前廣西右江鎮總兵張樹珊等往來緊蹙
自九月二十日以後先後收賊二十次十月二十六日曹縣孫老
寨之戰生擒偽天將胡朝將燕義等賊首數十名尤為大捷該逆由
豫境歸德一帶狂竄已甚狼狽入湖北後賊復張六年三月臣
奏調杭州副都統潘慶所部馬隊歸併劉銘傳調度其時周盛波
在應山戰捷賊仍由信陽回竄鄂中劉銘傳恐其乘虛由黃州下

奏稿十三

完

賊安慶兼程馳抵紫蓮河向北擱截四月十二日在紫坪鋪迎頭
繞擊大勝賊遂不敢東犯乃由棗陽入豫連防不慎又由山東戴
家廟過河膠萊不守又由濰河北口搶渡臣與劉銘傳等籌商調
派扼守運河西岸遂得蹙賊於東蘇之交十月間銘傳兩軍追斬
獲勝復於安邱濰縣擊賊順逆股匪被創略盡十一月間劉銘傳
善慶馬步乘勝追至贛榆城南鎗斃首逆偽魯王任柱實為前此
五省肅清之基所有在事出力員弁勇經臣四次奏奉
諭旨查明彙獎遵經恭錄轉行去後茲據劉銘傳詳查勞績分別
等差先行開單請奏前來伏查以上諸戰績已具臣前後各疏中
惟捻氛肆擾籌辦艱難劉銘傳所部數十營前後戰自戰盡仗
天威屢奏奇捷最為得力查其隨營在事各員弁或帶隊截擊或
冒險轉運以及官紳助勦民寨濟糧均屬異常出力臣逐加核減

分繕清單仰懇

天恩准照所請破格獎勵以資激勸除千總以下各弁及六品藍
翎等項循案造冊咨部核辦外所有劉銘傳馬步各營歷任山東
曹縣湖北紫坪鋪及東境安邱濰縣擊賊營勝江蘇贛榆戰斃逆
首之出力員弁四案彙保緣由謹繕摺由驛具

奏伏乞

皇太后

皇上聖鑒訓示謹

奏

奏稿十三

卒

議防馬頰河就地蹙剿摺 同治七年五月十五日

奏為捻逆竄向東北各軍分投攔擊獲勝擬備令南趨再圖就地蹙剿恭摺仰祈

聖鑒事竊捻股於前月杪敗竄西南圖撲運防當經郭松林潘鼎新王心安等軍躡追在平境內由西迤南遁走各情臣與英翰丁寶楨等先後馳奏在案五月初四日以後天氣酷熱軍士追急疫病繁興臣飭郭松林潘鼎新等暫紮陵縣臨邑一帶適中之地伺賊竄近邀擊以逸待勞張曜宋慶駐軍恩縣夏津屏蔽西北運防休養旬日令即趕緊拔赴東路輪替追剿初七八日賊由武定陽信海豐等處北趨劉松山郭運昌喜昌馬步各軍由東光向鹽山迎剿張曜宋慶由樂陵馳向正北春壽統所部馬隊由樂陵向東北前進十二日午後張曜宋慶行抵鹽山之盤村適與該逆相

值樹林叢密出其不意宋慶率副將劉廷參將蔣向鈞等由左路進張曜率總兵程之偉副將李永芳等由右路進恐先放鎗礮匪眾恃馬疾遁不能痛勦故皆捲旗猛入相距既近該匪盤踞村莊正在休息經各隊爭先進殺刀矛已及始令鎗礮連環施放逆眾登時驚亂人馬倉皇悍賊紛紛倒地兩軍奮殺追十餘里該逆始糾合大股回拒復經兩軍奮勇疊決匪勢不支向西南狂奔我軍緊追三十餘里天氣炎熱人馬困極始行停歇計生擒賊目李幼順韓耿二名長髮真捻一百三十餘名短髮真捻七百餘名礮斃斬賊甚夥並獲騾馬三百餘匹劉松山等聞亦於是日剿賊獲勝尚未報到該逆逕向西南敗竄張曜等恐其疾窺運河十三日會同劉松山均繞城西且攔且躡探聞甯津已有賊蹤飛飭提督吳長慶由桑園帶隊赴兵橋攔截郭松林由陵縣挑派馬步向東

奏稿十三

空

奏稿十三

空

兜擊該逆知西路有兵復向正南偏東往德平竄去是晚驚至臨邑城東北十餘里各村踞宿潘鼎新適駐臨邑急令步隊乘夜襲之二鼓後該逆酣睡我軍突入賊巢鎗矛兼施下家廟各村踞賊悉數殲擒五鼓收隊查點各營奪獲騾馬六百餘匹據擒賊供稱張宗先一股殲除殆盡十四日潘鼎新仍出隊跟剿計可與張曜宋慶等會合商辦矣臣查該逆窮窘之餘尤極慄猾運東地勢平曠縱橫七八百里晷日追奔徒疲士卒尙難致賊死命且久晴之後運河日涸西岸民團協守未可深恃處處皆有鋌走之虞臣愚以為宜趁黃河伏汛盛漲時縮地圍紮以運河為外圍而就恩縣夏津高唐之馬頰河截長補短畫為裏圍偏賊西南層層布置佔地較狹困賊較易收功或可較速諸將多持此議臣已商同丁寶楨檄飭恩夏清平各屬官紳號召民團就馬頰河西北岸聯築長牆分派員弁前往督催日來漸次興築但未卜何時竣工又飭郭松林潘鼎新周盛波等各督弁勇由臨邑陵縣接築牆濠與馬頰河民圩接氣俟將來追賊過濟陽各軍合力圍築直至黃河北岸先困賊於西南一隅再行分隊輪替逐戰庶賊騎有所限制而勦辦稍有把握所慮賊情詭詐未肯深入各軍心力不齊趕辦不及耳所有官軍分投攔擊獲勝擬備令南趨再圖就地蹙剿各緣由謹繕摺由驛馳陳伏乞

皇太后

皇上聖鑒訓示謹

奏

築馬頰河長牆片 同治七年五月十五日

再正繕摺開據潘鼎新馳報十四日卯刻會同副都統善慶溫德勒克西乘勝兜勦在臨邑東三十里地方截殺逾時斃賊甚多該逆向南竄去是日傍晚張曜宋慶亦督軍追至該藩司會商張曜等請由臨邑而南接續排紮先扼北竄之路再行輪替進擊張曜等以平地紮營兵力不敷為慮臣飭其相機妥辦或俟他軍追賊過臨會商協助又據張曜等稟稱獲賊僉供逆首張總愚因無路求生東北追軍過盛欲糾死黨由臨清以北故城以南乘虛窺渡運河請飭東皖各軍就地迎擊護各情臣查賊勢先趨東北各軍不得不往北面布置漸偪回西南又不得不就地圍紮冀扼北竄而制奔突雖兵力未齊而機勢可圖臣惟督同諸將竭力籌辦不敢預料必有成局也惟夏津清平高唐一帶實為西北運河屏蔽現在馬頰河北岸鄉團次第築長牆一時尙難就緒臣已緘商英翰請將新到皖軍張得勝酒軍張從龍等酌派兩枝就近赴馬頰河南岸清平高唐一帶擇要扼勦護設西北運防並咨商丁寶楨嚴飭馬頰河沿岸州縣趕緊築團勒限賊工以為運東屏蔽實於大局有裨應懇
聖恩飭下該撫臣等合力籌維勿稍遲誤理合附片具陳伏乞
聖鑒訓示謹
奏

墊發陳國瑞軍餉片 同治七年五月十五日

再陳國瑞軍餉事 旨飭下山西江西浙江各月撥銀一萬兩當經恭錄咨催去後現向未准報解昨據陳國瑞函稱該軍需餉甚急懇先撥借接濟臣以追勦喫緊暫為設法挪墊銀二萬兩俾資支放惟臣所部各營食指浩繁艱絀異常仍咨催山西江西浙江趕緊撥解俟解到時應照數劃扣歸款聞該侍衛於初八日由清平拔隊東追尙未據報行抵何處理合附片陳明伏乞
聖鑒謹
奏

各軍兜剿連獲大勝摺

同治七年五月二十日

奏為擒逆由南折竄東北督飭各軍分投追截連獲大勝餘賊向東路分逃仍會合緊追兜剿恭摺陳仰祈

聖鑒事竊擒股於五月十三四日由臨邑被擊南趨當將壽商布置各情形繕摺馳報在案先令郭松林潘鼎新周盛波王心安等由臨邑陵縣紫牆濠至恩縣德州境內與馬頰河民圩接續但空出臨邑南至濟陽黃河濱將及百里以冀偏賊回竄西南一隅再行就地圍紮輪番進戰或早收聚殲之功十四日晚聞宋慶張曜追至臨邑正議接連排紮惟兵力不敷須俟後有追軍踵至商留協助詎該逆甫竄濟陽即連夜折回十五日午刻已由濟境折回東北賊騎飄揚地勢平曠無從阻遏臣統商前敵各統領並令全軍翼長候補鴻臚寺少卿袁保恆馳往相機籌辦該逆既不

敢深入自應派隊分路兜剿張曜宋慶當即拔隊向武定一帶探追郭松林潘鼎新周盛波王心安等所紮濠均於二十日後竣工即酌留隊伍於長牆適中處紮立老營以資防護一面挑派精銳馬步進剿並令周盛波周盛傳帶八成隊進駐吳橋甯津交界以備各軍備賊回竄時急起截擊二十二日張曜宋慶偵知賊竄海豐之北又折而南竄該軍即由武定向濱州截追二十四日午刻遇賊於濱州西南之白家橋匪眾分伏村莊叢中及我軍行近竟敢三面圍裹宋慶等分投迎勦鏖戰半時斃悍賊甚夥該逆披靡狂奔追二十餘里兵勇渴乏已極正在覓水逆騎二三千乘開絕轡馳來分撲李永芳蔣東才之隊宋慶張曜各督大隊潛出賊後將騎賊截為兩段張逆復率全股來援復經擊斃賊二百餘人該逆遂向陽信竄去我軍追至天晚收隊此二十四日張曜

宋慶追剿獲勝之實在情形也郭松林王心安二十四日帶隊行抵樂陵東北適副都統春壽亦帶吉林黑龍江馬隊起至會齊進剿探報賊由陽信直奔海豐春壽於二更後向東馳進郭松林於三更後繼進二十五日辰刻春壽先抵海豐之郝家寨遙見賊騎四面包圍春壽起派協領莫爾賚額侍衛春山分兩翼前進春壽督隊由中路進逆眾死力衝撲春壽督各營奮勇迎擊下馬接戰該逆亦改騎為步蜂擁圍抄勢頗危急郭松林在後路聞信飛派馬步隊由西南馳援唐仁廉宋德鴻由右路直上胡良作李長樂蔡國祥由左路直上郭松林自率親兵與楊西平步隊由中路直入並令王心安率所部繞至賊後衝奪輜重賊見我軍勢猛紛紛敗散郭松林督同唐仁廉胡良作等馬勇由外殺入王心安由後衝出賊大股潰作數段春壽亦合力追殺該逆首尾難顧四路奔

逃莫爾賚額所帶丹丁正追賊聞又遇西南面撲出股匪兩隊拚命衝突郭松林春壽復揮所部助戰又將該逆殺散正督各軍儘力追剿天忽大雨遂收駐慶雲之余家店是日春壽馬隊雖有傷亡亦擒斬悍匪數百名郭松林等生擒八百餘名陣斬千餘名奪驟馬二千餘匹旗幟矛械無算並擒著名逆酋周老廣兄弟及大小賊目數十名二十六日郭松林督隊急追賊向正西竄走追四十餘里遇賊偶憩村落中見兵即走殺獲二十餘名又追三十里該逆整隊迎拒郭松林率隊猛進賊復大潰乘勢掩殺斃老捻六十餘名生擒五十餘名奪驟馬百餘匹此郭松林等軍二十五六日追剿大獲勝仗之實在情形也郭松林春壽王心安等見賊受創後西竄愈急恐其乘隙竄渡東光吳橋一帶連河夜四鼓即拔隊追追二十七日賊眾由樂陵繞出甯津吳橋之間折向西南馳

百五十里申酉之交由吳橋之范屯餉店山崗人周盛波周盛傳
紫營之毛家莊一帶周盛波等偵賊突至先將步隊埋伏密林中
以馬隊誘賊當將馬營分作三路勢若箕張周盛傳將步隊亦分
數起伏在馬隊左右賊騎兩萬餘分股猛撲我軍嚴陣迎敵約十
餘合賊仍死拒不退周盛波復令下馬應戰鎗矛並舉刺傷悍賊
多名步隊伏軍並起鎗礮雷發該逆措手不及轟斃人馬不計其
數賊駭而奔我軍四處追殺縱橫十餘里凡賊所逃奔之路皆官
軍扼紮之所伏屍遍野斃賊約千餘人奪獲騾馬二千餘匹陣斬
及降眾三百餘人戰至二更賊不能合隊一股向東回竄一股
繞由陵德交界之劉家莊向西南竄踞離德州七十里之楊丁莊
孫世官莊方家莊一帶周盛傳是夜三更後復整步隊乘勢進襲
周盛波督馬隊繼之馳二十餘里徑抵賊巢周盛傳親督小隊先
赴各莊偵察逆眾因乏露宿樹林下而楊丁大莊人馬尤夥密令
各營分四面銜枚急進將該莊層層圍住號礮一聲鎗喊齊發該
逆於睡夢中驚起迎拒人疲馬嘶我軍酣戰逾時五更後一擁而
入該逆情急亂竄刀斫矛刺及自相蹂踐死者無算並鎗斃張總
患之姪張三彪生擒逆首李老懷及大小賊酋並賊婦幼孩數百
名餘皆竄匿田隴秫苗之內附近各莊亦經周盛傳派隊兜逐惶
遽四散直至天明各營始散隊追殺每人或得數賊數騎又奪獲
騾馬三千餘匹二十八日辰巳以後左宗棠遣軍亦至郭松林馬
步相繼追及各有擒獲此二十七日周盛波周盛傳等軍晝夜
攔頭截道大獲勝仗之實在情形也臣在德州派兵梭探於中途
稊叢內搜獲零星逃賊沿途民團截獲賊騎亦多蓋自今歲北征
以來未有如是捷實足以伸

李文忠公奏稿 卷一三

天討而快人心惟據擒賊僉供張逆被剿倉急拋棄甚眾日夜圍
竄運河以求生路現在馬頰河西北長牆一帶與丁寶楨督催官紳
起築與築漸有頭緒賊若遁入西南究多一層障蔽若仍游弋東
北捷地滅河防軍較厚都與阿業經前進莫無他慮惟東光南皮
以上河四兵團皆少處處可慮劉松山郭連昌各軍諒能就近遮
護運河水勢日涸先經咨商河南撫臣李鶴年開濟彰德之萬金
渠堵築懷慶之九道埕使河丹河泉源下注口來運水僅增尺
餘尚恐不足以限賊黃河伏汛迄未增漲曾國藩所派黃翼升歐
陽利見張之萬所派姚廣武等各師船皆阻泊張秋河口未能北
駛濟急殊深焦盼臣飭郭松林等仍乘勝會合各軍分路兜追周
盛傳吳長慶仍駐陵德吳橋之交以備攔擊兼護東境運防總期
早蕩餘氛仰慰

聖塵至此大截剿尤為出力之上年肅清東捻案內擬保提督楊
正國擬保總兵汪炳炎擬保副將宋冠軍衛汝成擬保游擊吳永
紹任永清擬保參將周行發皆衝鋒驍勇無匹可否願懇
天恩先行給獎以示激勵楊正國擬請
賞換清字勇號汪炳炎宋冠軍吳永紹周行發均擬請
賞給勇號衛汝成擬請
交軍機處記名以總兵儘先簡放其連日力戰陣亡之五品銜江
蘇候補知縣黃振楚副將劉斌儘先游擊萬得勝儘先都司龍德
福並請
敕部從優議卹其餘出力弁勇可否容臣查明彙案保獎出口
恩施所有各軍分投追截連獲大勝餘賊向東路分逃仍會合緊
追兜剿各緣由謹繕摺由驛六百里馳陳伏乞

二七九

皇太后
皇上聖鑒訓示謹
奏

奏稿十三

完

德平獲勝片 同治七年五月三十日

再正統摺開接據潘鼎新二十八夜專弁馳報二十四日督軍追至武定東南水落坡一帶會同陳國瑞張曜宋慶由樊家橋分路兜擊均獲小捷二十五六等日追過海豐慶雲樂陵沿途亦有擒斬二十八日探賊將折往西南會同善慶溫德勒克西逕向德平攔擊午刻雨霽行十餘里至高家屯賊果從西北而來膽敢整隊迎撲各營馬步分頭截勦自午至申大獲全勝賊被鎗傷者屍橫滿地善慶溫德勒克西各帶馬兵左右兜逐酣戰數時奪馬尤夥賊敗後直追至解家店奎臺一帶更餘始行收隊營官蔡家旺受傷甚重兵勇受傷二十餘名等情查該逆經郭松林周盛波周盛傳連日追截疊挫兇鋒是日敗竄德平西北復經潘鼎新善慶等攔頭截殺臣面詢來弁戰狀亦極痛快仍飭催各軍趕緊乘勝冒暑兜追以冀漸次掃除所有潘鼎新善慶等二十八日在德平大勝情形理合附片馳陳伏乞
聖鑒訓示謹
奏

奏稿十三

李文忠公奏稿卷十三

李文忠公奏稿

卷之十四目錄

商河疊勝摺 同治七年六月十一日

張總愚負傷片 同治七年六月十一日

劉銘傳銷假馳赴前敵摺 同治七年六月十五日

豫軍濟陽獲勝摺 同治七年六月十八日

楊鼎勳請卹摺 同治七年六月二十二日

各軍追賊獲勝片 同治七年六月二十二日

運防楚軍奏獎摺 同治七年六月二十二日

張總愚全股蕩平摺 同治七年六月二十九日

查明張總愚實已投水淹斃直東肅清摺 同治七年七月初八日

請入觀片 同治七年七月初八日

請加恩從前督辦諸臣片 同治七年七月初八日

奏保袁保恆片 同治七年七月初八日

胡良作陳振邦請卹片 同治七年七月初八日

覆議凱撤南勇並籌西事摺 同治七年七月二十日

張總愚投水確實並各軍裁撤片 同治七年七月二十日

劉秉璋乞病摺 同治七年七月二十四日

請蠲免東南積欠錢糧摺 同治七年八月初四日

請體恤吉黑馬隊片 同治七年八月初四日

餘賸軍米賑撫災黎片 同治七年八月初四日

東捻肅清彙案請獎摺 同治七年八月初四日

奏保倪文蔚片 同治七年八月初四日

銘軍暫紮張秋摺 同治七年八月初八日

請修曲阜孔廟片 同治七年八月初八日

會籌分別遺留各軍摺 同治七年十一月初十日

徐邦道請注銷處分片 同治七年十一月初十日

請假埽墓省親片 同治七年十一月初十日

奏稿十四目錄

李文忠公奏稿卷十四

全集一之十四

桐城吳汝綸編錄

商河韓勝周

同治七年六月十一日

奏為郭松林潘鼎新兩軍連日會合各軍追剿擒獲大勝恭摺仰

祈

聖鑒事竊五月二十八日以前各軍兜剿大勝情形臣於三十日馳報在案郭松林會同東軍王心安於二十九日由陵縣進至臨邑東南探賊竄往商河之李家坊三十日追及之郭松林先派親兵馬隊誘敵騎回撲馬步兵盡起擒斬百餘名賊眾狂奔惠民一帶時已薄暮郭松林傳飭各軍飽餐乘夜追襲行三十餘里將近賊踞村莊派王心安襲前而賊館李長樂蔡國祥襲左面賊館宋德鴻率右後兩軍襲右面賊館郭松林白督楊西平及唐仁

奏稿十四

廉胡良作馬隊往來接應各軍挺刃而前見賊即斫賊整隊不及四散潰走立奪所踞村莊十餘處武定附近湖地極窪捺斬及落水陷泥者無數將賊衝作兩起一由東非敗竄一由正北敗竄郭松林督仁毅與東軍馬隊農炊後向正北疾追七八十里沿途賊棄幼孩騾馬及脅從難民甚多直抵樂陵之劉村酷暑疲乏郭松林欵血舊症大發稍為停頓查點各軍騾馬三千餘匹生擒髮賊千餘名李長樂生擒張總愚之姪張七張正江之弟張得華等立於軍前正法其竄正北一股被我軍追急迷路四散經民人截殺不少竄東非一股適張曜宋慶督隊由樂陵東進中途相遇一經擊賊即敗遁十餘里擒殺長髮一百餘名生獲裹脅二百餘人奪鎗械騾馬尤夥是夜分隊尋襲復擒斬數十名初二日清晨又獲零匪二十餘人初三日郭松林仍督隊向東北進追探賊

合股竄陽信之清豐鎮聞我軍追至又折而南初四日由武定之杜家橋竄過徒駭河郭松林即緊躡過河該逆竄至濱州十八里之李子鎮正在圍攻民寨郭松林督軍猛壓而前先飭馬隊飛撲賊惶遽棄寨而走馬隊儘力衝突得保全民寨三處殺悍賊百餘截尾賊二百名奪騾馬三四百匹郭松林乘勝急追不稍鬆勁賊又折竄西非我軍追至夏家橋時已二更矣是日潘鼎新亦由陽信南來距賊甚近遂與郭松林會戰初五日賊方西遁已刻追及於馬店迤南賊被追窘迫拚死回拒鼎新馬隊騰嗣武率三營迎擊賊騎合力上犯復復十餘合鼎新步隊吳從發潘國揚張景春等各發伏兵連環進郭松林督唐仁廉胡良作馬隊從左路抄出賊後李長樂宋德鴻蔡國祥步隊繼進賊屢回鬪悉經擊敗沿路拋棄騾馬婦女器械桃底河灘縱橫遍地郭松林等嚴令兵

奏稿十四

勇不准搶拾一氣直追四十里至商河東非之子家圩烈曰炎蒸人馬飢困暫就樹林憩息賊仍敢乘閒回撲復經胡良作馬隊截擊生擒悍逆百餘名各軍乘勢合追至晚收住是日計斃賊一千餘名賊目陳信元帶騎賊數十人乘夜來降潘鼎新收撫之初六大雨竟日駐軍房家寨一帶賊亦在沙河左近未動初七日黎明兩向未止郭松林等會商日雨潛師襲其不備兩軍排列並進行十餘里甫過沙河賊方起隊未齊不虞我軍之突至也郭松林截其前潘鼎新抄其後泥淖截塗賊騎難於馳突不得不拚命抵拒我馬步各軍回環擊進無不一當百奮勇先鎗子如雨矛簇成雲賊大潰挫我軍乘勢壓追三十餘里伏屍遍野直抵商河城下遇袁保恆由臨邑派去馬哨截擊之又擒斬三十餘人沿途敗賊竄匿桃澗樹林間及遺棄騾馬不知凡幾其大股脫逃者約尙

五千餘騎郭松林所部馬隊統領記名提督胡良作冊軍步隊統領記名提督潘國揚均受重傷是役陣斬餘賊及擊放逆眾約二三千人生擒千餘名實為非常快戰此五月三十至六月初七等日郭松林潘鼎新等軍先後會合追剿連獲大捷之實在情形也臣查捻逆展挫之餘勢極衰蹙經郭松林等晝夜追剿該逆裹脅人馬拋棄殆盡兇悍老賊傷斃尤多惟其百戰死黨頭目收帆騎駿馬先奔秫苗樹林徧地可以逃竄忽散忽合又忽為困獸之鬪臣初患賊多難制今更患賊少難滅惟有恪遵諭旨徧貼解散告示密布開謀懸立重賞使之捨殺逆首以披其腹心並飭郭松林等仍會合皖豫東軍乘勝相機兜追輪替進擊勿令喘息莫可早日蕪事近值三伏炎蒸暑雨載塗軍士日馳百餘里飢苦疲病仍能用命爭先殊堪嘉憫所有追剿尤為出力之記名提督胡良作記名提督貴州安義鎮總兵唐仁廉可否請旨敕部照一等軍功從優議敘記名提督潘國揚儘先提奏總兵李長樂記名總兵吳從發張景春可否均請旨另行存記遇有提督總兵缺出儘先簡放以示激勸出自逾格恩慈再六月初一日以後黃河伏汛陡漲長江水師提督黃翼升淮揚鎮總兵歐陽利見酒標記名提督姚廣武等各督所部礮船陸續由張秋乘漲進口初十一等日已駛入德州運河北路運防得此聲援當臻穩固臣會商黃翼升即酌帶船隻周歷東光南皮以下察勘形勢妥籌分布相機策應合併附陳仰懇聖慮所有郭松林潘鼎新連日會合各軍追剿疊獲大勝謹據實由驛六百里馳陳伏乞皇太后

皇上聖鑒訓示謹奏

奏稿十四

四

張總愚負傷片 同治七年六月十一日

再正繕摺開接潘鼎新專弁報擒獲賊供初七日商河之戰逆首張總愚自帶黑旗隊衝陣被我軍鎗傷落馬鎗子自背後穿小腹而出賊以數十騎扛之而逃羣賊立即紛潰並據潘鼎新將陣前所擒幼孩毛牛兒解送前來親提毛牛兒訊據供稱爲張總愚表姪張三老瀾牽馬初七正酣戰開張總愚親兵馬隊圍稱小閭旺腹受鎗傷甚重羣賊立時潰潰張三老瀾亦經洋鎗擊斃是以乘間逃出等語是張總愚受傷情形甚爲確實既係子穿小腹似亦萬無生理郭松林函報亦稱是日賊眾潰亂非從前敗狀可比該逆張總愚罪大惡極若果傷重致斃餘黨必即瓦解除飭該統領等趕緊會合兜剿以期一鼓殲除並隨時查探確情具報外理合附片馳陳伏乞

奏稿十四

五

聖鑒訓示謹奏

劉銘傳銷假馳赴前敵摺 同治七年六月十五日

奏爲賊勢日蹙各軍兜剿正緊劉銘傳遵旨回營銷假即飭帶隊馳赴前敵督剿恭摺仰祈

聖鑒事竊初七日以前軍追剿疊獲大捷逆首張總愚受傷各情經臣於十一日馳報在案賊股敗衄後山商河迤入濟陽東北

黃河沿之鄂家渡龍王廟一帶連日大雨滂沱平地水深二三尺

徒駭河與黃河水勢增漲賊所盤踞之處地形略高以外一片水

窪潘鼎新吳長慶由米家橋進張曜宋慶由林家橋進袁保恆郭

松林會同皖軍張得勝程文炳東軍王心安由多石橋進皆由徒

駭河北岸崑渡而前冀燧之水濱爲一鼓聚殲之計頃據袁保恆

潘鼎新馳報我軍搜捕散匿之賊燧有斬獲張曜宋慶於十一日

帶隊先至林家橋繞出賊前攔擊已獲大勝郭松林潘鼎新張得

勝程文炳等均乘夜進兵兜追又據潘鼎新十三日午刻函稟據

擒賊供稱張總愚自初七日受傷以後甚爲窮迫徒駭河沿岸村

莊見有縊死長髮老賊並自燒馬匹者其慌亂情形可想臣飛飭

各統領乘此賊勢窘蹙合力兜剿趕緊窮追務期悉數殄除勿留

餘孽適劉銘傳經臣與曾國藩等疊次緘催先於五月十六日自

皖啟程六月初八日行抵東昌銘軍老營昨來德州晤商機宜據

稱仰蒙

朝廷不次之擢

眷顧之隆亟思感激報效初因股創大發寸步難移嗣調治稍痊

卽力疾就道抵營後聞我軍已屢獲勝似無須該提督出勦等語

惟前奉五月初四日

諭旨飭臣傳諭該提督迅赴前敵督隊剿賊以副終始成全之意

臣

現在賊勢日熾軍機正順該提督威望素著自應迅速前進會合各軍加勁追剿以作士氣而速成功因檄調該提督原部各馬隊並酌抽銘軍精銳步隊由劉銘傳統率即日馳赴前敵相機督戰其圖堵蕩仰慰聖慮除各軍獲勝情形續行詳奏外所有賊勢日熾各軍兜剿正緊劉銘傳回營銷假即飭帶隊馳赴前敵督剿各緣由謹繕摺由

皇太后

皇上

聖鑒訓示謹

奏稿十四

七

豫軍濟陽獲勝摺 同治七年六月十八日

奏為豫軍張曜宋慶會合各軍在濟陽東北黃河徒駭河之間兜擊擒賊大獲勝仗收賊屍水逃竄直奔吳橋德州交界搶撲運河被水陸各軍擊退擒殺降敵極多現督各軍緊追恭摺仰祈聖鑒事竊捻股遁入濟陽黃河沿各軍由徒駭河南進兜擊張曜宋慶已獲大勝緣由經臣於十五日馳報大略在案先是初七日該逆由商河收道濟陽以北三十里之鄭家渡曲里集一帶該處在黃河徒駭河之間張曜宋慶與潘鼎新商即緊靠賊西取道東北擬繞賊非進剿十一日行抵郭橋柳橋二更時忽見買橋徒駭河西火起該逆由東南竄來宋慶飭李承先率隊過河迎剿踏毀賊踞村莊兩處擒斬二百餘名獲驛馬二百餘頭該逆即連夜向北狂奔宋慶督隊日攔且追張曜亦乘夜由郭橋過河截剿十

奏稿十四

八

二日清晨抵桂寨馬莊一帶適該逆自南而北立即分投兜捕泥水沒膝騎賊無所為計擒斬二三百生獲賊目鄭文起一名得馬三百餘匹該逆遂折而南遁撲入黃河沿之老海窪宛水向正東逃竄宋慶亦分路馳渡過窪向南進擊張曜由王盤向東進擊潘鼎新緊靠窪西追剿張逆竄過老海窪即循黃河向東北走適與張曜相值張曜督各營奮力勦殺匪勢不支敗回西南仍循河遁走宋慶馳抵河沿將該逆攔頭截住賊眾情急下馬拚命衝突宋慶督領奮勇分投勦擊來往激決酣戰半時賊復大敗張曜仍循河岸如牆截堵該逆慌亂無路巡撲玉林鎮瀉福寺適在黃河轉曲處四外全是水坑兩軍殺入其撲河投水死者坑溝俱塞擒賊僉供張逆先已中鎗死黨數十人屍渡而走當查宋慶所部生擒偽天將何光俊一名並擊斃花旗著名賊首楊恩楊照悍酋張

元等張曜所部擊斃著名賊首程二老坎程三老坎張錦泗周六均已查獲賊屍確實無訛大小賊目死者甚眾因兵勇衝亂屍橫遍野並死於河坑者無從尋認計是役擒斬淹斃賊夥約六七千名獲騾馬近萬匹該匪不械輻重拋棄殆盡宋慶所部傷亡奮勇三百餘名張曜傷勇五十餘名此張曜宋慶兩軍十一二日大獲勝仗殲擒多賊之實在情形也是日賊經豫軍擊敗沿徒駭河西南走適郭松林與東軍王心安皖軍張得勝程文炳先後由多石橋兜進派翼長袁保恆由臨邑馳往會商據袁保恆稱十三日該統領等督隊晝水前進張程偏北郭王偏南是夜五更賊已圍至各軍馬隊先與賊遇郭松林王心安整隊向東北衝擊賊即向西亂竄黑夜中不知斃賊多少比黎明各營除追殺外生擒二百餘名郭松林等當即跟蹤向西追剿其正東一路張得勝先與賊接仗捻眾驚竄至程文炳隊內奮力轟擊斃賊甚多並將其後隊截斷各處進散生擒數百名收降百餘人袁保恆派馬哨探亦有擒獲十四日辰刻各軍追過七石橋西二十餘里賊復折而非向由王莊搶渡徒駭河郭松林張得勝等趕至獲落後馬賊數十名賊由新大莊直奔臨邑東北是日善慶溫德勒克西正由臨邑拔隊南進半途擊頗有擒斬又先派周盛傳吳長慶兩軍由德州吳橋分路南下以備夾擊吳長慶十四日趕至距臨邑三十里暫駐探賊北來十五日雨橫出德平交界之美鎮賊正在該處造飯吳長慶將步隊埋伏樹林中而以馬隊誘敵賊整隊來迎當經葉志超楊岐珍衝殺數合斃賊數十奪馬二百餘匹勇丁傷亡三十餘名步隊繼進排鎗環擊賊即敗退生擒賊目張正士石光鑿二名餘黨及幼孩百餘名此十四五日各軍追擊獲勝

之實在情形也十六日已刻賊已連夜由德平甯津之交越吳橋而至德州之桑園吳長慶尙留一成隊在桑園防守運河開城北竄甚急亦由德平連夜隨賊而非賊甫離桑園六七里營內小隊突出攔剿賊不知我軍多少折向西北運河邊撲竄有騎賊二十餘名先到高家店渡口冒充官兵喚渡經西岸守牆民團及提督徐道奎所部礮船識破立即開礮沿河奮擊賊大隊繼至紛紛赤身渡幸河水陡漲一丈五六尺師船左右轟打團勇對施鎗礮斃賊二十餘名馬百餘匹生擒四人吳長慶復派隊在後追擊擒賊百餘奪馬二百餘匹賊始潰退午後復往德州以北五十餘里之第二屯老君堂一帶搶渡又經礮船奮力擊走臣在德州聞信立派總兵歐陽利見鄧萬林各帶礮船下駛接應臬司張樹聲道員李逢春等飛調景州民團全隊上牆連夜堵擊該逆在河東岸上下數十里內盤旋竟夕周盛傳吳長慶均帶隊由東北兜追臣派親兵小隊道員周世臣總兵張樹屏由德州夾攻劉銘傳復調銘軍馬隊乘夜進襲是夜周盛傳攻奪賊莊數處收降賊目張九臨數百人周世臣等收降首領目張正邦張正位張可師尹瑞成等六百餘人錦軍馬隊收降邱麻子夥賊二百餘人周盛波收降李老懷夥賊八百餘人因其窮蹙乞命分別遣留十七日清晨餘眾仍向德平一帶竄遁周盛波周盛傳郭松林張得勝等均督隊分路緊追此十七日擒賊直奔吳橋德州擒獲運河經水陸各軍擊退收降之實在情形也臣查賊在運東竄擾將近四月其初民無孑孓遍地擄糧各軍布置防務未及遠追痛剿賊勢尙未窮蹙從不肯猛撲運河張逆素多詭智蓋恐撲渡不遂即眾心易離也自馬頰河及陵縣臨邑橫牆築成各縣鄉民又多築圩

自保伏汛雨水泛濫武定東昌以南平地皆水竄路漸狹擄糧亦
難臣於此時不敢過恤兵糧商佃各軍冒暑忍飢晝夜苦追倖賊
獲捷賊技稍窘遁入濟陽水套不虞張曜來攻軍晝水而前就
地蹙踴遂獲奇捷聞十二日之戰該逆輜重軍械老弱脊口驟馬
遺棄過多程二老坎邱麻子死黨悍目多斃於水元氣大傷是以
情急晝水賊重日馳百數十里起至運河拚命猛撲臣親訊降賊
頭目僉供張總愚前此受傷實不致命昨至運河邊該逆猶首先
策馬下河無奈水深溜急礮子如雨眾賊畏阻不從張逆欲自尋
死經其兄張宗道勸阻痛哭而返眾賊見運河不能搶過官軍勢
盛內生攜貳是夜即先後赴臣營投降降共二千餘人現計該逆死
黨惟存張宗道張宗先張正江數隊人馬皆其親屬人愈少則糾
結愈固與東股任賴等逆糾聚數省之人勢盛則台勢衰則散者
情形稍異張總愚決意避兵亂竄自稱走一日即活一日各軍追
剿若不趁得地勢及月圖內聞似尚非一二仗可了臣等惟有及
時相機圖之冀速殲滅仰慰
聖慮張曜宋慶轉戰日久軍士勞苦倍常此次奮其疲勞出奇兜
勦竭一晝夜之力出入泥淖中獲此大捷營哨各官爭先用命據
該統領等稟懇立予奏獎以示鼓勵臣距該軍較近不敢壅於上
聞謹照來單核實繕開清單懇
聖慈可否准照所請給予優獎俾作士氣而收全功至防守運河
水陸各營及西岸景州紳團協力堵剿擊退悍逆保全大局可否
由臣查明出力員弁彙案請獎出自
恩施所有豫軍大獲勝仗及各軍兜追該逆搶撲運河擊退降散
仍督軍緊追各緣由謹由驛六百里據實馳陳伏乞

皇太后
皇上聖鑒訓示謹
奏

楊鼎勳請卹摺 同治七年六月二十二日

奏為提督大員戰績卓著在滄州滅河防所因病出缺懇

加恩優卹並揀派熟悉勦軍營務大員暫行代統該軍以重防務

恭摺仰祈

聖鑒事竊湖南提督楊鼎勳四川成都人自咸豐初年從軍湖北

安徽等省嗣隨提督鮑超營中帶勇立功洊升游擊臣於同治元

年二月募軍東下遴選驍勇知名之士檄調該員隨往上海委帶

勦字營准勇疊次攻克松江嘉興各屬縣城蘇州省城常州湖州

各府縣城同治三年三月間與逆偽護王陳坤書擁眾數萬死守

常州於西南門外通丹陽金壇之路連營二十餘里堅壘重濠屢

攻不下臣親往督師派楊鼎勳統帶所部進紮前敵約會諸將同

日猛攻賊憑河據險鎗礮尤密將士肉薄糜盡者傷亡枕藉屢進

屢卻楊鼎勳親執旗鼓躍濼先登被賊擡鎗子洞穿胸脇倒地軍

士一擁而上始將該逆頭營攻破其餘賊營數十座次第踏平常

州堅城越日攻克踞賊悉數殲除實以楊鼎勳為首功惟其受傷

太重死而復甦為延西洋醫士調治服峻劑年餘創雖收口胸

中淤血積成痞塊遂為銅疾四年春粵逆竄擾福建漳州等處軍

情緊急奉

旨飭調蘇軍赴援臣因楊鼎勳可當一面所部稍單奏派該員會

同福建提督郭松林統軍由滬航海赴廈門登岸逾月連克漳州

府及漳浦縣城閩省肅清五年調往山東河南勦辦捻逆屢獲勝

仗六年秋冬之交扼守運河圍困任柱賴汶洸等股維時期兵甚

單不足制賊死命勦軍馬步僅十營臣調他軍併隸之檄令會合

劉銘傳郭松林等縱橫兜擊不數月而任賴全股以平七年正月

西捻張總愚等突竄畿疆奉

旨徵調援軍楊鼎勳傷病甫發所部將士久戰疲勞仍白請力疾

督隊從臣北征忠盡之忱溢於詞色二三月間逐賊饒陽深州滹

沱彰衛之關所向披靡四月初賊由東昌渡運直奔天津楊鼎勳

會師晝夜冒雨急馳繞攔賊前津郡圍解該提督病勢亦漸加矣

其時通商大臣崇厚與臣議就運河圍賊先以嚴扼滄州滅河保

固津畿門戶為要臣於四月杪馳往滅河察勘地段甚長非宿將

重兵不足控制而商楊鼎勳留駐滅防妥為布置並請崇厚添

兵協助嗣是賊屢撲犯均未得逞該提督親率將士修牆浚濠日

無停趾積勞之餘傷病增劇崇厚由津遣醫診視五六月間病已

小瘥臣屢專弁往看聞其料理防務日加嚴密心竊喜之忽據勦

軍各統帶官稟稱該提督於六月十五日肝氣上衝嘔血數升延

至十六日卯刻竟爾出缺歸歿之際猶集各統帶官提督王萬釗

等諭之曰鼎勳是一旅之師轉戰九省渥蒙

聖朝知遇不數年間由偏裨洊任專閫方冀病愈帶隊出勦平殘

寇以報

國恩今此志未遂死有餘恨言訖而終並無一語及私等因臣聞

信之餘為任痛悼當派軍營務處道員段詰馳往滅河為該提

督照料後事並會商勦軍各統帶官整理防務仍舊嚴守查勦字

全軍步隊十五營馬隊三營向派委員分統每人各統三營由楊

鼎勳總統節制其統帶及營哨各官均隨臣軍有年戰守尚為可

靠內有統帶勦前軍之記名提督王萬釗老成穩練熟習軍情楊

鼎勳病重時曾託王萬釗主持一切堪以委令暫行代統勦軍會

督各統帶籌辦滅防可無貽誤臣仍隨時會商都興阿崇厚等督

令各守汛地互相策應務保無虞仰慰

聖慮臣復查楊州勦智勇忠勤久歷戎行能輯和將士知大體精

習外洋火器於練兵制敵方略別具會心故戰勝攻取積功最多

實為一時名將年甫三十有四遽以重傷久勞致嬰沈疴歿於軍

次家有八旬老母並其遺孤應與騎都尉世職楊萬凱現僅四歲

流寓蘇省欲歸未得尤可慘傷合無仰懇

聖恩准於該提督立功地方江蘇福建山東等省建立專祠

特旨予諡將其戰功事蹟

宣付史館立傳伊子楊萬凱可否俟年及歲時由吏部帶領引

見聲明請

旨加恩並

敕部照提督軍營病故例從優議卹以彰忠義所遺湖南提督員

缺應請

旨迅賜簡放所有提督大員戰績卓著在滄州防所因病出缺懇

恩優卹並揀派熟悉勦軍營務大員暫行代統該軍以重防務各

緣由謹繕摺由驛馳陳伏乞

皇太后

皇上聖鑒訓示謹

奏

各軍追賊獲勝片

再捻逆張總愚自十六日猛撲德州以北運河經水陸各營擊退

收降二千餘人臣已奏報在案十七日賊由德州陵縣境內逃竄

周盛波挑帶馬步小隊三百餘名橫出章家寨突擊之賊駭而奔

吳長慶派馬隊三營緊躡賊後皖軍程文炳亦督隊追至張總愚

整隊回拒往返衝壓十餘合程軍小卻吳長慶馬隊埋伏樹叢中

吶喊齊出下馬持矛撲殺斃賊無算賊向東南奔竄郭松林追抵

陵縣先後收降賊目王有志羅志安等三百餘騎十八日會同善

慶等追至林古莊搜殺百餘賊是夜有賊四張小辨子帶二百餘

騎來降十九日張得勝程文炳追至商河西遇賊於兩湖之濱張

逆率眾拒敵程文炳馬步涉水進戰殺賊二百餘名收降百餘人

賊又折走東北袁保恆帶小隊進駐德平之義渡口派魏林起馬

隊探賊沿途擒獲零散騎賊數十人訊稱張總愚所部各頭目大

半投降僅贖張宗道張宗先等兄弟相隨賊黨精悍無多等語又

據侍衛陳國瑞呈稱十二日在濟陽之高橋接仗生擒百餘賊十

三日偽淮王邱遠才率八百餘騎來降該侍衛令其帶罪立功現

亦向東北追剿近日黃水盛漲灌入運河德州東光南皮境內東

岸衝塌缺口三處運水分由平地漫溢入海雖農田秋穀微有損

傷而東非一帶賊騎亦多限阻不獨為滄州滅防之屏蔽追軍就

地盤剽更易得勢剽銘傳抽調馬步漸齊即日進兵會合各軍兜

追除續後軍情再行馳報外所有近日追剿獲勝情形附片馳陳

伏乞

聖鑒訓示謹

奏

運防楚軍奏獎摺同治七年六月二十二日
奏為上年調派運防楚軍仁勝忠義等營堵剿出力在事水陸員弁遵

旨查明專案彙保仰祈
聖鑒事竊自上年五月東股任賴等逆竄過東省運河其時臣軍
有進剿之兵無設防之兵奏調鄂軍越境協守為賊運東之計
前署湖廣督臣李瀚章前湖撫臣曾國荃因派楚軍記名提督
譚仁芳劉維楨馬步二十餘營兼程前進正值暑雨行潦豫境平
地皆水該軍弁勇跋涉遠來踴躍用命譚仁芳守自東平州新口
至開河五里鋪一帶劉維楨接防至濟甯西圩外一帶李瀚章等
又檄總兵丁長春健捷營水師由長江下駛繞淮入運會同陸軍
節節布置毫無罅漏俾前敵兜剿諸軍一意殺賊無迴顧牽掣之

奏稿十四

七

虞其後路辦理支應護運餉需均屬異常出力上年十二月任賴
全股殲滅經臣奏准查明各軍出力人員一體保獎遵經分行各
統領核實開單呈本省督撫專摺奏保去後本年二月署督臣
李瀚章調任浙江巡撫護撫臣何璟接辦軍務未久仍移交臣就
近核辦前來伏查譚仁芳劉維楨兩軍向為鄂省勁旅遵調到防
之日即自請率師游擊營滅此賊臣以為非扼守運河則進剿無
益當飭其分段築牆浚濠晝夜扼堵該逆自八月以後屢窺克濟
冀圖撲運蓋其處近接戴家廟一帶為前此偷渡運河熟徑河水
又極淺涸故百計繞越窺竄以求生路賴譚仁芳劉維楨布置精
嚴又時出行隊就近迎擊前後俘斬巨酋甚眾賊不敢犯而東岸
上自馬踏湖至蜀山湖下自長溝至馬場湖三十餘里陸路要衝
挖成長濠六七月之久軍士無片刻休息賊遠則日夜潛築賊近

則神速指揮巡防勞瘁有裨全局今東股幸已蕪功該軍已凱撤
回省臣未敢沒其勞績相應繕具清單仰懇
天恩准照所請以資激勵除下總以下各弁照案咨部核辦外所
有上年調派運防楚軍各營堵剿出力員弁彙保緣由謹會同署
湖廣總督湖北撫臣郭柏蔭護理湖北撫臣何璟恭摺由驛具陳
伏乞

皇太后

皇上聖鑒訓示謹

奏

奏稿十四

六

張總愚全股蕩平摺

同治七年六月二十九日

奏為連日督軍追剿屢獲大勝逆首張總愚率眾由臨邑西趨自投絕地經劉銘傳郭松林選帶馬隊會合各軍步隊就勢兜圍據劉銘傳等馳報六月二十八日已在在平南鎮一帶將西捻張總愚全股蕩平先將大概情形專摺馳報仰慰聖慮事竊各軍疊次大捷賊勢衰蹙降散漸多經臣等馳奏有案旋據劉松山稟報十九日探知賊竄商河樂陵之交二十日帶隊趕到賊即向北潰奔追二十里擒斬約二百餘名未刻又追二十餘里賊踞鹽山之保和寨劉松山於是夜初更進剿將賊衝為數起搜殺數百該逆向西收走天明時於高粱中搜獲長髮百餘名花旗頭目周祿帶馬賊二百餘人來降復向西進追至滄州之陳古村等處該逆又向西南逃走截殺三四百名又據潘鼎新郭松

奏稿十四

十九

林稟報二十一日賊由德平南竄郭松林是夜派夏青雲馬勇襲破賊館一處獲老捻數十名驛馬五十餘騎郭松林即督隊繼進二十二日天明抵盧塞及之賊眾拚死拒戰潘鼎新陳國瑞張得勝等均趕至各有擒斬三十餘里逆首羅六率賊三百餘騎來降郭松林收之仍追過德平西南十五里賊忽折向東南各莊屯息仍敢馳馬回犯郭松林與善慶溫德勒克西分東西迎擊賊亦分兩路猛拒潘鼎新帶步隊由稭叢中分道截擊賊遂狂走生擒槍斃約百人是日郭松林潘鼎新陳國瑞先後追抵商河二十三日張逆涉水向西南逃竄二十四日已由平原向高唐二十五日潘鼎新追百二十里冒雨至高唐聞賊已向博平清平一帶圖撲運河幸東昌臨清張秋開河水深各營嚴守賊不敢近又馬頰河黃水漫入先經臣與丁寶楨嚴飭該官紳於河西北岸聯築

長牆數百里足限戎馬賊方詢知入我彀中竄地逾狹死期將近矣臣於二十二日奏明派劉銘傳調齊馬步即日進追誠恐各軍久追疲乏得此生力馬軍助戰或可酌就地勢一兩仗了之二十五日劉銘傳郭松林山陵縣會師南追袁保恆亦同往聯絡豫皖各軍二十六日馳抵高唐賊仍向西南竄走臣正深焦盼聞頃據劉銘傳郭松林二十八日午刻在在平縣之南鎮行陣中草書數百言專弁馳遞德州內稱二十七日賊由博平向東昌進南李海務竄撲河牆當經守軍擊退劉銘傳等議於徒駭河沿河橋口紮住劉銘傳步隊由桃橋守至南鎮郭松林步隊由桃橋守至博平袁保恆往博平約會宋慶張曜由博平守至東昌將賊圍在徒駭黃運之間庶馬隊可就地兜逐二十八日早賊由西向東回竄劉銘傳當即調集馬步迎擊該逆且戰且走追剿數里值郭松林東

奏稿十四

二十

來馬步全軍攔住去路又兼河道分歧水溜泥陷劉銘傳郭松林兩軍馬隊五六千人縱橫合擊大股賊匪全數擒斬張總愚僅帶數十騎北逃馬勇追上該逆聞已棄馬遁入高粱叢中又聞有投水淹斃之說劉銘傳當派鄧長安率馬隊四路兜尋尚未回報張總愚之愛子張葵兒被郭松林所部擒獲並擊頭目甚多尚未細查張總愚之姪張正江率數十騎逃至南鎮正遇劉銘傳所派駱國忠左右兩軍堵住擊斃極多約共生擒老賊三四千人驛馬儘數奪獲詳細狀容即查明續報正西稟開善慶溫德勒克西追殺已回據稱賊已報盡各等語前來臣面詢劉銘傳善慶等兩起所派吉林黑龍江官兵均稱未初由彼啟程戰事已畢四外並無游騎惟恐有悍目餘黨逃伏稭叢中現派馬隊搜剿各路官兵均正搜捕餘匪劉銘傳等並令降賊素識張總愚面貌者懸立重賞

四處購求無論死是生務得確實下落該逆本在運河圍套之內現在河水極漲各處防軍嚴密皆欲得而甘心斷不容其漏網張總愚本有勢窮即自尋死不肯顯受刑戮之說其投水淹斃似尚可信除俟有確實下落再行馳報所有各軍防勤出力人員及防河團練擬請

恩旨飭下該統兵大臣及各督撫自行核實次第保獎其獲捷情形並各詳細具奏外所有督軍連日追剿屢獲大勝逆首張總愚率眾由臨邑西趨經劉銘傳郭松林會合各軍就勢兜圍全股蕩平先將大概情形由驛六百里加緊馳陳仰懇

聖恩伏乞

皇太后

皇上聖鑒訓示謹

奏稿十四

主

奏

查明張總愚實已投水淹斃直東肅清摺同治七年七月初八日
奏為查明逆首張總愚實已投水淹斃現得有降賊確供各軍搜捕餘匪淨盡直東境內一律肅清恭摺馳陳仰祈

聖鑒事竊官軍會剿捻逆全股蕩平業將大概情形馳奏在案先是張逆率眾於六月二十六日圖撲東昌一帶運河經丁寶楨督軍擊退是日午後由豫軍馬德昭防段直奔西南該逆偵知劉銘傳已調六成步隊出勦銘軍所守李海務以下地段過遠防軍甚單即於是夜初更大股分撲李海務周家店等處河牆道員丁壽昌趙宗道提督劉克仁總兵劉朝幹等嚴督守兵暗伏不動俟該逆衝至運河外濠連施鎗礮逆猶不退經開花礮彈轟入賊叢始退踞河東村莊丁壽昌等復派提督劉盛瑞總兵丁達材帶隊出襲賊館擒斬甚眾該逆奔向西南又於四更後猛撲七級北河牆

奏稿十四

主

歸水競渡劉克仁督軍擊斃賊無算趙宗道趕至接應賊乃敗遁二十七日潘鼎新率隊由東昌迎截黎明過陳家口十餘里收降李志明等二百餘人據供竄運不能即折回東北午後過陳家集及賊於沙河逆眾拚死回拒我軍併力壓勦追至在平所屬之廣平鎮二十八日潘鼎新張曜宋慶等軍由在平西南兜追沿途擒獲甚夥張總愚率其死黨銳向北面竄逃適劉銘傳郭松林善慶溫德勒克西馬步各軍攔頭截擊並先將徒駭河各橋口分隊扼紮斷其去路各軍四面圍剿擒斬殆盡其戰狀前已備陳嗣據劉銘傳郭松林查明張總愚之兄張宗道其弟張宗先姪張正江及其族人張元即平頭王並賊中帶隊頭目陳大老坎三老坎四老坎馬老三樊大等均於陣前擒殺惟據擒賊供稱張總愚於亂軍中先帶數十騎逃走經官軍追急餘賊潰散該逆僅帶八人向

東北桃叢中走去劉銘傳等派隊四路跟尋杳無蹤跡當令道員
余恩樞率同准軍各馬隊搜捕餘匪附近各州縣尋覓殆徧數日
以來已無一賊但聞民間紛傳張總愚投水淹斃旋據統領豫軍
張曜稟稱該營續收降賊王雙我供稱是日實隨張總愚逃至徒
駭河邊親見張總愚棄馬投河淹斃當飭將王雙我解送德州
督同候補京堂袁保恆等親提訊問據供跟隨張逆九年二十八
日之敗張逆帶小兵八人逃走王雙我即在八人之內張逆自稱
罪孽已重無可求生先欲逃過黃河無奈黃水漲漫萬不能近走
至徒駭河濱勸令隨從七人各自逃命張逆即下馬脫衣投水而
死等語再四研訊王雙我人尚老實所供張逆投河時情節語
氣歷歷如繪證之各營降眾所稱張總愚平日屢說事急必自尋
死不肯願受刑戮亦屬相符是其投水伏誅毫無疑義惟刻下黃
水盛漲灌入徒駭深不見底事隔多日該逆屍身隨水漂流必已
腐爛無從尋認謹照鈔王雙我供詞恭呈
御覽仍將該降人羈留在營備質各處逃匿匪業經搜捕淨盡
並無一名漏網各路官軍均已撤回原營暫行休息再陸續凱撤
回省臣伏查捻逆倡亂十數年流毒數省去冬任賴等股幸就削
平不圖張總愚渡河北竄震驚
畿輔仰累
宵旰憂勞徵兵籌餉日昃不遑皆緣臣等督師無狀致此疏虞負
咎滋甚四月間賊竄運東稔知流寇非樹制不行因與左宗棠
官文崇厚英翰丁寶楨等議就直東運河沿州減河圍築長牆欲
趁伏汛盛漲時壅地兜滅其時地廣兵單有期無防經臣咨商官
文棟派直隸臬司張樹聲道員歐陽正埔督飭沿河民練修守長

李文忠公奏稿 卷一四

將丁寶楨亦派道員王成謙接修東境河牆直屬副練修守本境
及協濟東境者工費最鉅全局有裨六月十六日張逆率眾猛撲
景德之交幸獲保全臣又商同丁寶楨督勸民團就馬頰河西非
岸至陵縣臨邑一帶聯築牆濠作為裏圍該逆被創勢窮南遁自
投羅網各軍乘機緊追就地兜剿遂得迅速殲滅都與阿左宗棠
及臣等始願皆不及此實賴
聖主鴻福
廟堂決勝於上神機贊贊諸王大臣控制於中各省將士奔走效
命於外乃使跳梁小丑迅就蕩平為中原軍務一大結束微臣躬
在行間獲睹
昇平愧無絲毫補助祇有私衷慶忭而已所有剿賊最為出力人
員謹先核開清單懇
恩准予優獎餘俟查明彙案分別奏獎所有逆首張總愚實已投
水淹斃各軍搜捕餘匪淨盡直東境內一律肅清各緣由謹繕摺
由驛六百里加緊馳
奏伏乞
皇太后
皇上聖鑒訓示謹
奏

二九三

請入觀片 同治七年七月初八日

再軍事大定所有安插降眾裁撤營勇各事宜自須次第妥籌辦理擬飭所部各軍漸移南下以便就近措置惟臣自咸豐三年正月奉

文宗顯皇帝派往軍營團練防剿嗣由編修存升外任感蒙我

皇上不次之擢計五年蘇撫兩署江督再調楚督臣固未嘗一日

不在軍中祇緣兵事餉事責任繁重每於奉

命拜官之時不敢循例請

覲瞻戀 闕廷夢魂飛繞茲值中原奠定 微臣解甲有期犬馬戀

主之誠不能自己可否容 臣將行營緊要各事料簡粗畢即輕騎

馳赴京師恭觀

奏稿十四

五

天顏跪聆

聖訓俾一切得有遵循如蒙

俞允 臣軍有劉銘傳郭松林潘鼎新等各統將在營會商照料暫

可放心俟 臣由京回營再與曾國藩丁日昌會商籌借餉需陸續

遣撤現在物捨事竣所有 臣原領

欽差大臣關防一顆應否由 臣齎京恭繳之處伏候

皇太后

皇上聖鑒訓示遵行謹附片具

奏

請加恩從前督辦諸臣片 同治七年七月初八日

再捻逆倡亂已歷十數年雖未多據城池其善攻善守亦不及粵匪而剽悍善戰實過之從前督辦諸臣如前

欽差大臣僧格林沁袁甲三等皆屬次培穴擒渠戰功卓越雖未

克悉收蕩平其滅賊之心久而愈奮今在事各軍馬步多係該前

大臣等舊部憤懷遺烈莫不感激涕零至現任大學士兩江總督

曾國藩接辦年餘謀定後戰雖未立見速效而長牆圍制之策實

已得其要領 臣得變通盡利以竟全功實自曾國藩開之且自回

任後事事與 臣和衷共濟籌餉籌兵不遺餘力忠懇之誠無閒去

留現幸仰託

聖主威靈中原底定可否分別

加恩以慰忠靈此外凡勦捻以來文武大員沒於王事者可否

飭部查明一律

推恩用廣

皇仁而作士氣出自

皇太后

皇上逾格鴻慈 臣愚昧之見是否有當伏乞

聖鑒訓示謹附片具

奏

奏保袁保恆片 同治七年七月初八日

再候補鴻臚寺少卿袁保恆奉

旨飭交軍營差委當以該京卿熟悉軍情派充處馬步全軍翼長會商前敵諸將妥籌防期近月以來冒督督隊逐賊奔馳聯絡淮豫皖東各軍同心努力親若弟昆遂得迅速肅功於大局實有裨助該京卿忠懇耐勞文武兼資察其才識允堪大用可否仰懇聖恩開復袁保恆前次降調處分仍以翰林院侍講學士原官補用抑應如何
加恩之處伏候
聖裁謹附片具
奏

奏稿十四

毛

胡良作陳振邦請卹片 同治七年七月初八日

再統帶武毅軍馬隊記名提督剛安巴圖魯胡良作湖南郴州人歷隨曾國荃鮑超征期江西皖鄂等省戰功最著上年隨郭松林北來派統武毅馬勇五營馳勦直豫東三省每戰皆捷六月初七日逐賊商河該提督督隊衝鋒斃賊甚眾不意身受鎗傷子山左肋入腹醫治無效於十八日身故據郭松林呈請
奏卹前來又據劉銘傳呈稱前統帶銘軍馬隊記名提督陳振邦本年三月在河南滑縣勦賊陣亡業蒙奏奉
諭旨從優議卹惟該故提督少年英勇矢勤矢慎戰必爭先東股任賴等逆馬賊最悍獨該軍可與力敵馳勦數省立功最多請俯念前勞懇懇
加恩等情臣查勦捻以馬隊為最要亦惟騎將為難得陳振邦胡良作兩員轉戰無前實騎將之上選乃因忠勇奮發先後死事陳振邦勦東股胡良作勦西股皆極得力今大功幸戡追思猛士益增恒傷自應各從所請仰懇
天恩准將記名提督胡良作
敕部照提督陣亡例從優議卹
特旨予諡並於湖南原籍建立專祠記名提督陳振邦請再
加恩賜諡並在江蘇清河縣寄籍建立專祠以彰忠肅謹附片陳
請伏乞
聖鑒訓示謹
奏

奏稿十四

天

覆議凱撤南勇並籌西事摺 同治七年七月二十日

奏為欽奉聖次

諭旨恭摺陳仰祈

聖鑒事竊奉

寄諭以崇厚英翰所陳善後各條令臣等妥速議奏查崇厚前奏

體恤將領擇養驍健選拔西征三事業奉六月初七日

諭旨飭准照辦當經傳知所部將弁兵勇無不踴躍歡呼用能剋

期滅賊嗣奉七月初五日

寄諭鈔示英翰所奏各條內稱裁撤直隸練軍留勇扼紮一節接

准官文函稱宣化練軍地居獨石張家等邊口遵化軍則

東陵重地且近接邊關保定軍則省會要區屏蔽近畿擬於此三

處汰弱留強未敢悉議裁撤至南勇久戰之餘誠為勁旅但慮直

民愚蠢或未能耕鑿相安等語似係老成慎重之見臣愚以為兵

丁之不得力非獨直省為然軍興幾二十年其初調兵多而募勇

少而賊勢日猖厥後去兵用勇規制一新粵匪捻匪次第削平功

效大著蓋由綠營習氣太深分布太散兵丁大半驕惰將弁又不

一心勇則募自田野多樸拙困苦之人統領營哨各官自行挑選

一氣呼應易於效命惟有事之時募勇以救急應變無事之時練

兵以緝盜安民是皆不可偏廢欲化弱兵為強兵立法與用人二

者不可不大加變通目下軍事大定勇丁逐漸裁撤各省綠營漸

復舊規必須及時整頓

畿輔拱衛關繫尤重若專用本省兵勇人地自較熟習防務亦可

經久惟須將領得人認真簡練耳欽奉初九日

寄諭飭將各省征軍撤回大河以南責令在防京兵及本省官兵

搜捕餘匪毋庸借撥客軍致多擾累似可無須留勇扼紮矣

部准軍均係南人轉戰六七年去家數千里久役思歸本是人情

若留駐北方開革告假往返不便米糧藥械接濟難常即嚴為約

束而兵與民素不相習久亦未必相安臣不敢不總總慮也至

皖省應留重兵並免查究前案一節英翰在皖年久熟諳民情所

請於皖軍內挑留一萬二千人分作四枝選派將領分駐要地聯

絡彈壓並請

明諭宣示凡捻逆未平以前所有為匪之人已經投誠遣散一律

准予自新不准該處紳團再行尋仇控殺地方官吏亦不得藉端

苛求此後再有作奸犯科責成地方官嚴辦以安反側而遏亂萌

實係因時制宜之策應請

敕下兩江督臣安徽撫臣遵照察度妥辦臣復查安徽之穎毫宿

蒙江蘇之徐海山東之曹沂河南之歸汝各屬地界毗連風氣穢

悍自古中原禍亂大率萌蘖於此捻匪起於蒙亳煽聚句結徧及

東豫擾攘數省今幸而撲滅散勇降眾惟皖豫東交界之人為

最多即使設法安插而民貧地瘠生計艱難勢不能人人得所自

前兵威鎮懾斷不可少尤須地方大吏慎選嚴明廉惠之牧令加

意教養認真緝捕安徽撫臣宜常駐穎壽一帶就近督察控制並

懇

飭下江皖東豫各督撫曉諭交界各州縣均寨團練照舊整理以

期化莠為良即有滋事散勇零股馬賊亦不得逞志矣至崇厚奏

稱弁勇有願西征聽其自行報名英翰奏稱西征宜專用一軍前

往一節臣查陝甘回匪股數雖多皆係土著有巢穴室家之戀非

輿捻各逆肆竄外省者可比辦法宜期撫兼施逐漸措置左宗棠

前次而稱該處兵力尚非不足各營將弁自西來者僉謂不患戰之不勝而患無糧可購無水可飲是以雷正綰曹克忠楊岳斌等所部皆係勁旅終歸潰散鮑超所部亦屢調不前就現在情形而論左宗棠全軍盡留在陝即甘境各軍不聞兵單只聞糧細是其所急不在添兵而在濟餉與籌糧也自來西陲用兵遠或數十年近或十餘年而後定蓋屯田轉運均極迂遠非旦夕所能奏功該處民久乏糧至無民則何從覓食兵已乏食若添兵則徒以釀亂說者謂移得勝之師以圖大舉似是兵家常談而於西事利害得失之故未深究耳左宗棠老於軍事所部將弁必不乏人若有餉有糧隨地募練可得驍健勇丁斷不宜強調他軍轉難得力現在各營將領征戰多年甫經凱撤皆欲沐

朝廷寬大之恩乞假休息弁勇亦尚無報名願往者大抵將之於帥弁勇之於將皆須恩信素孚忠奮易生廉頗思用趙人自昔為然且用勇與用兵迥殊兵可互調而勇不可改調與其改調不如另募此行閒實在下情不敢稍有隱飾也以上三事為善後大端

微臣管見所及謹繕摺據實由驛覆陳伏乞

皇太后

奏

皇上聖鑒訓示施行謹

張總愚投水確據並各軍裁撤片 同治七年七月二十日

再逆首張總愚投水確據前據降人王雙收口供錄呈在案旋又據豫軍張曜等解送續收降賊王結巴親加研訊亦在張總愚逃走八人之內所供與王雙收相符是其投水伏誅毫無疑義是日全股殲除張逆亦斃嗣經各處搜捕並無實在匪蹤惟各營未撤游勇降眾混雜分民間不無驚擾自以撤軍安民為最要豫軍宋慶張曜等已於十六日拔隊由臨清南樂一帶回豫長江提督黃翼升統帶各營水師並姚廣武所帶清淮水師均趁開河有水分起回南各軍遵

旨即令劉銘傳郭松林等陸續移撤由張秋渡河暫行紮徐州濟甯周家口各要地以資鎮扼俟赴京

陛見南旋後會商曾國藩等籌補欠餉徐議裁併陳國瑞亦來德

州稟商撤遣為者催江西浙江協餉飭該員一而妥為資遣侍講學士袁保恆因處軍務已竣仍飭回京候補王萬釗所統勦軍駐防滄州減河准崇厚商暫留鎮守俟各軍遠撤再令凱旋善慶溫德勒克西所部馬隊出征年久疲苦萬狀本允俟捻股蕩平即行撤回疊經奏奉

俞旨茲奉初九日

寄諭飭該副都統管帶回京暫駐南苑已飭糧臺趕給餉項以便剋日起京惟善慶馬隊由豫省調來者向食豫餉積欠甚鉅臣各緘撫臣李鶴年迅速解濟未知能應手否鹽山南皮慶雲一帶蹂躪最苦鹽梟素多此次投賊者雖殲斃不少將來客軍撤盡難保無土匪飢民乘閒搶劫應請飭下官文崇厚督飭地方官認真撫卹並酌派本省兵隊就近巡

緝以安良善而清亂源所有餘賊肅清各軍陸續凱撤及責成地方文武撫卹巡緝各緣由謹附片縷陳伏乞
聖鑒訓示謹
奏

奏稿十四

三

劉秉璋乞病摺 同治七年七月二十四日

奏為藩司患病懇開缺調理恭摺奏祈

聖鑒事竊山西布政使劉秉璋由咸豐庚申庶吉士授職編修同治元年經臣於蘇撫任內

奏調軍營襄助一切二年統帶兵勇攻克福山海口賊巢援解常

熱城圍旋收復浙江平湖乍浦嘉善海鹽各城三年會合各軍攻

克嘉興湖州各府城海升翰林院侍講詹事府庶子轉侍講學士

五年春開經曾國藩檄調統率所部赴東豫剿捻奏奉

諭旨襄辦軍務馳逐數省屢戰獲勝歷由江蘇臬司升山西藩司

以統軍追剿並未赴任五年十一月觸冒風霜肝氣舊症復發六

年正月請假調治維時任賴捻股竄擾鄂中勢甚猖獗臣方奉

命接受

三

欽差大臣奏務勸合力疾督隊從征俾資熟手春夏之間由鄂而

皖而豫而東逐日拔營操勞愈甚臣見其病體不能養息適與諸

將定議就東境運河圍賊派該司督守運糧布置極為嚴密冬杪

任賴等股殲除淨盡該司積受寒溼患病增劇據稱左腿筋骨酸

痛不便乘騎臣因東南軍事稍定暫准給假醫調並將所部裁遣

四營其餘馬步十一營遴派記名提督吳長慶接統本年二月檄

調該軍北來隨同堵剿劉秉璋旋赴江皖一帶就醫茲據呈稱醫

治數月屢服降氣和血之劑無如受病已深筋骨尚難舒和稍一

煩擾夜不成眠據醫家云必須靜心調攝可冀復元請

奏懇開缺回籍調理等情前來臣查劉秉璋志行堅卓學識深遠

以儒臣從事行閒淡於榮利與士卒最下者同甘苦治軍嚴整慮

事情詳每遇艱危棘手之時其氣凝然不可撓奪臣方冀再加歷

練堪備

朝廷大用迺以積勞致病籲求開缺先後兩履屢陳現值捻逆蕩

平中原大定該藩司舊部弁勇已交吳長慶接帶並無經手未完

事件擬如所請仰懇

聖恩俯准劉秉璋開缺回籍調理該司年力正強若攝養就痊必

不自甘廢棄所遺山西布政使員缺緊要未便久曠職守應請

旨迅賜簡放以專責成所有藩司患病籲懇開缺調理各緣由謹

繕摺由驛具陳伏乞

皇太后

皇上聖鑒訓示謹

奏

奏稿十四

呈

請蠲免東南積欠錢糧
同治七年八月初四日

奏為東南各省久受捻患籲懇

特恩蠲免積欠錢糧以廣

皇仁而蘇民困恭摺密陳仰祈

聖鑒事竊前因捻逆張總愚全股蕩平欽奉七月初二日

上諭捻逆自渡河北犯擾及河南直隸山東所屬各州縣焚燒擄

掠慘不可言小民耕種失時流離轉徙各該處紳民猶能集團修

寨奮勇殺賊保衛地方朝廷於矜憫之中尤深嘉尚除山西被擾

各州縣應徵錢糧業經該撫奏請蠲緩外其直隸山東河南被賊

各州縣著各督撫迅速查明分別擾害輕重情形奏請蠲緩錢糧

等因欽此仰見

聖德如天拯民水火之至意凡直東紳民來營謁見臣宣布

恩旨無不感激零涕踴躍奮興惟捻逆擾亂中原閱十餘年歷七

八省張總愚股匪自上年冬間始渡河北犯晉省祇一次經過河

北直東僅數月蹂躪尙蒙我

皇太后

皇上憫念災黎

特沛恩施此即感召天和馴致成功之所由來推此

仁心發為仁政足為億萬姓造無疆之福臣實不勝感幸伏查張

總愚與任柱賴汝洸等股流竄安徽江蘇山東河南湖北等省最

久且廣臣上年督師所過徐豫鄂東各交界嗣聞任賴等逆於

運河以東凡該逆鼠擾之區人煙寥落耕穫失時小民蕩析離居

飢餓轉徙而死及被擄殺者不知凡幾傷心慘目之狀不忍見聞

其有紳團築圩結寨自守官軍追至或賄給糧草或需導助陣道

任柱殲斃賊黨屢敗則到處執橫予截殺竄賊以洩積忿臣既憫生靈之被劫民情之纏義尤賴

聖朝深仁厚澤之感人者深也茲東西兩股藉各將帥之力悉就削平無告窮民幸得稍舒喘息河朔直東一帶已蒙

恩分別蠲緩錢糧其皖徐東豫被擾最久地方似應一律蠲緩以

免向隅臣查任賴等股去冬勦滅淨盡本年各處業經開徵現在

餉需鉅迫自未便議緩新賦致有窒礙其同治六年以前無歲不徵亦無歲不欠實由捻氛未平民力不逮即使照例逐年帶徵徒

供吏胥之需索無裨帑項之實濟曠蕩之恩應出自上可否仰邀

特旨將歷年被捻擾害最重之安徽之鳳潁泗江蘇之徐海山東之曹濟青沂河南之開歸陳許汝光湖北之黃德各屬州縣同治

六年以前積欠錢糧概行豁免其餘被擾較輕各屬並飭下各督撫查明分別請免舊欠以昭核實而示平允在

朝廷蠲積年之陳欠於正供所損無多在窮閭免無限之追呼於元氣補助不少至陝西尚有回匪踞擾請俟該省軍務大定再行

核辦微臣管見所及是否有當伏乞聖明采擇施行所有東南各省久被捻患顛懇特恩各緣由謹繕摺由驛密陳仰祈

皇太后皇上聖鑒訓示謹

奏

請體恤吉黑馬隊片 同治七年八月初四日

再欽奉

諭旨飭調善慶溫德勒克西所部馬隊回京聽候調撥臣遵飭各糧臺籌給月餉俾作行資並催該副都統等迅速北上據報已於

初二三日分起啟程惟查善慶所部吉林黑龍江馬隊不過千

名出征十餘年疊經傷亡病故各起殘隊湊集只有此數溫德勒

克西所部察哈爾馬隊亦傷亡過半今僅存三百餘名該兩軍物

掄最久馳逐最苦官兵思歸情迫久無鬪志去冬不經臣多方

激勸允俟東捻勦滅立予凱撤迨任賴等股滅後西捻竄近畿疆

嚴旨飭調臣再四催備該官兵勉強從征經臣將該軍困憊思家

情形附摺奏明並奉正月間寄諭俟張總愚捻股殲除即准凱撤旋又奉六月間

諭旨俟滅賊後願回籍者准其回籍等因此次捻股蕩平該官兵

旨調赴南苑各起兵將屢來臣處環跪泣求臣好言拊循激以大

義允為切實奏懇恩施該官兵始肯就道臣自咸豐初年從軍即稔知東省馬兵驍

健無敵其人材多樸拙耐勞惟遠調南省水土不服地勢不習將

帥調度不盡得法軍興二十年羽林勁旅耗喪實多現存僅百分

之一殊堪矜憐臣自接辦勦捻以來每遇騎將勁兵不敢不曲加

護惜是以善慶溫德勒克西及所部官兵人數雖少均願為臣出

死力任往張總愚兩股皆滅於大寒盛暑之時此起馬隊追勦尤

力足振

國威今調赴

南苑挑留備用原係根本至計惟該官兵艱苦下情實臣所素知而深憫者奚忍遽於上

聞吉林黑龍江黃旗馬隊兵雖不多戰陣得力可否俟到京後酌令暫行凱撤或一二年後再按該官兵名冊揀調冀作士氣而收實用至察哈爾馬兵得力較次似可無庸留營杭州副都統善慶出征年久家有老母漢軍副都統溫德勒克西亦從征十七年苦求歸省該二員均籍隸黑龍江樸實善戰可否給假回籍數月再行調出以示格外體恤統祈
救下神機營王大臣察核奏辦施行伏乞
聖鑒訓示謹附片據實具
奏

奏稿十四

无

餘贖軍米賑撫災黎片 同治七年八月初四日

再臣部各軍向食米糧今春奉調北援疊經咨商崇厚等籌撥濟糧及閩省船政大臣沈葆楨購運米石源源接濟茲捻氛肅清各軍陸續凱撤德州存倉軍米及天津轉運局甫經解到粳米計尚餘贖二萬七千九百七十四石一斗零久儲既處霉變運回徒費脚價莫如就近賑撫災黎以為涓滴之助查運河以東武定濟南各屬縣被災最苦荼毒最深聞東省因餉需繁鉅未能另籌撫卹臣已將前項軍米儘數撥交德州知州趙新驗收適丁寶楨委令濟南府知府龔易圖前來查災卹札飭該府察酌被擾地方情形分別被災輕重妥議均勻攤放由各州縣自行赴領會督紳董核實散給貧苦災戶不准假手吏胥並咨請撫臣督飭妥辦以期推廣

奏稿十四

平

皇仁稍憐民困所有餘贖軍米就近賑卹東省災民各緣由理合附片陳明伏乞

聖鑒謹
奏

東捻肅清彙案請獎摺

同治七年八月初四日

奏為上年任賴捻股一律肅清查明臣部馬步各軍歷在皖鄂豫東蘇五省轉戰出力員弁兵勇及調防淮河運河長江諸水師併各處團練後路籌餉轉運累著績人員遵旨分案列保仰祈

聖鑒事竊同治四年四月以後曾國藩接辦剿捻軍務即調淮勇銘字鼎字盛字樹字勳字武毅等軍渡江北征為四鎮六游之局分防追剿馳驅已歷年餘又檄催劉秉璋李昭慶各起馬步會合堵剿出入東豫皖鄂來往數千里大小百餘戰寒暑飢渴無稍休息其時長江提臣黃翼升所部水師遵調由洪澤湖入淮由清江入運分布巡防藉壯聲勢五年冬月逆首任柱賴汶沈與張總愚東西分股賊欲愈張臣奉

奏稿十四

聖

命接受帥篆仍就原部將士竭蹶經營上年五月任賴等逆出鄂後由豫入東人馬十餘萬剽突異常縱橫莫制臣會商鄂皖豫東各督撫通力合作調集水陸諸軍聯守運西圍築長牆上下千數百里節節布置該逆不敢繞越一步既畫地蹙賊臣即併劉銘傳等軍為三大枝專意游擊數月之間前截後追惡戰十數次任柱伏誅逆勢瓦解自壽光瀾河大捷死黨殆盡僅賴汶沈率殘匪數千乘夜由六塘河南遁仰賴天威卒擒賴逆不使一賊漏網東南各省從此肅清軍士馳逐之苦轉戰之久固十倍尋常矣而後路籌餉之艱難轉運之迂遠製造之窮極工巧采辦之急迫接濟皆出力多年裨助大局仰蒙聖慈恩准分案彙保當即恭錄行知去後茲據各統領各臺局核實開單請奏前來伏查潘鼎新周盛波等軍前此屢獲勝仗奉

旨准其彙案專保臣愧叨揀未有成效即以迅速圖功一概併入肅清案內從優請獎計前後三年各營馳驅用命未獲獎勵幸而剿平東股今年得渡河專辦西捻略無回顧牽掣之虞誠不可不示以激勸除劉銘傳一軍業將楚北東蘇四次彙保奏奉

恩准外臣今分別酌核彙列各軍出力文武員弁清單為第一案歷年水師出入東皖各河屢扼竄路去秋運防成後無論何處有急即分撥馳援追賴逆由六塘走淮揚不致遠竄實水師之功居多今分列水師清單為第二案各處團練紳董附之從來軍心之安定視餉源之盈虛為強弱爾皖蘇滬各局皆為前敵養命之源五年十一月欽奉

奏稿十四

聖

諭旨籌餉與剿匪之功均為國家倚重自是曾國藩維持後路督率司道嚴飭上下江局卡實心籌辦恤商濟軍源源不匱而淮軍得力向以鎗械制勝數年來各局仿製外洋軍火鎗礮精益求精臨敵得用今分列籌餉製造清單為第三案後路糧臺所解糧餉軍火皆至清江而止由清江而西則由洪澤湖而正陽關換船再至河南周家口分運各處由清江而北分解徐州濟甯再接運各營風波之險道途之阻裝運火器子藥時時有性命之虞各委員皆能踴躍從公無誤要需前年皖鄂上年東蘇戰士常苦飢疲非四路采辦不為功冒險購解其勞勩有不堪言狀者今分列轉運采辦清單為第四案綜計之似人數過多分核之實皆勞績足錄可否仰懇聖恩均從優照准所請以示鼓勵除千總以下各弁及六品藍翎等項循案造冊咨部核准外所有查明上年任賴捻股肅清馬步各軍歷在皖鄂豫東蘇出力員弁兵勇及水師團練籌餉轉運人

員分案彙保緣由謹分繕清單恭摺由驛具陳伏乞
皇太后
皇上聖鑒訓示謹
奏

奏稿十四

五

奏保倪文蔚片

同治七年八月初四日

再花翎郎中銜刑部候補主事倪文蔚咸豐二年進士由庶吉士
散館到部同治元年經前湖北撫臣嚴樹森奏保范泰亭倪文蔚
李宗義等三員請以道員留鄂補用奉
旨著交官文嚴樹森差遣委用該員到鄂委辦營務時值金陵未
復鄂省赴援之師及本省防軍悉心綜理鉅細必親三年督臣官
文出省防期疊著勤勞江南既平該員亦假歸授徒不求仕進及
臣補授楚督因該員練習軍務又係交鄂差委之員調至行營襄
助一切該員學行純粹器識深現幸中原肅清所有在事出力
員弁均邀獎敘該員始終兵事備歷艱苦未進一階而仍身不擇
勞口不言祿功績久已眾著廉讓實為可風若蒙
恩量予超擢當卓然有所樹立應如何獎勵之處臣未便擅擬出
奏

奏稿十四

五

聖主逾格恩施謹附片具陳伏乞

聖鑒訓示謹
奏

銘軍暫紫張秋摺 同治七年八月初八日

奏為各軍陸續凱撤遵

旨飭派銘軍暫紫張秋進北兼顧畿南一帶以資鎮撫臣將各事

料理粗畢赴京

陛見起程日期恭摺仰祈

聖鑒事竊竊奉

寄諭令將所部並各營兵勇陸續移撤大河以南於七月二十

日附片覆陳大略在案自二十一日以後東皖各軍分起渡河適

值河南上游榮澤漫口河水驟落兩岸淺灘淤沙陷沒人馬渡船

亦少直至月杪晚軍始漸渡盡郭松林所部八月初一二日由東

昌啟行潘鼎新所部初三日由德州啟行沿途遇有零星散勇無

論何軍業飭潘鼎新等押帶過河查遺回籍勿任逗遛滋事其駐

防滄州減河總兵王萬鈞所統勦軍現因直境各軍遠撤撤令營

務處道員段詰馳往會同王萬鈞統率該軍由運西取道南下安

為約束周盛波唐仁廉張樹屏所部亦均令陸續分起南渡欽奉

七月十六日

寄諭毛昶熙請飭劉銘傳統帶所部在大順廣一帶駐防八月初

五日

寄諭英翰請飭劉銘傳扼駐畿南均令臣妥籌具奏查直隸所屬

地方南勇久駐與民情恐不相習運餉購糧亦多不便前月二十

日臣已專疏陳明劉銘傳所部紀律素嚴在東省威信尤著該軍

統領提奏臬司劉盛藻丁壽昌謀勇俱優劉銘傳倚之如左右手

今春劉銘傳與劉盛藻假歸丁壽昌代統銘軍調赴東昌堵守運

河嗣劉盛藻先行回營探防整肅該處紳民感頌頃因張秋一帶

游勇較多爭留該軍暫駐彈壓劉銘傳以臣將入都

陛見奉

旨飭將在營兵勇移撤過河妥為鈐制與臣再四熟商銘軍駐守

事宜暫交伊姪劉盛藻代統可期穩練該提督即先赴濟甯徐州

會商諸將妥籌安置並擬馳往金陵商請督臣曾國藩籌借餉項

議補舊欠俟臣南旋再行酌定分別撤留茲奉

旨應否飭紫畿南以資鎮撫著臣統籌全局具奏等因查直省兵

燹以後民氣彫瘵地方安靜暫可無事似應與為休息若驟調大

枝客軍移紮近畿轉使自相驚疑毛昶熙英翰皆慮日後或有他

警遠處徵調不及蓋為黃河所阻最滯師行今銘軍暫紮張秋迤

北西距大名僅一百八十里北距河間屬境亦不甚遠尙可就近

兼顧畿南該處兵民相安兼之張秋一水下達清江采辦米糧轉

運餉械接濟較便萬一再有戰事劉銘傳必兼程赴營督勦平日

操練巡防各事劉盛藻實能維持不撤將來曾國藩若赴直督新

任劉銘傳當更樂為效力也臣將諸事部署粗畢擬於初十日自

德州起程由天津通州入京稍伸戀

關之忱並遵

旨將原頒

欽差大臣關防齎帶至京恭繳敬謹覆

命現在德州上下一帶居民復業恐北行後或有游勇散匿滋

擾派提督吳長慶統親兵數營暫留德境鎮撫俟臣出京後一併

督帶南下以臻安慎所有各軍陸續凱撤飭派銘軍暫紮張秋迤

北兼顧畿南及微臣赴京

陛見起程日期謹請由山驛擬陳伏乞

皇太后
皇上聖鑒謹
奏

奏稿十四

聖

請修曲阜孔廟片

同治七年八月初八日

再山左為聖賢桑梓之邦十餘年別念匪會匪蹂躪殆遍臣曹爾
府尤屬捻匪出入衝途臣上年駐師濟甯距曲阜僅九十里東捻
肅清以後親率僚屬謁

孔林瞻仰

聖廟棧桷剝落丹漆黯然尼山書院鞠為茂草愍焉傷懷詢之衍
聖公臣孔祥珂據稱軍興以來屯產荒廢入款不敷歲修久輟屢
次估工皆因經費無出而止臣維弭亂之道以倡明正學為先東
民居近聖里被澤尤深年來兩次平捻均在東境臣方以貽害偏
隅為憂凡築牆濬濠借用民力之處諭以大義無不樂從各處紳
團捐助糧草協勦竄賊亦甚踴躍以此見民心大可恃而聖教之
推廣廣也曲阜

奏稿十四

聖

孔廟實為我

朝重道崇儒根本之地自應及時修葺俾壯觀瞻前年大學士兩
江督臣曾國藩督師過謁曾倡此論比以軍務倥傯未遑定議臣
謹查

林廟各工多有坍塌一律興繕需款浩繁目前財力實不能逮惟

大成殿九開檐宇脫折久之必有傾塌之虞擬請

飭下兩江湖廣督臣於該省撤軍就緒後各速籌銀二萬兩彙解

山東並由山東撫臣在本省籌銀二萬兩遴派委員鳩工庀材擇

要興修務期輪奐維新以仰副

皇上優武修文之至意謹附片具

奏

會籌分別遣留各軍摺
奏為會籌大局分別遣撤留防各軍恭摺仰祈
聖鑒事竊臣鴻章於

陸續遣散計劉銘傳軍裁遣馬隊一營潘鼎新軍裁遣馬隊
三營步隊八營郭松林武毅軍裁遣馬隊七營步隊十營周盛傳
盛軍裁遣馬隊二營唐仁廉裁遣馬隊三營張樹屏樹字步隊三
營全行撤遣已故提督楊鼎勳所部勳軍由滄州減河撤回現飭
營務處道員段詰會同王萬鈞等裁遣勳字馬隊三營步隊十營
合共遣撤馬步隊五十營勇夫已踰三萬人臣於十月二十六日

馳抵江甯省城會商國藩等通籌大局會以淮勇只可酌裁不
可盡撤中原及東南各省粵捻諸逆擾攘幾二十年費無數人力
財力艱苦經營始克奏功臣身在局中極知挽回之不易矣現在
用兵甫靖省分降眾散勇無業可歸會匪游民到處勾結徒以懼
於軍威不敢妄動亂機之來往往起於微而乘於忽若不稍留勁
旅以資鎮壓一有警變召募遠調均趕不及必將不可收拾惜日
前之小費忘日後之巨患臣等何敢出此茲公同酌定銘軍馬步
人數較多紀律素嚴暫令臬司劉盛藻統帶駐紮河北東昌張秋
一帶曾國藩以直隸練軍尚未定議北路不宜太空俟履任有期
當再察酌調遣濟甯居南北要衝潘鼎新所部僅留七營兩哨駐
防該藩司到任後隨時稟商山東撫臣相機酌辦江蘇徐州昆連
東皖豫邊界土匪出沒無常最為重鎮除該鎮弁兵分汛巡防並

馬步軍隊四營仍嫌單薄擬暫留提督吳長慶步勇八營馬隊三
營擇要駐扼會同徐州鎮道協力妥辦又蘇境沿江千餘里伏莽
殊多空虛尤甚擬令道員段詰俟撤遣就緒帶勳字五營擇要移
駐與長江水師聯絡巡緝稍壯聲威金陵為東南關鍵城大兵軍
現經會商國藩留湘勇星隊三營駐防城內臣鴻章擬留總兵劉玉
龍開花礮隊一營仍紮下關江口均交臣新貽等酌量調遣臣鴻
章將赴湖廣本任該省居上游四戰之地游匪肆行防勇尚未盡
撤非帶親軍前往難資鈐制擬將提督郭松林裁撤步隊五營總
兵周盛傳裁撤步隊九營馬隊三營並親兵鎗礮隊二營調令隨
去以便汰弱留強如將來江皖稍有蠢動即調回策應以顧全局
以上留防各軍臣等再三籌議按時度勢因地制宜誠屬必不可
少餉需已漸節省除潘鼎新所部月餉向由山東解濟現以本省

藩司裁撤之軍留防本境應請
旨仍飭東省酌減籌濟其餘各營本食蘇餉應由蘇省分別籌解
接濟仍由臣等隨時會商妥酌俟各路游勇斂跡邊患漸紓地方
可臻奠固再行次第撤裁似於南北善後大局較為穩慎曾國藩
晤商定議後於十一月初四日起程北上屬臣等會銜繕疏所有
分別遣撤留防各軍緣由謹會同大學士調任直隸督臣曾國藩
合詞恭摺由驛具陳伏乞
皇太后
皇上聖鑒訓示謹
奏

徐邦道請注銷處分片

再記名提督徐邦道前由副將在四川本籍選調帶勇赴陝頗著戰功同治二年於失守漢中案內經前陝西撫臣劉蓉奏參嗣即投效江蘇軍營隨勦浙閩每戰必克經臣於克復湖漳案內奏保開復原官留於四川補用旋准部咨行查該將失守處分其時臣營勦捻喫緊該將帶隊前敵正資得力當即嚴飭續立戰績准為陳請開復嗣游擊豫東各處勇往殺賊極知感奮上年十一月隨同擊斃逆首任柱經臣隨摺奏保總兵本年五月遵保銘軍出力案內續請以提督

記名簡放均蒙

諭旨照准惟被參之案未定恐懸保之階仍懸臣查漢中失守時該營先未淪陷實因賊眾固久援軍潰敗所致其情尙有可原而

奏稿十四

五

自到臣營轉戰數省勦平東西二捻功績最多尤足贖前愆而責後效可忝仰懇

聖恩

飭部將徐邦道前此革職等因處分注銷准照疊次保案以提鎮簡放出白

逾格恩施謹附片具陳伏乞

聖鑒訓示謹

奏

請假塋墓省親片

再臣自咸豐八年由皖北軍營調往會國藩江西軍次是年秋間臣原籍合肥縣被賊陷踞先人做廬焚燬一空惟墳墓幸尙無恙臣軀身戎事馳驅南北忽忽十餘年未獲一親祭塋松楸霜露瞻念泣然又臣母年已七十寄寓安慶因臣凱旋在即望切倚闕今臣自江甯赴鄂派流而上由廬至皖均尙順道可否懇懇

天恩俯准假一箇月俾臣就便由廬州塋墓安慶省親藉軍旅之休暇遂鳥鳥之私情感沐

鴻慈曷有既極近來遣散各營弁勇多係皖人聞俱安靜回籍當隨時會商地方官妥為安插臣俟江省經手事件會同督撫臣商摺料理肅有頭緒即便起程理合附片陳請伏乞

皇太后

奏稿十四

五

皇上聖鑒訓示謹

奏

李文忠公奏稿卷十四

李文忠公奏稿

卷之十五目錄

抵鄂接篆摺 同治八年正月二十一日

陝州糧臺請獎摺 同治八年三月初七日

籌解西征軍餉片 同治八年三月二十五日

劉銘傳暫緩 陸見摺 同治八年四月初九日

派隊分防荆子關片 同治八年四月初九日

盛軍與少拜寺皆民仇殺摺 同治八年四月初九日

查覆李榕參案摺 同治八年四月二十三日

潘鼎新請開缺片 同治八年五月二十日

設局刊書摺 同治八年五月二十日

赴四川查辦事件請 旨摺 同治八年五月二十九日

西捻肅清彙保摺 同治八年六月二十七日

奏保何慎修片 同治八年六月二十七日

遣撤鼎軍摺 同治八年七月十七日

代奏彭玉麟回籍養病摺 同治八年七月十七日

川鹽分成派銷摺 同治八年七月二十九日

鼎軍遣撤竣事摺 同治八年八月二十七日

查覆吳棠參案摺 同治八年十月初三日

查覆川黔教案摺 同治八年十月初三日

徐豐玉請卹片 同治八年十月十五日

西陽州教案擬結摺 同治八年十二月初二日

田秀栗等請獎片 同治八年十二月初二日

委員查辦遵義教案片 同治八年十二月初二日

起程回鄂片 同治八年十二月初二日
銘軍報效欠餉請廣額摺 同治八年十二月初二日

奏稿十五目錄

二

李文忠公奏稿卷十五

全集一之十五

抵鄂接篆摺

同治八年正月二十一日

桐城吳汝綸編錄

奏為遵

旨似滿後啟程赴任現已抵鄂接篆及近日籌辦大略情形恭摺

奏祈

聖鑒事竊臣去冬行抵江南會籌遣撤留防各軍於十一月初十

日會疏馳報並懇

賞假一個月就便回皖掃墓自親欽奉

諭旨俯如所請賞假回籍惟兩湖地方緊要亟須該督前往控制

一俟假滿迅即起程赴任以重職守等因欽此仰沐

天恩高厚體恤下情感激涕零愧無以報臣與江蘇督撫臣商籌

兵餉布置各事礙有頭緒即於十一月下旬由江甯順往廬州原

籍祭掃先坐臘月間至安慶省視臣母隨即在皖度歲臣部裁撤

各軍如道員段詰所帶勦字營提督張樹屏所帶樹字營陸續籌

發欠餉分投遣送至臘杪方克竣事臣就近督率照料勇丁皆安

靜回籍徐州宿遷一帶聞有游匪滋擾經留防徐境之提督吳長

慶會同徐州鎮道嚴擊數人正法冬防甚為肅靜督臣馬新貽以

沿江空虛商調段詰裁勦勦字五營移紮揚州以資控扼皖境蒙

毫穎壽等處降眾散勇回籍頗多署撫臣吳坤修督飭分防皖軍

會同地方文武撫綏巡緝亦甚靖謐江皖交界夙稱盜藪現留各

營分駐要地彈壓巡防馬新貽等熟悉機宜相機調度臣嚴飭留

防將領平時則勤苦訓練有事則恪聽指揮可無回顧之慮屈計

正月初開假期已滿亟應遵

旨迅速赴任因於本月初十日由皖啟行適有江蘇輪船解餉之

便附搭兼程即於十六日抵湖北省城十九日准前署督臣郭柏

蔭將湖廣總督關防及

王命旗牌文卷等項委員齎送前來臣當即恭設香案望

闕叩頭謝

恩祇領任事伏查湖廣當南北水陸之衝鄂省尤上游樞紐之地

本境留防勇營尚多郭柏蔭等正擬分別遣留惟各營積欠餉項

至二百餘萬加以京協各營餉入不敷出籌補為難勢不能驟行

遣撤惟有向商郭柏蔭次第騰挪妥籌辦理臣前經奏明隨帶所

部郭松林周盛傳裁勦馬步隊及親兵鎗礮等營來鄂藉資鈐制

現已檄調分起拔往擇要布扼所有湖南北兩省籌兵籌餉察吏

安民諸務自當逐一講求與各撫臣實力商辦以期仰慰

宸廑除循例恭疏

奏伏乞

皇太后

皇上聖鑒訓示謹

奏

假滿起程抵鄂接篆日期及近日籌辦大略情

陝州糧臺請獎摺 同治八年三月初七日

奏為陝州糧臺歷年出力人員酌請獎茶摺具陳仰祈

聖鑒事竊查同治五年冬間兩江督臣曾國濟

奏准設立陝州糧臺檄委江蘇題補道薛書常辦理劉松山援陝

老湘營轉運糧餉各事聯絡豫秦紳董竭力籌濟嗣張總憲捻股

渡黃流竄直東劉松山緊蹙馳剿該軍糧餉子藥仍由該臺解濟

道路紆遠車驟稀少籌辦極為艱難該地方官紳節次勸捐分投

采買轉運各委員馳驅領解出入險阻皆迅速無誤均有微勞足

錄茲值捻逆肅清中原大定劉松山回軍入陝以後該營餉項業

經會國藩奏明改由湖北後路糧臺彙解其陝州糧臺已飭裁撤

歷年出力人員應酌核請獎由該臺分別開單請

奏前來臣細加覆核尚無冒濫謹繕具清單仰懇

恩慈俯准以示鼓勵所有陝州糧臺事竣請獎緣由伏乞

皇太后

皇上聖鑒訓示謹

奏

奏

籌解西征軍餉片 同治八年三月二十五日

再陝甘督臣左宗棠西征軍餉自同治六年二月始由湖北協銀

二萬兩疊經隨時撥解本年二月間又奉

旨每月添撥銀四萬兩欽遵轉飭遵辦在案伏查去臘前督撫

臣會奏籌議協撥西北軍餉摺內聲明湖北歲入各項除酌留本

省用款及解左宗棠軍餉二十四萬外其可以協濟各省者不及

三十萬兩茲奉添撥四十八萬核計不敷之數將及二十萬兩量

入為出實有萬難周轉之勢現存鄂軍月餉尚須十三四萬兩楚

北界連秦豫游勇會匪時虞竊發自應酌量遣留且水陸四十餘

營積欠一百餘萬亦非一時所能籌款散遣今正以來臣先後飭

裁開化和勝明勝等營籌發新陳欠餉三十四萬餘兩已屬支絀

萬狀而陝甘軍情正緊此項奉撥協餉尤為刻不容緩茲於無可

籌措之中先行酌撥銀三萬兩於三月十八日飭解陝甘後路糧

臺交收轉解由湖北軍需局司道具詳請

奏前來除分咨查照並飭將其餘應解協餉趕緊籌湊俟有成數

源源委解外附片具陳伏乞

聖鑒謹

奏

奏

奏

奏

奏

奏

奏

奏

奏

奏

奏

奏

奏

奏

奏

劉銘傳所統 陸見州 同治八年四月初九日

奏為遵

旨催令直隸提督劉銘傳來京

陸見迅赴本任據情懇懇恭摺仰祈

聖鑒事竊臣於上年十二月開營奉

寄諭著傳知劉銘傳即行來京陸見迅赴本任等因欽此當即欽

遵轉催該提督刻日治裝北上復經兩江督臣馬新貽署安徽撫

臣以坤修先後傳催去後本年正月接據該提督覆稱銘傳於同

治三年圍攻常州府城頭受鎗子傷口逾寸其時裹創督戰失於

調護遂得頭風之疾每三五日一發發時頭暈欲絕江蘇肅清後

會屢次請假調養嗣因捻逆猖獗事機緊急奉檄北征數年來追

逐奔馳月無暇日直至東捻任賴等股撲滅始得乞假三月旋以

張總愚竄擾畿南遵調到營賊平後復請假就醫滿擬調理痊愈

即行趨赴

闕廷仰聆

聖訓藉抒犬馬依戀之忱况又疊奉傳催亟應力疾星馳就道乃

數月以來延醫診治據云積勞太久氣血兩虧陽分受傷風入腠

理必須追風和血理氣之劑由漸而治峻補未可驟施午夜焦思

病轉加劇伏惟銘傳以驚鈍庸材受

恩深重捐糜頂踵難報

高厚鴻慈但自顧力微精疲到任不能整頓營伍治軍不能振奮

志氣軍中紀律成之數年而非易廢之一日而有餘儻以病軀從

事誠恐貽誤大局上負

朝廷益滋罪戾萬不得已籲懇

天恩暫緩

陸見俯准開缺並乞寬假調理如蒙

俞允則銘傳戎馬餘生之日均出自

君父生成怙冒之恩一俟病痊當即來京泥首

宮門聽候錄用等語呈請轉

奏前來臣以該提督年力正強屢蒙

聖主不次之擢分應馳驅盡瘁即傷疾偶發亦須於

陸見後再行懇

恩賞假調理臣仍諄切面催並一面專弁邀請該提督力疾由水

路來鄂熟商乃於接見之時觀其氣色如常而精神恍惚言語暴

急自謂不堪軍事臣勸其力疾由上海水道赴京藉可調養奈因

頭暈畏風不能航海敦促再四勢難速行該提督復回安徽六安

州就醫臣猶冀其醫治速愈早日就道昨又接其來書據稱春季

肝陽上升病勢增劇必須靜臥深山屏絕人事或可漸冀復元並

堅求奏請開缺給假調理情詞極為懇迫臣何敢壅於上

聞可否仰懇

聖恩准其暫開直隸提督本缺抑或

賞假數月俟該提督病體稍愈再催令來京

陸見之處仰祈

聖明裁示至銘傳馬步萬餘人業經督臣會國藩

奏准為畿輔護衛之師該軍將領素尚得力保升按察使劉盛藻

勤慎勇敢練兵有法諸將素服其廉正委令暫行接統不至敗壞

軍規如劉銘傳病體就痊等即促令赴京後回營統率否則應

請由直隸督臣會國藩隨時察度遣留所有遵

旨轉催劉銘傳據情代

奏各緣由謹繕摺由驛具

奏伏乞

皇太后

皇上聖鑒訓示謹

奏

奏稿十五

七

派隊分防荆子關片

同治八年四月初九日

再臣欽奉三月初十日

寄諭綏德變勇現經官軍進逼難保不乘隙逸出荆子關一路為

豫楚交錯之所著李鴻章酌派兵勇迅赴該處會同王萬釗之兵

實力防範以備不虞等因欽此仰見

聖謨廣運洞燭幾先曷任欽服臣蒞任後熟察形勢以襄陽一帶

壤接豫陝實為中原樞紐北路咽喉現值西陲用兵襄樊尤當衝

要不可無重兵鎮扼二月初旬即檄調記名提督譚仁芳統帶所

部仁勝軍馬步十一營由黃安拔赴襄陽聽候調遣嗣聞陝西高

連陞之軍潰於宜君劉松山所部變於綏德恐有潰匪游勇乘隙

南趨又飛飭譚仁芳酌撥營進紮光化縣之老河口先固鄂西

門戶並躡看上通荆子關之路相機策應三月中旬疊接陝軍探

稟知宜君綏德兩處變勇均經官軍分投剿捕事勢大定惟防範

不可不嚴欽奉

諭旨飭派兵越境協防當又檄飭譚仁芳督率全隊移駐老河口

就近抽撥兩營分駐荆子關以扼隘口緣荆關地勢險狹糧運難

籌萬一豫邊有警則老河口派隊馳援聲勢較為聯絡仍飭譚仁

芳與南陽鎮總兵王萬釗隨時會商接應所有遵

旨派隊分防荆子關並籌扼鄂省西北門戶緣由謹附片由驛覆

陳伏乞

聖鑒謹

奏

盛軍與少拜寺民仇殺刑 同治八年四月初九日

奏為查明唐縣少拜寺民與營勇互相仇殺一案緣由及先後辦理情形恭摺陳仰祈

聖鑒事竊臣接准河南撫臣李鶴年咨會七年十二月十六日准兵部咨開內閣鈔出十一月十四日奉

上諭李鶴年奏帶兵大員縱勇殃民請飭查辦一摺甘肅涼州鎮總兵周盛波上年帶勇在河南南陽一帶追剿捻匪縱令所部馬隊駛至唐縣所屬之少拜寺搶殺難民輒因若民開礮抵禦復

縱勇逞凶鎗斃團丁多名破若而入肆行殺掠以致民人婦女受傷身死及畏辱自盡者百數十人實屬犯法已極周盛波著先行革職並著李鴻章將該總兵從嚴參辦不得稍涉寬縱一面責令將滋事弁勇按名交出從重懲辦以肅軍律餘著照所議辦理該

部知道欽此恭錄咨會前來並准刑部咨同前因臣欽奉之下仰

聖主禁暴恤民整肅戎行之至意敢不嚴查懲辦以肅軍紀惟查此案臣先於同治六年五月據統領盛軍遇缺題奏提督周盛波稟稱五月初二日山唐縣少拜寺東北一路追賊大隊緊蹙賊尾

輜重隨後相隔十餘里行近少拜寺時該營突出匪民數百人開放鎗礮抄截輜重將營官副將楊安典擊傷並傷斃弁勇數十人

不得已破若排隊拒護方能進發查行軍以輜重為根本若前敵見仗後路輜重被若截奪關礙甚鉅等情當經批飭該統領嚴查

弁勇有無滋事一面咨照撫臣李鶴年轉飭查辦旋准該撫臣咨

據唐縣知縣錢德昌稟稱周營兵勇於五月初二日行過少拜寺

將若攻破殺傷一百餘名等情復經臣嚴飭該統領周盛波查究

滋事弁勇嚴擊正法並將該營官呈明參辦去後該統領以若

民逞凶先傷營官為詞以兵民互有殺傷各執一詞必有起釁

根由非確切查明懲辦不足以昭平允當經咨商該撫臣與臣各

派委員會往確查李鶴年即委河南候補知府李在銛與臣處委

員候選知府邵增會同馳赴唐縣查辦臣又酌撥銀兩飭委將該

若被害民戶妥為撫恤嗣據委員李在銛等稟稱遵即馳至少拜

寺查明查暗訪查得五月初二日賊由唐縣境內北竄盛營緊蹙

賊後經過少拜寺若外當時兵賊難辨該若見有馬隊誤認官兵

為賊當即開礮打倒兩馬一人不意打倒之人即係盛營後隊

營官楊安典時該哨弁勇因見營官受傷當即施放鎗礮攻進若

牆計傷亡男婦大小一百三十六名口受傷成廢者十一名現經

分別撫恤民情業經安靜所有盛營兵勇傳聞亦有傷亡其姓名

人數在該處無從查訊又偏訪當時統帶盛營之周盛波曾否在

彼喝令據該若戶等供稱未見周營親軍旗幟不能指實等情又

傷營官周載輜重該弁勇雖救護情急亦不應擅行動憤以致互
相攻擊傷斃多命即查擊把總戴長安業已登時脫逃一而將勇
目任傅芝張起元二名當眾正法並派弁分路密擊業於十二月
初四日在濟甯地方將戴長安擊獲正法盛波雖在前敵而部下
後隊倉猝滋事皆自難辭應請從嚴參辦等情呈報前來臣仍傳
集周盛波暨該營官等赴臣行營面詰矢口不移正擬奏咨參辦
聞適張總憲捻股竄擾畿疆盛奉
嚴旨飭督兵赴援當以周盛波所部素稱驍勇檄調隨征兩請
李鶴年會奏辦結自臣赴直後軍務倥傯馳無暇是以未及專
奏茲奉

旨飭令從嚴懲辦毋敢稍有徇隱臣查此案少拜寺若民誤認官
兵為賊先行開礮致傷營官釁有由起遂致互相仇殺彼此均多

奏稿十五

傷亡核之周盛波所稟與委員李在鈺邵增會同查稟情節大致
尚屬相符盛軍營官楊安典先被若民轟傷倒地該哨弁勇自應
稟候查辦乃把總戴長安輒敢擅自動憤率勇互攻鎗礮齊施致
斃多命事後潛逃希冀幸脫法網實屬罪不容誅勇目任傅芝張
起元助勢逞凶亦屬法所難宥業經該統領周盛波先後查擊正
法應毋庸議已革遇缺題奏提督甘肅涼州鎮總兵周盛波帶隊
在前敵躡賊緊追相離十里以外其後隊弁勇倉猝滋事實屬照
料不及並非縱勇殃民惟究係疏於約束咎自難諉業經革職似
足示懲營官副將楊安典管押輜重猝被礮轟倒地暈絕不甦勢
固無從彈壓嗣經親驗傷痕甚重醫治年餘尚未復元惟有帶
隊之責事前失於防範亦有應得之咎可否請
旨將副將楊安典即行革職其餘隨同施放鎗礮殺傷若民之各

勇丁因見營官受傷深重正在驚惶把總戴長安等復挺身一激
惟知將與卒義當共命遂忘兵與民不宜相仇究竟何人下手殺
傷何人其時前偏賊氛後顧輜重心慌意亂手雜人多彼此均難
確指且若民殺傷百餘人而弁勇傷斃亦三十餘人內有職官多
名周盛波並已將起意為首之戴長安任傅芝張起元等三犯查
擊正法該軍益知敬畏恪守營規踴躍敵愾於成功其調往直
境以後所至整肅並無閒言應請免其查究理合將少拜寺若民
與營勇互相仇殺緣由及先後分別辦理情形恭摺據實覆陳伏
乞

皇太后

皇上聖鑒訓示謹

奏

奏稿十五

十二

查覆李榕參案摺

奏為遵

旨督飭兩司將暫革藩司李榕被參各款確切查明據實覆陳并
變通勸辦米捐恭摺仰祈

聖鑒事竊臣等欽奉同治八年正月三十日

寄諭李鴻章奏遵查湖南藩司李榕參案先行覆陳大概等語已

明降諭旨將李榕暫行革職聽候查辦矣李榕用優伶翠喜為家

丁業已確鑿其有無縱令攬權詐贓及挾妓買良冤抑屬員苛斂

殃民等款均須徹底根究至米捐如何騷擾以致輿情不協尤當

秉公嚴辦本日已照李鴻章所請令王文韶馳往湖南督理藩篆

即著李鴻章劉峴督飭該員及臬司李廷楨將李榕被參各款確

切查明據實具奏毋稍含混優人翠喜現在湖南著劉峴派員密

速查擊交地方官管押聽候提訊毋任脫逃等因欽此臣劉峴遵

飭文武各屬嚴密查擊翠喜務獲於二月二十一日附片覆

奏在案臣李鴻章遵飭王文韶由湖北隨帶委員馳赴署任會同

臬司李廷楨按照原參各款徹底根究確查稟覆茲據查明有與

原參相符者有與原參不符而事出有因者有實在查無其事者

如原參假公濟私一款李榕提庫銀三千兩於藩署造戲臺後花

園添房屋藉修庫報銷等語查湖南藩庫及署內屋宇自前藩司

周頌修理之後年久均各磨損七年三月李榕將銀庫籌款修完

續將署內東偏房屋并客廳舊有之戲臺一律修復實用銀三千

兩與原參數目相符調查案卷係動支庫存周頌任內修署贖銀

及歷年捐案內零星不敷請獎應歸外銷之項尚非藉銷正款署

內西偏後花園舊址查僅破屋數椽並未添購新屋又原參挾優

款內優伶翠喜久在省城演劇李榕用為管庫家丁改名陳升又

名陳玉庭入款淨收平餘出款勒索領費包批包准恣意招搖一

節查翠喜即陳玉庭江西萍鄉縣人先在南省演劇屬實後改名

充當長隨服役不止一處詢據李榕聲稱同治三年在安徽建平

營次收用家丁陳元即陳玉庭並非陳升嗣由湖北臬司升任湖

南藩司派令管庫七年八月遵撫院面諭撥逐出署先時實不知

伊曾為優伶詢以出入浮勒包攬招搖各節據稱亦未聞有此等

情事又據現獲翠喜之妻陳傅氏供稱翠喜赴江南投營已通飭

嚴拿獲日另行究辦至原參仁和班之瑞蘭永和班之春生泰和

班之高十並在署改名服役一節湖南省城現無永和班名目泰

和班原有春生並高十其人久已不知去向人和班即仁和班之

瑞蘭於同治六年六月出班傳據各該管班趙雙福張華炳等供

悉前情提訊藩署宅門人役劉漢卿等僉稱七年八月李榕之母

生日泰和仁和兩班進署演劇各一日此外並無戲班人來實未

見瑞蘭等進署充當家丁又原參挾妓款內李榕將後花園新構

房屋令翠喜攜資樓止今年三月翠喜將大麻園新開妓館之周

七家妓女周三引入署內等語查訊翠喜即陳元之妻陳傅氏供

稱同治四年十一月嫁與陳元為妻六年十二月陳元始將該氏

帶至南省賃屋居住七年四月李榕之母到湘該氏曾進署叩見

本年二月遷居巴陵縣鄉間經縣獲案從前陳元充當藩署家丁

時該氏並未在省棲止藩署宅門人役供亦相同又傳訊先在大

麻園賣唱周七之妻雷氏供稱伊媳周王氏又名周滿實無妓女

周三周滿亦未出入藩署提訊該門役劉漢卿等均稱實無其事

又原參家人求索款內去年十二月遺翠喜往湘潭買妾託言密

查事件詐索知縣羅才衍銀四百兩等語查湘潭縣知縣羅才衍業已病故傳據該故令隨任之子廣東知縣羅德輝供稱隨任湘潭經理銀錢帳目有年並未聞見翠喜來署同治六年十二月並無被人索詐銀兩之事復委隨員前往密查亦實無翠喜往湘潭買妾詐索的據羅才衍平日官聲頗稱廉正應不致苟且貪緣又原參買良為賤款內稱李榕買湖南候補縣丞張凱勳之姪女為妾查張凱勳係湖南已革候補巡檢陝西朝邑人同治七年八月病故伊子從九張汝霖與眷屬寄居湘省飭傳赴訊先據李榕聲稱嫡配於同治四年十月病故六年在湖北臬司任內經親友楊華軒媒訂張凱勳之姪女為繼室十一月接任湖南藩司十二月續娶過門因迎養其母尚未抵湘未會賓客七年四月迎母到署始拜見成禮等語質之張汝霖供稱伊已故胞伯前署廣西蒼梧縣典史張象吉只遺一女幼依伊父張凱勳教養六年八月經伊父熟識之四川人楊華軒媒訂伊堂妹為李榕繼室十二月迎娶過門再三歲詰不移是李榕所娶張氏係屬繼室並非買良為妾又原參藉差擾民款內城步縣屠戶願以官價求當縣差欲令城鄉屠戶幫費斂錢經縣批駁意主杜弊不知何以越稟藩司批准等語查城步縣祭祀豬羊向歸各屠戶領價采買各署日用豬肉亦有官價同治六年因案詳撫院批飭將官價積弊禁革該縣知縣盛錕源復以屠戶願照原定官價供應請示先經李榕批准每斤照原價加給錢十文究未明晰駁斥旋經撫院駁批永遠禁止李榕亦轉行禁革在案又原參免加屬員款內善化縣知縣張培仁上衙門時言語觸忤翠喜撤任一節查張培仁於同治六年冬間片有差使卸事並非撤任現署平江縣事查據覆稱南省院

司衙門日期向係按辦公同議員並未見過翠喜無由言觸忤又原參因公科斂款內委員知州梅震榮查驗湘潭牙行令各行捐換牙帖除定例捐項及書吏紙張銀一錢外各索銀八兩人已又勒令各出錢二十四千文以二十千解交藩署四千入已等語查已革知州梅震榮奉委查辦湘潭牙行稟請酌定丁書紙筆辛工等費經李榕批准訊據梅震榮供原稟每帖繳錢二十四千文即由領帖者向各書吏自行開銷並未解交藩庫至每帖繳銀八兩係各行舊規均交團防局充公從未繳縣委無勒索入已復委隨員往查並會同該署令呂汝鈞摘傳行戶張全福等供稱每帖加銀八兩錢二十四千文外並無花費傳訊團董劉華英與承烈稱上年九月梅革員會交付銀六十四兩為本地團練用款並攜呈案卷查核相符又原參縱屬吏殃民款內梅震榮署湘潭縣事查驗茶行牙帖合例應開者出錢一千串其歇業繳帖之郭新茂一戶除將帖銷外掌責二百罰錢五百串等語查梅震榮親供湘潭茶行十三家現開七家歇業六家該行立一金英堂公所歇業之帖均收質堂內每年每戶各給錢二百五十串由現開者公同派出據管堂之謝雲喬供押過一年者四家共得過錢一千串該四戶有已故及外出者無從指詢經手人願如數繳出惟郭新茂一戶帖押兩年共得過錢五百串屢訊狡展經梅震榮與前湘潭縣羅才衍將郭新茂掌責十五板嗣該行戶繳錢五百串彙同謝雲喬所繳之一千串併解藩庫無向合例應開之戶出錢一千串情事調核案卷湘潭生員羅蕙芳等以謝雲喬管理金英堂故帖夥充倒騙客帳控經李榕於同治七年正月委梅震榮會縣查辦核與梅震榮供情相符復據隨員往查會同該署縣呂汝

鈞傳訊現開茶行之股協泰胡正瑞等稱無積端清案情弊檢呈
縣卷覆核無異款帖不繳私賣錢文跡近別充有干例禁因歇業
各戶外出無從著追謝雲喬係經手之人應令賠繳郭新茂既不
繳帖復逞刁狡展薄責示懲似無不合繳款均已解司金英堂公
所並已裁革至原參梅震榮署湘潭任內王姓兄弟許告一案被
告罰錢八百出原告中證各罰錢二百串一節查梅震榮供王桂
嚴王盡臣王敬亭同胞兄弟積嫌互訐戶族中證僉稱同室操戈
厥刑維均不敢偏袒該原被告知愧悔情願自贖共捐錢一千二
百串交城防團局充公局紳經手支銷並未繳縣等情查潘泉兩
署俱無該縣詳報科司王桂嚴等錢文充公之案飭委隨員前往
湘潭會同該署令呂汝鈞卷查同治七年四月該民人王桂嚴之
弟盡臣以桂嚴服中娶妻報經該戶族王國瑞等赴縣具呈遂彼

奏稿十五

此互控梅震榮訊係尋常細故王桂嚴等自知不合情願捐贖自
贖該戶族等亦代乞恩王桂嚴繳錢八百串王盡臣王敬亭各繳
錢二百串交團防局充公傳據局紳劉華英等稱如數收清彌補
減糶穀價不敷成本並團防經費及修理衙署之用開呈收支清
摺與梅震榮所供尚屬相符又原參收支留難款內沅陵縣知縣
以地丁撥解軍餉前藩司批准該縣於銀兩解清後稟報李榕
查核翠喜需案未遂欲將批稟追回駁斥待索取平餘領費始得
無事一節查南首應付各營糧餉概由軍需總局籌解各前藩司
任內俱無批准指撥地丁解餉之案李榕任內亦無沅陵縣具報
撥餉之稟提訊各房書吏僉供無被翠喜勒迫駁斥之件至原參
宜章縣應領銀一千餘兩已批入堂期單內屆期持領到庫翠喜
捏稱印領未到竟請扣除下次始行給領一節查前署宜章縣知

縣趙森應領墊放同治六七年宜章營兵米穀價除照例核打減
平外每年實發庫平銀五百三十四兩零七年閏四月十三日十
二月二十三日前次堂期均經李榕於發銀簿內蓋章支放檢查
庫簿俱如期給領傳到該縣領銀家丁張成供稱無異並無因印
領未到扣除下次發給之事庫吏供亦相同又原參家人聽許財
物款內告病知縣嚴升偉有遠年軍需領款銀一萬餘兩其家人
私許翠喜每萬兩給銀四千兩一節查告休知府嚴升偉前在湘
潭縣任內有承辦軍需核准報銷銀二萬二千五百餘兩並未給
領照章作捐請獎惟在芷江縣任內有年額應領墊辦綠營兵米
穀價祭祀驛站等款銀八千六百五十餘兩並非軍需款項李榕
任內疊據該守請領七年六月酌發穀價墊款庫平銀二千九百
四十一兩零詳經督撫批准給領前據嚴升偉稱並無應領遠年

奏稿十五

軍需墊款一萬餘兩其前領墊辦兵米穀價庫銀二千九百餘兩
係屬應領款項實無私許翠喜銀兩之事至原參已故知縣陳秉
鈞領款八百兩家丁許給翠喜銀四百兩一節查已故永綏廳同
知陳秉鈞有應領各年養廉公費祭祀役食等款銀一千九百八
兩零據該故員之子陳鵬圖稟奉撫院批司核給經李榕酌發庫
平銀五百二兩零提訊該家丁周升亦稱無許給翠喜領費銀兩
之事又原參監臨勢要囑託公事款內稱知縣喬宗嶽家丁為主
人買一縣缺託蔡姓辦理許給翠喜銀四千六百兩銀票付訖嗣
經蔡姓出首藩署賣缺清單各缺銀兩俱有定數發交長沙府審
問李榕授意長沙府承審官不准供出翠喜並諭以蔡姓作為瘋
顛了事等因查李榕發委長沙府孫翹澤辦蔡輔臣指搗撞騙
一案先經李榕訪聞旋據候補知縣喬宗嶽家丁陳炳具呈並非

蔡輔臣出首經李榕仿令孫翹澤研審懲辦在卷行據上變知
府孫翹澤以督同發審委員訊問蔡輔臣原係伊叔蔡聘初教
令撞騙詐贓並未供有濟署家丁通同索詐及蔡喜知情同場屢
於衙參奉李榕嚴諭飭縣訪拏逃犯研究確供並未授意不准供
出翠喜該犯蔡輔臣在押患病並非瘋顛李榕亦未諭令作偽瘋
顛了事提訊蔡輔臣並具呈之陳炳隔別研審據蔡輔臣供認聽
從伊叔蔡聘初教令撞騙並有龍小殿田國興等商同圖利賊未
入手被訪拏獲陳炳亦供認被騙未成實未付給銀票伊主裔宗
嶽奉差在省並未告知旋即赴司呈首實無辜通同說合之事
蔡輔臣亦供未呈有各缺銀數清單加以刑嚇矢口不移又原參
麻維緒署理善化縣事與撫臣意見抵牾一節查同治六年十二
月善化縣張培仁另有差使卸事該縣繁要首邑例得揀員酌量

奏稿十五

九

委署麻維緒係前署撫臣文格奏准暫緩引
見留省差委之員例准揀委代理經李榕稟商撫院詳奉批准並
無抵牾至原參督藩局委員沈鎮正在清釐積案藩司忽委辦米
捐經臬司婉商而藩司欲將沈令詳參激臬司告病一節查補用
知縣沈鎮先在督藩局幫辦京控案件嗣經藩司委赴龍陽縣勸
辦米捐係因該員曾署龍陽縣人地熟悉起見應聽委辦至臬司
具稟告病實因偶值抱恙蒙撫院諭留病痊仍即供職彼此並無
意見又原參米捐一節委員紳數十輩各帶鄉勇幾如餓虎出林
茶陵州譚姓以被勒自盡瀏陽縣以捐項協拏傷勇丁四人皆成
於藩司之不體人情等語查湖南原設捐輸局勸捐濟餉嗣因安
徽貴州陝甘等省均在湖南設局勸辦章程清雜撫臣先後
奏奉戶部議准裁撤鄰省捐局專歸湘捐仿照湖北捐米章程分

成撥解陝甘等省軍餉經李榕詳委官紳分投勸辦茶陵州米捐
係委候補知縣鄧錫元會同署知州梁葆頤委紳譚宗亮等勸辦
已有成數梁葆頤交卸解餉進京鄧錫元銷差在首就近傳詢據
稱會辦茶陵米捐係勸股實富戶量力捐輸並無抑勒及偏斃人
命之事又札據代理該州張玉森覆稱該州米捐實無偏勒自盡
之案張玉森並非當日會同勸捐無所用其迴護至瀏陽縣尚未
委員前往開辦米捐自不致因捐拒傷勇丁飭據該署令錢紹文
覆稱七年八月訪得奉文飭拏之匪首曾嘯才潛匿江西分宜縣
屬洋橋地方經瀏陽團紳劉德謙帶團前往誘獲分宜鄉民截奪
爭功致將團勇黃道洪等毆傷稟經軍需局詳咨江西撫院轉飭
拏辦在案此事亦與米捐無干自係傳聞之誤以上各款按照原
參或詳查案卷或確訊供詞或委員密訪虛實有無均無遁飾由

奏稿十五

十

署湖南藩司王文韶湖南臬司李廷樟詳細稟復前來臣等逐款
覆核秉公擬議內如假公濟私一節湖南藩署屋宇年久半多倒
塌李榕動支雜款銀三千兩量加修葺事屬因公並非藉修庫為
名起蓋花園房屋報銷正項惟修復原有戲臺完局可省之工估
計工料用銀二百十五兩殊近口應令如數賠繳歸款又信用
優伶翠喜為家丁一節經臣等先後查訪業已確鑿李榕亦認在
建平軍營收用直至數年之久向稱不知其曾為優伶及臣劉峴
諭令驅逐李榕並不窮究其招搖之端嚴治其欺朦之咎僅止擄
逐出署以致人言藉藉核其情節雖與挾優微有不同究非尋常
失察可比又藉差擾民一節城步縣祭祀豬羊官價業經臣劉峴
批示禁革該縣盛益源猶以屠戶情願應差請示實屬荒謬該員
已於上年大計案內參劾應免置議惟李榕先批令照原價加錢

十文亦屬不合又因公利斂縱屬吏殃民二節知州梅震榮委
查湘潭行帖每帖一張繳團局公費銀八兩向係歷來舊規至二
十四串一款無卷可稽其為各書吏取用可知事久人多疑免追
繳惟梅震榮擅增例外陋規李榕不應遽行批准其查驗茶行牙
帖罰錢充公一事實由奸商朋充有違例禁原辦尚非苛刻至梅
震榮於湘潭王姓兄弟許控一案所罰之錢雖由團紳經收並非
侵蝕入己惟究未詳報上司咎有應得該員業經臣劉崐歸入甄
別案內

奏參革職請免再議又如監臨勢要囑託公事一節李榕發審察
輔臣撞騙未成之案實係先行訪聞後據裔宗嶽之家丁陳炳投
首發府究辦並非蔡輔臣出首亦未呈有實缺銀數清單其陳炳
被騙之時雖有許謝空言並未付過銀票提訊各供實無辜喜在

奏稿十五

場原審之知府孫翹澤亦稱李榕無授意不准供出翠喜及以蔡
姓作為瘋顛了事之說應與出差在外不知家人被騙之知縣裔
宗嶽均免置議惟案關刁徒指稱打點使用名色雖賊未入手必
應懲辦現已行飭嚴拏在逃之蔡聘初等獲日訊明究擬其餘各
款或事出有因或查無其事應請均無庸議惟翠喜乃此案要犯
以先在湘省演劇之伶人改名投充家丁李榕信任管庫該優伶
敢於始終隱瞞復不知斂跡以致伊主身帶物議未便以查無攬
權案詐實據稍事輕縱該優伶果否赴江南投營殊難憑信現仍
分別咨行查拏務獲按律嚴辦至暫革湖南布政使李榕由主事
從軍沔膺顯秩受

恩深重宜如何正己率屬愛惜聲名乃用優伶為家丁始終被其
朦蔽於上司批示禁革之件任意率准於屬員妄定陋規罰錢不

報等案漫無督察米捐係藩司主政雖查無因捐備命及拒傷勇
丁之事而員紳過多租捐畸重輿情實多不協惟李榕平日議論
頗知講求愛民在湖南藩司任內操守尚好為官紳所共諒臣等
亦不以一言盡沒其為人業經革職應否無庸置議伏候

聖裁再湖南米捐舉辦之初曾有按租之議究之殷實商民量力
輸將半屬無租可按員紳並委人情不一議論多歧李榕又自視
過高悞諫遠眾其未協輿論未始不由於此伏思勸捐濟餉原屬
不得已之舉苟章程未善任用非人苛細騷擾之弊誠所不免自
應體察情形酌量變通辦理現已將分赴各屬之省委各紳概行
撤回其捐有成數之湘鄉醴陵衡陽清泉道州等十九州縣並飭
委員一律銷差即由地方官按數催繳以歸簡易現在按黔喫緊
餉源日絀不能不借助民捐所有各屬尚未捐齊及向來捐數較

奏稿十五

多此次尚未開辦之長沙善化湘陰湘潭瀏陽等縣仍責成地方
官會同委員酌舉本地公正曉事紳士妥為辦理但論有力無力
不論有租無租總期民樂輸將官無勒索於餉事有益亦於民
力無傷臣等仍督飭司道隨時考察如查有苛派擾累等事即行
據實參辦勿稍姑容所有遵

旨查明暫革藩司李榕參款並變通勸辦米捐各緣由合詞恭摺

奏伏乞

皇太后

皇上聖鑒訓示謹

奏

潘鼎新請開缺片 同治八年五月二十二日

再山東布政使潘鼎新去年十月進京

陛見奉

旨發往左宗棠軍營差遣當經該藩司奏懇

恩給假三箇月回籍省親營葬仰荷

俞允在案茲據該藩司稟稱出京後沿途料理營務本年二月始

奉母到籍趕緊營葬伊父窀穸尚未擇定而假期已滿亟應銷假

募勇赴陝無如親母年屆七旬氣體本極衰弱今見子將遠出愁

病益增欲驟然遠去則無以慰母心而久逾期又恐無以對

君父展轉思維惟有仰懇格外

天恩再續假兩箇月俟母病稍痊速即赴營任事惟山東藩司員

缺緊要鼎新既奉

奏稿十五

主

命遠征又因省母葬父疊懇

賞假未使日久曠官應請先行

奏開本缺庶臣子之心稍安等情請奏前來臣查該藩司久勞於

軍茲緣母病續假並請先開山東布政使本缺情詞懇至可否仰

祈

天恩俯准之處理合據情代奏伏乞

聖鑒訓示謹附片具

奏

設局刊書摺 同治八年五月二十日

奏為遵

旨設局刊書隨時頒布以資實學而廣人材恭摺奏祈

聖鑒事竊查接管卷內准禮部咨議擬御史范熙溥奏軍務肅清

省分亟應振興文教請將所屬書院妥為整頓奉

旨依議欽此續又准咨同治六年五月初二日奉

上諭鮑源深奏請刊刻書籍頒發各學一摺等因欽此恭錄行知

均經前署督臣李瀚章前撫臣曾國荃會商辦理省城江漢書院

業已建復舊規照常甄別錄課其外府州縣本有書院之地亦皆

先後興葺次第繕完延師月課士氣蒸蒸嗣於六年十月十五日

開設書局派委候補道張炳堃候選道胡鳳丹妥為經理惟楚省

三次失陷遭亂最深士族藏書散亡殆盡各處書板全燬坊肆無

奏稿十五

主

從購求此次設局刊書祇可先其所急除四書十三經讀本為童

蒙肄習之書業經刊刻頒行各學外伏思

欽定七經

御批通鑑集經史之大成尤為士林圭臬其餘說文選牧合政

治等書亦皆切於日用節訪覓善本次第開雕現在浙江甯

蘇州湖北四省公議合刻二十四史照波古閣十七史板式行數

字數較各家所刻者為精密擬即分認校刊選派樸學員紳悉心

校勘添募工匠陸續付梓一切經費酌提本省開款動用勿使稍

有糜費俟各書刻成之日頒發各學書院並准窮鄉寒儒書肆買

人隨時刷印以廣流傳庶幾禮讓同敦蔚陵默化以仰副

聖主一道同文之至意再前此設局之始各書尚未購齊是以稍

遲出奏合併聲明所有湖北省城設立書局現辦情形理合恭摺

具奏伏乞
皇太后
皇上聖鑒謹
奏

奏稿十五

五

赴四川查辦事件請 旨摺 同治八年五月二十九日

奏為欽奉

密諭請

旨遵行仰祈

聖鑒事竊臣於五月二十八日承准軍機大臣密寄五月二十日

奉

上諭著馳驛前往川省確查具奏等因欽此跪聆之下悚懼曷任
亟應欽遵束裝就道惟由鄂入蜀往返必須數月臣蒞任以來逐
事講求甫有端緒自愧才力短絀出境後恐不能兼顧本任至臣
所部淮軍除已經遣撤外其隨防鄂省之郭松林周盛傳馬步各
營固須相機調度即留防直東之劉盛藻銘軍留防淮徐揚州之
吳長慶段喆慶勳各營雖已奏歸直隸督臣曾國藩兩江督臣馬

奏稿十五

奏

新貽就近分別調遣該營餉項軍火臣猶派員照舊經理每遇微
發變更事件會同藩等常有書問商推鄂省適中之地聲息亦尚
易通此後赴川相距逾遠更慮回顧不及各軍分防及各局所之
暫留未撤者或有散漫之虞而無收束之日今既奉
命西去臣緊念大局不敢不豫為陳明應否
派員暫署湖廣督篆俾臣交卸後布置稍安即便起程抑或帶印
出省地方口行事件由撫臣郭柏蔭隨時酌裁臣照例檄委藩司
代印代行其緊要公務仍由臣行轅核辦之處恭候
命下謹遵辦理所有欽奉

密諭請

旨遵行緣由謹繕摺由驛五百里馳陳伏乞

皇太后

皇上聖鑒訓示謹

Blank space for the main body of the document, likely containing the text of the edicts and reports.

奏稿十五

五

西擒肅清彙保摺 同治八年六月二十七日

奏為上年勦辦張總愚捻逆全股蕩平中原一律肅清擬分案請
獎先行查明善慶溫德勒克西馬隊弁兵並陸續遣撤馬步各營
及前敵已裁各局所河南山東直隸各團防官紳在事出力人員
遵

旨分別彙保恭摺仰祈

聖鑒事竊上年正月張總愚捻股由晉豫突竄畿南經奉

諭旨飭調劉銘傳善慶溫德勒克西所部赴河北進剿其時劉銘

傳患病未痊臣遵派善慶溫德勒克西郭松林楊鼎勳潘鼎新周

盛波周盛傳各軍分起北上二月官軍四路兜剿備城南趨該逆

渡漳沁河西走各統將分道疾追連次獲捷賊復由滑縣繞竄山

東在平等處驥及津郡各軍節節抄前截剿臣疊商左宗棠崇厚

丁寶楨英翰等就運河一綫分布長圍以圖制勝絡繹湘皖豫東

各軍佐以直東團練嚴密布置該逆竟不能出此範圍五月二十

五至二十八日郭松林周盛傳等由海豐吳橋追剿疊勝六月初

開潘鼎新周盛波吳長慶唐仁廉等並在徒駭河上下擒殺降散

已兆滅賊之基適劉銘傳回營銷假帶隊馳赴前敵會督各軍疊

在濟陽等處迎剿大勝又黃翼升等各水師沿河兜截一無罅漏

仰賴

聖主威福往平大戰一鼓聚殲張總愚淹斃中原一律肅清疊蒙

恩諭准飭查明出力人員彙案請獎當即恭錄行知去後據各統

領及局所地方先後開單請奏前來臣查善慶溫德勒克西馬隊

上年八月遵

旨回京旋即凱撤該軍勦擒最久馳逐最苦其奮勇臨陣一騎一

卒均有勞績此外零星馬步各營隨同立功亦已陸續遣散前敵
轉運采辦各局所解濟軍裝糧餉突圍險不設要需事竣後大
第裁撤城擾豫東直數十州縣鄉團助戰而河防之舉自滄州滅
河至張秋一千二百餘里接築長牆又自恩縣夏津至高唐之馬
頰河劃為裏圍各處紳民踴躍從事不糜一餉巡查捍禦與官軍
一氣呵成卒藉手以告成功皆應先行查明核實請獎謹繕清單
恭呈

御覽可否仰懇
聖恩從優照准以示鼓勵
自上年八月請

觀人部
陸辭後乞假回籍今春赴任途次倥偬未及核辦各處請獎遠近
遲速不等又往返駁查不免有稽時日是以彙奏稍遲現除留

防各省之銘鼎武毅盛傳勳字等營及長江水師後路臺局出力
人員容臣逐細查核續行彙奏獎其千總以下各弁及六品藍

翎等項並照向章造冊咨部核准外所有先行查明善慶溫德勒
克西馬隊並陸續遣撤馬步各營及前敵已裁各局所河南山東

直隸各團防官紳出力人員分別彙保緣由恭摺山驛具
奏伏乞

皇太后
皇上聖鑒訓示謹

奏

奏

奏

奏

奏保何慎修片
同治八年六月二十七日

再四品卿銜內閣中書何慎修經臣於同治六年二月以聯絡前
敵籌辦後路餉運需人奏調赴營奉

旨交臣奉委該員由京到營即准前兩江督臣曾國藩咨商委辦
江蘇牙釐總局為營籌辦餉運督率整頓稽核嚴明實資裨助

該員於道光辛丑年山舉人考取中書京官二十餘載忠孝廉退
砥行力學老而彌篤其條理之精密器識之宏通允為體用兼備

若假以尺寸必於地方民物有濟方今吏治需賢該員年逾六旬
能耐勞苦論其才品內而卿貳外而監司均堪勝任惟原秩較卑

臣未便循例列保可否仰懇
特恩將四品卿銜內閣中書何慎修破格擢用俾得及時自效臣
為人才難得起見伏乞

聖鑒訓示謹附片具
奏

奏

奏

奏

奏

奏

奏

奏

遣撤鼎軍摺

奏為欽遵

諭旨籌撤鼎軍情形現已大致就緒恭摺仰祈

聖鑒事竊臣前奉五月二十五日

寄諭潘鼎新所部勇丁飭即妥為遣散其時該藩司正請續假開

缺侍養在籍所部鼎軍自去秋裁減後尙存鎗礮隊七營六哨交

總兵潘鼎立暫行代統駐防東徐交界之韓莊地方該軍向食東

餉其裁剩各營月餉米價約需銀二萬四千兩東省自上年秋間

每月僅解銀一萬五千兩不敷尙多臣飭蘇省糧臺仍照舊按月

籌解協貼且勦捻以前該營歷年欠餉尙鉅既奉

旨飭令裁遣臣與潘鼎新商該軍出力年久屢平巨寇必須酌

補勇丁新舊欠餉以酬勞勩而服軍心一面咨商山東撫臣丁寶

楨速籌該軍額餉三箇月四萬餘兩提前趕解以後即行截止並

飭蘇省後路糧臺儘力湊撥俾資遣散又慮餉項如不應手或先

籌撤五營暫留若干陸續辦理旋據潘鼎新函稱已照所議轉飭

潘鼎立等俟東餉解到先將籍隸東豫蘇勇丁就近遣歸餘令帶

回皖境次第抽撤臣於由首啟行之時忽接潘鼎立等稟報該營

奉到行知遣散明文東餉尙未解到勇心惶惑六月十五日午後

紛紛向該軍營務處道員萬國順索餉一時倉猝未能答應眾言

不遜齊聲鼓譟經潘鼎立親往彈壓許以必為籌款給發眾乃帖

服因思東餉巨款難以指望惟有帶隊赴江蘇省選縣提督吳長

慶紫營處所就近領取蘇餉並藉吳長慶大軍鎮壓冀稍穩妥即

於二十日帶領全營赴宿復據記名提督吳長慶徐海道高梯徐

州鎮總兵董鳳高節次稟稱鼎軍隊伍已於二十一日安靜抵宿

經吳長慶會同潘鼎立等逐營拊循曉以大義並稟經兩江督臣

馬新貽趕飭糧臺加撥三萬兩徐海道高梯亦先撥借銀兩東省

續撥之二萬兩並已派員迎提計可分起資遣不致再滋事端等

情前來臣疊經飛飭吳長慶高梯等與潘鼎立會商相機妥辦並

嚴飭潘鼎立將為首搶鬧滋事之勇丁查拏正法及疏於約束之

營哨官參辦去後茲於監利石首途次連奉六月二十八七月初

奏為欽遵

諭旨丁寶楨張之萬陳奏各情飭臣傳知潘鼎新妥為安置固

不可操之太蹙亦不可任其橫行仰見

聖明思慮豫防之至意臣又欽遵轉飭分別籌辦伏查丁寶楨續

撥二萬本不敷放又在鼎營韓莊索開以後始行籌解若使就近

早解該軍何至有所藉口惟勇丁藉端勒索竟有搶掠舖戶之事

雖經登時撫定必應查拏嚴辦頃已飭據潘鼎立馳報密查後先

聚眾搶掠之勇目尊萬隆劉懷景高得盛廖采朱得勝五人業於

六月二十五日訊明立在軍前正法以昭炯戒各營咸知畏懼又

續據吳長慶潘鼎立等會稟七月初一日先將鼎字左營查遣接

名給發餉銀派弁分途押送以後擬開日分遣約月半前後可以

肅事等語是鼎軍籌餉遣撤業經辦有頭緒入江境後尙屬靜謐

守法其久戰勇丁籍隸各處亦不盡係皖人吳長慶等已知會各

路營卡並沿途州縣遞為護送俾回籍各尋生業當不至復聚生

事藉可仰紓

聖慮臣仍諄屬潘鼎新留心安置俟遣撤事竣再查明前此未能

約束之營哨官稟請嚴參外所有籌撤鼎軍大致就緒各緣由謹

繕摺由驛覆陳伏乞

聖鑒事

奏為欽遵

諭旨丁寶楨張之萬陳奏各情飭臣傳知潘鼎新妥為安置固

不可操之太蹙亦不可任其橫行仰見

聖明思慮豫防之至意臣又欽遵轉飭分別籌辦伏查丁寶楨續

撥二萬本不敷放又在鼎營韓莊索開以後始行籌解若使就近

早解該軍何至有所藉口惟勇丁藉端勒索竟有搶掠舖戶之事

雖經登時撫定必應查拏嚴辦頃已飭據潘鼎立馳報密查後先

聚眾搶掠之勇目尊萬隆劉懷景高得盛廖采朱得勝五人業於

六月二十五日訊明立在軍前正法以昭炯戒各營咸知畏懼又

續據吳長慶潘鼎立等會稟七月初一日先將鼎字左營查遣接

名給發餉銀派弁分途押送以後擬開日分遣約月半前後可以

皇太后
皇上聖鑒謹
奏

奏稿十五

三

代奏彭玉麟回籍養病摺 同治八年七月十七日

奏為據情代

奏仰祈

聖鑒事竊准前兵部右侍郎彭玉麟函稱玉麟於同治八年二月初九日在金陵具奏交卸水師事宜不敢遽作歸計仍須巡察周妥再行回籍一摺時因咯血舊疾日重先赴江浙就醫三月二十九日奉到二月二十三日

上諭長江水師關繫東南大局彭玉麟於交代後不即回籍擬赴江浙就醫仍回長江周歷勸勉具見悃忱深堪嘉尚該侍郎在江上十餘年氣體日衰朝廷不忍遽拂其意准其回籍等因欽此跪讀之下感泣莫名維時玉麟舊傷痲痲沈痼日深春氣感動咯血更甚服藥總不見效據醫者云病由勞傷過度氣血久虧以致心

奏稿十五

三

動神疲怔忡無主若非屏除人事息心靜養徒藉藥力難以見功玉麟因是不待醫治就痊即於四月下旬由浙蘇折回沂江西上自瓜洲鎮起按營逐次勉勵於七月初四日行抵岳州沿途察看兩月有餘長江數千里仰賴

皇上恩威盜賊斂跡舟楫不驚軍民商賈各安其業雖洞燉之後一時未能復元已漸有昇平氣象接見水師各將弁諄諄勉誠以大義鼓舞以至情亦皆恪守成規巡防勤謹均能上體

朝廷慎重江防專一事權之至意現有提督黃翼升周歷巡查悉臻妥協但使上下一體公不徇私恪遵定章永遠不懈加以時和歲稔斷不至變故忽生上勞

聖慮玉麟近因接對營弁語言過多酬應稍煩氣復上衝時加噤噤體筋骨痛楚莫名兼之右耳重聽右目失明實形委頓儻不

急行調理恐遂成廢人王麟才識庸愚深荷
恩遇初志不惜軀命與兵事相始終今幸東南肅清水陸安晏玉
麟傷疾雖難速愈固無遺恨於心擬由岳州就近回籍如果調理
就痊尙堪驅策斷不敢稍圖安逸自外

生成所有遵旨回籍調理緣由請為轉

奏等情前來查六月中旬彭玉麟道經鄂省臣與接晤病體未
愈耳目衰憊所陳均係實情謹繕摺據情代

奏伏乞

皇上聖鑒訓示謹

奏稿十五

三

川鹽分成派銷摺 同治八年七月二十九日

奏為遵

旨妥籌川鹽行楚體察情形未可遽禁暫行分成派銷恭摺陳

仰祈

聖鑒事竊臣等前准軍機大臣字寄同治七年十二月十一日奉
上諭曾國藩奏請禁川私入楚收復淮南引地當交戶部議奏茲
據該部遵議辦理著即將川鹽行楚章程妥籌停止至曾國藩所
稱准鹽並收鄂釐准銷果暢鄂餉即可加增將來所收鄂釐較之
川稅收數能否不至大相懸殊著李鴻章等體察情形具奏等因
欽此並准鈔寄戶部原摺前來臣查兩湖為淮南引地銷路最廣
曾國藩原奏以楚岸興廢關係淮南大局欲及時力爭圖復舊制
誠為正辦臣同治四五年在署兩江總督任內亦嘗持此議而未

奏稿十五

三

果行去冬山金陵經過馬新貽復以籌禁川鹽諄諄見屬臣方慨
然許之今正蒞任後接見官紳備加訪詢此次由鄂西上所過皆
川鹽行銷地界沿途逐細查察眾論僉符以為川鹽行楚不可遽
禁者蓋有六端請為

聖明縷晰陳之湖北宜昌一帶未經兵亂以前向為川私充斥雖
自巴東以下沿江設卡晝夜巡守而峽江勢若建瓴瞬息百里人
力難施無從堵截荆宜名為淮岸訪之者民百餘年來從未食
淮鹽者自成豐初年設局收稅化私為官商民稱便悉就範圍若
明示停截川鹽既無可權之稅成本愈輕奸販愈多勢必徧地皆
私不可收拾無益於淮而有損於鄂此不可遽禁者一也鄂省施
南一府及長樂鶴峰兩州縣向係川鹽引地歸州巴東又有借食
川鹽之例本不得盡謂之私川省隄為嚴鹽專行貴州近緣黔邊

不靖繞由湖北至湖南常沅永綏入黔若禁川鹽人楚豈能併向
例行楚及應山楚運黔者概禁之耶既不得一併禁止則官私奉
混勢將不可究詰是以上年秋開郭柏蔭奏停票游鹽稅禁止入
楚而於川鹽未敢議及部議以楚省地居四達私鹽處處可通洵
屬瞭然形勢屈飭弁兵協同淮局委員分赴黃德襄蕪等處堵
緝非私路私而地痞梟賊恃為營生往往糾眾拒捕釀成巨案欲
圖疏銷淮鹽不得不遂漸整頓若再堵川鹽川淮並行已久必更
譁然滋事利未睹而害先見此不可遠禁者二也鹽有川淮之分
地有淮楚之別而天下大同總歸於籌餉淮鹽在鄂每百斤共取
課釐銀一兩二錢川鹽入楚每百斤取正加稅及公費錢一串八
百文其數不相軒輊若禁川鹽而川私不可盡堵從前所收川稅
又不能取償於淮鹽

國家每歲徒棄百餘萬之餉爭引地之虛名受虧帑之隱患殊為
不值此不可遠禁者三也鄂省財賦以鹽與釐為大宗川鹽課費
其指款坐撥者每年荆州滿營二十一萬兩有奇戶部十萬內務
府五萬固本京餉六萬荆宜留防水師二萬數千兩皆絲毫不容
短缺此外甘省協餉本省軍餉大半取給即停川鹽而淮銷果暢
淮釐分給數省現擬每引協鄂約及四兩較之川稅收數仍必大
減而本省待用又無可稍減儻淮銷竟無把握屆時月請改撥部
臣亦有為難此不可遠禁者四也川引額派各州縣行銷自行楚
後始不至積壓且於完課外加捐加釐每引一張銀錢併計約六
十餘兩每年改配運楚川省可多得七十萬兩為接濟鄰餉大宗
況聞川鹽行楚井窺細載府至數萬人重慶府販川河緯夫又不
下數萬人此輩皆無業游民易聚難散控議封禁則失業太多後

奏稿十五

毛

奏稿十五

文

患難言想吳棠等亦未敢遵辦此不可遠禁者五也凡民可與樂
成難與圖始鄂省借銷川引將二十年沿江上游食慣川鹽市價
較淮鹽每斤多錢十數文或二十文不等而民皆利之蓋由川鹽
色味俱優價錢隨市起跌故行銷甚暢淮鹽色味俱劣價錢定有
額數故行銷甚滯小民好惡本有極情勢難以日用細故強所不
欲若加迫脅必多擾累此不可遠禁者六也以上數端係目前實
在情形所謂及之而後知履之而後艱臣何敢不
聞致誤大局惟既准部臣與曾國藩等議復舊制仰蒙
聖訓諄飭妥籌又不得不設法遷就疊經函商兩江督臣馬新貽
派員在於荆州沙市設局配銷暫定為川鹽八成淮鹽二成試行
籌辦以期漸減漸復並出示剴切勸諭商民一體遵照如有窒
礙再隨時會商變通辦理以求有濟其川鹽收稅章程仍未便遽
行停止轉滋流弊所有川鹽行銷體察情形未可遠禁暫行分成
派銷緣山謹會同湖北撫臣郭柏蔭合詞繕摺由驛覆陳伏乞
皇太后
皇上聖鑒訓示謹
奏

鼎軍遣撤竣事摺 同治八年八月二十七日

奏為鼎軍遣撤事竣遵

旨查明前在韓莊滋事不能約束之將弁分別參懲並將搶掠為首之弁功先後正法十人恭摺覆陳仰祈

聖鑒事竊籌撤鼎軍大致就緒於七月十七日在石首途次奏

報聲明俟遣撤事竣再將前此未能約束之官弁查明嚴參欽奉

俞旨案先是臣營次檄飭統領宿遷防軍記名提督吳長慶江

南徐海道高梯徐州鎮總兵董鳳高就近會同代統鼎軍皖南鎮

總兵潘鼎立宿遷妥籌遣催令提集東省及金陵後路糧臺

所解餉銀核實散放仍一面密拏為首滋事之犯在軍前正法示

眾並查明疏於約束之管哨官稟請參辦業據潘鼎立等獲首先

糾搶之勇目把總魯萬隆千總劉懷景高德盛廖采朱得勝等五

人立時正法續又據吳長慶高梯董鳳高會同潘鼎立稟稱自七

月初一至十三日止將鼎軍七營六哨勇丁次第點名每人按給

三箇半月餉銀以作川資一律遣撤竣事眾勇分投回籍沿途極

為安靜該提督鎮道等又公同查獲前在韓莊滋事索圍之守備

王得順及滋事勇丁齊光元王有才彭得勝王金南等五人訊明

立在前案示以昭炯戒並查有副將銜補用參將鄭士貴參將

銜儘先游擊卞長勝於所部勇丁未能防範亦屬疏虞稟請核參

等情前來臣查鼎軍前在韓莊緣奉山東撫臣行知欽奉

諭旨轉飭遣撤文到十餘日而東省續解餉餉向未悉奉准若干

勇心惶惑案道甚急該將弁不能善為撫馭致有譁謔搶掠之事

雖經潘鼎立親為彈壓堅允補給眾乃帖服嗣抵宿遷又經吳長

慶高梯等會同逐營曉諭籌款資遣毫無騷擾惟既在東境滋鬧

誠如

聖諭若不從嚴參辦何以申明軍律且何以服韓莊各鋪戶之心

臣營密飭潘鼎新吳長慶等徹底查究該營將弁實無吞餉激

變重情祇因各路解餉未集不敢多允補欠轉以畏葸而生事觀

其移宿遷後籌給三關半餉即已安速撤竣安靜無譁此可見

裁勇撤兵心先寬給餉項乃能約束營規未便惜小費而釀變

也臣平心論事斷不敢稍有徇庇亦不肯遽涉偏苛所有代統鼎

軍之記名提督皖南鎮總兵潘鼎立先事未能慎防咎有應得嗣

能定亂俄頃拏辦滋事弁勇並妥撤就緒尚於大局無礙擬請

旨撤銷記名提督以示薄懲江蘇補用道萬國順在鼎軍帶隊勒

檢會受重傷假歸今春赴營暫營營務當眾勇索餉時因無指項

未敢多許雖為慎重起見究屬無能擬請以知府降補副將銜補

用參將鄭士貴參將銜儘先游擊卞長勝分管哨隊於勇丁滋事

未能鈐制均請

旨革職永不敘用至滋事搶掠之守備王得順首先搶掠之把總

魯萬隆千總劉懷景等並滋事勇丁齊光元等十人業經吳長慶

高梯潘鼎立先後會同查拏立在前案正法示眾亦足伸軍紀而

服人心其餘弁勇均已凱撤回籍自應毋庸置議所有鼎軍遣撤

事竣查明前在韓莊滋事之弁功及不能約束之將弁分別參辦

各緣由謹繕摺由驛馳

奏伏乞

皇太后

皇上聖鑒訓示謹

奏

查覆吳棠參案摺 同治八年十月初三日

奏為遵

旨確查四川督臣吳棠被參各情恭摺覆陳仰祈

聖鑒事竊臣承准軍機大臣密寄同治八年五月二十日奉

上諭有人奏四川總督吳棠荒謬貪汙物議沸騰等語據稱吳棠

眷屬抵川時需用夫驛甚多到任後收受屬員規禮不下十餘萬

金其餘貪缺賣差甚至案及夷人並因需索不遂將提督胡中和

駐防一軍撤散而以所帶副將張祖雲片募之勇為邊防名為節

省實則過之用以調劑私人又數月以來雲南巡撫岑毓英差官

入川計七八次每次必有餽貽為數甚巨貪謬情形不一而足案

關大員婪贓並邊防要務亟應徹底根究著李鴻章馳驛前往川

省按照原參各款秉公確查據實具奏該督與吳棠雖係同鄉不

准稍涉徇隱自干咎戾原片著摘鈔閱看將此由四百里密諭知

之欽此跪讀之下仰見我

皇上整飭官方實事求是欽悚莫名臣當將地方事宜籌布粗定

遵奉

批旨帶印赴川七月初二日自鄂省起程沿途盤經奏報在案九

月十八日行抵四川省城督同隨帶委員按照原參各款逐細研

查徹底根究謹為

聖主一一陳之如原奏所稱吳棠家眷來時用夫三千餘名四轎

一百餘頂酒水門包任情需索每過一站非二三千金不辦一節

提訊吳棠家丁盛貴供稱該督去年九月由京抵任家眷月由揚

州泝江來川行至四川雲陽縣之龍洞灘碾壞船隻即由雲陽登

陸行李仍雇船裝運進省隨行親丁僕從共只五十餘人用大轎

二十四乘內多燒茶行轎又小轎二十七乘連挑擔夫共雇用五

百八十餘名均自行給價惟蜀道崎嶇沿途過嶺向由州縣加備

餘夫拉送約共川練夫一百七十餘名仍月行給賞上下只五十

餘人何至用四轎一百餘頂行李輜重由船運省亦無須夫三千

餘名至州縣致送酒席概未收受何敢需索門包等情反覆嚴詰

矢口不移臣沿途查訪該督眷屬過境並無擾索情事茲據稱上

下僅五十餘人所用夫驛必不甚多惟川中州縣向設有夫馬捐

局由紳董經手收支每有劣紳濫役藉官差為名浮開侵蝕控案

疊累傳言之謊或由斯起又原奏所稱到任時收受各屬員規禮

不下十餘萬金司道中有送以幣帛食物者輒令折銀有多至二

三千金一節當飭在省司道明白稟覆據藩司蔣志章署臬司傅

慶貽署鹽茶道孫瀛成縣龍茂道鍾峻會稟川省歷來總督到任

司道及各屬從無應送規禮吳棠到任並未致送司道等亦未送

幣帛食物更無從聽折銀兩等語臣復傳集該司道面加駁詰堅

稱實無其事又傳督署巡捕府經歷韓貽善再三研訊據供該督

到任時司道並無折送銀兩其餘各屬亦無致送規禮情事只有

藩司備具文批申解公項銀兩等語查督署本有應解廉俸及文

案薪水書吏辛工飯食等銀與規禮不同眾證確鑿似無疑義又

原奏所稱該督飭令首縣造具木桶數十為收銀之用聲言所受

銀兩留為辦公聞已陸續匯兌回籍一節臣飭提督署巡捕韓貽

善吳昶等隔別訊問據稱到任所用器具係歷任移交棹椅水桶

閒有添置並無諭令首縣備辦項桶隻至票號不但無匯兌之

事且無往來之人臣又提首縣辦差家丁訊稱去冬不記日期督

署諭令購辦水桶十二隻此外實無飭送裝銀木桶等情似因署

內飭辦水桶外開遂妄稱為收銀之用又原奏所稱缺賣差甚
至索及夷人一節飭據藩司蔣志章署臬司傅慶貽等稟稱川省
補署各缺歷有例章吳棠到任後因勞績人員過多札司分別減
改歸併將正途勞績捐班按序依次詳委俾漸疏通至各項差使
擇其勤幹耐勞者充辦多由兩司會詳請示賣缺固已無從賣差
尤無是理等語至夷人嗜利動輒勒索官民川省尤甚未聞有能
索及夷人者偏查並無此說原奏又稱吳棠到任未久因需索不
遂昨毗之仇竟將提督胡中和駐防一軍全行撤散而以所帶副
將張祖雲月募之勇為邊防名為節省實則過之一節查據川省
防勦局司道指開胡中和所統湘勇七年十二月八年二月兩次
裁撤二千五百名實因餉需支絀現尚存中左右後四營二千八
分防敘南一帶並非全行撤散如有需索昨毗情事胡中和必實

言不諱飭據該提督稱前議裁時均與督臣往返籌商無人通
傳並無需索情事亦無昨毗仇隙至胡中和湘勇口糧每名月支
銀五兩六錢八分張祖雲新募川勇每名月支銀三兩九錢裁去
湘勇二千五百名祇令張祖雲月募一千名人數既少口糧又減
顯為節省起見所云名為節省實則過之殆不足憑臣又咨詢吳
棠覆稱張祖雲向在清淮徐宿屢立戰功是以奏帶來川半載以
來協同胡中和裁贖四營扼紮邊防尙屬穩固經臣派員覆查無
異原奏又稱崇實派道員劉嶽曙管帶楚軍二千八百人赴滇助
勦川中月餉積欠已多誤信雲南巡撫岑毓英之言楚軍不能得
力竟將月餉停止不解本年已逾四月僅收到月餉一次又不移
此與彼一節臣咨詢吳棠因何停解四月至今曾否續解幾次據
覆稱劉嶽昭前統楚勇五千三百名迨升任滇撫分二千八百人

交其弟劉嶽曙管帶均由川省供支前督臣略乘章任內已欠該
營餉七箇月該督上年九月到任後十月十一月本年二月
共解過劉嶽昭營餉四次計銀五萬六千餘兩上年十月十二月
本年正月三月共解過劉嶽曙月餉四次計銀六萬三千餘兩惟
上年十二月抄劉嶽昭所部尋甸潰後游勇土匪勾結邊境不
靖委員領解未能如期前進並非誤信岑毓英之言停止不解四
月以前而論並不止解過一次其收到較遲亦屬有因劉嶽曙
一軍調往滇省助勦潰逃八百餘人續經吳棠等籌撥銀五萬兩
奏令遣撤是該軍不能得力已可概見至滇撫岑毓英需餉緊急
據吳棠覆稱本年三次飭司先後月撥銀六萬兩交來員領解此
係奉

旨飭撥雲南協餉與劉嶽昭楚軍月餉係屬兩事不得謂為移此
就彼是川省之於滇餉尙屬竭力籌濟何至有欲害滇之心原奏
又稱數月以來岑毓英差官入川計七八次每次必有餽貽為數
甚巨一節臣咨詢吳棠並將滇撫前後來函送閱皆求餉訴苦之
詞計岑毓英委員來川催餉共有三次一係上年十二月派曲靖
府知府蘇長豐一係本年四月派安甯州知州郭時郁一係六月
間派候補同知方桂芳惟蘇長豐初次帶到土產茯苓兩塊普洱
茶十斤吳棠當答以官燕一匣岑毓英函內均經敘及原參或因
此誤會此外並無差官餽貽之說查鄰封督撫彼此餽送土宜藉
以聯絡通好例所不禁亦禮所常有滇省困窮萬狀岑毓英苦戰
解圍恐亦無餘力巨款以餽貽他人也以上各節細釋原參除胡
中和需索岑毓英餽貽尙有可以指證此外並未舉一人一事以

實之乃胡中自稱並無需索卒毓英來而亦無巨數其他空言似可類推惟稱到任時收受各屬規禮十餘萬司道送以幣帛食物輒令折銀多至二三千金及賣缺賣差等情尤屬貪謬重款駭人聽聞爲此案最要關鍵在鄂時遇有川中人至即留意采訪只稱吳棠忠厚廉謹未有議其婪贓者及入川沿路接見府州縣官探問督實未收過伊等規禮又因司道爲全省領袖如藩司蔣志章署臬司傅慶貽人均樸實面詰數次絕無異詞至於賣缺賣差雖至庸下猶不肯爲吳棠自爲江蘇州縣有循吏之目迨府推封圻敷歷數省官聲尙好僚屬皆知何至一旦有此悖謬之舉想在

聖明燭照之中然淨言之所由興則亦有故近年川省官場習氣頗尙鑽營遇有大吏新任多方嘗試稍不如意則編造竹枝詞等

奏稿十五

五

私行散布以譏傳譏使人莫測其從來遠處聞之或因他故微嫌遂至摭拾入

告臣訪聞吳棠履任後廣收呈詞嚴批痛斥派員分赴各屬查禁私設班館飭裁州縣夫馬局捐費多用正途而少用捐班此皆應行整頓之事殊於貪官猾吏不便遂造言騰謗以傾之此等風氣最爲地方人心之患若非

朝廷知人善任力爲主持雖忠賢亦將自危而奸回轉爲得計臣先後接晤在籍紳士前任侍郎薛煥提督鮑超前藩司嚴樹森等僉稱吳棠善政宜民可爲川省造福亟求扶持正人以伸公道臣詳查事實密察輿論該督被參各款毫無證據斷不敢稍涉徇隱自干咎戾亦不敢誤信謠言紊亂是非除川省司道原稟咨送軍機處備查外所有遵

旨逐款確查據實具奏緣由謹繕摺由驛馳陳伏乞
皇太后
皇上聖鑒訓示謹
奏

奏稿十五

吳

查獲川黔教案

奏為欽奉

飭查川黔民教各案先將大概情形並派員赴黔會查恭摺覆陳仰祈

聖鑒事竊九月初八日在四川順慶府途次承准軍機大臣字寄同治八年八月十八日奉

上諭西陽州團民殺斃教民殺斃團民一案著即會同崇實吳榮悉心籌辦等因欽此九月十八日馳抵成都因將前奉

密諭事件逐細查辦未便遽與崇實吳榮會商先咨取全案卷宗詳悉披閱證以途聞所聞大略相同除民教仇殺各情業經崇實

等據實奏明並將委勘辦理情形及民教互殺人數造冊咨送總理衙門外卷查李國安即教士李國確係洋人其燒殺李國安之

凶手係已就拏獲倡亂打教焚毀教堂之首犯劉幅審有初供可據應俟將該犯覆訊並飭提餘犯研究明確即行按律治罪以服

洋人之心至聖教士率眾殺斃平民多命之案該教士輩輔臣聞係川人亦應按照條約由中國官嚴拏審明照例治罪以昭平允

惟據稱主教范若瑟七月間回國單教士隨之而去未知確否臣遵即商同崇實等相機妥籌設法次第辦理似不致別生枝節又

於九月二十五二十七等日恭奉九月初五十三等日寄諭遵義教士被傷殞命事關中外交涉要件著即派委通曉時

務之員馳赴貴州會同會同儘先迅速查明秉公辦理據實具奏仍著總理衙門隨時查催妥速辦結各等因欽此伏查此案起衅情

由法使與貴州撫臣所稱大相徑庭不知實在底裏何似臣所帶隨員無多且乏熟悉洋務之人惟查有按察使銜甘肅補用道余

思樞隨臣最久結實可靠已派令馳往遵義一帶察訪確情據實稟覆並面授機宜飭隨時稟商撫臣曾璧光會同該撫所派委員

督飭官紳妥為籌辦黔省軍務未平民氣浮囂教士恣肆若辦理稍有偏重則仇隙必將愈深既患民心憤激而事變滋多又恐教

士尋衅而禍端莫測較他省尤為棘手若如法使所稱勒令教民跨越十字架跪寫出教日結及趙教士被傷殞命梅教士恐亦被

殺等情則必先有以安撫教士之心使不致恣恣法使在京曉諭然後相機持平從容解釋民教仇隙庶可弭衅端而紓

宸廑案關中外交涉要件必宜責成地方官速辦而洋人堅韌嗜利邊民眾憤難平恐難剋期了結已飛致會璧光囑將現辦情形

先行奏咨勿稍諉延臣俟會同崇實吳榮籌商就緒即起程順往重慶就近體察各情再行據實奏

聞如果事機稍鬆仍速回鄂清理本任公事所有川黔民教各案大概情形及派員赴黔會查緣由合先繕摺由驛六百里覆陳伏

乞 皇太后 皇上聖鑒訓示謹 奏

徐豐玉請卹片 同治八年十月十五日

再前任湖北督糧道徐豐玉安徽桐城縣人咸豐三年九月十三日在田家鎮督勇禦賊力戰陣亡經前安徽撫江忠源奏奉諭旨交部從優議卹當經議給騎都尉世職及卹葬祭銀並與同時殉難之幕友文生吳冲謨等入祀本省昭忠祠在案茲准兩江督馬新貽咨稱該員死事甚烈請查核奏懇加恩予諡建祠等因行司飭局查明詳請具奏前來查徐豐玉平日官聲甚好田家鎮之役賊據半壁山大股上犯湖北礮船兵潰江忠源由江西來援轉戰不利該道出省堵剿率無援之兵禦方張之寇若因潰退倖圖苟全原難責以必死乃能見危授命大節凜然迄今士民猶為感慕近來司道大員有能力戰殉節多蒙

奏稿十五

聖

賜諡建祠以徐豐玉居官梗概死事情形論之允宜特邀曠典合無仰懇天恩准予賜諡並於殉難及原籍地方建立專祠以表忠節而勵官箴其同時從難之文生吳冲謨家丁曹堃楊福並請一併附祀出自逾格鴻慈謹會同兩江督馬新貽湖北撫郭柏蔭附片具陳伏乞聖鑒訓示謹奏

酉陽州教案擬結摺 同治八年十一月初二日

奏為遵旨查明酉陽州教案擬議辦結恭摺仰祈聖鑒事竊川省酉陽民教仇殺情形經崇實等於七年十二月間奏明在案嗣因州城教堂被燬各鄉積怨方深紛打教州屬紙房溪教堂司鐸復糾眾殺斃國民多命兩造聚訟礙難即時擊辦先派知縣田秀栗馳往接署州牧會同委員會傳道解散團眾遣逐黔匪商令司鐸拆毀教堂燬臺及附近寨堡撫卹被難民教嗣經總理衙門會飭川東道錫珮往西查辦復因主教范若瑟他往無從議商迨法使羅淑亞所派主教梅西滿來川八月始到又飭錫珮與之會議始終狡展致未能迅速完結該使臣藉口在京曉諭並欲帶兵入川要挾上煩

奏稿十五

聖

宸廑疊蒙諭旨訓誡嚴切崇實臣吳棠曷勝惶悚焦急之至臣李鴻章於九月十八日行抵成都奉旨會查當因片有查辦要件未便會商先行咨取案卷核閱十月初三日先將大概情形彙奏嗣於十月初三十六二十等日寄諭遵即會同崇實臣吳棠覆查該州初稟打燬教堂並未指明係何凶犯田秀栗今春履任後擊獲劉幅據供與何彩糾眾打教而何彩業經逃逸故將劉幅先行議辦等又飛飭該地方官懸賞勒限務獲何彩解訊臣鴻章於十一月二十一日由成都啟行十一月初七日抵重慶暫駐就近督飭川東道錫珮與該主教梅西滿妥速議辦梅西滿疊次面謁並呈酉陽州民教滋事原委節略指控多人臣調集人證案卷並西陽官民先後稟控各執

詞核其實在情節由於同治四年西陽民人冉老五等毆斃馮教士後該主教勒賠多金勢欲益張本地痞匪入教者倚勢欺壓平民該處界連黔楚民風素悍積不相能激成巨案法使羅淑亞前與總理衙門議明先辦李教士被殺之件嗣又以張佩超為主謀楊植庭為下手劉幅為頭凶等切實根究適據張佩超道其幼子張玉璞赴重慶行轅稟訴冤屈訊據張玉璞供稱伊家素與教民張添興等有隙四年馮教士案內被教堂牽控將伊父張佩超伊兄張玉珖解往重慶羈押經紳董勸令出錢脫累伊父認罰銀二萬兩分年繳清七年四月正在籌繳被張添興等糾眾來家藉索欠為名強姦婦女搶去銀二萬餘兩並衣物等件殺害雇工吳昌林等三人並將伊兄張玉珖扯送重慶管押至本年八月二十日斃命伊父張佩超現年七十七歲憂憤成疾去冬酉城打教相離二百餘里委無主使情事等語又楊植庭即楊恆亭查係已革武生派充屯弁與教民結訟被押是日團民何彩等入城打教將伊放出該犯乘亂入教堂報復下手殺斃司鐸李國廣實旋逃至貴州思南府所屬黃泥坡經該州訪聞派差拿獲詎該犯病重身故飭起屍棺回州帶同屍親鄰約及教堂管事人等驗明填格取結在卷且鴻章接晤梅西滿即將以上情節詳細告知該主教備信教民之言總以張佩超為主謀並謂楊植庭即係病斃何彩日久未獲其已獲之劉幅等皆非正凶擬難完案正在籌議開據署西陽州知州會傳道署西陽游擊范承先飛稟懇立重賞設法兜拏已於十一月十四夜將首犯何彩擒獲起解來渝督同川東道及印委各員親提研訊據何彩供因教民龍秀元網毆其母又備勒朱永泰退婚是以懷忿起意糾眾焚毀教堂劉幅會占

教等亦均入夥張佩超並未與謀等情又提訊劉幅會占教趙三簡弗祥等均各供認隨同何彩打教惟情節微有重輕自應分別擬辦臣等覆查羅淑亞梅西滿等必謂張佩超主謀者一由張佩超係該州紳富與教中仇衅素深四年馮教士案誣攀勒罰二萬金除已繳八千兩外尚欠一萬二千兩一由此案真正首犯未獲彼得任意妄指以為挾制茲首犯何彩解到梅西滿意氣稍平殺人者抵律有明條何彩雖因教民欺陵膽敢糾眾入城毀堂致斃法國教士李國及教民多人實屬法無可貸應照例擬以斬立決緣法使藉詞生肆不任稍稽顯戮業於十一月三十日訊明正法以儆效尤楊植庭係下手正凶業經病故應毋庸議劉幅隨同打教後又與教民馬國應仇殺擬以絞監候勿庸歸入秋審隨時酌辦會占教係何彩從犯擬以流二千里趙三簡弗祥隨同助勢龍秀元網辱何彩之母勒迫朱永泰退婚致激眾忿均擬滿徒以上各犯分別懲辦錫胤川秀榮等復開導梅西滿允將張佩超上年尾欠銀兩先行籌墊並書以張佩超主謀既無證據即何彩等供亦無主使之說該主教已無異辭至法國條約第三十六款向應行追贖著賠者責償該教堂既被焚燒若不議賠必不甘服梅西滿初欲索銀五萬兩再三計較斷給銀一萬八千兩彼已願照完案臣鴻章已於二十九日將此案議結情形飛速劄行漢口法領事轉達該公使知照矣至司鐸殺斃團民多命據梅西滿疊次訴稱因被團圍困餓食其罪難免被匪截阻護糧情急互有傷亡趙二亦斃等語顯係飾詞庇護曲為開脫臣飭交司鐸曹輔臣來贖質訊伊又云不教皇命出洋議事無從究詰惟團民被害甚慘檢査指控案據訪問西陽官紳皆以教民王學鼎張添興

易得揚州得政何奉祥劉勝焄六人同惡相濟既係中國民人應
由地方官設法拏辦臣等已援照約章及羅使覆總理衙門原函
明白諭知梅西滿暨檄飭川東道督同該州上緊密拏訊明後酌
照此次辦理何彩等罪名分別重輕立予懲辦以昭平允而服民
心所有西陽州教案擬議辦結緣由除咨總理衙門外謹合詞繕
摺由驛六百里覆陳伏乞

皇太后

皇上聖鑒訓示謹

奏

奏稿十五

田秀栗等請獎片 同治八年十二月初二日

再西陽自去冬打教後民教內訌各句黔匪助勢幾成大變經
崇實吳棠遴委田秀栗會傳道馳往解散都司范承先帶兵彈
壓田秀栗等先將滋事黔匪擒斬數人聞教分別清理地方賴以
安堵茲會傳道范承先復率團勇並前任知州胡圻協同將打教
最要首犯何彩密速拏獲解渝正法並獲從犯多名分別懲辦以
折服遠人之心俾積年巨案剋期完結田秀栗循能卓著隨同臣
鴻章開諭該教士等經權互用深合機宜均有微勞足錄可否仰

懇

聖恩將四川補用知府綦江縣知縣田秀栗以直隸州知州不論

班次遇缺即補並加道銜四川補用知府候補同知曾傳道免補

同知以知府歸候補班遇缺即補暫革留緝之即補知州胡圻開

復革職處分都司范承先免補本班以游擊留川儘先補用其餘

地方出力員弁紳團山崇實吳棠查明酌保數人以示鼓勵

出自逾格

鴻施謹合詞附片具陳伏乞

聖鑒訓示謹

奏

委員查辦遵義教案片

再臣鴻章前奉

旨飭令派員前往貴州會同查辦遵義教案當經奏委甘肅補用道員余思樞往查旋准撫臣曾璧光將該處起衅原委辦理情形咨復前來又據余思樞到遵後稟述各情與曾璧光奏咨無異趙教士實係在省身故惟任主教謂其因傷又不肯會驗他處教士有謂趙司鐸前在遵時背脇受棍傷入省後因吐血斃命固係傳聞一面之辭事隔多日未必再能檢驗誠如聖諭即可從此設法了結臣已緘商曾璧光如查係因傷應查拏下手凶犯照例懲辦否則相機與該主教定議又據余思樞訪聞仁懷本係林司鐸其梅教士離仁懷已久並無被殺之事惟遵義民情強悍久被教害五月滋事後紛紛遂教頗違和約現雖大致平靜必須得力官紳主持開導查有四川卽補道蹇崗籍隸遵城公正廉明鄉望素優臣已檄委該員會同余思樞等籌勸並請曾璧光委令總辦該郡團練稍假事權昨據蹇崗稟覆遵民激於眾忿打毀教堂事後亦知悔懼惟恐教士尋衅報復其畏法之念遂不如畏禍之深若急以相繩轉恐愈形扞格現與地方官逐漸開導曉以大義如此次持平辦結以後復准行教必稟請撫臣諭商教士明定規條使民教一體不至如前此之欺壓善長把持公事但令大眾曉然於此後並無深害當可宛轉聽從等語自係實在情形第該員頗避怨謗議未遑余思樞既已進省稟商曾璧光妥議辦結臣查趙教士傷故既無確證梅教士又未被殺是情形並非甚重但須解勘遵民復准行教辦人賠堂等事自可次第就緒此係地方官紳專責擬請

救下撫臣曾璧光責成遵義府縣會同紳士蹇崗等趕緊籌辦嗣後遇有教民涉訟必須查照約章由地方官持平核辦毫無偏袒不准教士干預把持及書差搯索拖累等弊庶疑忿漸釋而後忠可消理合附片陳明伏乞
聖鑒訓示謹
奏

奏稿十五

奏

起程回鄂片 同治八年十二月初二日

再欽奉十月二十日

寄諭李鴻章行抵重慶後須將川黔兩案如何辦結奏明再行回鄂等因自應欽遵辦理查法使羅淑亞此次出京因川黔兩案未結兼及湖北安慶皆有新起教案聲稱將帶兵船上駛再由漢口以待入川等語自係虛聲恫喝以相脅制其在成都初接此信即與崇實吳榮面議竊料川黔山徑崎嶇民情浮動該使兵船本不
在各海口何從調集若彼自行前來不過一教士等耳惟川黔兩案川省案情尤重該使在總理衙門候旨將近一年軫軻過深難
遽定議臣必先將此案籌辦就緒以謝遠人而慰
聖座到渝後特同該道錫珮等與梅西滿往復開諭幾於舌敝唇

奏稿十五

焦幸首犯何彩迅速就獲伏誅餘犯分別懲究並允賠補教堂該
主教輸服無辭地方亦相安無事至遵義一案有余思樞在彼與
該官紳設法勸導固不必剋期強迫亦不致月激事端早遲當可
辦結重慶距黔省近二千里文報往返甚遲臣在此久留實無裨
益總理衙門來函亦稱此案若能十一月內完結一件帶兵入
川之說不煩言而自解此論極中機要況兩湖係微臣本任帶印
出省際已半年公事多虞廢擱天門教案初起臣正登舟今不知
已否完結該使兵船若至漢口人心不免驚疑私衷尤增焦系臣
擬即日起程由水路東下正月初旬或可抵省如羅淑亞已至漢
口即將川黔近事切實告知以阻其行並冀於江楚大局稍有匡
助理合附片陳明伏乞
聖鑒謹

奏

奏稿十五

文

銘軍報效欠餉請廣額同治八年十二月初二日
 奏為銘軍報效欠餉擬請加廣中額學額以昭激勸仰祈
 聖鑒事竊准前直隸提督劉銘傳呈准咨開欽奉
 上諭李鴻章奏提督患病未痊懇請開缺調理一摺劉銘傳著准
 其開缺安心調理一俟病痊即著來京聽候錄用等因欽此跪誦
 之下感激無既所有銘軍積年欠餉應請全數報效擬懇查照歷
 辦章程分別加廣院省中額原籍合肥縣學額等因當經飭據金
 陵糧臺報銷總局司道詳稱銘字全軍步隊十七營水師一營同
 營務處親兵一哨又併歸銘軍節制之樹字前後右新正副前五
 營一律截至同治七年十二月底止共計報效欠餉銀三十一
 萬四千五百六十兩七錢七分三釐九毫七絲七忽查部咨奏定
 加廣中額章程內開紳士商民捐資備餉一省捐銀三十萬兩者
 加廣文武鄉試永遠中額各一名嗣經部奏捐輸廣額變通新章
 除加廣中額仍照咸豐四年所定銀數核給毋庸議改外其請加
 學額銀數應照舊章酌加一倍凡一廳州縣捐銀至四千兩者應
 准其酌加一次文武學額各一名核計該營報效欠餉銀數應照
 章分別加廣中額學額詳請具
 奏等情前來臣查銘軍弁勇多係籍隸皖省歷勦髮捻諸逆餉項
 不繼積欠遂多今劉銘傳率同官弁兵勇共體時艱情殷報效實
 屬深明大義按照應辦成案應酌議分別廣額合無仰懇
 天恩俯准以三十萬兩加廣安徽省文武鄉試永遠中額各一名
 以一萬二千兩加廣安徽合肥縣一次文武學額各三名以昭激
 勸而符定章除將報效欠餉實數另開清單咨部查核外理合會
 同大學士直隸督臣曾國藩恭摺具

奏伏乞
 皇太后
 皇上聖鑒敕部核覆施行謹
 奏

奏稿十五

卒

李文忠公奏稿卷十五

李文忠公奏稿

卷之十六目錄

同治九年七月初五日

與羅淑亞定議辦結教案摺 同治九年正月初二日

遵旨援黔籌陳大略摺 同治九年正月十三日

援黔籌撥餉需片 同治九年正月十三日

請裁蜀軍騰餉援黔片 同治九年正月十三日

湖北汛兵裁留改撥摺 同治九年二月初二日

奉旨援陝酌籌派撥摺 同治九年二月三十日

籌辦援陝軍糧片 同治九年二月三十日

籌購駝隻片 同治九年二月三十日

起程赴陝日期摺 同治九年三月二十一日

潘鼎新丁憂片 同治九年三月二十一日

江蘇釐金充餉請加中額摺 同治九年三月二十一日

西捻肅清彙保摺 同治九年三月二十二日

馮桂芬請加三品卿銜片 同治九年三月二十二日

覆議獎案部章片 同治九年三月二十二日

遵派勁旅先行赴陝摺 同治九年四月二十二日

采糧購駝情形片 同治九年四月二十二日

援黔協餉改協援陝片 同治九年四月二十二日

行抵潼關籌糧議勦摺 同治九年五月二十四日

調郭寶昌赴陝片 同治九年五月二十四日

遵旨帶軍赴直摺 同治九年七月初五日

質訊津案辦法片 同治九年七月初五日

請飭劉銘傳幫辦軍務片 同治九年七月初五日

籌辦轉運並催協餉片 同治九年七月初五日

袁保恆赴直效力片 同治九年七月初五日

譚仁芳所部留陝片 同治九年七月初五日

勦軍報捐欠餉請廣四川學額片 同治九年七月初五日

周盛傳北山疊勝摺 同治九年七月十四日

分路進兵片 同治九年七月十四日

行抵直境分兵邊界摺 同治九年八月初四日

調任直隸謝摺 同治九年八月初六日

布置後路擬暫駐保定片 同治九年八月初六日

起程赴津並陳教案情形摺 同治九年八月十九日

分撥駝隻片 同治九年八月十九日

請撤古北口馬隊摺 同治九年九月十九日

劉銘傳請 陛見片 同治九年九月十九日

李文忠公奏稿卷十六

全集一之十六

桐城吳汝綸編錄

與羅淑亞定議辦結教案摺

同治九年正月初二日

奏為法國使臣羅淑亞駛至漢口由川境回信趕回與之商辦定議該使已啟程取道樊城回京恭摺仰祈

聖鑒事竊西陽教案擬議辦結並遵義一案請責成地方官紳妥籌議結緣法使帶兵船來鄂即馳回勸阻等因業於十二月初

二日專摺附片馳報在案臣當將西陽案內未完事情及遵義籌辦大略分別緘咨川省將軍總督及黔中地方官酌量辦理均已

定有規模適接湖北江漢關道鄭蘭探稟法使羅淑亞由九江赴南昌臘月二十日內外前來漢口等語遂於十二月初六日自

重慶起程登舟順流東下二十日後行過荊州聞羅淑亞已抵漢

奏稿十六

口正與撫臣郭柏蔭辨論西陽等案即星夜兼程馳回於二十

六日抵鄂是日該使果已派法國副領事狄隆同主教梅西滿坐

輪船派江迎臣詢知梅主教甫回漢口將在渝議辦各節稟告

公使意見微有參差漢關道鄭蘭江蘇護送道員姚曦等即帶同

副領事狄隆主教梅西滿來見謂該使以西陽教案雖已辦結尙

未足意必須請示定奪如不見允仍要入川另議等情當呈出該

使續擬節略所指案中各犯仍照原議罪名並無加增惟膠執

前說與張佩超不肯甘心既欲逐出西境仍另索五年罰賠有據

之厄欠銀一萬二千兩與再四辨駁因思前在重慶曾督同川

東道錫珮知州田秀栗而諭張玉璞回家俾知伊父張佩超既與

該處教堂積有仇怨以後斷難相安不如設法遷移他所以兩

全臣並密囑錫珮等隨時諄飭酌辦但未明告該主教耳至西陽

教堂據錫珮田秀栗等僉稱目擊規製因匪非他處教堂可比該

王教前案賠銀五萬兩尙非甚多先斷給銀一萬八千兩另飭

籌一萬二千兩以作墊給張佩超欠款藉資貼補明知彼族惟利

是圖不得不加以裁抑當據錫珮等稟稱梅西滿允收完案但云

張佩超舊欠難以抵算須再與范主教商定等語茲梅西滿赴漢

德惠公使出頭索賠亦在意料之中即面告以前次斷給銀票

兩項共三萬兩原謂兩案並了今羅使必將已收銀專為賠堂

及撫卹被害教民之用而張佩超舊案尾欠月行若追只能照約

由地方官隨時代催斷不能由官籌墊該公使遠道來此本為川

黔兩案起見既相諄囑應咨商川省轉飭妥辦二十七日關道鄭

蘭稟稱該使聞領事等回覆允為轉咨意甚欣悅請照會完案伊

即不再入川復據情酌給照會並咨四川將軍臣崇實督臣吳

棠分別辦理以便該使迅速折回免致月生枝節旋接羅淑亞來

函定於二十八日由漢口起程取道樊城回京與關道等稟報相

符至湖北天門教案業經郭柏蔭督同鄭蘭等辦結奏報有案該

使並無異詞貴州遵義一案該使令狄隆梅西滿面呈節略請為

咨行該官紳議辦並詳告以黔省民教情形必須逐漸勸導不

可操之太急該酋等尙能領會並未過相促迫臣惟隨時咨催貴

州撫臣督同地方印委各員趕籌辦結除將臣照會法使一件並

法使照覆一件鈔咨軍機處總理衙門備查外所有羅淑亞駛至

漢口與臣商辦定議該使已起程回京各緣由謹摺摺由驛具

奏伏乞

皇太后

皇上聖鑒謹

奏

遵旨援黔籌陳大略摺 同治九年正月十三日

奏為恭謝

天恩籌陳大略情形仰祈

聖鑒事竊臣於同治九年正月初七日承准軍機大臣字寄八年

十二月初七日奉

上諭貴州軍務日久未有起色著即馳赴貴州所有川楚貴州各軍均歸節制備各軍不能得力即行裁撤咨明崇實吳棠劉崐將此項兵精仍解赴李鴻章軍營充餉該督上年凱撤之師其中不乏驍勇著即酌量奏調赴黔廣西防邊之兵如須調赴黔省會剿並著酌度辦理李瀚章署理湖廣總督著將應解餉需源源轉運此外協黔各省著李鴻章曾璧光隨時咨催接濟等因欽此並奉是日明發

奏稿十六

三

諭旨一道 臣當即恭設香案望

闕叩頭謝

恩伏念臣以駑鈍之資屢膺軍旅重任茲因黔苗負固仰蒙

授鉞專征敢不殫竭愚誠力圖報稱惟苗疆構亂幾二十年將帥疊更迄未底定固由兵威不盛實由餉項太虧近年川楚派兵進援聲勢稍壯甫克數城而事機中沮臣自上年蒞楚入蜀竊嘗深求其故湖南席寶田等軍先後添募三萬人分紮數路月需餉銀十七八萬兩聞每月僅能籌發二十日口糧四川唐炯等軍先後增募一萬八千餘人歲需餉銀百餘萬聞已欠至五十餘萬將士藉口餉缺不克進取若遽加裁併又無力補發欠款至黔省主軍自張文德都勻飢潰後劉士奇接署提督亦苦募練無資各省派協月餉非不肯籌應只以兵燹之後財力維艱京甘各緊餉急於

星火不得不儘先湊撥即不得不遣西南邊患為後圖茲奉
 飭由臣等咨催臣何能強其力所不逮者而使之遵辦是川楚有
 蓄之餉尚不足自贖其派援之軍餉雖名本部撥而實為無
 著臣身歷行間十數載稔知無餉則兵不可用今黔餉奇絀臣奉
 命前去並未奉增的實餉款必仍不免師老無功之譏此餉事之
 為難也黔地跬步皆山苗巢險悍尤在貴東一帶與湖南邊境毗
 連周迴數千里荒巖密箐猿獍非人迹所能到外開勁旅振
 援上一峻坡已喘息不能行動雖數路進勦往往巖谷所阻十里
 五里聲息難通又溪峒毒瘴疫癘時作最不宜於客兵與平地用
 兵迥異上年三月楚軍黃飄之敗距川軍紮營僅隔數十里援
 救無及此其明證苗人自佔巢穴本無遠志但欲勦除斷難剋期
 易曰高宗伐鬼方三年克之東漢時劉向馬援皆中興名將乃以

征苗敗沒我

奏稿十六

五

朝雍正年間鄂爾奈合數省之力經略九年甫定而復叛嘉慶初
 年福康安移師討苗亦合數省之力深入不利後十餘年而始定
 成事其在班班可考今頑苗梗命愈久蹂躪愈廣收拾愈難非有
 勁軍鉅餉期之歲月何能立見功效臣去春接曾壁光來函謂上
 下游可指日肅清而崇實吳棠劉崐等奏報每有微倖目前一鼓
 盪平之語似於事勢尚多隔膜臣自揣才力遠遜前賢時會艱難
 更百倍之向來督勦與捻所部將領習於平地戰陣於山險瘴癘
 之區誠恐遷地弗良用他人已成之軍又慮心志不一此地勢軍
 情之為難也自來川兵必先請運道曾國藩與臣先後勦捻皆於
 金陵設總糧臺清江徐州濟甯周口分設轉運局臣上年赴直援
 勦又於張秋德州天津增設轉運數千里糧餉軍火轉輸不絕前

敵乃無掣肘今忽易北而南沿途必須籌辦而轉運非水道不行
 查由江鄂上至黔境後路須由長江前路須由灘河節節逆流挽
 運運滯川河灘高水險由鄂至重慶舟行須三月餘且多失事不
 若由鄂至湖南常德辰州較使從前平三藩定苗疆皆以常德為
 兵餉總匯而進兵駐節之地亦多在辰沅一帶其勢然也第後路
 過遠需費甚鉅至苗地民散田荒無糧可購川楚各軍皆於數百
 里外購運米糧崎嶇負戴常苦不繼他處車運牛運之法均不能
 用惟專用夫運每夫負米四斗險路日行僅二十里其何能濟其
 糜費阻絕之處諸可類推人一日不再食則飢兵士豈有不食而
 戰之理苗民諺曰不怕官府兵多只怕官府糧多蓋險遠購運費
 錢費力苗亦知其不得多耳此采辦轉運之為難也以上三難皆
 係實在情形臣既奉

奏稿十六

六

命督師雖事值萬難奚敢稍有諉卸但若冒然前往明知無濟而
 又不預為籌畫尤於微臣平日治軍故事之素志大相刺謬現已
 緘商兩江督臣馬新貽江蘇撫臣丁日昌能否仿照上年勦捻舊
 章增撥餉項籌濟軍火俾無缺乏至臣舊部智勇之將如劉銘傳
 郭松林潘鼎新周盛波等皆可當一面或稱傷病未愈或慮人地
 未宜臣並兩屬其來鄂而商再行酌量奏調未便強從湖北入款
 僅敷每年全解京餉及月解甘餉四萬並留防各水陸之用恐無
 餘力多贍黔軍仍俟督臣李瀚章到任與郭柏蔭妥籌轉運解
 濟之法並將歷年東北用兵經手各事未盡清釐之處商請督
 督臣就近咨商各督撫妥辦總之黔省兵事尚非急在旦夕臣向
 來任事未敢遲誤此次遠征苗疆距京幾及萬里一切進止調度
 自須臨事妥酌機宜以期有濟仰懇

聖明勿責速效並隨時諭令各督撫臣通力合作俾可逐漸圖功
臣當恪守孔聖懼事好謀之訓常存漢臣鞠躬盡瘁之思冀仰答
高厚隆施於萬一除俟李瀚章到鄂交替並後路籌有規模即行
起程山湘赴黔外所有恭謝

奏伏乞

皇太后

皇上聖鑒訓示謹

奏

奏稿十六

七

援黔籌餉需片 同治九年正月十三日

再臣督師遠出需餉浩繁目前毫無指款除已緘商江蘇督撫臣
查照上年勅諭章程酌量增撥俟覆到再行具奏外查江海關稅
課尙旺向定月撥臣營五萬兩自七年冬開淮軍凱撤留防各省
每月減爲二萬茲復有征黔之舉應請

旨敕下馬新貽丁日昌於江海關額餉二萬外按月加撥該關四

成洋稅二萬兩六成洋稅一萬兩仍合原撥五萬之數至湖北江

漢關係臣管轄除遵撥京餉及月協陝西四成洋稅一萬外稍有

盈餘請

旨准飭該關按月撥解臣營四成洋稅二萬兩六成洋稅三萬兩

衰月不足以旺月補之又前勅諭時山東月協潘鼎新營餉三萬

兩嗣減爲每月一萬五千兩鼎軍撤後業經停解該省肅清已來

奏稿十六

八

入款漸增撫臣丁寶楨來書每以黔苗不靖爲患情殷桑梓諒必

竭力籌助擬請

旨敕下該撫酌照前協臣軍月撥三萬減爲月撥二萬兩自本年

二月分起如數籌撥按月委員解交金陵軍需局轉解臣後路糧

臺源源接濟勿稍缺乏遲誤俾利師行理合附片陳請伏乞

聖鑒訓示謹

奏

請裁蜀軍騰餉撥黔片

同治九年正月十三日

再臣入蜀半載查核該省出入款口每歲約收銀四百四十餘萬額放解銀至六百餘萬不敷尚多是以援黔之唐炯等軍月餉十餘萬每苦不繼該軍進紮重安黃平等處與賊相持曾囑吳棠竭力籌撥至月協雲南三萬貴州五萬久已不能照解就大局而論川境與滇黔唇齒相依蜀中財賦完善必須就近兼顧惟本省各營勇餉歲需三百三十餘萬之多內惟唐炯等進剿前敵非同虛糜其餘如提督唐友耕所部六千餘人業由滇省撤回提督周達武所部八千餘人先勦甯越夷匪現亦抽調腹地均應及時裁減騰出餉需以厚贍出征兵勇兼可分濟鄰疆吳棠等亦欲趕緊籌辦但以周達武積欠三十餘萬唐友耕積欠十餘萬難遽籌補或致因循不決擬請

奏稿十六

九

旨飭備崇實吳棠將前項大枝不出勦之軍及該省不得力零營迅速籌款酌減補欠逐漸裁汰仍將裁廢之餉儘力分濟撥黔各軍及酌撥滇黔協款並隨時知照臣處備查冀於全局有裨伏乞聖鑒訓示謹附片具

奏

湖北汛兵裁留改撥摺

同治九年二月初二日

奏為查明湖北陸營水汛員弁兵丁分別裁留改撥恭摺

聖鑒事竊照新設長江水師在湖北境內上接岳州下達九江又沂江而上至荊州府止凡隸外江內河者除留原營外原奏擬裁漢陽荊州兩水師營員弁兵丁繼復議准分別酌留改駐撥還外其餘濱江各營如武昌城守營興國營黃州協營蕪州營道士汛營荊門營荊州城守營各設有專轄兼轄水汛弁兵應否分別裁留原奏內未經議及現在長江水師分汛已定應即逐一酌核安定去留以補原議之未備臣督飭司道會商各標鎮協營就近體察地方情形公同酌議除將前議荊州水師營酌留兵丁九十二名擬以五十二名分撥萬城大隄專為防險之用又以四十名撥歸該營原帶礮船四隻賞令沿隄巡察並巡緝江陵監利一帶內河毋庸另設弁兵以符原奏外其興國營所轄分防富池口黃鰲二汛均在長江水師汛段之內應歸長江水師巡防惟該汛所管陸路既寬且內湖港汊紛歧巡防均關緊要未便議裁又蕪州營所轄多係內河地段荊州營所轄濱臨襄河不在長江水師汛段之內應令照舊巡防又荊州城守營所轄江陵南路至監利螺山二汛江面均在長江水師汛段之內應改歸長江水師專轄惟該汛分防陸路地段多於水路毋庸議裁此外武昌城守黃州道士汛各協營所轄水汛員弁兵丁應分別裁留改撥俾資分布而專責成據司道等會議分條開摺具詳前來臣覆加察核均屬妥協理合繕具清單恭呈御覽所有續議湖北武昌城守等營水汛員弁兵丁分別裁留改

併改隸附近之興國營作為大冶縣汛把總協防計裁守備一員
把總一員額外一員兵丁一百八十五名

以上共計裁守備一員把總一員額外委二員兵丁三百
一十三名所裁員弁各缺擬請仍照長江水師案內奏定章
程遇有通省陸營相當缺出即行補還至既裁以後未補以
前仍留原營差遣照例支給本缺俸薪以示體恤兵丁即飭
歸農

奏稿十六

十三

奉旨 援陝酌籌派撥摺 同治九年二月三十日

奏為欽奉

諭旨赴陝西督辦撥餉酌籌派撥情形恭摺仰祈

聖鑒事竊臣承准軍機大臣字寄同治九年二月十六日奉

上諭西路剿逆分竄秦境蔓延榆綏延各屬該處土匪潰勇未

及除淨盡深恐勾結為患李鴻章本令督兵入黔郭松林等軍向

屬不少即著就現有之兵先行統帶入陝剋日迅速前進將陝

各洞逆悉數掃除並著扼要駐紮與定安李宗義劉典所派各軍

聯絡聲勢加意防範其北山土匪潰勇並著派得力之師次第搜

捕淨絕根株等因欽此並奉是日明降

諭旨一道跪聆之下仰見

聖謨廣遠籌備精詳易勝欽悚臣前因督辦圖黔酌籌舊部勁旅

正在面商直隸督臣曾國藩分撥劉銘傳所部銘軍兩江督臣馬

新貽飭撥吳長慶親兵各營尚未定議至留防鄂省之湖北提督

郭松林僅裁贍步隊五營不足以當一路廣西右江鎮總兵周盛

傳貴州安義鎮總兵唐仁廉所統慣戰馬隊於黔中山險不宜正

月間業飭遣撤騎卒改練步軍茲奉

旨率師援陝局勢又變查西北地形平曠非馬步兼用不能得力

獨騎飄忽肆竄尤非馬隊無以制勝臣與郭松林等再四籌商身

邊無一騎一駝何以應敵致遠亟飭該提督派員分赴皖豫一帶

趕募馬隊五營步隊十營周盛傳起募馬隊四營剋期齊集認真

訓練並添購車驟豫辦糧草以利師行由鄂入陝餉項軍火節節

轉運均由陸路事體亦甚繁重現於湖北省城設立後路糧臺分

遣委員沿途察勘設局接運應俟諸務籌布就緒郭松林周盛傳

等募練成軍即督催分起前進昨准河南撫臣李鶴年緘咨據西
安軍需局探稟陝匪有微鄂之說湘營潰勇陸續東來請豫籌堵
扼等因臣已飛飭現駐襄樊之記名提督譚仁芳速撥兩營往紫
河南浙川之荆紫關要隘以扼商南竄路仍分隊聯紫河口樊城
以固邊防著督臣李瀚章日內抵鄂擬即交卸篆務將前敵兵餉
後路轉運一切妥與籌議再行剋日起程相機籌辦以期仰副
聖主委任之重所有遵
旨赴陝撥餉酌籌派撥情形謹繕摺由驛五百里覆陳伏乞
皇太后
皇上聖鑒訓示謹
奏

奏稿十六

五

籌辦陝軍糧片 同治九年二月三十日
再行軍以籌糧為先秦中久遭蹂躪軍分途辦運糧價極昂臣
軍遠去人地生疏倉猝無從采購飢乏堪虞查督省瀕河各處防
軍無多購糧較易撫臣李宗義暨藩司何璟與臣共事多年素願
大局合無仰懇
聖恩飭下李宗義督同藩司迅速籌墊款項遵派委員馳赴吉州
蒲州一帶沿河地方分投采辦米麥各二萬石擇地寄儲以便臣
軍由潼關入北山就近運取儻一時辦不及數應准借撥沿河州
縣存倉穀石務期儲備足額咨報臣處隨時指用勿誤要需伏乞
聖鑒訓示施行謹附片具
奏

奏稿十六

六

籌購駝隻片 同治九年二月三十日

再運解軍糧子藥駝隻最宜 臣往年督師勦捻每派員出口購辦
凱撤已久散失無存茲倉卒西征若待委員往辦必致貽誤查綏
遠城東北一帶素產駝可否則

恩飭下綏遠城將軍定安酌派委員就近代為采購標壯駝隻二
千匹照料進口該價銀若干知照 臣處籌付 臣入關後即派員前
往迎提以濟急需伏乞

聖鑒訓示謹附片具
奏

奏稿十六

七

起程赴陝日期摺 同治九年三月二十一日

奏為恭報起程赴陝日期仰祈

聖鑒事竊 臣奉

命赴陝援剿業將酌籌派撥情形具奏奉

旨著俟李瀚章抵鄂及郭松林等募練就緒即行督軍入陝等因

欽此查李瀚章於三月初二日抵省 臣即於是日交卸湖廣督篆

所有行營徵調兵將籌撥糧餉一切奏咨撥行事件現已刊用木

質關防其文曰督辦陝西軍務協辦大學士湖廣總督行營之關

防後路籌餉轉運各事連日會商李瀚章等粗有端緒惟郭松林

周盛傳分赴皖豫起募馬隊尚未據報成軍添購馱騾亦猝難應

手 臣飭郭松林周盛傳各統現有步隊先由鄂省拔赴樊城周家

口等處整頓行裝仍俟馬隊募齊就近歸併操練再行分起入關

奏稿十六

六

相機堵剿 臣俟諸務料簡稍定擬於三月二十四日起程督帶糧

械軍需船隻由水路赴襄陽再覓雇車騾登陸前進沿途籌布轉

運俾資接濟所有刊用關防並起程赴陝日期恭摺由驛具陳伏

乞

皇太后

皇上聖鑒謹

奏

潘鼎新丁憂片 同治九年三月二十一日

再據頭品頂戴前山東布政使潘鼎新呈稱同治七年十月赴京
陛見奉

旨發往陝西交左宗棠差遣當經奏奉

上諭賞假回籍省親嗣因母病未痊弗能遠離稟由

開缺奉

旨准其開缺再行賞假兩箇月俟假滿後即赴左宗棠軍營差遣

等因欽此正擬料理赴營事宜母病增劇醫治罔效延至三月初

二日病故鼎新係屬親子在籍見喪例應遵制成服除由本籍地

方官呈報丁憂外請奏懇

恩准在籍終制營葬稍暇從前馳驅戎馬久違孝養之罪愆等情

前來臣查潘鼎新自咸豐年間由舉人從軍歷隨帶勇克復蘇

浙各城勦平東西兩股巨擒戰功最著該藩司謀勇沈毅堅忍耐

苦實為近日文員中傑出之才即如四年夏間統師由滬航海赴

津先聲頗震七年春開帶隊先往保定堵賊北竄功在

畿輔遠近皆知該藩司久勞於軍補官數年未一蒞任疊蒙

聖恩續假寬期待奉母疾正月開奉

命督師貴州曾奏明而招該員來鄂而商軍事乃以母病遷延未

果茲復呈報丁憂顯請終制情詞甚為懇切可否請

旨准其在籍守制以遂孝思現改赴陝西於被開軍情布置尙

未得有端倪如將來前敵需人容再隨時察酌奏調理合據情附

片具陳伏乞

聖鑒訓示謹

奏

江蘇釐金充餉請加中額摺 同治九年三月二十一日

奏為期捻軍需全賴江蘇釐金充餉撥米請加該省鄉試中額恭
摺仰祈

聖鑒事竊臣於同治元年三月統師赴滬蒙

恩擢授蘇撫其時蘇省徧地皆賊官軍分路進攻就地籌餉不得

不整頓釐金以資騰飽迨三年六月金陵克復全境肅清蘇軍分

赴各省援期四年四月曾國藩奉

命督師勦捻檄調蘇軍仍藉蘇釐充餉臣於六年正月接辦期匪

事宜是年十二月勦平東捻任柱賴汝沈等股七年六月初平西

捻張總愚等股皆由蘇省釐餉源源接濟臣等得以迅速成功查

軍興以來各省創辦釐金幾與丁漕關稅同為歲入正款商民亦

習而安之然不過籌濟本省軍餉或分協各路軍營未有如蘇省

釐捐專濟勦辦匪捻之多且久者溯自同治元年四月至四

年五月底止業經列款分案報銷為數甚鉅無論已即自四年閏

五月起至七年六月底止撥解勦捻軍需案內蘇省釐捐銀約計

七百五十餘萬兩捐章雖較煩重該省商民踴躍輸將協助出境

征軍不遺餘力中原積年狂寇藉以一鼓蕩平實有裨於大局非

淺捻逆平後曾國藩丁日昌疊經裁撤釐章稍紓民困近雖收數

大減猶分供各省防軍及軍軍援陝之需查釐捐本無給獎之例

惟集成鉅款俾成勦捻大功非酌請獎勵無以為好義急公者勸

同治三年八月開辦國藩以江甯克復借用廣東釐金一百二十

萬奏蒙

特旨准加廣東文武鄉試永遠中額各四名茲江蘇釐金解濟直

東豫歷年勦捻軍需七百五十餘萬之多事同一律數加五倍

東豫歷年勦捻軍需七百五十餘萬之多事同一律數加五倍

愚擬懇

天恩俯准加廣蘇省文武鄉試永遠中額各八名即自本年庚午科為始以廣

皇仁而彰義舉蘇省人文極盛中額本少捐數過多嗣後他省應勿援以為例仍請

旨敕下兩江督臣江蘇撫臣督飭司道隨時設法整頓釐務照舊竭力籌解勿誤要需所有江蘇釐金濟餉巨款援案請加中額緣

由謹會同大學士直隸督臣曾國藩兩江督臣馬新貽江蘇撫臣丁日昌專摺具陳是否有當伏乞

皇太后 皇上聖鑒訓示施行謹

奏

奏稿十六

三

西捻肅清彙保摺 同治九年三月二十二日

奏為七年勦辦張總愚捻逆全股蕩平中原一律肅清續行查明劉銘傳郭松林楊鼎勳潘鼎新周盛波周盛傳吳長慶所部與親

兵馬步各營歷在豫東直三省轉戰出力文武員弁及調防黃河運河之黃翼升長江師船暨各路水師併後路歷年籌餉製造采辦轉運各官紳遵

旨分別勞績彙案請獎仰祈 聖鑒事竊上年六月業將勦平西捻之善慶溫德勒克西馬隊及零星遺撤各營先行奏獎並聲明留防各軍及水師後路臺局人

員各 臣細查彙奏續獎在案溯自七年正月張總愚捻股由晉豫突竄畿疆 臣遵檄郭松林楊鼎勳潘鼎新周盛波周盛傳吳長慶等軍陸續北渡饒陽戰而賊酋張志清乞降武強勝而偽王邱得

才挫氣始則偏賊南走繼復扼賊河防轉戰半年馳逐千里五月間周盛波郭松林潘鼎新等疊次大捷該逆已窮蹙無措六月初

劉銘傳回營會督追剿益以黃翼升等水師聯絡聲勢在平之役一鼓聚殲張總愚淹斃中原一律肅清此皆仰賴

聖主威福將士用命非 臣與各疆 臣意料所及當經遵奉 恩諭分案彙保行知水陸各統將暨後路臺局查明勞績開單請

奏前來 臣逐加核減茲將武毅勳鼎盛傳慶諸軍及親兵礮隊馬步各營彙繕清單一件至劉銘傳奉

旨總統前敵各軍該部素稱得力六年冬勦平任柱賴汝洸東股論功最多適因勝仗彙保甫經奏故東捻肅清案內該營員弁

未加甄錄此次併敘前續月繕銘軍清單一件迎河圍賊若無礮船相助斷難成功 臣咨商曾國藩飭調長江提督黃翼升統帶水

師北來與楚軍丁長春淮軍徐道奎各師船節節布置時出行隊邀截六月中旬張逆由德州撲河中流噴回為功尤鉅月繕水師清單一件又淮軍全食蘇餉軍裝洋械皆恃甯蘇滬三處造辦轉運紆遠水陸煩勞後路籌濟一切迅速無誤片繕各臺局所出力官紳清單一件以上分別核獎自局外觀之或嫌人數過多惟軍營用眾之地大功告成之時羣策羣力一材一藝臣何敢稍有遺漏臣上年秋初入蜀查辦事件奔馳道路臘杪始回又疊奉征黔援陝之

命諸務倥傯致此案久未繕辦愧無以對將士負疚滋深現在有事避陣需才更亟若非從優給獎奚以示大信而勸將來應懇聖恩俯如所請以資鼓勵至各員弁所保官階臣均查照部定章程從嚴核擬並無濫可否

飭部照准一併註冊免再議駁覆奏出自格外

仁施除千總以下各弁及六品藍翎等項循案造冊咨部外所有續行查明剿平西捻水陸各軍並後路籌餉製造采辦轉運出力人員彙案分單請獎緣由恭摺由驛具

奏伏乞

皇太后

皇上聖鑒訓示再上年六月奏保西捻肅清首案武職人員業奉恩准兵部行令分別勞績再行查明辦理臣查向來保獎武職多係衝鋒陷陣並不分敘勞績可否請行敕部照章准其一併註冊合併陳明謹

奏

馮桂芬請加三品卿銜片 同治九年三月二十二日

再四品卿銜前於軍府右中允馮桂芬平居講學著書歸然為東南耆宿臣前督師至滬該紳創立會防局調和中外襄籌防勦助中機宜臣與商擬江蘇滅賊章程期於實惠及民謀設上海廣方言館務求博通西學卓識闕議足裨軍國而垂久遠屢蒙詔旨垂詢以年老多病不克赴京為憾臣馳勦東西捻股該紳雖未隨至前敵而兩履往返諮度軍事多所匡救茲值中原肅清東南大定之際追念前勞允翕眾望可否仰懇

聖恩破格優獎賞加三品卿銜以為留心時事者勸謹附片陳請伏乞聖鑒訓示謹

奏稿十六

十四

覆議獎案部章片

再千把總以下所請獎敘向係循案造冊咨部註冊臣於七年集辦東捻肅清併上年遊辦西捻肅清兩案內咨獎各弁先後接准部咨除與定章相符已查照註冊及單內所請翎枝歸標等項亦均照准外其由外委選保千總軍功選保把總者皆係越級應各照章遞減給獎並查所請軍功是否奏明有案行令覆查飭道履歷報部等因當即轉行遊辦去後茲據各統領呈稱前敵艱險惟兵勇為尤苦忍飢冒暑日馳百數十里殺賊出力悼次由營存記併於一案彙獎非給與優敘不足鼓勵戎行臣查軍興以來武職得保過多千總以下各弁真能拔補實缺者百無一二即保升後仍在營充當勇丁每日所得口糧在本地糧價騰貴之時尚不足以供一飽自接仗獲勝至於屢戰滅賊不過邀保獎之虛名稍一挫敗即已阻性命於俄頃其情實有可憫茲部定新章不准越級保升原為慎防冒濫起見惟予獎之差等均核其戰績之淺深臣愚竊謂守備以上品秩較大不可不示以限制千總以下職名稍微似不妨畧予寬容可否仰懇

聖慈飭部仍各照前兩案咨獎一併註冊以勵軍心至該弁等所得軍功等項平日各統領先在臣處請給六七八九品空白功牌遇有陣前立功者由各營隨時分別酌填給獎為日既久各統領冊報參差不齊各弁勇轉戰撤散不常且值軍書惶惶均未及奏明有案應併懇

恩施免其補奏以省案牘理合附片陳明伏乞

聖鑒訓示謹

奏

遵派勁旅先行赴陝摺

旨酌派勁旅先行分道赴陝臣即督隊由襄陽前進恭摺仰祈聖鑒事竊臣於三月二十四日由鄂省起程業經奏報在案途次疊奉三月十五二十五三十等日

諭旨飭派勁旅先行赴陝會合各軍安籌堵剿當因廣西右江鎮總兵周盛傳貴州安義鎮總兵唐仁廉帶隊先往河南周家口添募馬隊仍即起備行裝剋日起程現據周盛傳呈報四月十六日統率盛仁各軍步隊十六營及新募已到馬隊三營由周口拔隊進赴潼關臣行抵襄陽察勘進道須由荆紫關武關至商州龍駒寨入陝為便派員沿途設局接運糧餉軍火並飭調鄂軍記名提督譚仁芳分撥所部兩營扼紮荆紫關武關要隘以固秦楚邊防兼護後路餉運其餘步隊五營馬隊兩哨即飭由武關商州藍田開道進赴西安以壯聲援湖北提督郭松林所部步隊十五營已抵樊城惟招募馬隊采辦驟匹尚未見到應俟各事就緒即由該提督率隊繼進臣連日履覓車驟擬帶親兵馬步先由南陽陝州大路馳赴潼關駐候隊伍到齊再行察酌調度擇要進紮認真防剿臣派員赴陝查探軍情及該省地方官稟報本年春間陝狗兩次內竄雖經退去惟未受大創必思再逞狡謀秦隴交界寫遠北之金積堡南之河州狄道皆係陝甘各狗積年巨巢甘境各州縣亦多零股踞擾游騎四出與秦邊處處可通實屬防不勝防至北山延榆綏一帶地本瘠苦狗匪潰勇蹂躪日久田荒人少戶絕炊煙官軍深入必須裹帶糧草轉運費力屯墾兼營尤當逐漸籌辦容俟入關後悉心體察與蔣志章等相機妥籌次第具奏所有酌

派勁旅分道赴陝臣即督隊前進緣山謹繕摺由驛馳陳伏乞

皇太后
皇上聖鑒訓示謹
奏

奏稿十六

采糧購駝情形片 同治九年四月二十二日

再陝甘用兵以糧運為第一要件糧運未經籌妥則兵勇乏食一切調度布置皆無實濟臣於二月間奉

旨援陝先行奏請晉省采辦米麥各二萬石寄儲備撥緩遠城將軍代購駝隻二千匹原係豫為之備嗣准山西撫臣李宗義函稱晉省糧價極昂擬派近河各州縣分投采辦祇能以米麥二萬石為率約計需價銀十萬兩惟司庫為京協防餉所累無款可墊不得已借動地丁正項商請奏明酌抵京餉等語臣深知部庫艱難何敢遽請抵撥惟此次倉猝西行各省添協之餉本屬無多招軍買馬整備行裝沿途采辦轉運實已竭蹶萬狀若再令臣添撥晉省糧銀十萬兩力何能堪若不准抵又恐該省因此諉延致誤急需此項糧價可否仰懇

奏稿十六

天

聖恩飭部准抵山西京餉五萬兩其餘五萬兩暫由該省籌措俟臣營協餉解到稍可周轉即行解還歸款至緩遠城駝隻欽奉三月二十一日

寄諭令察哈爾都統文盛於西林果勒捐駝內調撥如不足數由定安設法購買補足或於四愛曼等處量為添撥飭臣斟酌由內地設法運解等因臣查內地無駝隻只有騾匹可資載運中原被兵多年驟產既稀各軍購辦愈形艱貴臣已派員采買雇用難遽添齊且驟非麩料不食陝境荒瘠多虞飢斃駝喂養較易又不可任重耐勞自古西北行軍皆賴此物未知文盛等能否照撥臣已分函詳懇並令此次出口買馬員弁稟商定安設法代辦俾不致停軍待運擬懇飭催文盛定安務於秋後如數撥給臚壯駝隻勿稍遲誤臣為禱

備軍需起見附片瀆陳伏乞
聖鑒訓示謹
奏

奏稿十六

元

援黔協餉改協陝片 同治九年四月二十二日
再臣前擬督師入黔奏奉

旨准飭江漢兩關添撥洋稅銀兩又浙江山東月協二萬兩均經各督撫陸續籌撥惟山東撫臣咨詢援黔之餉是否改協陝之用已咨覆請其趕緊籌解臣征黔之役尚賴該省有川湘援黔兩軍巨餉可資調發且黔境糧價較秦稍平運道亦稍近便茲由鄂邊赴陝陸路已千數百里由陝運赴前敵遠近更難豫計關隴被擾最深農田久荒各軍雲集需糧尤夥近來糧價奇昂車駝運脚繁費極重所以左宗棠咸得的餉七百餘萬猶時形匱乏也臣現勻抽各省留防之軍陸續赴陝因地廣兵單道遠運艱添募馬步儲備糧藥廣購騾駝動需巨款現撥餉項實不敷用查前議川省裁軍騰餉經崇實吳棠竭力籌辦業臻妥洽秦蜀唇齒相依誼應協助可否請
旨敕下四川將軍督臣飭司自本年五月分起按月籌撥臣營餉銀三萬兩就近解陝源源接濟稍助購糧轉運之需該將軍等素顧大局當不致有膜視理合附片陳請伏乞
聖鑒訓示施行謹
奏

奏稿十六

三

行抵潼關籌糧助餉 同治九年五月二十四日

奏為 臣行抵潼關酌派各軍分路進紮妥籌糧運相機堵剿恭摺 仰祈

聖鑒事竊 臣督隊由襄陽前進業於四月二十二日馳報在案當 經飭催周盛傳統率盛仁各營先行入關因同州韓城為進兵北 山之路令即帶隊馳往移紮察度機宜周盛傳唐仁廉等於五月 初十日抵關十二日進紮同州臣亦於十六日馳抵潼關暫駐各 營新募馬隊分起遠來疊經派弁沿途提催尙未齊集又飛飭郭 松林一軍由襄陽荆紫關武關藍田開道逕赴西安日來計已抵 省臣令其稍為整息即渡渭河由三原郃乾一帶進紮遮蔽腹地 查進兵本有次第秦中蹂躪最深糧米艱貴轉運費力北山縱橫 千數百里久為狗匪潰勇出沒之區尤屬荒瘠異常蜀糧無從采

奏稿十六

辦勢須自山外設法運入乃可派隊進剿若未籌糧運即要進兵 斷斷無此辦法現委道員郭道直赴晉省沿河一帶提取各州 縣辦存軍糧購雇駝騾就近河之宜川延川延長各口岸分路轉 運會商各營撥隊護送必將北山要地運存糧食節節轉般然後 節節勦洗方有把握惟未能剋期集事焦灼曷任郭松林進紮西 北一路亦須籌糧運送漸布道以則穩固軍心查秦隴交界二 千餘里頭頭是道本無總會要隘可守狗騎標路徑又熟此防 彼窺防亦無益臣前辦捻逆奉 諭飭各省嚴防究有何省能防賊不竄入者蓋城池及山水扼塞 處可守而平原曠野無可守也秦中西北多平曠而少阨塞考之 歷代用兵有勦法無法臣此次西來僅調郭松林周盛傳兩大 枝之軍以備游擊茲擬令周盛傳進規北山郭松林專顧腹地隨

時會合陝楚各營相機堵剿不敢冀倖賊不伺竄但我有以備之 或得蓄勢痛擊藉可仰紓 宸廑除俟此間籌布就緒再進駐西安與蔣志章會商一切分別 緩急次第辦理外所有行抵潼關派軍分路進紮妥籌糧運相機 堵剿各緣由謹繕摺由驛五百里具陳伏乞

皇太后

皇上聖鑒訓示謹

奏

奏稿十六

三

調郭寶昌赴陝片 同治九年五月二十四日

再途次接准安徽撫臣英翰函商以記名提督壽春鎮總兵郭寶昌現因卓勝全軍調往金積堡由陝甘督臣左宗棠派令金運昌統帶進剿郭寶昌留辦山西河防僅帶一營不能成軍因傷病乞假請臣人關後就近察酌調度等因臣昨抵潼關郭寶昌來見據稱前敵卓勝糧餉均已割歸金運昌接管意欲請假回籍該鎮久經大敵驍勇著名現值用人之際應令及時自效查目下黃河漲發稠氛較遠晉防已緩該鎮僅帶一營無關輕重惟其轉戰陝省數年於北山情形尤熟與淮軍氣誼相洽擬檄令暫帶該營西渡會商周盛傳等兜剿北山土匪潰勇勦撫兼施冀收肅清之效並咨請山西撫臣酌飭防河各營勻紮該營地段必無貽誤理合附片陳明伏乞

奏 聖鑒訓示謹

奏稿十六

三

避旨帶軍赴直摺 同治九年七月初五日

奏為欽奉

密諭酌帶各軍剋日起程馳赴近畿一帶相機駐紮恭摺陳仰

祈

聖鑒事竊臣前抵潼關派兵分路進紮業經奏奉

上諭著進駐西安隨時相度機宜會商蔣志章次第妥辦等因欽

此當將周盛傳進軍北山糧運各事料理粗定即於六月十二日

自潼關啟行赴省沿途阻雨二十七日始抵西安正與蔣志章籌

布防務七月初四日承准軍機大臣密寄六月二十八日奉

上諭天津滋事一案會同藩奏請將辦理不善之天津府縣交部

治罪而法使維淑亞必欲將該府縣立即正法並諭會同藩崇厚

據理駁斥斷不能如此辦法本日據崇厚奏稱法國水師提督都

伯理現已到津崇厚前往會晤所言與維使無異並據繙譯官德

微理亞聲稱如至二十七日尚無切實回信即將在京法人帶赴

上海會同藩病瘵復發臥牀不起勢甚危篤等語已派毛昶熙前

往天津會同會同藩辦理並令丁日昌由海道赴津幫同商辦惟

該國既有兵船到津亟應豫籌備禦會同藩病勢甚重一時實乏

知兵大員可資戰守刻下陝省軍情稍鬆著李鴻章移緩就急酌

帶郭松林等軍剋日起程馳赴近畿一帶駐紮屆時察看情形俟

旨調派現在事勢緊急該營務須迅速前進毋稍遲誤其陝省防

剿事宜即著知照左宗棠蔣志章妥籌辦理將此由六百里加緊

密諭知之等因欽此伏讀之下震悚焦急莫可名言前准總理

衙門暨會同藩函知津事原委臣竊料夷情叵測即商請會同藩

酌帶親軍勁旅移紮附近衝要若該酋無理取鬧尙可稍有塘抵

奏稿十六

三

並密飭現駐直東之臬司劉盛藻丁壽昌各帶銘軍相機準備昨接會國藩六月二十三日面稱法使羅淑亞照會欲將天津府縣抵命該府縣並無大過不得已奏交刑部治罪已覺內愧方寸外

干清議等語臣正增憂系茲蒙聖明指示斷不能如此辦法仰見

權衡至當該酋等平日務

朝廷以制官符官以制百姓其心固甚畏百姓也今未根究下手兇犯先欲官為抵償不但無以服天津士民之心亦無以服天下臣庶之心夫是非者立國之本此案誣在津民業經事認錯情理備至而羅淑亞等恃強逞忿不論是非之公並欲使我

國家紊亂其是非即令隱忍遷就後將何以立國想毛昶熙丁日昌到津後必與會國藩等妥商趕緊訪擊兇犯議抵惟該國既有

奏稿十六

聖

兵船到津聞復往安南等處陸續徵調

京畿根本重地豈可束手受制於人誠如

聖諭亟應豫籌備禦臣昔在蘇滬與洋人久相交涉所部將士與洋兵曾共戰陣習知其平素伎倆專恃火器水路船礮我軍或難與爭長陸路野戰彼族亦難操必勝蓋大礮笨重不宜運行又洋人不能自築營壘一敗則無歸宿也魯准左宗棠咨函甘省軍務

漸有起色陝獨敗殘無多期之歲月必能得手

聖主可釋西顧之憂微臣當以籌輔為急現已傳知郭松林周盛

傳等督催各營速行裝剋日分起啟程臣擬先帶馬步親軍八

營於初七日由西安進發至潼關渡河取道山西馳赴近畿一帶

擇要駐紮屆時請

旨遵行一面咨商署湖廣督臣李瀚章趕飭後路各臺局改道解

運餉銀軍火以期接濟無誤其陝省防剿事宜遵即知照左宗棠將志章妥籌辦理所有附帶各軍剋日啟程赴直緣由謹繕摺由驛六百里加緊覆陳伏乞

皇太后

皇上聖鑒訓示謹

奏

奏稿十六

奏

質訊津案辦法片 同治九年七月初五日

再法使羅淑亞必欲將天津府縣立即正法據其照會內稱所聞所查實由府縣幫同行兇又稱有主使動手之人經會國藩等據理駁斥該使尙悻悻不平臣查外國審辦命盜重案必以證據口供當堂質對確實反覆研究乃能定讞與中國明慎用刑之意略同竊料該使到津後必有洋行以辦通事及習教無賴之徒從中簸弄以致顛倒失實若僅空言駁斥徒激其怒而啟其疑此案終難安結臣愚擬請

密飭毛昶熙崇厚等詢明該使所聞得自何人所查得有何據須將如何幫同主使證據交出中外大員會同提集該府縣當堂質訊必如外國辦案兩造俱肯認供毫無抑勒翻異乃可成信讞而服眾心果該府縣有此實在重情亦不能曲為寬貸也儻該使竟不交出證據或不肯傳往會訊是其情虛而兇狡亦當漸減該府縣張光藻等想必遞有切實親供應由該大臣等相機照會法使仍趕緊訪拿真正兇犯迅速議抵較之空言抵制或者稍易轉圜臣相距太遠於局中情形未能深悉姑就愚慮所及冒昧瀆陳伏乞

聖鑒謹附片密

請飭劉銘傳籌辦軍務片 同治九年七月初五日

再前直隸提督一等勇劉銘傳上年因傷病復發奏請開缺調養臣今春疊有黔陝之役曾商該提督能否力疾視師據稱邊患尙非甚急若至軍情喫重義當復出等語查劉銘傳歷期髮捻各逆紀律嚴明威望素著其才器智略可當一面尙在楊岳斌鮑超之上所部銘字馬步各營經曾國藩奏交劉盛藻丁壽昌接帶拱衛

畿輔現在事勢緊急該提督深明大義分應投袂而起稍助聲援臣已飛函敦勸該提督寄居安徽六安州可否請

旨寄諭該提督剋日兼程赴營並幫辦臣處軍務將來如有他處征討該提督堪膺重寄但使糧餉無缺必不致有獲軍債事之虞臣為籌備將才起見附片據實陳請伏乞

聖鑒訓示謹

籌辦轉運並催餉片 同治九年七月初五日

再臣所帶各軍自春徂夏奔馳未息疫病頗多現值盛暑休兵之際緣近畿一帶事勢緊急奉

飭迅速前進臣激於義憤斷不敢稍任遷延惟臣軍所用半係外

洋軍火輜重甚繁沿途車驟缺少轉運不速即抵直以後倉猝布

置遠道疲乏諸難齊備誠恐有誤事機實深惴懼除已咨行山西

河南直隸各督撫轉飭所屬經過地方趕緊籌備照料師行外又

北路連歲歉收糧草艱貴臣此次億億就道未及豫籌惟賴各省

協餉源源解到俾可應急擬請

旨飭催江蘇浙江各省將應解臣軍額定月餉照數接續籌解並

懇

敕下四川督臣將月撥三萬兩運解湖北糧臺轉交山東撫臣將

月撥二萬兩就近委解劉盛藻銘軍營中收用以維大局理合附

片陳請伏祈

聖鑒訓示謹

奏

袁保恆赴直效力片 同治九年七月初五日

再據辦理西征糧臺翰林院侍講學士袁保恆咨呈稱保恆素

閱邸抄知天津民教構衅洋人受創甚鉅積怒甚深知必有非理

要求兵船挾制之事私憂竊慮寢饋不安伏念保恆世受

國恩無可圖報既聞

畿輔有警凡可以分

君父之憂效馳驅之力者義當不避艱險慷慨赴之竭蹶趨之當

聞信之始即擬具摺奏請馳赴直隸聽候驅策稍效愚誠茲聞臣

奉

旨馳赴直省想係夷人狡逞軍情緊急私懷懸戀

闕廷益覺食不下咽請臣附驛代達悃忱仰求

恩准效力畿疆俾遂捍衛之義以伸忠愛之私至保恆現辦西征

糧臺經陝甘督臣左宗棠奏明專司催餉一切均有頭緒接手之

人不至為難查有太常寺少卿王家璧品望素優老成勳懇現在

西安亦係奉

旨歸左宗棠差遣位屬京卿與各督撫咨商往來提催軍餉體制

相宜可以接管又保恆兼管甘捐總局隨時咨請戶部核獎王家

璧併可兼管如慮核算事煩查有現管軍需局知府沈應奎句稽

精敏可以幫同料理此外並無經手未完事件如蒙

俞允朝受

命夕可交卸清楚亦不致有遲延保恆辭易而就難辭逸而就勞

實係迫於血誠不能自己除咨請

欽差大臣左宗棠查照酌核轉行外理合瀝誠咨請附奏等情前

來查袁保恆於七年四月奉

旨發交臣營差遣見其勇於任事能耐艱苦聯絡各軍商酌機宜於兵事亦有閱歷臣昨行抵西安該學士面稱風聞天津民教滋事畿疆恐有警變擬自行奏請募兵赴直稍盡捍衛之誠臣當以接據天津道府丁壽昌等來稟六月十九日羅淑亞與曾國藩初次相見語氣尚為平和並未過肆要挾暫宜靜候等語阻之茲聞

命赴直復咨請代奏各情實出於報效惻忱臣未敢壅於上

聞應否准其前往之處伏候

恩旨轉行知照至太常寺少卿王家璧現在西安可否令其接辦糧臺催餉各事除咨請左宗棠查奪外理合附片據情代陳伏乞

聖鑒訓示謹

奏稿十六

聖

譚仁芳所部留陝片 同治九年七月初五日

再臣援秦時帶來周盛傳郭松林兩枝之軍並調鄂軍記名提督譚仁芳所統仁勝步隊七營馬隊兩哨除飭分二營於荆紫關武關龍駒寨扼守後路兼護轉運外其餘五營留紮西安現在陝省雖無狗彘惟甘境毗連時虞乘虛擾譚仁芳昔隨將軍多隆阿轉戰關中情形頗熟謀勇可用撫臣蔣志章商請酌留該軍暫紮秦境稍壯聲援臣即檄飭該提督嚴東所部認真防剿聽候蔣志章調遣所有該軍餉項陝力拮据暫難籌應臣並咨商督湖廣督臣李瀚章湖北撫臣郭柏蔭飭局查照定章源源籌濟按月由陝西軍需局派員赴襄陽接解即由陝局照章代放俟陝省軍務大鬆或餉力稍寬再由李瀚章與蔣志章妥商辦理以顧大局所有酌留鄂軍協防陝境緣由理合附片陳明伏乞

聖鑒訓示謹

奏稿十六

聖

勦軍報捐欠餉請廣四川學額片 同治九年七月初五日

再已故湖南提督楊鼎勳所統勦宇一軍隨臣攻戰多年同治三年七月以前欠餉除發給餉票外仍欠銀二萬九千六百兩有奇其三年七月以後積欠餉銀為數甚鉅該營將士承楊鼎勳遺囑稟懇全數報捐惟勦軍弁勇半隸江皖半隸川省擬請一半歸江蘇安徽兩省以一半歸四川分別加廣中額及四川成都華陽兩縣學額等情當經劄行糧臺報銷局司道會議詳辦去後茲據覆稱勦軍六營截至同治六年十二月底止積欠薪糧銀數共一十六萬六千二百六十四兩四錢六分六釐一毫二絲一忽查定章凡一州一縣捐銀至二萬兩者准其酌加文武學額各一名等因詳請核

奏前來查勦軍官弁勇丁其體時艱願將歷年欠餉全數報效實屬深明大義自應准如所請分半先行加廣四川學額合無仰

懇 天恩飭部查議准以八萬兩加廣四川成都華陽二縣永遠文武學額各二名其餘報效銀八萬六千兩有奇江皖兩省既無專屬之縣加廣學額而銀數又不敷加廣中額擬請

敕部存記俟准軍續有報效銀兩再行併計彙辦以符定例除將欠餉實數分晰開單咨部外理合附片陳明伏乞

皇太后 皇上聖鑒飭部核議施行謹

奏

奏

奏

奏

周盛傳北山疊勝摺 同治九年七月十四日

奏為周盛傳一軍勦辦北山土匪業經就緒燄天戰勝收撫情形恭摺仰祈

聖鑒事竊臣於五月望後馳抵潼關查知陝境尚無狗氛惟北山宜川洛川一帶土匪潰勇股數甚多到處糾聚搶掠民姓安業路絕行人當經飭派湖北提督郭松林所部馬步山陝省進紮三原邠乾等處以防隴關內竄記名提督廣西右江鎮總兵周盛傳所部由同州進紮韓城邵陽並令貴州安義鎮總兵唐仁廉所部二營分紮澄城就近歸周盛傳總統調遣分進北山搜剿土匪周盛傳於六月初八日由韓城拔隊前進十一日至宜川縣城探聞賊勢近頗猖獗初三日攻破距縣九十里之孔巖寨仍圍攻左近兩寨大肆焚掠當率兩營選鋒八百人連夜趕進越嶺數十重行七

奏稿十六

聖

十里至巖底鎮就窺洞稍憩天明大雨申刻雨止復行抵孔巖寨據民人訴陳燒殺情形甚慘遂派隊檢獲土匪數名供稱總頭目係戴得勝陳大帥馬大漢趙玉等距此不遠十三日傳發甫畢正擬向馬尾溝進剿忽接探報謂已由棗園向老澗鋪遁去該處徑嶺叢雜尾追不及訪覓土人山小路河兒溝越嶺而過可抄賊前行三十餘里偵知賊股盤踞山村殺牛造飯周盛傳督隊猛進該匪膽敢悉眾迎敵勢甚兇悍我軍鏖戰逾時矛桿先交洋鎗繼發勇氣百倍賊紛紛敗退副將周家泰由左包進周盛傳由右抄來乘勝掩殺追過大嶺該匪拚死回鬪我軍再接再厲賊益瓦解四潰連越九峰頭皆峭壁懸崖弁勇殊附而登賊墜崖死者無數追五十里始令收隊計陣斬及例刃溺谷約三百餘人生擒百餘名奪獲洋鎗八十餘桿小鎗百餘桿馬牛驢三百餘匹賊之輜重

器械拋棄殆盡周盛傳又派提督衛汝貴統右軍扼紫石臺寺探
期十五日探知陳大帥一股在十梅溝是夜帶隊疾進比至該處
賊已驚覺准備迎敵衛汝貴分路埋伏匪眾向前衝突我軍急起
擊之賊大亂沿山狂奔勢掩捕斃百餘名生擒二十餘名內有
陳心鏡係陳大帥弟也二十日唐仁廉與統帶盛左軍提督賈起
勝偵知匪首趙玉一股竄踞松樹屯黑樹梁等處唐仁廉派副將
舒拜發譚清遠帶隊往剿二十一日馳抵驛子梁瞭見山下有騎
賊數名後隨二百餘人因整隊急擊之賊棄鎗械牲畜北走追二
十餘里陣斃三十餘名生擒五十餘名內有賊首趙玉訊係四川
人賈起勝亦有斬擒並放回擒賊唐玉田張姓二名諭降夥眾二
十五日追抵磚廟嶺及之斬擒六七十名二十六七日衛汝貴門
起勝復搜剿老虎溝白雲洞一帶獲老幼婦女多人唐仁廉追往

關家山遇土匪百餘擊斬過半並獲著名刀客王馬成奪器多件
總兵姚禮士由老集進如意川擒斬二十餘名奪驛驢三十餘頭
復擒巨匪王三辨殺副將周盛鼎連獲賊眷並誘擒賊目紅刀手
強老八等於是降者踵至周盛傳偵知蟒頭山一帶向為匪窟戴
得勝馬大漢等出沒無定帶隊往捕賊已他道遂派衛汝貴尋蹤
掩擊七月初二夜追至祿兒川官頭村及之副將張兆海扼截去
路無首從盡殲焉戴得勝之叔戴三亦斬於陣生擒五十餘名訊
據擒賊供馬大漢已投崖死是日唐仁廉亦在六子坪地方搜斬
多名並獲匪首劉老十即劉化山賈起勝復派降賊引路至山爾
內圍捉無數並誘降戴得勝全股周盛傳當將匪首戴得勝趙玉
劉老十等訊明正法餘眾分別斬釋安置業經就緒據該鎮等稟
報前來臣查賈勇土匪數股合計不過三千餘人以宜洛山僻為

賊匿之奧區以澄邵韓白為掠糧之熟徑閭閻受害非淺經周盛
傳分派各營環紫兜剿無論深巖邃谷風雨晝夜尾其行蹤窮其
蹊徑該匪東奔西突總不出我網羅六月十三之戰俘斬已多節
次搜捕擒殺又不下千餘人先後降者數百餘則三五逃潰或倒
斃崖澗或散投民家各營分路抄洗據報已無成股之賊地方漸
就肅清記名提督右江鎮總兵周盛傳記名提督安義鎮總兵唐
仁廉記名提督賈起勝衛汝貴冒暑轉戰擒渠解竹動合機宜可
否請

旨將該四員交部從優議敘以示激勸臣現奉

命移師馳赴近畿一帶周盛傳所部從征最久實為百戰勁旅前
已奏調該軍隨同赴直日內已由韓城拔隊分起渡河北山巨股
既殲餘匪不至為患臣已咨商陝西撫臣蔣志章兩派三五營分

紫要隘與地方官妥商鎮撫招徠賑墾可期日有起色所有周盛
傳一軍剿辦北山土匪濟勇業經就緒情形謹繕摺由驛馳

奏伏乞

皇太后

皇上聖鑒訓示謹

分路進兵片

同治九年七月十四日

再臣於初五日覆陳先帶馬步親軍八營初七日由西安進發當經備齊車輛晝夜趕程十一日行抵潼關適值雨後黃河漲發風水溜急渡船稀少督催各營輪替東渡數日乃畢臣即於十四日過河繼進擬由晉省取道并陘入直並飭周盛傳所部馬步各營由韓城宜川一帶分起渡黃至平陽先後會齊與臣同進近畿北路郭松林一軍於初九日由西安拔行臣飭該提督統率所部由潼關取道陝州洛陽過河至衛輝彰德暫紮擬進近畿南路與劉銘傳所部銘軍相為犄角統俟抵直後再由臣察看情形候旨調派所有分路進兵緣由附片具陳伏乞

聖鑒謹

奏稿十六

呈

行抵直境分兵邊界摺

同治九年八月初四日

奏為行抵直境遵

旨派兵分紮晉豫邊界恭摺仰祈

聖鑒事竊臣由潼關渡河入晉業於七月十四日馳報在案途次疊奉七月十八二十等日

諭旨飭將所帶各營分紮直隸邊境獲鹿一帶及河北彰德山西平定等地方臣先已檄飭郭松林武毅全軍山陝洛過河暫紮彰德衛輝等處周盛傳所部由韓城分起渡黃至平陽會合齊進茲查山西平定直隸并陘一帶山徑險狹糧草艱貴不宜屯紮多營因令周盛傳統率馬步各隊暫紮平陽洪洞等處休養操練臣自率親軍八營按站前進於八月初四日行抵并陘擬即赴獲鹿暫駐就地籌辦糧運以濟軍食仰 更有陳者欽奉

奏稿十六

呈

密諭現在天津之事未即決裂若調兵信息早為洋人窺破必致又生疑忌等因查官軍越境遠役與營中出隊情事不同若朝發夕至原可擊東擊西故為不測茲由陝入直二千餘里人馬二萬有奇後路調撥餉械軍火前路籌辦車馬糧料有一不備不可行軍洋人教民布滿內地豈能處處掩人耳目臣此次迫於六月二十八日

嚴旨倉猝成行幸而天津和議可就不至遽有戰事若稍決裂我軍遠來疲乏糧餉軍火布置諸難齊備深懼無以應敵負咎滋重夫用兵之道與馭火之法皆須虛實奇正互用洋酋好為大言內怯多疑遇事專講利害強弱臣擬在江南辦理交涉棘手事件往往兵威稍盛彼族氣微稍減議辦亦易就緒蓋嚴兵衛正所以保和局也前曾國藩奏稱因無備之故辦理過柔寸心抱疚臣奉

命帶兵赴直何可仍以無備而往即使調兵信息各處傳聞為洋人窺破或轉因其疑忌而中外和議可以速成非理要挾可以裁抑彼既挾兵船而來似不能禁我之不調兵彼若先開礮則先開衅非我調兵即放衅也況此次和議成後中國詎非永不設備若果認真設備洋人亦不能毫無覺察無論其覺察與否疑忌與否當先盡其在我勿予以無情無理之口實略示以不姑不吐之風裁目前天津之案必為祭犯賠款日後自強之策必求練兵製器理與勢兩不偏廢庶與大局有裨臣已遵旨分飭各軍遠紮豫邊界所慮一旦有警呼應不及愚昧之見不敢不預為陳明謹繕摺出驛馳

奏伏乞 皇太后

皇上聖鑒訓示謹

奏稿十六

完

調任直隸謝摺 同治九年八月初八日

奏為恭謝

天恩仰祈

聖鑒事竊臣於獲鹿縣行次接准兵部火票遞到同治九年八月初三日內閣奉

上諭直隸總督著李鴻章調補欽此當即恭設香案望

闕叩頭謝

恩訖伏念臣才識疏庸屢膺疆寄自去春蒞楚以後使蜀援秦馳驅不怠在任之日少在外之日多地方吏治愧未能盡心整飭悚惕方深茲蒙

簡命調任畿疆值海防喫緊之秋正臣職難寬之日惟畿輔要區為

奏稿十六

辛

皇都拱衛根本大計綱紀攸關稍存瞻顧之心即昧公忠之義現

在津案未結河工待修凡柔遠能邇練軍保民諸事皆當規畫閱

遠非老成碩望如曾國藩不足以資鎮撫特以江表巖疆東南財

賦亟須得人而治臣雖樸昧何敢畏難談卸上負

聖明惟有勉竭愚忱一守曾國藩舊章實力講求倍矢兢惕以圖

報稱而慰

宸廑除俟接篆後恭疏具報懇辦事宜次第籌畫詳奏外所有微

臣感激下忱理合繕摺恭謝

天恩伏乞 皇太后 皇上聖鑒謹

奏

布置後路擬暫駐保定片 同治九年八月初六日

再臣於初四日行抵井陘當經奏明暫駐獲鹿茲蒙
恩調任直隸欽奉

寄諭著即馳赴天津接篆所部各軍仍飭於直隸獲鹿及河北彰
德山西平定等地方分紮以防匪匪竄擾為名不可稍動聲色正
定一帶聞有游勇滋鬧洋人教堂著飭各營將領就近彈壓兵民
毋得從中構衅倘有假冒該營勇丁及別處游勇藉端滋事者並
隨時訪拏懲辦等因欽此臣自入晉境接奉疊次

諭旨聞津案漸有就緒即分飭郭松林一軍暫紮河北彰德周盛
傳一軍暫紮山西平陽並未稍動聲色昨據郭松林途次函稱河
朔水災彰郡聞無多糧恐軍食難繼俟到彼察奪或就運河附近
屯駐稍購南糧周盛傳稟稱陝省北山土匪潰勇剽除淨盡後即

奏稿十六

至

移師分起渡河前隊於七月二十五日行抵平陽遵飭擇地分紮
就食晉省代購米麥惟距直稍遠當枕戈以備啟行各等語臣均

遵

旨飭令該提督等持以鎮靜聽候續調至正定教堂一節臣於初
三日過平定州接總理衙門函稱七月三十日法國德繙譯官面
述正定教士函告城內訛言繁興欲與教民為難又有勇丁放言
騷擾關係臣帶來弁兵路過該郡等語其時臣軍均尚在晉西距
正定甚遠並無一人一騎前往直境何得先有路過騷擾之事臣
沿途所過地方查拏游勇滋事搶殺不少營規尙為整肅惟恐別
處弁兵冒充營造謠生事當經飭正定府縣嚴查懲辦去後
據正定府劉秉琳等稟覆該教士戴濟世七月初旬已他往留洋
人梅慎思等兩人代管教堂在城居民並無訛言亦無游勇滋擾

等情適正定鎮總兵譚勝達迎謁臣於固關面詢該處靜謐如常
兵民與教堂毫無干涉自係聞臣將至豫為驚疑喝制之詞彼族
恆情固無足怪臣擬率親軍馬步先至保定布紮略為休養料理
一切再行赴津接篆謹附片詳細由驛覆陳伏乞
聖鑒訓示謹
奏

奏稿十六

至

起程赴津並陳教案情形摺 同治九年八月十九日

奏為遵

旨迅赴天津恭報起程日期並籌大略情形仰祈

聖鑒事竊臣承准軍機大臣密寄八月十五十七等日欽奉

上諭著即馳赴天津會同曾國藩丁日昌成林督飭辦理並奉十

五日明發

諭旨一道臣於十二日行抵保定將親軍各營布紮休養料理後

路糧餉軍火轉運事宜接見司道諮詢地方切要利弊甫有端緒

臣體素羸弱自夏徂秋督隊冒暑馳驅感受溼熱加之憂念

國事寢食頓廢肝疾增劇正在服藥調理擬稍復元赴津接篆

蒙

明詔敦促職居疆吏何敢稍有諉延茲定於二十二日起程赴津

奏稿十六

聞陸路阻水多處擬掉小舟循大清河東下約計五六日可抵津

郡再行察酌情形會商妥辦准曾國藩函稱現獲各犯認供可正

法者七八人應分別議罪者約二十餘人擬於二十三日先行奏

結等語該督臣亦知洋人傷斃較多要犯議抵辦不及數難免饒

舌惟津民萬眾齊心狡賴又事後深知悔懼或遠颺無蹤或堅不

吐供不比一家一人之事可以儘數吹求無礙大局自丁日昌到

後窮搜力索捕治已極認真事關動眾尤慮刑偏株連附會羅織

致成冤獄而激眾怒不獨非中國政體所宜即揆諸各國平素道

理不肯輕易殺人傳教專為行善之意亦微有不合所期日後與

民相安豈在一時快意仇忿若欲以示警戒正法八人與議罪二

十餘人辦法不為不重遠近必皆寒心臣竊料以後各處不至再

有此等巨案若殺戮太過實為洋人永遠之患尤非各國厚待中

國百姓之心想總理衙門王大臣必已與各國使臣詳切開導矣
臣力所能及當隨時督飭地方官設法訪擊訊辦斷不肯略存袒
護致令洋人含冤亦未便過事苛求轉令百姓解體愚昧之見是
否有當謹繕摺由驛馳

奏伏乞

皇太后

皇上聖鑒訓示遵行謹

奏

奏稿十六

五

分撥駝隻片 同治九年八月十九日

再臣春開督師赴陝以糧運艱難請由綏遠城將軍定安采購駝隻二千匹解營應用旋准定安咨稱該城產駝不旺奏請

飭由察哈爾都統文盛在於察哈爾西林果勒捐駝內湊撥嗣因移師赴直函知文盛就近酌解茲奉八月初九日

上諭據文盛等奏勸捐駝隻足敷二千應否全數解赴直隸抑或分撥陝西以資轉運之處著李鴻章酌量情形咨照文盛妥為撥

解等因欽此遵查臣所部各軍現紮數處均距後路遠糧械軍火等件分途挽運需駝正亟惟陝甘督臣左宗棠督飭各營進攻

金積兼圖河州正在攻勦喫緊之際該處糧運艱阻駝驟缺乏尤應分撥協助謹遵

旨酌量情形於此項捐駝內分出一千隻請由文盛徑解保定以

便分給劉銘傳郭松林周盛傳各軍之用其餘一千隻即由文盛就近委解綏遠城交將軍定安驗收聽候左宗棠撥用除咨文

盛定安左宗棠查照外理合附片覆陳伏乞

聖鑒謹

請撤古北口馬隊摺 同治九年九月十九日

奏為調駐古北口馬隊官兵擬請酌量撤回歸牧以節餉需恭摺仰祈

聖鑒事竊查接管卷內前督臣曾國藩承准軍機大臣字寄同治九年七月初十日奉

上諭庫克吉泰奏調蒙兵需用經費請飭部籌撥一摺此次調撥東三盟馬隊三千名赴古北口駐紮聽候調遣需用行裝鹽菜

等項銀兩著戶部即行撥銀十萬兩解往熱河交庫克吉泰收存俟該蒙兵到口後一切需用款項即著節節支放以昭覈實吉林

黑龍江馬隊到口後著仍遵前旨一體兼顧該官兵月需餉費甚鉅著曾國藩庫克吉泰會商奏辦其駐口聽調應行支發口糧著

戶部覈議章程具奏等因欽此又於八月二十二日接准庫克吉

泰咨稱部撥銀十萬兩於八月十一日解熱該官兵所需俸賞行裝等銀遵於部定一半之半減放約計在五萬兩之譜無論何時

飭調起程即照章給發自應先由部撥銀內預行扣出存儲以備臨時應用下餘五萬兩該官兵分起口應以駐紮之日起按起

核發口糧以三盟吉黑各官兵統計一箇月約需銀四萬兩現計餘銀不敷兩箇月之用卓索圖盟頭二起官兵四百餘名已於八

月初十一等日到承德其餘尚無定期若俟一律到口核明細數再行咨請等語恐有待餉之虞先行咨明應由何項籌撥裁酌

會

奏等因在案曾國藩未及核辦移交到臣伏查此項馬隊官兵調紮古北口原為預備不虞現在津案已有就緒瞬息冬令河凍洋

船不至滋事而邊外狃匪更無窺越酌度時勢古北口一帶似不

必駐紮重兵且餉需繁鉅直省瘠苦無款可籌若俟各隊一律到口輾轉撥解誠恐貽誤軍食辦理殊多掣肘卓索圖盟馬隊雖已全數到防其餘蒙古各起及吉林黑龍江官兵未知已否起程行抵何處擬請

旨飭令撤回歸牧以節軍勢而省餉款儻必須酌留備用或於已到馬隊內暫行挑留精銳若干名其未到各起仍飭折回歸伍應需月餉俟前撥十萬兩支發告竣請由戶部籌款接濟並敕下庫克吉泰遵照嚴實妥辦臣為酌度緩急節省餉需起見是否當理合恭摺由驛馳

奏伏乞

皇太后

皇上聖鑒訓示謹

奏稿十六

至

劉銘傳請 陸見片

同治九年九月十九日

再臣欽奉八月初三日

寄諭提督劉銘傳久經戰陣忠勇性成聞召即行尤非諸將所及該軍現紮滄州靜海一帶著曾國藩傳知該提督馳赴該營督飭將士勤加訓練以備折衝萬一洋人難以理論衅端自彼而開朝廷必假該提督以事權用展其才如此事即有轉圜無須用武屆時當令李鴻章傳諭該提督來京陛見等因欽此該提督劉銘傳感激

皇太后

皇上特達之知兼程北上業於八月十六日馳抵滄州軍營督飭所部將士勤加訓練臣前已附片

奏報在案茲劉銘傳聞津案緝兇議抵就緒和局可成遂輕騎赴津晤商曾國藩與臣以懇

奏稿十六

至

關情殷遵

旨赴京

陸見恭聆

聖訓等情懇為轉奏前來臣查津事辦理大致粗定察看洋人議論似有轉圜瞬屆冬令河凍暫可無須用武該提督自應乘此閒暇願請

陸見稍伸積年忠愛之忱

聖主留意將才優容逾格儻蒙

賜以召對

訓勉其所不逮榮幸曷任理合附片陳明伏乞

聖鑒謹

奏

李文忠公奏稿卷十六

李文忠公奏稿 卷一七

李文忠公奏稿

卷之十七目錄

擬奏劉銘傳督辦陝西軍務摺

同治九年十月初三日

沈保靖獎案請敕部註冊片

同治九年十月初三日

會商銘軍赴陝分撥各軍摺

同治九年十月二十四日

請撥定有著的餉片

同治九年十月二十四日

商調林之望呂耀斗赴銘軍片

同治九年十月二十四日

裁併通商大臣酌議應辦事宜摺

同治九年十月二十六日

奏保陳欽沈保靖片

同治九年十月二十六日

籌議天津機器局片

同治九年十月二十六日

議覆練軍長夫片

同治九年十月二十九日

動用協餉修築南運河片

同治九年十月二十九日

添募樂字營營制章程摺

同治九年閏十月初六日

河運艱阻請督催驗收片

同治九年閏十月十二日

遊訓宜化練兵協防庫倫摺

同治九年閏十月十六日

接辦洋務片

同治九年閏十月十六日

酌議津海關道章程摺

同治九年十一月初六日

開拓機器局片

同治九年十一月初六日

練軍協防庫倫酌給皮衣片

同治九年十一月初六日

籌設糧臺分別支應摺

同治九年十一月初六日

州縣留支等款請發十成實銀摺

同治九年十一月初十日

出口征兵請擇要駐紮摺

同治九年十一月十六日

烏城防勦請近調蒙兵片

同治九年十一月十六日

劉因請從祀文廟摺

同治九年十一月二十二日

三六九

籌議天津設備事宜摺 同治九年十二月初一日

遊議日本通商事宜片 同治九年十二月初一日

截留京餉摺 同治九年十二月初一日

酌議變通永定河工程摺 同治九年十二月初二日

會議變通驗收海運漕糧摺 同治九年十二月十六日

李文忠公奏稿卷十七 全集一之十七

覆奏劉銘傳督辦陝西軍務摺 同治九年十月初三日

奏為欽遵 諭旨斟酌機宜通籌全局據實覆陳恭摺仰祈

聖鑒事竊臣於十月初一日承准軍機大臣字寄九月二十九日

奉 上諭前任直隸提督劉銘傳治軍有律疊著戰功此次一聞宣召

即日兼程北來其忠勇報國之忱尤堪嘉尚現在津案已結無須

用武該提督年力正強豈可令其投閒置散因思李鴻章赴直時

已率郭松林周盛傳所部全軍東來僅留譚仁芳五營駐紮西安

此時甘軍勦匪正當喫緊陝省兵力空虛深虞該匪竄突若令劉

銘傳督辦陝西軍務振旅西征不特陝境可得安全即甘軍亦可

免後顧之慮似於大局較有裨益至楚軍與淮軍雖向不相習而

陝事甘事各有責成料不敢各存意見也著李鴻章斟酌機宜據

實覆奏如劉銘傳於西事不甚相宜或於他省軍務可期辦理有

效之處亦著妥籌具奏該提督已於昨日召見俟李鴻章覆奏到

日即可明降諭旨其駐紮滄州及丁壽昌所帶銘軍已有一萬餘

人加以駐紮直隸邊境之周盛傳郭松林等軍亦有一萬數千人

兵數實不為少以有用之兵置之無事之地徒耗餉需若以百戰

勁卒遽予裁撤亦屬可惜著李鴻章通籌全局或酌留直隸若干

以資拱衛或撥給劉銘傳若干以資勦賊其餘各營應如何分地

布置之處並著悉心籌畫迅速具奏將此諭令知之欽此仰見

聖主權衡緩急措置咸宜猶蒙

詢及芻蕘自媿駭愚敢不熟慮深籌直抒所見以備采擇竊念
軍興二十年來惟與擒二逆竄擾最廣且久咸豐年間如向榮和
春德興阿張國樞等皆以武臣督師無效臣時往來諸軍中見其
兵將強弱不齊而主客多存意見因無地方之責也厥後官文胡
林翼以湖廣督撫肅清上游曾國藩左宗棠與臣以江浙督撫肅
清下游曾國藩胡林翼等募練楚軍臣募練淮軍專以選將練兵
為急上下一心糧餉應手是以倖獲成功蓋粵匪為踞賊督師非
兼地方則呼應不靈也至捻逆流竄數省先後亦數易帥勦流寇
與勦踞賊情形不同非僅疆吏所能辦淮軍於北路人地較宜故
亦倖獲成功今陝甘之回雲南之回貴州之苗起於仇殺而跡似
竊據皆無大志遠略亦邊疆之踞賊耳非能將兵而任地方者不
足以了之甘回跨連西北尤

國家切近之患其初多隆阿勦辦陝回最稱神勇惜中道戰沒未
竟其用楊岳斌謀勇沈毅為水師第一名將而局量稍褊狹令統
率陸軍易南而北用違其才又值粵捻未平餉力難分軍多潰變
於是陝甘蹂躪盡矣而楊岳斌亦憤不再出此兩失之道也劉蓉
劉典皆帶楚軍迭任陝撫左宗棠繼往督師論者每謂楚軍宜於
南而不宜西北曾國藩亦嘗為是言然左宗棠每欲專用楚軍平
回匪近因事機屢變稍參用雷正綰黃鼎金運昌傅先宗等而於
他將仍黜枘不入現在圍攻金積堡屢破堅寨莫即得手馬化澂
一股若可殲除甘事當漸起色若甘軍稍振則陝事亦綏似無須
別遣一軍致左宗棠或生疑忌下前赴陝本擬待秋後即請撤歸
者正為此也茲

務自係備豫不虞之計臣查劉銘傳智勇才略可當一面於軍事
應著成效久在
聖明洞鑒之中其治軍以操練紀律為要愛民除害為本至其意
度豁達性情爽直能駕馭將士而使各盡力能決機俄頃而應變
不窮近年辭官歸里折節讀書深明大義其志趣願為
國家效死力雅不欲以武人自居陝省軍務如催修寨堡安插降
回資遣散勇籌辦糧料轉運等事在在與地方交涉督師者號令
黜陟不能必行動多掣肘以武臨之更難著力備
聖意必責成以陝事似須破除常格兼任地方事權歸一該員從
臣多年事事維持調護俾竟厥功今若遠出誠恐磨練未深致辜
朝廷委任仍求
聖主隨時誘掖訓戒勿任他人牽掣排擠庶克陶成大器備異日
千城之用陝中楚勇尚多不甚得力欠餉既鉅裁遣為難又分駐
西安三原之譚仁芳七營係食鄂餉分駐潼關之馬德昭李承先
各營分駐神木府谷之宋慶各營均食豫餉若令劉銘傳督師似
可察度機宜就近調度其所部銘軍馬步一萬二千餘人丁壽昌
現因補授天津道已飭交臬司劉盛藻兼統自應由劉銘傳帶往
郭松林周盛傳兩軍前因豫省彰德糧食艱貴已調郭松林統武
毅各軍移紮德州桑園晉省購糧用罄已調周盛傳統盛仁各營
移紮濟甯以就運河糧路臣既奉
命移督畿疆義應竭力捍衛自須酌留勁旅以固門戶即中原各
省大亂初平人心未定水旱災祲饑驅為盜會匪游勇降眾到處
句結各國通商傳教又往往滋事遠近震驚綠營弁兵斷不足以
禦大敵新募之勇多不可靠時局岌岌看似無事若一有事便慮

不支迥非道光以前承平景象可比實未敢謂為已治已安也臣
 國藩赴任江南方與臣商調銘軍移駐徐州一帶請劉銘傳幫同
 整練江防如劉銘傳移師西向所有郭松林周盛傳等軍如何分
 地布置或撥給若干以資助勦並各省撥定額餉如何分濟之處
 均應俟此次奉
 旨後劉銘傳回營曾國藩抵任再與籌商妥協次第奏明辦理所
 有欽遵
 諭旨斟酌機宜通籌全局緣由是否有當謹據實繕摺由驛覆陳
 伏祈
 皇太后
 皇上聖鑒訓示謹
 奏

奏稿十七

四

沈保靖獎案請敕部註冊片同治九年十月初二日
 再臣前因候選知府沈保靖於皖鄂等省勦捻出力彙案保奏於
 同治七年八月初九日奉
 上諭沈保靖著免選本班以道員留於湖北歸候補班遇缺前
 補用欽此續經臣查明該員沈保靖係於丁憂期內調營當差據
 實補奏同治九年四月二十九日奉
 旨該部知道欽此旋准部咨以該員沈保靖從征楚省係在丁憂
 期內原保摺內並未聲敘亦未先行奏調按照定章將前保獎案
 撤銷等因咨行前來臣查吏部照章撤銷獎案係為恪守成規而
 該員沈保靖從軍多年艱苦剛明最為得力計功請獎實無冒濫
 因臣督師追賊奔馳倥傯未經查例先行奏調致將獎案撤銷若
 不為奏乞
 恩施非特該員向隅且無以鼓勵人才而先時未曾奏調係臣疏
 忽之咎相應請
 旨將臣交部察議所有原保沈保靖免選本班以道員留於湖北
 歸候補班前補用之處可否仰懇
 天恩敕部照案註冊出自逾格
 鴻慈臣為鼓勵戎行起見冒昧附片陳請伏乞
 聖鑒訓示謹
 奏

奏稿十七

五

會商銘軍赴陝分撥各軍摺同治九年十月二十四日

奏為遵

旨會商劉銘傳酌派赴陝各營並郭松林周盛傳等軍分撥布置

詳晰覆陳仰祈

聖鑒事竊臣欽奉十月初三日

寄諭毛昶熙奏請銘軍留鎮畿輔酌撥數營為劉銘傳親軍飭臣

妥籌辦理又奉初四日

寄諭劉銘傳迅赴天津與該督籌商一切郭松林周盛傳等軍如

何分地布置或撥給若干以資助期均著會商具奏等因欽此仰

聖訓周詳籌畫備至感悚莫名劉銘傳由京抵津與臣再四商議

當將所奉初四日

恩諭勉勵成全之意詳細述知該提督感奮馳驅亟圖報稱所部

銘軍馬步二十八營恩信素孚誠如

聖諭應由該提督帶往俾資得力未便留紮直境秦中地廣兵單

時虞隴賊回竄臣並添撥現紮德州之提督郭松林武毅馬步隊

十營現紮保定之總兵徐邦道鄂軍馬隊二營陸續拔往陝西交

劉銘傳節制調遣各該營所需餉項軍火及轉運采辦經費仍由

臣春開所設湖北後路糧臺及揚州分局籌撥接濟前敵相去日

遠西北糧運艱難應由劉銘傳沿途察勘派員設局節節轉輸該

提督籌商粗定即於十月二十日自津起程至郭松林所部尙有

武毅馬步十營查湖北襄樊一帶實為南北要衝湖南現有匪

滋事郭松林籍隸湘省其本任又係湖北提督應令迅帶該軍回

鄂由督臣李瀚章商酌調遣人地最宜周盛傳馬步二十三營本

年由鄂入陝剿除北山上匪嗣隨臣來直先令暫紮山西平陽頃

又移駐山東濟甯終歲奔馳而整肅操防綏急可恃擬令作為拱

衛畿輔之師俟劉銘傳郭松林各營分起遠去即飭周盛傳移師

北渡再行擇要布紮次第奏

聞會國藩前欲商調銘軍移駐徐州劉銘傳幫同整練江防臣於

十月初三日摺內具陳在案茲劉銘傳奉

旨督辦陝事臣既籌撥人秦之師又須兼顧北路不得已緘商會

國藩以臣所部淮軍現有記名提督吳長慶統步隊八營分駐江

淮宿遷揚州蘇州等處前督臣馬新貽深為倚重臣國藩平素亦

器許之或可聊資鎮撫所有會商分撥各軍謹繕摺由驛覆陳伏

乞

皇太后

皇上聖鑒訓示謹

奏

請撥定有著的餉片 同治九年十月二十四日

再西事之難難於兵將得力尤難於糧餉應手准軍自七年秋開
捻平裁遣酌留精銳分防各省因將江蘇月餉減撥一半每年除
發米價雜款外僅放正餉九關從無籌給全餉之事臣今春奉
命援黔征陝姑就留鄂老營添募馬步需款益鉅節次奏蒙
恩准加撥每月湖北五萬四川三萬浙江山東各二萬江蘇鄂浙
督撫臣等顧大局均蒙勉力如數協濟山東現始報解至七月四
川僅解兩批臣前在秦中糧食艱貴異常籌貼各營米價運腳幾
加倍徒深虞日久難繼此次劉銘傳西去尤慮糧餉掣肘中道趨
趨即拱衛畿輔分防江鄂各營亦皆關係大局此係有著的餉若
稍短絀必至貽誤軍情可否仰懇
聖恩救下江蘇湖北四川浙江山東各督撫仍照原撥淮軍額款
按月如數源源解無稍缺誤以濟要需伏乞
聖鑒訓示謹附片具
奏

奏稿十七

八

商調林之望呂耀斗赴銘軍片 同治九年十月二十四日

再劉銘傳督師赴陝糧餉營務及聯絡地方官紳在在均關緊要
必須得人助理查有前任甘肅藩司林之望樸誠廉慈深得民心
該員籍隸皖北與淮軍易於浹洽又熟悉陝甘情形翰林院編修
呂耀斗學識兼長結實可靠臣本擬奏調來直襄籌一切茲劉銘
傳虛已求賢臣與商若調該二員往助當有神益可否請
旨飭令林之望呂耀斗迅赴劉銘傳軍營贊畫戎機以資得力理
合附片陳請伏乞
聖鑒訓示謹
奏

奏稿十七

九

同治九年十月二十六日

奏為欽奉

諭旨裁撤通商大臣歸併總督經管酌議應辦事宜先陳大略恭

摺仰祈

聖鑒事竊臣承准軍機大臣字寄十月二十日奉

上諭總理各國事務衙門奏遵議毛和熙請撤三口通商大臣條

陳一摺著照所議三口通商大臣一缺即行裁撤所有洋務海防

各事宜著歸直隸總督經管照南洋通商大臣之例頒給欽差大

臣關防以昭信守山東登萊青道所管之東海關奉天奉錦道所

管之牛莊關均歸該大臣統轄通商大臣業已裁撤總督自當長

駐津郡就近彈壓呼應較靈並著照所議將通商大臣衙署改為

直隸總督行館每年於海口春融開凍後移紮天津至冬令封河

再回省城如天津遇有要件亦不必拘定封河回省之制李鴻章

當懷遵此次改定章程將洋務事宜悉心籌畫海防緊要尤須通

籌全局選將練兵大加整頓楊村河西務王慶坨等處應否修築

礮臺撥營分駐均著該督酌度情形妥為籌辦畿輔水利本宜講

求而畿東尤亟應如何設法宣洩以利農田著慎選廉能之吏次

第興辦至天津新鈔兩關稅務應否添設海關道一員專司其事

著李鴻章一併酌議具奏等因欽此跪聆之下仰見

朝廷因時制宜慎固封守臣以菲材渥蒙

倚畀調任畿疆方以不克勝任為懼茲更兼管洋務海防事煩責

重深虞叢脞貽誤戰慄萬分除伏

欽差大臣關防頒發到日再行恭摺叩謝

天恩外臣竊維天下大勢首重畿輔中原有事則患在河防中原

無事則患在海防保定控扼河朔又居直境適中之地昔人於此

建置省城實得形要是以歷任總督均須駐省辦事總攬全局天

津偏在一隅似非督臣久駐之所惟自各國通商開埠公使駐京

津郡為往來衝途尤為京師門戶關係極重近因民教紛爭釀成

巨案地方官撫馭未善通商大臣又恐呼應不靈後患殊多不得

不思變計

諭旨准照總理衙門所議裁撤三口通商大臣洋務歸總督經管

並令長駐津郡整頓海防洵屬未雨綢繆之策臣前奉

旨駐津籌辦彈壓撫綏各事今值歸併通商事同創始法貴變通

自應久駐此間逐漸經畫目前最急者須先添設海關道一員查

咸豐十年十二月開崇厚由長蘆鹽政改授三口通商大臣職分

較卑按照條約並無載明通商大臣與領事交涉儀式往來公文

俱用照會平行迨崇厚升侍郎相沿已久礙難更改茲臣以總

督兼辦又蒙

特頒欽差大臣關防各國和約載有專條未便過事通融致喪國

體而啟外人驕慢之漸且臣曾兼任南洋通商大臣五年舊例尚

在末可前後易轍計惟添設海關道比照各口現辦章程責成道

員與領事官稅務司等商辦一切隨時隨事稟裁奪其有應行

知照事件臣即札飭關道轉行領事遵照至往來會晤儀節務皆

斟酌適宜此等事理雖小動關體制不敢不慎又中外交涉案件

洋人往往矯強有闕道承上接下開論調停易得轉圜不獨常洋

兩稅須人專管也向來地方添設員缺多就開缺裁改各口關道

並有兼轄地方之責查直省道缺各當要地無可改併天津道承

辦海運每年南漕百萬石由該道陸續接運赴通煩難已極未能

兼任洋務致有偏廢相應請
旨准令添設津海關道一缺專管洋務及新鈔兩關稅務凡華洋
交涉案件責令該道督同府縣各官認真妥辦並由直隸總督揀
員請補俾可呼應得力如蒙
俞允請即

救部先行鑄給關防未盡事宜仍續行妥議具奏至選將練兵籌
備海防一節尤為目今要務綠營弁兵惰窳已久就中挑選加餉
操練外貌即似整齊實恐難當大敵此各省近來練兵通病不獨
直隸為然總理衙門奏令擇任將領自係至當不易之論往往百
戰名將練勇則易為力練兵則無成效者餉額有多寡人地有生
熟又綠營文法太密牽制苦多不能盡廢其法與人而別開生面
也旨國藩本年四月續奏馬步練軍章程經部議准似較從前營

奏稿十七

三

制差強惟新舊練軍向未一律兵多戀家遠調仍逃喫苦不慣其
中情弊隨時整飭變通或者有神實用天津向練洋鎗隊大致可
觀惟平日並不整營臨事未敢深恃大沽海口南北砲臺最為扼
要而守兵過單守具亦未精備楊村河西務王慶坨等處均係由
津進京要路將來應否撥營分駐修築砲臺以壯聲勢均當次第
妥酌辦理臣前由保定赴津僅帶小隊兩哨昨因銘軍遠去業調
駐省親軍鎗砲隊二營來津護衛並奏派記名提督廣西右江鎮
總兵周盛傳統盛仁各營為拱衛畿輔之師該軍行役經年甫抵
濟甯擬令略為休息整隊北來暫在景州滄州一帶屯紮操練以
備應津案甫結民情不免觀望洋人尤多疑懼現兵船在此守
凍臣姑以虛聲靜鎮徐圖布置使其相安至畿東水利自元時設
官耕屯未幾復罷厥後建言雖多行之迄無成效蓋由北方天時

地利人事皆有滯礙難行之處崇厚前於軍糧城開墾渠田五百
餘頃聞不久亦多淤廢容再察看妥籌試辦所有裁併通商大臣
酌議應辦事宜先陳大略各緣由謹繕摺由驛覆陳伏乞
皇太后
皇上聖鑒訓示謹
奏

奏稿十七

三

奏保陳欽沈保靖片 同治九年十月二十六日

再天津應添海關道一缺臣已另摺奏陳現值裁併更張之始所有新得海關稅務及與洋人交接體制並創立章程一切事宜必須籌畫妥善方期經久無弊非熟悉洋務通達治體之員不能勝任查有四品銜

記名海關道刑部郎中陳欽前奉

旨署理天津府知府經曾國藩疊次奏保在案臣查該員心地正大才辨明通在總理衙門總辦多年於中外交涉情形洞悉本末研究入微因途次感受風寒在津請假調理未及遽赴署任若以該員補授津海關道銜缺相當於洋務尤為得力惟頃准總理衙門咨行奏調該員陳欽回京當差摺內奉

旨依議欽此自應欽遵轉飭知照臣亟欲求才助理妄思暫留陳

奏稿十七

古

欽請

旨飭令署理津海關道俾臣督同該員籌辦經始章程俟洋務關務稍有就緒再飭回京儻猶不蒙

俞允查直隸現任候補道員中賢能不乏實無深悉洋務之人惟有前調隨臣營之湖北候補班遇缺前補用道沈保靖江蘇江陰縣舉人廉正精細博物多聞向在蘇滬從事日與洋人交涉外

和內勤通達大體其才器儘堪造就合無仰懇

聖恩准令借署津海關道兼辦機器局臣亦稍資指臂仍照河工道員之例俟試署一年期滿察看如果勝任再行奏請實授通商

非尋常事體津關當改設之時未便拘守例議可否懇

恩破格暫准通融辦理冀於時局有裨臣為洋務需才起見冒昧瀆陳是否有當伏候

聖裁訓示遵行謹附片具

奏稿十七

古

籌議天津機器局片 同治九年十月二十六日

再欽奉十月十二日

寄諭天津機器局應如何斟酌添製開拓之處著李鴻章妥為籌畫奏明辦理該督於此事講求有素務當督飭津局委員事事悉心研究將此中機巧竟委窮源庶可有裨實用等因欽此臣查製器與練兵相為表裏練兵而不得其器則兵為無用製器而不得其人則器必無成西洋軍火日新月異不惜工費而精利獨絕故能橫行於數萬里之外中國若不認真取法終無由以自強竊謂士大夫留心經世者皆當以此為身心性命之學庶幾學者眾而有一二傑出足以強國而贖軍臣自愧智短力分迄無成就前在江蘇督撫任內創設上海金陵機器兩局分造輪船鎗礮火箭銅帽等件略有端緒歷年軍中撥用實利賴之惟馳驅在外未能躬

奏稿十七

六

親督率嘗以有初鮮終為懼洋鎗炸礮皆非洋火藥施放不能取準而及遠軍每向西國購運其價較中國土藥微昂究不若自製洋藥之多且便總理衙門奏令崇厚在津購辦機器設局造藥足補南局所未備且隱寓防患固本之意極為遠慮深謀其初不得不雇洋人指授所望內地員匠學其器而精通其意久之自能運用轉相傳習乃為經久之道又凡仿製洋器每年所用工料銀較之每年所出之貨必比采買之價稍貴即稍貴亦係值得不為虛糜崇厚奏稱據密安士云再添研藥機器三分則所出火藥可增三倍較之采買即可節省等語臣昨與成林親往該局查看面詢密安士又不敢據為成說其誇大之詞也惟該局規模粗具垣屋尚須加修機器尚須添製火藥亦尚未開造自應就此基緒逐漸擴充逐事核實非廉正熟悉而有條理之員不足與謀查有

湖北補用道沈保靖前經臣委令督辦上海機器局事事皆賴其創制如履用洋匠進退由我不令領事稅務司各洋官經手以免把持定購外國機器貨料自擇各洋商評訂收貨給銀務取該國發貨洋文單為憑委員各有專司其冗食不究心者汰去之華匠學徒按日點工給價無稍冒混立法最稱精善是以滬局開設數年已造成輪船四隻洋鎗大小開花礮洋火箭等項接濟各軍應用者均不下數千件出貨較多而用款並不甚費以視閩局專任稅務司法人日意格津局專任領事官英人密安士將成尾大不掉之勢似稍勝之沈保靖因臣平捻後軍器可減久任勞怨力辭局務隨營差遣臣不得已緘商前兩江督臣馬新貽撫臣丁日昌暫令道員馮煥光知府鄭藻如照舊接辦滬局頃以天津機器局

奏稿十七

七

旨交臣籌辦辦理臣即密屬沈保靖留心察度擬即遴委該員總司其事該員再三固辭大抵關涉洋務自好者已不願為洋務而又兼出納銀錢更多望而卻步隨俗則恐無實濟認真則必叢怨尤然惟其不願為者乃可與有為此等苦情諒邀聖明俯鑒沈保靖與臣交近三十年歷明耐苦絲毫欺不苟實所深信可不請旨飭令該員總理天津機器局事務以資熟手臣當督同該員監管中外各員匠逐細講求悉心研究務期有裨軍用仰副聖慮惟係已成之局牽涉洋人窒礙殊多更張不易密安士屢次來謁臣諄諄誥誡以覈實利用為要該領事人尚和平要好或可相與有成容再察酌安辦並一切整頓開拓章程隨時督飭沈保靖相機籌議具

奏事關鉅要不得不據實詳晰質陳伏乞

皇太后

皇上聖鑒訓示謹附片具

奏

奏稿十七

大

議獲練軍長夫片 同治九年十月二十九日

再直隸新練馬步各軍經前督臣曾國藩於本年四月間奏奉
諭旨飭部議置到任後接准部覆比即轉飭遵辦惟查兵部議
覆練軍步隊各營長夫一條內稱營哨各官既用伙夫所請四哨
哨官各用長夫三名營官用長夫十二名未免過濫應不准其履
用等語臣查練軍營制原奏聲明比照勇營舊章酌損益冀可
整軍經武一變營伍廢弛之習所定月餉雖較綠營稍優而
參諸勇營章程支放各款計已蠲減不少並無冗濫緣湘淮各軍
營制每五百人一營於伙夫之外均另有長夫一百八十名誠以
營中挖濠築牆等事雖責成兵勇亦須兼資夫力而挑運軍裝子
藥轉解糧料器械以及喂養馬匹析薪擔水一切雜差非有長夫
無可分任茲查練軍營哨官所用伙夫各止一二名僅能專供炊
爨平日既責令紮營操練若將營中雜差仍派兵丁充當勢必藉
口課操回國藩所擬營哨官准用長夫共二十四名實係減而又
減在練軍各統帶營官方嫌其少未便再行剋減惜小費而致誤
操防現屆冬令巡哨喫緊之際臣已飭各處練軍帶隊分往就近
大路擇要駐卡巡緝以期將士習練寒苦地方盜匪潛蹤如果試
行有效當隨時設法激勵可否仰懇
天恩俯准敕部查照曾國藩原奏無論行營坐營營官准用長夫
十二名哨官准各用長夫三名以示體恤實於練兵定章有裨此
外如有應行變通之處仍由臣妥細察酌續行奏辦所有酌增練
軍長夫緣由理合附片具陳伏乞
聖鑒訓示謹

勳川協備修築南運河片 同治九年十月二十九日

再前據天津道丁壽昌稟據南皮縣知縣李鵬展稟報本年六月二十八九等日風雨暴作河水驟漲致將該縣所屬南運河之馮家淺隄岸漫決五十三丈葦子廠隄岸漫決七十二丈田禾被淹受災甚重當經該道飭委候補通判丁肇元前往會同勘辦旋據開捐稟送共估需工料銀一萬四千三百餘兩稟請籌款撥發購料集夫趕緊堵築俾被淹各村及時補種以救民困等情前來臣查南運河兩岸隄工為漕運口賦所關向年搶修經費需撥銀四千餘兩近來藩司以未奉戶部准給行知致未撥發茲南皮縣屬馮家淺葦子廠等處隄工漫口至一百二十五丈亟待興工堵築需費甚鉅非歲修工程可比現值司庫支絀異常惟有前督臣曾國藩奏撥江海關月協直餉三萬兩聲明專為直省整軍治河之用經臣覆加酌覈行飭藩司暨練餉總局在於此項協餉內撥發銀一萬兩由天津道具領委員會同該縣認真興修毋許稍有草率浮冒除俟工竣驗收飭令據實造報並先行咨明戶工二部查照外所有動撥協備修築南運河漫口隄工緣由理合附片陳明伏乞

聖鑒謹奏

奏

添募樂字營營制章程摺 同治九年閏十月初六日

奏為前督臣曾國藩任內添募馬步勇隊酌定章程恭摺續行奏明仰祈 聖鑒事竊查本年四月間督臣曾國藩因秦隴軍事喫緊擬調原駐張秋之銘軍赴陝隨勦惟直省兵力過單緩急難恃飭據督統銘軍題奏按察使丁壽昌委員分往江南徐宿安徽廬州等處增募淮勇二營以期有備無患嗣委員題奏總兵李得成山徐等處募齊樂字馬隊一營三哨於五月初六日成軍又記名提督趙長發募齊樂字步隊一營於五月二十日成軍經營務處先後點驗計挑膽勇丁五十九名疲乏馬五十九匹給資遣回其馬步隊營制悉照銘軍定章各營口糧薪公車價長夫等項按月支給係由江南協款內動放撥與直隸新舊練軍營制不同由練餉局司道詳請

奏咨立案前督臣曾國藩未及覈辦移交前來臣查曾國藩添練樂字營馬步各勇並親軍小隊交丁壽昌統帶係為增益兵力拱衛畿輔起見業於試辦練軍酌定營制摺內陳明在案嗣曾國藩赴津委丁壽昌署天津道所部樂字兩營三哨調往津郡紮營彈壓巡防尚為得力應需餉乾即照曾國藩原定章程辦理除咨戶兵二部外謹繕清單恭呈

御覽伏乞

皇太后

皇上聖鑒敕部立案施行謹

奏

謹將新募淮軍樂字馬步隊照銘軍章程弁勇夫醫月支薪公車價柴草餉需各數目繕開清單恭呈

御覽

計開

樂字營馬隊章程

營官薪水月給銀五十兩不扣建

辦公費月給銀一百兩不扣建

油燭月給銀二十五兩不扣建

車價月給銀一百兩不扣建

柴草月給銀八十兩不扣建

伙勇一名月給銀三兩三錢扣建

公長夫四十名每名月給銀三兩扣建

文武幫辦二員每月給銀十六兩不扣建

書識一名月給銀六兩扣建

獸醫二名每名月給銀六兩扣建

馬夫四名每名月給銀三兩扣建

伙勇一名月給銀三兩三錢扣建

督隊官五員每月給銀六兩扣建

伙勇一名月給銀三兩三錢扣建

長夫一名月給銀三兩扣建

哨官四員每月給銀二十兩扣建

護勇十六名每名月給銀四兩五錢扣建

書識四名每名月給銀六兩扣建

伙勇四名每名月給銀三兩三錢扣建

長夫四名每名月給銀三兩扣建

隊長二十員每月給銀七兩五錢扣建

馬勇二百四十名每名月給銀四兩五錢扣建

伙勇二十名每名月給銀三兩三錢扣建

長夫四十名每名月給銀三兩扣建

營官幫辦獸醫共馬七匹哨官隊長等官其馬二十四匹督隊書識共馬十四合共馬四十一匹每匹月給馬乾雜款銀二兩八錢不扣建

馬勇其馬二百四十四匹每匹月給馬乾雜款銀二兩四錢不扣建

樂字營步隊章程

營官每月薪水銀五十兩不扣建

公費月給銀一百五十兩不扣建

車價月給銀一百兩不扣建

柴草月給銀一百六十兩不扣建

油燭月給銀三十兩不扣建

公夫七十八名每名月給銀三兩扣建

哨官四員每月給銀九兩扣建

哨長四員每月給銀六兩扣建

護勇二十名每名月給銀四兩五錢扣建

親兵什長六名每名月給銀四兩八錢扣建

親兵六十四名每名月給銀四兩五錢扣建

四哨什長三十二名每名月給銀四兩八錢扣建

正勇三百三十六名每名月給銀四兩二錢扣建

伙勇四十二名每名月給銀三兩三錢扣建

長夫一百二名每名月給銀三兩扣建

奏稿十七

五

河運艱阻請督催驗收片 同治九年閏十月十二日

再南省漕糧近因河道淤阻皆以河運為畏途同治四五年間前
 漕臣吳棠與臣在兩江總督任內曾經試辦兩次其時黃河大溜
 尚在張秋八里廟上下築壩灌引較易為力故能及早抵通交兌
 厥後北淤南下黃流日徙而南現已至安山戴廟一帶距張秋三
 十餘里夏令盛漲其分溜尚鋪及八里廟外若漕船屆期趕至猶
 可乘漲駛入運河然計張秋以北黃水灌運每歲不過一二次每
 次不過數日即涸耳今年南漕誤期實由春夏久旱濟甯下至清
 江運道淺阻重船不能挽上迨伏汛暴漲黃水內灌而運船無由
 遠達及運船趕至而黃水驟已落枯此天時地利為之非人力所
 能強爭也江安糧道王大經督趨糧艘停止八里廟河下一月有
 餘經山東撫臣飭屬百計挑挖欲引已涸之黃水再灌入運固知
 徒費工力臣尤慮漕船久擱進退失據嗣改由張秋陸運臨清復
 換船上駛津通雖稍糜費已屬幸事據報各起米船均抵通壩正
 在陸續過閘惟大雪期近閘河凍結恐難全數運倉向例已到未
 運之米應由南省委員覓屋存儲俟春融再運此次米船到遲事
 出有因若仍拘守常例不稍通融竊恐以後南中不敢再辦河運
 且糧道有督徵籌運之責本年運糧未竣礙難回省籌辦新漕兩
 江督臣曾國藩江蘇撫臣丁日昌以臣熟悉南漕及運道情形前
 瀕行時諄屬代催王大經速回籌辦新漕茲屆嚴冬糧船既經到
 壩尚屬無誤公事應請
 旨敕下倉場侍郎趕緊督催驗收如閘河冰堅其未運之米或由
 倉場派員照數收儲候運即令該糧道兼程回江以示體恤明年
 江北漕糧無論河運海運均須年內趕辦不可再遲臣為漕運大

局起見目昧據實附陳伏乞
聖鑒訓示謹
奏

奏稿十七

美

遵調宣化練兵協防庫倫摺 同治九年閏十月十六日

旨調撥宣化鎮官兵馳赴庫倫協防酌發三箇月行糧並請
飭下察哈爾都統履備駝隻酌飭分起前進恭摺陳仰祈
聖鑒事竊臣欽奉閏十月初七日

上諭張廷岳等奏烏城戒嚴情形緊急請飭撥兵防守一摺賊勢
漸偏漸聚烏城兵力單弱戰守均不足恃脫有不虞則科布多等
處均形震動即庫倫亦恐孤立無援必須迅撥勁旅以捍疆圉著
李鴻章調撥宣化鎮標鎗火鎗等項官兵一千名派委得力將
弁管帶馳赴庫倫俾資協守等因欽此又奉十三日

上諭錦不勒多爾濟奏賊匪撲陷烏城文盛等奏請飭直隸山西
發給征兵餉乾各摺片賊匪四千餘人於十月十九日撲犯烏里

奏稿十七

毛

雅蘇臺官兵未能抵禦旋即失陷前調宣化大同兩鎮官兵各一
千名前赴庫倫防剿現在烏城既失庫倫情形亦屬喫重著李鴻
章何璟迅即調派剋期前往該官兵徑由軍臺行走應需餉乾等
項並著寬為籌給令其自行備辦糧糗裹帶前進需用鍋帳等項
一併備齊以免沿途缺乏直隸山西西北境並著李鴻章何璟確
切偵探先事預籌毋稍大意等因欽此臣伏讀之下仰見
聖謨廣運訓示周詳莫名欽佩遵即飛飭宣化鎮總兵王可陞調
派得力將弁管帶官兵日起程馳往協守茲據王可陞稟稱擬
在該鎮練軍內挑派馬隊營官兵二百名步隊兩營官兵各四百
名共成一千名配帶隨用軍械飭令營哨各官趕製行裝加添皮
衣派弁赴省請領餉乾帳房藥鎗等項並據稟懇查照該鎮官兵
從前出師換防成案由內外驛站支應車輛駝隻以利進行等情

除飭省局司道寬為籌給該官兵等三箇月餉乾並應領帳房藥
 鋪等項俾資備辦並飭宣化萬全各縣照例應付車輛仍飭將所
 派管帶將弁銜名暨分起起程日期據實稟咨查核外臣查庫倫
 地處車臣汗部落中旗距宣化三千餘里正站應由張家口行走
 經過之處皆係沙漠戈壁一交秋深天寒地凍水草缺乏是以向
 來換防官兵須於春夏之交分起北行現值烏城失陷庫倫喫重
 非尋常換防可比自應星速前往以資布扼惟時屆隆冬風雪閉
 作該官兵等奉調出師口外蒙古臺站道途荒遠人煙稀少諸多
 艱阻行營裹帶糧餉軍裝笨重常礙難稍有缺乏必應援案由
 各臺站酌給駝隻轉運俾可迅速前進至應如何分起行走
 沿途如何預備駝隻接運送始可不致遲誤擬請
 旨飭下察哈爾都統起緊酌核妥辦就近行飭該鎮轉飭管帶官

奏稿十七

天

遵照並派熟悉情形之蒙古官帶俾不致迷失路徑此項官兵到
 庫後每月應領餉乾軍火若由內地領解恐誤軍食可否即由庫
 倫防所查照定章接續支給並歸庫倫辦事大臣節制調遣以收
 臂指之助其直隸西北邊境雖距烏城尚遠烏合之賊似亦不敢
 深入仍由臣隨時確探妥為籌備以冀仰慰
 宸廑所有遵調宣化練兵緣由繕摺由驛馳陳伏乞
 皇太后
 皇上聖鑒訓示謹
 奏

接辦洋務片 同治九年閏十月十六日

再臣欽奉九年十月二十日
 寄諭現在情形天津洋務海防較之保定省防關係尤重通商大
 臣業已裁撤總督自當長駐津郡就近彈壓呼應較靈著將通商
 大臣衙署改為直隸總督行館每年於海口春融開凍後移紮天
 津冬令封河再回省城如天津遇有要件亦不必拘定封河回省
 之制等因欽此臣於閏十月十六日遵
 旨開用關防接辦洋務大理寺卿成林即於是日交卸料理回京
 署津海關道陳欽亦飭於是日赴任接管天津新鈔兩關稅務惟
 向來稅項收儲通商大臣署內銀庫隨時照章核明支放此時添
 設關道諸事草創臣暫將通商大臣衙署改為直隸總督行館所
 有成林交到庫款俟盤清後先派員妥慎看守將來道署議定規

奏稿十七

天

橫再交該關道經管至天津教案大致雖已議結尚有俄國應抵
 兇犯四名該領事孔氣力求緩決現飭天津道丁壽昌署天津府
 馬繩武與之妥議容有定局再行

奏明請

旨酌奪英國賠堂及法國求卹傷亡教民兩項正在反復議商皆
 係案外餘波一時尙難清了津郡中外商民驚疑甫定市肆近頗
 興旺而外國兵船數隻仍在津河守凍未便稍涉疏虞現節過大
 雪封河在即此開諸務緊要甫經接手頭緒紛繁自應慎選
 論旨不必拘定封河回省之制從容靜鎮逐漸整理臣仍檄飭藩
 司錢鼎銘將省署日行文件代拆代辦並飭在省司道會督營員
 慎密巡防遇有要事隨時飛稟酌裁並令正定鎮總兵譚勝達記
 名提督彭楚漢各帶所部練軍分巡省城西南一帶以紓游匪而

固冬防俟津仰一切布置略有就緒再酌度緩急情形以為進止
隨時據實奏
聞所有現屆封河未能回省緣由附片具陳伏乞
聖鑒謹
奏

奏稿十七

手

附議津海關道章程摺 同治九年十一月初六日

奏為遵旨妥議新設津海關道未盡事宜酌擬章程恭摺具
奏仰祈

聖鑒事竊臣前於議覆裁撤通商大臣摺內請添設津海關道酌
議應辦大略欽奉

上諭其餘未盡事宜著李鴻章迅速妥議具奏等因欽此嗣又以
關道責任綦重先將舊用天津鈔關關防割發該署道陳欽祗領
任事附片陳明在案查天津添設關道原期遇有中外交涉事件
先由關道與各國領事官會商妥辦再行詳稟以歸簡易若事關
重大或關道與領事官意見不合未能妥速了結始稟請督臣核
示飭辦免致輒因細故便須督臣親身與領事官接見辯論蓋顯

奏稿十七

手

示以照條約即隱藉以維體制也惟津郡距京較近與各口情事
稍異儻各領事遇事要求不遂所欲其進京稟請較為便易雖未
能強相禁阻亦斷不可稍涉推諉庶冀內外合力維持以全大局
臣接辦之始即飭該署道陳欽照會各領事凡有交涉事件均
歸該關道專管遇事代為轉詳各領事現已陸續照覆尚無異辭
第念津郡各領事向與通商大臣辦事已久今改令與關道商辦
固係遵照條約不能不允究難免微有輕視之心且督臣不能常
駐津郡將來交涉事件惟賴關道操縱得宜方免別生枝節若不
稍假事權非特洋人勢難駕馭亦恐地方呼應不靈遇事倍難措
于上前接總理衙門公函囑將新設關道一切章程仿照奉錦山
海關道成案一體察津海關情形與山海關關道不同自應略為
變通俾無窒礙連日督飭該署道妥籌熟議並經臣參酌各海關

舊章詳晰核定謹將未盡事宜酌擬七條開具清單恭呈御覽伏乞

飭下各該衙門迅速核議施行再事當創始法貴精詳如續行查出應議之件自當隨時分別奏咨以期周妥所有籌議新設關道未盡事宜章程緣由理合恭摺具

奏伏乞

皇太后

皇上聖鑒訓示謹

奏

奏稿十七

呈

謹擬新設津海關道未盡事宜開具清單恭呈御覽

一管轄地方以專責成查新設津海關道若無管轄地方之權則文武軍民恃非本管遇事呼應不靈况自直省開埠通商各府州縣交涉事件所在多有更難劃分畛域擬請仿照各省督糧道管轄有糧各州縣之例所有直隸一省交涉洋人事務統歸關道管理其附近地方如天津府並所屬滄州天津靜海鹽山慶雲各州縣永平府並所屬灤州樂亭縣遵化州並所屬豐潤縣及順天所屬之甯河縣俱係沿海地方擬定為關道專轄至沿海各口岸稅務有本歸該處州縣經管者仍照舊稽徵其距海較遠之各府州縣定為關道兼轄遇有中外交涉事務地方官應就近通稟各該管上司批飭核辦俟辦結後併報關道查核以期周悉至專轄府州縣尋常命盜錢糧案件仍照舊由各該管道員飭辦無庸由關道核轉惟中外交涉事件稟詳關道核辦兼轄府州縣凡遇通商事務准由關道核飭遵辦儻有不遵檄飭並辦理不善之員均准關道據實指名揭參庶各屬不致掣肘

一兼辦海防以資彈壓查天津開埠設立海防添練洋鎗隊原以津郡為京師門戶海防最關緊要前經挑取津通鎮協標弁兵習練洋鎗礮隊嗣山海東海兩關先後仿辦山海關道並照行營規制充統兵大臣翼長今津海關道管理洋務即職兼海防將來若值督辦旋省海防各營須有文員會同鎮協鈐東方免別滋事端擬請仿照山海關道之例關道准充督辦海防行營翼長各營自都守以下均受鈐轄與海防統帶各員和衷會辦庶文武聯絡一氣不致隔閡

一頒給關防以昭信守查現用監督關防原只稍徵鈔關稅務今改設關道管理直隸中外交涉事件並新鈔兩關稅務以及鈔關海防兵弁自應仿照山海東海兩關章程並照浙海關兼管海防兵備道名目擬請

收部頒給辦理直隸地方通商事務兼管海防兵備道關防遇有關涉地方洋務及海防事宜均鈐用兵備道關防另照南北各海關章程刊換監督直隸津海關稅務關防其新關鈔關事件即用監督關防以清眉目所有現用鈔關監督關防俟奉頒後即行繳銷

一核定缺分以昭慎重查直隸新設津海關道一缺係因地方洋務關係鉅要因時制宜未便拘執常例遷就貽誤應欽遵諭旨作為由總督揀員請補之缺嗣後遇有缺出或於通省現任

道員內調補或於候補道員內請補或以現任知府請升應擇其入地相宜者酌量補用升用由督臣專摺奏請如一時無可勝任人員准於摺內聲明酌保一二員請旨定奪俾收得人之效該道缺應請作為衝繁疲難四字最要缺現署道員陳欽遵照部議俟試署一年期滿再照例題報實授

一修建衙署以符體制查天津東北門外三口通商大臣衙署本係長蘆鹽政公署今遵旨改為直隸總督行館關道自應另設衙署津郡城地狹隘乃前

明衛城舊基偏在運河南岸控扼殊不得勢又無閒房隙地惟郡城東門外濱河地方有前長蘆副運同公所距總督行館較近與紫竹林各國領事官住址亦不甚遠且在新鈔兩關適中之處便於稽查擬暫行借作道署該公所曾經洋人焚燬屋宇傾圮須

加修葺領事各官時常來謁尤應稍壯觀瞻現委員擷節勘估與修所需經費在洋稅坐扣八分經費項下動支此項工程大半因舊修改與重新創建者不同擬請毋庸咨部題估房間數目丈尺做法以免往返駁查稽延仍俟工竣後將用過工料地價核實開報惟此係目前權宜辦法城外地勢散漫無險可守將來宜就運

河北岸圍築新城另建官署為經久防患之計一酌給養廉以示體恤查津海關道仿照山海東海兩關道管理常洋兩稅及中外交涉一切事務其俸薪養廉亦應照該兩關道支領數目每年支領俸銀一百五兩養廉銀四千兩定例俸銀在該省地丁項下動支養廉在該省耗羨項下動支惟直隸係缺額

省分通省各官養廉尙有不敷別無可支之款擬請仿照山海關道章程按四季在於津海關洋稅坐扣八分經費項下動支如有不敷再由洋藥釐捐撥補

一籌給經費以資辦公查津海東海山海三口通商事務現併歸督臣綜理公務甚繁所有前通商大臣幕友委員書差人等均所必需其薪水飯食心紅紙張等項應循照舊章開支由關道在月支經費冊內造報至新設關道辦理地方中外交涉並海防稅務各事宜所需各項經費亦應仿照東海山海兩關道奏定章程開

支惟津郡為進京衝途時有各國公使人等來往且所徵稅數比該兩關較多所需幕友委員書差人等為數亦多其薪水飯食心紅紙張等項應准酌量加增核實支發俟逐款核定確數報部查

撥備過有要需並不能預定之款仍照舊章隨時稟明督臣酌發統在八分經費項下開支由關道逐月按結造具細數清冊詳請咨銷以杜浮冒

開打機器局片 同治九年十一月初六日

再天津機器局經臣奏奉

諭旨派道員沈保靖總理其事當即轉飭該道欽遵到局籌辦一切查該局規模粗就機器尙少日碾洋火藥僅三四百磅亟須添購磁器增建廠屋局界周圍六七里亦擬加築長牆以期慎密戶於大清河北運河之閒擇地興造藥庫一所以便收發事屬開拓費用較鉅沈保靖逐項清釐講求工作嚴剔弊竇並在上海鐵廠調來熟練可靠員匠幫同照料所有該局經費務使涓滴歸公不准絲毫浮冒惟該局事件多與洋人交涉沈保靖又係隔省人員應派津海關道陳欽會同辦理庶支發稅項進銷冊籍可資分任而便稽核該關道亦藉以訓練製器之法冀於時局有神理合附片陳明伏乞

聖鑒謹

奏稿十七

奏

練軍協防庫倫酌給皮衣片 同治九年十一月初六日

再宣化鎮奉調馬步練軍一千名前赴庫倫協防時值隆冬遠涉沙漠冰雪之地寒苦情形極堪憫念經臣核定每兵一名酌給銀二兩五錢為置辦皮襖皮靴之需飭直隸練軍局照章籌發以示體恤茲據該局詳稱遵在江海關協餉項下撥發銀二千五百兩交該鎮領餉委弁解回就近置辦散放等情前來臣查出征官兵籌款置辦皮衣銀兩委因體念兵艱核實動支應准就款開除免造冊冊以歸簡易伏乞

聖鑒救部查照謹附片具

奏稿十七

奏

籌設糧臺分別支應摺 同治九年十一月初六日

奏為遵旨派員籌設糧臺宣化大同征兵應由本省撥給糧價吉林黑龍江察哈爾馬隊懇

恩飭撥部款分別支應恭摺仰祈

聖鑒事竊臣欽奉閏十月二十四日

上諭大軍進剿兵食最關緊要自應在察哈爾安設糧臺以資轉運著李鴻章即飭口北道酌派委員赴口設立糧臺所有征兵糧餉並采辦乾餒及需用軍火等項應需銀兩並著籌款撥給奏明辦理等因欽此當即恭錄札飭口北道奎斌欽遵籌辦據該道籌議應辦事宜請撥部餉稟覆前來臣查各路官兵調赴庫倫等處防剿該處素不產糧大軍雲集枵腹堪虞此次設立糧臺應以辦

糧為急務其餘尙可從緩現計奉調馬步兵五千名加以帶隊員弁隨征餘丁約及七千名每名照例日支口米八合三勺每月即需米一千七百餘石宣化產米無多商販亦少必須分赴各屬采買應用一切購辦製造轉運腳價需費甚繁直省藩庫支絀異常旗綠各營兵餉積欠屢練軍一項專指部撥月餉尙不敷用更何從籌此鉅款惟該臺用項緊迫未敢稍涉遲緩致誤事機臣現飭練餉局司道將宣化征兵一千名籌給三個月餉乾並備辦帳房皮衣等項該官兵放行以後其月需糧食采運費用若干仍由直接月如數籌撥解臺以資接濟至察哈爾吉林黑龍江馬隊兵餉本係山部籌撥文盛等已奏准部庫撥銀二十萬兩目前不辦乾餒裹帶糧餉足資應用以後口糧亟須預籌進濟擬懇

天恩飭部迅撥銀三萬兩交順天府升派員解交口北道專備察哈爾吉林各馬隊口外購糧之需至山西大同鎮官兵現由歸化城出口歸綏木石糧臺支應防兵糧餉其大同征兵糧食軍火應

請救下綏遠城將軍山西巡撫飭山歸綏道辦進以免轉囑至各路馬步官軍馳抵烏城庫倫以後除由後路各糧局購進糧藥外其例支鹽菜馬乾等銀斷難由遠處籌放以致緩不濟急查烏城現請餉銀五十萬兩庫倫亦請餉銀十萬兩原為征兵之需所有察哈爾吉林黑龍江官兵應領餉乾擬由烏里雅蘇臺參贊大臣就近支給宣化大同兩鎮官兵應領餉乾仍查照臣前次奏案閏十月十八日所奉諭旨由庫倫辦事大臣就近支發以免紛歧再軍火等項前敵需

用孔殷即須分起進解擬請飭由工部先行籌給領用嗣後業經出口啟行各營請領糧食軍火應由統帶官隨時呈由察哈爾都統飭知張家口糧臺照例應付勿任稍有混用過銀數事竣核實造冊報銷再查烏里雅蘇臺被陷逾月續後賊情若何毫無確報烏合之眾食盡散亦在意中儻無大股嘯聚只須隨地搜擒征兵無須過多即無庸專設糧臺徒滋糜費應請旨通飭各將軍都統辦事參贊大臣相度機宜隨時據實奏辦沙漠寒苦糧運極艱若紛紛徵調兵到而賊已遠颺似不若兵少而餉可持久愚昧之見是否有當伏候聖裁所有籌設糧臺分別支應各緣由謹繕摺由驛五百里馳陳伏乞

皇太后
皇上聖鑒訓示施行謹
奏

奏稿十七

聖

州縣留支等款請發十成實銀摺同治九年十一月初十日
 奏為滙陳各州縣賠累情形仰懇
 天恩准將留支缺額等款仍照前議統以十成實銀支發並請概
 免提解二成以資辦公而維大局恭摺仰祈
 聖鑒事竊查前准戶部咨議覆直隸各州縣留支銀兩請免提解
 四成殊難照准酌擬自同治九年起改按八成留支其缺額俾工
 工料亦按八成實銀支發至咸豐八年以後留支項下應餘一成
 實銀仍提解司報部具奏奉
 旨依議欽此鈔奏咨行遵辦等因當經前督臣曾國藩行司欽遵
 通飭各屬一體遵照去後旋據清苑大興宛平盧龍天津河間正
 定大名邢臺永年宣化等十一首縣會銜稟稱竊查直屬州縣留
 支及缺額俾工等款奉部議覆以現在旗綠各營兵餉祇發七成
 實銀各州縣留支等項係屬雜款豈能獨優令自同治九年起准
 按八成留支缺額俾工工料亦按八成實銀發給並將咸豐八年
 以後長出二成實銀一併提解等因理宜祇遵曷敢再瀆惟其中
 窒礙難行有不得不陳明者查額設兵餉雖放七成然餉少兵弱
 難以得力因而抽練之兵仍須加給餉乾可見減餉並無實濟至
 若留支一項皆係散給窮苦佐雜清寒師生以及賤役貧民驛站
 夫馬之川按日如數支給辦公已形竭蹶一經剋減萬難支持是
 以恩奉減放章程各州縣因時勢艱難未敢以窒礙情形上達致
 礙全局雖名為減成實處處仍照十成發給以期無誤公事現在
 地糧既收全銀而以八成留支令將長出二成實銀批解各州縣
 既須賠貼二成發項又須明賠二成解款一發一解計須賠貼四
 成實銀為州縣者無此私財即難保不挪之公項故從前提解司

庫二成之說不免視若具文十餘年來並無實提實解之事非敢
抗違實係力有不逮其情不無可原惟懇仍照前議准將額設留
支及缺額俸工工料等項以十成實銀支發並連咸豐八年以後
長出二成實銀一概免其提解俾官役夫馬糊口有資公事可期
無誤各州縣無庸賠案亦不致虧空巨案等情由調任藩司盧定
勳確查屬實具詳請

奏到前督臣因查辦津案未及核辦移交前來臣查各屬留支及
缺額俸工工料銀兩經前督臣曾國沛

奏奉

飭部議覆准自同治九年起改按八成實銀給發但可設法支持
原不准一再請益惟是各屬存留銀內如祭祀一項大典攸關理
宜豐備此外散給窮苦佐雜清寒師生以及賤役貧民驛站夫馬

奏稿十七

聖

之用皆須按日支給計口授食不容絲毫短缺一經剋減飭提該
州縣即須賠貼四成實銀日久無術補苴勢必挪用正項與其參
追於日後徒增懸欠莫若籌計於事前預杜虧挪況以應發之留
支各省均准給十成直隸為首善之區又著名瘠苦獨從苛減似
堪偏枯近年災歉頻仍兵差絡繹據稱力難賠累委係實在情形
曾國藩瀕行時諄諄以此項未經議准無以體恤窮員為慮臣接
任三月接見各司道府州縣無不同聲懇懇蓋州縣為親民之官例
所應得者祈而不予必於所不應得者妄肆誅求而民不堪命亦
非

國家勸廉重祿之本意合無仰懇

天恩俯念直隸地方清苦准如所請仍照前議將額設留支及缺
額俸工工料等項以十成實銀支發並連咸豐八年以後應提一

成實銀一概免其提解以資辦公而杜流弊似於整飭吏治不無
少裨理合據實瀝陳伏乞

皇太后

皇上聖鑒訓示謹

奏

奏稿十七

聖

出口征兵請擇要駐紮摺 同治九年十一月十六日

奏為張家口地方不敷官兵樓止請

旨飭令現調吉林黑龍江馬隊暫行擇要駐紮俟口外臺站駝隻等項催辦齊集再分起出口恭摺仰祈

聖鑒事竊據口北道奎斌稟稱各路征兵赴口遵札轉飭經過地方官妥為照料應付前進並於本月初五日親赴張家口查看該

處地面窄狹宿店無多神機營派出之威遠精字營在彼分駐各

店已不寬裕續到之外火器營兵尚須設法布置此項官兵係奉

派赴口防堵刻難開拔茲復探得吉林黑龍江各起馬隊不日亦

將到口查該處但可棲止之處均經神機營官兵分駐若吉林黑

龍江各隊續到口外臺站駝難齊備勢須久駐等候必將無處容

身且張家口為俄商來往販運茶貨之所兵民雜處誠恐別滋事

端有礙商市查奉調宣化鎮練兵一千名前經該鎮王可陞派

中軍游擊譚興魁管帶頭起步隊四百名於閏十月二十三日拔

赴張家口可陞正擬親督後隊揆次進發接准都統文盛照會以

察哈爾頭起馬隊甫經出口臺站駝隻不敷柴薪難繼飭令暫緩

起程旋又照飭該鎮頭起駐口官兵折回宣化俟軍臺駝各項

催辦齊全再行知照分起前進大同官兵亦經文盛照會暫緩赴

口所有吉林黑龍江官兵稟懇

奏飭暫緩到口駐紮等情前來臣查核所稟係屬實在情形張家

口為中外商賈聚集之所距賊甚遠本不宜多駐客軍致有驚擾

吉黑馬隊遠道疲乏既無帳房住宿勢須分駐民房客店該處有

神機營各隊駐防若添多兵不敷分駐恐有窒礙相應據情請

旨敕下察哈爾都統查明該官兵現抵何處飛飭暫行擇要駐紮

俟口外駝隻康羊蒙古包等項預備齊集再由文盛知會陸續前
進俾免擁擠之患再查烏城窺匪早經回竄肅州該處現無大股
賊蹤似祇須酌調官兵分駐協防但取人地之相宜不在兵數之
多寡時值隆冬蒙地寒苦異常草枯水凍人馬難行無論各臺站
駝隻柴薪運送供應實虞不給各兵忍凍耐飢即勉強到防亦恐
不能得力且口外數千里無處產糧自察哈爾至庫倫臺站即可
設法自庫倫至烏城臺站未能遽復似庫城亦不宜久駐多兵客
軍遠涉日食米精專恃遠處購運接濟值此餉需支絀之際尤慮
難於持久現在賊已遠颺烏庫軍情較鬆所調各路征兵五千餘
人除察哈爾各隊係口外之兵防口外之地最為相宜其餘應如
何酌量調防分別停止之處擬請
旨裁奪飭遵抑或

飭下該大臣等體察情形悉心妥籌奏辦庶可體恤臺站節省餉

糈臣愚慮所及合併據實瀝陳所有吉林黑龍江現調官兵擬請

飭令暫行擇要駐紮各緣由理合恭摺由驛馳陳伏乞

皇太后

皇上聖鑒訓示施行謹

奏

烏城防勤請近調蒙兵片 同治九年十一月十六日

再臣探聞竄降烏城賊匪係伊犁等處難民難回無所歸依旬結本處蒙民喇嘛滋事前設立布倫托海尙可招撫自布倫托海裁撤以後仍四散搶掠為生現已逃竄等情如果屬實則此項難民難回必須設法就地安撫其蒙古滋事民人及各盟官兵均須及時彈壓整頓查定邊左副將軍福濟前在安徽四川等省督師防剿老成歷練洞悉機宜此次因守邊塞無兵無餉猝被失陷情有可原應請

旨飭查該將軍實在下落妥籌善後設防事宜或請

另飭熟悉口外蒙古情形謀勇兼優之旗員酌帶餉項馳往烏城署理將軍篆務查明應調防兵若干餉需若干主持一切奏明辦理據臣愚見口外蒙古各盟素稱勁旅駝馬糧糧皆所素具防剿

奏稿一七

吳

本地最為相宜應於就地各盟中抽調勁旅籌給足餉及時認真整練似較之遠調內地步隊及東省馬隊尤易得力而可持久且以供應客軍之餉籌辦蒙兵亦省糜費是否有當附片密陳伏乞聖鑒訓示謹

劉因請從祀文廟摺 同治九年十一月二十二日

奏為先儒潛德未彰懇請從祀

文廟以昭曠典而興世教恭摺仰祈

聖鑒事竊據直隸紳士候選員外郎前翰林院庶吉士賀錫福廣西龍州同知鹿傳霖等聯名稟稱伏查咸豐十年大學士軍機大臣遵議從祀章程應以闡明聖學傳授道統為斷若著書立說羽翼經傳真能躬行實踐者准各該省督撫奏請從祀等因竊考元集賢學士諡文靖劉因祖籍容城縣人當宋南渡之後南北道梗載籍不通元史稱因三歲識書長而深究性理之學思得如古人者友之作希聖解初為經學究訓詁疏釋之說輒歎曰聖人精義殆不止此及得趙復所傳周邵程朱諸書即曉然曰我固謂當有是也嘗評其學之所長曰邵至大也周至精也程至正也朱子極

奏稿一七

聖

其大盡其精而貫之以正也所著易繫辭說見於元史今已散佚四書集義精要二十八卷靜修集三十卷俱收入

四庫全書伏讀

欽定四庫全書目錄稱盧孝孫采朱子語類文集編四書集義一百卷讀者病其複雜因乃摘取精要以成是書又稱因文在許衡吳澄之上而醇正不減於二人北宋以來講學而兼擅文章者因一人而已是其著述羽翼經傳洵是闡明聖學史稱丞相不忽木薦因於朝徵拜右贊善大夫後復詔為集賢學士皆以疾辭元帝歎為古之不召之臣生平孝友廉介細行大節無一虧缺明儒薛瑄稱其有鳳翔千仞氣象又稱其足以廉頑立懦孫奇逢采其言行冠理學宗傳元儒之首是其躬行實踐洵足傳授道統元臣李世安明禮部尚書王沂翰林院學士宋瑛等累請從祀均格於時

議不行論者謂因渡江賦幸宋之亡不知因祖父以來世為金元人於宋實無故主故土之誼渡江賦深心隱痛蓋王景略不欲滅晉之意孫奇逢著文辯之公論已明無可疑議我高宗純皇帝欽定書目其為北宋後一人迥在許衡吳澄之上醇正亦不減二人今二儒既已從祀而因尚缺然未列明禋其闕明聖學傳授道統實與議定章程相符應懇奏請從祀文廟等情旋飭藩臬兩司覆核會詳請奏前來臣查元儒劉因理明學選品正言純少存希聖之心晚裕靜修之詣紹斯文於南宋得程朱一脈之傳開正學於北方駕吳許諸賢之上若使昭祀宮牆允足馨香俎豆合無仰懇天恩准以元儒劉因從祀文廟以資觀感理合會同順天學臣鮑源深恭摺具

奏稿十七

哭

奏伏乞

皇太后

皇上聖鑒敕部議覆施行謹

奏

籌議天津設備事宜摺 同治九年十二月初一日

奏為欽奉

諭旨妥議籌辦天津設備事宜恭摺陳仰祈

聖鑒事竊臣承准軍機大臣字寄同治九年閏十月二十六日奉上諭英翰所陳天津海防宜設水陸提督擇威望素著之大將畀以斯任統其舊部作為提標兼轄海防水陸各營等語著李鴻章斟酌機宜妥議具奏至所稱銘軍西去畿輔空虛請將淮軍調駐海口並令沿江沿海暫緩撤防嚴行戒備等語著會國藩李鴻章會商妥議實力辦理等因欽此並奉鈔英翰原摺到臣伏查津案雖經議結武備必須講求此中國百年之計非一朝夕所能為功也咸豐己未庚申之際僧親王以忠勇宿將調集旗練兵數萬人歲糜餉數百萬經營海口迄至一蹶弗振蓋由彼此強弱情形未能深悉而兩莽出之幾誤大局自粵捻平後議者有謂乘此軍威大舉復仇迨本年五月津事初起攘臂而爭又不知凡幾矣幸賴皇太后

奏稿十七

跪

皇上堅持定見處以鎮靜俾內外諸臣得以從容籌畫將就息爭

今事定而議設備誠宜及時振作豈可隱忍苟安惟臣粗識夷情默籌時勢無論以一中國敵數強國戰備固不易言即以守局而論必從籌餉練兵製器三端下手今天下全力耗於陝甘即雲貴尚不暇圖若海防江防認真整理欲求無懈可擊每歲至少必需千萬以上從何措辦此籌餉之難也兵之不練由於餉之不給我朝定制兵丁額餉極少不足以養戰士軍興以後各省停餉虛伍現尚僅發五六七不成等虧苦太久而如乾嘉以前尚有可用之兵恐不遽得其有裁兵增餉或加練加餉者亦屬無幾以制內匪

尚不可究而望其外也此練兵之難也中國兵器遠遜洋人無習愚皆知之蘇直兩省設局購辦機器學製鎗礮藥彈雖比中土計用者較精而比之西洋新製瞭乎其後需之歲月或有進益若急求勝殊不自量又況有器而不能能用之而不盡其妙似是近日通病此製器練帶之難也以上三者皆吾之內不足內不足而張皇於外以之虛鳴敵人向不為兵機以之欺蒙

聖主必至貽誤國事也所萬萬不敢出此也惟是練軍練器本疆吏應辦之事臣自督師剿賊以來所日夜經營者惟此為亟茲忝司提督兼理通商一息尚存此志何敢少懈但只能就目前兵力酌力圖維盡心籌辦耳如英翰原奏所稱天津宜設海防提督兼轄水陸各營一節查天津自

國初已為重鎮除設總兵一缺外雍正年間添設天津水師營以滿洲都統之專為捕盜護漕又添設天津河標營以河道總督統之專為治河均與天津鎮相表裏其時並無海氛設官置戍不厭詳備後雖以次裁併道光二十二年因敵船擄擾粵浙海防喫緊改設大沽協副將一缺津鎮其添新兵四千七百名咸豐八年又改設協標海口左右六營兵制漸增究未必有實濟同治初年通商大臣崇厚就津沽通永鎮協標內疊次挑練弁兵三千餘名操習洋鎗礮隊等項隊伍技藝尚為整齊自較原營領兵素強惟未經大戰不習繁營誠恐臨事難恃近始督令移駐營盤稍習勞苦然奇餉之事動輒需人又除調赴歸綏防剿外存營練兵不過二千餘名只可徐為整頓英翰摺內所稱專設海防提督名位較崇按之舊制與現今事體似均相宜所部將士仍照勇隊

操防訓練不改從綠營章程亦與練軍規模相仿惟久著威望之大將既慮難得其選兼轄水陸各營則目前並無水師亦無多陸營兵事只論強弱似不專在職分虛設提督而無得力之兵應手之餉於事何裨臣故不敢輕議更張應俟隨時體察大局情形再行妥酌奏辦又原奏所稱銘軍西去畿輔空虛請將淮軍郭松林周盛傳兩大枝全調海口一節查郭松林所部武毅軍已分撥步隊十營交到銘軍帶往陝西其餘馬步十營調回湖北因餉需缺乏又飭裁遣馬隊三營僅留步隊五營馬隊二營分防鄂境不得謂之大枝周盛傳所部盛仁各軍一萬二千人尚稱勁旅前因就糧濟甯屯紮操練冬寒地凍津沽營壘礮臺均不能施工曾飭該提督單騎來津徧察大沽北塘海口及津通各處形勢據稱畿東津南濱海一帶四野平曠一片荒沙海口礮臺但求土木興築均

宜不在兵數過多而後路數百里間必須重兵堅壘巨礮相望節節布置聯絡乃可自立不敗之地而爭勝於人若置重兵於海口荒灘鹹水之區後路聲援不厚稍有蹉跌誤事甚大目下兵力餉力既尚不能大舉該軍只宜移紮靜海滄州之間整肅操防以備肆應而作聲勢勿遽偪紮海口徒使彼族驚疑而我軍前後皆成孤立此危道也所言似是老成持重之見與臣慮慮相符來歲春融應飭遵照相機籌辦抑臣更有陳者津郡形勝以水為險當九河之下游今直境五大河俱匯於城外之海河而東入於海郡城獨在五大河及海河之南係前明衛城舊基狹陋尤甚前明以控扼薊遼為要其城在河北則為失險今日以控扼海氛屏障京畿為要其城在河南亦為失險此古今建置時勢之不同必宜量為變通者也蓋洋船不能深入內河如城在河北我可憑河設險添

置礮臺礮船護衛城池較為得勢且前於議獲津海關道事宜摺內已聲明將來宜就運河北岸築新城另建官署為經久防患之計迄尚未奉

俞旨據臣管見此為津郡設備第一急務即如咸豐三年粵逆北竄同治七年捻逆北竄津城危在呼吸幸得外援賊即卻退否則斷難久守咸豐十年海口失事即東津城夷氛直入通州無可阻遏皆緣有城無池又不得控扼之勢故也今若據運河北岸屹築一城圍以礮臺礮船兼用子牙大清北運諸河之險以鯁塞山津赴通之喉牙只要布守得人似較海口尤有依據

京城亦多一遮蔽惟人情可與樂成難與圖始南北運河之交市慶櫛比約計收買民地定購磚料鳩工庀材必須事事格外堅實規制宏遠所需經費甚鉅一時無可籌措若失機會亦殊可惜臣

奏稿十七

再四籌畫惟有各省解存津局練餉制錢百餘萬串現在戶部無需提解可否准臣於此項內撥節動用核實籌辦俾濟要需伏乞聖恩敕部嚴覆施行所有欽遵

諭旨委議籌辦天津設備事宜繕摺由驛覆陳伏乞

皇上聖鑒訓示謹

奏

再欽奉閏十月二十六日 諭旨

該國意謂甚堅業已令其特派大員到時再與妥議條約自無再事拒絕之理至將來如何明定章程以期永遠相安著曾國藩李鴻章預行妥籌詳悉奏明庶臨時較有把握等因欽此仰見聖明於懷柔遠人之中寓思慮豫防之意欽佩莫名伏查日本古倭奴國在東洋諸島中夙稱強大距蘇浙閩粵均不過數日程元世祖以後與中國不通朝貢終明之世倭患甚長東南各省屢遭蹂躪史稱倭性桀黠初由中土禁絕互市明世宗時盡撤浙中市舶提舉司又不置巡撫者四年濱海奸人得操其利勾結導引倭寇遂劇自

奏稿十七

國初朝鮮內附聲威震懾倭人固不敢越朝鮮而窺犯北邊亦從未句內奸而侵掠東南實緣制馭得宜畏懼已久順治迄嘉道年間常與通市江浙設官商船每歲赴日本辦銅數百萬斤咸豐以後粵匪踞擾此事遂廢然蘇浙閩商民往日本長崎貿易遷寄居者絡繹不絕日本商人游歷中土亦多庚申辛酉後蘇浙糜爛西人務迫日本不於此時乘機內寇又未乘危要求立約亦可見其安心嚮化矣今彼見泰西各國業與中國立約通商該國亦已與泰西各國立約通商援例而來似係情理所有之事該國向非中土屬國本與朝鮮琉球越南臣服者不同若拒之太甚勢必因泰西各國介紹固請彼時再准立約使彼永結黨援在我更為失計自不如就其求好之時推誠相待俯允立約以示羈縻前該委員柳原前光等來謁每稱西人強信該國通商心懷不服而力難

獨抗欲與中國通好以冀同心協力又華人在該國經商者西國領事每欲代管必須互定條約白為鈴東等語無論是否真心立言亦似得體嗣復呈交前通商大臣成林議約底稿一本大意總欲比照西國立約成例辦理明春該國使臣前來自須有一番辨論惟既允議約在先斷難拒絕於後計惟與承辦議約之員屆時相機妥議章程請

旨定奪似未便預立限制致有滯礙據臣愚見中外既定和約均宜各派官員往駐該國庶消息易通勢力均敵若有來無往聽憑該國使臣鑽弄苟制究非長策近年奉

詔盛次派員往泰西各邦通好業與從前隔閡情形小異惟華人往西國者絕少中國曾未使派員久駐日本近在肘腋永為中土之患聞該國自與西人定約廣購機器兵船仿製鎗鐵路又派

奏稿十七

五

人往西國學習各色技業其志固欲自強以禦侮究之距中國近而西國遠籠絡之或為我用拒絕之則必為我仇將來與之定議後似宜由南洋通商大臣就近遴委委員帶同江浙熟習東洋情形之人往駐該國京師或長崎等處管束我國商民藉以偵探彼族動靜而設法聯絡牽制之可冀消弭後患永遠相安是否有當伏

祈 救下總理衙門核議施行所有遵議日本通商事宜附片詳悉覆

陳伏乞

聖鑒訓示謹

奏

截留京餉摺 同治九年十二月初一日

奏為通籌津郡海防軍餉入不敷出天津關本年京餉力難補解並懇預行截留同治十年分奉撥京餉俾濟要需恭摺仰祈

聖鑒事竊臣前准戶部咨稱奏催天津關本年欠解京餉趕緊依限解京鈔片知照前來正在轉行核辦聞欽奉十一月二十五日諭戶部奏豫撥來年京餉一摺京餉關係緊要現經該部就各省緩急情形斟酌動撥自應遵照奏定數目源源報解原單著鈔給閱看至本年未解京餉經該部節次奏咨飛催現屆年終仍未如數解清著各該督撫迅速籌解等因欽此遵即恭錄轉飭遵辦去後茲據署津海關道陳欽詳稱遵查津關庫存銀兩經前署通商大臣成林奏報接收交代實存銀七十二萬三千四百餘兩又成林任內續收各項洋稅銀十二萬三千二百餘兩洋藥釐捐銀

奏稿十七

五

三萬四千六百餘兩東海關解到機器局經費洋稅四成銀五萬兩連前共銀九十三萬一千二百餘兩內除成林任內撥發賠償法國及教案獎賞賠修美國房屋山使隨員川資並提存備發撫卹俄國等項共銀三十二萬五千兩機器局經費銀四萬兩采買銅斤價值連腳等銀三萬三千二百餘兩支應局八十九萬四千四百餘兩軍餉銀十三萬兩稅務司四箇月薪水銀一萬二千兩稅務司七成船鈔銀一千九百餘兩又陳欽任內撥發天津府請領法國教民賠償銀五千兩稅務司薪水銀二千五百五十兩機器局經費銀一萬兩天津道府找領賠修天津各教堂工程銀三千一百八十餘兩支應局十一十二兩月軍餉銀五萬兩通共開除銀六十一萬二千二百餘兩實計庫存銀三十二萬九千八百八十餘兩內八分經費僅存銀二萬二千二百餘兩留備冬臘正二等月新

關經費並修建關道衙署之用其洋稅四成銀二十九萬八千七百餘兩係崇厚任內奏明另存專備機器局經費別項不准動用之款現在機器局籌議開拓添置即須陸續動用未敢擅挪該道接任後正值封河收數無幾而應發款項仍難遲緩所有欠解京餉委係無可籌撥查本年春開關庫存銀七十餘萬兩其時崇厚通盤籌畫尚以入不敷出咨山前督臣曾國藩會奏將津海關應解京餉銀十五萬兩留撥津防月餉成林任內亦因六成洋稅動用將盡是以續請將指撥賠撫卹等款抵除欠解京餉茲奉部文以僅撥過銀三十二萬五千兩即使另須籌備月餉銅價亦應續有徵收何遽無款可撥等語自係未將另撥機器局四成洋稅扣除分晰核算現在接收稅項支發撥還昨發支應局軍餉銀五萬兩除將存款全行動撥尚不敷銀一萬三千九百餘兩舊由戶

奏稿十七

款借撥詳請咨部在案若再補解京餉無法挪墊應請查核奏咨仍照前議將本年未解京餉銀十一萬一千五百餘兩抵解開除再統籌津海關六成洋稅藥釐捐加以東海關協餉運庫鹽斤復價一年進款尚不敷支發津防月餉其來年京餉采買銅斤更屬無從籌撥等情具詳前來臣查天津為北洋通商總匯都城切近咽喉關繫甚重自崇厚任內籌辦海防陸續募練兵勇操習洋鎗隊分駐津沽等處藉以拱衛

奏稿十七

神京稍壯聲勢非僅如各處海口專為彈壓中外商民者可比惟兵既添練餉亦漸增加以製器設防一切餉項專恃津關常洋等稅為大宗議者或謂通商已久稅項所入初無懸殊何致支發遽形短絀且練兵製器創辦百年從前庫存各款尚盈餘崇厚交卸未久何以即虞竭蹶是說者亦以爲疑迨本年閏十月

閱遊

旨兼辦通商事宜即將該關向年出入大數逐加考校溯查同治元年崇厚初練京旗各兵不過一千餘名是年尚有山陝協餉至三四兩年逐漸添練因餉項不繼奏留運庫應解

奏稿十七

盛京俸餉每月協撥銀一萬兩故五六兩年尚可敷用七年添練新練兵勇酌留雲字大沽等營礮船復經奏撥江西四川福建等省協餉銀三十萬兩又有湖北協餉數萬兩並截留七八兩年已撥京餉之天津常洋兩稅銀二十七萬七千餘兩多方接濟僅可支持嗣派鄧啟元劉景芳兩軍赴歸化等處防期應支月餉仍由津郡解往兵數較前加至倍蓰餉源並無增添綜計崇厚原部津防練兵歸化防軍額餉及采買製造雜支等項每月需將近四萬通年計算即需銀五十萬兩以六成洋稅計之不敷尚多至津局製造機器甫由外洋購到現當礮藥加工之際需用浩繁應用各件接續添置專賴四成洋稅亦不能分濟餉需是本年庫儲短絀實由撥款較多兼以協餉久停無可挹注即使崇厚尚未交卸亦必支持不下現在疊奉

奏稿十七

寄諭整飭海防臣查津郡至大沽等處尚須添設礮臺分駐勁旅內地應行設防處所亦應節節布置現存津城練兵僅一千八百餘名大沽礮兵九百餘名巡防鹽山等處馬隊四百名實屬不敷調撥本擬將派往歸綏之鄧啟元劉景芳兩軍檄令回津汰弱留強妥為整頓祇以歸化城外接蒙古草地內界西北邊牆甘陝回蹤時虞竄越防務喫緊未便遽行撤調而月餉仍須代籌臣明知部庫支絀義應共體艱難苟其稍有騰挪何敢設辭短解惟處茲要地不能遽議裁兵又無術可以增餉再四籌思惟有陳實願懇

天恩俯念海防緊要准將天津關奉撥同治十年分京餉常洋稅銀十五萬預行截留俾資軍食其本年未解京餉銀十一萬一千五百餘兩並請旨准照成林原奏在指撥賠償撫卹項下抵解開除如部議仍備解來年京餉應請將津郡撥防緩遠城之馬步鎗礮各隊另行指撥的餉以免貽誤所有通籌津郡大局擬懇截留天津關十年分奉撥京餉籌濟海防及歸緩月餉緣由謹繕摺由驛馳奏伏乞皇太后皇上聖鑒訓示謹奏

奏稿十七

美

酌議變通永定河工程緊要擬變通整頓酌議章程請旨遵辦恭摺仰祈

聖鑒事竊查永定河南北兩岸縣互四百餘里為宛平涿州良鄉固安永清東安霸州武清等沿河八州縣管轄地面該州縣經徵河淤隙葦等租及派撥防汛搶險民夫在在均關緊要乃因河工與地方不相統屬各存畛域之見日久玩生以致地租積欠日多民夫抗違包折種種情弊疊經歷任督臣嚴札飭辦而該州縣等視為具文往往虛應故事甚至大汛搶險及堵築漫口大工購料覓夫正當喫緊之際近隄居民居奇勒捐索要重價該地方官因無協防之責置若罔聞在工各員呼應不靈事事掣肘因之債事者不少經臣飭據永定河道李朝儀查明實在情形稟請覈辦前

奏稿十七

美

來臣查永定河偪處近畿因疏水道拱衛京師是以專設河道督同廳汛各員隨時修築並歸直隸總督兼轄遇有潰漫例議纂沿河州縣應徵河淤隙葦等租均應按年清解伏秋大汛一遇險要工程即應派撥民夫趕緊搶築乃地方官日久玩生應解地租既多積欠遇有要工復不認真督勸以致人夫短少物料奇貴貽誤非輕近來河身淤墊日高隄岸坍塌日甚苦無巨款可資修治連年漫口雖經設法堵築每遇大汛仍虞壅潰必須及時通力合作莫可挽救於萬一各該州縣恃非河道統轄又河工決口地方官例無處分相率諉卸銅弊殊深亟宜因時變通求盡人事伏查南河東河河道員皆兼管轄地方沿河州縣皆有協防之責永定河為畿南保障水利民生關係尤鉅自應仿照變通酌辦擬請

行飭將宛平等八州縣除錢糧詞訟及地方一切公事仍歸該管
通永霸昌兩道級辦外其有交涉河工租民夫及修防事宜均
責成各該州縣認真協同廳汛各員辦理統由永定河道考覈果
能實力奉行著有成效安瀾後准由該道彙請獎敘儻有玩忽等
事准即據實稟請參撤如各汛員有賣放汛夫干預地方藉端刁
難等弊亦由該道嚴查揭參著為定例庶幾呼應較靈不致再有
推諉除將應辦事宜酌議章程四條繕具清單恭呈
御覽相應據實籲懇

天恩俯念該工關係緊要准照所議辦理於水利巡防均有裨益
所有現擬整頓變通永定河務緣由謹會同兼管順天府府尹臣
萬青葵署順天府府尹臣王榕吉合詞恭摺具陳伏乞
皇太后

皇上聖鑒訓示謹
奏
奉
聖
旨
依
議
欽
此

謹將酌擬整頓變通永定河務章程繕具清單恭呈
御覽

計開

一沿河州縣經徵河淤地租及香火葦障等租原為永定河辦公
之費近來各州縣積欠蠲免任催罔應以致辦公掣肘應請定限
嗣後以解至八分為率如解不及數者由永定河道查覈揭參並
提承辦書役究追

一每年派撥民夫上隄積土防守險工近隄各村莊例有額設名
數不准短少及以老弱充數乃日久弊生鄉地書役往往有包折
等事以致無知鄉民藉端抗違應請責成沿河州縣循照舊章如
數派撥儻有包折等弊從嚴懲辦該管汛員如查有賣放者由永
定河道查辦嚴參

奏稿

全

一沿河州縣本有地方之責應於伏秋大汛時各就該管地面協
同防守其有距隄較遠及南北兩岸不能兼顧者應於大汛時選
派幹役在近隄村莊常川駐守督催鄉地糾集民夫遇有搶險等
事即速上隄搶護該管州縣仍隨時稽查彈壓至宛平縣駐紮京
城相離為遠不能親到應責令盧溝橋龐各莊兩巡檢就近經理
統歸永定河道考覈

一伏秋大汛遇有搶辦險工及堵築漫口大工之時購買料物雇
覓人夫最為緊要乃附近居民往往於喫緊時居奇勒捐不特多
所糜費甚至觀望遲誤應由永定河道行知該地方官出示曉諭
從中酌定不准任意擡價亦不得抑勒苛派以示公允

會議變通驗收海運漕糧摺

奏為遵

旨會議變通驗收海運漕糧事宜恭摺陳仰祈

聖鑒事竊臣承准軍機大臣字寄同治九年十一月二十日奉

上諭戶部奏變通驗收海運漕糧及海運仿照河運章程辦理各

摺片南省漕糧由海運歷年以來因津郡無地方大吏駐紮特

派人員前往驗收茲據該部奏稱通商大臣現已裁撤直隸總督

常駐津郡請自同治十年為始凡天津驗米事宜均由直隸總督

就近經理無庸另派人員前往驗收至倉場侍郎應否仍照向章

一員赴津會同查驗並通州收米事宜可否責成留通倉場侍郎

一手經理無庸另派人員請飭妥議等語著李鴻章英元喬松年

按照該部所奏各節會同妥議具奏其一切章程仍應悉照成案

妥辦至海運交卸一節該部擬請按照河運章程改由糧道赴通

徑交係為掃除積弊起見著曾國藩李鴻章英元張兆棟張之萬

楊昌濬斟酌情形詳細妥商會同核議具奏原摺片著鈔給閱看

等因欽此臣查天津驗米事宜向因津郡無地方大吏駐紮是以

欽派大臣赴津驗收今直隸總督兼辦洋務奉

旨每年於海口春融開凍後移紮天津自可就近經理督同南省

交米之糧道管理刻船之天津道稽查整頓呼應易靈應如部

原議毋庸另請

欽派惟驗收漕米事極瑣屑繁重近年海運米多船少往復需時

起卸赴通尤多周折總督責任地方備遇有緊要事件或須暫行

回省料理即在津兼籌中外交涉各事亦未能專顧一端似應仍

照向章倉場侍郎酌派一員赴津會同查驗其通州收米事宜並

可由留通倉場侍郎經理勿庸另請大員俾歸簡易當經移咨倉

場侍郎會議去後茲准銘安喬松年咨覆天津驗米應請屆期仍

奏派倉場侍郎一員來津會同查驗一切章程均循舊章辦理

至通州驗收轉運本係倉場專責向來

欽派大員只係會辦並非有分任之事如停止派往亦不致於貽

誤擬請奏明停派等因臣查明春節候較早正月半前海即可

開關江浙運船頭批放洋抵津必速應請

救下戶部先期奏派倉場侍郎一員早日來津會同籌辦以昭妥

慎其通州驗收轉運即責成留通倉場侍郎一手經理與臣等互

相商推釐剔弊端亦毋庸另請

欽派大臣以免推諉至海運按照河運章程改由糧道赴通徑交

一節洵為掃除積弊起見惟查歷辦海運起卸米石分批到壩津

通兩處在事文武不下二三百人從前河運漕糧每船有旗丁承

管運員只管催趨彈壓近來試辦河運雇民船每船改用委員

承管然江北四五萬石之米已用該省委員二十餘人長途不無

糜費今蘇省海運漕糧一百餘萬石由津過船起卸押運赴通需

添員弁尤眾若由蘇浙遠帶來津盤費太鉅若借用直省員弁鈐

制較難即此事已有窒礙此外如戶部所稱經紀刻船中途舞弊

積習相沿臣等尚慮不能驟為禁絕各糧道出境辦事權力更所

不逮且南省趕辦海運為期已迫明年新漕似只能照章在津驗

收將來如何改令糧道赴通徑交應由江浙各督撫自行察核妥

辦臣仍隨時會同商酌並俟下屆押運各糧道來津面與籌諮體

察情形再行定議覆

奏所有會議變通驗收海運漕糧事宜理合會同倉場侍郎臣銘

安倉場侍郎臣喬松年合詞繕摺由驛具陳伏乞

皇太后

皇上聖鑒訓示謹

奏

奏稿十七

齊

李文忠公奏稿卷十七

李文忠公奏稿

卷之十八目錄

改派赴庫統領摺 同治十年正月十二日

體卹蘆商摺 同治十年正月二十四日

籌議口外辦運庫科駐兵摺 同治十年二月初六日

調應寶時赴津議約摺 同治十年二月二十五日

口外兵米擬辦商運摺 同治十年三月二十六日

籌議口外調兵運糧緩急摺 同治十年四月二十三日

查閱大沽礮臺摺 同治十年四月二十三日

盛軍欠餉廣額摺 同治十年四月二十九日

覆陳湘淮營制雜支定章摺 同治十年五月初六日

張家口糧臺請撥部餉摺 同治十年五月初十日

請飭全權大臣議約摺 同治十年五月二十日

續派防庫練軍暫緩起程摺 同治十年五月二十九日

蘆鹽礙難加價摺 同治十年六月初一日

日本使臣到津片 同治十年六月初九日

海防支應局報銷摺 同治十年六月十二日

請飭迎提防庫糧石摺 同治十年六月十五日

日本議約情形摺 同治十年七月初六日

日本約章繕呈底稿摺 同治十年七月十五日

日本議約完竣摺 同治十年七月二十九日

請嚴禁邊疆摺 同治十年八月二十一日

截留京餉尾數片 同治十年九月初七日

教案內俄案片結摺 同治十年九月初九日

古北口練軍出口捐 同治十年九月十五日

籌撥烏城皮衣銀兩捐 同治十年九月十五日

大沽海口酌定營制章程捐 同治十年十月十一日

淺煥集錄通商成案片 同治十年十月十一日

覆奏封河回省摺 同治十年十月十七日

外省捐賑請獎片 同治十年十月十七日

南運河經費不敷捐 同治十年十月十九日

南運河工請免賠修片 同治十年十月十九日

李卿毅父子請列祀典片 同治十年十月二十六日

籌議口外轉運摺 同治十年十一月十二日

胡光墉等捐賑請獎片 同治十年十一月十二日

采購閩米濟賑摺 同治十年十一月二十日

重修畿輔通志摺 同治十年十二月十七日

修治府河摺 同治十年十二月十九日

李文忠公奏稿卷十八 全集一之十八

桐城吳汝綸編錄

改派赴庫統領摺 同治十年正月十二日

奏為宣化巡防緊要擬留該鎮總兵王可陞督率整頓其調赴庫

倫官兵請

旨飭令游擊徐平川統帶前往俾征防兩無貽誤恭摺仰祈

聖鑒事竊查上年十月內賊匪窺陷烏城疊奉

寄諭調派宣化鎮官兵一千名前赴庫倫防剿經臣於該鎮練軍

內挑派馬隊營官兵二百名步隊兩營官兵各四百名籌撥餉需

給發棚帳遵

旨轉飭總兵王可陞統帶前往並揀派宣化左營游擊徐平川護

理總兵黎務先後奏蒙

聖鑒在案嗣准察哈爾都統臣文盛咨稱口外蒙古臺站艱苦耕

水缺乏駝隻蒙包措備未齊應俟察哈爾吉林黑龍江各起馬隊

出口後再行接續前進現查察城馬隊甫經分起出口吉林黑龍

江官兵尙須置辦鍋帳始克成行而遼爾濟所帶頭起馬隊因推

河以北哈爾呢敦等處臺站尙未設復仍在賽爾烏蘇一帶屯紮

復准文盛咨稱欽奉上年十二月二十四日

上諭烏城退出賊匪尙盤踞金山卡倫察罕博克多地方據逃回

蒙民聲稱仍欲回窺飭達爾濟一軍設法西行等因欽此是宣鎮

奉調官軍自應仍飭銜尾進發惟查宣化鎮統轄獨石口張家口

二協宣化城守等二十餘營內以拱衛

京師外以控馭北邊為關外第一重鎮所屬張家口等城商民雜

處游匪出沒彈壓巡防在在均關緊要非威望素著之員不足以

資統率該總兵王可陞到任兩年於操練各事認真整頓其威信
 為各營將弁所服若令帶兵遠出一時接替之人殊非居重馭輕
 之道且目前金積各堡先後收復河西王曠堅寨經金順張曜兩
 軍攻克甯靈腹地一律肅清臣接據前敵探報陝回崔三禹得彥
 等乞撫河州踞逆亦有投誠之意是隴甘軍事大有起色盤踞金
 山賊匪或可聞風解散不致乘隙肆竄烏庫情形較鬆各軍到防
 後祇須擇要布紮隨時搜捕設法綏輯蒙民不令潛行勾結自可
 弭患未萌王可陞籍隸湖南從前轉戰江皖疊著勞績籌防內地
 尚為相宜塞外風土非所素習該軍既赴庫倫必非旦夕可以撤
 回宣鎮地處要衝現在神機營派駐張家口各隊奉調回京察哈
 爾馬隊又多遠出須有實缺知兵大員坐鎮後路以備策應似王
 可陞不宜遽離宣化其派赴庫倫練兵應另行遴員統帶前往臣
 查副將銜宣化左營游擊徐平川由直隸行伍出身出師皖豫等
 省屢著戰功前由王可陞稟保護理總兵篆務經臣奏奉
 諭旨飭令隨時察看臣復檄調徐平川來津詳加詢察該員年力
 正壯樸實耐勞論其資望固未便久護鎮篆而生長北方熟悉邊
 塞情形水土服食較為習慣戰守機宜亦均諳練若令帶兵赴庫
 協防可期勝任相應仰懇
 天恩俯念宣化巡防緊要准令王可陞留鎮督率該鎮奉調馬步
 官兵一千名即飭徐平川統帶俟各起馬隊全數出口催令分起
 馳赴庫倫一轉移時防均可得力而人地尤為相宜臣愚慮所
 及是否有當理合恭摺由驛馳陳伏乞
 皇太后
 皇上聖鑒訓示遵行謹

奏

奏稿十八

三

14.506

冊書多日事全書

6

三三

體郵商摺 同治十年正月二十四日

奏為商疲累過甚援案酌減額引並請將軍需復價河南加價歸補積欠等項分別減免以示體卹而顧課運恭摺仰祈

聖鑒事竊查前督臣曾國藩議撥給事中陳鴻勳條奏長蘆鹽務事宜並擬減輕成本各摺經戶部一併議覆於同治八年十二月二十五日具奏奉

旨依議欽此行飭遵照辦理在案旋據長蘆商憲陳苦累情形懇請再予減免由前督臣行司核議臣蒞任後復據該商等以連年銷售疲滯引地參懸應交課款無從措辦力求分別停減以蘇積困等情聯名具稟到臣經臣檄飭運司恒慶併案酌議據該司查照戶部議覆章程及商人所稟各節逐細妥議其有礙課督者均嚴切駁斥其累商太甚而於帑項並無實濟者尚不妨酌量准

奏稿十八

行分條詳請核辦前來臣查長蘆鹽務頹廢已久軍興以後河道淤阻苦無巨款可以挑濬各商改道改廠細運成本日重參懸引地愈多而直隸征防餉需復加價以次漸增從前各商虧欠之項仍復責令按引歸補以致虧累日甚難期起色臣駐津半年詳加訪察該商疲累已深實有積重難返之勢欲期整頓鹽綱俾課款不致虛懸似宜體卹商艱庶完納可期有著謹參酌情形援案擬請分別減免四條具陳如左
一外商額引請援照酌減也查長蘆額引九十六萬六千餘道自道光元以後疊奉停減現應銷京引五萬二千四百一十一道外引六十一萬二千二百五十六道就近年行銷京外各引實數核計同治七年共出庫引五十八萬四千五百餘道八年共出庫引五十萬七千餘道九年共出庫引五十三萬四千三百餘道銷售本

不足額包課因而虧延雖經分限勒追總未依限完納據該商等稟懇查照上年奏減京引成案一律酌減外引二成以蘇商困臣

查鹽課為帑項大宗原未便遽議停減惟近來商情艱窘較前不啻倍蓰豈由銀價日貴脚費日增年累一年無從彌補其實銷之引與包額之課相懸過甚力難完納勢必致於參懸誠如前次部議與其責包額之虛名交課仍多短絀何如收疏銷之實效補其得以及時且京引既經准減外商事同一律似宜量議停減俾昭平允但統減二成與京引無所區別而課入因之短少亦非慎重出納之道擬請援照歷屆成案將現銷外引暫行停減一成六萬一千二百二十六道其減贖外引合之京引尚有六十萬一千二百餘道就近年實銷引數計之仍有盈無絀商情稍資調劑課項當倍踴躍仍俟五年後察看銷數稍旺再行請復舊額

奏稿十八

一軍需復價請仍准暫減也查原定復價每外引銀五錢京引銀二錢五分分別隨引按限交納前督臣曾國藩於議減成本案內奏請外引減銀一錢四分京引減銀七分嗣准戶部議駁復價一項實居直省防費大宗餉源所在未便輕議更張行令仍照舊章辦理臣查復價撥款保定練餉歲需銀十三萬二千兩津郡支應局歲約需銀十萬兩其額撥銀二十三萬餘兩均不容稍有短絀若照原奏之數分別減交誠恐不敷支放餉需所係自應通盤籌畫總計近年實收復價銀數同治七年分尚收銀二十七萬兩有奇節年帶欠有減無增至九年分僅收銀二十一萬兩有奇雖經按限嚴催而完解不前積欠已鉅竭蹶情狀亦可概見若不設法量予裁減徒有追呼之煩而無收解之實該商等轉得以滯銷賠累藉口拖延仍於練餉防費無濟詳加酌度所減復價須與支

應月餉兩相權衡俾出入無甚懸遠擬請外引暫減銀一錢京引
 所減銀五分減賸銀數責令照章隨引按限交納如有絲毫拖欠
 立予嚴懲其從前欠繳復價銀兩並勒限催令帶交不准藉延觀
 望接照此次減之數以歲銷京外引五十餘萬道計之約可收
 銀十九萬餘兩再以催繳欠款通融併計目前月餉可資周轉仍
 俟數年之後欠項繳清察看情形如軍餉過絀或有緩急之需
 再行酌量議辦

一河南加價請仍行停免也豫省前因籌辦防餉奏明鹽鹽按斤
 加價嗣改為每年捐銀八萬兩由南引各商分限交納旋因該省
 軍務肅清復將此項改為彌補營工經費前督臣曾國藩於議減
 成本案內奏懇停免實係權宜緩急萬不得已之計經戶部議覆
 以此項加價已為撥補營工專款非豫省所能留用所請停免抽
 收應毋庸議等因臣查近因河道淺阻該商等告領南引多由陸
 路運往沿途起卸七易舟車脚費增鉅又豫省兼食淮潞東蘆四
 省之鹽三路鹽價未加而蘆鹽獨加小民販運業已引地半為侵
 灌銷路愈形壅滯雖此項加價部議令在蘆鹽落廠所處抽收不
 得先由商墊無如鹽包到岸加價業已抽收而鹽仍滯銷加價無
 從扣回此則不令商墊而仍由商墊之實情蘆鹽引岸豫省最廣
 而疲累已最甚是以請運南引年減一年上年河南僅領引十四
 萬五千餘道較之七八兩年愈形短絀此其明證伏查前項加價
 原以彌補工需今南商所存無幾皆岌岌自危朝不保暮若必責
 令完交虧賠日甚必致參革而參懸之岸商人視為畏途孰敢接
 認不特營工籌補難期實濟且於通綱引課大有礙擬請將此
 項加價銀兩仍准全行停免俾商本稍輕引岸或可漸復

一補欠積欠請仍予暫停也查道光二十八年釐定科則第三款
 補欠銀八分七釐有奇第四款歸補積欠銀一錢六分一釐有奇
 由各商按引攤交彌補前商舊欠前督臣曾國藩於議減成本案
 內奏請暫停經戶部議覆令仍按外引隨引先交銀一錢二分京
 引隨引先交銀八分其餘分限完交之銀准予暫停五年等因臣
 查蘆商疲乏日久應交正雜課項依限措繳尙覺喫力此項舊欠
 自定章以後歷年均未清完同治二年改為外引先交銀一錢二
 分京引八分因商力未逮五年復減為外引先交銀一錢京引先
 交銀六分而徵收猶形掣肘部議僅就二年減交之數為定實則
 五年續交之數亦難照辦緣近年銀價增昂河道淺阻又疊次被
 災加捐未能一律補運各商情形苦累無力再代前商補交欠款
 委由時勢使然與道光年開定章之時迥相懸殊況此項銀兩非
 關鉅款要需即遇有停辦要件亦非長蘆年例尙可於引課項下
 通融湊撥所有補欠積欠二款隨引先交銀數擬請仍照原奏准
 予暫行停交俟五六年後商力稍紓再飭照舊捐解以資彌補
 以上四條均就目前情形逐加體察總求有益於運商而又無甚
 礙於庫款卹商即所以保課一節動關乎全綱臣職司議政不敢
 膜視其類微而不為挽救再四斟酌變通以求有濟仰候
 聖裁除上年戶部議覆會同藩奏陳蘆鹽條款內有應行查覆之
 件由臣飭司確查詳覆另行咨部查照外所有議請暫停引及
 酌減復價停免加價補欠各緣由理合恭摺具陳伏乞
 皇太后
 皇上聖鑒敕部核覆施行謹
 奏

籌議口外辦運庫科駐兵摺 同治十年二月初六日

奏為口外霍呢齊地方已由察哈爾派員辦理接運毋庸另派以免紛歧並酌議庫科兩處擬令宣大官兵各駐一城俾有專責恭摺仰祈

聖鑒事竊臣欽奉正月十七日

上諭查昌文碩奏請飭撥官兵赴科防守一摺著張廷岳阿爾塔什達於前調宜化大同兩鎮官兵二千名到庫後即各撥五百名配齊軍器派員管帶前赴科布多駐紮以資防守等因欽此又奉

正月二十七日

上諭福濟等片稱請飭口北道隨帶委員並張家口現存烏城餉項迅到霍呢齊辦理接運酌撥員果爾馬隊護守糧臺等語著李鴻章即飭口北道前往辦理如該道未能分身即由李鴻章何璟

各派得力道府迅即出口接辦等因欽此仰見

眷念邊防軫懷兵食

聖謨廣運欽棟莫名惟查此次奉調各起征兵赴烏庫協防該城均非產米之區大軍雲集楊腹堪虞是以避

行仍委口北道奎斌在張家口設立糧臺采辦米石源源運濟責

任至重斷無可以分身之理至口外崇貼皆係蒙古地面官軍經

過需用蒙古包及駝隻庫羊等項須向游牧各旗設法勸辦內地

文員派往蒙地情形不熟言語不通動形掣肘必誤事機去冬福

濟奏請由直晉派員出口設立糧臺奉

旨令世等會商辦理臣當以頭臺至賽爾烏蘇一帶業經察哈爾

都統添設轉運可毋庸另議設臺分咨查照在案文盛上年陳奏

亦聲明口內采辦征兵口糧資成口北道專司其事口外應設分

局由文盛派員經營自係體察情形因地制宜之策頃准文盛咨

送正月二十一日撥陳安籌征兵出口事宜摺內擬於頭臺六臺

十二臺各月派官一員兵十名自十八臺起至四十四臺擬將參

領員果爾所帶官兵分段撥駐遞送糧餉即令貢果爾在十八臺

駐紮總司催趨是口外各臺籌辦接運已極周密且霍呢齊係二

十五臺尙是察哈爾所轄即在文盛籌辦接運之內福濟前奏自

係未悉情形此事必須畫一不可再議更張至推河以北赴烏赴

庫臺點疊奉

嚴旨催飭各該將軍大臣就近設復亦係分內應辦之事無所用

其推諉此時各軍糧食為最要既由張家口糧臺采辦沿途各臺

九

買裝運各事極繁若再赴口外設臺於無糧無人呼應不靈之地

是去有事之所於不顧轉駐無事之地而觀望亦覺無此辦法此

口外霍呢齊業經辦理接運毋庸另行派員之實情也又宣大官

兵各撥五百名分赴庫科兩城駐紮防守一節查庫倫在張家口

之北四十六臺科布多在庫西三十二臺兩城相距數千里茲

奉旨等奏令宣大兵各分兩處不特兩鎮統帶之員兼顧為難即

運糧轉餉由後路分解兩城必多轉轉歧誤凡軍營調隊宜整不

宜散宜大遠戍之卒各僅一千本甚單薄聚紮尙可得力分散恐

皆無用且用兵必取地勢之相宜科城在西該城商賈向在歸化

城采辦食物一切皆省現又在歸化設立轉運糧局若以大同兵

一千名駐守科城弁兵接濟易通即家信銀兩亦便寄帶是科城

與大同官兵相宜也庫倫在北該處商民向在張家口采辦食物

一切直省現又在口設立糧臺若以宣化兵一千名駐守庫倫弁
兵接濟易通即家信銀兩亦便寄帶是庫倫與宣化官兵相宜也
與其分撥兩處致軍情多有不便不如各駐一城俾防務得有專
責可否請

旨敕下庫倫科布多大臣俟宣大官兵到庫後即留宣兵駐庫而
調大同兵全隊赴科人數並無增減庶兩鎮統帶各易鈴束兩省
解運較易專籌勿再零星分撥轉於防務無裨此宣化大同官兵
各撥五百分赴庫科微有窒礙之實情也口外川兵籌糧運均
極艱難必求入地相宜乃克有濟各將軍大臣等倉猝集議或未
暇一一深謀惟於實任事理隔膜之處既有所見不敢不據實
瀝陳理合恭摺
奏是否有當伏乞

奏稿十八

十

皇太后

皇上聖鑒訓示謹

奏

調應寶時赴津議約摺 同治十年二月二十五日

奏為日本議約關係緊要遵

行豫行區畫請調熟悉洋務大員來津商辦恭摺具陳仰祈

聖鑒事竊臣承准軍機大臣字寄正月十九日奉

上諭會國藩奏遵籌日本通商事宜所陳派員駐紮日本約束內

地商民一節與李鴻章前奏大意相同至謂明定章程不外體制

與稅務兩端仿照泰西之例固無不可但條約中不可載明比照

泰西各國總例辦理及後有恩渥利益施於各國者一體均霑之

詞以免含混等語所慮頗為周密著李鴻章按照會國藩籌議各

情豫行區畫庶將來該國使臣到後得以因時制宜不致再蹈從

前隔閡覆轍是為至要等因欽此仰見

聖慮周詳無遠弗屆欽佩莫名查日本通商事宜臣於上年十二

月間遵

奏稿十八

十

旨預籌附陳大略並聲明俟該國使臣前來再與承辦議約之員

相機妥議章程在案先是日本委員柳原前光等去秋來津呈遞

議約底稿一本經總理衙門面屬臣督同津海關道陳欽預為酌

議當飭據該道逐條簽駁月擬條規預防流弊並鈔咨兩江督

臣曾國藩請其督飭蘇滬洋務委員一體悉心酌核務集眾思免

貽後悔昨復據署蘇州藩司江蘇臬司應寶時江海關道涂宗瀛

會函呈送現擬日本通商規條一本大致按照日本原約及陳欽

所擬備稿參以上海從前辦過案據近日各國通商條款斟酌損

益該司等又以通商稅則必須詳訂其條規未盡事宜亦須月立

章程庶免日後辨論所慮均甚詳密與會國藩奏稱明定章程不

外體制與稅務兩端實相照合該司道等擬議規條均係預為籌

畫

度以備與該國使臣屆期會議尙是未定之局臣已先後錄送總理衙門查核惟日本距蘇浙最近士商往來已久現雖尙未立約而在滬之日本男婦已有百餘人散居西洋租界該國並有官員留滬約束商民是南省聲息易通官場情形較熟將來如果立約通商一切稅務交涉尤以上海為總匯天津向無東洋人往來情事聞有隔閡議約伊始一有不慎易滋流弊臣上年接見委員柳原前光等告以該國使臣前來必先由滬經過可即就近轉請南洋通商大臣會國藩代奏請旨派員在滬會議該委員等堅稱必須赴津臣又詢該國當派何等官職據呈出日本官位相當表內有外務省專管通商其首領曰卿曰大輔係正三位從三位之職與中國正從三品相等據稱前來中國議約人員不過正從三四位之流似此則中國屆時只須

欽派三四品官為全權大臣方於體制相稱柳原前光等又稱該國使臣約於今年三月開成行現已節過清明輪船迅利恐其不日駛至自應豫行籌畫以收集思廣益之助查布政使銜署江蘇布政使按察使應寶時辦理上海洋務十餘年熟悉情形明達大體堪以委任可否請旨敕下兩江督臣曾國藩江蘇撫臣張之萬轉飭應寶時查探日本使臣過滬即由該臬司酌帶委員附搭輪船迅速兼程來津籌商辦理屆時再察看日本所派大員是何職位酌量奏請欽派與之會辦臣仍隨事妥商期於大局有裨所有日本議約關係緊要遵旨豫行區畫請調大員來津商辦各緣山謹繕摺由驛具陳伏乞

皇太后
皇上聖鑒訓示謹
奏

奏稿十八

三

口外兵米擬辦商運摺 同治十年三月二十六日
奏為張家口糧臺征兵食米擬辦商運暨置辦口袋刑筐酌定價
值恭摺仰祈

聖鑒事竊據口北道奎斌稟稱上年十二月間奉飭派員赴張家
口設立糧臺辦運口外征兵糧石已將察哈爾官兵應需口糧按
月發運吉林黑龍江馬隊備帶三筒月裏糧按起辦給惟宣屬邊
塞苦寒多種雜糧粟米一項開有鄉民完納官糧之餘赴市糶買
本不甚多張家口鋪戶所積粟米現經糧臺采買一空若仍在本
地零收萬難接濟若往京東一帶采辦每石需銀二兩上下再加
運脚每石約銀三四兩若在附近各屬零星收買山路盤運官為
經理每石亦需銀二兩有奇目前各路官兵先後出口立待晚運
亟應設法籌備現與張城各鋪戶議明由該商等分赴各處廣為

奏稿十八

五

購買連運脚包貼在內酌中定價每米一石運至張家口交卸給
銀一兩八錢先定買五六千石以後市價如有長落隨時察核稟
辦再由張家口至烏庫各城均數千里須兩月始能運到逐日上
馱卸載長途磨擦口袋最易損壞裝網必求牢固現用牛毛袋裝
米外加連蓋刑筐筐內墊用乾草再用粗繩標細月以巨繩結束
為梁搭於駝背仍用木棍扣緊庶可致遠臺站駝隻疲累每駝僅
馱兩袋每袋裝米八斗所用牛毛袋每條合銀四錢五分連蓋刑
筐每箇合銀三錢五分入夏以後大雨時行仍加用油布口袋遮
護除將張家口運至頭臺運脚並蘇細草束油布袋等件事竣遵
照例價核實造銷外所有現辦牛毛袋刑筐價值暨商運米價請
奏咨立案等情前來臣查戶部則例內開辦理軍需所需官兵口
糧臨時查明情形確訪時價奏明采買又同治三年戶部變通軍

需報銷摺內聲明西北辦理回務一應軍需凡製備采買有應隨
時隨地酌量變通之處先行奏咨備案事竣造銷各等語茲查該
道所稟張家口粟米不敷采購現擬招商辦運米價並製備牛毛
口袋連蓋刑筐等價均尚屬實應請
旨敕部知照除咨戶部外理合恭摺具陳伏乞

皇太后

皇上聖鑒謹

奏

奏稿十八

五

籌議口外調兵運糧緩急摺

同治十年四月二十三日

奏為口外臺站車駝缺乏征軍轉運孔亟續調赴庫官兵擬請斷
緩派撥以便專籌糧運恭摺仰祈

聖鑒事竊臣欽奉二月十一日

上諭張廷岳等奏庫倫前調防兵難以分撥並探聞回匪意圖東
犯各摺片著李鴻章再於直隸所屬各鎮酌調兵一千名派員督
帶馳赴庫倫與前調宣化官兵一併聽候張廷岳等調遣等因欽
此又奉三月二十日

上諭張廷岳等奏請飭直隸續調官兵迅速到防等語前調宣化
官兵一千名此時計可出口所有續撥之兵著即飭令趕緊部
早日成行等因欽此又奉四月十九日

上諭軍行糧食最為緊要該官兵裹帶行糧轉瞬即將罄盡成慮

奏稿十八

其

源源接濟若飭令口北道廣為購辦陸續運解前諭李鴻章續調
直隸官兵一千名前赴庫倫究竟會否調派何人統帶定於何時
起程著該督即行奏聞等因欽此先是臣營奉

寄諭遵即緘商直隸提臣傅振邦擬由古北口練軍各營內酌量
派撥官兵一千名遴員統帶以備續調正在往返籌商復奉此次
寄諭仰見

聖主睿懷邊徼軫念征軍

訓示周詳

聖謨廣運跪聆之下欽悚莫名惟查張家口至庫倫四十六臺至
烏城六十四臺皆係蒙古沙漠地面內地官兵奉調出口辦裝有
費裹糧有費從征數千里外又非且夕即可撤防必令內無室家
之慮外無飢渴之虞始可責以效命軍士習知邊塞艱苦往往懼

於遠役即如此次大同官兵到口後環求調劑情詞迫切幾釀事

端經文盛多方開導復為奏請每兵一名賞銀五兩始於四月十
三日分起就道宣化練兵奉調之初經臣嚴飭臺局將應需各項
妥為籌備數月始克成行甫至三臺地方車駝短少應付極形竭

蹙復經該鎮王可陞督飭統帶游擊徐平川設法催趨臣復允以
到防後代催糧餉兼籌養家必無缺乏而後前進本年調防烏庫
馬步官兵已有五千餘人沿途臺站儲備柴米應付車駝苦累已
極若再添調直兵隨後繼進無論畿輔練軍不宜抽調空虛遠道

赴防能否得力支久而臺站先有坐困之勢糧餉尤有不繼之時
此增兵之難也各營軍裝糧械專恃各臺車駝挽送前經文盛籌
借駝匹每臺分撥一百隻數月以來飛挽接運殆無虛日陸續倒
斃現堪驅使者每臺僅有駝二三十隻雖續經雇車雇駝竭力幫

奏稿十八

七

運專供弁兵乘騎已屬不敷周轉更難兼顧糧運疊據口北道奎
斌稟稱前由糧臺發運之米各臺均有停積四月以前運米並無
油布袋遮蓋堆積草地設遇雨水必至蒸變大同官兵約於五月
初三日始能全數出口其時節交夏至盛暑之際駝隻例須放青
不能再任負載文盛派員赴錫林等處雇覓車輛亦未知能否應
手各軍陸續抵防裹帶之糧即將罄專盼後路接濟牛車笨滯
日行不過三四十里又不由臺站行走道途較為紆折夏令大雨
時行尤難剋期運送設米石日久遇雨蒸變即使轉解到營亦恐
難資兵食此籌運之難也凡此二難皆口外用兵實在情形臣於
去冬欽奉
諭旨徵調即飭委逐細確探深知塞外艱窘迥非內地可比與其
兵多而無益於事不如兵少而餉可持久疊經奏蒙

聖鑒在案現在杜嘎爾行抵哈爾呢敦以馬匹疲瘦水草缺乏蒙
 古生計維艱需用各物皆難應手向在真鄂博地方駐紮未能按
 程過進是其明徵伏查此次文盛等籌備臺站轉運應付不遺餘
 力無如天時物力均有所限口外各城既非產米之區全恃內地
 購運一有不繼貽誤匪輕備臺站因疲累而逃散前軍因飢乏而
 譁潰耗費損威所關更鉅此尤臣私憂竊懼者耳所幸蘇彰阿帶
 吉黑馬隊已抵烏城宣化頭起步隊亦即抵庫據口北道探前口
 外商人均稱庫倫等處甚屬平靜並無賊信宣軍探稟亦同目下
 甘省西北靈甯一帶回氛肅清兵力甚厚烏城又有大枝勁放駐
 紮今昔時勢本自不同即使竄來零匪斷不能越烏城而東犯庫
 倫且宣化所調官兵夫計一千三百餘人訓練尙為整齊協防
 庫城似已稍壯聲威但令後路糧藥如期運解該處餉項按月放
 給若遇緩急當有可恃臣現飭口北糧臺俟大同官兵行走畢後
 即稟商文盛將各臺存積米麩趕緊運並將五六月應需米糧
 提前運解以免夏令遇雨阻滯各軍枵腹堪虞其續派古北口練
 兵一千名仍飭預為整備俟秋涼後臺站駝匹數用屆時烏庫兩
 城如續有確實警信再行調派出口庶於軍情大局有裨臣久在
 行間習知用兵之難首在足食孔聖垂訓必不得已先議去兵而
 後議去食其理千古不能易也臣慮考漢唐出塞之師數月必還其
 時口外有征無防臣我朝雍乾年間故事大舉沙漠權設臺站亦不過一半年即撤軍換
 防未有久屯重兵於漠北無糧無賦之地者今時財力艱難如此
 臺站疲累如彼不在徵調之無兵而在饋運之難繼是以微臣始
 終審慎未敢稍涉張皇僅以遵

旨調派一奏塞責愚慮所及不敢不據實瀝陳以備
 采擇所有續調赴庫官兵擬暫緩調派以便專籌糧運接濟征軍
 各緣由是荷有當謹恭摺由驛覆陳伏乞
 皇太后
 皇上聖鑒訓示謹
 奏

奏稿十八

九

查閱大沽礮臺片 同治十年四月二十三日

再臣因天津教案各國賠卹銀兩大致議結中外商民均甚相安於四月十二日輕騎滅從馳赴大沽北塘海口一帶查勘形勢並察度防軍布置礮臺營壘從前格林沁設防大沽南岸原有三營礮臺五座今僅存一營內礮臺三座其原紮郝家莊河口礮臺已被洋兵拆去洋房佔住北岸原有兩營礮臺三座今僅存一營內礮臺二座臺基尚為得勢惟臺上兵房礮洞板薄土鬆而面受敵斷不足以禦外侮四圍營牆亦甚卑薄牆根為海潮所齧木樁土坯易就傾壞礮位既少佳品架具多不齊全現在洋船來往口內並有洋人常往礮營左右窺探消息臣思海疆要口不可不設兵防備即不得不逐漸培修密飭大沽協副將羅榮光督率兵夫擇要興築先將營壘加挑堅厚作裏外夾牆俾弁兵可護身抵敵又擬於礮臺前面仿照洋式加築護臺高出平地數丈俾我能擊人而又防人之擊我臺頂不至十分喫重又牆外宜添築欄潮土壩一道免致潮汐侵刷惟沿海四五十里內斥鹵不毛土性鹹散不可取築價格林沁當日亦由內地運土應用其餘一草一木無非購自遠方異常昂貴核計工料即就原營礮臺布置堅穩已需十數萬金津郡無此財力只有隨時籌畫如湊出若干經費即飭做若干工程現設礮位均係崇厚勸捐湊集大半粵東土礮固不加洋兵近日新礮之精亦遠遜外洋前數十年之礮臣已飭調舊存蘇局大小炸礮及江甯礮局製成洋礮陸續運津並委員添購西洋新式巨礮數尊以備酌量更換操習凡此之類需之歲月籌有款項庶幾稍有可觀然亦不過聊壯聲威未敢遽云禦大敵也至北塘與大沽犄角相距三十里咸豐十年洋兵從此登岸進攻

抄襲後路關係亦要該處尙存南北岸礮臺三座近年並未撥營駐守頹廢益甚現調通永鎮總兵周得勝帶遵化練軍一千名移紮北塘設法布扼徐圖修整總之海防較內地之防費餉十倍禦外夷較禦內地之賊費力十倍今各國洋人進踞堂奧海口之險彼此共之門戶已為洞開而防務未便棄置臣查閱既畢即於十七日回津所有海口礮臺擬籌布置情形理合附片據實密陳伏乞 聖鑒訓示謹 奏

奏稿十八

五

盛軍欠餉廣額片 同治十年四月二十九日

再查前甘肅涼州鎮總兵周盛波廣西右江鎮總兵周盛傳所統
 淮軍盛字營等營自同治元年成軍後陸續添併隨勦與捻各
 逆素稱得力歷年積欠餉項甚多因糧支細難以籌補商之各
 營弁勇情願報捐稟請歸於鄉試院試加額等情當經札行糧臺
 報銷局司道會議詳辦去後茲據報稱盛字營字步隊九營兩哨
 餉項截至同治七年底止除先後補發外計應報效欠發實銀二
 十八萬兩該營弁勇多隸皖省核計報效欠餉銀數請照章分別
 加廣中額學額又查前提督楊鼎勳所部勦軍報效欠餉案內聲
 明留存銀八萬六千兩零係歸江皖兩省加額存俟淮軍續行報
 效銀兩再行併計彙辦奉部覆准在案茲將前項留存銀兩內撥
 出銀四萬兩為皖省加額之款彙入此次盛傳兩軍報效款內共
 成銀三十二萬兩其餘四萬六千餘兩係歸江蘇省加額之款仍
 請存記彙辦以符原案查部奏定加廣中額章程內紳士商民
 捐資濟餉一省捐銀十萬兩加廣一次文武鄉試中額各一名又
 新章不准請加永遠學額改為一屬捐銀一萬兩准廣一次文武
 學額一名等因詳請核
 奏前來臣查盛字傳字各營官弁勇丁其體時艱願將積年欠餉
 報效實屬深明大義合無仰懇
 天恩敕部查議同勦軍報效欠餉尾款以三十萬兩加廣安徽
 省文武鄉試一次中額各三名以二萬兩加廣安徽合肥縣一次
 文武學額各二名其勦軍報效欠餉內劃歸江蘇省加額銀四萬
 六千餘兩仍照案存記彙辦以符定例除將該營欠餉實數分晰
 開單咨部外理合附片陳明伏乞

皇太后
 皇上聖鑒敕部嚴議施行謹
 奏

奏稿十八

三

覆陳湘淮營制雜支定章片 同治十年五月初六日

再勅諭軍需自同治四年閏五月起截至五年十二月底止第一案報銷內湘淮馬步各軍支領柴草油燭折價一款經戶部議奏以軍需則例並無官兵既支薪糧又支柴草油燭之條惟據冊稱淮南河北樵薪維艱星夜馳驅必須油燭尙屬實在情形擬將本案此項用款准其就數開銷此外各路軍營悉不得援引爲例嗣後各軍營用款如爲例案所未備應恪遵同治三年欽奉諭旨先行奏明辦理等因當經轉行遵照在案查軍營兵勇向多藉樵薪爲名滋擾鄉村同治四年以前湘淮各軍柴草一項先飭由地方官籌捐采辦供支迨奉調勅行營無定所歷准北豫東直隸等省與前在江南時地不同經會國藩與臣飭行各營一律由糧臺籌給柴草折價步隊每營月支銀一百六十兩馬隊每

營八十兩是以大軍到處兵民尙屬相安其油燭一項因馳逐追勦及坐營早夜巡更放哨均所必需從前支給本色未能劃一復經酌定步隊每營勇夫六百八十八人月支折價銀三十兩馬隊每營二十兩其各營有二哨者亦按人數增給俾軍行無所掣肘此皆必不可省之款又查馬隊刊本章程內載每哨雇大車一輛由糧臺發價以爲隨營駛運鍋帳子藥之用嗣經酌定雇車一輛每月給車價銀二十兩如係購買之車每輛月給餼銀十四兩劉銘傳所部銘軍奔馳尤苦步隊各營亦仿照馬隊章程支給車價銀一百兩惟銘字正營洋礮營開花礮位子藥倍於他營每營月支車價銀二百兩蓋洋礮軍裝子藥笨重異常往往軍行緊急仍須隨時添雇業經據實造報請銷有案上年臣奉

命督師陝西調防畿輔疊次購買駱駝並奏調蒙古捐駝分

發各營以資長途隨營運載各項飭令盛字武毅等步隊每營月給駱駝餼銀一百兩凡一營六哨者月支銀一百五十兩非此則駱駝必不能養調撥亦不能靈以上柴草油燭車價餼發等項所費無幾而軍實較充惟均係例案所未備據金陵軍需報銷局司道詳請具

奏前來理合遵照定章附片陳明伏乞 聖鑒敕部立案施行謹

奏稿十八

五

張家口糧臺請撥部餉摺 同治十年五月初十日

奏為張家口糧臺辦理烏城征兵口米懇

恩續撥部餉接濟要需恭摺仰祈

聖鑒事竊照察哈爾吉林黑龍江各起馬隊調赴烏城宣化練軍

調赴庫倫防剿遊

旨在張家口設立糧臺飭委口北道奎斌辦理經臣奏蒙

飭部撥發餉銀三萬兩解交該臺應用並奉

寄諭以軍行糧食最為緊要飭令廣為購辦陸續運解等因各在

案茲據該道稟稱自上年十二月開辦以來截至本年四月底

止駐紮哈爾呢敦之黑龍江頭三四起吉林二三四起達爾濟管

帶之察哈爾前後起官兵應支口米均已解至七月調赴前敵之

貢果爾一軍及蘇彰阿帶赴烏城之吉林頭起黑龍江二起馬隊

奏稿十八

副都統杜嘎爾隨帶官兵應支口米均已解至八月但使臺站按

起接運勿稍停滯可致誤軍食統計運過各軍粟米五千餘石

吉黑兩軍加增白麩九萬三千二百餘斤所需米麩價值暨製辦

牛毛袋荆筐麻繩以及運送腳價夫工雜支添做遮雨油布袋等

項共在前領部餉內支過銀二萬五千六百餘兩僅存銀四千兩

有奇現奉察哈爾都統文盛飭由糧臺預辦全軍四箇月口米及

時提前起運遵將米石口袋等件趕緊購備宜化一軍業抵庫倫

兼籌運腳等項現存銀兩不敷甚鉅懇懇續撥部餉等情前來臣

查各起馬步官兵先後馳抵防所應需口米必應提早辦運俾無

缺誤該道動用經費均甚撙節所稟前撥部餉不敷應用委係實

情相應仰懇

天恩飭下戶部續行籌撥銀三萬兩仍由順天府尹派員就近領

解赴張家口糧臺交收備用以濟要需而裕兵食統俟事竣彙數
核實造報所有續撥部餉辦運兵米緣由理合恭摺陳伏乞
皇太后
皇上聖鑒訓示謹
奏

奏稿十八

三

請飭全權大臣議約摺 同治十年五月二十日

奏為日本使臣將抵天津預行請

旨簡派全權大臣及隨同幫辦大臣在津會議立約事宜恭摺具

陳仰祈

聖鑒事竊臣承准軍機大臣字寄同治十年二月二十七日奉

上諭李鴻章奏預籌日本通商事宜請調熟悉洋務大員來津商

辦一摺日本通商議約伊始尤宜慎之又慎自應預行籌畫江蘇

按察使應寶時熟悉洋務飭令查探日本使臣過境即酌帶委員

附搭輪船兼程來津由李鴻章督同辦理等因欽此查應寶時於

五月十四日業經抵津據稱在上海探悉該國使臣於五月中旬

起程由滬北上是以先期來津聽候隨同商辦等語臣一面督同

該臬司及署津海關道陳欽再將所擬約稿悉心斟酌以備臨時

辯論正在核辦間適接該國使員柳原前光照會前來內敘所派

全權大臣暨輔翼參事隨員等銜名並該國王寄呈璽書禮物及

使臣起程日期各等因似該使到津日期計已不遠謹將照會鈔

錄恭呈

御覽惟議約事宜辦理在即合無仰懇

天恩俯賜簡派全權大臣及幫辦人員以專責成而資贊畫至該

使照會內所稱派出之大藏卿伊達係屬從二位之職與臣前陳

來使不過正從三四位之處稍有未符合併聲明所有日本使臣

將抵天津預請

派員辦理緣由恭摺由四百里具陳伏乞

皇太后

皇上聖鑒訓示謹

奏

奏稿十八

完

謹將日本使員外務大丞柳原前光照會鈔錄恭呈

御覽

為照會事去秋明治三年九月本大丞齋書到津預議通商事宜
 盤蒙貴中堂暨大理寺卿三口通商大臣成林款接優待成就遠
 使來意俾得再奉總理王大臣准以換約信函回國乃於客冬閏
 十月二十五日到京繳差外務卿及大輔接准該函回文甚為欣
 悅當經奏呈睿覽即召本大丞等渥賜獎賞矣回維所以然者皆
 由鼎力裁成銜感懋德實無涯泆茲我朝廷以貴國總理衙門函
 文為憑於本年四月二十八日特簡從二位大藏卿伊達為欽差
 全權大臣帶從月單官員遣于貴國委令結好定約又援國廷接
 遣各國公使成案我天皇特具璽書禮物寄奉貴國
 皇帝駕前永以為好所有使員准於本月中旬由橫濱乘舟啟行

美稿十八

三

計開使員名單

- 欽差全權大臣從二位行大藏卿藤原朝臣宗城伊達氏
- 全輔翼正四位行外務大丞兼文書正藤原朝臣前光藤原氏
- 全參事從五位守刑部中判事兼外務權大丞源朝臣眞道津川氏
- 全正七位守文書權正鄭永爾
- 全隨員 後文書大佑葉重寬藤原氏
- 全前大學中助教源朝臣惟清清下氏
- 全外務權大錄藤原朝臣知一藤原氏

全全全全全

文書權大佑葉雅文藤原氏
 文書少佑藤原朝臣遠津久氏
 外務權少錄藤原朝臣豐志子氏
 大藏省附屬源朝臣豐明根小氏
 大藏省附屬橘朝臣成種滿川氏
 僕從約計二十八人

美稿十八

三

續派防庫練軍暫緩起程摺 同治十年五月二十九日

奏為遵

旨續派古北口練軍赴庫協防揀員統帶酌給餉乾籌備雨具號衣等項擬俟臺站疏通糧運無阻再行飭催起程恭摺仰祈

聖鑒事竊臣欽奉四月二十七日

上諭張廷岳等奏回匪出竄請飭續調官兵到防著李鴻章仍將

續派古北口練兵一千名妥為整備剋日起程以資厚集等因欽

此又奉五月十八日

上諭直隸續派古北口練兵一千名著催令剋日起程前赴庫倫以備張廷岳等扼要分紮等因欽此遵即恭錄咨行直隸提督傅振邦妥籌辦理復與該提臣往返商擬派古北口練軍中右二營兵丁一千名赴庫協防飭該營將弁預為整備查有副將銜儘

奏稿十八

三

先參將順義營都司賈吉齡謀勇兼優訓練得力堪以派令統帶並札練餉局司道查照宣化征兵章程預行籌給三箇月餉乾令其裹帶餼糧又現交夏令雨水頗多月飭仿照宣兵置備皮衣成案每兵一名酌發銀二兩五錢以資製辦雨具該官兵月需食米亦照軍定章於應領正餉加餉項下每兵一名扣出銀一兩以七錢發交口北糧臺作為購辦米麩價值以三錢扣解濟庫作為屯糧折價按季轉發俾資贍家屬此項銀兩仍由直隸省局按月籌給其餘應領餉銀到防後即由庫倫辦事大臣照章接續支放又練兵號衣旗幟長矛等項均尚整齊但恐道途為遠雨溼損壞亟令趕緊另製一分以備替換俟餉項分別給領需用各項製辦齊全應即督催起程馳赴庫城協同防剿不敢稍涉遲誤惟查宣化馬步練兵業於四月二十八日全隊行抵庫倫據統帶官

徐平川等馳報並偵探員弁稟稱沿途臺站因本年各起征兵接

續出口飛挽運送殆無虛日蒙古困苦已極各臺駝隻大半倒斃

其僅存者又以疲乏過甚節交盛夏應行放青實屬不敷載運口

北糧臺所運米麩各臺停擱尚多現抵烏庫各軍日虞乏食若再

令古北口官兵剋期進發臺站供億不及尤難兼顧運糧前敵立

有飢潰之患又據口北道奎斌稟稱探聞二十一二三臺忽報潰

散察哈爾都統文盛傳諭未運出口糧米暫行停發又聞大同官

兵尚有一半截留在二十一臺以前等語是前臺因虛驚而潰散

晉軍雖已去而復留其續調直軍必須稍緩起程以免前後壅滯

目下情形似以整復臺站趕通糧運為急尚不在添兵之遲速擬

請旨飭下察哈爾都統迅將臺站駝隻趕緊設法籌添保護先令運

奏稿十八

三

路疏通各臺停積米包一律起解俾已經到防之軍不致枵腹譁

潰庶未經起程之軍亦可隨後繼進所有遵

旨續調古北口練軍揀員統帶並籌給銀兩擬俟臺站疏通糧運

無阻再行起程各緣由謹恭摺由驛覆陳伏乞

皇太后

皇上聖鑒訓示謹

奏

鹽鹽礙難加價摺 同治十年六月初一日

奏為長蘆鹽斤礙難再加價恭摺陳仰祈

聖鑒事竊准戶部咨議復西征糧臺翰林院侍講學士袁保恆奏請權加鹽價以濟軍餉一摺行令兼管鹽政各督撫轉飭運司鹽道體察現時商力民情悉心籌議據實覆奏等因遵即行司妥議詳辦茲據長蘆運司恆慶詳稱蘆鹽行銷直豫兩省道光二十二年籌辦海防每斤加價京錢四文旋因銷數日滯節次停減引目道光二十八年查辦鹽務酌改章程案內查明額引滯銷由於私鹽侵越議將鹽價仍復舊制以期便民敵私嗣於咸豐九年海防善後經費支絀又奏請無論京外引鹽每斤徵復價京錢四文同治六年豫省防餉緊急又將豫引每斤加價制錢二文自疊次議加以來鄰私充斥額引滯銷加以近年河道淺阻腳價倍增包墊

奏稿十八

五

課款商力難支會據眾商稟懇請將前項復價加價分別停減詳蒙具奏在案歷年定議已加之款方因有礙銷數願請停免若再議增價商力疲憊其何能支體察情形實屬難以照辦至原奏謂一省獨加則滯各省同加則通查引鹽之壅滯不盡在官鹽之侵銷而在私販之充斥價能加於鄰省之官鹽不能加於無引之私販況蘆綱定章向係包額一經認辦無論鹽斤是否全數銷完各商應交課款均令照額包納亦與別省情形不同如不兼顧銷路但議增價恐額引銷售愈滯各商無力包墊不惟加價無著且恐正課日虧再四籌商所有長蘆鹽價應請免再議增以恤商艱而保課帑等情詳請覆

奏前來查袁保恆原奏係為停止捐輸裨助屯餉起見但使商力稍可支持自應勉為籌勸無如蘆綱積疲已久運商苦累異常

自道光年間勘議加價行之未久即以有礙課引悉予停減咸豐同治以來因海防經費支絀不得已而有軍需復價之議又因豫省防餉無出不得已而有河南加價之議近年銀價昂昂運道淺阻商人成本愈重各路私販愈多銷數日滯課項口短是以上年會國藩暨臣先後奏懇分別減免復價加價等項以冀稍紓積困挽救全綱是已加之價正在籌請停免豈可更議加增該司所詳委係實在情形相應據實覆陳伏乞

皇太后

皇上聖鑒謹

奏

奏稿十八

五

日本使臣到津片 同治十年六月初九日

再欽奉五月二十二日

上諭派為全權大臣辦理日本通商條約事務並派應寶時陳欽
隨同辦理茲據日本使臣伊達照會六月初七日帶同隨從人
員行抵天津約期拜謁當即照覆訂於初九日已刻在署候晤該
正副使五人來見甫經列坐即起立先請

聖安次相問候禮貌詞氣均屬恭謹並面遞該國外務卿致總理
衙門照會一件除轉寄總理衙門拆閱外臣告以業經奏奉

諭旨派為全權大臣一切皆應在津商辦該使唯唯應諾並問何
時互看憑據當與訂期在公所地方公同閱看各俟議立條約格
遵

指示督飭應寶時陳欽悉心籌辦總期周密妥善仍隨時相機辯
論稍存端倪再行專疏具陳所有日本使臣抵津日期理合附片

奏報伏乞
聖鑒謹
奏

海防支應局報銷摺 同治十年六月十二日

奏為查明天津海防支應局收支餉需按款分造清冊請
旨敕部核銷恭摺具陳仰祈

聖鑒事竊據天津支應局長蘆運司恆慶署津海關道陳欽天津
道丁壽昌會詳以津郡辦理海防應需原練續練新練之洋鎗礮
隊挑練馬隊通永鎮標大沽協標等營馬步兵雲字營水師礮
船馬隊直字營馬勇餉乾銀兩向在於鹽斤復價洋藥釐捐天津
關洋稅東海關協餉甯河釐捐項下隨時動支按照海防章程撥
節支放所有同治九年正月初一日起至六月三十日止收支款
目業經造冊詳蒙

奏咨准銷在案嗣於上年十一月間奉文行知令將應發餉銀通
盤籌畫量入為出嗣後月餉即隨時會商動撥詳報以免遲誤年
終冊報仍核實詳請奏咨不可稍有浮冒等因茲查前蒙署道商

大臣派委候補外委一員津標兵四名會同各國水師兵官在於
船泊處所巡查彈壓應支薪水口分錢文奉部覆准歸於海防案
內造銷在津各營洋鎗礮隊兵勇移駐營盤朝夕操練按照直隸
練軍步隊營制量為核減每營添募伙兵四十五名以供炊爨每
名月給口分銀三兩並因續練鎗隊不足一營由礮隊內挑出官
三員兵五十名撥歸鎗隊訓練以足一營之數其分段彈壓郡城
內外之天津鎮標官弁二十二員兵二百六十名以地方安謐於
閏十月十六日撤回原營又通永馬隊弁兵奉飭挑選精壯暫留
當差其疲弱不堪用者裁撤歸伍計裁去弁兵三十八員名於十
二月初一日遣回原營其調赴歸綏防剿之洋鎗礮隊官兵直字
前後兩營馬勇應需行糧等項仍按照三箇月撥解一次至是

各隊營盤兵房修理大沽炮道橋牌並分別給與各營習練洋鎗
礮隊改練馬隊水師礮船公費及大沽礮臺演礮經費均蒙前通
商大臣隨時奏明先後奉准部咨仍照舊章歸於海防案內報銷
現將收支各款截清日期造具細數清冊詳請

奏咨前來 臣逐加覆核計自同治九年七月初一日起至十二月

三十日止共收過鹽斤復價洋藥釐捐天津關洋稅東海關協餉

南河釐捐等項銀二十三萬八千七百七十五錢二分九釐五毫共

支過官兵勇隊薪水口糧俸廉餉乾鹽糧公費及現任文武各官

借支發廉委員薪水聽差護局夫勇渡夫工價米折口糧看守藥

庫弁兵薪水口分津貼洋鎗礮隊改練馬隊水師礮船公費大沽

礮臺演礮經費兵丁衣帽棺木修理各隊營盤添製帳房旗幟號

旌及一切軍火子藥等項運送軍火委員盤腳局書工食油

燭紙張租賃民房等項遵照部定章程應請戶部核銷銀二十萬

九千六百四十三兩六錢五分二釐一毫九絲三忽二微應請工

部核銷銀二萬四千六百二十二兩八錢一釐九毫五絲七忽二

微二其應銷銀二十三萬四千二百六十六兩四錢五分四釐一

毫五絲四微內除本案內扣收平餘銀三百二十三兩一錢七分

四釐七絲九忽儘數助支外計不敷銀三千七十二兩七錢五分

五釐七絲一忽四微均係隨時籌款墊支並承辦各員請領未發

之款應俟奉准部覆後再行分別辦理除將送到清冊咨部查照

外理合恭摺具

奏伏乞

皇太后

皇上聖鑒敕部核銷施行謹

奏

奏稿十八

完

一第506册續修四庫全書第28版反內

請飭迎提防庫糧石摺同治十年六月十五日

奏為口外臺站潰散糧運阻滯請

旨飭令設法迎提保護以通運道而濟兵食恭摺仰祈

聖鑒事竊臣欽奉六月初四日

上諭出征馬隊需用糧餉極關緊要爾等請在張家口設立總

局由口北道專司其事按月源源運送一面由烏城派員在靈呢

齊等處迎提飭令口北道赴張家口或派員前往妥為辦理等因

欽此遵即恭錄行飭欽遵去後茲據口北道奎斌稟稱查張家口

糧臺自上年十二月間設立以來揀派委員收發糧米仍由該道

常川往來親自督辦一切均屬妥便似可毋庸另議更張至各營

口糧截至五月二十二日止駐紮寫遺者已起運至九月駐紮較

近者亦已起運至八月以糧臺所發米數計之若運道無阻兵食

原不致缺惟十九臺至二十三臺間營潰散停運糧米業將兩旬

雖經察哈爾都統奏明挑撥牧羣駝馬起為運送並調撥官兵保

護運路時逾半月尚無端緒臺站停運一日之糧各軍即增一日

之餒現又聞得二十五臺霍呢齊地方被賊竄擾臺站復有潰散

所調駝馬官兵又不能剋期而至糧臺現有備存米三千數百石

因糧路不通無能為力稟請

奏飭設法迎提保護等情前來臣查張家口糧臺現出口北道奎

斌就近督辦均尚妥協自應循舊辦理惟口外臺站因各起征

兵出口糧隻紛紛倒斃不敷運送致糧臺發運米石各臺均多停

積經臣於大奏飭俟宣大官兵全數啟行後趕緊設法趨運俾資

接濟在案乃大同征兵甫經出口賊勢日漸東趨致布魯圖所屬

高喇穆呼爾等五臺間營潰散此係烏庫兩城正站為各路文報

餉需往來要道關係最為緊要目下二十五臺復有驚潰之傳

亂情形可想而知無論調兵運糧皆非臺站復設以後不能暢行

現在已運糧石既恐因停阻而遺棄續調練兵又何從取道以進

征杜噶爾所部缺糧已久宣化征兵裹帶之糧亦已告罄前敵立

有飢潰之虞早夜籌思萬分焦灼口外地面專隸蒙古直省委員

呼應不靈該道固束手無策即文盛檄催各臺駝馬及調撥左右

兩翼官兵前往護運聞亦整頓須時緩不濟急惟有仰懇

天恩飛飭副都統杜噶爾將二十五臺以下存積之米迅速派隊

迎提到營暫濟各軍口食仍酌派隊伍擇要扼紮以護續運之糧

一面

飭催新任察哈爾都統迅將已潰各臺設法招復保護月籌安速

運法催趨接運庶幾以速補運並懇

奏

救下庫倫辦事大臣就近在恰克圖采辦糧石接濟宣軍俟臺站

疏通再由口北糧臺解還是否有當理合恭摺由驛五百里馳陳

伏乞

皇太后

皇上聖鑒訓示謹

奏

奏

奏

奏

奏

奏

奏

奏

奏

奏

奏

奏

日本議約情形摺

奏為日本使臣在津議約辦理漸有端倪恭摺具陳仰祈
聖鑒事竊臣於六月初九日將會晤日本使臣伊達等大略情形
附片陳明在案十二日奉

旨知道了著即督飭應寶時陳欽悉心籌辦務臻妥善等因欽此
臣查各國在津議約應屆辦理雖有成案而日本與中土最為鄰
近又自託於同文之國自宜更加詳慎當即督飭應寶時陳欽細
查日本與泰西各國所換條約及中國與泰西各國交涉年來已
形之弊月立兩國修好條規通商章程將和約字樣暨顯有窒礙
之處併行改去逐句逐字講求斟酌釐為兩冊由臣詳加覆核於
十六日發交該使臣閱看先於十四日據該使將彼國現擬約稿
呈送前來臚列各款其條約則鈔襲布國稅則章程則鈔襲美國

奏稿十八

聖

又將去秋柳原前光等在津所呈議約底稿作為廢紙惟事事援
照泰西未免請多流弊臣正在逐條駁閱十八日據該副使柳
原前光等送給應寶時陳欽公函必欲准照西約成例隱有挾制
之意經臣密囑應寶時陳欽公具覆函詞意略加峻厲使知我有
定見不為浮議所搖該使等接信後徘徊旬日乃將臣所酌擬條
規章程簽商數處約同應寶時等先行面議七月初四日應寶時
陳欽會同該使伊達宗城等逐款推敲大致均已允服遵照惟彼
於章程內請添凡兩國准予別國優恩及有裁革事件無不酌照
施准一條雖與本年會國落指內所指不可載明一體均霑等語
措詞稍變而命意仍同終屬含混因與之再三辯論據稱各國均
有此條堅求一視同仁以至體面若將此條刪去須從緩議商等
語揣其詞氣似尚漸就範圍儻固執如前亦當相機竭力開導安

與酌定以示限制而免流弊咨次公同定議畫押後再行撥寶陳
奏外所有日本議約現在辦理情形謹摺由四百里具陳並鈔
錄日本副使柳原前光等與應寶時陳欽來往公函各一件恭呈
御覽伏乞

皇太后

皇上聖鑒謹

奏

奏稿十八

聖

謹將日本副使柳原前光等公致江蘇臬司應寶時暨津海關道陳欽函稿並應寶時陳欽公致日本副使柳原前光等之覆函各一件鈔呈

御覽

日本副使柳原前光等來函 同治十年六月十八日

昨接尊稿約底屢閱再三深悉意專欲特異於西例以示兩國別開生面之意實出貴國優待鄰邦之隆情既知所感激又不能無所周慮故敢布腹心夫修好通商之款雖由兩國主權訂立其休戚必與別國相關此做邦之所以留心注意於此行者也日前伊欽差發東都時各國公使有來送行者請以此行將與清國結盟連衡等說伊欽差應之曰但看他日約成便知其實一笑而別是以擬議須照貴國准與西人成例一體定約庶不致生嫌疑去年柳原等來津欲奉本國信函而遞總理王大臣則云不可遽令來京致與泰西各國歷屆成案不符是知鄰好之不足以破西人格也今觀來稿將其條款錯綜套脫令人大費解說方知事例大約與西人同而其不同者亦復不少與伊欽差擬議所望大相逕庭矣又其每款所有兩國應如何行云及海關稅則有不可彼此一體照行者何則兩國各有安設遠人得宜成案專令來者遵行以昭劃一故除其中兩國同例可遵外不可求諸貴國亦不可加諸已國以素常例耳天下之人聚此一國必明條約以敦交際則此條規即天下之大道一人得而行者千萬人亦得而行之西人之所望於我之所拒於彼必援別國條例為辭故交際之道祇可劃一不可特異開例自破條規以招彼之覬覦也今兩國欲於天下人中特立好行字面之約何益於事且其條規章程斷

斷不可輕重之於西例欲重之也西人妒而分之欲輕之也西人侮而詆之況今兩國均有西客旁觀出入頗生枝節兩國所議之約或有參差非謂不能通行且謂使者不力亦何面目歸國反命乎如我兩國真誠至好不重在條規而重在交際今貴國將條約必欲立異僅改字面徒使西人懷疑含妒恐非兩國之福貴國於西人事以不治而治閱歷已久自有老謀深識明燭其故何待他人喋喋而論當今之計惟有互相切磋琢磨內求強富外禦其侮而已誠能心照意援如其條規章程不若姑從西人跟跡無事更張不露聲色以穩其心之為愈也惟冀諒察仍依原呈約稿改刪一二字面或有應加款即可添入其中以便早日酌議定妥是望

應寶時陳欽復日本副使函 同治十年六月二十一日

昨接來函以條規須照西約不欲別開生面恐啟西國猜疑似於送去條規尙未逐細體會試為執事略言之貴國特派大臣前來原為通兩國之好若以迹類連橫慮招西人之忌則伊大臣不來中國痕跡全無更可周旋西人豈非上策何計不出此乃於到津後始總總慮耶日前送去條規以貴國素曉漢文非泰西各國可比故議論悉求允當詞意必極周詳然亦並無與義深文何至遽費解說真耶偽耶始訖詞耳又條規兩國並說不與西約一律以貴國與中國相去較近非但貴國市舶絡繹前來即中國買帆亦聯翩東渡迥異泰西遠道有來無往故措詞均用綜括以昭平允其海關稅則彼此有互異者固已載入章程未嘗強不同者使之同也夫歲執事來津曾言貴國遣使之意不重在通商故條規即以修好為名以期不拂貴國雅意中國原無成見不過因人

以誠求我即以誠應耳來爾乃謂特立好看字而並云斷斷不可
輕重於西例果爾則是同文之國亦須鈔襲但俗字而乃為有益
耶且不知送去條規較西約何者重何者輕希即一一指明用開
茅塞來爾摘去歲總署復書與泰西各國應屆成案不符一語為
不能破西人成格之據不知此語係指未經立約之國不在赴京
而言非謂條規即可照鈔也若欲照鈔則條規但載兩國通商事
務各照西約辦理一言可蔽何必多費筆舌乎總之中國與貴國
不能有來無往則西約斷不能盡同今來函因字面少異西約即
深揣揣不知條規中並無可令西人生疑之處即第二條大意亦
係美約所載非創見也貴國既有戒心自可無庸相強夫中國非
有所希冀欲與貴國立約也特因去歲情詞懇切並送來十六條
均以兩國立論其中雖有數條未能妥洽餘尚可采是以我中堂

奏稿十八

奏准派使前來會議此次尊處送到章程全改作一面之詞舊萃
西約取益各款而擇其尤竟與夫歲擬稿自相矛盾欲將前稿
作為廢紙則是未訂交先失信將何以善其後乎我中堂又將何
以覆
命乎茲本幫辦等會商擬將前送條規章程彼此再行酌商刪併
以便早日定議如尊意必不謂然祇好轉請中堂將貴國速改前
議不欲守信之處據情具
奏或仍照總理衙門去歲初議照舊通商和好毋庸立約更可不
露聲色也前此晤談未經道破者以執事皆道才卓識一見條規
自必豁然無庸觀縷也今來函如此云云實非初念所及敢以直
告即維照督不宣

日本約章結呈底稿摺 同治十年七月十五日
奏為日本國訂約通商甫經議定謹將會擬條規章程先行繕呈
御覽恭摺仰祈
聖鑒事竊臣欽奉同治十年七月初九日

寄諭李鴻章奏日本議約漸有端倪並將往返信函鈔錄呈覽一
摺日本與中土最近又自託於同文之國現在議立修好條規通
商章程自不必沿襲泰西各國舊套該督督飭應實時陳欽與該
使臣反覆辯論大致均已允服遵照惟章程內請添凡兩國在予
別國優恩及有裁革事件無不酌照准一條仍是一體均霑之
意亟宜相機開導使之就我範圍應實時等覆該使臣信函頗足
折服其心即著李鴻章飭令應實時等力持定見悉心開導總期
妥與酌定以示區別而杜弊端並將辦理情形隨時具奏等因欽
此仰見

奏稿十八

聖慮周詳實以綏徠之始不妨於曲示懷柔而立法之初不可不
預存限制祇戒之下悚勵交深查此案經臣督同應實時陳欽堅
持定見與之不時辯論更冀乘機迅速決議免其遲延日久又生
他計連日於所擬稿本內彼此標簽往復駁詰每一條或附入浮
簽四五雖已漸有端倪究屬兩無成說非由臣面加剖斷不能絕
其觀望之心遂允訂於初八日在臣行館面議該正副使等屆期
齊到臣督同應實時陳欽與之逐條確商隨指駁凡涉及緊要
關鍵一經議允即撥筆改定所有前經簽商各條尚不過於刁難
惟彼所力爭而固執不化者條規開首必欲我
皇帝與該國天皇並稱章程內載兩國國號必欲清國與日本並
稱又一懇求而狡獪莫測者則在於仿照西約一體均霑假如前

一條依其說則是中國約章刊列彼主非常之尊號將來可以徵信於史冊目前更可以陵轍東洋誇耀西洋而彼得獲其名矣後一條允其請則援照西約事例可以入我內地處處買運我不能與之爭而彼得獲其實矣該副使柳原前光頗習華書深悉中西和約利弊曲折堅欲伸其所說臣與應寶時陳欽多方開喻否做督焦至於無可抵賴之處彼則不論東西洋情形各異而專以伊國歷來稱謂辦法不能改易為詞意頗翹然自負臣乘其措語縛漏偶為聲色以折之謂若存牢不可破之見此事只可罷議該使始俯首允遵所有條規開首渾含其詞及章程內分寫兩國仍稱中國及日本字樣均尚得體其均需一層決不許用該使復婉求改用各口收益防損隨時商辦等語經臣執筆改為如彼此海關章程嗣後有變通之處隨時商辦等語列為第三十一款蓋海關收稅得有隨時變通絕無絲毫流弊也是日辯論已歷三時之久各款相定臣方謂其別無齟齬執意柳原前光陡然又啟詰問欲將章程內業經議定內地不准通商二條重新翻悔臣與應寶時等極力分析該副使總以洋土貨進出內地通商已久該國不能獨異於西國幾於無可與辯臣思此條乃彼所注意凡諸說皆不足以及之惟推原西洋立約之意華人往彼國通商並未限定口岸今日本係以人口岸與中國通商華人既不能到彼內地貿易日本人亦豈應入中國內地貿易新章此條兩國從同確乎公允何得引西約以為例西人亦斷不相試侮該使聞之語塞臣猶慮異口或有反覆遂於章程第十四款進口貨不准運入內地第十五款不准入內地置買土貨兩條之末添敘云以上兩款係因兩國各自指定口岸故須明定限制等語如此明白揭出俾以後無

可藉口此款實與均需一層異事相因若均需之請得遂即援案一切准行雖有內地通商之禁只屬具文彼所以始而漫許也茲均需之望既絕而通商曾無限制獨設為不入內地之條豈肯甘心彼所以繼而翻悔也此條為洋人必爭之利而實我內地受病之源是以論從前通商之弊此為最重名為指定口岸而洋商運洋貨入內地雖赴內地買土貨條約既有明文迨後定子口稅章由海關給領單照前往沿途免再徵收稅釐經過內地關卡驗放又只以有無完過稅單為憑不問其人之是華是洋由此而內地各處皆可以為通商之地內地商民皆可以冒洋商之名流弊滋多然西洋之成局無如何矣內外通商及地方衙門方且互相維持思所以補救於萬一今安得又聽日本之無端闖入耶其人貧而多貪詐而鮮信其國與中土相近往還便捷其形貌文字悉與華同以此攫取我內地之利浸移我內地之民操術愈工滋害必愈甚更非西洋比也臣故知此次議約以杜絕內地通商為最要只以相習既久相形見絀能否獨為禁阻實未敢預期有何把握茲經明定限制尤望各海關隨時辦理妥設範圍將來或值修改章程仍須重申界限至於條規中所籌維者第一條載明兩國所屬邦土不可稍有侵越等語隱為朝鮮等國預留地步第十三條載明此國民人在彼國有犯兇盜及諸重大案情或聚眾十人以上由地方官分別會辦或逕行嚴辦等語隱為前明倭寇故事預設防範夫各國通商以後各海口幾為列國公共之地絕非一國所能為寇而東南道事相傳人人談虎變色此條設律從嚴詳加科斷亦足以防微杜漸稍釋羣疑他如第十條之戒雇主徇庇工人有犯查拏訊辦第十一條之戒彼此往來不得攜帶刀械第

十六條之戒領事官辦事不合查明撤回悉取鑒於歷年交涉成案求免臨時棘手此擬定修好條規之預杜流弊者也其章程中所籌畫者如第一款於中國通商各處概標以某口字樣免似舊約有瓊州等府城口含混之弊第五六等款於罰款則分別兩國數目重輕免至各生校量第十三款游歷均照舊章而執照必發給安分之人第二十一款預商官樓辦法以便兩國商民第三十二款言及重修章程必須彼此兩願悉酌於本案交涉情形求免將來掣肘此擬定通商章程之預防流弊者也伏查此案經會國藩議以不外體制與稅務兩端總理衙門原奏所云上無礙於國體下有益於商民二議實為賅括臣等遵奉諭旨督飭應實時陳欽悉心籌畫凡思慮所能到者不敢不旬斟字酌庶冀稍免滯礙仰懇

奏稿十八

五

聖慮現在起繕正本刻日在公所會同畫押除俟辦理竣事再行具

奏外所有議定條規章程先行繕呈底稿緣由理合恭摺由驛具

陳伏乞

皇太后

皇上聖鑒訓示謹

奏

日本議約完竣摺 同治十年七月二十九日

奏為辦理日本國議約通商訂立條規章程現已完竣恭摺奏祈

聖鑒事竊臣欽奉同治十年五月二十二日

寄諭李鴻章奏日本使臣將抵天津請派大臣在津會議立約一

摺已另有諭旨派李鴻章為全權大臣並派應寶時陳欽隨同幫

辦矣該大臣俟日本使臣到津後務當督飭應實時陳欽悉心籌

畫杜漸防微總期周密妥善免致將來窒礙是為至要本日飭派

全權大臣諭旨一道一併發往如該使索看憑據即著李鴻章月

行恭錄給與閱看俟議約事畢此旨仍繳還軍機處備查等因欽

此同日並奉到

諭旨一道恭錄行知江蘇臬司應寶時署津海關道陳欽一體欽

遵泊日本國使臣伊達帶同隨員人等於六月初七日到津會晤

後往復辯論經臣於六月初九七月初六十五等日已將辦理情

形疊次

奏明鈔錄會議擬定條規章程底稿恭呈

聖鑒並先後兩達總理衙門各在案當即飭由應寶時等督繕條

規章程各正本而日本所備一分係用漢倭字體合寫又於漢文

未甚熟習至七月二十七日始據繕完訂於二十九日在公所會

齊辦理屆日臣率同應寶時陳欽該正副使臣伊達柳原暨繙譯

等到齊後彼此校對繕本均無訛誤分別畫押鈐印一律竣事此

案立議之始係以修好條規為重輔以通商章程用漢倭文分繕

合訂二分彼此存留一分以備屆期互換其稅則各項向係查照

海關舊章辦理不在互換約本之內今日本究屬初辦兩國稅則

本有區別故須分析載明除將存留一分備文封送軍機處代為

奏稿十八

五

進

呈其稅則即連同通商章程附在條規訂本之後以便屆時發交
刊辦所有欽奉

諭旨一道另行敬謹封固咨繳軍機處備查至此次議約與歷辦
西洋條約不同前經商總理衙門聲明謹遵成案於恭錄

諭旨之內節存條約二字未錄以備該使臣索看憑據免其有所
藉口迨後即執定不同西約之說與之往返辯駁卒以成事別無

要求惟立意欲求進京一行拜謁總理衙門王大臣等以致其奉
使遠來殷殷嚮慕之忱經應實時陳欽稟商以進京一節已在條

規中議定允行未便阻止且約事業經議定無從更生異說該使
臣等定於日內起程查有因公來津之江蘇記名海關道孫士達

熟悉情形已委令該員伴送前往妥為照料並咨明總理衙門
查照矣所有辦理日本國議約竣事緣由理合繕摺由驛具

奏伏乞

皇太后

皇上聖鑒訓示謹

奏

請嚴禁邊糧捐

奏為直屬現辦災賑招商購運米糧擬請蠲免釐稅嚴禁邊糧以
廣招徠而資接濟恭摺仰祈

聖鑒事竊查本年順保津河等府霖雨成災河隄潰漫居民蕩析
情形極為困苦仰蒙

恩准截漕十萬石並山江浙采辦賑米四萬石藉資撫卹業經臣
嚴飭地方官確查戶口核實分散以期實惠及民無如災區甚廣

水勢未退秋禾既顆粒無收存麥又補種不及約計賑米有限勢
難普徧而自冬徂春待哺之日甚長不能不資轉移於異地全賴

商賈輻輳源源購運以輔官力之所不及訪聞奉天江蘇東豫等
省秋成告豐糧價較減已飭天津道丁壽昌派員攜銀分赴產米

豐收之區設法購辦以備搭放平糶並招商股實紳商給發護照
趁新穀登場時多方購置准其運赴被災處所按照市價售賣臣

先通飭直境應完釐稅概予停免俾商人有利益可圖庶米販漸多
價值自減民閒日食或無騰踊之虞惟商米經過各省局卡應完

釐捐又州縣官吏往往因鄰境荒歉任意邊糧即如近日臣接據
山東督德州知州蔣樹屏稟以民閒存米無多請禁止赴該處

購辦等情查德州歲事尚豐距直最近豈可膜視鄰災強分畛域
設他處皆藉詞效尤商販必聞風裹足來源日乏糧價日昂民生

日困可憂方大畿輔為根本之地關係至要亟應暫議通融辦理
稍資補救擬懇

天恩飭下奉天江蘇山東河南各將軍督撫府尹將商人應完米
糧釐捐暫予停免其由臣派員招商采運飭各關卡驗明護照免

稅放行俟來年麥收成熟後再行照章抽收並出示嚴禁地方官

紳岡戶邊雜居奇斯遠近商賈得以流通災區糧價不至驟長億萬饑民同沾實惠庶於時局有裨理合恭摺由驛具陳伏乞

皇太后

皇上聖鑒訓示謹

奏

奏稿十八

稿

截留京餉尾數片 同治十年九月初七日

再上年十二月間臣因通籌津郡海防月餉奏懇將戶部指撥津海關十年分常洋兩稅銀十五萬兩預行截留經部議准令陸續解解毋庸拘定期限本年四月間臣復行飭該關道俟徵收稅項可敷防餉餘存銀兩即行報解嗣據將徵存常稅銀四萬一千八百三十四兩零於七月間委員帶數解部交納現准戶部咨行七月二十五二十七等日奏催京餉並飭催欠餉各摺奉旨依議欽此並催令將指撥京餉如限措解復經轉飭欽遵辦理去後茲據署津海關道陳欽詳稱該關本年洋稅因江海各關所發免單過多夏秋水過大銷市不旺收數較減計自九年十一月第四十二結起至十年八月第四十四結止共徵收洋稅銀三十一萬三千六百餘兩內除撥機器局四成並八分經費一分二釐火耗外核計六成洋稅止有十八萬八千餘兩本年正月至八月共發過支應局海防軍餉銀十八萬二千餘兩核計歲底月餉尚欠銀十萬七千八百兩且奉部招商采買洋銅價值運腳已籌發銀三萬三千餘兩又奏撥水災賑撫銀五千兩又英布各國教民賠款稅務司月支薪水等項均在此款動放是以更形拮据即下結洋稅續有徵收屆時河收數諒亦無多不特本年京餉難以解齊即海防月餉亦恐難照數籌撥等情詳請核奏前來臣查該關道所詳委係實在情形竊念部庫根本攸關際此帑藏支絀之時但有分毫可籌自當力圖接濟是以於未准部咨以前即飭將該關常稅儘數報解惟海防軍餉每年計需四十萬兩有奇除由運庫提撥復價銀十萬兩外以六成洋稅為大宗其入不敷出臣已於去冬專摺懇請截留京餉旋准部覆許以不拘限期是

臣不得已之苦衷早邀

聖明洞鑒夫理財之道不外開源節流二端今源無可開若為節
流之計惟有將海防各營酌量裁撤以冀稍省供支勻給部庫第
津郡為通商要地京師門戶不可一日無備現值災歉飢民流匪
難保不乘機煽動尤須重兵彈壓再四籌思未敢出此更無兼顧
之策統計本年奉撥京餉已解過常稅銀四萬一千八百餘兩又
奉部采買洋銅價銀三萬三千兩應就數劃抵津海關餉短解
銀七萬數千兩惟有籲懇
天恩俯念海防緊要將本年短解京餉尾數准予截留俾資周轉
並懇
敕部將津海關來年應解京餉酌量減撥實於防餉大局有裨是
否有當伏乞

奏稿十八

聖鑒訓示謹附片具
奏

教案內俄案月結摺 同治十年九月初九日

奏為覆審天津教案內誤斃俄國人四犯分別定擬恭摺仰祈
聖鑒事竊照上年五月二十三日天津民教滋事一案經督臣曾
國藩等將緝獲各犯分別擬於同治九年八月二十三九月十
三等日兩次具奏欽奉
諭旨會同藩等先後定擬正法之犯二十人軍徒各犯二十五人
即行分別辦理等因欽此臣當因事關中外交涉派令天津府知
府馬繩武先往英領事兼法領事李蔚海暨俄領事孔氣處告知
各情詎孔氣指出案內扎死俄人之兇犯田二等四名央求緩決
臣查該四犯辦抵原以償俄人被害之命俄領事既有異詞若遽
行辦結仍屬了而未了又未便因此致稽全案使法國藉為口實
惟有仍遵

奏稿十八

諭旨分別辦理之意即於九月二十五日將殺死法國人之正犯
馮燭子等十六名先行正法其田二等四犯監候月辦分咨刑部
暨總理衙門查照並於閏十月十六日奏報洋務大略附片中聲
明教案應抵兇犯俄領事力求緩決現飭天津道府與之妥議咨
行定局再行請

旨酌奪各等因在案臣當時偵得俄人實情既要卹銀不肯再殺
多命致受法國教案牽連為津市俄商重結仇怨中懷屈感而姑
以犯供不實為詞藉圖延緩時該國新派駐京使臣倭良嘎哩甫
抵天津照會三口通商大臣成林轉咨前來並有此案大致在務
得真兇照例懲治不在人數多少等語臣即札行天津道府令其
再將該四犯確實供詞詳細備具節略照會俄領事俾知該犯等
實係真兇並飭馬繩武往告該領事以中國辦理命案自有定例

咨總理衙門照會俄國欽差大臣奏懇法外施仁原情免抵等情
 查此案孔領事屢請照例辦理應將該四犯查照律例擬罪一而
 提犯覆鞫錄取切詳蒙咨請照會俄國駐京公使申送該國京
 都茲蒙札准總理衙門咨據俄使照覆現接本國來文將送到各
 項文詞並紳商等公稟細心查核擬將該犯等照所犯之輕重分
 別定罪減等辦理等因鈔錄照會行令妥擬核辦又接孔領事函
 稱仍與該府持平辦結稟奉諭令照約會同商辦復與領事往
 返函商擬定四犯罪名開摺呈核並蒙咨明總理衙門各在案
 誠恐尚有不宜不盡復經傳集案證提同各犯逐加覆訊緣田二
 張順順段大即段起發項五均天津縣人田二段大向俱切實西
 瓜生理張順順項五俱備趁度日與俄法各國人素不認識同治
 九年五月二十三日午後田二等因傳聞法國人打官滋事心生
 氣忿田二段大各執西瓜刀張順順項五各持團練所用順刀長
 鎗先後趕往救護行至河東藥王廟地方遇見俄國二男一女洋
 人各坐肩輿被眾人圍住停歇田二等誤認爲打官之法國人田
 二上前將女洋人抓出肩輿順用西瓜刀砍傷其脊背一男洋人
 即趨至女洋人背後將女洋人抱住田二又用刀砍傷女洋人左
 肋段大亦用西瓜刀向砍男洋人右腰眼致傷男洋人鬆手與女
 洋人倒地其片一男洋人所坐肩輿已被眾人擠破走出張順順
 即用順刀將洋人頂心砍傷該洋人用手遮格又被張順順砍傷
 右手背項五亦用長鎗幫扎該洋人左腿倒地該二男一女洋人
 俱因傷殞命田二項五先自回歸段大張順順隨同眾人將各屍
 身連兇犯一併擲棄河內回家經官訪拏先後按名被獲遂與先
 時拏獲兇犯馮癩子等共二十名訊供開摺呈經前督臣曾國藩

奏明正法擬抵嗣蒙飭將田二等四名月辦行由天津道督府疊
 次訊取確供茲遵飭照約會同孔領事妥商定擬復經提犯覆鞫
 據各供晰前情不諱案無遁飾查律載因鬪毆而誤殺傷旁人者
 以鬪殺傷論其故殺人而誤殺旁人者以故殺論又鬪毆殺人者
 不問手足他物金刃並絞監候故殺者斬監候又共毆人因而致
 死下手致命傷重者絞監候又棄屍水中者杖一百流三千里不
 失屍者減一等又二死三流各同爲一減注云謂犯斬絞死罪減
 一等卽坐流三千里犯流三千里者減一等坐徒三年又犯徒流
 而父母老疾無人侍養者止杖一百餘罪收贖存留養親又例載
 流犯照數決杖枷號四十日准存留養親各等語此案該犯田二
 張順順段大項五因鬪法國人打官滋事起往救護途遇俄國三
 人誤認爲打官之洋人各用刀鎗砍扎三人致傷身死均屬不法
 查田二段大各斃一命張順順項五係共毆一人致斃惟項五鎗
 扎左腿一傷並非致命張順順用刀砍傷頂心係致命部位應以
 張順順當其重罪該犯等誤斃三命雖因救護官長情切並非挾
 嫌私鬪第其所殺俱屬洋人應如俄使所請照所犯之輕重分別
 定罪以昭公允而敦睦誼查張順順與段大棄屍不失律應擬徒
 係屬輕罪不議惟其與田二各自用刀疊砍二傷係屬有心欲殺
 情節較重均應按律問擬田二張順順二犯應依因故殺而誤殺
 旁人者以故殺論故殺者斬監候律擬斬監候請照孔領事會同
 該府議定稟明章程應入三次秋審減等發遣如遇
 恩赦卽予減等毋庸計及秋審次數段大項五二犯各用刀鎗砍
 扎均止一傷情節較輕應於因鬪毆而誤殺旁人者以鬪殺論鬪
 殺者絞監候律上減一等擬杖一百流三千里段大照擬發配折

黃安道項五所供母老丁單是否屬實應否留養飭令天津縣傳
 同地族人等訊取供結照例詳辦該田二等被獲到案已及一年
 只因孔領事節次會議前由駐京公使轉申俄國京都往返需時
 以致久羈罔既經會議定案未便拘牽成法本年秋審現已無
 及應候咨請刑部通融彙辦等情詳前來並據天津道丁壽昌
 會同津海關道陳欽據情加勸詳請
 奏咨辦理等情臣覆加察核所議尚屬平允除將全詳供招分咨
 總理衙門刑部查核外所有天津案內誤傷俄國人致死照例月
 擬四犯罪名並先後商辦定擬各緣由可否
 救下刑部附人本年秋審彙辦詳請
 旨即將田二張順二犯照擬免勾遇赦減等之處謹會同兩江
 督臣曾國藩合詞恭摺具
 奏

奏伏乞

皇太后

皇上聖鑒訓示施行謹

奏

古北口練軍出口摺同治十年九月十五日
 奏為飭催古北口練軍分起出口日期請
 旨分飭察哈爾都統檄令臺站防護弁兵互相照應並由庫倫多
 派駝隻迎引以免遲滯恭摺仰祈
 聖鑒事竊臣等奉
 寄諭飭催古北口練軍迅赴庫倫防所均經恭錄行飭欽遵辦理
 又奉同治十年九月初七日
 上諭古北口練軍疊經催令出口現在庫倫待援甚急著嚴飭買
 吉齡統帶過行馳赴庫倫毋任延緩等因欽此復經飛飭趕緊披
 隊去後茲據宣化鎮總兵王可陞轉據都司賈吉齡稟稱該軍右
 營弁兵於九月初三日拔赴張家口當奉察哈爾都統慶春飭令
 管帶官游離蔡瑞山督帶頭起官兵於九月初六日點驗出口其
 餘各哨每起百名開日前進該都司親率中營弁兵准於十二日
 赴口接續進發又據駐防庫倫統帶宣化練軍游擊徐平川八月
 二十二日探稟甘肅鎮番回匪並逃勇蒙古人皆有約共馬賊三
 四千餘由山後烏拉齊向東北分股竄擾圖什業圖汗地面距齊
 爾烏蘇較近各等情前來臣查目前該軍分起出口每起僅百名開日
 沿途安為應付尙慮不敷周轉該軍分起出口每起僅百名開日
 前進人數尙零聲勢不能聯絡若猝遇大股賊匪軍裝恐致衝散
 道途亦易迷失查由察哈爾臺站至庫倫必由賽爾烏蘇經過而
 由賽爾烏蘇所管第九臺塔拉多倫分路赴庫茲賽爾烏蘇附近
 既有賊警尤恐中途阻滯不能剋期到防相應請
 旨飭令察哈爾都統檄飭沿途防護弁兵互相照應俾無疏失並
 懇

救下庫倫辦事大臣多派騰壯駝隻飭委得力員弁帶赴二三十
臺處所沿站迎提導引迅速抵庫庶可厚集兵力保障要道不致
如前調大同官軍中道停阻防勒皆無實濟斯於軍情稍裨所有
古北口練軍分起出口日期理合恭摺由驛覆陳伏乞

皇太后
皇上聖鑒訓示謹
奏

奏稿十八

臣

籌撥烏城皮衣銀兩摺 同治十年九月十五日

奏為遵

旨籌撥烏城防兵製辦皮衣銀兩恭摺仰祈

聖鑒事竊臣欽奉同治十年七月十七日

上諭奎昌等奏豫籌官兵禦冬皮衣請飭直隸山西籌款采辦一

摺旨兵遠道出征寒衣亟宜早備著無論何款迅速籌撥分飭趕

緊采辦皮衣皮褲靴帽各二千一百八十四件於九月內解赴烏

城俾資應用毋稍延緩等因欽此比即恭錄行飭口北道查詢價

值擇節購辦嗣據該道奎斌稟稱口外應用皮衣等物張家口向

有成做鋪戶應即就近采辦惟近年各路軍營采購甚多陳貨既

無積存新貨隨時銷售必須搜羅皮張分飭趕辦所需價值與各

鋪戶核實議定羊皮大襖每件合銀二兩二錢羊皮褲每件合銀

九錢五分狐皮帽每頂合銀六錢牛皮靴每雙合銀七錢五分統

計襖褲靴帽各二千一百八十四件共合銀九千八百二十八兩

外加包氈麻繩荆筐及運送頭臺車價共需銀五百兩擬在部撥

餉銀內先行墊辦以期八月內備齊起運等情臣復飭省城練餉

局司道迅速照數籌還茲據藩司錢鼎銘等詳稱遵在江蘇協餉

項下動撥銀一萬三百二十八兩派委候補知縣陳子杰解赴口

北道交收歸款詳請就款開除免其造冊報銷等情前來臣覆核

無異除分咨查照外理合恭摺覆陳伏乞

皇太后

皇上聖鑒敕部知照謹

奏

大沽海口酌定營制章程摺

同治十年十月十一日

奏為查明大沽協添設海口六營關係緊要酌定營制章程繕單恭摺仰祈

聖鑒事竊查咸豐八年添撥海口將弁案內欽奉

上諭前據瑞麟慶祺奏遵擬添撥海口將弁事宜一摺當交價格

林沁察核具奏茲據查明裁移分駐之處均尚妥協著照所請所

有天津海口應添設前右營游擊一員著即以葛沽營游擊裁移

改駐大沽協左營都司著作為中右營都司大沽協右營都司著

作為後右營都司應添設前左營都司一員著即以鞏華城都司

裁移改駐應添設中左營都司一員著即以三河營都司裁移改

駐其海口營守備著作為後左營守備以資防守至應添千總把

總外委等弁著酌量改撥餘著照所議辦理該部知道欽此嗣經

歷任督臣將應行移撥添設各員弁大致酌辦惟海口失事時案

卷遺失臣在任後查知大沽為通商要地外洋輪船夾板所必經

添設六營額兵原以壯聲威而資保衛一切營制章程均未籌議

定妥無從遵守復督飭天津鎮總兵陳濟清大沽協副將羅榮光

參酌時勢體察情形逐細擬議據該鎮協查擬該營營制及應辦

事宜呈請核辦前來臣覆加酌核咸豐八年海口南北兩岸修築

礮臺奏設新兵三千名分為左右六營九年又裁改為一千八百

名每營三百人內守識九名兵丁二百九十一名即將原設大沽

海口兩營弁兵歸併駐守其六營弁缺內中右營左哨千總係由

三屯營太平寨汛千總移撥後右營右哨外委把總係由天津鎮

標城守營經制外委移撥前左營左哨千總係由河間協標左營

千總移撥中左營左哨千總係由正定鎮標王家坪汛千總移撥

右哨外委把總係由天津城守營經制外委移改後左營左哨千

總係由宣化鎮標趙川堡汛千總移撥右哨外委把總係由祁口

營經制外委移改其裁移改駐原缺外由各標酌量裁除撥抵其

餘除就原設海口兩營千把外委分撥外計添設額外外委十四

員均奉行已久尚為妥協至該協所屬之葛沽營游擊祁口營都

司經先後移撥海口所有葛沽祁口兩營現各設守備一員應即

作為守備專營督帶原設弁兵照舊巡防惟該營移撥將弁有借

用原營關防鈐記辦公者有請刊木質戳記辦公者自應一律換

給新設營分官職字樣以昭信守其游擊都司關防業飭該營造

具印模清冊由臣咨部查照迅速刊鑄頒發其千把以下鈐記防

由藩司分別刊給再將原用關防鈐記繳銷該營防守以礮臺為

根本以牆濠為環衛臣於本年四月間會將擬籌布置情形附片

陳明欽奉四月二十五日

諭旨著妥為經理行之以漸持之以恆應需經費並著該督悉心

籌畫期收得寸得尺之效不可畏難中輟致廢遠謀等因欽此仰

聖鑒事竊查海口防務自六月以後淫雨積潦營牆礮臺

大半傾圮秋後暢晴始能督催將弁兵夫勦操奮鏞次第修築惟

因經費支絀本年春間飭令天津府知府馬繩武等將津郡義館

撥捐認真整頓裁減團義勇積存釐捐銀二萬餘兩交支應局

彙存經臣節次批給大沽協副將羅榮光通永鎮總兵周得勝趕

集料興工趁冰凍未結之先將大沽北塘兩處礮臺牆濠欄潮

壩等項緊要工程核實整理冀稍就緒來春再撥經費酌辦將來天

津釐捐收有成數應先儘海口各防營礮臺經費酌動用併歸

支應局附案報銷庶幾得尺得寸不致畏難中輟至大沽協營應需俸餉津貼暨製備軍械修理巡船等費均係經久章程向由支應局正餉開支進銷應仍循舊辦理謹將酌擬營制章程繕具清單恭呈

御覽統乞

敕部照准以裨要防其餘未盡事宜容再隨時妥籌酌辦所有大沽協添設海口六營酌定營制章程緣由理合恭摺具

奏伏乞

皇太后

皇上聖鑒訓示謹

奏

奏稿十八

奏

謹將添設大沽協海口六營酌定營制俸餉歲修以及缺分衙署章程八條繕具清單恭呈

御覽

計開

一添設前右營游擊一員左哨千總一員右哨把總一員協防左哨外委千總一員協防右哨外委把總一員左哨額外外委二員右哨額外外委二員兵三百名中右營中軍都司一員左哨千總一員右哨把總一員協防左哨千總外委一員協防右哨外委把總一員左哨額外外委二員右哨額外外委二員分防鄧善沽汛額外外委一員兵三百名後右營都司一員左哨千總一員右哨把總一員協防左哨外委千總一員協防右哨外委把總一員左哨額外外委二員右哨額外外委二員兵三百名前左營都司一員左哨千總一員右哨把總一員協防左哨外委千總一員協防右哨外委把總一員左哨額外外委二員右哨額外外委二員兵三百名中左營都司一員左哨千總一員右哨把總一員協防左哨外委千總一員協防右哨外委把總一員左哨額外外委二員右哨額外外委二員兵三百名後左營守備一員左哨千總一員右哨把總一員協防左哨外委千總一員協防右哨外委把總一員左哨額外外委二員右哨額外外委二員兵三百名以上應請換給大沽協前中後六營游擊都司守備關防各一顆暨歸大沽協統轄之葛沽營守備那口營守備關防各一顆

一各營汛地前左營專駐北岸前礮臺即原設北礮臺中左營專駐北岸後礮臺即原設磚礮臺前右營專駐南岸南礮臺後右營專駐南岸老礮臺均專司操防不兼地面中右營有分防大沽地

面後左營有分防海口地面均仍按舊制兼管該弁兵以一半巡防原派地段一半輪駐南岸中礮臺以均勞逸而重操防

一官弁兵丁俸餉等銀奏准在長蘆鹽斤復價洋稅釐金項下官員照銜缺支給兵丁不分馬步守缺每名月給實銀二兩八錢均由天津支應局按月核發彙案造報惟海濱風烈地溼將士無分寒暑操防工作勞苦異常俸餉均應按月全數給領勿稍折扣短缺如遇奉調出征將弁除支俸廉外照銜加給一半鹽糧兵丁每名月加支銀一兩以示體卹

一南北兩岸礮臺原設大小礮九十三尊內有數尊購自西洋同治十年五月又添購外洋二百磅炸彈來福鋼礮二尊六十八磅炸彈開花鐵長礮二尊又六十八磅炸彈開花鐵礮二尊其設礮位九十九尊內三千斤以上大礮六十四尊一千斤以上中礮

奏稿十八

十

十三尊一千斤以下次礮二十二尊查原設礮臺成案奏准分別大小礮位酌給津貼雜費每大礮一尊月支銀八兩每中礮一尊月支銀四兩每次礮一尊月支銀二兩應由天津支應局按月核給嗣後如有添設礮位報明由局分別給領以資整理其礮盤礮架及隨礮器具什物遇有大件缺損隨時籌款修補更換或由局製給

一各營除辦公字識外合計操兵一千七百四十六名以鎗礮馬正技兼練弓箭刀矛其大小礮位按半月一次演放冬令封河以後按期打靶撥局各鎗現均改用洋鎗操習西洋口令陣法按五日打靶一次所需洋火藥礮彈鉛丸均由津局隨時照章給領彙案造銷該營教場應在大沽村西二里餘教場舊基建造可為操練行隊打靶之所應用旗幟金鼓洋鎗藤牌刀矛一切軍械並由

局製備給領

一南北兩岸現存大礮臺五座平礮臺十座礮洞連房三百七十五間軍械火藥庫住房五十三間窩棚四十五架營牆九百九十四丈新築護身夾牆四百二十八丈營門四座木橋四座擱潮壩四百丈護濠一千八十八丈所有牆濠壩地居海灘風潮衝激最易刷消應隨時修築堅固擬常年歲修外定為每十年大修一次每五年小修一次至十年四月間奏明擬於礮臺前面加築護臺高出平地數丈現以工費過鉅尚未興辦即形勢扼要之處礮臺礮營亦須添築均俟籌款逐漸辦理該營向有巡船五號巡查河面遞送公文每年封河後歸塢油船別換板片添置篷布繩索亦定為每六年大修一次每三年小修一次所有現成礮臺礮洞庫房擱潮壩等項歲修大小修經費及將來添築護臺土木各工均

奏稿十八

十

賣成該副將先期擢節勘估再委員復勘飭由天津支應局於釐捐項下給領彙報其礮臺等工程仿照洋式核實酌辦工料須格外精堅本無例案可循又專指釐捐開款應請免造細冊報部覈銷

一大沽協副將統領六營弁兵巡防海口責成甚重凡礮臺布置及炸礮洋鎗操法必須講求有素謀勇兼優方克勝任嗣後該副將缺出應由直隸總督揀選熟習洋操戰守得力之員奏請補授其游擊都司守備員缺均應以熟習鎗礮口令布置合法者請補以上各缺均改為沿海應補要缺只求人地相宜銜缺相當未便拘定各班候補儘先名次或致不得其人鎗礮即成廢物防營幾同虛設千總以下末弁如本營兵丁熟精礮法亦准升拔並請援照道光二十三年海疆添設官兵成案副參游二年俸滿都守以

下三年俸滿其赴部考驗應比照外海水師人員試演礮位毋庸校試弓箭

一游擊以下各官平日以駐守礮臺為重暫勿建設衙署副將統轄全營兼顧前後汛地公務繁多應建衙署為辦公之所查大沽海口後路三十里之新城地方濱臨海河最為扼要雍正年間曾於新城建立水師都統衙署嗣後此缺裁撤城署俱廢茲擬就新城官署舊基建設大沽協副將衙署於署外製造土城即以葛沽營兵駐守與大沽礮臺前後接應聲勢相聯應俟籌有款項即行估建

奏稿十八

圭

凌煥集錄通商成案片 同治十年十月十一日

再臣於上年冬月莅任天津洋務關緊要查有江蘇巡缺題補道凌煥向隨臣辦理通商事件多年現在江甯鹽巡道署任緘商會國藩可否飭令來津而曾國藩亦以南洋濱海設防有會商辦理之事今年三月准咨鈔奏以該署道凌煥學識熟悉洋務會商臣鴻章飭令交卸署篆前赴天津稟商防務及辦理中外交涉事件已經附片具

奏等因在案凌煥旋即航海到津正值日本使臣來津議約臣飭該員在署稽核成案推究新舊約章利弊同與克以蔽事數月來洋務尚為平順瞬息冬令封河交涉之事尤飭該員本係江蘇候補人員自不必隨臣又赴保定惟臣處通商文卷不全南洋衙門冊檔繁多檢錄猝無頭緒論者謂中外通商已久而條約應行事

奏稿十八

圭

例開有隨時變通者迄無成編可考以故探討莫從入手凌煥平昔留心著述又於洋務經辦十年胸有成竹易於操觚茲飭即日駛回金陵稟明會國藩飭將南洋卷檔即以條約為綱按款采集成案臚列章程明年春夏間齊至天津再將北洋辦過各案擇要添入總須芟吏牘之冗繁就官書之體例由臣等嚴定俾南北洋衙門各存一編庶乎遇事得所依據將來或修換新約或議訂通商律例皆可以此編為參考得失之助似屬辦理洋務必不可少之書除咨明總理衙門外所有江蘇道員仍飭回南並擬令集錄通商成案緣由謹附片具陳伏乞

奏 聖鑒謹

覆奏封河回省摺

奏為遵

旨酌量情形妥籌具奏恭摺仰祈

聖鑒事竊臣承准軍機大臣字寄十月十三日奉

上諭天津為通商要地刻下飢民較多尤應妥為彈壓得該督坐

鎮其閒庶幾宵小不致生心而洋人亦可免疑慮本年封河後該

督應否仍駐天津暫緩回省之處著酌量情形妥籌具奏等因欽

此跪聆之餘仰見

聖主塵念災區

指示機宜曷勝感悚臣查本年六七月間雨水過大津郡為九河

下梢洪流橫溢平地深至丈餘其四鄉難民扶老攜幼而來不可

勝數臣督率官紳就城廂內外廟宇民房分投安插並於城頭四

圍搭蓋席棚以資棲止日散餉米以資餬口即令天津道丁壽昌

會同運司恆慶關道陳欽總司其事迨九月後水漸消退村莊涸

出丁壽昌等將就食飢民籌給錢米陸續遣歸分派廉幹員紳赴

鄉查勘極次貧戶口該災民等聞將放賑亦願回家守候其在城

頭席棚寄住之民除遣回及趁工外其餘老弱孤獨悉令移住空

屋添搭棚廠僅留養五六千人分居數處街市極為肅靜又於城

外四關分設粥廠四鄉分設賑局合而計之固多分而贍之

其勢已散且直屬近數十年水旱兵災因循項難未及多籌賑

濟今年水災過重臣仰體

皇上恫瘝在抱之隱截漕勸捐乞糶動款督飭司道嚴諭印委官

紳勤求民瘼核實散放不准吏胥經手弊混小民具有天良感激

聖恩不致聚眾為非即有強暴不逞之徒亦令丁壽昌等督率弁

兵嚴禁懲辦勿稍姑息察看情形民情實甚安貼丁壽昌隨臣帶

隊十餘年廉明正直曉暢事機深洽與情凡津郡鎗礮練軍及

留防親軍各營均能聯絡一氣臣回省時當令該道等向督巡查

彈壓諒無意外之變前於分派冬防摺內聲明天津可保無虞蓋

已審酌再三而出之此飢民情形也臣曾任南洋通商五年在軍

務棘手時洋人口舌愈多日不暇給今任北洋通商一載有餘其

初教案餘波未結微有纏擾夏秋後交涉已簡封河後洋務更稀

海關道陳欽才力足以了之至洋人向多疑懼臣於同治二年由

上海移駐蘇州英酋巴夏禮即來要挾臣置勿理久亦相安此次

各洋人忱於上年五月津郡之案自相猜疑欲臣駐津過冬代為

保護而不思津案莠民亦受重懲各地方官亦均改換遭此水災

而臣等竭力籌賑執法懲奸百姓亦知感知懼何至再與彼族為

難臣昨覆英使臣威安瑪爾略將暫回省城諄屬鎮道妥為彈壓

保護之語告知以解其惑旋准總理衙門函鈔與威使往復信稿

亦以封河後回省係照奏定章程辦理與臣不謀而合現計在津

洋人不足百名各國尙有小兵船在港守凍暗為防備該領事等

又商會關道陳欽派弁設卡巡防智慮已甚周密似無須留臣在

津方可彈壓且中國大臣進止未便因洋人一言遂受牽制開河

後臣不敢不駐津以防不測而衛

君父封河後臣似不可不回省以攬全綱而存政體自去冬兼辦

通商以來外開略知洋務者紛紛議論謂招懷遠人之道遠則生

威近則生玩以南洋大臣長駐金陵為是而以北洋大臣長駐天

津為非不知津郡前事可鑒距京太近必須因時制宜有未可一

概論者此洋務情形也通商不兼地方恐呼應不靈上年總理衙

門原奏已詳言之惟臣蒙

恩調任直督駐津年餘向未駐省一日直屬政務殷繁藩臬兩司時有應商事件函牘往還至速亦須旬餘往往函牘不能盡悉者必兩司前來面陳常虞隔閡貽誤藩司錢鼎銘等疊稟求回即閩省官民無不思一接見臣今冬若再不回殊負眾望況河開保定各屬多被水災途次周視存問亦稍盡司收之心臣前與錢鼎銘約俟回省後該司再往近省各屬一為查察以期屬員知所做誠不獨理財用人均以省城為根本也臣本擬月內查勘永定河隄工程即順道回省茲奉旨飭妥籌因更悉心察酌津郡飢民及洋務情形無可疑慮之處目下封河在即擬仍就近前往永定河工次逐一查勘河道工程妥商辦法屆時津郡四鄉賑務亦經開放如民氣尚靜或再回津

奏稿十八

奏

稍駐或即回省隨時

奏明辦理如封河期內此開或小有謠惑丁壽昌陳欽與總兵陳濟清等尙能合力支持如有緊要事件臣不過數日即可馳回兼顧並籌實於大局無礙除咨總理衙門外謹繕摺由驛覆陳伏乞

皇太后

皇上聖鑒訓示謹

奏

外省捐賑請獎片 同治十年十月十七日

再本年天津等府水災經臣奏蒙恩准截漕撥款議辦賑撫招商運米復商同本省司道府縣借捐廉銀勸諭紳富量力捐輸放儲助設局留養惟直隸地方本極窮苦加以連年歉收民間經此流離粒糧不完禦寒無具困苦萬分臣目擊情形無術補救前經備具雨贖商辦江浙紳商捐辦棉衣解津散放以輔賑務之不逮會經專摺奏報在案嗣准升任閩浙總督江蘇撫臣張之萬函稱該督臣籍隸南皮情殷桑梓首先倡捐棉衣一千件又捐廉銀五千兩飭松滬釐捐局道員劉瑞芬辦解棉衣一萬三千件又據升任湖南臬司涂宗瀛捐辦棉衣四千件兩淮運司方濬頤勸辦棉衣折價銀二萬兩副任蘇松太道沈秉成捐辦棉衣五千件江蘇紳士記名道員潘竹璋勸辦棉衣一萬件前湖北鹽道盛康捐辦棉衣二萬件翰林院編修吳大澂等在京勸辦棉衣褲各七千件湖南紳士候選道魏綸先捐辦棉衣二萬餘件浙江紳士前蘇松太道吳鼎勳福建補用道胡光墉各捐辦棉衣一萬件前江蘇補用道吳雲勳辦棉衣一萬件前記名運司金安清捐辦棉衣四千件並勸辦多件前天津道周家勳捐辦棉衣一千件雇搭輪船派員解送來津飭局驗收確查各處極貧災民均勻搭放臣並酌提棉衣二萬件咨由順天府尹查明賑屬被災飢民妥為散給此外尙有兩江督臣曾國藩籌辦湖南鹽商公捐銀兩上海閩廣湖徽各幫商人經涂宗瀛等竭力勸諭均有成數應俟報解到日另行核明銀數彙案奏辦伏查江浙等省兵燹之後元氣未復財力均非有餘祇以此大直省被水災區甚廣切近畿輔流民充斥上煩

奏稿十八

奏

皇太后

皇上揚慮憂勤是以該官紳等無分畛域力顧大局同殷報效以

仰副

朝廷衣彼羣生德意匪前在南省帶兵剿賊休戚相關一經剴切

商勸遂能不吝推解其襄善舉實為急公好義可敬可感金安清

首倡此議往來勸辦尤為不遺餘力均非尋常捐助賑務可比臣

不敢壘於上

聞除升任督臣張之萬係封疆大員應如何

加恩給獎之議臣未便擅擬其餘隔省官紳自應先行酌擬俾示

觀感所有升任湖南臬司涂宗瀛按察使銜調任江蘇蘇松太道

沈秉成按察使銜前湖北鹽法道盛康三品銜候選道魏綸先可

否均擬請

賞加布政使銜翰林院編修吳大澂兩淮運司方濬頤前蘇松太

道吳煦布政使銜記名道潘曾瑛布政使銜福建補用道胡光墉

均擬請

交部從優議敘前天津道周家勳請

交部議敘已革記名運司金安清已革江蘇補用道吳雲均擬請

加恩開復原銜頂戴以示鼓勵而維薄俗仍俟事竣核明該員等

勤辦捐戶折合銀數彙案照章分別給獎是否有當理合附片具

陳伏乞

聖鑒訓示謹

奏

南運河經費不敷摺 同治十年十月十九日

奏為南運河歲搶修經費不敷購辦工料援案懇請酌加實銀俾

資整頓恭摺仰祈

聖鑒事竊前據天津道丁壽昌詳請將南運河歲搶修銀兩自同

治十年起仿照永定北運二河之例於年前先行給發由臣咨准

工部議覆轉飭遵照並令將前項應領修費應如何變通辦理詳

查例案悉心妥議詳候核辦去後茲據該道詳稱遵查永定北運

南運三河歲搶修工料銀兩向係彙案

題奏赴部請領永定河水勁工險額定工料及加增實銀成數自

難並論就北運南運兩河比較北運河長四百餘里南運河長七

百餘里而原定工料銀兩北多於南北運河歲修銀一萬九千兩

搶修並找領銀一萬七千兩南運河歲修銀一萬五千兩搶修銀

六千兩歲費四年戶部擬通放款章程又將三河工料俱核減一

半在司庫旗租項下按銀票各半支放核計每千兩僅領實銀二

百五十兩辦公費形竭蹶嗣永定河工料於同治三年奏准按減

半給發實銀北運河亦於同治四年九年兩次咨准每千兩給發

實銀四百兩惟南運河歷年工料未奉加增上年咨准部覆自同

治十年起每千兩准發實銀三百兩原為南運河年久失修工大

而經費較少是以准加實銀成數而所增無多斷不敷用近年黃

流北趨每歲漲時由張秋穿運入衛南運河之險甚於北運河而

北運河原定工料及加增實銀成數多於南運河倍徙今年伏秋

大汛南運河水勢異漲拍岸平槽險工林立至霜降後始漸消退

兩岸隄工亟應修補殘缺培厚加高若仍臨汛墊修水患恐致日

甚上關

國賦運道下繫田舍民生殊非淺鮮請查照北運河之例酌加
實銀成數以資興築等情前來臣查直境水災由於河淤隄塌其
所以淤塌之故則由於軍興以來剋減修費近二十年河員遂不
復以治河為事督臣亦不能責以徒手而治河目前似尚小費究
之為害愈鉅為費更多南運河工段較長額定工料本少現發實
銀成數又少於北運河近年黃水北趨併歸漳衛等河匯入南運
來源洶湧尤甚一時消道不及衝決潰漫無歲不有徒以經費過
絀工料不敷年復一年隄身處處坍塌應及時擇要修築若論
辦法須照額補足歲搶修銀兩逐年認實加培庶稍有濟惟目下
帑項仍形艱窘所有南運河歲搶修工料銀兩擬請暫撥照北運
河成案每千兩改發實銀四百兩其歲修之款必於年前先發乘
秋後百穀登場采購物料俟春融農隙次第興工再找領搶修銀

奏稿十八

兩預備大汛防險之料資令該道督率屬汛印委員弁就款籌辦
逐段驗收儻敢偷減草率即詳請撤參設再有漫口工程亦即據
實參賠並請自同治十一年起按年照發其以前報銷未竣之案
飭由該道趕緊補行查報似此變通辦理俾該工料物及早購備
廳汛等亦不得以領款支細藉口玩誤期於整理河務有裨理合
恭摺具陳伏乞

皇上聖鑒敕部核覆施行謹
奏

南運河工請免賠修片 同治十年十月十九日

再上年南皮縣馮家淺葦子廠等處先後漫口工程緊要經臣奏
撥協餉飭天津道丁壽昌督同委員實力堵築共用過工料銀一
萬一千二百六十六兩五錢四分八釐一毫據該道造冊繪圖詳
由臣咨部核銷嗣准工部咨覆仍令按照漫口工程銷六賠四成
案分別追賠伏查南運河工料銀兩自改由司庫按銀票各半核
減支發每千兩僅發實銀二百五十兩不敷太多各段工程即不
得不相率敷衍復因報銷未竣扣留領款致同治三年以後工料
銀兩均尚未發沿河九州縣暨文武十七汛分營草土各工每年
三汛期內雖據照常申報勸修第銀非現發料無預備工係臨急
墊辦豈能稍有實濟即如同治十年現任各官多非同治三年以
前之人而其補領同治三年以前之款亦不能挪現辦工程查

奏稿十八

上年六月內河水陡漲丈餘加以黑夜風雨人力難施馮家淺葦
子廠等處先後漫口至一百二十餘丈該縣兵燹之後連年歉收
居民多未復業工大費繁無從籌措臣萬不得已始奏明動撥協
餉飭該道督同印委購料集夫堵築合龍辦理甚屬嚴實現准部
文行令照例分賠自為慎重款項起見惟上年運河漫口正值天
津民教滋事之時該道甫經接任查辦教案彈壓地方事事均關
緊要不克分身防護迨工竣後臣覆查用過工料銀兩委無浮用
該道到任未久既無修防不力之咎又未領到本屆歲修額款似
未便責令按成賠繳致令向隅且北運工料多而現發南運工料
少而扣留印汛各員弁前任現任均未領銀若令賠繳四成銀至
四千五百餘兩之多必致藉口賠累亦不足以昭公允可否仰懇
天恩俯准將此案應賠四成銀即就協餉項下開除免其賠繳嗣

後仍不得援為成例以示限制出自
逾格恩施伏乞
聖鑒訓示敕部知照謹附片具
奏

奏稿十八

全

李卿毅父子請列祀典片 同治十年十月二十六日
再據直隸儘先知府世襲騎都尉李孟平稟稱該員故父前署湖
北按察使李卿毅於咸豐四年在武昌省城殉難奉
旨照布政使陣亡例從優議卹並准於原籍暨死事地方建立專
祠欽此又該員胞兄前署安徽巡撫布政使李孟羣於咸豐九年
在六安州長城地方以飢軍數千當粵逆十萬之眾血戰旬餘餉
盡援絕手刃悍賊被執不屈罵賊殉難同治元年奉
旨照巡撫陣亡例從優議卹並准入祀伊父李卿毅原籍專祠其
隨同陣亡員弁一併從祀欽此現在原籍固始縣專祠業經營建
工竣稟懇附
奏列入祀典又該員胞伯曾祖前甘肅都司李雲福於乾隆年間
從征金川陣亡奉
旨從祀昭忠祠世襲雲騎尉可否懇
恩一併附祀等情請
奏前來臣查前署湖北按察使李卿毅前署安徽巡撫李孟羣父
子先後死事一門忠節大義凜然李孟羣轉戰數省功績尤著專
祠既經落成應請
旨敕下河南撫臣轉飭該員原籍固始縣地方官照例列入祀典
春秋致祭都司李雲福力戰捐軀可否懇
恩准其一併附祀以彰忠蓋伏乞
聖鑒訓示謹附片具
奏

奏稿十八

全

籌議口外轉運摺 同治十年十一月十二日

奏為伊犁稟糧全數辦運出口各臺站積存糧袋甚多亟須設法整頓並查明烏城征餉未便由口北道辦理恭摺覆陳仰祈聖鑒事竊臣等奉

寄諭飭由口北道先辦伊犁稟糧十萬斤解赴烏城又杜嘎爾請將征兵糧餉責成口北道經理飭斟酌情形辦理等因伏查伊犁稟糧檄令口北道奎斌辦齊粟米十萬斤分作六批起運頭批於九月初九日出口適因三十八九臺聞警潰散暫緩起運經臣於九月二十四日

奏明在案嗣據該道詳稱所辦伊犁後五批之米已於十月初一至初五等日分批解至頭臺接收轉運烏庫各城防軍糧石亦經按月提前起解惟據統帶古北口練軍都司賈吉齡自二十一

臺地報沿途見各臺堆積米袋及軍械等件甚多非千餘駝隻不能運行當詢各臺辦事委員據稱驛站駝隻缺乏此次官兵經過俱係臨時重價雇備駝隻運送如官兵走畢即開銷駝戶而去所堆米袋實難運送兼之發價無費莫可如何等語查各臺歷積米袋尚係七八月之糧冬令已屆尚未全數轉運嗣後若如此阻滯兵丁遠戍枵腹臨事何能用命殊堪懸慮等情前來臣查各軍糧食口北糧臺均係計期預發駐庫宣化一軍每因運糧不到派兵迎提下月尚不能得上月之糧烏防馬隊因前以逐賊奪糧暫資餉口若指臺站轉運恐致貽誤各臺疲苦已久車駝等價又多欠發若不大加幫貼設法整頓實有難以趨運之勢前疊奉諭旨令各將軍都統大臣妥議整頓驛站愚以為察哈爾所屬四十四臺為西北伊犁烏庫各城糧餉轉運所必經關係尤為緊

要額勒和布莅任在即但將此路驛站車駝趕辦添雇勿惜小費分段責成勿任疏懈俾蒙員不以困苦誤則征軍庶無飢潰之慮至杜嘎爾請將征兵糧餉歸口北道辦理臣查該軍糧石業經責成口北道源源籌解方慮驛站不能如期運到其餉項須按節酌發人數之多寡時日之早遲更非數千里外所能臆度是以本年春開福濟請由直晉派員赴霍呢齊設臺支應經臣將辦理窒礙情形詳細覆陳請無庸另行派辦奏蒙

聖鑒在案現在新任烏里雅蘇臺將軍金順即由包頭取道赴烏會奉旨飭該將軍在於隨營糧臺揀調委員帶往烏城設立糧臺自屬畫一便捷之舉杜嘎爾防勦烏城一帶月餉或自行奏撥支放或併歸金順糧臺籌發應由該副都統與金順會商妥辦目前行營

需餉業由署察哈爾都統慶春在部撥伊犁餉內提銀五萬兩交該營委員領解回營計足敷數月之用似無庸另議更張口外糧食最艱該軍米麩勢不能不由口北糧臺購運其行營餉銀實未便再由內地派員迨為經理致滋缺誤理合繕摺由驛據實覆陳伏乞

皇太后
皇上聖鑒訓示謹
奏

胡光墉等捐賑請獎片 同治十年十一月十二日

再本年天津等府災區較廣經臣奏明勸捐集款藉資接濟嗣江
浙官紳捐辦棉衣銀兩業片

奏准分別獎敘在案茲據改指江西補用道胡光墉函稱前因捐
棉衣一萬件蒙

恩交部從優議敘該員益加感奮復添製棉衣五千件並以被水
之後來春青黃不接民間生計維艱稟奉母命倡捐購辦牛種耕

具庫平銀一萬兩呈由天津籌賑局驗收摺放又據長蘆運司恆
慶詳據鹽商楊俊元稟稱自六月開城上搭蓋高棚安置難民日

施蒸饘至九月底止除各商籌貼外共捐給銀五千兩現除陸續
遣歸尚有老弱貧民二千五百餘人移置空房改為每日施粥二

次計自十月初一日起至明春二月底止約需經費銀六千餘兩
又津郡西門外延生館社收集各處災民除年例公捐暨官紳捐

資外計放館百日尚不敷經費銀八千餘兩該商均願自行措辦
各等情前來臣查道員胡光墉籍隸浙江以隔省紳士疊捐鉅款

實屬救災卹鄰慷慨好義長蘆商人楊俊元捐辦館粥經費至二
萬兩之多瞻顧鄉里誼敦任卹均為近時所罕見伏查本年春間

湖北提督郭松林在湖南原籍捐產贖族奏蒙
賞給匾額今該員等捐資助賑為數均鉅可否援案懇懇

天恩准各賞給匾額一方由臣頒發祇領以為好善樂施者勸伏
候

聖裁再准湖廣督臣李瀚章咨據湖北藩司張建基以籍隸直屬
稟捐賑銀二千兩轉解到津聲明不敢仰邀議敘等因臣查該藩

司情殷桑梓捐廉拯助擬仍請

旨交部從優議敘俾昭激勸理合附片具陳伏乞
聖鑒訓示謹
奏

奏稿十八

全

采購閩米濟賑摺 同治十年十一月二十日

奏為懇

恩飭由閩省采購米石解津接濟春賑恭摺仰祈

聖鑒事竊查本年直屬被水成災疊蒙

恩准截留江浙漕米八萬石奉天粟米二萬石又由江浙采買賑

米四萬石又奉

旨添給順屬賑米二萬石暨臣派員赴奉天東豫采購雜糧俾資

散放復奉十月初三日

寄諭來春青黃不接之時民力未免拮据如有應行接濟之處查

明據實覆奏候旨施恩等因欽此跪聆之下仰見

聖主勤求民瘼胞與為懷莫名欽感伏查各屬被災極次貧戶口

業飭妥細勘明酌照米七銀三章程改賑為撫飭由各該州縣並

遵委委員會督紳董核實放給約計本年冬賑已足敷用民間得

此賑項實惠均沾輿情極為綏帖惟夏秋水勢漫溢入冬後高地

雖漸涸退天津河開低窪之處積水尚二三尺現已結冰未能盡

涸二麥已補種不及來春青黃不接窮民生計維艱誠如

聖諭必應預籌接濟其順天府屬應辦春賑業經函商府尹臣飭

由該管道應確查成災較重處所妥議辦法統由臣籌款均勻撥

濟核計前項截留采辦米石所餘無多所收捐項亦慮不敷分散

部庫支絀異常又未能續請添撥項再四焦思查同治七年開

與陝甘督臣左宗棠督兵勦捻會由前閩浙督臣英桂等采購

閩米十萬石解津分濟軍食近年亦屢由福建辦米運京有案該

省內地暨臺灣等處向為產米之區本年收成豐稔價值較平

准兼寄閩浙督臣文煜福建撫臣王凱泰來函以詢悉直屬災區

較廣民食維艱深為系念支州曾任直隸關心舊治必能協力代

籌相應請

旨飭下該督撫臣迅速采購閩米四萬石或由閩廠官置輪船或

酌量添雇商船分批趕運務於來春開河時解赴天津兌收俾資

接濟似米數無多該省籌款不甚為難而畿疆民食可有裨助各

州縣來春分別調劑之處續行具

奏外所有請

旨采辦閩省米石接濟春賑緣由理合恭摺由驛具陳伏乞

皇太后

皇上聖鑒訓示謹

奏

奏稿十八

完

重修 畿輔通志摺 同治十年十二月十七日

奏為設局重修

畿輔通志仰祈

聖鑒事竊查

畿輔通志成於雍正年間迄今百四十年

聖

聖相承典章明備凡水道之遷改輿地之并分以及裁置官員增

減兵制

國家因時損益既事例之繁興士庶仰沐

甄陶亦人文之日盛自應及時纂錄垂示將來又舊志之中體裁

未備如

陵寢應當專紀而附入

奏稿十八

卒

京師河渠須考源流而瑣記枝節藝文不詳書目僅列詩文釋道
本屬異端竟躋人物若斯之內踰駁殊多至於河工漕運兵事海
防皆屬大綱略而不紀闕者應補講者須訂歷年既久文獻難徵
若非詳慎考求無以信今傳後臣自去年履任遇有興除政務檢
尋遠年卷宗輒多霉壞稽之舊志則紀述疏略亦不足以備考查
思欲重修因遇水災未遑暇及今幸仰承
聖訓辦理賑撫漸次就緒與司道等籌議於保定省城設立總局
延請翰林院編修黃彭年總司其事遴派樸學員紳襄同纂校移
檄郡縣頒發采訪條款分門別類加意搜羅凡官書所記案牘尙
存以及故老傳聞私家記述采訪不厭其詳編擇必極其慎務使
巨綱細目秩然有條酌古準今堪資法式庶幾官司從政得所取
裁首善之區益光

聖治以仰副我

皇上體國經野之至意至志局章程需用經費由臣督飭司道隨

時籌辦所有設局重修

畿輔通志緣由理合恭摺具

奏伏乞

皇太后

皇上聖鑒謹

奏

奏稿十八

卒

修治府河摺

同治十年十二月十九日

奏為修治府河興復水利用過工料銀數核實請銷恭摺具奏仰

聖鑒事竊查直隸之水以永定滹沱為最鉅水皆濁流惟發源於保定府屬滿城縣之一畝諸泉匯為府河者為清流志載滿城諸泉曰一畝曰申泉五花紅花連寶匯入清苑縣境經省城南關大橋歷安州任邱至雄縣之清河口遂與大清河合流自前督臣方觀承疏濬一畝諸泉在靈雨寺等處分建石閘使水有蓄洩不致直瀉無餘山是府河來源常年暢旺天津及南北運河米鹽百貨橋集省城商民利賴百有餘年道光年間舊閘漸廢滿城一帶居民填河築壩堵水灌田以致淤泥壅塞泉眼枯閉上游來源不旺下游水淺商艘重載往往於船尾築壩河身益高阻滯益甚臣查

府河為山省通津通衢水利所關豈可任令淤淺當飭在省河道週歷履勘自府河上游一畝泉下至清河口計程一百九十餘里勢若建瓴河身遂段淺阻甚有蓄水僅七八寸者輕船尚可浮送重載斷難暢行悉心籌議非添泉不足以導府河之源非添閘不足以節府河之流遂飭將一畝申泉五花紅花連寶諸泉次第疏濬以通泉脈河道淤淺處所擇要挑深於省城舊設五閘之外上游添建鑿子營齊村輿開石閘三座下游添建蓮花橋新橋馬廟清河口石閘四座俾得節節蓄源源不匱庶幾漚運兼資農商交利需用土方工料約估銀二萬六千餘兩先飭運司在於運庫籌墊銀一萬兩由運商按引攤捐歸墊其餘不敷之款查照前督臣曾國藩

奏明練兵河工更治三項經費准在江南協餉項下動支事竣造

冊報銷行據該司道派委候補直隸州知州朱靖旬候補同知沈燮同等雇夫購料於同治十年二月十九日開工先濬一畝諸泉及經行河道四十餘里分建鑿子營等處三閘至四月開次第興建蓮花橋等處四閘挑挖廣福河清河口各處淺工六七月開大兩連旬河水漲發尙有蓮花橋新橋二閘工尙未畢嗣天氣晴霽接續修辦於八月二十九日一律工竣經清河道陳鼎親詣查勘一畝諸泉遂處疏濬源泉頗旺並勸明上游三閘下游四閘均高寬如式底盤排釘木椿加以石灰和土堅築閘底用石鋪平閘座灌漿句縫鐵錠句緊石後用三和磚土層層砌夯堅實閘板整齊堅厚自省城西關靈雨寺起至清河口止測量水深七八尺丈餘不等商船足以暢行又經臣派委候補道劉樹堂逐一勘驗奏無草率偷減情事至新建各閘已飭留保定府水利同知常森桂營

務處委員羅慶熙招募閘夫專司啟閉並議定新舊十二閘啟閉章程飭令該同知等嚴飭各閘夫按時啟閉不得藉端需索所有濬泉建閘挖淺各工共用土方開座工料銀二萬六千九百七十兩一錢九分一釐六絲據該委員朱靖旬等開具用過工料銀兩細數報經司道覆核係屬實用實銷由清河道造具報銷清冊會同藩臬兩司詳請
奏咨前來 臣覆核無異除冊分送戶工二部外理合恭摺具
奏伏乞
皇太后
皇上聖鑒敕部核銷施行謹
奏
李文忠公奏稿卷十八

李文忠公奏稿

卷之十九目錄

籌運伊犁烏城兵糧摺 同治十一年正月十九日
 軍功補缺壅滯摺 同治十一年正月十九日
 籌修永定河閘壩摺 同治十一年正月十九日
 幼童出洋肄業事宜摺 同治十一年正月十九日
 旗租解部請飭妥議摺 同治十一年正月二十四日
 請續撥張家口糧臺部餉摺 同治十一年二月初二日
 巴里坤兵食改辦粟米摺 同治十一年二月十九日
 傳辦緞綢懇請改派並籌協濟摺 同治十一年二月十九日
 驛站因糧變通造報摺 同治十一年三月初一日
 籌辦工賑並赴津日期片 同治十一年三月初一日
 奏稿十九目錄
 口外兵餉應就近支放摺 同治十一年三月十四日
 日本使員到津片 同治十一年四月初三日
 奉辦緞綢請酌減摺 同治十一年四月初四日
 修濬洛河工程摺 同治十一年四月初八日
 庫防練餉請加撥摺 同治十一年四月十七日
 永屬鹽務情形摺 同治十一年四月十七日
 防營修築南運河隄並捐賑摺 同治十一年五月初八日
 永定河閘壩工竣摺 同治十一年五月初八日
 撥解緞綢價銀摺 同治十一年五月初十日
 籌議製造輪船未可裁撤摺 同治十一年五月十五日
 魁津機局調員片 同治十一年五月十五日
 張家口捐修石壩摺 同治十一年五月二十二日

蘇省軍需卹賞請核銷摺 同治十一年五月二十二日
 辨駁日使改約摺 同治十一年五月二十八日
 張家口糧臺報銷摺 同治十一年六月初八日
 修治府河工程摺 同治十一年六月二十日
 籌解新張餉銀摺 同治十一年六月二十七日
 興工代賑摺 同治十一年六月二十七日
 外省捐賑請獎片 同治十一年六月二十七日
 密籌調員接統銘軍摺 同治十一年八月初二日
 請 陛見摺 同治十一年八月二十日

奏稿十九目錄

籌運伊犁烏城兵糧摺

同治十一年正月十九日

桐城吳汝綸編錄

奏為籌運伊犁烏城調防官兵口糧恭摺仰祈

聖鑒事竊據口北道奎斌稟稱接准察哈爾都統照會同治十年

十一月二十五日奉

上諭杜嘎爾奏調赴伊犁官兵起程日期各摺片內蘇肯所帶吉
林官兵五百名經杜嘎爾飭令十二月初六日起分隊起程吉爾
洪額所帶黑龍江官兵五百名亦令預籌駝隻前進等因欽此遵
查現調之吉林黑龍江官兵應需口糧前由口北糧臺按月運交
總統杜嘎爾行營轉發已運至同治十一年正月月底止今調赴伊
犁等處防剿口糧由何處支給未奉明文查將軍榮全山烏城帶

奏稿十九

赴伊犁官兵裹糧係由歸綏口北分辦運至烏里雅蘇臺將軍衙
門轉送現調吉黑官兵口糧自應仍由糧臺辦運但道路寫遠未
便按月轉運且未接到該軍實在數目亦難按名核算應即寬為
籌辦查該軍每起五百名加管帶員弁以五百二十八人約計每名
日支米八合三勺每月共需米一百二十九石四斗八升稍為寬
備每月每起辦運粟米一百三十石按三箇月運送一次解至烏
里雅蘇臺將軍衙門交收即由該處查明該官兵駐紮處所交臺
站分別運送又查駐紮烏城之吉黑官兵五百名口糧已運至同
治十一年二月底止該起官兵現歸烏里雅蘇臺將軍管轄亦請
每月解米一百三十石解由該將軍衙門查收放給以歸畫一等
情前來除批飭照辦暨分咨查照外理合恭摺具
奏伏乞

皇太后

皇上聖鑒謹

奏

奏稿十九

二

軍功補缺舉滯摺 同治十一年正月十九日

奏為軍功候補人員補缺舉滯懇

恩量予變通以示平允恭摺仰祈

聖鑒事竊查同治七年吏部議覆御史李德源條奏嗣後各省知

縣參革之缺准其扣留以軍功人員請補其丁憂遺缺統歸部選

等因惟是各省丁缺多於參缺況參革一項因公處分及

計典等案仍歸部選僅止專案參革簡缺始准軍功人員請補此

項遺缺無多軍功候補一班幾無序補之期查保歸軍功候補人

員或會經帶隊疊著戰功或在行開當差奮勉才具既備歷艱

苦升階亦非由倖選軍興二十年來由軍功擢至監司封疆者不

可勝數豈州縣以下遂無人才是以定例丁憂參劾部選之缺專

歸軍功候補人員序補原所以示優異而勵勤勞也迨奉新章將

丁憂之缺改為部選其軍功候補初任人員又不准請補煩要之

缺遂致此班舉滯愈甚使人視軍功為無用必將以軍營為畏途

設有緩急何以驅遣志士因思部選之員精明諳練堪膺民社者

固不乏人而開葺生疏才難勝任者亦復不少且候選人員未選

之前向可別圖生計候補人員一經到省即不能一日擅離其從

軍時積歲暴露風霜到省後窮年奔走學習補缺無望未免向隅

臣留心察看軍功班內實有身經險阻洞悉民情者其才儘堪造

就奈限於新章未能及時自效殊為可惜似應設法變通以廣登

進以勸將來據升任藩司錢鼎銘具詳請奏前來合無仰懇

天恩俯准飭部將丁憂參革兩項中簡選缺悉改為一選一留庶

內外選補人員兩無偏枯非惟軍功一途不致棄置而酌量揀補

兼可收得人之效於地方吏治均有裨益是否有當理合恭摺具

陳伏乞

皇太后

皇上聖鑒訓示謹

奏

奏稿十九

四

籌修永定河開壩摺 同治十一年正月十九日

奏為籌款估修永定河上游金門開減水石壩以工代賑恭摺仰祈

聖鑒事竊臣上年十月間由天津回省順道查勘永定河工程會將大略情形附片奏陳在案伏查永定河連年漫口固由盛漲時下口不能暢流亦由河身淤墊過高上游無所分洩臣此次督飭該河道及委員等逐段履勘講求疏濬之法查有前二工金門開減水石壩一座建自乾隆三年南北各築壩壩中段用石料修築龍骨底鋪海墘石板外接出水石簍箕下又有出水灰簍箕其壩臺外護以魚鱗埽段工程極為堅固每遇大汛盛漲賴以分減水勢實為法良意美嗣因河底積漸淤高乾隆三十五年道光三年十一年二十三年逐將龍骨加高至八尺七寸尙可洩水數寸迄

今又將三十年河底愈淤愈高已與龍骨相平若驟放水恐成決口是以同治五年以後築埽堵閉雖連遭漫口之患涓滴不敢宣洩石壩亦遂廢而不治因思欲去河患必須先將上游減水石壩認真修築並將引河逐段挑挖俾水勢稍有分銷庶可漸施補救且本年濱河各屬被災地畝多未涸復二麥補種不及民情困苦正須預籌接濟若乘此時集夫興修俾窮民傭工趁食藉可以工代賑實為一舉兩得臣飭據永定河道李朝儀候補知府周馥等詳加查勘較量現在河身若僅就原有龍骨之上再行增高必致水入倒灌跌成坑塘於海墘金牆皆有所礙議將龍骨中段二十丈升高四尺兩旁十八丈各升高五尺所有舊龍骨之高八尺七寸者全行拆卸其重建之新龍骨放長進身六丈下接舊海墘上作坦坡之形使水勢平緩過開方無跌坑掣溜之虞其舊有海墘

與南北舊金牆均分別填補拘抵北壩臺東面應移建九丈與龍骨緊接壩臺內外應遵舊式鑲做埽段仍於龍骨上添築攔水土埽一道辦法庶較堅穩該處引河係由童村入小清河查勘河形尙有溝槽可就計工長四千一百七十丈均應一律挑挖通深連

御碑亭汛房器具善後各工程核實摺節共估需實銀六萬四千七百四十二兩七錢九分二釐稟經臣札飭升任藩司錢鼎銘在同治十年秋災賑撫項下如數通融籌撥發交該道領回購備應用灰石料物督飭印委廳汛員弁夫役及時興辦勿任稍有草率偷減仍俟事竣彙案造銷再此項工程舊章每興修一次估需銀十數萬兩不等茲飭挪用賑撫銀六萬餘兩籌辦要工即以工代賑所需工料經臣再四籌商剋減係就現時價值核實估計委無

絲毫浮冒與常年請款撥修者不同所有應扣六分部平等銀若照向例核扣必不敷用應請免其照扣以期工歸實濟所有籌撥賑款興修永定河上游金門開減水石壩要工緣由理合恭摺具陳伏乞
皇太后
皇上聖鑒訓示施行謹
奏

幼童出洋肄業事宜摺

同治十一年正月十九日

奏為遵派委員攜帶幼童出洋肄業兼陳應辦事宜恭摺仰祈
聖鑒事竊臣等擬選聰穎子弟前赴泰西各國肄習技藝以培人
才業於十年七月初三日專摺會奏在案旋准總理衙門覆奏不
分滿漢子弟擇其質地端謹文理優長一律送往每年所需薪水
膏火准於江海關洋稅項下指撥等因知照前來伏查挑選幼童
出洋肄業固屬中華創始之舉抑亦古來未有之事所有攜帶幼
童委員聯絡中外事體重大擬之古人出使絕域雖時地不同而
以數萬里之遙需之二十年之久非堅忍耐勞志趣卓越者不足
以應是選查有奏調來江之四品銜刑部候補主事陳蘭彬夙抱
偉志以用世自命抱其容貌則粥粥若無能絕不矜才使氣與之
討論時事皆能洞燭幾微蓋有遠略而具內心者又運同銜江蘇

奏稿十九

七

候補同知容闈前在花旗居處最久而志趣深遠不為習俗所囿
同治二年會派令出洋購買機器該員練習外洋風土人情美國
尤熟遊之地足以聯外交而窺秘鑰以上二員上次摺內業經奏
明均堪勝任相應請

旨飭派陳蘭彬為正委員容闈為副委員常川駐紮美國經理一
切事宜此時不敢遽請獎敘將來辦有成效再由臣等從優酌保
至挑選幼童應在上海先行設局頭批出洋後即挑選次年之第
二批又挑選第三第四年各批與出洋之員呼吸相通查有鹽運
使銜分發候補知府劉翰清淵雅純篤熟悉洋務業經檄令總理
滬局事宜所有駐洋及在滬兩局中外大小事件由陳蘭彬等互
相商辦各專責成茲將臣等前奏所未及者酌擬應辦事宜開列
清單恭呈

御覽仰懇

飭下總理衙門核覆施行所有遵派委員攜帶幼童出洋肄業兼
陳應辦事宜緣由理合恭摺會陳伏乞

皇太后

皇上聖鑒訓示謹

奏

奏稿十九

八

謹將挑選幼童及駐洋應辦事宜分條開列恭呈

御覽

一挑選幼童不分滿漢子弟俱以年十二歲至二十歲為率收錄入局由滬局委員查考中學西學分別教導將來出洋後肄習西學仍兼講中學課以孝經小學五經及國朝律例等書隨資高下循序漸進每遇房虛昂星等日正副二委員傳集各童宣講

聖諭廣訓示以尊君親上之義庶不至囿於異學

一幼童選定後取具年貌籍貫暨親屬甘結收局註冊在滬局肄習以六箇月為率察看可以造就方准資送出洋仍由滬局造冊報明通商大臣轉咨總理衙門查考至洋局課程以四箇月考驗一次年終分別等第報查其成功則以十五年為率中間藝成後

奏稿十九

九

游歷兩年以驗所學然後回至內地聽候總理衙門酌量器使奏明委用此係選定官生不准半途而廢亦不准入籍外洋學成後不准在華洋自謀別業

一出洋委員及駐滬辦事所有內外往來文件應刊給關防洋局之文曰奏派選帶幼童出洋肄業事宜關防滬局之文曰總理幼童出洋肄業滬局事宜關防均經臣刊刻飭發以資信守

一每年八月頒發時憲書由江海關道轉交稅務司遞至洋局恭逢三大節以及朔望等日由駐洋之員率同在事各員以及諸幼童望

闕行禮俾嫻儀節而昭誠敬

一出洋辦事除正副二委員外擬用繙譯一員教習一員查有五品銜監生曾恆忠究心算學兼曉沿海各省土音堪充繙譯事宜

光祿寺典簿附監生葉源濟文筆暢達留心時務堪充出洋教習事宜業由臣檄飭遵照屆時隨同正副委員一併前往

一每年需用經費查照奏定章程於江海關洋稅項下指撥洋局用款下年應用之項於上年六月前由上海道籌撥銀兩照同稅務司匯寄外洋交駐洋之員驗收其滬局用款即交滬局總辦支銷惟原奏係二十年內共用一百二十萬金約計每年須六萬兩而細加推算分年應用之款參差不齊不能適符六萬之數如首數年滬上設局幼童齊往用款較鉅第四年竟至八萬九千六百餘兩末數年幼童已歸用款較減第十九年僅需二萬三千四百餘兩此外各年遞推亦皆多寡懸殊茲由陳蘭彬等核開清單某年應用銀若干交江海關道咨存照按年寄洋仍由該道分析造報以昭核實

奏稿十九

十

旗租解部請飭安議摺

同治十一年正月二十四日

奏為直屬旗租奉飭解部所有司庫應行動撥旗租各要款無項可指請

旨飭部妥議辦理恭摺仰祈

聖鑒事竊准戶部咨奏令將直屬旗租自同治十一年起仍解部庫以備賞項而復舊制奉

旨依議欽此行飭遵照等因當經行司妥議詳辦茲據升任藩司錢鼎銘詳稱直屬各州縣經徵八項旗租每歲僅應徵銀二

十八萬餘兩內除留充駐防兵餉及應解戶部等衙門租銀並災歉緩徵暨民欠外約計每歲僅實收銀十七萬八千九百

千兩不等歷年奉部指撥密雲等十四駐防兵役米折銀一萬八千二百餘兩永定南北運河歲搶修加增運腳備防稽料約共需

銀七萬兩新疆月餉銀三萬兩東三省俸餉銀五萬兩又每年我

東陵

西陵欠項銀二萬五千兩計共需銀十九萬三千二百餘兩皆應

由旗租內撥放不容短缺此外尚有奉文在節年旗租項下動撥

之墊辦京局煤炭等款亦須次第發通年核計實係入不敷支

茲奉文自同治十一年為始批解部庫惟查直省本係缺額之區

連歲水旱災歉蠲緩已多地糧正款無可挹注若旗租一經解部

而應動旗租之款仍飭司籌解斷無款可撥貽誤堪虞惟有據

實陳請將應動旗租之款亦自同治十一年為始概由戶部籌撥

以便遵照將各屬旗租專款存儲俟每年奏銷後按照所徵之數

彙總解部抑或仍將旗租截留司庫庶可無誤要需等情前來臣

查直屬旗租一項從前軍務緊急他款暫置不發專以留備軍需

迫後軍務肅清各項奉部指撥遂又分濟多處如密雲等十四駐

防旗兵米折永定南北運河歲搶修經費東三省新強緊餉及

東西陵歷年欠項皆係代部發放之款並非留抵直省別用也循

釋戶部原奏似只照例催解尚未籌及旗租應放各款從何指撥

且已於上年十二月奏請加撥永定河歲搶修銀案內聲明大概

嗣准部議奏稱旗租指撥多款未便顧此失彼固亦深悉此項不

能遽充

恩賞之用與其批解部庫而各款仍須由部撥放不若暫留司庫

而各款可以就近勻支斯於帑項並無出入而要需亦不致遲誤

相應懇

天恩敕部再行妥議准將直屬旗租暫留司庫備撥各駐防餉米

各河道歲搶修及各省緊餉等要款俟數年後體察情形再議復

舊若必令按年解部應請將直屬應行動撥旗租各款自同治十

一年為始亦全數由部撥放再飭司彙總報解庶免臨時誤除

嚴飭藩司將歷年動用旗租分款造冊詳送查銷外理合恭摺據

實具陳伏乞

皇太后

皇上聖鑒訓示謹

奏

請續撥張家口糧臺部餉捐 同治十一年二月初二日

奏為續懇

飭撥張家口糧臺部餉捐仰祈

聖鑒事竊查前因回匪竄擾烏城等處調撥察哈爾吉林黑龍江

各起馬隊出口防剿並調宣化古北口練軍協防庫倫遵

旨張家口設立糧臺飭委口北道奎斌經理辦理各軍口糧兩

次請撥部餉銀六萬兩察哈爾吉林黑龍江官兵應需米價口袋

等項即在部餉項下開銷宣化古北口練軍米價由直隸練餉局

籌撥其口袋等銀亦在部餉內動用經臣奏蒙

恩准在案計自同治九年十二月開辦之日起截至十一年正月

底止共運過察哈爾吉林黑龍江各營兵米一萬餘石又運署將

軍榮全帶赴伊犁官兵糶糧米十萬斤又運吉黑兩軍加增白麵

九萬三千二百餘斤以上各營並宣化古北口練軍裝米所用牛

毛袋布袋油布袋三萬七千四百餘條又荆筐麻繩及裝運夫工

腳價一切雜支等項共在前領部餉內支過銀五萬七千四百餘

兩現僅存銀二千五百餘兩口下臺站積米漸次疏通各營口糧

必須陸續運發以資接濟所存銀兩不敷支用據該道奎斌稟請

奏撥前來相應請

旨飭下戶部迅速照案撥銀三萬兩仍由順天府尹派員領解赴

張家口糧臺交收以濟要需而裕兵食所有續撥部餉緣由理合

恭摺具陳伏乞

皇太后

皇上聖鑒訓示謹

奏

巴里坤兵食改辦粟米摺 同治十一年二月十九日

奏為籌運巴里坤軍營麵斤並請嗣後改辦粟米以裕兵食恭摺

仰祈

聖鑒事竊臣欽奉同治十年十二月二十二日

上諭景廉奏馳抵巴里坤籌辦軍糧各摺塞外用兵籌糧難於籌

餉現在巴里坤一帶糧石無多將來大軍銜接西進更難倉卒立

辦著飭口北歸綏兩道廣為采辦麵斤隨時運送等因欽此遵即

恭錄飭據口北道奎斌先後稟稱采辦白麵十萬斤分作四批每

批解麵二百袋每袋裝麵一百二十五斤用雙綫袋牛毛袋兩層

套裝於本年二月初五至十六等日全數運送出口赴烏里雅蘇

臺將軍衙門接收轉運白麵每斤價銀二分五釐共銀二千五百

兩雙綫袋牛毛袋各八百條每條價銀三錢八分共銀六百八兩

網運夫價銀四百三十二兩以上統共用過銀三千五百四十四兩

已飭直隸練餉局照數撥給就款開除免再造冊報銷至張家口

距巴里坤等處計程萬里白麵底質潮溼遠道馳送不能曬晾此

時天氣尚寒暫可辦運以後和暖沿途熱蒸必致返潮發變不堪

作食該處如雷續運擬請查照各營之式改辦粟米稟請核

奏等情前來臣查巴里坤距直道遠烏魯木齊更在巴里坤之西

遠道運糧恐費力而不濟用景廉初至彼處自須後路設法采運

若駐紮已定或能就地屯舉招買以資接濟即可省沿途周折糜

費若仍必需張家口糧臺辦運應酌購粟米以免霉變惟該處兵

隊若干約需米糧若干口北歸綏兩處各應辦運若干均應豫為

籌定擬請

旨飭下戶部不齊都統景廉體察情形查明確數隨時分別知照

以便轉飭核辦嗣後所需米價脚費即由口北道在糧臺領到部餉項下核撥動支案造報以歸畫一所有轉運巴里坤軍糧緣由理合恭摺具

奏伏乞

皇太后

皇上聖鑒訓示施行謹

奏

奏稿十九

五

傳辦緞綢製前改派並籌協濟摺 同治十一年二月十九日

奏為奉文傳辦

費用緞綢等件按案請

旨改派江浙織造照式恭辦並酌擬籌撥協濟恭摺仰祈

聖鑒事竊准內務府咨稱附奏長蘆鹽政等處織辦緞綢等項由

各該督撫籌撥織辦一片奉

旨依議欽此鈔奏開單咨行辦理前來事關

費用要需亟應敬謹籌辦惟查直隸地方向不產絲長蘆亦未設

有織局機張樣譜一無籌備又無諳練匠役可雇此次奉派織辦

費用各色緞綢紗縐其計二萬件若委員赴南省采辦既非管轄

之區市肆商賈勢必擾價昂奇件色眾多急切尤難齊備況傳辦

內用綢物均有一定式樣民間常用之物不能合宜查江甯蘇州

浙江等省設有織造專為造辦

內府需用物料該處既有舊頒譜樣又有官募匠役機張器械織

辦較易即就近收買定織亦能合式溯查同治七年內務府奉

旨傳令長蘆鹽政織辦

上用龍衣緞疋等件經前署督臣官文以刀難創辦奏奉

諭旨改派江浙織造照式織辦應需款項仍由長蘆運庫籌撥作

正開銷此次奉文傳辦各件既數倍於上屆期限又復緊迫若由

長蘆勉強創辦斷難應手臣與司道等再四籌商惟有援照成案

願懇

恩准改派江浙蘇州杭州各織造查照單開各件敬謹分投織辦

陸續呈進庶可無誤要需其應需銀兩仍由各該織造核實估計

月議協撥惟此次似辦各項活計較多需費恐不下二十餘

萬

兩

萬

兩

萬

兩

萬兩直隸本係缺額之區庫儲極絀又因上年水災籌辦賑撫修築河隄羅掘一空目前實無款可挪而奉

旨傳辦文內江浙織造各有清單一件誠恐該織造等以本省籌款維艱勢難兼顧計惟於未奉

派辦力稍有餘之省酌請協濟可否請

旨救下湖北江西安徽山東各督撫臣無論何款各迅速撥銀三

萬兩解交該織造代為織辦其不敷之數容臣督飭藩運兩司儘

力湊撥照案作正開銷似此通融籌辦在外省既厭舉易舉而

內庫亦儲備有資除咨內務府知照外所有撥案懇請

改派織辦並籌撥經費各緣由理合恭摺據實覆陳伏乞

皇太后

皇上聖鑒訓示謹

奏稿十九

七

奏

驛站因糧變道造報摺 同治十一年三月初一日

奏為直省舊案驛站雇夫價銀等項及因糧衣等款報銷細冊實

難補遺仍懇一律變通辦理以清積贖恭摺仰祈

聖鑒事竊查直省道光二十九年以後驛站錢糧並三十年以後

囚糧衣等項報銷因歷年軍務頻仍並上年霖雨為災各屬案卷

未全支用細數難以查考以致不克造報前准兵部奏催行令酌

量辦理經臣飭司籌議變通章程將節年未辦銷冊請截至同治

九年止作為舊案飭屬查明歲支總數造具簡明清冊報部核銷

概免造報細冊並免歷年遲延處分奉

旨著照所請兵部知道欽此當經行司遵辦嗣准兵部以驛站項

下馬騾驢頭草料馬夫等役工食買補馬騾價銀馬匹雜支等項

例有額支數目自應免造細冊惟雇民夫價銀應付車輛廩給

口糧等項每年用款多寡不一若均免造細冊部中無憑核辦應

將曾經被擾之處免其造報外其未經被擾各州縣仍令補造各

項細冊報部等因奏奉

諭旨咨行到臣又經轉飭遵照去後茲據署按察使陳輔詳稱遵

查此項報銷現奉兵部議令查明州縣已未被擾分別辦理原為

慎重帑項起見惟驛站雇夫等項每年支用多寡雖有不同然每

夫每車價銀若干每官每役廩給若干例有一定章程各站奉文

支應均係遵照部票勘合辦理不能絲毫增減且經本管道府廳

州逐一查核加具並無浮冒印結由司覆核彙冊詳送核

題似與漫無稽察者迥不相同直省軍興以來雖各州縣不皆被

擾而應核卷宗委因歷年過久散失不全加以上年夏秋霖雨三

月司署科房坍塌業蒙奏明有案閩省州縣科房亦大半倒塌慘

漏案卷霉爛實已無處不然今若分別已未被擾州縣復飭補造
細冊不特彙辦之案繁簡兩歧霉爛之餘挂一漏萬且以二十餘
年之積贖查細數於檔冊散軼之後勢必查清無日舊案未了新
案又增年復一年伊於胡底是徒有清理之名並無清理之實案
贖久懸仍於帑項毫無裨益自應欽遵前奉
諭旨一律免造細冊以期迅速而免積壓等情請

奏前來 臣覆加酌核係屬實在情形合無仰懇
天恩俯准將同治九年以前舊案驛站雇夫應付車輛廩給
口糧等項無論已被擾州縣應與馬驛驢頭草料夫役工食買
補馬驛價銀馬匹雜支及囚糧囚衣等款概免查造細冊仍將歲
支總數彙案確核造具簡明清冊報部核銷其同治十年以後新
案奏銷嚴飭依限分晰造報以符定制除咨兵刑戶三部外所有

直省舊案驛站雇夫價銀及囚糧衣等款報銷細冊實難補造仍
懇一律變通辦理緣由理合恭摺具
奏伏乞

皇太后
皇上聖鑒訓示敕部核准施行謹
奏

奏

籌辦工賑並赴津日期片 同治十一年三月初一日

再上年被水各屬冬賑早已放竣春融凍解以後積水漸涸惟天
津附近各縣窪區尚有二三尺不等積水飭天津道丁壽昌派
委員於海河兩岸多挑引河疏消入海值此青黃不接民生困苦
異常福建購運賑米四萬石已由輪船陸續運津臣前派員分赴
江蘇奉天東豫等處采辦糧石亦可先後進口先期已將各州縣
存賑糧數按照災分輕重戶口多寡均勻酌派次第備船分撥運
交嚴飭印委各員會督紳董核實散放不准稍有弊混津郡聚集
難民最多去冬奏明分設粥廠粥廠及留養局至本年二月百日
限滿飭據籌賑局司道議准再行展放一箇月口糧惟天氣漸暖
聚處易生瘟疫其籍隸各屬者又為籌給銀米捐添錢文分別查
造令其回就存賑藉事耕作目下高地麥苗漸已秀發惟窪區麥

未能種且恐有秋禾失望之處窮民轉徙溝壑為日甚長極堪憫
惻庫款支絀無可挪貸惟有設法勸捐酌量拯助求盡其心力所
能為者而已至直省各河道淤淺專恃堤防以衛農田軍興後剋
減經費失修已二十年加以此次洪水到處衝塌必須及時修築
臣處民窮財盡之地百計籌措永定河雖添撥三十餘萬兩只能
擇要興工尚難大加濬治據報蘆溝橋水口兩壩已進占一百一
十餘丈三月開冀可合龍此外大小清河開段淤衝決南北運
河隄岸塌陷尤多各處支河無不壅阻現分委委員勘估亦擇其
最險要者籌款集捐廣召民夫以工代賑並令各防營勇就近幫
同興築稍為補苴蠲之謀擬於三月初三日由保定馳赴天
津暫駐籌辦一切省署日行事件仍委藩司代拆代行所有籌辦
各屬春賑及河工大概情形並由保赴津日期理合附片具陳

伏乞
聖鑒
謹
奏

奏稿十九

三

口外兵餉應就近支放摺 同治十一年三月十四日

奏為口外征兵餉項應仍由各城就近支放未便由內地經理恭摺會

奏仰祈

聖鑒事竊臣等欽奉同治十年十二月二十七日

上諭奎昌等奏仍請飭派口北道總辦各軍糧餉一摺口外各軍餉銀前疊據李鴻章奏未便由內地道為經理惟奎昌等所奏亦係為慎重餉需起見應如何辦理之處著李鴻章額勒和布悉心會商妥議具奏等因欽此遵即恭錄往返咨商並飭據口北道奎斌迅將如何變通辦理詳細議覆前來臣等逐加會核伏查口外西北各城距口數千里或萬餘里前後氣脈本難聯貫行營餉項按月酌發尤非內地所能懸揣惟前因烏城等處不產糧食議在張家口設立後路糧臺專辦各軍米糧其營中月餉奏明歸各城就近支放旋由前將軍福濟議立糧臺調派司員經理戶部以部員未能通曉蒙文議令金順在甘肅糧臺酌帶委員赴烏辦理奏

諭旨飭遵嗣杜嘎爾以所部軍餉請責成口北道經理復經臣鴻章查明窒礙情形據實覆陳奉

旨毋庸更張或併歸金順糧臺籌發或仍由杜嘎爾自行奏撥支放令其妥商辦理等因是征兵米糧應由糧臺辦理各軍餉銀應由各城支放疊經

奏准在案今奎昌等仍欲將餉銀併歸口北道經理自為省事起見惟是遠道馳送臺站或有疏虞文報阻遲冊籍無從稽覈收扣帳目稍有轉轉非所以慎重帑項師行緩急不能接濟亦必至貽

誤軍情向來帶兵大員餉項雖由後路轉解而必須由行營支放者非此則於行軍實多不便若不計路之遠近不問事之可否勉强遷就徒欲省事而適以誤事等所不敢出此也現在口外各路兵勢已分斷難強令由一處放餉尤不能強令由數千里外之糧臺放餉竊謂吉林馬隊五百名調赴伊犁黑龍江馬隊五百名調赴哈密應歸榮全景廉隨營放餉杜嘎爾所部察哈爾吉黑馬隊僅存一千七百餘名業經自行奏請餉銀支放應仍循舊辦理其駐紮烏城之吉黑馬隊五百名自應由烏城就近放餉以歸一律糧非土產故須口內解交餉可輕齎則須行營酌放此係一定之理無可推諉等體察情形只能責令口北道辦糧未便再責令該道放餉致有貽誤所有遊

旨會議緣山謹據實合詞由驛覆

奏稿十九

奏伏乞

皇太后

皇上聖鑒訓示謹

奏

日本使員到津片 同治十一年四月初三日

再上年日本使臣伊達宗城等來津議約經臣遵

旨督同江蘇臬司應寶時津海關道陳欽與該使臣多方辯論議

立修好條規通商章程各一本訂明俟一年之後另行派員來華

換約由臣先後

奏報在案茲據江海關道沈秉成津海關道陳欽節次稟報該國

現派上年來津議約之外務大丞柳原前光外務少記鄭永留等

隨帶僕從四人於三月十六日抵滬是月二十九日到津並據探

稱該國因派大臣往西洋各國改正外交條例上年與中國所定

條規恐與新擬條例不合內有三三條須商酌改以便屆時派

員互換等語臣審其來意殊為狡變暫未與該使員接見飭令原

派幫同議約之津海關道陳欽並添派在津差委之江蘇記名海

關道孫士達與該使員往復辯駁候稍有端倪臣再與面晤相機

開導總當堅守前議不稍鬆勁除將現辦情形隨時咨函商請總

理衙門核示辦理並俟妥議定奪詳晰陳奏外所有日本使員到

津日期理合附片由驛具陳伏乞

聖鑒謹

奏

奏稿十九

臣

奉辦緞綢請酌減摺 同治十一年四月初四日

奏為奉辦

實用緞綢等件需款過鉅實難全數籌解擬請酌量減辦以供要需恭摺具陳仰祈

聖鑒事 同治十一年四月初二日欽奉初一日

寄諭德壽奏長蘆改派綢緞懇寬限辦理一摺長蘆奉派活計前改派各織造分辦限於五月內呈交茲據德壽奏稱現在機匠難以選募且直隸撥款未到勢難依限辦解所有長蘆改派綢緞著寬限兩月一律辦齊解京不得再遲其直隸撥款著李鴻章趕緊於四月初旬解往俾資撥辦弗稍耽延等因欽此遵查前蒙恩准改派織辦並准協撥銀兩當經臣遵旨按照原單各就土宜物產最多之處酌量分派月開清單飛咨

奏稿十九

五

江甯蘇州杭州各織造辦理仍請其逐細摺節估計實需工料銀若干兩先行咨覆以便籌撥並咨內務府衙門查照一面分咨湖北等省各督撫迅將奉撥銀兩如數籌解旋准各省咨會安徽銀三萬兩就近全解江甯織造備用湖北銀三萬兩解存江甯藩庫候撥山東銀三萬兩已分解江浙三處惟江西省尚未准咨明撥解其工料銀數現准江甯蘇州織造來咨江甯需銀十五萬九千四百三十八兩三錢蘇州需銀十九萬四千二十四兩杭州雖未估到而分派疋件與蘇州不相上下大約亦須十九萬餘兩三處併計約共需銀五十四萬兩有奇臣前摺內聲明約計奉派緞綢紗縐其二萬件需費不下二十餘萬兩請撥湖北等四省十二萬兩不敷之數由直省儘力湊撥月餘以來籌措尚無頭緒實緣直省著名疋常年額支款項必須請撥加以上年水災甚重疊

經臣奏奉

恩旨撥給銀米因不敷散放復由本省南省官紳合力捐助藉資接濟迄今各屬積欠未盡清退災民覓食維艱尙應賑撫運庫課款亦因被災商力不支奏准展緩司庫上忙地丁除去緩徵所入不敷所出關稅未暢旺又有專款開銷驟難兼顧他款今據江甯蘇州咨兩單內所載大卷係屬兩件一連統按大小卷件數計之約有三萬件之多又

內廷活計尺寸式樣迥非民間常用可比照例核計工價統需銀五十餘萬兩自係實情前項工料除協撥之外約尚需銀四十二萬餘兩直隸災府之區斷難籌足他省庫款亦未充裕未便一再協濟臣伏思此項實用緞綢等件

奏稿十九

五

典禮攸關直省應撥不敷工料如果力可通融萬不敢稍事推諉乃核計所需實屬難以如數若不統籌全局據實陳明必致臨時貽誤且聞南省市僧因各織造均有本省奉派活計需用工料甚急遂聚行把持居奇擡價以致織辦甚形棘手據此情形再加長蘆改派之項即使銀兩湊手亦必糜費踰期況直省款尙懸虛辦理益形竭蹶再四籌商惟有願懇天恩將原派長蘆各件可否先行照單減辦一半約已有一萬數千件暫供要需計直省尙應撥銀十五萬兩左右無論如何為難臣必督飭司道設法竭力挪湊儘四月內分解各織造趕緊織辦當不誤七月一律呈進之期所撥銀兩仍遵旨作正開銷隨時咨明戶部並分咨查照外所有奉辦緞綸等件需款過鉅實難全數籌解擬請先行照單減辦緣由理合恭摺

陳伏乞
皇太后
皇上聖鑒訓示謹
奏

奏稿十九

三

修濟洛河工程摺 同治十一年四月初八日
奏為籌修廣平順德境內洛河工竣酌獎在事出力員紳恭摺仰
祈

聖鑒事竊查直隸廣平順德二屬舊有洛河一道自山西武安縣
入臨洛關經永年雞澤南和任縣至趙州之甯晉泊東入於海沿
河建有閘座從前兩岸村莊藉水灌地獲利甚溥又有牛尾河一
道專洩永年西南各村積水亦歷雞澤平鄉任縣至甯晉泊乾隆
二十四年洛河決口南趨併入牛尾河身窄小宣洩不及致下
游雞澤等縣咸被水患而洛河頻年淤墊逐漸增高牛尾河地勢
愈低積流成渠屢次議修迄無成效同治十年據南和縣紳民稟
經該管順德府知府任道鏞詳由臣檄飭廣平府知府長啟一體
勘辦委員分往會同各縣傳集紳士詳詢籌商議就各該縣沿河

奏稿十九

美

村莊按畝出費派夫通力合作嗣據署永年縣知縣錢敏等先後
稟報於上年五月興工至本年三月初次告竣經臣檄委候補直
隸州知州吳榮馳往會同順德府知府薛斯來廣平府知府長啟
逐段驗收所修隄壩用三合土夯碾穩固工料堅實河身亦一律
挑挖深通復歸故道稟覆前來臣查洛河水道係畿南兩府一州
利害所關自乾隆年間決口南趨淤墊日久水勢就涸沿河村莊
既失灌溉之利下游各縣歷受漫淹之害經臣督屬籌議修濬百
年淤廢一朝興復於農田民生大有裨益而永年所屬洛河四十
二里有奇計工長七千六百四丈並堵築牛尾河頭大壩一道土
埝一道迎水壩一道又修築隄工七百六十八丈工程尤鉅在事
官紳集捐興工晝夜督率時逾半年之久未費絲毫帑項卒能堵
築決口使數百里內積患頓除閭閻共霑利益實為異常奮勉未

便沒其微勞除其次出力員紳由臣查明核給獎敘並經各該地方官酌給花紅匾額以示鼓勵外所有尤為出力各員紳謹酌量擬獎繕具清單恭呈

御覽伏懇

天恩分別照准俾昭激勸理合恭摺具陳伏乞

皇太后

皇上聖鑒訓示謹

奏

奏稿十九

充

庫防練餉請加撥摺 同治十一年四月十七日

奏為遵撥調防庫餉並練餉不敷仍請照案由部加撥恭摺仰祈

聖鑒事同治十一年三月十八日欽奉十七日

奇諭張廷岳阿爾塔什達奏請將戍守庫倫宣古兩軍仍由直隸協餉項下撥解一摺據稱直隸練軍餉項向由長蘆等處籌撥現在庫倫戍守之宣化古北口官兵統計二千餘名月需餉銀一萬餘兩此外支放蒙古官兵等項為數尚多宣古官兵月餉現既在庫倫支領則原餉自在兩鎮存儲請將該兩軍月餉仍由直隸練軍餉內撥解等語庫倫防守緊要餉需短絀自係實情所有宣古兩軍餉項即著李鴻章自奉旨之日起由直隸練軍原餉內按月照數委解張家口轉解庫倫如一時接濟不及仍著張廷岳等由

奏稿十九

三

庫墊放俟解到時再行歸款等因欽此遵即飭局籌撥去後茲據練餉局司道具詳直隸練軍餉需原定每月由部庫撥銀四萬兩江海關撥銀三萬兩長蘆撥銀一萬一千兩經前督臣曾國藩奏明將來如有短絀再行奏請飭撥自上年宣化古北口兩軍赴庫以後因西北空虛邊防喫緊即於宣化添練馬隊一營又因大名為畿南咽喉重地界連豫東時有匪徒出沒原有軍隊不足分防遂添練步隊兩營其舊練各軍亦均改從新章需餉較多先後咨部有案練軍既有添設餉需亦應加增前因該兩軍月餉由庫支領直省藉資挹注不即請加至各軍餉銀向係由局於撥到協餉內彙核支發並非各歸各鎮統計每月所入本非寬裕兩鎮更無存儲原餉今該兩軍月餉仍歸直省撥解進款僅止此數出款較增於前斷難敷用但庫倫防守緊要不得不先其所急竭力籌湊

直餉不足月再議請添撥以符原奏該兩軍三月分餉銀諒已由庫支放應請以四月初一日起由局照數撥解免其截口扣算並請按兩月併解一次現將四五兩箇月餉銀設法籌足即委員解交張家口糧臺轉運赴庫等情請

奏前來臣查宣古兩軍月餉由直省練軍原餉內按月照數委解該司道等議以四月初一日起及按兩箇月併解一次係為簡捷起見不致稍有短缺惟距庫過遠塞外驛站非內地驛路可比恐致阻滯未能迅速解到應由庫倫大臣等隨時體察如有接濟不及遵

旨由庫墊放俟直餉解到即行歸款免誤軍食至廣東等十省協直同本軍餉改解部庫月共銀五萬五千兩自七年十月初督臣曾文瀾議酌留兵勇每月僅由部撥四萬兩嗣會國藩接任釐定

奏稿十九 新章將各標兵酌加抽練曾經奏明練軍增至六千或八千每月仍請由部加撥二萬兩經戶部議准在案臣茲任兩年將練兵防兵疊加整飭因宣古練軍遠調腹地空虛又飭大名宣化通永各鎮添練馬步一千五百名現計共增至六千餘名已符會國藩奏准加撥原案初以庫倫戍兵無須勻撥月餉尙可周轉茲既遵旨仍由練餉撥解庫防嗣後發款必形短絀應請

旨敕下戶部自本年六月分起由各省解到固本項下暫行按月加撥一萬兩以符原奏而資分撥除將庫防四五兩箇月餉銀即日湊解並分咨查照外所有遵撥庫練軍餉並練餉不敷請照案加撥緣由理合恭摺具

奏伏乞 皇太后

皇上聖鑒訓示謹奏

奏稿十九

三

承屬鹽務情形摺

奏為

旨查明承屬鹽務情形恭摺陳仰祈

聖鑒事竊臣欽奉同治十年八月二十一日

上諭御史蘇昌奏稱承平府屬鹽務自改歸官運後分司王鍾霖辦理未善復歸濼州經理該州鹽吏門丁有私自運銷情弊濟民場大使蔣嘉泉畏罪稟訴雖經運司嚴飭認真掣配該分司並未照辦且所得餘利悉以肥己亟須更改章程派廉員前往試辦各等語承平鹽務歸地方官經理有無流弊是否必須派員承辦方臻妥善著李鴻章查明實在情形酌量辦理分司王鍾霖等如實有侵蝕鹽課情事即著從嚴參辦以儆官邪原摺著鈔給閱看等因欽此遵即飭派候補道徐繼鏞前赴承平督同該府體察實

奏稿十九

五

在情形據實議辦並飭長蘆運司悉心會議稟覆核辦去後茲據會詳稱該道徐繼鏞馳往承平督同該府桐澤調取承平分司同治六年發鹽單簿濟民場收鹽紅簿及該場大使蔣嘉泉七年冬開在分司處稟訴卷據並將該御史原奏各節逐細訪查會同籌議詳請覆

奏前來臣逐加確核查原奏內稱承平分司王鍾霖承辦鹽務侵蝕肥己前濼州鹽吏門丁私自運銷一節據王鍾霖稟稱該員於同治六年春奉委試辦承屬鹽務甫將設立巡汛置造廠店雇募鹽勇扒毀私灘等事辦有就緒未及運銷售賣旋奉前山海關副都統長善以鹽禁太嚴有拂民情奏請停止即行稟退彼時鹽未運賣暗累不堪安能另有餘利侵食自肥濼州歷年配運鹽數均有場中紅簿可查並據現任知州游智開稟稱該州與遷安盧龍配

運場鹽向係遵照定章預訂場員請發分司官秤公同盤收委非

鹽吏門丁等所能私運臣查承平鹽務自改歸官運後該分司認辦未久尚未運鹽即經稟退無從獲利肥己濼州鹽吏門丁查無私行運售之事該州游智開甫經抵任無所用其迴護所稟自屬可信其濟民場大使稟訴分司一節詢據該大使蔣嘉泉稱承平濼州巡安盧龍額定引目九千八百七十道應歸該場配運向由地方官定期移知該場公同盤散生鹽入廠後始聽分配銷售盤鹽官秤照例由分司飭發同治七年前任濼州知州鄧錫恩向分司處請發官秤逕自赴場盤散未經預期移訂該大使因鄧錫恩近近欺陵是以赴分司前而訴當經王鍾霖諭飭照章公盤寢事委非畏累申訴亦未具稟有案又濼州於同治四七三三僅止四年裁領二三兩年額引四千三百六十四道又於八九十三

奏稿十九

五

年內請領過七八九三年引目其四五兩年因馬賊滋事額引實未領運此外各縣亦因銷滯多有延欠均經運司將歷年已未完引目確數詳明咨部有案串查呈驗單簿紅簿均屬相符至該御史所議遴委賢員自籌運本前往試辦一節查承平引岸廢弛多年毗連關外海濱梟匪往來向聚貧民以販私為生活紳富食私亦不以為怪該府為通綱最要門戶廢置固妨大局屬禁則又拂輿情操之過蹙尤有得不償失之虞前此改歸官運未覩成效是以仍由各州縣自行運銷以期逐漸整頓若另行派員承辦無論自籌運本力有不支又恐官不諳商徒滋紛擾於鹽務仍無補救現據該司道等考證已往之利弊揆核現時之情形惟有招募殷商前往認充不惜巨費不求速效必須慎選得人由通綱結保舉充再行遞派大員統率緝私因時制宜督同辦理庶克有濟惟

直隸災歉之餘商力極形疲憊仍招商認允欲辦者艱於措資
殷實者率恐賠累一時實難其選應請仍歸各州縣暫行經理責
成該地方官廣設巡汛緝私販疏銷官引為得尺得寸之計總
使前陸腹地引岸不致受私鹽侵灌之害仍俟由司招募得人即
行接替認辦至勅分司王鍾霖查無侵蝕已濼州鹽吏門丁
亦無私行運售情事均請毋庸置議所有遵
旨查明永備鹽務情形理合據實恭摺陳伏乞
皇太后
皇上聖鑒訓示謹

奏

奏稿十九

五

Blank columns for the main text of the document.

防營修築南運河隄並捐賑捐 同治十一年五月初八日

奏為調派防營修築南運河隄工竣並籌辦青縣靜海捐賑粥廠
查明尤為出力人員酌擬獎敘恭摺仰祈
聖鑒事竊查直隸南運河兩岸河隄數百里關係糧鹽運道保衛
各屬田廬每年額定歲修銀一萬五千兩搶修銀六千兩至咸豐
四年奉部核減一半按銀票各半折發每千兩僅領實銀二百五
十兩又因報銷遲延逾年扣留未發印汛員弁無款預備物料臨
時搶險竭力墊辦亦屬無幾隄身衝毀殘缺卑薄口甚每遇大汛
盛漲動輒潰決淹沒民田上年雨水過多河流泛溢滄靜等處地
居下游隄防虛設一片汪洋被災尤重亟須設法修築以資捍衛
向來河工照例歲修之外遇有大修工程月請巨帑委員估辦茲
值帑項支絀無可籌措又未便任其廢弛臣所部淮軍轉戰十餘

年平日操練之暇每將士講求築壘挖濠之法藉習勞苦於興
築隄壩事宜結實可靠因飭駐防青縣馬廠之統領盛仁等軍前
甘肅涼州鎮總兵記名提督周盛波督飭所部弁勇就近承修滄
州青縣靜海一帶河隄二百餘里經該提督親往逐段履勘各處
險工草壩木椿已衝失無存龍鳳口南塔寺等處歲歲搶修隄身
愈壞其餘項衝塌灣之處侵刷年久僅存一縷縷隄難支巨浪即
近年新修各隄均因取土太近跌塌過深岌岌莫保查河工築隄
向準河形勢不灘之處舊有月隄以備放淤高阜之區舊有石
隄以為外衛今則到處坍塌隄內附近村民希圖便捷又私挖缺
口往來農車此次土工一興無論平險處所必須一律培補為十
年不拔之基該提督勦度略定即派中軍五營由靜海東岸出官
屯修至泊州左軍統帶提督賈起勝三營接修至靜海城邊前軍

奏稿十九

美

Blank columns for the main text of the document.

統帶提督周壽昌由靜海西岸修至唐官屯對岸仁軍統帶提督
唐仁廉接修至流河鎮南盛正營緊接仁軍修抵青縣之蔡莊右
軍統帶提督衛汝貴四營由蔡莊修至滄州其計木工二千七
丈有奇土工四千八百丈有奇各該營督飭弁勇加勁趕做極險
處所木椿每用二三層釘入土中五六尺葦柴逐層圍裹復恐土
壓木斜日久搖動於直椿外再以長木鎚入土埂八九尺伸出椿
外鑿通圓眼用橫木穿過兩面釘緊鉤縮攔截俾椿力足禦衝溢
此皆河工下椿未有之例該營官等創為此法期於經久土工則
層土層礮百錘不動然後添土又新土壓入老埂三步俾其結實
黏連挑土均在十丈以外不准絲毫傷動隄根舊隄殘缺單薄處
所一例加寬自四五丈至十一二丈不等隄埂高出平陸均在七
尺以上中簞外斜使雨水不至漫漬巨隄彌望絲互如脊復慮河

奏稿十九

岸淤沙遇水衝卸凡貼水當衝之處擇取板泥加工緊築分插葦
稽柳枝以為外衛或取草根植日吸河水灌之使活俾宿草蟠
結水不內侵一切做法凡可以堅實耐久者不惜十倍工力破除
成格一氣呵成計自三月初九日興工至四月二十三日竣事僅
四十五日其用長短木椿一萬九千六百四十八根秫秸四十九
萬八千一百斤蘆葦三千五百三束以及製辦鐵錫斧柳筐担各
項弁勇鋪草柴薪匠役工食一切腳價其用錢合銀一萬三千三
百一兩二錢一分六釐實屬異常節省業由臣轉飭天津道丁壽
昌於淮商捐賑項下照數撥發統計該軍修築運河兩岸隄工二
百餘里承積年廢壞之後大加整理力求堅實耐久除籌給料價
銀兩外餘皆兵夫胥胥力作約合土方四十餘萬若按方估計動
用民夫糜款不下七八萬金亦已節省不少詢諸河工父老僉謂

數十百年未有之工臣派員逐細勘驗委係工料加倍堅實足禦
盛漲又滄州靜海青縣等處上年水災最重居民流離失所雖經
臣籌撥銀米分派印委照章賑撫無如災區過廣博濟為難該提
督周盛波駐防青境營規整肅兵民極為和協各營弁勇不忍坐
視飢民困苦而不為拯救該將領員弁於餉需竭蹶之時作解衣
推食之舉共捐銀一萬一千四百餘兩周盛波並倡捐歷年節省
薪費銀四千兩購買大米雜糧七千九百五十六石有奇擇運河
東西岸極苦之新張屯南辛房等六十餘村莊大小二萬五千三
百三十四口按戶均攤人給一斗自十二月二十日開局散發至
二十四日放竣飢黎得以度歲入春以後復於青縣城及馬廠鎮
靜海之唐官屯分設粥廠三處專賑極貧戶自二月十五日開
廠至三月十五日截止每日給米三合所收男婦大小三萬

奏稿十九

五千七百五十餘口日需米一百八十石有奇撤廠之日仍按大口
一斗小口五升給領遺歸又用小米雜糧五千四百二十二石
棚鍋帶柴薪雜費銀八百三十餘兩均由該提督等捐辦並據聲
稱該統帶營官等踴躍樂輸不敢仰邀
獎敘惟承辦各營員查戶散糧設廠賑粥先後五閱月不分風雨
晝夜悉心籌畫實惠及民又修築河隄二百餘里事事認真嚴實
不辭勞瘁以操防軍士兼為地方救災捍患大有與民相親之意
與情愛戴甚屬可嘉似不可不略予鼓勵所有尤為出力員弁謹
遴擇七人酌擬獎敘繕具清單恭呈
御覽仰懇
天恩俯念此次該營修河隄捐辦賑務著有實在勞績均非尋
常中本分應辦之事准照所請分別給獎以勸將來出自逾格

慈施所有軍營籌修滄靜南運河隄工竣暨捐辦青靜賑務各緣由理合恭摺具陳伏乞

皇太后

皇上聖鑒訓示謹

奏

奏稿十九

奏

永定河開壩工竣摺

同治十一年五月初八日

奏為籌修永定河金門開壩工竣恭摺仰祈

聖鑒事竊查永定河南二工金門開壩舊有減水石壩一座每遇大汛盛漲隨時宣洩賴以分減水勢歲久失修竟成淤廢遂年年有漫決之虞去冬親往履勘飭委永定河道李朝儀留直補用道周馥逐細勘修並將董村引河一律挑挖深通其估需銀六萬四千七百餘兩飭於秋災賑撫項下籌撥購料集夫及時興辦以工代賑本年正月十九日奏蒙

聖鑒在案嗣據該道等先後稟報現辦工程分數復委道員魏承樾馳往會督趕辦茲據稟稱此項工程以灰石為大宗須赴房山縣出產地方采購上年永定南溢運道水阻又值天寒日短鑿石無多深慮物料難齊大汛前不能竣事再四設法先將所需石灰

奏稿十九

單

二百餘萬斤趕雇車駝繞道運送多添夫匠在山設廠將應用石料鑿齊一面飭匠拆卸舊龍骨海墘堅築底盤灰土等工附近民夫傭工就食每日約五千餘人迫水口大工合龍後道路乾涸會督在事各員分雇車輛將山內廠石晝夜趨運開上亦添匠趕緊修築石料均取堅厚整齊多做寬厚鐵釘灰漿攪用米汁椿掃各工概求穩密截至四月三十日止所估龍骨升高放坦尺寸及修補金牆海墘鑲做埽段挑挖引河等工均一律照估如式完竣該道魏承樾查照原估尺寸逐一量驗據稱委係工堅料實並無草率偷減盛漲足資分洩於宣防甚有裨益各委員督工精勤辦理尚為妥速除飭將用過銀數片行核實造冊報銷外所有籌修金門開減水石壩工竣緣由理合恭摺具陳伏乞

皇太后

皇上聖鑒謹奏

撥解緞綢價銀摺 同治十一年五月初十日

奏為各織造分辦長蘆奉派緞綢應需價銀遵旨撥解作正開銷恭摺仰祈

聖鑒事 同治十一年四月初七日欽奉初六日

寄諭李鴻章奏奉辦緞綢等件需款過鉅請酌量減辦一摺據稱長蘆奉派活計前經咨照各織造分辦統計江甯蘇州杭州三處共需銀五十餘萬兩除湖北等省協撥外尚需銀四十二萬餘兩直隸災瘠之區實難如數籌撥請將原派長蘆各件先行照單減辦一半等語自係實在情形著照所請所有長蘆應辦緞綢等件准其照單減辦一半即著李鴻章將應撥款項迅速分解各織造以便趕辦務於七月內一律辦齊解京勿稍延緩等因欽此遵查江甯織造來咨估需全價銀十五萬九千四百三十八兩三錢按

奏稿十九

單

奏稿十九

單

減半截零應撥給銀七萬九千七百兩蘇州織造來咨估需全價銀十九萬四千三十四兩按減半截零應撥給銀九萬七千兩其時杭州織造尚未估到應先撥給半價銀八萬兩三共應撥銀二十五萬六千七百兩內除山東江西安徽湖北四省協撥銀十二萬兩已經各督撫先後奏咨或分解或全解應由各該織造查收備用外實計直省應添撥銀十三萬六千七百兩查此項價銀前經臣奏奉

諭旨作正開銷自應統計司道各庫情形酌量分派以期力可籌湊不致竭蹶誤期當經商飭運司籌銀五萬兩藩司籌銀二萬兩津海關道籌銀三萬六千七百兩練餉局撥銀三萬兩無論如何為難必須儘力籌足旋據署運司恩福以此時正課尚未啟徵庫款竭蹶因設法挪借銀五萬兩將來徵起正課即於應解京餉項

下照數截抵歸款據藩司孫觀於司庫地糧項下籌撥銀二萬兩
 據津海關道陳欽於天津鈔關奉撥本年京餉常稅項下動撥同
 治九年九月至十年八月徵存內務府額外盈餘銀六千五百三
 十八兩二錢二分又徵存戶部正餘銅斤水脚飯平及經費節減
 等項銀三萬一百六十一兩七錢八分共合三萬六千七百兩之
 數又據練餉局司道於庫存協款內照撥銀三萬兩先後具詳前
 來以遠道解往既多糜費又恐阻滯先經分飭揚州糧臺分局
 江海關蘇松太道於應解直防淮軍及應協直省練軍月餉項下
 就近照數劃撥分解江浙各織造以便趕辦依限呈進即以直省
 司局關道籌撥銀兩抵放各軍月餉應請
 敕下內務府戶部將撥解前項織造要件價銀欽遵前奉
 諭旨一律作正開銷並將長蘆運司及天津鈔關應解京餉常稅
 如數劃除即由該司局關道等各於奏銷案內造報至杭州織造
 現准估到半價除已撥解銀八萬兩尚不敷三千餘兩應俟織辦
 就緒核實商計是否必須添撥酌量辦理再行奏咨所有撥解各
 織造銀兩遵
 旨作正開銷緣由理合恭摺具陳伏乞
 皇太后
 皇上聖鑒訓示謹
 奏

籌議製造輪船未可裁撤摺
 同治十一年五月十五日
 奏為遵
 旨通盤籌畫製造輪船未可裁撤仍應妥籌善後經久事宜恭摺
 密陳仰祈
 聖鑒事竊臣欽奉同治十一年二月三十日
 諭諭前因內閣學士宋晉奏製造輪船糜費太重請暫行停止當
 諭文煜王凱泰斟酌情形奏明辦理茲據奏開省輪船原議製造
 十六號定以鐵廠開工之日起立限五年經費不逾三百萬兩現
 計先後造成下水者六號具報開工者三號其撥解經費截至上
 年十二月止已撥過正款銀三百十五萬兩月解過養船經費銀
 二十五萬兩用款已較原估有增造成各號輪船雖均靈捷較之
 外洋兵船尚多不及其第七八號船隻本年夏間方克竣工第九
 號出洋尚無准期應否即將輪船局暫行停止請旨遵行等語左
 宗棠前議創造輪船用意深遠惟造未及半用數已過原估且禦
 侮仍無把握其未成之船三號續需經費尚多當此用款支絀之
 時暫行停止固節省帑金之一道惟天下事創始甚難即裁撤亦
 不可草率從事且當時設局意主自強此時所造輪船既據奏稱
 較之外洋兵船尚多不及自應力求制勝之法若遽從節用起見
 恐失當日經營締造之苦心若李鴻章左宗棠沈葆楨通盤籌畫
 現在究竟應否裁撤或不能即時裁撤並將局內浮費如何減省
 以節經費輪船如何製造方可以禦外侮各節悉心酌議具奏等
 因欽此仰見
 聖主力圖自強規畫遠大欽佩莫名竊維歐洲諸國百十年來
 由印度而南洋由南洋而東北闢入中國邊界腹地凡前史之所

未載互古之所未通無不款關而求互市我

皇上如天之度慨與立約通商以平龍之合地球東南西南湖九萬

里之遙得聚於中國此三千餘年一大變局也西人專恃其鎗礮

輪船之精利故能橫行於中土中國向用之弓矛小鎗土礮不敵

彼後門進子來幅鎗礮向用之帆篷舟楫船礮划不敵彼彼輪機

兵船是以受制於西人居今日而曰攘夷曰驅逐出境固虛妄之

論即欲保和局守疆土亦非無其而能保守之也彼方日出其技

與我爭雄競勝學長較短以相角而相凌則我豈可一日無之哉

自強之道在乎師其所能奪其所恃耳況彼之有是鎗礮輪船也

亦不過創制於百數十年間而浸彼於中國已如是之速若我果

深通其法愈學愈精愈推愈廣安見百數十年後不能攘夷而自

立即日本小國口近與西洋通商添設鐵廠多造輪船變用西洋

軍器彼豈有固西國之志益為自保計也日本方欲自保而偏視

我中國中國可不自為計乎上大夫則於章句之學而昧於數千

年來一大變局班於目前苟安而遂忘前二三十年之何以創鉅

而痛深後千百年之何以安內而制外此停止輪船之議所由起

也臣愚以為

國家諸費皆可省惟養兵設防練軍鎗礮製造兵輪船之費萬不

可省求省費則必屏除一切國無與立終不得強矣左宗棠創造

閩省輪船曾國藩仿造滬局輪船皆為

國家籌久遠之計豈不知費鉅而效遲哉惟以有聞必先不敢惜

目前之費以貽日後之悔該局至今已成不可棄置之勢苟或停

止則前功盡棄後效難圖而所費之項轉成虛糜不獨貽笑外人

旨詢及經費如何減省一節聞廠相距過遠實不知其詳但就

滬津機器各局情形推之凡西人製器往往所製之器甚微而所

需以製器之器甚鉅機器重大必先求安置穩固之地培土釘椿

建廠添屋不惜工本積累歲月而後成其需用器具缺一不備則

必各件齊全方能下手而選料之精必擇其良而適用者恰合尺

寸不肯略有遷就其不中繩墨者在屏棄之列又經營構造時有

變更或甫造未成忽然變計則全料已經拆改廢棄且以洋匠工

價之貴輪機件數之繁儻製造甚多索算尚為合計若製器無幾

逐物以求分晰工料之多寡則造成一器其價有逾數倍者矣凡

造鎗礮輪船等項無事不然開廠創始係由法人日意格德克碑

定議立約該二人素非製造輪船機器之匠初不過約略估計迨

開辦後逐漸增多勢非得已其造未及半而用數已過原估或造

更加多而用費轉就減省似屬西人製器事理之常實未便以工

部則例尋常製法一律繩之惟廠工既已備以後不過工料薪

費數大端應如何設法節省之處請

救下福建督撫臣會同船政大臣沈葆楨隨時督飭節節妥辦省

其所當省而非省其所必不可省斯於事有濟矣又奉

旨詢及輪船如何製造方可以禦外侮一節臣查兵法須知已知

彼乃得制勝之要訪聞英國兵船三百六十餘隻在諸國為最多

內有鐵甲船四十餘隻法國先有兵船三百餘隻現減至二百四

十隻內鐵甲船六十餘隻美國兵船二百餘隻內鐵甲船五十餘

隻俄國兵船三百餘隻內鐵甲船二十餘隻布國兵船僅百餘隻

內鐵甲船六隻現又續籌添造此皆西洋數大強國勢力相埒其

餘小弱諸邦或兵船數十隻百隻不等然而上年布法之戰法兵

敗於陸路雖戰船多而堅且數倍於布向無把握兵事勝敗同難
 言已大概西洋商船只可運載兵糧備重其兵船則分數等小者
 曰根駁船而置礮數尊用以哨探巡防今閩廠所製萬年清伏波
 安瀾等船濶廠所造恬吉操江測海等船大小八寸雖稍異總之
 不離乎根駁式樣至外洋兵船大者馬力或七八百匹食水至二
 三十丈置礮兩層至四五十尊閩廠尚未試造現濶局造成第五
 號船身長三十丈機器馬力四百匹鍋爐均在船腹水綫之下船
 面及兩旁兩層置礮二十六尊確係仿照外國三枝桅兵船做法
 英館新聞紙稱係中國第一號大船信不虛也然食水已十九尺
 內江淺濶時便虞阻攔又據濶局道員馮煥光稟稱上年法國有
 鐵甲船至滬該員登舟察看船礮堅利異常本年四月英國鐵甲
 船又至滬俱泊吳淞江外不能進口該道等往觀水綫之上鐵甲

秦稿十九

厚十寸內襯木板厚八寸船幫均係夾層中可藏人即轟破外
 層而裏鐵未穿外水不能灌人機器鍋爐及兩層巨礮均在厚鐵
 甲之中其首尾鐵皮稍薄水綫之下鐵皮不過五六分船內礮位
 用電氣綫燃放各礮一時同響又用氣機輪轉起旋較人力尤為
 神速等語此等制作實堪奇詭蓋根駁不若大兵船之堅猛兵船
 又不若鐵甲船之堅猛以鐵甲船禦兵船當之輒糜況根駁乎惟
 船愈堅大則費愈多今欲我數年創始之船遠敵彼百數十年精
 益求精之船不待習者而知其不逮然就已成者而益求精未必
 其終不逮也中國大勢陸多於水練陸軍視練水軍尤亟即使兵
 船造精非專恃輪船可以禦侮況如大津海口最淺次則江南之
 吳淞口福州廣東進口均有淺處外洋大兵船鐵甲船勢難深入
 即長江金陵以上亦不能駛我之造船不無馳騁域外之意不過

以守疆土保和局而已海外之險有兵船巡防而我與彼可其分
 之長江及各海口之利有輪船轉運而我與彼亦其分之或不讓
 洋人獨擅其利與險而浸至反客為主豈嘗同濶局委員籌議
 仿造兵船以該局現造五號為度不宜更求加大庶無事時揚威
 海上有事時仍可收進海口以守為戰該局員陸近由英國覓得
 小鐵甲船式樣身短中寬底平俾置巨礮數尊其回活礮臺在船
 中段食水淺而不能出洋閩西國用以守口最宜曾國藩上年曾
 經奏明仿造尙未開工第為禦侮之計則不妨多為之備彼見我
 戰守之具既多外侮自可不作此不戰而屈人之上計即一旦齟
 齟彼亦陰懷疑懼而不敢遽爾發難若慮制勝無甚把握而遂自
 驟成謀平日必為外人所輕臨事只有拱手聽命豈強國固本之
 道哉惟是

秦稿十九

國家經費支絀製造輪船既未可裁撤必須妥籌善後經久之方
 竊查閩廠用費專指閩海關洋稅每月五萬濶廠用費專指江海
 關二成洋稅均係撥定專款應請仍就原款節縮經營無庸月
 請添撥惟閩廠洋匠過多需費較重若有不足再由船政大臣等
 隨時奏辦至於養船之費當分兵船商船一端閩廠兵船現議酌
 撥沿海各省巡防分養嗣後添造兵船無可分撥擬請裁撤各省
 內外洋紅單拖船而配以自造兵輪船即以艇船修造養兵
 之費抵給輪船月費應請
 旨飭部凡有議修各項艇船者概不奏駁令其改領官廠兵輪船
 以神實濟緣紅單拖船等船實不如輪船之迅利雖費倍而功用
 亦倍之也沿海沿江各省尤不准另行購雇西洋輪船若有所需
 令其自向閩濶兩廠商撥訂製庶政令一而度支可節矣至裁貨

輪船與兵船規則迥異現造之船裝載無多商船皆不合用
曾國藩前飭滬廠再造兵船四隻外另造商船四五隻開廠似亦
可開造商船以資華商領理衙門去冬已商及之臣前與
曾國藩商議中國股商每不願與官交涉且各口岸輪船生意已
被洋商佔盡華商領官船身樹一幟洋人勢必挾重費以傾奪則
須華商自立公司自建行棧自籌保險本鉅用繁初辦恐無利可
圖若行之既久添造與租領稍多乃有利益然非有熟悉商情公
廉明幹為眾商所深信之員為之領袖督則商人必多顧慮自
有此議聞華商願領者必准其兼運酒糧方有專門生意不至為
洋商排擠惟運酒事體繁重現又無船可雇自應從緩酌議將來
各廠商船造有成敗再請
救下總理衙門商飭各省妥為籌辦抑更有進者船廠機器之

奏稿十九

完

用非鐵不成非煤不濟英國所以雄強於西土者惟藉此二端耳
閩源各廠日需外洋煤鐵極夥中土所產多不合用即洋船來各
口者亦須運用洋煤設有閉關絕市之時不但各鐵廠廢工坐困
即已成輪船無煤則寸步不行可憂孰甚南省如湖南江西鎮江
臺灣等處產煤特無抽水機器僅能挖取上層次等之煤至
下層佳煤為水浸漚無從汲淨不能施工誠使遴派委員招覓商
人購買機器開采價值必視洋煤輕減通商各口皆可就近廣為
運售而洋煤不阻自絕船廠亦應用不窮至楚粵鐵商咸豐年前
銷傳甚旺近則外洋鐵價較賤中土鐵價較昂又鐵硬不適於用
以致內地鐵商十散其九西洋煉鐵煉鋼及碾捲鐵板鐵條等項
無一不用機器開辦之始置買器具用本雖多而煉工極省煉法
極精大小方圓色色俱備以造船械軍器土鐵貴而費工洋鐵賤

而得用無怪洋鐵銷售日盛土鐵營運漸稀也近來西人屢以內
地煤鐵為請謂中土自有之利而不能自取深為歎惜聞日本現
用西法開煤鐵之礦以興大利亦因與船器相為表裏曾國藩初
回江南有試采煤窰之議而未果行誠能設法勸導官督商辦但
借用洋器洋法而不准洋人代辦此等口用必需之物采煉得法
銷路必暢利源自開權其餘利且可養船練兵於富國強兵之計
殊有關係此因製造船械而推廣及之其利又不僅在船械也要
之法待人而後行事因時為變通若徒墨守舊章拘牽浮議則為
之而必不成成之而必不久坐讓洋人專利於中土後患將何所
底止耶所有遵
旨悉心酌議緣由謹繕摺由驛密陳伏乞
皇太后

奏稿十九

平

皇上聖鑒訓示謹
奏

滬津機器局調員片 同治十一年五月十五日

再滬津機器各局仿製輪船鎗礮軍火事體繁重理大物博非有
精心果力志趣深遠者實難相與有成滬局現有江蘇補用道馮
煥光選用知府鄭藻如津局現有候補道沈保靖辦一切苦心
經營數載於茲駕馭中外員匠操縱咸宜綜覈工料鉅款絲毫
苟監製船械日超有功惟鄭藻如因親老久未省視春間乞假歸
粵尙未知何時回局其人才大細洞悉機要有裨軍國擬請
救下廣東督撫臣飭催迅速回滬沈保靖近因廠基被水積受潮
澤屢請病假亦須速員替代以資練習上年丁日昌丁憂回粵
因其平日講求洋務機器屬為留意真才昨據函稱有前署廣東
惠潮道候補道吳贊誠清正有為不憚煩苦又精於算學堪備督
理製造之選查臣於同治六年二月間帶兵剿捻曾奏調吳贊誠
赴營差委亦深知其結實可靠可否仰懇
敕下該督撫檄令該道履搭輪船航海來津隨辦洋務製造事宜
俾收指臂之助理合附片陳請伏乞
聖鑒訓示謹
奏

奏稿十九 五

張家口捐修石壩摺 同治十一年五月二十二日

奏為張家口石壩工程三次捐修完竣懇
恩併案獎敘以昭激勸摺仰祈
聖鑒事竊照直隸萬全縣屬張家口大境門外向有護城石壩一
道長四百一十七丈有奇以禦口外東西正三溝之水不特保衛
外藩進
貢要道兼能蔽護口內旗民田廬洵為一方保障每逢坍塌皆蒙
帑興修迨軍興以來庫款支絀咸豐六年被水衝塌後始議民捐
民辦會經前督臣桂良奏奉
諭旨飭部議准捐資各生按照直隸米捐章程給予獎敘並准免
其造冊報銷在案嗣於同治六年七月口外大雨傾盆東西正三
溝之水同時漲發致第一段大壩坦坡埋頭海漫等工並第四六
七八段坦坡下截相連埋頭均被衝塌數十丈據前任萬全縣知
縣李國風會同委員勘明估報因籌款為難稟經前督臣官文批
飭仿照咸豐六年捐修成案仍由地方紳董勸捐辦理同治七年
閏四月十八日開工至六月二十六日工竣共計費用工料制錢
九千八百二十四千一百七十五文內除提用歲修生息制錢二
千八百六十七千三百九十五文外計各商民捐錢六千九百五
十六千七百八十八文未及請獎同治九年六月連日陰雨以致月
段近城石壩被水衝坍大壩坦坡埋頭海漫頂石帽壩後灰土
素土長四十五丈餘又繞至壩南埋頭長十四丈餘又口內第二
圈營房虎皮石壩被衝十丈餘又蒙古營虎皮石壩被衝十丈餘
均片石無存時值大汛不克修築隨飭紳董雇夫備料擇要擴護

奏稿十九 五

迨秋汛後經口北道親往督同查勘估計工料為數甚鉅無款籌撥祇得借資民力設法勸捐修該前縣李國風會同致佐邀集紳董王兆基等設局勸捐共捐制錢二萬二千五百七十二千零並提用歲修生息制錢二千四百三十二千文於十年二月十一日開工至三月二十七日一律修竣前據造冊請獎因冊造未符由司駁飭更造尙未詳送復於同治十年八月霪雨連綿月段舊壩又被衝坍三段即經該署縣李葆貞會率致佐邀集紳董王兆基等籌節勸估共需工料制錢三千六百六十八千二百二十六文先由該縣倡捐銀二百兩並提十年歲修生息制錢七百六十八千文發交該紳董擇於是年八月二十二日開工不敷工料由該紳董捐錢二千五百千文九月初七日修竣尙短工料制錢二千二百二十六文已由該縣照數捐補以上三次捐修壩工均由司隨時飭府委員親往查驗委係工堅料實並無草率偷減茲據該縣併案造具請獎清冊開具用過工料細數清摺呈由藩司核明詳請

奏咨前來臣查萬全縣屬張家口護城石壩三次被水衝決工程浩大均經勸捐修理完整該官紳等踴躍輸將洵屬好義急公應請准其照案獎敘以示鼓勵其擬請外獎者由臣酌給功牌獎札謹將捐資較多及尤為出力各官紳分繕清單恭呈

御覽合無仰懇

聖恩俯准敕部查照咸豐六年奏獎成案分別按名核獎並請頒發執照轉給祇領至運同銜前任萬全縣知縣李國風前署萬全縣知縣候補直隸州知州李葆貞督辦壩工倡勸兼施未便沒其微勞李國風可否俟服闋後以直隸州知州升用李葆貞

賞加運同銜之處出自
 逾格恩施除將冊摺送部外理合恭摺具
 奏伏乞
 皇太后
 皇上聖鑒訓示再此項工程係紳民捐辦現已照案開摺送部請
 免造冊報銷合併陳明謹
 奏

奏稿十九

蘇省軍需卹賞請核銷摺 同治十一年五月二十二日

奏為蘇省軍需報銷案內發過卹賞銀兩奉部刪查各款比較成例節省尚多請仍照章核銷恭摺奏祈

聖鑒事竊辦髮捻各逆動用軍需款項疊經前兩江督臣曾國藩會同臣分案奏報請銷在案嗣准兵部以蘇滬軍需一案及剿

捻第一第二兩案內請銷卹賞銀兩均有存銷照例奏駁計共銀七千七百九十二兩五錢查楚軍刊本章程內載卹賞之制凡陣

亡者給銀三十兩受頭等傷賞銀十五兩二等賞銀十兩三等賞銀五兩受傷成廢月加等語臣在蘇撫任內附奏蘇滬軍需用款

酌量變通片內業將楚軍章程卹賞銀兩與例未符之處聲明奏咨有案是以歷次所發湘淮水陸各軍卹賞一款均照楚軍刊章

核實支給並無絲毫浮冒比較例定卹賞陣亡五十兩頭等傷三十兩二等傷二十五兩三等傷二十兩銀數節省尚多其打仗傷

亡偵探遇賊運解糧餉軍火中途被害斃炸溺水巡洋捕盜斃命各項弁勇死事情節雖與陣亡稍異然為

國捐軀則同故一律照陣亡傷亡每名給銀三十兩至因傷成廢者終身擯棄情殊可憫照章加給卹銀三十兩原屬恤死勸生之

義所有奉部刪查各款應請仍照支發銀數核銷以清款目茲據報銷局司道詳請核

奏前來相應繕具清單恭呈御覽仰懇

天恩敕部查照核銷除分咨戶部兵部外謹繕摺具陳伏乞

皇太后

皇上聖鑒訓示謹

奏

奏稿十九

辨駁日使改約摺 同治十一年五月十八日

奏為日本使臣定期回國謹將先後辨駁情形恭摺陳仰祈
聖鑒事竊查日本續派使臣柳原前光等來津瀆求改約經臣於
四月初二日將該使臣到津日期奏蒙

聖鑒在案旋據該使呈遞照會約期謂因該使此來意在改
約暫不准令進見且柳原前光係上年議約隨員不應遞照會
遞稱本大臣字樣即將原照會發交海關道而為擲還該使往晤
津海關道陳欽及添派之江蘇記名海關道孫士達經該道等
逐加駁詰徘徊數日復令其同行之葉重寬來署必求示期進見
始准於四月初九日已刻來見屆期柳原前光等到署呈出該
國外務卿副島等遞候照會一件經臣拆閱內有擬議改換正約
事宜便令參述解說等語詰以約已議定何可遽改柳原係原議

之人何須解說該使復將外務省所給文稿而呈又呈出該外務
卿月遞處照會一件經臣面加指駁謂兩國條約甫經全權大
臣議定伊達宗城若不能作主上年即不應定議既經定議斷不
能遽然改悔且原約章程內一再聲明彼此信守用昭憑信一體
信守無渝等字樣交鄰所重者信耳失信為萬國公法所最忌該
國不應蹈此不韙貽笑西人此件照會若據理直覆轉恐有傷睦
誼應仍帶回該使囑縮伏疊稱所言極是正理自知惶愧惟回
國不能銷差乞將照會暫存臣堅不允行該使復稱容再向陳孫
二道商議並將原呈外務卿第二次照會帶去一月以來疊次
緘商總理衙門妥籌酌辦並飭陳欽孫士達將該外務省照會逐
與該使該使理屈詞窮但求略予轉圜俾得及早回國該道等察
其詞意尚屬恭順誠懇往返數次始允預為商量然總以必須換

約後始可議辦為一定之歸宿查該國所議各件如第一條彼國
與西國修約恐通商章程有所更易第二條華民在彼訟獄繁興
新派理事官須熟察情形未及照約訊斷此皆須屆時相機商辦
未便預議者第四條佩刀係該國禮制不便公禁由該理事官
自行禁諭商民無犯第五條日本進出口稅照該國海關成規收
稅此則無關輕重應於換約後核准照辦者也惟第三條請將兩
國遇事調處議即裁撤一節西人擲掄在此該國注意亦在此上
年臣督同江蘇臬司應寶時津海關道陳欽議創約稿時實慮日
本距我太近凡西國來華通商多取道金山太平洋及日本之橫
濱而至上海該國尤為中國門戶將來設有事變該國雖未必違
為我用而此約章程不至增一勁敵且不失兵家用閉之意
茲該國亟請裁撤誠恐失歡於西人其情可知惟來文既云有權

可行是係諸國通例則亦何須裁撤此條自應無庸置議該使始
猶聲言兩請本國示遵陳欽等再三開導謂舍此更無別法該使
始求轉詳奉批後照給回文銷差據該道等將所議各節妥核具
詳經臣逐條明晰批示飭令移知該使又由臣繕具照覆該國外
務省公文一件交其齎回並飭陳欽等告知該使以議定之約復
欲改議為各國向來所無之事論理本不應接待因念柳原轉次
遠來尚無違悖強迫之語姑與晤商嗣後該國如遣使來華換約
自應以禮接待若仍瀆求改約則是顯違各國公例應即不與接
待矣該使接領回文遂於五月二十六日來署謁謝並稱六月初
遇有輪船南駛即行搭坐歸國復經臣再三叮囑謂兩國換約後
如有可以通融之事原可隨時酌核商辦其萬難允行者斷不能
稍有更易該使唯唯而去察其情詞頗似知感惟據須俟該國

右大臣岩倉往西洋各國議改條約事竣方可派員來華互換原約等語謹將該國外務省兩次照會處照覆該外務卿文稿暨陳欽等會詳及臣批答文件照繕清單恭呈御覽除咨總理衙門外所有日本使臣定期回國及先後辨駁情形理合恭摺山驛馳陳伏乞

皇太后 皇上聖鑒訓示謹

奏

奏稿十九

五

謹將日本國外務卿副島等兩次照會暨臣處照覆該外務省文稿照繕清單恭呈

御覽

同治十一年四月初九日仰原前光面交日本外務省照會日本外務卿副島外務大輔寺島為申謝並照會事據者大藏卿伊達使於貴國幸值貴爵閣大臣暨臬臺陳道臺早奉欽派接議條約事宜況蒙盛誼厚待實所罕遇遂獲永結兩國之好旋聞反命殊愜朝廷嘉悅本卿大臣等知之均深欣感之至肅此申謝茲奉上諭和清兩國經已修好通商合亟揀派委員遣於清國口岸監視兩國交際通商事宜欽此本卿大臣等隨即銓選外務大丞柳原特請欽命兼任少辦務使外務少記鄭永甯作為幫辦同遣於貴國辦事嗣後遇有本卿大臣等與貴大臣為因擬議改換正約事宜往來文件便令解通文內情節時加參述解說以期往來兩得妥協又外務大錄品川忠道任代領事在滬管理本國人民通商事務所有屬員從之為此備文照會貴大臣希即查照存認該官員等使其遵約供職可也須至照會者

奏稿十九

五

日本外務卿副島等第二次照會
臣等奉 上諭前准兩國全權大臣議立修好通商之約查其條款可以各自照行惟以來歲我與歐西諸國改修條約之期將至已將今後意欲改議事件大略擬定在案將將此次兩國條約細為核對若有應行酌改之處即須舉其綱領照會清國大臣預為擬題略准以便批准遣使互換本約欽此本卿大臣等欽遵諭旨當

將此約就該案事理逐款查照其綱目如左

一修好通商各條款內因嗣後改定西例應行修改事件

從前我國與各國開商民則有來我商民則無往而今特發欽

使備應歐西欲取法於諸國互相常行條例以定我國外交約款

而待彼諸國來人耳故昨與清所定條約至他日我與歐西改定

其約之後則如國法訊斷等事必有須行更正者是以應議俟後

改正

一修好條規第二條調處之約

兩國既結和誼若遇事從中調處盡其友情雖無此條有權可行

是係諸國通例故此一條須議裁撤

一修好條規第十一條刀械之禁

刀械之於我國人也有准無禁惟清國所禁耳此遵修好條規第

八條由我理事官檢束之可毋庸訂約明禁也故此禁約須議削

除

右列以上綱目已經奏准為此本卿大臣等備文照會貴大臣並

敝國派委外務大丞兼少辦務使柳原外務少記鄭據情詳中希

乞隨即查照其所陳述煩為裁復俾本卿大臣等能與貴大臣處

時得以備文往來預請擬題略准以為批准互換之地幸莫加焉

禱切須至照會者

照覆日本外務卿副島等公文 同治十一年五月二十二日

為照覆事同治十一年四月初九日外務大丞柳原而貴卿大

臣照會內開鑒者大藏卿伊達使於貴國幸值貴國閣大臣曾應

皇恩陳道早奉

欽派接議條約事宜況蒙盛誼厚待實所罕遇遂獲永結兩國之

好旋國反命殊慙朝廷嘉悅本卿大臣等知之均深欣感之至肅

此申謝茲奉上諭和清兩國經已修好通商合亟揀派委員遣於

清國口岸監視兩國交際通商事宜欽此本卿大臣等隨即銓選

外務大丞柳原前光特請欽命兼任少辦務使外務少記鄭永甯

作為幫辦同遣於貴國辦事嗣後遇有本卿大臣等與貴大臣為

因擬議改換正約事宜往來文件便令解通文內情節時加參述

解說以期往來兩得妥協又外務大錄品川忠道任代領事在滬

管理本國人民通商事務所有屬員從之為此備文照會貴大臣

希即查照存認該官員等使其遵約供職等因查本閣爵大臣上

年欽奉

諭旨會議和約因貴國伊大臣奉有全權明文是以彼此相信議

成條約當於畫押蓋印互交後即已

奏明定案兩國初次訂約最要守信斷不能旋允旋改來文既稱

伊大臣旋國反命殊慙朝廷嘉悅貴卿大臣知之均深欣感之至

等語是貴國應毫無異議向來中國與各國交際通例一經全權

大臣公同議約只有再行各派大臣換約並無定議之後未換之

先月派大臣議改之事貴卿大臣此次銓選柳原前來據稱為因

擬議改換正約事宜業經議定忽又遣員議改顯與上年全權大

臣公同擬議者自相矛盾本閣爵大臣實未敢奉教也所有未盡

之言已飭原派幫辦議約之津海關陳道亭等轉告柳原回國述

知毋庸贅陳至品川忠道在滬管理貴國人民應俟兩國互換和

約事畢再行查照約章開辦為此備文照覆貴卿大臣希即查照

可也再柳原而懇轉寄貴卿大臣照會總理各國事務衙門大

臣公文一件並伊大臣申謝照會一件已代轉遞昨准來函均令

山本閣衙大臣轉覆知照合併聲明須至照會者

謹將津海關道陳欽記名江蘇海關道孫士達會詳日本國
來照會商改條約逐條核議詳文覽 處批答照繕清單恭
呈

御覽

為詳請示遵事同治十一年五月十三日准日本國第四等官柳
原照會內開於昨明治四年七月二十九日我欽差大臣伊達在
貴國會同

欽差大臣李鴻章所訂條約經該伊達奉回本國繳呈朝廷深為
嘉悅會時欽派右大臣岩倉等專往歐西諸國踐期改約因其往
復自需年餘延議以伊大臣所訂日本一邊條款及有礙別國局
面之事須照新定西約改議望其劃一上諭外務卿大臣等即將
此山備文照會清國大臣預前聲明俟岩倉等回國當即派使換

奏稿十九

查

奏稿十九

查

約外務卿大臣等遵旨擬議奏明隨即具情函達李爵閣大臣又
請欽命派本大丞兼任少辦務使帶同外務少記鄭等齎呈文兩
委本大丞便將文內細情而為詳述今已抵津合應具由黏該文
件及委限等鈔底先行通報為此照會貴海關道祈即代詳李爵
閣大臣煩為查准賜覆須至照會者計黏外務卿大輔照會及本
大丞奉委文稿兩件等因職道欽會同職道士達竊查日本國去
秋甫經立約尚未互換此時遽請改議殊非信守無論何國皆無
此例詳閱柳原鈔送彼國外務省照會及奉委要旨各件有向可
通融者有斷難允從者謹就管見逐條核議如第一條所言來歲
與歐西改約之案起於欽使適清之後業已擬定專欲取法於歐
西常行條例以改我國外交之約一節前之柳原等據稱日本國
遣使赴歐西各國修約恐通商章程有所更易特來預商職道等

查兩國修好原不僅重通商日後更易章程彼此皆可變通是以
去歲議約時不以口岸多寡計較也惟現在日本與西國修約
尚無成議勢難懸定原不必先期預商應俟換約後章程如有更
易自可隨時商辦又如第二條所言各港所住清民不下數千新
派理事官來須先熟察實地情形向有隨時酌議之處未及能照
條約訊斷一節又詢柳原等據稱日本國通商各口相距均遠清
民人數又多若新派理事官一員難以兼顧未能各口會同訊斷
且現與西國換約恐有更改期於一律辦理職道等語以西國商
民是否仍由西國領事自行審辦柳原等復稱現在如此辦理以
後西約如何更改尚不可知職道等查各管各民係各國通例今
彼國欲改西約諒亦未能定議我兩國既經定約自當永遠遵守
惟聞橫濱長崎神戶三處華民最多向由日本官代為管理中國

公稿九

新派理事官前往情形或水深悉自應留心察訪借鈔卷宗並一
切詳詢彼地方官以期妥善應俟中國派員時再行辦理又如第
三條所言調處一節據查美國與清國所約之文美國止云自為
清國從中調處即我國與美所約亦同皆屬備為美國單作一面
之詞欲議裁撤一節又詢柳原等據稱現向美國換約擬將此條
刪除請以將來果能刪除否答云尚未能定職道等查兩國既結
和誼遇事調處自是約中應有要義即美國無此亦當增添況美
國偏為一面我則平列兩國尤屬周備去秋議約之初曾經應
司與職道欽專兩聲明並屢次與日本使臣面談凡立條約是自
主之國皆有自主之權不必瞻徇他國伊大臣深識大體亦以為
然故仍行列入也若恍於浮言忽欲裁撤西國環視當更相輕因
人改約將誰歸且與來文所稱雖無此條有權可行是係諸國

通例等語亦覺矛盾今請裁撤此條不但啟人猜疑將所謂修好
者何事耶此條應無庸議又如第四條所言刀械一禁論我國官
吏紳商常佩雙刀即農工商賈有時亦帶單刀本係禮制不便公
禁由我理事官知其有禁令我商民無犯故議削除一節職道等
查帶刀既係彼國禮制雖為中國所禁如果由彼理事官自行諭
禁商民無犯似尚無甚妨礙既經立約修好須求兩全不必強以
所難顯為公禁應俟換約後彼此照會核准立案仍候修約屆期
再行酌改又如第五條通商章程第二十八款所載進出口稅一
例須議在我國各港則應照該海關成規收稅一節職道等查柳
原等面交彼國海關通商章程其進口貨物未載進口稅則者雖
或載有出口稅則不得按此納稅必須按價抽稅其出口貨物未
載出口稅則者亦照上例等語核與原定第二十八款通商章程

公稿九

微有不同惟兩國通商章程第三十一款內業經載明兩國商民
在通商各口如彼此海關嗣後有變通之處由理事官詳請駐京
大臣隨時照會商辦等語今柳原等所請似亦無甚妨礙倘可稍
為變通惟必俟換約後方能照約商辦所有職道等逐條核議緣
由是否自當理合詳請憲台查核示遵實為公便
批據詳日本國外務大臣柳原照會關道商改條規各件並該道
等逐條核議緣由均已閱悉本大臣上年奉
旨會議日本國約事因伊大臣老成諳練本有日本全權明文是
以彼此相信議成此約今未換之先遽請商改查兩國初次訂交
最要守信若旋允旋改先自失信無此辦法即從前各國議約經
彼此畫押蓋印定案後並無准改之例本應無庸置議姑念柳原
等前兩次來津曲意誠款贊成和誼頗為勤勞特令該道等與之

會商茲閱來詳如第一條彼國與西國換約恐通商章程有所更
易特來預商一節本大臣查日本遣使往議西約此時尙無成說
何必懸擬預商未免多此一舉應如該道等所議俟換約後如有
必須更易之處隨時察酌商辦第二條華民在彼訟獄繁興新派
理事官須熟悉情形酌議未及能照條約訊斷一節本大臣查中
國因未換約現未選派理事官將來派員前往自應照約辦理惟
理事官初到彼國情形生疏亦或不免應如該道等所議中國派
理事官時令其留心察訪借鈔卷宗務向地方官諮詢一切屆時
再行飭遵第三條請將兩國遇事調處議即裁撤一節本大臣查
兩國既結和好遇事調處誠如來文所云雖無此條亦有權可行
惟去歲議約時不載則可既裁復裁殊違信義既云是係諸國通
例本無窒礙何須裁撤且兩國相距較近永以為好尤非西洋遠

邦可比若欲裁去所謂修好者在應如該道等所議此條無庸
置議第四條佩刀係彼國禮制不便公禁一節本大臣查佩刀既
係彼國禮制中國既與通好自未便明為禁阻應如該道等所議
由日本國理事官自行禁諭商民無犯俟換約後彼此照會核准
通行仍候修約屆期酌改第五條日本進出口稅一例照該海關
成規收稅一節本大臣查日本國海關通商章程既有不同亦可
稍為通融應如該道等所議俟換約後照約商辦總之條規既定
各應信守將來兩國和好日敦其無關礙者自可日後會商其有
關礙者無論何時斷難允從也仰關道照覆柳原知照仍候分別
奏咨備案繳文稿存十册

張家口糧臺報銷摺

奏為張家口糧臺用過銀兩截至同治十年十二月底止先行造
冊報銷恭摺仰祈

聖鑒事竊據口北道奎斌詳稱張家口設立糧臺采運調赴烏城
庫倫各起官兵米糧於同治九年十二月初十日開辦業將應需
米麵並牛毛油布單布雙綫各袋荆筐麻繩等項時價以及房屋
賃價斗級倉夫更夫米折工食各營官兵名數詳蒙節次奏咨立
案其委員銜名薪水已由該道徑行報部至宣化古北兩軍米麵
價銀係由直隸練餉局於該兵夫月餉內扣撥惟運腳口袋等項
歸糧臺報銷亦奏明在案今截至十年十二月底止用過粟米價
銀一萬九千五百兩一錢四分六釐白麵價銀二千七百九十二
兩八錢二分牛毛袋油布袋單布袋雙綫袋價銀一萬二千七百

九十六兩五錢三分荆筐麻繩價銀五千八十五兩四錢五分駝
運腳價按例支銀二千四百七兩五錢七分七釐委員薪水各役
工食銀二千一百九十八兩五錢八分六釐房價銀六百三十四
兩九錢八分六釐統共支銷銀四萬五千四百六兩九分五釐
兩次奏撥部餉銀六萬兩除開銷外實存銀一萬四千五百八十
三兩九錢五釐又餘平項下除委員薪水各役工食不扣外其餘
各款每百兩扣銀一兩共扣餘平銀四百三十二兩一錢七分五
釐內已按例支銷書吏飯食心紅紙張銀三百五十五兩五錢九
分九釐實存銀七十六兩五錢七分六釐同實存正款及十一年
三月開領到部餉銀三萬兩統歸下次報銷等情造冊請奏前來
臣復核各款細數均與奏咨時價及例銷銀數相符現在各營未
能凱撤自應按年截數造報以清款目除冊送部外理合恭摺具

陳伏乞
皇太后
皇上聖鑒敕下戶部核銷再此案並無應歸兵工兩部核銷之件
合併陳明謹
奏

奏稿十九

完

修治府河工程摺 同治十一年六月二十日
奏為修治府河興復水利用過工料銀數開具清單恭摺奏祈
聖鑒事竊臣前將修治府河興復水利用過工程銀兩造冊咨部
核銷奏明在案嗣准工部咨令將此案做過工程丈尺照例繕單
奏報核辦等因即經札飭司道遵辦去後茲據遵照部咨開單繪
圖山清河道會同藩臬兩司具詳前來臣覆核無異除照例
題銷並將河圖咨送工部外理合開具工段丈尺銀數清單
奏報伏乞
皇太后
皇上聖鑒謹
奏

奏稿十九

完

謹將挑濟府河上下游河身泉源並添建開座各項工程丈尺暨用過土方工料運腳銀兩繕具清單恭呈

御覽

計開

一挑濟保定省城西關靈雨寺起至滿城縣一畝諸泉止工長七千九百一十四丈八尺二寸口寬四丈至五丈五尺不等底寬一丈七尺至三丈八尺不等挖深五尺三寸至六尺五寸不等計六十八段除原河空土外其實出土九萬四千七百九十八方八寸每方工價銀七分暨六分五釐共合銀六千四百九兩七錢三分四釐

一挑濟保定省城西關廣福橋起至大汲店西小莊止工長三千三百二十三丈二尺口寬三丈七尺至四丈不等底寬一丈八尺

至二丈二尺不等挖深五尺四寸至五尺七寸不等計二十九段

除原河空土外其實出土四萬一千四百六方二尺五寸每方工價銀六分五釐共合銀二千六百九十一兩四錢五釐

一開段挑挖保定省城南關天水橋起至雄縣三岔河口止共計湊長三千五百六十一丈口寬五丈一尺至六丈八尺不等底寬二丈九尺至四丈八尺不等挖深六尺至七尺三寸不等計三十四段除原河空土外其實出土八萬六千六百二十七方五寸每方工價銀七分共合銀六千六百三十三兩八錢九分二釐

以上三項共計一百三十一段工長一萬四千七百九十九丈二寸實出土二十二萬二千八百三十一方三尺八寸其用銀一萬五千一百六十五兩三分一釐均係比照清河永定兩道土方例價辦理

定兩道土方例價辦理

一上游齊村石閘一座高八尺金牆雁翅其長六丈四尺統計用過各項工料暨運腳銀八百五十九兩八分四釐三毫

一上游蠻子營石閘一座高八尺金牆雁翅其長六丈統計用過各項工料暨運腳銀八百五十八兩六錢八分七釐九毫

一上游張海莊石閘一座高七尺八寸金牆雁翅其長六丈統計用過各項工料暨運腳銀八百一十八兩二錢七分五釐七毫

一下游蓮花橋石閘一座高二丈二尺金牆雁翅其長十六丈統計用過各項工料暨運腳銀二千二百六十七兩二錢二分六釐五毫二絲

一下游新橋石閘一座高一丈一尺金牆雁翅其長十六丈八尺統計用過各項工料暨運腳銀二千三百九十三兩六錢三分六釐九毫六絲

一下游善馬廟石閘一座高一丈一尺金牆雁翅其長十五丈八尺統計用過各項工料暨運腳銀二千二百四十七兩九錢五分七釐九毫七絲

一下游清河石閘一座高一丈一尺金牆雁翅其長十六丈二尺統計用過各項工料暨運腳銀二千三百六十六兩二錢九分七毫一絲

以上七閘共用過各項工料暨運腳銀一萬一千八百五兩一錢六分六絲係比照清河永定兩道例價辦理

統計上下游濟泉挑河建閘其實用過土方工料暨運腳等項銀二萬六千九百七十兩一錢九分一釐六絲

項銀二萬六千九百七十兩一錢九分一釐六絲

籌解新疆餉銀摺 同治十一年六月二十七日

奏為籌解新疆餉銀及飭辦軍米恭摺陳仰祈

聖鑒事同治十一年六月初二日欽奉初一日

寄諭景廉現擬采買駝隻及籌撥軍裝等項需款甚急著於各該省欠解新疆軍餉及協餉內無論如何為難先行籌撥銀六七萬兩迅速解至察哈爾收存該都統所部需用糧石請由口北歸綏兩道每月各運解京斗粟米四百石著李鴻章定安督飭該道等照數籌辦等因欽此遵即恭錄咨行趕緊籌辦撥解去後茲據藩司孫觀詳稱直省應協新疆月餉前經議定按四箇月委解一次已將同治六年十一月起至七年六月止欠餉銀二萬兩又十年八月起至十一年三月止協餉銀二萬兩三次委解交收奏咨在案查直隸原係缺額之區從前年較順成所入尚不敷所出上年

奏稿十九

五

水災甚廣籌工籌賑支絀彌形幸賴南省捐輸飢民藉以存活迄今被災州縣尚有水未退盡之處春賑之外又須加賑兼之修築隄防疏消積水需用尤鉅實屬力盡筋疲各州縣應徵本年上忙糧租半已停緩司庫進款益少而例發

陵工俸餉各營兵餉以及橋道兵差河工歲拾修暨各屬例支一切正雜銀兩皆關緊要欠發之數日增若再兼籌前項鉅款實屬無從設法惟新疆需餉孔殷不得不於無可設措之中為措彼注茲之計茲將應發各款酌量停減先於司庫旗租項下湊撥銀三萬兩即作七年七月起至八年六月止十二箇月新疆欠餉委候補知縣張瑛解赴察哈爾都統衙門交收其餘欠餉協餉銀兩俟庫項稍充即行陸續籌解等情請奏咨前來臣覆加確核均係實情應飭趕緊起解至景廉所部需用粟米已飭口北道設法籌辦

應需米價等項即在部撥項下動支除分咨查照外所有籌解新疆協餉及飭辦軍米緣由理合恭摺

奏伏乞

皇太后

皇上聖鑒謹

奏稿十九

吉

與工代賑摺 同治十一年六月二十七日

奏為勸撥賑款及各省捐項修築直屬河隄城垣橋道以工代賑先行截數

奏報恭摺仰祈

聖鑒事竊查直隸沿河州縣地勢低窪漫溢時虞上年雨水過多濱河各屬田廬民舍大半衝沒經臣奏請截撥賑款就地籌捐並由南省勸集捐項賑撫兼施又各處河隄因帑項支絀歲修額款停減廢弛殆盡經此次大水處處衝塌必須及時修築冀日前災民得以趁工而地方可藉免水患盛飭該督道府督同印委切實勘估次第興辦所需經費均由籌賑局陸續撥發茲據該局司道詳稱遵查先後由局發過修築永定河上游金門關減水石壩挑挖引河銀六萬四千七百四十二兩七錢九分二釐又撥永定河

奏稿十九

其

加培兩岸隄埝工程銀二萬八千兩又大小清河南北運河天津減河現均擇要修築其由局籌撥各款如新城縣青陵村固安縣李戶莊兩處挑挖淤河堵築清河決口原估工料銀一萬餘兩除由藩司借領新城縣養廉並勸捐銀款外由局撥發銀二千兩又保定縣劉家園決口議築月隄護埝估需銀二千二百五十餘兩除由司借領該縣養廉外支銷春撫銀一千一百二十兩撥用文安縣春撫制錢一千五百千文並由局加發銀五百兩又安州修築各河道隄埝支領賑米一千四百三十七石制錢五千八百四十九千文又安平縣修理瀕龍河南北兩岸決口以工代撫制錢二千七百八十六千七百文又宣惠河自東光縣范家隄起至滄州鹽山止開段淤塞計七十餘里集夫挑挖除春撫銀二千五百兩賑米六千石外又撥發銀一萬兩又東光縣修築香河同隄

奏稿十九

其

並加築龍尾埝迎水壩及魏家隄等工共支銷賑米二千五百石制錢七百九十六千文又天津海河為直境五大河匯歸之所來源過旺每致泛溢非開濬減河不足以分水勢查滄州捷地減河自百廟至牧猪港濬長一百餘里節節淤塞議分十九段挖挑並堵築決口墊修石壩補修各處殘缺共估需銀三萬一千二百六十餘兩已發銀三萬一千兩又津郡南運自去秋雨後一片積潦儼成巨浸引河故道淤塞一律挑挖疏濬並於最窪之鹹水沽白塘口兩處開道建閘已撥發銀一萬九千兩尚未估定確數又海河南岸大道低窪之處至今積水尺餘開進口門加修橋閘海河北岸邢家莊臥河村泥窩三處挑濬引河修整橋梁共估需銀六千餘兩已發銀三千兩又撥北運河月案修隄銀九千三百七十兩又統領盛軍提督馬盛波修築青浦沿一帶南運河隄撥解銀一萬三千三百一兩二錢一分六釐又南皮縣稟修城工除該縣勸捐銀八千兩外由局發銀六千四百兩又河間縣稟修城南八里橋及魯道工程支領制錢一千七百九十一千二百五十文又津沽棧道自丁字沽起至玉皇廟止係赴京通衢被水衝決應加修築並添造涵洞六處估需工料銀一萬六百三十餘兩發過銀一萬六百十六兩以上撥發各款併計已奉奏明有案之金門關減水石壩及南運河隄工銀兩在內共由各省賑捐項下撥發銀二十一萬一千五百五十八兩八釐制錢一萬二千七百二十二千九百五十五文米九千九百三十七石如有續應添撥之項隨時詳請核示茲先將前後撥發銀米制錢各數詳請核奏前來臣查直屬水利久未興修永定及南北運河或關繫運道或保衛民田皆恃隄防以資宣洩無如失修多年隄岸潰決河身淤淺祇有水患

而無水利平時即欲興辦斷難籌此鉅款今以勸捐助賑之資爲計工代撫之用既免窮民失所復令要工克成實爲一舉兩得現修各工尙有未報竣者業飭趕緊修濬以禦伏波盛漲其業經報竣者由臣派委委員分往驗收委係工堅料實並無草率偷減工程丈尺亦係查照河工向來做法極爲穩固惟自破水之後沿河居民耕種失時情形困苦此次履集災民合力修築其中多有老弱貧民傭工趁食卽丁壯民夫半皆疲餓之餘所需工費均係酌量籌給俾資贖用卽以工代賑之本意其動用經費均就各省解到捐項及撥定賑款分別散放核實給領無稍浮冒亦無動用部帑若令按照工部向辦則例將土方工價逐款造冊轉報免有遷就失實之弊應請查照歷屆捐辦工程成案免其造冊報銷仍歸入直隸賑撫案內彙案辦理所有動撥賑款捐項修築河

隄城垣橋道工程以工代賑各緣由理合先行截數據實陳明伏

乞

皇太后

皇上聖鑒訓示謹

奏

外省捐賑請獎片

同治十一年六月二十七日

再上年直屬雨水過大被災較重經臣奏請截撥款籌辦賑撫並奏明在江浙等省勸捐棉衣銀米解津散放復因粵東商富輻輳向稱繁庶兩廣督臣瑞麟曾任直隸深悉瘠苦情形函請商飭司道酌勸捐助旋准覆稱粵省亦因被水歉收民力拮据商賈頗多折閱無從勸辦惟畿境災民待哺孔殷自應勉籌集腋督同司道府縣捐集銀四萬二千兩內督臣瑞麟倡捐廉銀六千兩粵東關監督崇禮兼署廣東臬司隨運使鍾謙鈞各捐銀一萬兩廣東藩司鄧廷枏捐銀二千兩糧道貴珊捐銀一千兩廣州府知府馮端本肇慶府知府瑞昌各捐銀二千兩潮州府知府段錫林捐銀一千兩理事同知長豐署廣州府通判方功惠各捐銀五百兩南海縣知縣杜鳳治代理順德縣知縣施紹文各捐銀一千五百

奏稿十九

奏

兩代理番禺縣知縣胡鑑署東莞縣知縣王炳文署連平州知州田明曜署新會縣知縣徐寶符各捐銀一千兩派委候補鹽大使諸鈞由海道運解到津飭據籌賑局司道照數兌收在案伏查大學士兩廣督臣瑞麟等以畿疆被水情殷拯濟捐解鉅款立蘇民困公忠體國捍忠卹鄰實堪敬佩惟瑞麟係現任封疆大員崇禮已有二品頂戴職分較崇應如何給獎之處臣未敢擅擬相應請旨核奪按察使銜署廣東臬司隨運使鍾謙鈞擬懇恩賞給二品頂戴其廣東藩司鄧廷枏以下雖據聲稱不敢仰邀獎敘惟以隔省人員捐辦賑款不吝解推無分畛域均堪嘉尚應請歸入直隸賑撫案內查照上年奏定章程分別給獎或准其移獎子弟統俟賑務告竣月行核明彙辦再委員諸鈞領解要款經涉重洋不避艱險洵屬著有微勞應請

旨將廣東分缺先前鹽大使諸鈞仍以鹽大使歸分缺先儘先
補用以示鼓勵合併陳明伏乞
聖鑒訓示謹附片具
奏

奏稿十九

七

密籌調員接統銘軍摺

同治十一年八月初二日

奏為遵

旨密籌曹克忠所部銘軍撤回安插擬先請

敕調幹練大員來津商定機宜赴陝接統以弭後患恭摺仰祈

聖鑒事竊臣承准軍機大臣密寄七月二十八日奉

上諭前因武毅右營勇丁潰散並有戕害營官情事當經諭知穆

圖善侯左宗棠進駐蘭州即督率得力兵勇移紮乾那一帶並察

看曹克忠能否得力所部勇丁如何分別撤留令該將軍悉心酌

度奏明辦理茲據邵亨豫奏稱曹克忠自接統銘軍後駕馭未能

得宜時逾半年與兵將總不浹洽該提督久患足疾於營哨各官

疏於接見軍心已搖訛言四起附近居民紛紛遷徙營弁亦多乞

假請飭李鴻章密籌辦理等語軍營統帥全在謀勇兼施聯絡軍

心申明紀律曹克忠既不能約束勇丁致令戕官潰散是其不勝

統帥之任已可概見近復患病不能接見營哨各官則其兵將離

心猜疑日積勢所必至此軍素稱勁旅現在不但無益陝防且恐

激生事端致滋後患著李鴻章悉心籌畫將曹克忠所部銘字一

軍應如何撤回安插俾有用之兵不致潰散為患地方是為至要

穆圖善於行抵乾那後妥為布置俾銘軍去留得以迅速酌定不

至日久患生邵亨豫於銘軍未撤之先務當不動聲色妥為調處

以弭亂萌該署撫原片著鈔給李鴻章穆圖善閱看將此由五百

里各密諭知之等因欽此跪聆之下仰見

聖慮周詳

指示嚴切欽悚莫名臣前因曹克忠為多隆阿部下得力之將又

在秦隴素有戰聲劉銘傳請假回籍已奉

旨允准並據該提督
奏請曹克忠接統銘營自應體察軍情不致齟齬臣相距太遠若
月請

簡派他人恐轉於軍情未洽不敢豫存成見仍請屬曹克忠到營
後妥為撫馭勿變舊章勿逞客氣又緘勸劉銘傳從容商辦勿稍
疏率孰意曹克忠行抵西安即與劉銘傳意見不合及至乾州則
劉銘傳急於交卸曹克忠即行奏參皆覺未甚妥愜而已無從追
悔此臣慮事之疏知人之闇所夙夜負疚者也各營將士經劉銘
傳一手募練戰十年如接統者恩信未孚眾情斷難浹洽臣疊
次馳書曹克忠竭誠勸謂其入手時辦理函非恐失軍心以後
當加意聯絡整頓俾為我用六月間忽接曹克忠函稱該提督足
疾數月未愈武毅石營竟有會匪句串譁潰戕官情事聞之不勝

焦憤當又緘屬該提督勤於接見將領約束營哨上下不稍隔
閤指臂庶可相聯昨接其七月十六日來書據稱與各統領營官
推心置腹病時常在臥室接見並無不洽之處軍心似已帖服惟
陝省民情浮動誤聞游勇捏造流言或不免附和張皇並以該提
督足瘡加刺人地不宜請選賢能往代等語臣維軍中易將本極
難事察度曹克忠詞意目前尚不至遽形決裂當即復書慰勉並
允俟徐籌營人再行妥辦以安其心茲復欽奉
諭旨以此軍素稱勁旅現在不但無益陝防且恐激生事端應如
何撤回安插俾有用之兵不至潰散為患地方
聖謨深遠慮精當臣反覆籌思計無踰於此者但若令曹克忠
撤回無論其病體未愈退志已萌即勉強遵行亦恐呼應未靈激
生他變臣處又無與銘軍素習可當一面之人惟查有過缺提奏

按察使劉盛藻自同治元年創募銘營即隨劉銘傳在營帶隊馳
驅南北倚之如左右手該員威惠廉正軍士翕服劉銘傳素性跡
地臨敵則自將督戰無事或請假離營皆賴劉盛藻頻年坐鎮督
率訓練是以克成勁旅所向無前七年捻平後臣奏令劉盛藻代
統銘軍萬眾駐防張秋河北兼顧畿南會國藩蒞直兩年指揮如
意銘營到處兵民相安劉盛藻之力也嗣劉銘傳復出奉
旨移師赴陝臣力勸劉盛藻偕行以資補縫匡救之益劉盛藻因
親老久役決計引歸劉銘傳亦不忍重拂其意今曹克忠撫馭未
宜陝西撫臣邵亨豫河南撫臣錢鼎銘來信皆欲劉盛藻復起視
師而該舉司鄉居恬淡自回籍後並無隻字與臣通問臣念銘營
素極整肅經此變易習氣頗難挽回撤留皆須妥議必得威望與
將士素孚者接統然後撤回安置可漸順手昨已專函劉切諭令

劉盛藻兼程北來妥商辦理以維大局合無仰懇
天恩敕下安徽撫臣英翰飛飭該臬司兼程赴直與臣籌酌機宜
再令迅速往陝接統銘軍妥撤回南徐籌安置翼可弭茲隱患將
來穆圖善行抵乾州既經帶有得力兵勇可否請
旨飭令該將軍毋庸留銘營免滋搖惑除俟劉盛藻到直赴陝
有期再行具
奏外所有遵
旨密籌銘軍撤回安插擬調員妥辦各緣由理合繕摺先行由驛
據實覆陳伏乞
皇太后
皇上聖鑒訓示施行謹
奏

臣等謹將此變易習氣頗難挽回撤留皆須妥議必得威望與
將士素孚者接統然後撤回安置可漸順手昨已專函劉切諭令
劉盛藻兼程北來妥商辦理以維大局合無仰懇
天恩敕下安徽撫臣英翰飛飭該臬司兼程赴直與臣籌酌機宜
再令迅速往陝接統銘軍妥撤回南徐籌安置翼可弭茲隱患將
來穆圖善行抵乾州既經帶有得力兵勇可否請
旨飭令該將軍毋庸留銘營免滋搖惑除俟劉盛藻到直赴陝
有期再行具
奏外所有遵
旨密籌銘軍撤回安插擬調員妥辦各緣由理合繕摺先行由驛
據實覆陳伏乞
皇太后
皇上聖鑒訓示施行謹
奏

請 陛見摺 同治十一年八月二十日

奏為籲懇

陛見候

旨遵行恭摺仰祈

聖鑒事竊 臣自同治七年八月勦捻事竣請

觀後旋赴湖廣總督本任九年七月因天津教案遵

旨由陝西軍營帶兵赴直即蒙

恩調任直隸維時洋務緊要次第籌辦駐津年餘又上年水災過

重撫綏彈壓諸政殷繁未敢遽離瞻懇

闕廷夙夜疚歉本年窪區雖有偏災地方尙臻靜謐又荷

恩准截留南漕接濟冬春民食 臣當督飭司道查勘情形酌量撫

恤海防遂漸布置中外交涉事件亦均清理妥協違

奏稿十九

全

天顏於咫尺屬

慶典之恭逢犬馬戀

主之誠益難自已合無仰懇

天恩准 臣來京

陛見叩聆

聖訓俾獲遵守曷勝悚息竝幸之至如蒙

俞允 臣將津門諸務料理稍畢即照向章帶印北上地方要政仍

於行次覈辦合併聲明所有 微臣 籲懇

陛見緣由謹繕摺具陳伏乞

皇太后

皇上聖鑒訓示謹

奏

李文忠公奏稿卷十九

奏稿十九

全

李文忠公奏稿

卷之二十目錄

海船苦累變通辦理摺 同治十一年九月初五日

獲陳永定河保案片 同治十一年九月十七日

周馥留直片 同治十一年九月十七日

河工要缺變通酌補片 同治十一年九月十七日

鎮海輪船留津摺 同治十一年九月二十三日

預請撥款辦工代賑摺 同治十一年九月二十三日

奏報機器局經費摺 同治十一年九月二十三日

劉盛藻赴陝接統銘軍摺 同治十一年九月二十六日

潘鼎新留津彈壓片 同治十一年九月二十六日

請續撥張家口糧臺部餉摺 同治十一年十月二十二日

會議豫省鹽價加價改章摺 同治十一年十一月初三日

外省捐賑請獎片 同治十一年十一月初三日

奏留彭楚漢片 同治十一年十一月十二日

蘆課緩解片 同治十一年十一月十二日

截留京餉摺 同治十一年十一月十五日

試辦招商輪船摺 同治十一年十一月二十三日

軍營米糧請免釐稅片 同治十一年十一月二十三日

覆陳畿輔邊防摺 同治十一年十二月初五日

宋慶暫緩赴甘片 同治十一年十二月初五日

添撥永定河汛兵摺 同治十一年十二月初九日

奏保李興銳片 同治十一年十二月初九日

存棧練餉錢文全數發竣摺 同治十一年十二月初九日

文安天津大窪地蠲糧摺 同治十一年十二月十九日
練軍酌添洋鎗教習片 同治十一年十二月十九日
賑款請免報銷摺 同治十一年十二月十九日
盧溝橋南岸漫口工程摺 同治十一年十二月十九日
日本使臣來津換約摺 同治十一年十二月二十日

奏稿二十目錄

李文忠公奏稿卷二十 全集一之二十

桐城吳汝綸編錄

海船苦累變通辦理摺 同治十一年九月初五日

奏為天津甯河兩縣海船代運奉天各州縣米豆苦累日甚擬請變通辦理恭摺仰祈

聖鑒事據天津道丁壽昌詳據天津甯河兩縣海船戶疊次具呈代運奉省米豆賠累不堪懇請設法拯救經該道飭據該兩縣查得乾隆年間奉省先有運京米豆七千餘石派天津縣代備海船駛赴牛莊裝運每百石發給水腳銀十四兩是為牛運嗣奉省錦甯廣義四州縣徵收米豆四五萬石亦令天津縣代備海船分赴錦甯兩口裝運是為初次兩運因津沽船戶差使過重又飭將兩運米豆山甯河縣海船分成裝運蓋從前津甯兩縣船多奉省船

少故有代運之舉該船戶所領水腳不敷向由津甯兩縣出海商船公攤津貼其時奉省米豆按時兌裝往返不過兩月並無守候之苦該兩縣海船共有七百隻上下生理頗旺津貼之費尙可勉強支持歷經照辦幸無貽誤乃自天津通商以後各國火輪夾板等船裝多駛速日漸增添內地海船生意多被佔奪十年之內折賣大半現存不過二百隻仍責以代運奉省米豆津貼愈少川費愈艱現在水腳照章改換六成實銀再除平飯等項所領有限而近年奉省州縣疲玩益甚倉無米豆又不及時采買雖經戶部及倉場疊次嚴催奏參補運尙辦不及正運更屬無期直省雇往各船守候經年並無開兌只得空回次年復去仍須停泊數月始有兌運者眾船一再往返坐食耗費綜計每運須賠銀二三萬兩殷實者八九蕩產中下之戶更不堪問若再代運必致現存之船全

數折賣船戶既受大累運務終歸無濟不能不亟籌變通之計目下海禁已開奉天各海口多有江浙直東貨船在彼販運連檣停泊迴非昔年船少可比上年錦口自雇張福順等船裝來粟米一千三百餘石是其明證應請嗣後此項米豆改歸奉省自行雇船運津何時米豆辦齊即何時就近雇運其勢較便無須守候逾年又省來回水腳庶免貽累鄰封敘怨商民且東南各省漕糧皆係備船自運奉省應納之糧雇船運送亦分內之事直省備船代運本係通融辦法若商船尙多兌運又速斷不容稍有推諉今津甯船戶萬分困苦守候往返糜費過鉅勢不得不請歸該省自運以專責成並非取巧等情稟經該道核明詳

奏前來臣確加查察該船戶等實因生意大減運務屢賠鉅貲船隻日漸折毀津貼無措苦累不堪擬難強為勒催再令代運應請

准歸奉省自行雇船運津以紓鄰困而歸便捷所需水腳等項仍照舊章由直籌撥搭解若慮奉省海船不願承運並請仿照南省海運准其一二八搭貨免納出口進口稅釐當更踴躍其米石到津後起卸運通一切事宜仍由天津道督同地方官妥為經理接運所有奉省米豆海船擬變通辦理緣山理合恭摺具陳伏乞

皇太后 皇上聖鑒敕下戶部嚴准施行謹 奏

擬陳永定河保案片 同治十一年九月十七日

再查永定河古稱難治雍正乾隆年間物力豐盛屢改下口僅獲苟安伏讀

高宗純皇帝觀永定河題詩注云目下固無事數十年後殊乏良策未免不念惕然等因欽此

聖哲先幾之明萬世臣子同深欽佩迄今百數十年下口益淤中洪益聖專恃夾隄東水本無善策又經兵燹彫殘之後部撥歲搶

修額款疊次停減廢弛更甚上年異漲沖潰多處督飭在事各員躬數月之力補苴罅漏水旱各口倖均堵合又借賑款加培隄

搶倘為撙節覈實其勞苦出力者不得不據實保獎以資激勵本年七月十七日御史邊寶泉奏奉

上諭近聞永定河北岸隄工決口前據李鴻章奏保永定河合龍出力人員摺內聲稱兩岸隄埝已培補堅厚何以又復潰決在工

人員所司何事著即查明參奏並著該部將前次保案即行撤銷等因欽此其時蓋不知臣已查明漫口情形於七月十六日先行

專摺參奏並自請議處未敢稍有回護也竊思河工修防各有汛地賞功罰過理貴持平本年七月間北岸頭工下汛十七號水大

漫隄成口係石景山同知王茂燠署北下汛縣丞唐照防守地段距上屆盧溝橋南岸石隄合龍工段計七十里之遙若以北岸防

守不力之過而加於南岸經修完固之員一隅失事之咎而罰及通工保護隄段之人似不足以示勸懲況河工向例決口必須查

參合龍即須覈獎未聞有罰而無賞者上年兩次決口臣俱照例參辦合龍則亦照例請獎決口只責專汛合龍必資眾力歷辦

成案皆然非自今日始也至石土各隄失修多年春開僅能擇河

隄卑薄處加培高或三五尺寬或二三丈不等冀以塘護漾水因北岸頭工十七號原有隄埝與加培處高低相平故未月行加工不意七月初二夜水勢過猛大溜頂沖浪頭擡高數尺翻過隄頂竟至無從措手實非已經加培處所偷減尺寸不能禦水之咎且前次保案原係合龍出力並非因培隄月行請獎即臣彙獎單內均照尋常勞績核擬並無冒濫加優之處此次漫口仍調前保各員熟手晝夜趨辦得以妥速竣工其勞動實未可混合無仰懇天恩准將撤銷之盧溝橋石隄五號尾大工合龍前後兩次保案敕部更正注冊仍遵前旨將彙獎清單覈議具奏以昭平允而勵將來出自逾格鴻慈是否有當理合附片懇陳伏乞聖鑒訓示謹

奏稿

四

奏

Blank columns for the main text of the document.

周復留直片

同治十一年九月十七日

再查奏調河工差委江蘇候補知府周復上年會辦盛溝橋石隄五號大工合龍案內經臣以該員耐勞忍苦辦事核實冀於直省河防有裨保請免補本班以道員改留直隸儘先補用奉旨著照所請該部知道欽此嗣在吏部議覆仍令補交離官分發銀兩改留直隸俟補缺後以道員補用此次北岸頭工十七號漫口臣又奏明飭令該員馳往工次會商河道李朝儀趕緊搶堵正值秋汛水大經費支絀眾心疲懈勢難必成該員力任勞怨早夜經營多方鼓舞竟能勉期成事使河流及早復舊毋誤窮民種麥之期尤為有裨時局據永定河道李朝儀稟稱該員周復兩次來工經年督役果敢任事忠實性成凡危險喫緊之工得無疏失而能成者皆該員之力居多在尋常勞績百數十人中實為異常出力應懇奏請仍以道員留直補用等情臣查河務棘手之際得人為難該員向辦工程深知款要近年派往永定河查勘籌辦歷練較熟操守廉潔是式淨靡是以臣於本年三月間附片據實懇恩留直以道員補用以為任事認真者勸前案現經戶部更正部議既准俟補缺後以道員用今屆搶堵險工公速成事實賴其力雖部章尋常勞績不准免補本班惟河工熟諳機宜樽節款項者殊不易得亟須儲才備用相應懇恩特恩將補用知府周復仍照前保免補本班以道員留直儘先補用俾資贊助嗣後不得援以為例伏乞聖鑒訓示施行謹附片具奏

河工要缺變通酌補片

同治十一年九月十七日

再查河工要缺例歸外補永定河五廳二十一汛皆按資格由藩司河道會詳題咨序補向未准有酌補之案惟是人才有強弱工段分平險營有積存累考之員而不勝煩劇經明行修之士而未諳工程乃為例議所拘未便乘而勿用則臨事必至貽誤今欲講求實濟須才與事稱酌量器使可漸收效查地方州縣有實係人地相宜例准聲明請補而河工要缺尤關係百姓安危應擇其最險之工如永定河南岸同知南上汛霸州州同南下汛宛平縣縣丞南二工良鄉縣縣丞南四工固安縣縣丞南七工東安縣主簿北岸同知北下汛宛平縣縣丞北三工涿州州判等缺據該河道李朝儀稟稱擬請不拘序補章程或由現任升調或由候補試用內通融揀補必得熟諳河務能耐勞苦人員庶用其所長而備指可恃以上各缺應均改為酌補如數十年後或變險為平及他汛平工或又變為險山河道查明詳奏核請更改其餘次險工段員缺仍照例核辦當此河務廢弛已久有志者徒勞而不能驟見功效心力漸灰其旅進旅退者又以害多利少而不能振作非於進賢之途略寬文法使其砥勵斷難日有起色所有河工險要員缺擬請隨時變通酌補緣由謹附片具陳伏乞聖鑒敕部嚴准施行謹奏

鎮海輪船留津開 同治十一年九月二十三日

奏為酌留閩省新製鎮海輪船駐津巡緝並籌經費章程恭摺
仰祈

聖鑒事竊臣前在總理衙門會同戶部議覆福州將軍文煜等奏
續造輪船應如何分派各省一片以閩局製造輪船原為備物制
用並應分佈海口以期熟悉風沙如直隸之天津等處海道可通
若撥用閩省船隻可節閩局薪糧且不致以有用之船置之無用
應令體察情形分別撥往應用所需薪糧各費准由各該省洋
藥釐金項下就近動支等因具奏奉
旨依議欽此查遠前來伏查北洋三口洋面遼闊向未專設巡洋
水師亦無捕盜輪船現值各國通商輪船雲集中國僅有商船漁
船可以出口海口數里以外聲息難通誠恐盜賊乘間竊發天津

為京師門戶各國官商往來輻輳英法俄美皆常有兵船駐泊我
亦必須有輪船可供調遣稍壯聲威臣於上年四月內咨商前兩
江督臣曾國藩飭調滬局操江輪船赴津為北洋巡哨之用其薪
糧由蘇省撥發所需煤炭洋油各項就近由天津機器局支給該
管帶官總兵馬復震沈毅有為近來屢派赴奉直一帶洋面梭巡
甚為得力惟通商總匯之區僅備用滬局一船尚不足以資周轉
閩省輪船既須分佈並應籌商添撥本年春間閩廠萬年清安瀾
輪船運解賑米到津當飭津海關道陳欽天津機器局道員沈保
靖前往查驗或船身過大或喫水較深均於津郡海口不甚相宜
聞其新製鎮海輪船係兵船式樣可期適用復經咨商閩浙督
臣文煜福建撫臣王凱泰飭據船政提調道員夏獻綸覆稱該船
於五月底竣工六月初出洋試演茲已揀派把總陸倫華管帶於

李文忠公奏稿 卷二〇

八月二十三日駕到津臣督同海關道陳欽機器局道員沈保
靖吳贊誠等親往驗閱該船計長十六丈船尾喫水十一尺汽爐
馬力八十四匹氣機等均在水綫以下實係兵船式樣船身堅固礮
位精利陸倫華人尙幹練向在洋船幫影風沙礁島皆已熟習輪
船喫水尺寸出入天津海口亦為便利自應遵照總理衙門奏案
撥歸直省留用隨時與滬局輪船輪替出洋駐泊且可與東海山
海各關現撥輪船聯絡會哨據閩省咨冊管駕舵水管輪升火等
項薪糧大建月支銀一千一百七十八兩小建月支銀一千一百
三十八兩三錢三分三釐三毫公費一項現議月給銀二百四十
兩此有定之款每年約需銀二萬兩上下至煤炭大宗及油漆
釘繩旗幟號衣履寬引水添派弁兵等無定之款尙難預計此項
經費甚鉅總理衙門原奏准由洋藥釐金項下動支查津關洋藥

釐金奏明專作海防軍餉每年約收銀六七萬兩全數撥充支應
局月餉尙多不敷實難再議分撥臣先與該關道籌定新購洋藥
釐金一款擬即專作輪船經費如有不敷應查照山海關成案暫
由四成洋稅項下酌量勻撥據實詳銷該船隨時小修所用生熟
鐵器具及外洋貴重物料由天津機器局察酌購製給領備船身
損壞必須上馬大修仍令駛赴閩廠修理其餘未盡事宜容再督
飭妥辦再臣每年分駐天津省城兩處久暫未能預定現留鎮海
輪船自應督率調遣應仍歸津海關道鈐東節制以專責成所有
調用閩省輪船駐津巡緝北洋緣由除咨查照外理合恭摺具
奏伏乞
皇太后
皇上聖鑒訓示謹

四九七

奏

頃請撥款辦工代賑

奏為預請籌撥庫款以備來春辦工代賑之需恭摺仰祈

聖鑒事竊照直隸地方本年六七月間雨水過多西北口外山水

暴漲匯注各河致永定河北下汎漫口大小清河諸龍河陡岸亦

多漫決滹沱河本無隄防橫流四溢近河州縣村莊多被淹浸經

臣分別籌辦奏報仰蒙

恩准截留江北漕米十萬五千餘石接濟民食現在永定河漫口

合龍被水各處亦經督飭地方官查勘疏消幸晴霽日多客水漸

次撤退高地秋收尙好水涸之地不誤種麥惟窪區積水過深計

順屬災分較多除由府尹臣另請添撥銀米外臣即於截存江北

漕米項下撥給順屬六萬石其餘四萬五千餘石歸直屬災歉州

縣一律改賑為撫已派定米數分飭印委各員趕緊領運查明戶

口核實散放以資接濟應需運脚等項由籌賑局另行酌撥伏查

上年賑務臣於奏請截留漕糧外復請於濟運兩庫添撥銀二十

五萬兩並由南省協濟集捐乃克支持危局本年被災情形固較

上年為輕但所請米石除去順屬賑需直隸所餘無幾其災分較

重之安州河開任邱天津雄縣獻縣新城安平靜海深澤等處分

給前項漕糧今冬尙可敷衍來春青黃不接窮民乏食堪虞且河

道多被衝壞隄埝未補去路未通若任其廢弛不修卽水小之年

難免漫溢如省城進東之滹龍河口及白洋等淀淤墊日甚南

隄一決遂與滹沱合流為患甚大議將下口開寬濬深並將西淀

河開挖引河以期疏暢大清河雖經今春挑築而限於地勢盛漲

不能容納亦須擇地開挖減水分流之河以殺其勢其各該河民

隄漫口現當災歉之餘民力實有未逮亦必官為籌堵使水歸正

奏稿二十

九

道又永定河善後各工仍須察看加修文安大窪積水尤應擇地挑挖引河莫稍疏洩已商飭司道分派委員詳細查勘妥議辦法明春次第開工招集附近飢民供役俾資糊口自來救荒之策若帑項充足散錢發粟賑戶口雖數百萬不為多若經費支絀挑河築隄以工代撫雖十數萬亦有濟當此物力艱窘庫儲拮据臣與藩司孫觀再四籌商移緩就急擬於司庫地丁項下備數催提酌撥銀十萬兩以為來春賑需即擇辦前項要工以工代賑合無仰懇

天恩准照辦理俾災黎藉得備趁庶免失所流離而河道稍固隄防亦可減輕水患洵屬一舉兩得如有不足再於籌賑局節存捐款練餉局江南協款內隨時酌量撥此項緊要工程專為接濟災民量工授食通力合作礙難照例估計臣當督飭司道遵委廉

奏稿二十

十一

正耐勞之員核實經理認真查察斷不准絲毫浮冒事竣開單奏報免造冊冊以符向章除將各州縣災歉蠲緩事宜另行議奏外所有預請籌撥庫款以備明春辦工代賑緣由理合恭摺具陳伏

乞

皇太后

皇上聖鑒訓示遵行謹

奏

奏報機器局經費摺 同治十一年九月二十三日

奏為天津機器局自九年八月至十年十二月動用經費各款摺案開單奏報恭摺具陳仰祈

聖鑒事竊查天津機器局自同治六年四月開局起至九年七月底止經前任三口通商大臣崇厚等將創辦情形動用經費開列簡明清單具奏欽奉

上諭天津機器局告成所有單開用過銀數即著准其開銷應如何斟酌添製開拓之處著交李鴻章妥為籌畫奏明辦理等因欽此臣遵即將該局事務悉心妥籌酌量開拓飭委湖北補用道沈保靖總理其事並委津海關道陳欽會同經理疊經奏明在案該道等接辦以來加意研求配製洋火藥銅帽添造機器礮彈礮架等件均屬精利適用增建廠房添購礮器興造藥庫加築圍牆亦

奏稿二十

十一

經次第規畫駕馭中外匠役實心實力處置裕如整頓一切具有條理可冀漸收成效惟上年夏秋霖雨連旬洪流暴漲局地低窪遂成巨浸非特新建工程勢須停頓即已成各工購到物料猝遭淹浸諸形棘手該道等督率員役極力補救將機器房座設法保護並將技藝未精之洋匠分別辭退以節經費總管洋員美國領事密安士於機器未甚精潔亦即因病撤差另募熟手接辦交冬以後水勢稍退涸出各廠早經修復其淋硝合藥廠基低處逐漸增高鑄鐵熟鐵鋸木等新廠未竣各工趕緊相機籌辦增購外洋碾藥機器亦俱陸續運到仍就現在規模妥為措置所有該局動用款目自同治九年八月起至十月底止係前署三口通商大臣成林等經辦九年閏十月起至十月底止係該道等經辦前任通商大臣崇厚報銷案內尚餘銀一千三百五十八兩五錢

二分三毫物料約值銀數千兩該局陸續由關庫四成洋稅項下領過銀二十五萬六千八百八錢九分五釐六毫共計一年零六箇月支用銀二十四萬四千九百八十八兩九錢七分八釐二毫一絲二忽截至十年冬底止仍存銀一萬二千五百六十六兩六錢二分三釐六毫八絲八忽尚餘一切物料約值銀五萬數千兩甚為數節省茲據該道等詳稱局內所購機器物料來自西洋名目互異筆難盡譯其製造諸法隨時與洋匠講求改變費工費料較多中外匠役量才給值高下懸殊又復隨宜損益均無例價可循核與軍需營造各則例實在不能相符亦未能劃期造報仍懇援照成案開單請銷會詳請奏前來臣查該道沈保靖在上海辦理機器局務多年於外洋製器事理聞見較熟時與津海關道陳欽經營商推深費苦心且能破除情面嚴束員匠樽節經費毫無虛糜臣就近隨事督察日省月試據詳各節委係實在情形若飭令將名目件數逐細造銷勢必多方遷就轉非核實之道謹援照向章繕具簡明清單恭呈御覽合無仰懇天恩敕部查照成案照單准銷實於局務有裨除咨總理各國事務衙門戶部知照外所有天津機器局一年零六箇月動用經費據實開單緣由理合恭摺具陳伏乞皇太后皇上聖鑒訓示謹奏

謹將天津機器局自同治九年八月起至十年十二月分止收支各項銀兩分列款目繕具清單恭呈御覽

計開

舊管項下
一原存庫平銀一千三百五十八兩五錢二分三毫

新收項下
一收津海關陸續移撥四成洋稅庫平銀二十五萬六千八百八錢九分五釐六毫

一收總理洋人美領事密安士等借支物料繳回原價庫平銀一百十六兩一錢八分六釐

以上共收庫平銀二十五萬六千一百九十七兩八分一釐

六毫
開除項下
一給發員弁司事人等薪水心紅紙張等項庫平銀一萬四千五百六十五兩九錢一分一釐八毫六忽

一給發總理洋人及各廠洋匠薪水工食等項庫平銀四萬七千四百四十六兩七錢一分五釐二毫七絲五忽

一給發仿造外洋機器火藥銅帽工匠學徒夫役工食等項庫平銀二萬八千九百八錢八分五釐八毫四絲八忽

一給發采買外洋銅鐵鋼鉛木植煤炭硝磺漆油鐵水雜物及起運器料公司保險輪帆各船脚價等項庫平銀六萬五千九百五十一兩一錢五分七釐七毫五絲七忽

一給發仿造外洋廠屋住房藥庫挖濠墊土各工購買外洋油松

...

子... 2 反正身

火泥及采辦缸瓦石等項庫平銀三萬八千七百三錢三分三釐六毫八絲八忽

一給發定購藥礮銅帽捲銅皮機器及購到火輪機磨各件海防備用後門進子銅礮等價及洋行墊本利銀公司保險等項庫平銀四萬三千五百七十二兩三錢一分四毫

一給發天津行營製造局及上海操江測海輪船巡防津沽支撥物料等項庫平銀七千二百八十九兩六錢六分三釐四毫三絲八忽

以上共支庫平銀二十四萬四千九百八十八兩九錢七分八釐二毫一絲二忽

實在項下

一存庫平銀一萬二千五百六十六兩六錢二分三釐六毫八絲八忽

八忽

奏稿二十

五

劉盛藻赴陝接統銘軍摺 同治十一年九月二十六日

奏為稟司劉盛藻遵

旨來津臣與商定機宜飭即克期赴陝接統銘軍並豫籌交替一切事宜恭摺具陳仰祈

聖鑒事竊臣承准軍機大臣字寄同治十一年八月初五日奉上諭遇缺提奏按察使劉盛藻向隨劉銘傳在營帶隊約束嚴明最稱得力此時曹克忠所部銘軍兵將既不相洽若不易人統帶必至以百戰勁旅悉行潰散後患殊深著英翰傳知劉盛藻兼程前赴天津聽候李鴻章面授機宜迅行赴陝接統銘軍不得稍涉遲回致滋貽誤等因欽此臣遵即專面飛催劉盛藻刻日由籍起程旋接稟稱該司自九年冬假回後舊疾時發今秋更形加劇兼之親父年邁不忍遽令遠離惟仰蒙

奏稿二十

六

優詔敦促義何敢辭即於八月二十五日力疾就道前赴天津等語該臬司遂於九月二十二日馳抵津郡臣正與籌商聞欽奉九月二十四日

寄諭陝省防務緊要銘軍素稱勁旅統帶需人劉盛藻一抵天津李鴻章即指示一切防勦事宜飭令該司克期赴陝以資得力並將抵津及起程日期先行具奏等因欽此臣前因欽奉

諭旨以此軍不但無益陝防且恐激生事端應如何撤回安插俾有用之兵不至潰散為患地方等因是以奏請

救下劉盛藻迅往接統妥撤回南徐籌安置惟軍情旦夕變更殊難逆料昨據駐防長武銘軍統帶總兵丁汝昌稟稱甘軍楊世俊所部奇營紅白旗馬隊在馬營監瀆變襲脅眾由秦州東竄清水欲犯陝照曹克忠親統乾州馬步七營於九月初七日由扶岐

大路往堵並調邠州銘軍先鋒馬隊七成走汧隴小道迎擊先鋒營官潘萬才帶隊行至麟遊縣屬柵木鎮二十里之山窩內適遇該潰勇由靈臺縣來當即布陣環攻恐數收撫計人馬六百餘駐防鳳翔總兵徐邦道亦收降潰勇百餘人並據探報河州大東鄉回黨復有蠢動之說等情曹克忠咨報大略相同是甘省戰事方殷隴上一日未定即關中一口不安陝西撫臣邵亨豫來函盼望劉盛藻速往且謂銘軍必須留鎮以維大局勢不能遽議撤回臣復與劉盛藻再四籌商以曹克忠去冬接統後各營統帶營官略有更易舊日得力弁勇多已逃回陸續就地添募難保無游勇會匪日濶其間常不免造謠生事茲前往整練必使盡復舊觀防勤始為可恃現駐保定之銘字親軍洋鎗炸礮兩營本係劉銘傳與該司隨身勁卒上年經劉銘傳帶回移交臣留衛護輔應仍調

奏稿二十

七

歸該臬司帶往陝西以資護衛鈐制所需餉項軍火臣竭力湊撥用備不虞又軍中襄事得人為要劉盛藻以書生從戎身經百戰廉正恂謹饒有儒將之風發統銘軍尚多得力熟手查有記名提督駱國忠義能服眾智足應變前總理營務駱馭得宣十年七月開劉銘傳請假離營摺內曾舉該員自代湖北補用道閔克顯僕實廉勤久辦銘營轉運糧餉措置妥洽臣已檄調該二員隨同劉盛藻赴陝幫同整頓一切該臬司既為銘軍將士所悅服又得駱國忠等相助為理自可操縱裕如現定於十月初二日由津起行赴陝臣已刊給總統銘字武毅馬步各軍木質關防飭於抵陝後接統該軍認真訓練遇有防期事宜隨時就近稟商撫臣邵亨豫妥籌調度一面通報查考陝甘局勢大定再由臣察度緩急商令撤回安置其解運餉項軍裝等項仍照曹克忠舊章由湖北後

路糧按月籌撥搭解西安糧臺交詹事府少詹事袁保恆轉運到營勿稍缺誤至曹克忠前以足瘡加劇人地不宜請選賢能往代臣已於八月初二日奏明在案旋又接其八月二十二日來函求退愈切並請於交替後飭調該提督回津養病身候差委頃又接據九月十四日來函以力疾迎勦潰勇雖收撫淨盡而病勢有加仍懇酌揀大員來陝接替俾得靜心調治等語該提督一聞營信帶隊急馳定變俄頃忠勇奮發殊堪嘉尚惟久患足疾平時聯絡訓練未能周到既據再三懇懇請俟劉盛藻到營後逐細交替清楚准令回津調養劉盛藻未到以前仍責成該提督照常布置前據該提督報稱添募親兵三營三哨並隨營差遣員弁甚多現在餉源竭蹶應陸續籌造撤勿任滋事俟會同劉盛藻辦妥一切再行離營該提督前奉

奏稿二十

六

旨辦理肅州一帶軍務准其專摺奏事茲肅州毋須前往且將交替營務應否由臣傳知該提督毋庸奏事如有必須陳奏事件或否由臣處轉奏抑由陝西撫臣代奏之處恭候命下遵行所有劉盛藻來津商定機宜剋期赴陝接統銘軍緣由謹繕摺由驛覆陳伏乞
皇太后
皇上聖鑒訓示謹
奏

潘鼎新留津彈壓片 同治十一年九月二十六日

再頭品頂戴前山東布政使潘鼎新於同治九年三月開丁親母憂稟經 具奏奉

旨著准其在籍終制欽此同治十一年六月該藩司服闋在安徽原籍呈報起復現在由籍赴京道經天津擬將赴大名一帶閱兵回省正慮津郡冬防喫緊難以分身督率查潘鼎新由舉人從軍歷年帶隊前敵克復蘇浙各城勦平東西捻股戰功最著同治四年夏間直東軍務告警 奏令該司統率洋鎗隊十餘營由上海雇搭輪船航海赴津繞至山東攔頭迎擊七年四月張總愚大股直撲天津該司會同郭松林等統軍兼程追擊獲解城圍實屬深知緩急有裨大局津郡軍民尚懾服其聲威現在留防將弁多係該藩司舊部及行間其事之人懇

奏稿

九

恩飭留潘鼎新暫駐天津會同鎮道及各統領督飭認真操防彈壓以靖地方俟明春開河 回駐津郡以後再令該藩司赴京

陛見恭候

簡用是否自當附片具陳伏乞

聖鑒訓示謹

奏

請續撥張家口糧臺部餉摺 同治十一年十月二十二日

奏為續懇

飭撥張家口糧臺部餉摺仰祈

聖鑒事竊據口北道奎斌稟稱同治九年十二月間奉飭在張家口設立糧臺領到部餉辦運口外各路軍糧截至十年年底止尚存正款銀一萬四千五百餘兩除平銀七十六兩有奇業經造冊報銷十一年三月內續領到部餉銀三萬兩計自本年正月起調赴伊犁吉林官兵五百名調赴哈密黑龍江官兵五百名駐紮烏城吉林頭起黑龍江二起官兵五百名達爾濟所帶察哈爾官兵一千名應需口糧均已運至十二年四月杜嘎爾所部吉林二起察哈爾五起並隨營官兵五百餘員名應需口糧已運至本年十月惟黑龍江四起官兵口米僅運至本年正月其二月至十月米石雖已備辦尚未奉飭起運統共運過兵米一萬二千餘石所需米價並牛毛袋單油各袋細繩等項以及辦運駐紮庫倫宣化古北口練軍裝盛米麵繩袋暨糧臺委員薪水倉夫斗級工食賃房價值統共用過銀四萬八千餘兩除將前次報銷存款及續領部餉儘數動支外又在練餉局解到駐防庫倫之宣古兩軍米價內借墊銀三千餘兩現由察哈爾都統奏飭將各路官兵明年五六月七等月軍糧運是以備緩急業飭委員起緊來辦查各營口糧運至明年七月尚需米三千數百石又奉文添辦烏魯木齊都統行營日需米四百石及庫倫宣古兩軍繩袋等項需款甚鉅稟請奏撥前來臣查西北各城征兵軍糧皆須由口北糧臺及時購運以來經臣三次奉撥部餉銀九萬兩該臺陸續動支尚為樽節現值籌運明年兵米待用孔殷相應請

旨救下戶部迅速照案籌撥銀四萬兩仍由順天府尹就近派員
領解赴臺俾濟要需而裕兵食所有續請
飭撥部餉緣由理合恭摺由驛具陳伏乞

皇太后

皇上聖鑒訓示再臣現抵大名校閱營伍事竣即由廣平順德沿
路閱兵察勘地方情形赴正定校閱回省合併陳明謹
奏

奏稿二十

三

會議豫省鹽運加價改章摺 同治十一年十一月初三日
奏為會議豫省鹽運加價改由各商隨引交銀就近解部以補
工經費恭摺陳仰祈

聖鑒事竊查豫省行銷鹽加價一款上年升任河南撫臣李鶴
年請改於龍王廟入境時派員查收繼請仍照同治六年章程查
鹽於入境之時收價於銷鹽之後疊經戶部議奏事關撥補榮工
能否照數徵完應由臣體察情形會同妥籌辦法等因當經分別
咨商飭議嗣據長蘆運司議由南引各商每年按引攤交銀四萬
兩免由豫省抽收撥累臣恐各商有規避情事復飭詳加考察又
據該運司以商人領引築鹽有坵員監視開關放行有該司及委
員秤驗自津至豫所過州縣十數處悉按水程行知稽核勢難夾
帶重斤既不憚坵關及沿途州縣考察又何慮豫省委員盤查實

奏稿二十

三

無規避尙屬近情惟該商等認交銀數較少飭令每年以五萬兩
為率於領引時交庫轉解一面函牘咨商河南撫臣錢鼎銘飭據
該省藩司糧道會議豫省就地稽收既有查催之繁又未能立
見大宗若由長蘆按引收銀五萬兩可成鉅款事甚簡便並請就
近解部等情詳經該撫臣核定照辦咨請會奏並行據長蘆運司
得羅成孚酌議章程詳覆前來臣維近年長蘆商情疲累萬狀實
緣兵燹之後災歉頻仍生鹽短絀昂貴成本已增一倍南引運路
千餘里河道淺阻其間駁易舟車腳價更重再由豫省抽收加價
雖加於民間仍由商包繳商力彌形拮据是以前督臣曾國藩與
臣皆有停免豫捐之請原為保課恤商起見不得不因時變通若
必以此項撥補榮工經費於保課恤商之中尙須兼顧部款部議
既未能停免臣何敢過事拘執查豫省原定章程於龍王廟進口

兩處各有委員稽察驗放復由行銷盛鹽之五十二州縣按月飭查該店總帳分季催收且有領照銷照旬報月報之繁層折甚多徒滋煩費故未幾而李鶴年請由各商自行彙交裁撤各處委員然每年定以八萬兩銀數太多商益加累兩限以後即行拖欠亦非得已蓋捐款格外加徵正課關繫尤重欲使課捐兩無虧缺必量商力之所能行若僅顧官款不恤商艱則商力不支參懸接踵正課必因而貽誤部議以當此帑項未裕薩務尤艱所以保課恤商須歸盡善誠為至論自應妥籌辦法以期公帑商情兩得其當現經臣飭司議由各商每年按引攤捐銀五萬兩咨商錢鼎銘飭據該省司道會議各商覆彼此意見相同應請照此定議此項捐款本由加價而出雖計應加錢數較所交銀數稍多但原議加價本未能一律照加前此豫省收款半由各商自行彌補且現時成本

太重銀價太昂賠累甚鉅應將該省原定加價錢文仍循其舊以示體恤而符名實並由豫省各該州縣實力查緝私勿任充斥侵灌免致辦理掣肘所有本年春夏兩季已由豫省抽收毋庸更議即以同治十一年秋季為始凡南引各商每年共交銀五萬兩一律隨引均勻攤交長蘆運庫就近解部本年引目現已將次領竣無憑隨引收繳應將秋冬兩季銀二萬五千兩勒限於十二月內如數呈交司庫解其自明年起即隨引攤交惟各商領引向須秋關方能踴躍嗣後每年應解銀兩應俟秋關領運完竣彙批解部以歸簡捷豫省就地稽收一切事宜亦均以本年秋季停止並將局卡裁撤現雖查無規避情事但南引均在道口落廠實為要衝恐有奸商舞弊應歸長蘆派委廉勤安實正佐各一員前赴道口設局由司將告運商名引數按旬開單飭知該員等俟引鹽

奏稿

五

奏稿

五

到岸認真考核倘有奸商夾帶隱射濫賣等弊立即照例懲辦該局應需書役及薪水飯食房價紙張等項悉照豫省舊章辦理書役責成委員嚴加約束不准絲毫需索委員責成長蘆運司稽查惟道口距津較遠並由豫撫轉飭該省司道協查儘委員怠忽徇縱詳請咨會撤參其龍王廟落岸之鹽絕少即由該地方官就近稽核毋庸設局至長蘆出庫南引以近五年從多計算一年可及十五萬數千道每引議攤銀三錢五分每年可收銀五萬餘兩除應解正款五萬兩其平飯解費及設局經費一併核實開銷但能否如數領引殊不可必將來設或不敷應由該商等攤補足額倘有盈餘仍存司庫備抵下年解款此係各商公議既有加價劃抵不准藉口短欠而樂工撥補之款不過量展年分亦可逐漸歸補冀於庫款商情各無窒礙仍由臣隨時體察豫省銷數及課款

情形

奏咨安辦所有會議緣由理合會同河南撫臣錢鼎銘合詞恭摺

覆陳伏乞

皇太后

皇上聖鑒敕部知照謹

奏

外省捐賑請獎片

同治十一年十一月初三日
再上年天津河間等府被水成災經臣籌款賑撫並奏明由南省勸捐接濟所有勸辦出力各員疊經

奏獎在案茲查有三品銜浙江補用道史杰鹽運使銜前甘肅平慶涇道方臻大籌勸捐出力史杰復於鹽商捐款內湊集實銀一萬兩方臻大復捐棉衣八千件先後解交天津籌賑局搭放實屬好義急公異常奮勉史杰方臻大均擬請賞給二品頂戴俾昭激勸此次淮南商捐銀兩及棉衣折價合計至二十二萬之多均由在事各委員自備資斧實力勸辦不無微勞足錄據兩淮鹽運使方潛頤江蘇遇缺題補道徐文達稟請核獎前來相應繕具清單恭呈御覽仰懇

奏稿二十 天恩准予分別給獎以示鼓勵理合附片具陳伏乞

聖鑒訓示謹奏

奏留彭楚漢片

同治十一年十一月十二日
再大名鎮總兵彭楚漢蒙

恩簡授福建水師提督自應檄赴新任惟查該提督係前陝甘督臣楊岳斌部下著名驍將轉戰水陸各路久經大敵謀勇兼優同治八年經前督臣曾國藩奏調來直委令統帶保定馬步練軍臣接任後見其訓練嚴整巡緝地方擒獲積年梟匪盜首多名軍民感戴旋奏請補授大名鎮總兵又飭添帶大名練軍二營天津雄軍一營此次校閱該部兵隊整肅異常實為不可多得之將伏思畿輔為根本重地選將練兵必須得人彭楚漢所統保定大名練軍五營悉心募練頓改舊觀緩急尚為可恃礙難遽易生手昨奉十月二十三日

奏稿二十 寄諭以鮑源深奏請思慮豫防

飭於畿輔西邊要地安置數軍以壯聲援查大名在直省西南該鎮營汛多與晉邊接壤彭楚漢訓練調度既甚得力尤未便即令交卸合無仰懇

聖恩准其暫緩赴福建新任仍留署大名鎮以資鎮遏而固畿防如蒙

俞允應請

敕下閩浙督臣揀員署理福建水師提督俾李成謀早赴長江是

否有當伏乞聖鑒訓示謹附片具

奏

盧課緩解片 同治十一年十一月十二日

再本年長蘆正課奏銷前因上年災歉
奏明緩至十月原期依限徵解詎夏秋大雨西北山水驟至順天
保定正定河間天津各屬沿河州縣低窪之處猝受其害灘窪地
地大率被淹引岸壘包亦有沖化新收既極形歉薄舊存又多歸
烏有遂致鹽木大昂且程途間有積水秋運不能及時腳價愈重
銷數愈細臣駐津時屢據各商呈懇將已緩本屆奏課及來歲應
徵正課分年推展帶徵因奉撥東三省兵餉及京餉要需羽檄分
催未便率准批飭勉力指繳仍令運司察看情形隨時妥籌稟辦
茲據運司成孚以開徵兩旬有餘雖加卯比催課款尙無成數酌
量議稟前來臣維蘆商疲累已久如果本年暘雨調勻產豐銷暢
自可竭力輸將乃災患頻仍收歉銷細力實不支即使一味嚴追
概行參革非特參不勝參而課項虛懸仍無資濟嘉道年間雖疊
有推緩帶徵成案但在庫儲充裕之時則可今
國帑支絀餉需緊急何敢援例相衡惟有量予體恤以冀公帑商
情兩免竭蹶現飭運司逐日開卯傳集各商勒限比追勸懲兼施
無論如何為難總期正課照額徵足惟年內為日無多京奉餉需
勢不能同時徵解奉天等省待餉尤迫應將徵起之項先儘奉餉
於年內解清其本年應解京餉儘數陸續接解不過稍寬時日決
不任其懸宕將來報解稍遲事出有因應請免其查參至應徵京
外各衙門帑利向係年終必需之款惟歲歉商困實難兼顧擬請
緩至來歲三四月間徵解俾得先順正課商力稍資周轉查地方
被災丁糧業經分別
奏緩鹽務課幣情形略同相應仰懇

天恩俯念長蘆遭災歉商情窘迫准照辦理仍俟本屆課幣解
清奏銷辦竣再督同運司察酌明歲正課如何籌辦續行妥議理
合附片陳明伏乞
聖鑒訓示謹
奏

奏稿二十

天

截留京餉摺 同治十一年十一月十五日

奏為津海關稅項不敷海防餉需本年京餉勢難續解援照歷屆成案留用並請將來年指撥京餉懇

恩飭部改撥恭摺仰祈

聖鑒事竊臣上年九月內因通籌津郡餉需不敷支應奏請將同治十年分津海關短解京餉銀兩准予截留並十一年應解京餉酌量減撥奉

旨戶部議奏欽此旋准部議將該關欠解十年分京餉在其暫行留用仍照舊撥十一年分京餉天津關常稅銀五萬兩洋稅銀十萬兩行令於本年五月並十二月初間全數解清當經轉飭遵照在案茲據津海關道陳欽詳稱天津鈔關徵收常稅暨內務府盈餘等項本年四月間奉撥織辦

奏摺二十

元

大婚賞件銀三萬六千七百兩其餘銀一萬二千四百三十三兩零備收解部詳請抵解京餉所有欠解銀十萬三千五百六兩零現奉戶部奏催趕解查同治九年冬間奉飭籌議天津海防練兵月餉合計津海關六成洋稅洋藥釐捐及東海關協餉以洋稅暢旺之時為率約可撥銀二十八萬兩今自同治十年十一月二十一日第四十六結起至十一年八月二十八日第四十八結止共徵收洋稅銀二十二萬七千一百三十三兩零除專歸機器局四成並八分經費及一分二釐火耗外核計六成洋稅止有十四萬七百六十七兩零又自八月二十九日起至十月底止第四十九結內連未結帳船隻約計六成洋稅不及五萬兩比較上年少收銀七萬餘兩加以洋藥進口較少釐捐亦不暢旺計自上年十二月至本年十月僅收銀四萬八千八百餘兩連東海關解到協餉

銀六萬兩總計不足三十萬兩內除稅務司通年支用薪水等銀三萬六千兩已不敷海防月餉應撥之數又有奉撥采辦銅斤價

腳銀九千九百餘兩是以更形拮据查自上年豫撥本年正月

至十一月止其在六成洋稅藥釐協餉三款內撥過支應局月餉

銀二十六萬兩連銅斤價腳及稅務司薪水等項已逾三十萬之

數現屆封河洋稅無可徵收藥釐更無起色本年十二月及來年

正月海防月餉並稅務司來年正月薪水均須年前豫發支款尚

鉅而存項一空不特本年京餉難以續解即月餉亦尚須借款撥

發請將本年未解京餉銀兩援案留備海防統免解部並免再指

撥十二年分京餉等情詳請核奏前來臣查京餉為部庫要需但

有分毫可籌必應勉力措解無如津郡疊年災歉貨物滯銷稅項

日形短絀海防練軍久成定額計口授食月餉實屬不敷礙難兼

奏摺二十

三

顧京餉相應懇

天恩俯准將津海關本年未解京餉銀十萬三千五百六兩零援

照歷屆成案留備海防月餉免其報解庶可稍資周轉再臣欽奉

十一月十一日

上諭戶部奏豫撥來年京餉一摺單開天津關常稅銀五萬兩洋

稅銀十萬兩仍行照常指撥等因臣查天津自通商以來陸續練

兵就地籌餉保衛

京畿門戶均指洋稅為大宗十餘年間奉撥京餉從未有如數照

解之事歷任通商大臣各矢公忠情非得已茲將練軍各營調

營營風分駐礮臺海防未能酌裁則餉項何可稍減況劉景芳所

帶馬隊礮隊出防綏遠城仍由津郡支應局解濟亦有無從抽減

之勢所有豫撥十二年分京餉除天津關常稅銀五萬兩仍飭該

道儘敷添解部庫外其洋稅十萬兩必致無款可撥擬請
敕下戶部豫籌改撥他省有著之款以免貽誤理合據實陳明伏

乞

皇太后

皇上聖鑒訓示謹

奏

奏稿二十

呈

試辦招商輪船摺 同治十一年十一月二十三日

奏為派員設局招商試辦輪船分運來年江浙漕糧以備官船造
成履領張本恭摺具陳仰祈

聖鑒事竊查本年五月間臣於議覆製造輪船未可裁撤摺內籌
及閩滬現造輪船皆不合商船之用將來開造商船招令華商領
雇必在其兼運漕糧嗣在總理衙門奏覆以開造商船華商領
一節李鴻章沈葆楨俱以為可行應由該督撫隨時察看情形妥
籌辦理等因奉

旨依議欽此旋在總理衙門函屬遊諭有心時事之員妥議章程
俟官船工竣成規具在承租者自爭先恐後誠為力求實濟起見
臣反覆籌維現尚無船可領徒議章程未即試行仍屬空言無補
因思同治六七年開曾國藩丁日昌在江蘇督撫任內疊據道員

奏稿二十

呈

許道身同知容閔創議華商置造洋船章程分運漕米兼攬客貨
曾經寄請總理衙門核准飭由江海關道曉諭各口試辦日久因
循未有成局僅於同治七年借用夾板船運米一次旋又中止本
年夏間臣於驗收海運之暇遵照總理衙門函示商令浙局總辦
海運委員候補知府朱其昂等酌擬輪船招商章程嗣又據稱現
在官造輪船內並無商船可領該員等籍隸松滬稔知各省在滬
殷商或置輪船或挾資本向各口裝載貿易向俱依附洋商名下
若由官設立商局招徠則各商所有輪船股本必漸歸併官局似
足順商情而張

國體擬請先行試辦招商為官商浹洽地步俟機器局商船造成
即可隨時添入推廣通行又江浙沙甯船隻日少海運米石日增
本屆因沙船不敷諸形棘手應請以商局輪船分裝海運米石以

補沙甯船之不足將來雖米數愈增亦可無缺船之患等情臣飭據津海關道陳欽天津道丁壽昌等覆核皆以該府朱其昂所議為然請照戶部核在練餉制錢借給蘇浙與商章程在該商等借領二十萬串以作設局商本而示信於眾商仍豫繳息從助賑所有盈虧全歸商認與官無涉朱其昂承辦海運已十餘年於商情極為熟悉人亦明幹當即飭派回滬設局招商轉據稟稱會集素習商業殷富正派之道員胡光鼎李振玉等公同籌商意見相同各幫商人紛紛入股現已購集堅捷輪船三隻所有津滬應需棧房碼頭及保險股分事宜海運米數等項均辦有頭緒並稟經臣咨商江浙督撫臣飭撥明年海運漕米二十萬石由招商輪船運津其水腳耗米等項悉照沙甯船定章辦理至攬載貨物報關納稅仍照新關章程辦理以免藉口昨據浙江糧道如山詳稱該省新漕米數較增正患沙船不敷撥用請令朱其昂等招商輪船分運浙漕較為便捷又准署兩江督臣張樹聲函覆以海運難在雇船今有招商輪船以濟沙甯之乏不但無礙漕行實於海運大有裨益當嚴飭江海關道等和衷協力勿致善舉中輟等語是南北合力籌辦華商輪船可期就緒目前海運固不致竭蹶若從此中國輪船暢行開滬各廠造成商船亦得隨時租領庶使我內江外海之利不致為洋人佔盡其關係於國計民生者實非淺鮮除由臣隨時會同南洋通商大臣督飭各口關道妥商照料並切諭該員紳等體察商情秉公試辦勿得把持滋弊並咨明總理各國事務衙門戶部查照外所有試辦招商輪船分運江浙漕糧各緣由理合繕摺具陳伏乞

皇太后

奏稿二十

三

皇上聖鑒謹奏

奏稿二十

三

軍營米糧請免釐稅片 同治十一年十一月二十三日

再臣所部淮軍馬步各營留防

畿輔軍中食米因直屬年荒糧乏就地採購為難且恐有礙民食向於江皖等省新穀登場之際籌款豫購歷據各該統帶營官核定月需米數遵委委員前赴江南運漕汜水寶應鹽城一帶辦運稟由臣核給護照查明各該省督撫監督飭知關局驗放免稅釐並無夾帶包攬之弊本年八月二十九日欽奉

寄諭劉坤一奏各省采辦工程物料免完釐稅請旨停止給照嗣後除地方荒歉委員采買米穀賑濟仍准免完釐稅外其餘無論何省何營采辦一切物料概不得發給免完釐稅印照以杜流弊等因欽此當經轉行欽遵在案惟查兵食與民食並重畿防各軍當瘠苦荒歉之地必須越境采辦每交冬令即購備來年食米待

奏稿

奏

至春夏之交河水漲發始能起運而張秋八里廟等處淺灘或須山外江內河層遞刺運出口海道數千里轉運到津往往風濤險阻時虞失事又由陸路分運各營腳價加增動致倍蓰實與他處情形不同且兵米向有定價各營籌貼運費已屬不貲若再飭完釐稅恐不肖營員藉口剋扣流弊更大可否仰懇

天恩俯念畿防緊要准將各營采購米糧麩料仍照向章免稅釐以示體恤由臣核明給發印照嚴加查察如有委員包攬夾帶等弊即行據實參辦並將水陸各營定辦兵米數目隨時咨行各督撫監督照驗放行約計每年軍米為數有限尚於釐稅無礙而軍食得有接濟即民食不至驟昂實與大局有裨伏乞

聖鑒訓示謹附片具

奏

覆陳畿輔邊防摺 同治十一年十二月初五日

奏為畿輔邊境略有防備遵旨安籌撥陳恭摺仰祈

聖鑒事竊臣承准軍機大臣字寄十月二十三日奉

上諭鮑源深奏統籌西北大局情形一摺據稱本年甘陝之勇潰變數次勉為安插而事端已見終屬可慮晉省密邇秦隴畿輔又與三省毗連亟應思慮豫防請飭李鴻章於畿輔西邊要地安道設軍萬一西勇再有潰變庶可遏其東窺燕趙之路即晉省亦得倚為聲援等語所奏不為無見著李鴻章酌情形應如何先事豫防之處即行妥籌具奏鮑源深於秦隴壤接處所亦當妥為布置毋稍疏虞將此各諭令知之等因欽此臣伏查軍營用兵日久所募之勇或撫馭失宜或糧餉偶缺不能保無潰變之事從前東

奏稿

奏

南軍務得手時亦閒有之但使軍威尚振賊勢不張則旋潰旋定不致震動全局甘陝各營本年雖疊有小變收撫不過數日駕馭究尚得人自金積堡克復後河州就撫西甯近亦解圍是軍情已漸有起色賊勢已漸形消收萬一勇營再有譁潰臣竊度西陲各路防軍之力猶足制其奔突即使分竄沿邊散入腹地而甯夏有張曜一軍府谷皇甫川有宋慶一軍乾州邠州有劉盛藻一軍皆稱勁旅實為扼塞形勝前截後追當無他虞又況山西防河之師並未減撤門戶已可自固秦晉燕各交界崇山峻嶺重關隘人馬掠食多有未便似無慮東窺畿疆惟兵法云無恃其不來恃我有以備之

畿輔為根本重地外人窺伺內匪竊發刻刻堪虞臣何敢稍疏防備自九年移直即調督部淮軍記名提督廣西右江鎮總兵周盛

傳統率盛字仁字馬步二十三營扼紮青縣離海之交平時為海防壯聲援有事則四處備策應並令記名提督葉志超統親軍馬隊三營留防保定協同練兵巡哨彈壓此可為畿境游擊之師至西邊與晉省毗連要地正定大名兩鎮實扼其衝正定鎮總兵譚勝達留署大名鎮總兵彭楚漢均係宿將各統馬步練兵四五營尙屬整齊可用若有游匪潰勇入境責令實力防剿堪資捍禦惟北路宣化鎮汛地與山西大同及張家口外蒙地接壤前因庫倫設防調該鎮練兵千人前往頗資得力其存營練軍僅馬步五百名稍形單薄擬與練餉局司道酌籌餉需再令該鎮王可陞添練一營俾資分布直省財力奇窘疊經兵燹水旱之餘民氣彫殘正宜鎮靜休養既不敢疏虞以味先幾又不可張皇以惑民志所自先事豫防之處應仍照舊籌辦如有意外警變再由臣審察事

奏稿十

五

勢隨時

奏明調撥以期保衛

近畿仰副

聖塵理合恭摺據實覆陳伏祈

皇太后

皇上聖鑒訓示謹

奏

宋慶傳綏赴甘片同治十一年十二月初五日

再據提督宋慶前稱屢奉定安鮑源深咨行寄諭俟來歲春融仍舊該軍拔隊赴甘協剿現在料理行裝應候續調惟查甘境殘破太甚各營軍糧皆從川陝購運路遠費艱該軍向指豫餉經河南撫臣錢鼎銘照章撥解已屬竭蹶圖維駐防秦邊尙可敷衍口食若遠赴甘隴所需糧運巨款豫省力難添籌中道必至不支等語查甘省及口外情形皆不難於添兵而難於添餉若不添餉則軍裝糧草轉運不及即強將勁卒亦不能枴腹圖功且恐接濟偶缺軍心不固譁潰易生是添兵轉不如無兵也宋慶所慮固係實情左宗棠老於軍事向不欲多調客兵蓋深知甘境糧運維艱增兵無益前調宋慶往助想因湘營進取西甯苦戰力單爲此不得已之計亦未嘗及該軍糧運當由何處加撥

奏稿十

五

茲據劉錦棠報西甯克捷逆首馬桂源等負創遁逃軍情大有轉機湘軍必可橋柱至甘涼肅州一帶又有金順督師協助前敵不患乏人似宋慶無須速往鮑源深統籌大局豫防後患亦欲留宋慶一軍扼堵河西及邊外門戶可否仰懇
救下鮑源深傳知宋慶暫緩西進俟糧運經費籌措有著或甘省軍情再有變動迅即催令拔隊庶於前後防剿機宜均有裨益理合附片具陳伏乞
聖鑒訓示謹

奏

添撥永定河汛兵摺 同治十一年十二月初九日

奏為援案添撥永定河防汛兵丁酌裁通省綠營兵一百名以資修守恭摺仰祈

聖鑒事竊據永定河道李朝儀稟稱永定河南岸隄長一百五十四里北岸隄長一百五十五里四分又下口南大隄八十餘里北大隄四十餘里其計工段四百三十餘里額設修防兵一千二百三十名乾隆四十七年奉裁四十一名嗣因險工日多不敷差遣復於嘉慶七年奏請山督標提標天津宣化兩鎮簡僻營汛添撥戰兵六十名守兵三百四十名綜計各汛額兵一千五百八十九名經制額外均在其內從前河道深通經費充裕防護已形竭蹶近年廢弛積久異漲頻仍各汛險工疊出向祇一二處者今則四五處或七八處向祇數十丈者今則長一二里至十一二里額兵

止有此數培鑿多至倍徙每遇伏秋大汛溜勢上提下挫頃刻變遷此處甫在加鑿彼處又須搶辦兵力不足動失事機又本年盛漲衝刷向稱平工者多成險要而北中汛之三四五六號丹坎近隄舊險新生情形尤為喫重亟應趕作壩堵以防頂衝大溜原設額兵不敷工作稟請援案於本省陸營內添撥戰兵十名守兵九十名俾資修守當經飭據藩司孫觀標中軍副將冷慶會詳詳稱查省標左右前後保定五營駐防省城秦甯馬蘭二鎮守護陵寢重地均未便議裁此外通省標營額兵三萬三千一名按數勻攤每三百三十名裁撥一名尚無窒礙計督標添拱辰新四營應裁守兵四名提標應裁戰兵二名守兵十七名宣化鎮應裁戰兵二名守兵十五名正定鎮應裁戰兵一名守兵八名大名鎮應裁戰兵一名守兵十一名天津鎮應裁戰兵二名守兵二十名通

永鎮應裁戰兵二名守兵十五名以上其裁戰兵十名守兵九十名請令各標自行酌量在所屬簡僻營汛如數裁汰糧缺撥交永定河道選募沿河壯丁拔補足額統限於同治十二年二月初一日以前一律裁撥齊全呈報以便分別截支餉銀俾免轉輾等情前來臣查永定河身淤高隄岸卑薄險工疊出年甚一年迥非乾嘉以前情形可比修工搶險全賴人力原設額兵實屬不敷河工例定經費既疊經部議剋減姑冀稍加兵數以補救萬分之一該司等所擬抽裁通省額兵僅及百名各營差操不致貽誤而河務修防較有裨益相應援案懇

奏為奏請 天恩俯准照數裁撥由督飭該河道剋期募齊酌看工段險易分撥各汛協防俾資興作再查河營向例戰兵每月支餉銀一兩七錢守兵每月支餉銀一兩二錢遇閏加增此項餉銀即在綠營抽裁額餉內由藩司照章籌放仍將裁改銀數彙案分別造報除咨部查照並通行提鎮各營妥辦具覆外所有議裁綠營兵丁百名添撥永定河防汛緣由理合恭摺具陳伏乞 皇太后 皇上聖鑒訓示謹 奏

奏保李興銳片 同治十一年十二月初九日

再准補大名府知府李興銳九年引

見回省稟懇暫緩到任給假赴江甯寓所省親其時臣莅直未久

政務極為殷繁方擬從容循例補奏適前大學士兩江督臣曾國

藩奏請將該員開缺留於兩江酌量差委奉

旨俞允嗣准部咨以李興銳係現任人員照例不在奏調應即比

照終養開缺之案准在江甯養親留於兩江差委不在委署地方

各缺亦不在奏留兩江補用俟養親事畢照例坐補原缺以杜規

避並將臣應奏不奏交部議處等因奏奉

旨依議欽此欽遵行文到臣即經轉行遵照在案伏查李興銳自

咸豐年間以諸生從事曾國藩大營先後十數年未嘗一日違離

一事貽誤其辦事不避艱險不惜勞怨調和將士節慎餉精最為

得力臣前在曾國藩軍中及署任江甯時久深悉其為人曾國藩

嘗謂該員血性過人條理精密果毅慈惠兼而有之八年正月奏

保人才摺內稱李興銳遇惠可及民者毅然為之可決其必為循

吏擬調至直隸以其劬勞之素稍變此閒逸惰之習十年二月奏

留兩江差委摺內稱李興銳廉而有為前後一職實為不可多得

之才等語均堪印證此次相從南下委辦金陵營務處勘定新改

外海內洋水師章程及整飭綠營等事有條不紊仍遵部議並未

委署地方各缺亦未奏留兩江補用該員當日稟請省親係批

准查無告發情詞曾國藩原奏第言假期已滿缺難久懸亦無終

養字樣况該員親年尚未七十又有胞弟三人侍奉核與親年七

十以上家無次丁例應終養者未符部議既日比照辦理自非勒

令終養該員年方強仕才堪大用若竟拘束例文任投閒散殊為

可惜現聞金陵差使稍緩而直隸需人正殷經臣咨商兩江督

臣何璟檄調該員迎養到直合無仰懇

天恩俯准前大名府知府李興銳仍回原省候補查該員本係補

缺後以道員用茲因留江差委本缺已開可否

敕部毋庸比照終養開缺坐補原缺之例免其坐補大名府知府

即以道員歸直隸補用出自

逾格恩施為愛惜人材起見謹附片陳請伏乞

聖鑒訓示謹

奏稿二十

聖

存棧練餉錢文全數發竣摺 同治十一年十二月初九日

奏為天津存棧練餉錢文全數發竣停支棧租薪工等項恭摺仰祈

聖鑒事竊照上年南省運解練餉制錢係在津郡東門外旗昌洋行及運庫分存即於該行設立練餉局派委員一員經書一名常川駐守並雇聽差八名分投巡察照料所需棧租員役薪水工食議定章程開支歷經前通商大臣崇厚並臣奏咨有案查天津共存前項制錢一百十六萬串內寄存旗昌洋棧一百二萬串運庫十四萬串本年春開據南省股實與商公稟請領生息照徵息錢以為津屬災賑及海防經費之用將來一經飭提限三箇月解津歸還當經咨商戶部奏明照辦計在洋棧發交江蘇與商制錢五十萬串浙江與商制錢三十二萬串上海輪船商局制錢二十萬串又由運庫發交浙江與商制錢四萬串於十月間一律發竣已將輪船局並浙江與商承領原委暨先後撥發數目隨時咨部備查現在存棧錢文既經發竣棧房應即還商委員經書等亦即裁撤所需棧租薪水等項均於本年十月三十日停止以節糜費惟運庫尚存制錢十萬串應酌留聽差四名以資照料仍照章每名月支銀二兩其餘四名同日裁撤停支工食據練餉局司道具詳前來除咨部查照外理合恭摺具陳伏乞
皇太后
皇上聖鑒再上年奏借練餉制錢十萬串以助賑需嗣經陸續撥發七萬八千餘串於賑捐銀內按照市價扣還旋恐銀價減落仍即易錢抵歸原數合併陳明謹
奏

文安天津大窪地蠲糧摺 同治十一年十一月十九日

奏為查明文安天津兩縣大窪地畝糧賦擬請蠲免恭摺具

奏仰祈
聖鑒事竊查文安大窪民地與永清東安武清天津等四縣積澇大窪地畝歷係查勘情形分別徵豁糧賦茲查同治十一年大窪地畝內除永清東安武清三縣或秋禾有收或糞入各屬秋災辦理均應別除外計文安縣大窪五十一村其地一千一百八十八頃十二畝八分六釐額徵同治十一年無閏糧銀五千七百二十五兩四分八釐內除永蠲十分之三銀一千七百七十五錢一分四釐四毫實應徵七成銀四千七百五錢三分三釐六毫因積水未消不能播種顆粒無收又天津縣趙沽里等十村減賦民糧地三百頃九畝六分四釐六毫六絲七忽額徵同治十一年無閏糧銀七百四十二兩五錢一分五釐因六七月間連次大雨田禾全被水淹應請將該兩縣應徵前項糧銀照案全行蠲免又天津縣各該村同治十年蠲免案內花戶長完銀二百零七兩六錢三分五釐同治九年減免案內花戶長完銀五十八兩五錢原抵十一年正賦今十一年又經蠲免應改抵十二年正賦至該兩縣蠲免各村應完本年旗租及民欠節年糧租出借倉穀等項並請緩至同治十二年秋後啟徵據印委各員勘明擬議造冊由藩司孫觀具詳前來臣覆核無異相應懇
天恩俯准將前項糧銀正耗分別豁緩以示體恤除冊結送部外理合恭摺具
奏伏乞
皇太后

皇上聖鑒訓示謹奏

奏稿二十

聖

練軍酌添洋鎗教習片 同治十一年十二月十九日

再查軍器以洋鎗為便利直隸練兵如保定正定大名通永各營成軍以來經臣先後酌給洋鎗操演陣技莫成勁旅然洋號口令手法步法諸多奧妙必有諳悉精熟之人隨時教習方能合式前曾添募教習戶部以章程並無此項未准開銷惟兵部會同各衙門議覆練軍營制章程聲明此後應行變通之處隨時斟酌損益奏明辦理等因洋鎗既為必需之物教習實不可少從前專用洋人需費較鉅今准軍各營演習洋鎗已久頗能互相傳授擬令直省練軍每營步隊酌添洋鎗正教習一名幫教習四名以分教四哨均用華人其正教習月給親兵口糧一分外加薪水銀四兩幫教習每名月給護兵口糧一分外加薪水銀二兩計每營每月僅加銀十二兩需費無多而於操防較有裨益據各該統領具稟前來相應仰懇

奏稿二十

聖

天恩俯准照擬添設開銷以資訓練而備調遣伏乞聖鑒訓示謹附片具奏

賑款請免報銷摺 同治十一年十二月十九日

奏為查明同治十年籌辦直屬水災賑撫收發米糧銀錢棉衣各細數援照成案懇免造冊報銷據實繕列清單恭摺仰祈

聖鑒事竊查直屬上年雨水成災順天保定天津河間各屬被淹尤廣經臣奏明籌款賑撫設局辦理先後奏蒙

恩准籌撥濟運關道各庫撥捐練餉各局並江浙購運米石折價銀三十八萬五千一百七十八兩八錢六分六釐三毫

耗米八萬一千三百七十三石二斗一合九勺奉省粟米二萬石開浙購運大米四萬五千石委員采買大米四萬三千四百石

斗小米三萬二千九百七十三石六升七合紅糧五萬四千六百八十二石七斗一升二合練餉局發交江浙典商生息款下豫繳

息錢六萬三千六百千文又收京外官紳商民捐助銀四十四萬九千三百二十二兩九錢四分八釐三毫制錢八萬一千五百八

十四千六百三十七文米糧二萬一千四百四十四石一斗三升五合棉衣二十八萬一千四百九十八件江蘇鎮江紳士解津施濟糙

米二千四百四十八石八斗八升三合小麥四千二百七十七石五斗四升五合六勺平糶米價銀一萬一千八百九十九兩六錢六

分九釐銀易制錢三萬七千一百八十八百三十一文截至本年六月底止由該局詳經臣截數

奏報嗣將撥發永定河金門關及墊築橋道開濬各河工程動支賑款以工代賑銀二十一萬一千五百五十九兩制錢一萬二千七

百二十二千九百五十九文米糧九千九百三十七石亦經臣專案奏准免其造冊報銷各在案茲據賑局司道詳稱上年各州縣

村莊淹浸房屋倒塌蕩析離居竟有全村成墟者實為數十年所

未有當將奉撥並收捐銀米棉衣暨采買糧石分撥各屬妥為賑撫惟天津被水尤重兼之各府州屬遠至山東樂陵等處避流

民沓來紛至自七月至九月漸多先因街道擁擠就城上搭蓋席棚分給錢米留養嗣因天氣漸寒流民愈眾即於城關內外設立

粥廠十三處備廠四處分撥住廠至十一年三月查詢里居籍貫造冊札送各州縣安插核道途之遠近酌給路費行糧分期遣散

又文安大城窪區係滹沱河下游積潦五年民困已極由臣奏明加賑其青靜滄州並順屬之霸州積水久未涸退亦經酌撥

銀米撥委分駐該境營員暨地方官就近設廠加賑現經統計撥發順天府屬各州縣賑撫漕米二萬一千石粟米九千石銀二萬

八千兩棉衣三萬八千七百件又發天津滄州等二十州縣賑撫暨津郡各粥館廠文大等處加賑並賑務一切雜支統計漕米大

米十三萬五千四百六十五石五斗九升八合九勺粟米小米四萬八千七百三十五石二斗三升一合八勺高粱紅糧六萬六千

二百七十四石六斗二升四合五勺小麥四千二百七十七石五斗四升五合九勺銀四十八萬七千七十一兩六錢九分四釐三

毫八絲四忽制錢十萬五千九百七十七千五百八十八文棉衣二十萬四千九百七十七件又除折耗大米二千三百五十五石二斗六

升小米四百三十七石八斗三升五合二勺高粱二百九十六石四斗九升九合五勺外實存大米六千四百九十六石三斗六升

高粱九百五十五石七斗二升三合銀十一萬九千七百八十八兩七錢八分九釐三毫一絲六忽制錢六萬三千六百千文棉衣二

萬七千八百八十一件前項銀錢衣米並本年七月以後江浙等省續解捐款一併劃歸本年賑撫並來春開河築堤以工代撫之

需仍與前奉撥各項工程銀兩分案詳報等情詳請核
奏前來臣查此次籌辦賑務均係隨時酌量變通務求實惠及民
所以災重之區糧多口少較輕之處糧少口多按照升任藩司錢
鼎銘詳定章程分飭遵照仍由局選派廉幹委員勸令紳董以及
教讀買易居心向善之人分投編查分別極次貧大小口按戶目
視仍再訪察隨手登記又加覆查散給門牌賑票每村先貼戶口
榜示婦孺周知自上月十一月今春三月臨放之期貧民持
票赴廠面給錢米棉衣其保定等屬藩司親歷督辦天河兩屬由
天津道親至各州縣監放明察暗訪自始至終均由官紳經理鄉
董辦與京黎對面散給涓滴歸民不經胥吏之手臣復與司道
密派親信多人分投查訪問因感戴
皇恩愈稱實惠均當歷所未見伏查向來辦賑例由藩司造冊報
部上年被災情形較重若照例定分數辦理需款更多經臣奏明
改賑為撫事事節核實文安大城天津青縣靜海滄州各處積
水未涸例賑之外或量加撫卹一二月或以工代賑或遴委文
武員弁分赴各處會同廉謹紳董稽查極貧酌量接濟各州縣請
領銀米均先出具文領到局月派紳士領回由印委各員督同偵
查散放開有不敷銀米零數均由地方官捐墊補足所有經費運
腳若照例撥給為數較鉅改為酌量撥濟明知不敷辦公飭由各
牧令捐墊一切施放銀錢米糧棉衣均係實用實銷毫無浮冒測
查同治八年畿南賑災案內經前督臣曾國藩詳陳實在情形奏
請免造報銷奉
旨允准在案此次賑廣戶繁隨時隨地核實辦理多與定例不符
兼之各屬賠累已甚若仍責令造冊報銷部中必照定章駁斥賑

轉詳司達部節需費州縣無從措手自應援案懇請免造細數
清冊以歸簡易飭據該局查明各屬賑案戶口及領放銀錢米糧
棉衣實數開單呈送核辦相應照繕清單恭呈
御覽願懇
天恩俯念此次賑撫係變通舊章辦理均係實惠及民毫無朦混
且綜計賑撫之款捐項居多
敕部在免造冊報銷以示格外體恤除分咨查照外所有查明直
屬賑案支銷數目懇免造銷據實開單奏報緣由理合恭摺具
奏伏乞
皇太后
皇上聖鑒訓示敕部知照施行謹
奏
奏稿二十
辛

謹將同治十年籌辦直隸水災賑撫收發米糧銀錢棉衣細
數據實繕具清單敬呈

御覽

計開

收數項下

- 一收截留江蘇漕米五萬石
- 一又剝船耗米八百五十八石二斗五升一合二勺
- 一收截留浙江漕米三萬石
- 一又剝船耗米五百四十四石九斗五升七勺
- 一收截留奉省粟米二萬石
- 一收浙江采買米五千石
- 一收福建采買米四萬石
- 一收松滬局捐輸購買米三萬三千石
- 一收京外直省官民捐助大米三千石小米五千二百石高粱一萬二千八百四十四石一斗三升五合
- 一收江蘇鎮江紳士解津施濟糙米二千四百四十石八斗八升三合小麥四千二百七十七石五斗四升五合六勺
- 一收委員采買大米一萬四百石四斗
- 一收委員采買小米三萬二千九百七十三石六升七合
- 一收委員采買紅糧五萬四千六百八十二石七斗一升二合
- 一收藩庫兵餉項下撥銀二十萬兩
- 一收運庫撥銀五萬兩
- 一收省城練餉局天津釐捐局長盛運庫津海關道庫各撥銀五萬兩

一收天津道庫存未解部同治六年災賑案內賑米變價銀七千六百十七兩八錢六分六釐三毫

一收江蘇賑米折價銀五萬兩

一收浙江賑米折價銀三萬七千五百兩

一收山東釐捐項下撥銀二萬兩

一收京外直省官商捐銀四十四萬九千三百二十二兩九錢四分八釐三毫

一收平糶大米價銀一萬一千八百九十九兩六錢六分九釐

一收練餉錢發典生息項下豫繳年利制錢六萬三千六百千文

一收京外直省官民捐助制錢八萬一千五百八十四千六百三十七文

一收銀易制錢三萬七千一百八十八百三十一文

一收京外直省官民捐助棉衣二十八萬一千四百九十八件

以上共收漕米大米十七萬五千二百四十四石四斗八升四合九勺內除已銷河工橋道以工代賑大米九千九百三十七石應存大米十六萬五千二百七十七石四斗八升四合九勺

粟米小米五萬八千一百七十三石六升七合

高粱紅糧六萬七千五百二十六石八斗四升七合

小麥四千二百七十七石五斗四升五合六勺

銀八十四萬六千三百四十四錢八分三釐六毫內除已銷

銷河工橋道以工代賑銀二十一萬一千五百五十兩應存

銀六十三萬四千七百九十九兩四錢八分三釐六毫

制錢十八萬二千二百九十三千四百六十八文內除已銷

河工橋道以工代賑制錢一萬二千七百二十二千九百五十文應存制錢十六萬九千五百七十七千五百十八文
棉衣二十八萬一千四百九十八件

支銷項下

一發天津縣貧民七萬三千三百五十六戶共大小折成十九萬二千九百二十六口

冬春賑撫大米二萬三千六百四十九石三斗三升五合

小米一萬四千一百二十三石

銀一千九百二十九兩五錢四分七釐一毫

制錢六萬九千零六千二百九十五文

棉衣二萬七千二百二十七件

楊柳青鎮賑廠貧民五千四百九十五戶共大小折成一萬三千

四百五十四口

紅糧六千五百三十一石一升二合五勺

制錢三千二百三十千六百四十文

棉衣一千九百件

一發滄州貧民四萬五千四百五十五戶共大小折成二十萬一千四百五十八口

冬春賑撫大米一萬五千石

紅糧一萬三千一百二十五石七斗五升

銀二萬八百七十五兩五錢五分四釐四毫

運腳經費銀一千五十八兩二錢

棉衣一萬五千五百件

一發青縣貧民五萬二千六百九十六戶共大小折成十三萬三千

千十四口

冬春賑撫大米一萬石

紅糧一萬一千八百八十八石七斗六升二合

粟米四千石

銀二萬五千六百兩

運腳經費銀七百八十九兩五錢三分九毫

棉衣一萬五千五百件

一發靜海縣貧民七萬一千七百八十五戶共大小折成十九萬六千四百口

冬春賑撫大米二萬二千五百五十石

紅糧一萬四百三十四石三升五合

銀二萬二千九百六十九兩九錢四分一釐六毫

運腳經費銀四百八十六兩七錢一分九釐二毫

棉衣一萬五千八百件

一發南皮縣貧民六千七百八十八戶共大小折成一萬三千七百九

口半

冬賑銀二千八百兩

棉衣七千件

一發鹽山縣貧民八千六百二十一戶共大小折成一萬二千七百十七口半

冬春賑撫銀九千九百兩

棉衣四千件

一發河間縣貧民二萬一千七百四十六戶共大小折成六萬八

千三百六口

冬春賑撫大米一萬一千石	銀一萬八千五百四十八兩一錢二分八釐八毫	運腳經費銀七百二十五兩五分七釐四毫	棉衣九千五百件	一發任邱縣貧民一萬六千四百九十六戶其大小折成一萬九千九百十六口	冬春賑撫大米三千石	銀五千九百兩	運腳經費銀三百四十三兩七錢一分四釐	棉衣四千件	一發交河縣貧民五千五百九十一戶其大小折成一萬九千三百六十三口	
冬春賑撫大米一千石	紅糧三千七百五十石	銀七千七百兩	運腳經費銀三百兩	棉衣六千件	一發東光縣貧民五千七十三戶其大小折成八千八百七十七口	冬春賑撫大米一千五百石	銀七千二百五十五兩三錢七釐	運腳經費銀一百八十六兩	棉衣六千件	一發吳橋縣貧民六千三百六十戶其大小折成一萬九千五百口

奏稿二十
五

冬春賑撫紅糧二千石	銀三千六百兩	運腳經費銀四百八十兩	棉衣四千件	一發獻縣貧民二萬二千六百六十戶其大小折成一萬二千五百四十六口	冬春賑撫大米四千七百石	紅糧二千八百石	銀一萬二千六百兩	運腳經費銀四百四十三兩四錢三分七釐	棉衣九千五百件	一發景州貧民一千四百五十九戶其大小折成五千六百二十七口
賑撫銀一千兩	一發安州貧民一萬二千三百八十六戶其大小折成三萬三千一百三十七口	冬賑大米三千三百六十三石	銀六千九百七十三兩五錢三分	運腳經費銀四百八十二兩二錢八分五釐	棉衣二千件	一發高陽縣貧民二千六十六戶其大小折成五千八百三十二口	冬春賑撫大米一千二百石	銀二千三百五十兩		

奏稿二十
五

運脚銀一百二十兩	一發安平縣貧民三千一百四十六戶其大小折成一萬一百七	冬賑銀五千一百三十七兩九錢四分八釐四毫	一發新城縣貧民一萬二千戶其大小折成一萬七千四百三十	冬春賑撫大米三千石	一發雄縣貧民一萬二百八十六戶其大小折成三萬二千三百	冬春賑撫大米六千石	一發豐潤縣貧民一萬三千二百二十七戶其大小折成五萬六千	冬春賑撫紅紬三千石	一發唐山縣貧民二百六十一戶其大小折成五百八十七口半	冬撫銀一千兩
棉衣一千件	口半	六口	銀五千四百兩	運脚經費銀四百五十一兩四錢二分八釐	棉衣二千件	銀一萬一千六百兩	運脚經費銀六百四十二兩八錢五分七釐	棉衣四千一百件	運脚經費銀三百兩	

一撥順天府屬漕糧二萬一千石粟米九千石內發	文安縣漕米六千石	霸州漕米四千五百石	東安縣漕米三千石	保定縣漕米一千五百石	寶坻縣漕米六千石	甯河縣粟米四千石	大城縣粟米五千石	一撥順天府屬春撫銀二萬八千兩由順天府尹分撥文安大城	霸州保定寶坻甯河武清涿州宛平良鄉等十州縣領放訖	一撥順天府屬棉衣二萬三千七百件又添撥棉衣一萬五千件	內由通永道解順天府尹衙門散放六門六鎮棉衣六千件	提督衙門左翼總兵散放棉衣一千五百件	蘆臺通判散放棉衣二百件	又撥通州棉衣一千件	香河縣棉衣二百件	武清縣棉衣三千八百件	甯河縣棉衣四千件	寶坻縣棉衣四千件	大城縣棉衣四千五百件	文安縣棉衣四千六百件	霸州棉衣一千二百件	永清縣棉衣一千件	固安縣棉衣一千件
----------------------	----------	-----------	----------	------------	----------	----------	----------	---------------------------	-------------------------	---------------------------	-------------------------	-------------------	-------------	-----------	----------	------------	----------	----------	------------	------------	-----------	----------	----------

東安縣棉衣一千件
保定縣棉衣七百件
大興縣棉衣六十件
宛平縣棉衣三百二十件
涿州棉衣九百件
良鄉縣棉衣七百件
房山縣棉衣二十件
張家灣粥廠棉衣四百件
王莊粥廠棉衣四百件
呂祖祠粥廠棉衣七百件
王恕祠粥廠棉衣四百件
法華庵粥廠棉衣一百件
一撥發省城棉衣八千六百三十件內
清苑縣棉衣五千件
滿城縣棉衣五百件
安肅縣棉衣五百件
博野縣棉衣五百件
蠡縣棉衣五百件
保定府城散放棉衣一千二十件
保定城守尉散放棉衣五百件
雄縣城守尉散放棉衣一百件
一發津郡粥廠四處自十年十月二十六日起至十一年三月初六日止施粥百口並展放紅糧一月
東饒賑災民一萬九千九百七十口除年例商捐不計外

粟米三百五十石
紳董購買糧豆柴薪銀六千八百七十四兩一錢九分二釐
棉衣八千八百五十件
南饒賑災民二萬八千六百五十五口
紅糧六千七百五十五石五斗
紳董添購糧豆柴薪銀六千三百七兩五錢三分三釐
棉衣一萬一千七百五十件
西饒賑災民二萬六千二百二十口
紳商捐辦購買糧豆柴薪銀一萬二千六百三十兩三錢二分二釐
棉衣一萬二千九百五十件
北饒賑災民一萬四千二百八十六口
紅糧一千五百石
紳董購買糧豆柴薪銀六千六百八十八兩九錢五分五釐五毫
棉衣七千五百五十件
一發津郡流民施粥共十三廠
小聖廟自十年十一月初四日起至十一年三月初七日止每日收養流民計八百餘口至六千五百三十餘口
小米二千九百三十五石六斗九合
經費銀七百六十五兩二錢六分二釐八毫
棉衣三千五百四十六件
藥王廟自十年十一月初四日起至十一年二月底止每日收養流民計二千餘口至三千五百餘口
小米一千一百七十五石九斗三升二合五勺

棉衣二千二百件
 白衣庵自十年十一月初四日起至十一年二月底止收養流民
 二千二十四口
 小米一千一百石
 經費銀三百四十兩
 棉衣一千一百五十件
 城隍廟自十年十月十三日起至十一年二月初七日止收養流
 民七千四百五十九口
 小米二千三百二十六石三斗四升七合五勺
 紳董添購米石柴薪銀三千三百八兩四錢一分二釐
 棉衣五千一百八十九件
 海會寺自十年十二月十一日起至十一年二月初七日止每日
 收養流民計一千餘口至七千二百餘口
 小米一千一百五十石
 紳董添購米石柴薪銀一千四百二十八兩五錢七分一釐
 棉衣四千五十一件
 河東三甲自十年十二月初二日起至十一年二月二十四日止
 每日收養流民計一千七百餘口至三千二百九十餘口
 小米四百九十一石二斗二升二合
 紳董添購米石柴薪銀一千四百二十兩一分六釐五毫
 棉衣一千一百四十三件
 西大藥王廟自十年十月十五日起至十一年三月初七日止每
 日收養流民計一千一百餘口至六千一百七十餘口
 小米二千四百五十石

經費銀五百七十一兩四錢二分八釐六毫
 棉衣三千六百九十三件
 僧王祠自十年十月初七日起至十一年二月初十日止每日收
 養流民計九百餘口至一千一百餘口
 小米四百七十九石一斗一升七合五勺
 經費銀三百五十兩
 棉衣六百三件
 仁天寺自十年十月初八日起至十一年二月底止每日收養流
 民計一千二百餘口至一千八百餘口
 小米八十四石七斗七升
 紳董添購米石柴薪銀九百五十兩八分九釐六毫
 棉衣一千一百四十三件
 鄉祠自十年九月十五日起至十一年四月十九日止每日收養
 流民計一千二百餘口至三千九百二十餘口
 小米二千五百七十一石三斗一升
 經費銀七百五十五兩五錢一分四釐二毫
 棉衣二千一百九十件
 閻家大院自十年十月初一日起至十一年三月初四日止收養
 災民二千四百六十九口
 紳董捐辦米石柴薪銀四千五百六十八兩三分四釐八毫
 棉衣一千二百十三件
 天安寺米廠災民三百四十一口自十年七月初八日起至十一
 年二月二十五日止
 小米二百十八石二升五合

棉衣九十五件
 順家店米廠災民一千八百二十口自十年七月二十日起至十
 一年二月底止
 小米一千五百石
 棉衣九百五件
 一發遣散各廠流民行糧小米四千五百二十四石八斗九升八
 合三勺
 一發遣散各廠流民分給盤費制錢七千五百七十六千四百四
 十六文
 一發津郡城上搭棚收養災民銀五千兩
 一發津郡四鄉摘撫制錢四千四百八十七千七十五文
 一發津郡平糶大米一萬二千六百三十六石八斗四升
 一發天津靜海兩縣極重災民酌給籽種制錢八千五百二十八
 千文
 一發大沽撫卹米廠災民八千七百二十口自十年九月初一日
 起至十一年正月月底止
 小米二千六百五十五石
 棉衣三千三十九件
 一發文安大城加賑內
 文安縣災民大小折成十萬二千九百九十口半
 大米九千四百四十九石三升四合四勺
 紅糧四千石
 粟米四千石
 小麥四千二百七十七石五斗四升五合六勺

制錢一萬一千一百二十八千六百二十文
 各項經費制錢一千四百六十六千九百八十一文
 運腳銀一千三百五十七錢六分二釐一毫
 大城縣災民大小折成四萬二千六百四十五口半
 大米三千石
 粟米二千六百石
 紅糧五百九十石一斗六升五合
 貧民腳力制錢二百一十四百六十一文
 運腳銀三百六十三兩二錢八分五釐七毫
 一發霸州加賑積水未消各村災民八千八百四十六口半
 撫卹銀一千兩
 一發滄州加賑粥廠委樂字營管帶提督丁德昌會同地方官辦
 理自十一年二月十六日起至五月初五日止收養災民計五千
 四百餘口至二萬四千七百二十餘口
 大米四千四百七十七石三斗九升四合
 柴薪席棚經費銀一千三百三十七兩九錢一分六釐七毫
 一發購買陳家溝義地價制錢三百四十五千文
 一發修理北倉廢座工料銀五百五十三兩五錢七分
 一發滬局采買大米三萬三千石價銀六萬二千五百四十二兩
 三錢八分四釐九毫
 一發解還上海轉運局墊付運津米石棉衣輪船水腳銀九千三
 百六十九兩九分八釐
 一發江浙各省捐助棉衣並采買糧石由大沽運津運腳等費銀
 六千四百五十四兩六錢三分六釐二毫

一發委員采買大米一萬四百石四斗價銀一萬九千一百二十七兩四錢六分三釐八毫八絲四忽
 一發委員采買粟米三萬二千九百七十三石六升七合價銀五萬三千六百三十七兩八分三釐六毫
 一發委員采買高粱五萬四千六百八十二石七斗一升二合價銀六萬八千二百九十九兩九錢四分二毫
 一發采買委員薪水盤費銀九百八十五兩三錢二分八釐
 一發易錢用銀二萬一千二百五兩四分六釐二毫
 一發局用書役紙張飯食雜支銀一千十四兩六錢七分二釐
 一折耗大米二千三百五石二斗六升
 一折耗小米四百三十七石八斗三升五合二勺
 一折耗紅糧二百九十六石四斗九升九合五勺

奏稿二十
 以上共支銷大米十五萬八千七百八十八石八斗五升八合九勺

粟米小米五萬八千一百七十三石六升七合
 小麥四千二百七十七石五斗四升五合六勺
 高粱紅糧六萬六千五百七十一石二斗二升四合
 銀五十一萬五千七十一兩六錢九分四釐三毫八絲四忽
 制錢十萬五千九百七十七千五百十八文
 棉衣二十五萬三千六百七十七件
 實存大米六千四百九十六石六斗二升六合
 紅糧九百五十五石七斗二升三合
 銀十一萬九千七百八十八兩七錢八分九釐二毫一絲六忽
 制錢六萬三千六百千文

棉衣二萬七千八百八十一件
 以上所存米糧銀錢棉衣等項均歸十一年賑撫並各處河工以工代賑之用合併聲明

奏稿二十

奏

盧溝橋南岸漫口工程摺 同治十一年十二月十九日

奏為永定河同治十年堵築盧溝橋南岸石隄五號尾大工動用料物銀數並工段丈尺敬繕清單恭摺仰祈

聖鑒事竊照上年永定河盧溝橋南岸石隄五號尾漫口經臣檄委候補道祝增周馥等前赴工次會同該河道李朝儀認真督辦前將堵築合龍日期

奏報在案茲據該河道稟稱堵築盧溝橋以下南岸石隄五號尾漫口輓鑲大壩邊埝加添秫稻運腳幫築後戲加高壩頂填墊坑塘並挑挖引河補築南二工六號旱口門修補盧溝橋上下東西兩岸石工築作南七工旱壩以及各汛殘缺隄埝兩岸禦水善後等工共需銀三十一萬一千五百四兩六錢九分內除領過部庫藩庫練餉局撥解銀二十九萬五千兩其水旱各壩用銀三萬七

千七百九十七兩九錢計銷六銀二萬二千六百七十八兩七錢四分

奏

如數繳清歸入工需動用不敷銀三十五兩五錢三分由該河道自行捐辦照例繕具簡明清單稟請具

奏前來 覆核無異理合專摺具陳敬繕清單恭呈

御覽伏乞

皇太后

皇上聖鑒敕部查核施行謹

奏

謹將永定河同治十年堵築盧溝橋以下南岸石隄五號尾漫口輓鑲大壩邊埝加添秫稻運腳幫築後戲加高壩頂補還南二工六號旱口門修補盧溝橋上下東西兩岸石工築作南七工旱壩培築各汛殘缺隄埝填墊跌水坑塘並挑挖引河子河以及兩岸禦水善後土壩工程用過料物土方片石運腳暨高寬丈尺銀數繕具簡明清單恭呈

御覽

計開

一東隄頭盤築裏頭輓鑲壩臺一座長二丈寬八丈鑲至入水盤深三丈又自輓鑲上鑲墊高八尺計銀六百九十三兩四錢四分一東隄頭輓鑲壩臺之下安丁頭大壩六進又西壩臺輓鑲下除留龍門口五丈外下丁頭大壩二進共八進計長八丈鑲墊三十

層計銀一千九百一十六兩八錢六分四釐

奏

一西壩輓鑲至龍門口前除留龍門五丈用丁頭大壩二進已於前段聲明外計輓鑲七十一丈寬八丈鑲至入水墊深二丈八尺又自輓鑲上加鑲八層計銀二萬三千三百四十四兩八錢

一龍門輓鑲長五丈寬八丈鑲墊墊深共計三十二層計銀一千六百六十一兩五錢

一臨河邊埝兩頭護埝共二十二段計長一百一十丈鑲墊十層至三十層不等計銀二千零六十三兩四錢九分

前工大壩加鑲並丁頭大壩臨河邊埝共用秫稻五十五萬五千七百一十六束每束照例加添運腳銀二釐五毫計銀一千三百八十九兩二錢九分

前工大壩幫寬後戲加高壩頂共長八十六丈共土五千四百一

十八方繞越遠土每方銀一錢九分四釐計銀一千零五十一兩零九分二釐

又填墊跌水溝槽工長十丈共土二百四十六方近土每方銀九分四釐計銀二十二兩一錢二分四釐

以上輓鑲大壩臨河邊埽並加添秫稻運腳幫寬後戩加高

壩頂填墊跌水溝槽共銀三萬二千一百四十三兩六錢

內銷六銀一萬九千二百八十六兩一錢六分四釐一萬

二千八百五十七兩四錢四分

一補還南二工早口門長四十五丈頂寬五丈五尺底寬十三丈

五尺高二丈計土八千五百五十方又培築外戩長四十五丈頂

底均寬二丈高一丈四尺計土一千二百六十方又培修兩頭殘

缺湊長八十五丈頂底均寬二丈八尺高二丈計土四千七百六

十方共計土一萬四千五百七十方繞越遠土每方銀一錢九分

四釐計銀二千八百二十六兩五錢八分

又填墊跌水坑塘地平面寬五丈底寬三丈五尺牽深四尺長

十四丈七尺計土二百四十九方九尺近土每方銀九分四釐計

銀二十三兩四錢九分

一早口門邊埽連兩頭護埽共二十六段計長一百三十丈均鑲

墊二十二層計銀二千八百零四兩一錢三分

以上補還早口門原隄加築外戩填墊跌水坑塘並護隄埽

段共計銀五千六百五十四兩三錢內銷六銀三千三百九

十二兩五錢八分四釐銀二千二百六十一兩七錢二分

一挑挖引河自漫口以下盧溝橋南岸石隄五號尾起至鳳河雙

口村連東止開段挑挖共八十六分共長一萬六千五百五十五丈

挑口寬二十丈至十丈底寬十二丈至七丈二尺深一丈五尺至

五尺不等共土一百二十四萬三千六百九十八方一尺二寸五

分方價不一計銀十六萬一千五百五十六兩七錢九分

一盧溝橋上下東西兩岸修補坍塌殘缺片石石子隄埽並拘批

等工計銀二萬七千兩

一南七工早壩計長二千六百五十五丈內有舊河形兩道築頂

寬五丈至二丈五尺底寬十六丈至五丈七尺高二丈二尺至八

尺不等共計土十二萬三千一百四十五方二尺方價不一計銀

一萬二千八百四十四兩五錢四分

前工兩處舊河形計長一百丈計應下新埽二十段兩頭護埽八

段共二十八段均鑲墊二十層計銀三千一百五十五兩四錢六

分

以上南七早壩土埽各工共計銀一萬六千兩

一修補北下汛十三四五六號殘缺隄工共計長五百六十丈培

築內外幫加高隄頂添築外戩共土五萬六千五百三十二方

價不一計銀一萬零三百五十一兩二錢三分

前工十三號添下新埽十二段十四五兩號添下新埽四十段十

六號添下新埽二十段共新埽七十二段鑲墊八層至十五層計

銀五千六百四十八兩七錢七分

以上北下汛十三四五六號土埽各工共計銀一萬六千兩

一修補南二工十六七兩號殘缺隄長三百二十丈培內幫隄頂

加高築外戩共土二萬三千零二十三立方方價不一計銀三千一

百零五兩九錢六分二釐

前工十六七兩號添下新埽六十四段計長三百二十丈鑲墊十

七層至二十層計銀五千五百九十二兩三錢九分

一十七號尾築順隄塼長十二丈頂寬二丈底寬五丈六尺高一

丈計土四百五十六方還土每方銀一錢四分九釐計銀六十七

兩九錢四分四釐

前工添下新塼三段計長十二丈鑲墊二十一層計銀二百一十

七兩五錢八分四釐

一十七號尾又補殘缺隄頂均寬三丈四尺三寸均高五尺計長

十丈共土一百七十一方五尺近土每方銀九分四釐計銀十六

兩一錢二分

以上南二工十六七兩號修補殘缺隄塼等工計銀九千兩

一修補北二上汛殘缺隄長一百七十丈塼內外幫隄頂加高添

築外戩填墊溝槽共土二萬四千二百四十一方四尺方價不一

計銀四千六百八十九兩二錢九分一釐二毫

前工添下新塼二十段計長九十丈均鑲墊二十層計銀一千八

百一十兩零七錢一分

以上北二上汛修補殘缺土塼等工計銀六千五百兩

一修補北四上汛頭二號殘缺隄長二百八十五丈塼內外幫隄

頂加高添築外戩填墊地溝槽共土二萬六千八百七十九方

五尺方價不一計銀四千一百六十一兩三錢五分

二號添下新塼三十段計長一百五十丈均鑲墊十二層計銀二

千一百三十八兩六錢五分

以上北四上汛修補殘缺隄塼等工計銀六千三百兩

一南北兩岸禦水土塼各工計銀二萬兩

一南北兩岸善後土工計銀一萬兩

以上統共計銀三十一萬一千五百四十四兩六錢九分

奏稿二十

圭

日本使臣來津換約摺 同治十一年十二月二十日

奏為接據日本使臣照會來津換約據情奏請

欽派大臣以便屆期商辦恭摺仰祈

聖鑒事竊照同治十年七月間臣欽奉

諭旨與日本使臣伊達宗城議定兩國修好條規通商章程當即

會同書押鈐印並由臣奏明將原本進

呈嗣於十一年四月間該國使臣柳原前光復來津商求酌改數

條又經臣督同津海關道陳欽記名海關道孫士達等再三辨駁

擇其無關緊要者酌允三條令其奉北回國並與議明該國如遣

使來華換約照章以禮接待等因於本年五月二十八日具

奏在案茲據江蘇江海關道沈秉成稟稱十二月初二日有駐滬

日本通譯官神代延長齋到日本外務大臣副島十一月初二十日

照會臣處公文一件屬為轉遞到臣當即拆閱該使照會內稱該

國赴西洋改約使臣未定何日言旋若必俟其歸方行換約似覺

太晏殊違通例因奏奉該國主即派該外務大臣副島種臣來華

換約所有前使議在事宜可悉照辦今聞我

皇上親政在邇當送書仰質擬於來月下旬啟行過滬趕入津門

煩為豫前奏請

欽派大臣以便到即換約親奉國書恭仰

慶賀等情並據開送隨員銜名清單等情前來臣查歷辦各國換

約成案在滬在津本無一定日本疊次議約商改向俱來津辦理

此次該國外務大臣副島種臣前來換約兼有奉送國書恭仰

慶賀之語情詞尚屬恭順自未便強令在滬商辦約該使臣歲杪

至滬開春冰泮必即乘輪舟至津亦有不可阻遏之勢既經據

照會應查照舊章像請

欽派大臣辦理日本換約事宜以昭妥慎至該國自議約後凡遇

交涉事件尚請隨時即如本年秋間祕魯國商船拐賣民

三十人經過日本盤獲全數扣留當即知照江海關派員赴東洋

帶回禮數周學此次換約據稱該國主諭令前遣使臣議在事宜

可悉照辦似應無甚疑難惟據稱該國書一節竊慮臨時必附

從西洋各國合同請

覲冀得仰沐

恩寵可否請

敕下總理各國事務王大臣密為籌議屆期傳知臣等轉商該使

遵照其原存合訂漢洋文條規章程應按照成案由總理衙門知

照內閣恭用

御寶發換約大臣祇領照辦除將日本使臣照會清單鈔錄恭

呈

御覽仍將原照會封送軍機處備查並緘咨總理衙門知照外所

有日本使臣來津換約據情轉陳緣由理合由驛恭摺具

奏伏乞

皇太后

皇上訓示遵行謹

奏

謹將日本使臣照會並隨員銜名單照繕清單恭呈

御覽

大日本欽命總理外務大臣副島為照會事於本年二月間特派員齋皇公文以我國改西約請緩換約之期便議照改事宜經蒙貴國爵大臣回文並委津海關道陳憲會議將該各節請批裁撥繳回到本大臣業已感悉據情奏准在案惟我改約欽使東徂西轉已經一載未定何日言旋本大臣切思若必俟其歸方行換約似覺太晏殊違通例茲復疏請當派欽使先行互換旋於十一月十九日奉旨外務大臣副島種臣著即適清換約所有前遣使臣議准事宜可悉照辦今聞

清帝大婚已諧親政在邇朕當送書伸賀爾其致之欽此本大臣奉即促裝擬於來月下旬啟行過滬買舟趕入津門決不遲誤為

奏稿二十

差

此備文照會貴國爵大臣煩為查照豫前奏請

欽派大臣以便到即換約觀奉國書恭伸

慶賀須至照會者明治五年十一月二十日

計送隨員名單一紙

外務大丞柳原前光

外務少丞平井希昌

外務少丞鄭永甯

判任隨員三人

語生二人

從士六人

外務顧問李仙得

總領事井山讓

李文忠公奏稿卷二十

奏稿二十

美

李文忠公奏稿

卷之二十一目錄

存營練軍無可添派摺 同治十二年正月二十日

張家口糧臺請仍撥部餉片 同治十二年正月二十日

赴津籌辦換約並查橋道摺 同治十二年二月初一日

淳沱河修復隄壩片 同治十二年二月初一日

派員襄辦換約片 同治十二年二月十七日

吳煦請建祠摺 同治十二年二月十七日

請復永定河工需原額摺 同治十二年三月二十五日

津郡建會國藩專祠摺 同治十二年三月二十五日

江蘇勸辦津賑請獎摺 同治十二年三月二十五日

張家口糧臺請撥部餉摺 同治十二年四月初三日

日本換約事摺 同治十二年四月初七日

倭使往還禮物片 同治十二年四月初七日

蘆課奏銷緩期摺 同治十二年四月十一日

潘鼎新入都片 同治十二年四月十一日

福濟捐賑片 同治十二年四月十一日

淮軍西征報銷摺 同治十二年四月十一日

外洋軍火教練用款片 同治十二年四月十一日

軍需用款增減例案片 同治十二年四月十一日

津郡改照練軍營制摺 同治十二年四月二十三日

海防支應局報銷摺 同治十二年四月二十三日

奏留李興銳摺 同治十二年四月二十三日

橋道經費請發十成摺 同治十二年五月十一日

修築滋河諸龍河隄摺 同治十二年五月十一日

永定河工請照額撥款摺 同治十二年五月二十八日

部硝請變通摺 同治十二年五月二十八日

挑濬中亭河摺 同治十二年五月二十八日

奏稿二十一目錄

李文忠公奏稿卷二十一 全集一之二十一

桐城吳汝綸編錄

存營練軍無可添派招

奏為遵

旨查明宣化古北口練軍無多未便續行調派情形恭摺陳仰

祈

聖鑒事竊臣欽奉同治十一年十二月十九日

上諭前因烏里雅蘇城防禦緊要經奎昌等奏請於庫倫練軍內

抽調古北口宣化兵共五百名以資防禦當諭令張廷岳等照數

派撥茲據張廷岳等奏稱此項練軍現在分紫庫倫迤西一帶扼

要巡防未便遽行掣動若徑由宣化古北口調撥前往與察哈爾

馬隊分起直達烏城較為妥速等語所陳自是實在情形烏庫兩

城防守同關緊要著李鴻章即於宣化古北口練軍內迅速挑選

五百名裹帶行糧分起速赴烏城交奎昌等調遣等因欽此遵查

宣化練軍本僅三營業於十年正月內挑派馬隊練兵二百名步

隊練兵八百名奏派游擊徐平川帶赴庫倫協防此外存營練軍

只二百餘名經臣於上年十一月奏明添練馬隊一營現在尙未

成軍無從抽調當經恭錄咨商直隸提臣傅振邦在於古北口練

軍內酌量調撥茲准該提督函稱古北口為京城後路近年奉天

馬賊竄擾無常熱河毗連草地時有匪蹤出沒聲經熱河都統庫

克吉泰咨撥古北口馬步隊就近協助防剿該口原練添練步隊

四營馬隊一營已於十年五月開遣

待調派步隊兩營練兵一千名協防庫倫現僅有步隊兩營馬隊

四哨官兵共一千二百名分守關隘兼為熱河草地一帶聲援力

量殊形單薄若再撥練軍五百名遠赴烏城誠恐近畿邊防太空

備口外賊匪乘間竊發關係非輕請仍

奏由庫倫留防之古北口練軍內抽撥赴烏移緩就急庶內外防

務不至偏廢等情函請核辦前來臣查直隸添設練軍原為拱衛

京師以備緩急之用宣化古北口均為北邊緊要門戶近來口外多

事尤應酌留重兵稍壯聲勢上年兩次調派馬步練兵二千名赴

庫協防山直自備糧餉已屬不遺餘力口下宣化練軍僅存二百

餘名古北口亦僅存練兵千餘名捍衛

畿輔彈壓地方必不可少該提臣所稱未便再議抽調委係實在

情形查烏城原有杜嘎爾等所部各營其續撥察哈爾馬隊二百

五十名亦將到防計已足資分布無須添調各軍儘必需步隊協

防庫倫現尙靜謐距賊較遠應請仍遵前

旨於庫防宣古兩軍二千入內抽撥五百人就近赴烏尙不難於

兼顧合無仰懇

天恩敕下烏里雅蘇城將軍庫倫辦事大臣會商酌辦勿存推諉

致誤事機所有宣化古北口存營練軍僅資分守無可添調緣由

理合恭摺由驛覆陳伏乞

皇太后

皇上聖鑒訓示謹

奏

張家口糧臺請仍撥部餉片 同治十二年正月二十日

再臣前准戶部咨稱庫異常支絀此次撥給張家口糧臺察哈爾都統衙門銀兩係不得已先其所急若再陸續請撥萬難為繼該處每年須用實銀若干應令預先奏明由部指撥外省款項協濟等因具奏奉

旨依議欽此當經轉飭口北道奎斌妥籌詳覆茲據該道稟稱該臺辦運口外各路征兵口糧已於上年秋杪冬初運至本年閏六月為止曾經察哈爾都統奏明每年夏秋二季雇車雇駝專運軍糧四月初開牛車開行應運本年秋冬二季之糧秋閒駝駝壯又須辦運次年春夏二季之糧現辦原調吉林黑龍江馬隊二千名察哈爾馬隊一千二百五十名及杜嘎爾隨營官兵應需米價口袋等項上年報銷共用銀四萬九千八百餘兩今烏魯木齊又

調吉林黑龍江馬隊一千名烏魯木齊又調察哈爾馬隊二百五十名均須添運口糧加以烏魯木齊都統行營月糧四百石每年共約需銀六萬餘兩此次領到部餉三萬兩歸還借墊各款除銀無幾夏間開辦車運又須接濟湖自設立糧臺以來各營糧石預期購運惟特請領部餉及時解到辦理不致掣肘兵食無虞缺乏今若改由外撥必致停運待銀諸形窒礙懇仍准請撥部餉以濟要需等情前來查口外各城遠在數千里及萬里以外原因該處不產米糧須由內地購辦現在各將軍大臣陸續添調多兵添兵即須添食均奏請由口北糧臺辦運軍中無糧之患甚於無餉餉可緩待而糧須急運稍有遲誤飢潰堪虞直隸本缺額省分連年災歉無可代籌若待外省撥款路遠日長萬難應期而至采辦轉運必致貽誤若餉款而遲停邊外各軍深恐立脚不住統計

該糧臺每年僅用銀六七萬兩於帑項出入甚微於軍情關係極重實非各路請撥巨款可比仰懇天恩仍准查照歷辦成案由臣隨時酌量情形續請部餉督飭該道樽節動支庶邊荒軍食有資大局藉可措拄所有張家口糧臺用款仍懇飭撥部餉緣由理合附片具陳伏乞聖鑒訓示謹

奏稿二十一

四

赴津籌辦換約並查橋道摺 同治十二年二月初一日

奏為遵

旨赴津籌辦日本換約事宜並派員查勘橋道恭摺具陳仰祈

聖鑒事竊臣欽奉正月十八日

諭旨日本使臣來津換約舊派李鴻章將上年所立條約妥為互換等因欽此遵查日本使臣副島種臣去冬照會來月下旬啟行之說現雖未據上海關道稟報到滬而北河業已開凍竊計日本距中國最近輪船迅速數日可到臣既奉

旨派辦換約應照向章於開河時赴津料理一切該使臣早晚至

津便與會議酌辦庶易就緒臣連日督同司道將春融應辦地方

河道各工程以工代賑分別籌款派員妥速興辦並應辦要政逐一清理擬於二月初六日由省啟程馳赴天津俟日本使臣抵境

及辦理情形隨時

奏報至本年三月初五日

皇上恭奉

兩宮

皇太后祇謁

東陵所有

蹕路經由道段橋梁並

行宮地盤應辦事宜臣於奉准部咨時即飭藩臬兩司轉行各州

縣並遴委熟諳差務之員會同敬謹備辦向例督臣應先期親往

查勘現在臣有洋務經手要件不克分身檄派藩司孫觀馳往東

路遂加查驗督率務期沿途橋道一律堅實寬平以昭慎重該司

即於二月初八日先赴差次勘辦屆期換約事竣臣仍願請進京

陛見而聆

聖訓再循例敬謹隨扈自出省後臣衙門日行事件仍委臬司范

梁代行其緊要事務仍包封送臣行次核辦所有赴津籌辦換約

並派員查勘橋道各緣由理合恭摺具陳伏乞

皇上聖鑒謹

奏

奏稿二十一

六

游沱河修復隄壩片 同治十二年二月初一日

再查游沱河水勢洶湧向由正定府城下經過其靠城西南北三
 面分設草壩隄埝以護城垣歲需經費係奏明動撥營田工本發
 商生息解存清河道庫按時撥用乾隆年間因河流南趨工程可
 緩盤經停止歲修道光十六年以後復將息銀解儲藩庫嗣又撥
 解部庫遂致隄壩各工積久廢棄現在草壩已無形跡隄埝坍塌
 殆盡而近年河流北徙水漲即浸城根不特民歎其魚城垣亦將
 不保且於年前因伍過境查看情形非興復隄壩不可當飭該府
 縣詳細勘辦並於今春應行調劑摺內聲明在案旋據勘明草壩
 工費甚鉅難議築所有城西南之斜角隄八百餘丈接連之迴
 水隄一千六百餘丈均係頂衝且距城切近實資攬護又城西
 之酒馬口隄五百餘丈雖相離較遠但地居上游每遇盛漲出槽
 水即漫至城下併請酌量修復等情臣察核所議皆屬必不能緩
 之工已飭該府縣趕緊購備料物春融即興作所需經費計清
 河道庫自同治八年奏銷以後截至十一年十二月初十日止尚
 存前項息銀七千九百三兩零即令儘數動用其有不敷再由官
 紳量力捐助以濟要工去年正定一帶河水為災今值青黃不接
 民多困苦應仍以工代撫俾一舉兩得並循去年奏准預提地丁
 籌修河道隄工之案一體免造細冊仍責成該府縣核實開支不
 准絲毫浮冒事竣將用過銀數彙案開單奏報以符定章至此項
 息銀本為歲修隄工而設現在河流北徙城垣危險異常工程極
 關緊要茲雖興復隄埝經費無多尚須逐年加培並將草壩設法
 辦理嗣後每年所收息銀應請仍留清河道庫歸歲修木案隨時
 撥用以符名實而衛地方理合附片具陳伏乞

奏 聖鑒訓示謹

奏稿二十一

八

派員襄辦條約片 同治十二年二月十七日

再臣欽奉正月十八日

諭旨派辦日本換約事宜原定條規二本業經總理衙門發交祇領存俟照辦該使臣去冬照會本有來月下旬啟行之說前據上海委員探稱該使知北河開凍較遲擬於正月杪由日本起程惟迄今未聞到滬確信來津想需時日現值

陵差伊邇臣職司守土義應前驅未便鴟候貽誤查日本使臣副島種臣聲明帶有隨員外務大丞柳原前光等多人將來臣與議辦各事亦須遴派司道大員襄助以崇體制茲查有頭品頂戴前山東布政使潘鼎新歷年統兵蘇滬多與洋人交涉熟悉機宜二品銜津海關道陳欽前奉

旨幫辦日本議約條理精當該員等現駐津門正可就近商辦一切若臣離津後日本使臣早晚即至應令潘鼎新陳欽妥為接待隨時體察情形相機酌辦仍俟臣差旋再遵

旨將上年會議條規互換庶臻周妥所有派員襄辦換約緣由是

否有當伏祈

聖鑒訓示謹

奏

吳煦請建祠摺 同治十二年二月十七日

奏為已故道員在任勦粵卓著據地方紳士公呈懇請

優卹建祠恭摺仰祈

聖鑒事竊據江蘇紳士三品銜前右春坊右中允馮桂芬翰林院侍讀銜編修潘遵祁等聯名呈稱前署江蘇藩司原任蘇松太道吳煦於咸豐八年冬開到任勤政愛民羣情素戴十年四月蘇州失守松太繼陷賊以大股由西南路攻撲上海閩廣匪徒復於東北兩門乘亂焚掠該道親駐城堞激厲將勇多方守禦歷七晝夜賊蹤始退至十一年冬開浙江省城復失賊由乍浦連陷奉賢金山川沙南匯東路僅隔一浦西南路之賊亦祇距城數里城外防兵不戰自潰避難商民奔迫叢集訛言四起一夕數驚惟北門外西人有自衛之兵尚可互資防守該道謂我弱賊強苟內無重兵客兵必終不為我用邀集官紳定議乞援於何國藩安慶軍次論者以勢難費鉅莫由措手該道謂時事至此豈遺他顧遂於同治元年春開力籌鉅款雇備輪船由紳士具呈赴皖乞師東下自此軍聲特起人心始安竟以孤注重圍出險長驅削平巨寇東南全局轉機實由於此且上海當極危時備請萬緊兼濟鎮江該道殫心籌畫不避勞怨以一隅之地每年籌餉至二三百萬綜核鉅細事事躬親竟且遠宵輟食忘廢年甫逝又鬚髮頓白積勞成疾實在此時在滬紳民無不共見今聞該道病故紳等追念其力持至計久保餉源有功地方實非淺鮮懇懇奏請

優卹並准於上海地方建立專祠俾中報享等情前來臣查咸豐庚申辛酉之交蘇浙相繼淪陷惟上海彈丸之地岌岌僅存賊蹤近逼環攻殆無虛日臣於咸豐十一年冬開辦奉

諭旨催令統軍赴援惟自皖至滬阻隔賊區千有餘里無路能達
若非該道吳煦倡謀集捐雇備輪船迎師東下大局實有莫保之
勢東南亦無恢復之基道臣於同治元年三月抵滬後尤賴吳煦
籌濟餉需聯絡洋兵得以一心併力規復全省該道深明大計力
任艱危其功誠不可泯茲因積勞病故蘇省紳耆感念前功緣臣
與其患難知之最詳合詞籲請
恩卹建祠委係出自至誠允乎眾論臣未敢壅於上聞合無仰懇
天恩俯順輿情准將二品頂戴原任蘇松太道江蘇補用道吳煦
照道員軍營立功後病故例
敕部從優議卹此外尋常勞績仍不得援以為例並准於上海地
方由紳民捐建專祠以昭激勸出自
逾格恩施是否有當伏乞

皇上聖鑒訓示謹

奏稿二十一

十一

請復永定河工需原額周 同治十二年三月二十五日
奏為永定河現撥工需委實不敷修防擬請仍復原額恭摺仰祈
聖鑒事竊據永定河道李朝儀稟稱該河水性湍急挾沙擁泥易
淤善潰素稱難治應需工費每年額定歲修銀三萬四千兩修
銀二萬七千兩添辦備防銀二萬五千二百兩加增運腳銀八千
五百兩共合銀九萬四千七百兩均赴部請領開有另案土工添
補培築咸豐四年因軍需浩繁庫款支絀部議改為減半歸藩庫
旗租項下撥銀鈔各半撥給七年復減耗料銀一千五百兩綜計
歲領實銀不及原額四分之一修防徒有其名工務愈形廢弛同
治三年八年前曾臣劉長佑會國藩先後奏准停止鈔票發給五
成實銀並加撥銀二萬三千兩除扣六分部平等項到工實銀僅
六萬兩有奇工段甚長廢弛又久實不敷用祇能擇要修濬逢汛
搶護其餘應辦各工率多停緩即如本年甫過凌汛工料已費不
貲伏秋大汛萬難為繼以目下情形而論若欲通工修濬非數十
萬金不可然何敢格外議增惟有請復原額以冀逐漸補救等情
請奏前來臣查永定河切近
畿郊兩岸隄工共長四百餘里附近十餘州縣農田民生所繫實
為最要之工原額工需本係酌中定議當時隄高河深料價平減
已費支持嗣因軍需浩繁裁減應辦工程遂多無力興辦荒廢日
甚整理更難加以連年異漲各汛險工疊出應需加鑿埽段較之
昔年多至倍蓰既未能易請鉅費大加修濬必須將額款發足俾
多領一分銀兩即多做一分工程近來直省尋常發款已准復額
加成此項工需關係尤重相應仰懇
天恩准自同治十二年為始仍照原額九萬四千七百兩全數撥

奏稿二十一

十一

領以重要工仍由臣責成該河道督率廳汛核實經理涓滴歸公
儻敢稍事虛浮即行從嚴參辦至此項工需向係由部撥發現時
能否一律如舊應請
敕部議覆施行理合繕摺具陳伏乞
皇上聖鑒訓示謹
奏

奏稿二十一

津郡建曾國藩專祠摺 同治十二年三月二十五日

奏為津郡紳民籲懇建立已故督臣曾國藩專祠恭摺仰祈
聖鑒事竊據天津道丁壽昌天津府知府馬繩武等詳稱原任大
學士兩江總督曾國藩久任東南勦勞懋著同治八年調任直隸
正歲歉匪擾之校地方彫敝下車伊始即以治河練兵飭吏三大
端為務次第舉行民賴以安天津為諸河下梢海疆要地利益尤
多辦理中外交涉事件顧全大局至今咸鑒其苦衷他如清訟獄
減徭役勸農桑嚴緝夥之刑祛鹽務之弊凡有裨於
國計民生無不盡心經營實力興辦委屬有功於民據紳士沈兆
澐等聯名籲懇於津郡擇地建立專祠以資報饗由該道府轉詳
請
奏聲明所需經費另行集捐等情前來臣查曾國藩前於兩江總
督任內因病出缺疊荷
恩施至優極渥並准於立功省分一體建祠仰見
聖主眷念蓋臣有加無已欽感同深其在直隸幾及兩年政績實
多可傳今津郡紳民追念舊德籲懇祠祀出於至誠相應仰懇
天恩俯賜照准以順輿情理合恭摺具陳伏乞
皇上聖鑒訓示謹
奏

奏稿二十一

江蘇勸辦津賑請獎摺 同治十二年三月二十五日

奏為查明江蘇勸辦津賑出力員董繕單擬保恭摺仰祈

聖鑒事竊查同治十年秋間直隸天津河間等屬被水成災經臣

奏明在江蘇等省勸辦捐輸先後捐獲米石棉衣解津賑濟所有

出力各員由臣奏獎在案茲據督江蘇布政使應寶時江蘇蘇松

太道沈秉成等詳稱上年奉文勸辦津賑因滬上商業各歸各常

必須分幫派董酌勸並委員分任其事該員董等心存利濟不辭

勞怨始終奮勉應請分別給獎俾免向隅開單保前來逐加

覆核除將其次出力員董酌加刪減外所有擬保各員相應繕具

清單恭呈

御覽仰懇

天恩敕部准予照請給獎以示鼓勵理合恭摺具陳伏乞

皇上聖鑒謹

奏

張家口糧臺請撥部餉摺 同治十二年四月初三日

奏為張家口糧臺懇

恩照案續撥部餉恭摺仰祈

聖鑒事前因烏里雅蘇臺伊犁哈密庫倫等處調兵防剿遵

旨張家口設立糧臺辦理各路軍糧由臣四次奏撥部餉銀十

二萬兩並經奏明該臺辦理軍糧待用孔亟每年僅用銀六七萬

兩於軍情關係極重懇仍撥部餉以資接濟奉

旨著照所請戶部知道欽此茲據口北道李斌稟稱自同治九年

十二月間設立糧臺先後領過部餉截至十一年年底止共存正

款銀二萬四千七百零餘兩銀二百七十五錢零業已造冊

報銷其原調吉林黑龍江察哈爾馬隊三千四百餘員名應需口

米已於上年冬初運至今年閏六月止所需腳價銀兩係在報銷

存款內動支運今春辦給調赴烏魯木齊之吉林黑龍江馬隊一

千一百餘員名裹帶三箇月口糧及駐紮庫倫之宣化古北口練

軍裝盛米麪繩袋各項暨雜支各款共已動用銀二萬三千餘兩

現僅存銀一千餘兩轉瞬四月下旬牛車陸續開運前經察哈爾

都統奏明預運秋冬二季之米查年內烏城納湖察哈爾馬隊二

百五十餘員名合之原續調各起官兵共四千八百餘員名約需

米七千數百石核計米價繩袋等項需銀甚鉅若不請款接濟必

誤軍運稟請奏撥前來 覆查該道所稟委係實在情形相應仰

懇

天恩敕下戶部照案續撥餉銀三萬兩仍由順天府尹派員領解

赴張家口糧臺交收以濟急需所有張家口糧臺續請

撥部餉緣由理合恭摺由驛具陳伏乞

大清宣統元年四月廿七日

皇上聖鑒訓示謹

Blank area for the main body of the document, likely containing the text of the edicts or reports.

李文忠公奏稿 卷二二

日本換約事

奏為日本換約事恭摺具陳仰祈

聖鑒事竊日本國使臣副島種臣到津會晤情形業經臣附片具奏該使商請訂期即擇定同治十二年四月初四日將同治十年七月二十九日在天津所立修好條規通商章程公同互換屆期臣率同前山東藩司潘鼎新津海關道陳欽及天津道府通商委員等齊赴公所該使副島種臣亦率同該國外務大丞柳原前光少丞平井希昌鄭永甯等前來將日本上諭允准永遠執行之條規章程正副本兩分齎捧交臣驗收臣即將總理各國事務衙門發交恭用

御覽條規章程正副本兩分亦交該使祇領彼此核對無訛臣係原議條規之人無庸再行畫押日本議約係伊達宗城今但令換約之副島種臣於該國上諭篇末添註銜名畫押附釘條約之後

以昭憑信而歸簡易除將所換條規章程正副本兩分一併封固委弁齎送總理衙門查收備案外至同治十一年夏間該國會遣柳原前光等來津議改原約經臣詳細駁斥並批令津海關道陳欽等移知柳原前光俟換約時核辦當即據情專摺奏明在案茲該使副島種臣謂約章甫經互換兩國和好日敦無不共相體諒將來照行後如與彼國通行章程有所窒礙再求通融酌辦上年自悔多此一舉今日更不必另生他議等語是其明達大體毫無矯強尚屬可嘉臣諄囑該使嗣後果皆如此公平兩國必無難辦之事至該使去冬寄臣照會行覲奉國書恭伸慶賀之語欽奉

上諭著於換約時體察情形妥慎酌辦該使復於四月初五日來

五四一

臣行館曾晤據稱擬於初九日起程赴京拜謁總理衙門王大臣
 齋有國書並先錄稿送閱詞意甚屬恭謹惟請
 親一節始終未據提及臣未便探詢致著痕跡想進京後當與總
 理衙門商辦謹將日本譯錄國書稿及准行條規章程上諭照鈔
 清單恭呈
 御覽並緘咨總理各國事務衙門知照所有換約事舉理合繕摺
 由驛具陳伏乞
 皇上聖鑒謹
 奏

奏稿二十一
 九

謹將日本譯錄國書稿鈔單恭呈
 御覽
 大日本國大皇帝敬白
 大清國大皇帝鑒者兩國俱與泰西各國交通往來而獨兩國未
 修親善故於去歲簡派親臣大藏卿伊達宗城經與
 貴國議定條約已予批准允宜派使互換適聞
 大皇帝既成婚且親政朕深歡喜乃特遣外務大臣副嶺種臣於
 貴國交換和約併伸
 慶賀朕固知種臣堪為喉舌專令總理各國事務無不代朕擔當
 言歸於好冀
 大皇帝思交誼篤鄰好待該使臣優加仁厚從此兩國蒙慶永久
 弗渝特茲敬白併祈
 大皇帝多福眉壽
 明治五年壬申十一月十九日
 親筆御諱 國璽
 外務大臣副嶺種臣畫押

奏稿二十一
 羊

1
 丹
 5
 反文十

謹將日本國准行修好條規通商章程上諭鈔單恭呈

御覽

明治五年十一月十九日上諭曰前閱大藏卿伊達宗城適清國
議立兩國修好條規通商章程等所定各條款已予允准永遠執
行愈敦友誼著外務大臣副島種臣畫押俟交換後將該約內必
須遵行各件布告全國府縣大官等一體遵照辦理欽此
神武天皇即位紀元二千五百三十三年明治六年三月九日外
務大臣副島種臣押

奏稿二十一

五

倭使往還禮物片 同治十二年四月初七日

再 欽奉正月十八日

寄諭本日諭旨一道一併發往如該使索看憑據著片行恭錄給
與閱看俟換約事畢此旨仍繳還軍機處備查等因欽此四月初
四日互換條約日本使臣因接臣照覆相信無疑並未索看憑據
所有片奉
諭旨一道謹即封固咨繳軍機處備查該國素重贈答之禮換約
事畢該使副島種臣專員致送臣處日本書籍鎧甲鞍鐙等件並
分致襄辦換約大員藩司潘鼎新關道陳欽土物各有差互等緣
其情誼周洽只得照案收存仍各自備辦土物若干贈送該使臣
以敦友睦合併附片陳明伏乞
聖鑒謹

奏

奏稿二十一

五

蘆課奏銷緩期捐 同治十二年四月十一日

奏為援案請緩長蘆本屆正課奏銷以紓商力恭摺仰祈

聖鑒事竊據長蘆通綱商人屢次具呈連年災歉上年引岸又被

水患本重銷滯商力難支懇將同治十二年應完十年正課分作

五年帶徵臣以嘉慶道光年間水旱成災雖有分年帶徵課款

之案但彼時庫儲充裕今則餉需藉以接濟勢難循以為例節經

批駁並行運司體察情形妥議酌辦去後茲據長蘆鹽運使費羅

成孚詳稱各商課款關係餉需如可周轉萬不容稍存希冀惟蘆

商資本無多全賴運鹽納課從前本轄銷暢一年之鹽祇能納一

年之課近年災歉頻仍灘坵引岸屢被衝沒生鹽短絀運本極重

銷路日滯銀價又復昂貴商力甚形拮据上屆正課

奏准展緩至年底甫經辦出奏銷距本屆五月奏銷之限時僅半

年以半年而令納兩年之課其何能支且上屆正課尾欠及未解

帑利正在嚴比勒迫春運踰時運資莫繼若再將本屆正課同時

並徵勢必顧此失彼課運斷難兩全該司悉心體察既未便分年

帶徵貽誤餉需亦未可過於信迫轉致參懸課細有礙大局議仍

援照上屆成案將本屆正課奏銷緩至十月以保額綱等情請

奏前來臣查蘆商連年受災苦累異常上屆正課奏請展緩奉

旨允准不料秋開又復大水銷路更減資本多虧本屆奏銷為期

太促力實未逮合無仰懇

天恩俯准照案將同治十二年五月正課奏銷緩至本年十月辦

理俾商力稍紓課運得以兼顧屆時仍由臣督飭該司實力催徵

務使本屆奉撥京奉各餉儘徵儘解以供要需理合恭摺具陳伏

皇上聖鑒訓示敕部知照謹

奏稿二十一

五

潘鼎新入都片 同治十二年四月十一日

再頭品頂戴前任山東布政使潘鼎新上年秋閒服闋由籍赴京道經天津適值臣往大名一帶閱兵津郡水勢未涸冬防喫緊奏留該藩司暫駐天津督率各營操防彈壓聲明俟今春開河臣回津後再令其赴京

陸見恭候

飭用奉

旨善照所請欽此本年二月間臣籲懇入

觀隨扈

陵差恐日本使臣來津無人接待又

奏派該藩司襄辦換約事宜現在日本約事告竣該司籌辦一切均甚周妥查潘鼎新由舉人從軍十餘年帶隊勦賊於各省地勢

奏稿二十一

民情閱歷甚深自同治五年在山東臬司任內蒙

恩擢授藩司正督辦東西捻逆軍情棘手之前敵需人未便

檄令赴任該司識力沈毅才具幹練軍事固稱熟手吏治亦甚究

心茲丁憂起復例應進京候

簡臣即照案飭令起期北上俾伸報效之忱伏乞

皇上聖鑒謹附片具

奏

福濟捐賑片 同治十二年四月十一日

再上年天津河間等屬水災較重經臣

奏明勸捐賑濟各省官紳捐助銀錢衣糧疊次核准給獎在案茲查有已革頭品頂戴

賞戴花翎前烏里雅蘇特將軍福濟報捐銀一千兩業飭籌賑局司道兌收摺放該前將軍回京養病近况聞甚拮据而體念時艱

效忠好善之忱老而彌篤當咸豐四五年間福濟為安徽巡撫曾從事於廬州軍營深悉其廉勤勦已慈惠愛民即同治九年冬

賊擾烏城雖疏防堵竄因兵力過單仰蒙

恩宥僅予革職留任嗣以錦丕勒多爾濟挾嫌參奏榮全含混查

覆遂邀罷斥究之該城旋即收復其情不無可原茲緣近畿水患竭力拯助臣不敢墮於上

奏稿二十一

聞惟福濟曾任大員宣力中外幾四十年應如何優給獎敘之處

出自逾格

恩施理合附片陳請伏乞

聖鑒訓示謹

奏

淮軍西征報銷摺 同治十二年四月十一日

奏為淮軍西征軍需自同治九年四月起至十年十二月底止收支款目造冊報銷恭摺仰祈

聖鑒事竊照同治九年三月底止軍需用款業經開列為冊檢尾案報銷並聲明九年四月起歸於西征戶案報銷於同治十年八月初一日由前任兩江督臣曾國濟繕摺會

奏奉 旨著照所請該衙門知道單二件片一件並發欽此欽遵在案茲查九年二月臣奉

命赴陝西督辦援剿事宜當因西北地勢平曠回騎飄忽非馬步兼用不能得力飭郭松林周盛傳趕募武毅盛字各起馬隊帶往助剿一面將後路餉需轉運等事妥為籌畫並念備調各軍遠道

從征籌補欠餉以示激勵是年六月臣又遵 旨移緩就急酌帶親軍各營馳赴近畿一帶駐紮先經派員在湖

北省城設立糧臺續於揚州添設糧臺分局以為後路收撥餉械總匯之所初由襄陽荆紫關龍駒寨入陝繼改清江張秋各處分設轉運局節節提解行營以供支應是年九月初前任直隸提督劉

銘傳欽奉 諭旨督辦陝西軍務統帶原部銘軍馬步二十八營分撥武毅步

隊十營楚軍馬勇二營應需糧餉軍火等件經該提督奏明由臣隨時會商兩江湖廣各督臣籌撥接濟所用正雜餉項至十年十

二月止統歸臣查核報銷所有淮軍除提督吳長慶統帶慶字親兵八營提督劉玉龍開花礮隊一營原飭整備調陝迨移師赴直仍令駐防江蘇應撥歸蘇省留防軍需案內彙銷此外原募續添

馬步各軍自九年四月起及隨征護運督標親兵銘字春字水師等營九年正月起並調隨銘軍赴陝之總兵徐邦道楚軍馬隊二營十年正月改由淮軍糧臺支餉歸此案報銷以上營哨官弁員名勇夫總數征防處所業經按季造冊分咨軍機處暨戶兵

二部備查至馬步水陸各營薪費口糧正雜等項一切均照舊章仍依楚軍刊本營制並奏定章程及准銷成案分別造報惟因地

用兵情形稍異其購買駝騾采辦米糧物料製造軍器械工價開差雇用船車驟頭等款因各處市價不同隨時酌定核給購買

馬匹係照陝西直隸兩省驛馬例價分別支銷轉運雇車輛歇驟夫役價腳等項按照斤重及程途里數例價核實給發均屬實

用實銷飭將截至十年十二月底收支細數趕緊分晰造報今據直隸藩司保觀安徽補用道石楷江蘇巡補道凌煥等詳稱舊管

無項兩年新收項下綜計山東浙江四川等省協餉並提撥湖北江蘇藩關釐局軍餉兩淮鹽釐及本案淮勇支領米糧核抵月餉

列收銀款同扣存平餘等款共銀七百六萬四千七百九十九兩七錢有奇又

奏撥福建船局購辦運津米石截留江安嶽道起運江北河運餘米晉省采購米麥粳豆共計三萬七千八百五十一石二斗零內

登除各款共銀八千八百三十四兩有奇本色米糧三萬七千八百五十一石二斗零又附列專冊請銷補放淮軍馬步各營同治九年三月底以前欠餉銀四十八萬八千九百一十二兩一錢有奇又本案附請專案

奏銷洋鎗廠隊教習辛工等款兩冊共銀三十萬九千九百六十四兩五錢有奇實計收用銀六百三十五萬七千八百三十九兩

五錢有奇開除正雜各款遵照部議酌定軍需報銷章程各歸各部核銷計應歸戶部核銷銀五百四十三萬四千七百七十七兩有奇應歸兵部核銷銀二十一萬四千四百七十二兩二錢有奇應歸工部核銷銀二十一萬一千六百三十四兩一錢有奇統共請銷銀五百八十六萬一千八百三十四兩四錢有奇實存銀四十九萬七千六百五十六兩一錢零內有十年冬季先後撥解提督曹克忠由津赴陝募勇並接統銘軍次年頭二兩關糧餉正雜等項三十餘萬兩統歸於同治十一年次案舊管項下接接造報等情具詳請

奏前來臣伏查此次造報准勇馬步水師各營勇丁遵照部咨開報花名清冊正雜款項概發湘平折實庫平報銷仍扣雜款一分平餘均係循照歷辦成案費用實銷並無絲毫浮冒除將細冊分

咨各部並飭以後用款趕緊接續清理造報外謹將准軍西征軍需收支款目造冊報銷緣由專摺具

奏並繕清單恭呈御覽伏乞

皇上聖鑒敕部核復施行謹

奏

謹將同治九年四月起截至十年十二月底止淮軍西征軍需收支正雜各款繕具清單恭呈

御覽計開

- 舊管
- 無項
- 新收
- 一收山東省協餉共撥解銀三十六萬兩
- 一收浙江省協餉共撥解銀三十五萬兩
- 一收四川省協餉共撥解銀三十四萬兩
- 一收山西省應解京餉奏留抵辦米糧銀五萬兩
- 一收湖北軍需局提撥湖北捐餉局米折捐輸銀六萬五千八百二十兩六錢六分五釐二毫
- 一收湖北軍需局共提撥沙平銀六十一萬二千兩合湘平銀六十一萬一千五百七十一兩六錢
- 一收湖北江漢關共提撥四成洋稅庫平銀四十二萬兩合湘平銀四十三萬四千四百四十八兩
- 一收湖北江漢關共提撥六成洋稅關平銀六十三萬兩合湘平銀六十四萬五百八十四兩
- 一收蘇州藩司庫共提撥銀三十八萬兩
- 一收江南海關共提撥銀一百二萬四千一百二十四兩八分七釐一毫
- 一收江蘇捐釐總局共提撥釐捐銀一百三十七萬四千五百五十八兩四錢五分六釐八毫

一收兩淮運司庫共提撥銀三萬四千兩
 一收鄂岸鹽釐共提撥銀二十七萬九千六百七十五兩七錢四分四釐七毫一忽二微五纖
 一收湘岸鹽釐共提撥銀十一萬三千五百兩
 一收西岸鹽釐共提撥銀九十三萬九千七百三十八兩一錢一釐
 一收皖岸鹽釐共提撥銀二萬一千三百六十三兩四錢一分
 一收本案淮軍各營支領本色米糧三萬七千八百五十一石二斗二升三抄一撮共計用抵月餉列收湘平銀十萬五千三百七十四兩八錢六分三釐四毫一絲二忽五微
 一收本案轉運價腳采辦製造房租等項共扣存平餘銀二千八百一十一兩六分三釐四毫六絲三忽

一收奏留福建船局購辦運米一萬九千一百三十四石六斗
 一收截留江安糧道起運江北同治八年分河運內餘米三百石
 一收木案省采辦米麥麩豆共一萬八千四百一十六石六斗二升三抄一撮

以上新收共庫平銀五百三十三萬五千五百九十一兩五錢二分八釐二毫六絲四忽二微五纖

湘平銀一百七十九萬一千九百七十八兩四錢六分三釐四毫一絲二忽五微折合庫平銀一百七十二萬九千二百八兩二錢五釐五毫五絲一忽

共計庫平銀七百六萬四千七百九十九兩七錢三分三釐八毫一絲五忽二微五纖

又米麥麩豆共計三萬七千八百五十一石二斗二升三抄

登除
 一撥放安徽壽春鎮總兵郭寶昌所部卓勝軍隨營官弁薪糧應歸皖省入收造報湘平銀二千兩
 一撥放楚軍馬隊騎左騎右兩營各添中哨一哨同治九年十二月底以前糧餉等項應歸鄂省入收彙總造報湘平銀一千七百六十八兩九錢二分一釐八絲四忽

一撥放天津資遣游弁散勇自同治九年閏十月起截至是年十二月底止陸續資遣游弁散勇已將員名支數遵照部咨專案分晰彙開清冊咨送戶兵部核銷湘平銀四千六百八兩

一附列本案專冊請銷補放淮軍馬步各營同治九年三月底以前欠餉銀四十八萬八千九百一十二兩一錢二毫六絲八忽

一附列本案第一冊請銷淮勇陸軍各營洋鎗礮隊教習通事工匠人等辛工等項銀三萬九千七百六十二兩五錢七分九釐四毫五忽

一附列本案第二冊請銷製造西洋礮火各局工匠料物並購買外洋軍火價值等項銀十七萬二百一十九兩九錢六分六釐八毫八絲八忽

以上登除並附列請銷各款湘平銀八千三百七十六兩九錢二分一釐八絲四忽折合庫平銀八千八十三兩四錢九分三毫八絲三忽庫平銀六十九萬八千八百七十六兩六錢四分六釐五毫六絲一忽共計庫平銀七十萬六千九百六十兩一錢三分六釐九毫四絲四忽

又撥放淮軍各營支領本色扣抵月餉應除米麥麩豆三萬七千八百五十一石二斗二升三抄一撮

實計收用庫平銀六百三十五萬七千八百三十九兩五錢九分六釐八毫七絲一忽二微五纖

開除

一第一冊請銷准軍原募續添馬步各營統領哨官弁勇夫薪糧等項內歸戶部核銷薪費口糧馬乾等銀四百六十三萬七千

一百三十三兩二錢六分九釐一絲三忽歸兵部核銷例補馬價銀一萬八千九百一十五兩三錢七分一釐九毫九絲六忽

一第二冊請銷督標春字銘字水師各營哨官弁勇丁薪糧等項係歸戶部核銷銀十三萬二千七百二十四兩二錢五分九釐三毫八絲四忽

一第三冊請銷隨營辦事支應各差京外文職官員薪糧等項係歸戶部核銷銀六萬八千四百三十七兩一錢三分二釐一毫四忽

忽

一第四冊請銷隨營先鋒差遣武職官弁薪糧等項係歸戶部核銷銀五萬四千五百八十七兩八分八釐六毫八絲一忽

一第五冊請銷武職各員在營借支養廉係歸戶部核銷銀七千七百一十九兩七錢七分二釐二毫六絲七忽

一第六冊請銷准軍馬步各營柴草油燭折價駝騾購車喂養車輛雇價等項內歸戶部核銷柴草油燭折價駝騾購車喂養等銀三十八萬一千八百八十三兩二錢三分八釐四毫四絲五忽歸

兵部核銷車輛雇價銀七萬九千八百三兩一錢四分五釐八毫七忽

一第七冊請銷准軍馬步水師各營官弁勇夫傷亡病故受傷卹賞係歸兵部核銷銀一萬二千四百三十五兩五錢八分八釐一

毫五絲

一第八冊請銷援陝調直開差雇用船隻車騾夫料價腳等項係歸兵部核銷銀一萬二千六百一十二兩五錢六分三釐九毫二絲九忽

一第九冊請銷解駝官弁牧丁薪糧路費購買駝騾馬匹價值喂養夫工等項內歸戶部核銷薪糧路費駝騾價喂養等銀八萬九千九百八十八兩七錢四分七釐八絲一忽歸兵部核銷馬價夫工等銀一萬九千八百八十八兩七錢七分七釐三毫八絲一忽

一第十冊請銷各臺局所雇備轉運長船夫役短車夫工騾價腳力鹽菜等項內歸兵部核銷船車夫工騾價腳力等銀七萬一千六百一十六兩七錢五分六釐七毫三絲歸戶部核銷鹽菜銀一百一十七兩二錢九分一釐三毫二絲五忽

一第十一冊請銷采辦米麥麵豆等項價值係歸戶部核銷銀六萬一千四百八十九兩二錢五分六釐

一第十二冊請銷采辦物料製造軍裝器械工價並水師船隻油艙經費等項係歸工部核銷銀二十萬五千六百八十一兩六錢六分八釐二毫一絲八忽

一第十三冊請銷各臺局所租賃房價係歸工部核銷銀五千九百五十二兩五錢二分三釐四毫

以上第一冊至十三冊止其歸戶部核銷銀五百四十三萬四千七百七十七兩五分四釐歸兵部核銷銀二十一萬四千四百七十二兩二錢三釐九毫九絲三忽歸工部核銷銀二十

一萬一千六百三十四兩一錢九分一釐六毫一絲八忽統計十三冊共請銷銀五百八十六萬一千八百三十三兩四錢

四分九釐九毫一絲一忽

實在

存銀四十九萬七千六百五十六兩一錢四分六釐九毫六絲二微五纖

查前項實存內有十年冬季先後撥解提督曹克忠由津赴

陝接統銘軍糧餉等項銀三十餘萬兩統歸於同治十一年

舊管項下滾接造報理合聲明

一 同治九年四月起截至十年十二月底止共欠發淮軍陸勇各

營餉銀四十九萬一千三百七十二兩九錢七分九釐二毫二絲

二忽

一 同治九年正月月起截至十年十二月底止共欠發淮軍督標水

師各營餉銀八千一百八十七兩九錢五分

以上共欠發餉銀四十九萬九千五百六十九兩九錢二分九釐二毫二絲二忽續有補給銀款片歸次案專冊開報理合

登明

登明

外洋軍火教練用款片 同治十一年四月十一日

再查勦捻軍需尾案內洋鎗廠隊英法兵官教練各營薪糧係截

至同治八年十二月底止其淮軍陸勇各營教習通事工匠人等

辛工並采辦外洋軍火價值製造西洋礮火工料等項截至九年

三月底止用款業經前任兩江督臣曾國藩片開清單附

奏請銷奉

旨覽欽此欽遵在案今除駐防松瀨教練各營薪糧等款歸於江

蘇留防軍需片案附銷外所有同治九年四月起淮軍陸勇西征

各營洋鎗礮隊教習通事工匠人等辛工及製造西洋礮火各局

工料購買外洋軍火價值等項均截至十年十二月底止其請銷

銀二十萬九千九百六十四兩五錢有奇茲據直隸藩司孫觀等

按款復加查核均係奉文飭發並無浮冒月造細冊詳請附

奏請銷前來

查前項淮軍陸勇各營洋鎗礮隊教習通事工匠

人等辛工各款皆與洋人交涉無例可循仍應專案核實請銷除

將細冊咨送總理衙門戶兵工部查核外謹繕清單恭呈

御覽伏乞

皇上聖鑒謹

謹將淮軍西征軍需案內附銷陸勇各營洋鎗礮隊教習通事工匠人等辛工等項自同治九年四月起截至十年十二月底止支放各款繕具清單恭呈

御覽

計開

一支放淮勇陸軍各營洋鎗礮隊教習通事工匠人等辛工等項銀三萬九千七百六十二兩五錢七分九釐四毫五忽
一支放製造西洋礮火各局工匠物料並購買外洋軍火價值等項銀十七萬二千九錢六分六釐八毫八絲八忽
以上共支放銀二十萬九千九百六十四兩五錢四分六釐二毫九絲三忽提用撥款歸於淮軍西征軍需止案彙總開報理合聲明

奏稿二十一

卷

軍需用款增減例案片 同治十二年四月十一日
再十一年十一月內臣附陳淮勇軍需用款遵照部章先行奏明立案奉

旨該部知道欽此嗣接兵部咨此次撥餉陝西調防直隸所有購買馬匹自應照陝西直隸營驛定價分別辦理至轉運雇用短車駝騾腳價等項亦應將何項與例案如何增減之處縷晰條分詳細具奏俾將來報銷時有所稽等因
查淮軍西征軍需報銷一案購馬匹係按照陝西直隸兩省驛馬例價支銷各局所轉運軍火糧餉等項除長船一項循照勦擒秦部准銷成案支給其短雇車騾腳價格遵照軍需則例分別斤重程途里數詳細造報至運礮短夫例載日支工價銀八分口糧米一升今酌給工價銀一錢不支食米按銀米合計尚屬無淨惟臣奉

奏稿二十一

天

命督師援陝復遵旨移緩就急酌帶各軍馳赴近畿一帶所有兩次開差隨帶行營辦事差遣支應京外文職各官先錄員弁抽調護衛親軍小隊勤勇匠役人等並文卷軍械軍火鍋帳行李製造機器什具物料先由湖北省城水路赴襄陽以達荆紫關起至西安山路崎嶇大隊由襄陽旱路進發嗣又由陝取道山西馳抵直境均屬軍情緊急之際倉卒啟行所雇船車駝騾就地覓雇一時難齊並飭鄰封州縣分投代雇以期迅速水路船隻無論裝載何項不計斤重程途里數以及乘坐人數多寡均按其大小酌定水手名數以四名至十二名不等自受雇起至卸載止每名日支銀一錢並不另支口糧米合船價緯夫悉在其內查軍需例載每員名每百里給銀三分軍裝行李每百斤百里給銀一分逆水每五員名給緯夫二

名軍裝行李一千五百斤給練夫一名每名給銀五分又例載順水每石每站給水脚銀三分六釐逆水給銀七分順水一百里為一站逆水八十里為一站等語核與例案比較支數有減無增陸路車輛不論斤重里數湖北河南山西三省雇到之車三套者每輛日支銀一兩二套者日支銀七錢陝西雇到者不論套數日支銀六錢坐價均酌給減半查例載河南每車百里給銀一兩陝西每車百里給銀四錢五分其餘各省均照驛站定例每車百里給銀一兩等語此次開差必須車輛齊方能過發係分行坐價支給尚與例價無浮惟陝西所雇之車每輛日支銀六錢與例相增至騎馱騾頭每頭日支銀三錢坐價減半並不另給回空盤費查例載如山路險車輛難行雇馬馱馱之地照運糧例每百三十斤給馬一匹或騾一頭每匹頭給脚價銀三錢等語核與例價相符以上開差雇船車馱騾共請銷折庫平銀一萬二千六百一十二兩有奇均係實用實銷並無冒濫臣視師十餘年深知籌餉艱難於一切支應無不力求撙節歷年動用各款核與例案節省良多共有一二款項與例微有加增實因地方情形不同未能一概繩以成例謹附片陳明伏乞

奏 聖鑒敕部查照謹

津浦改照練軍營制摺 同治十二年四月二十三日
奏為津浦洋鎗礮隊酌照直隸練軍步隊營制改設營哨以節餉需而期經久恭摺仰祈
聖鑒事竊查同治七年因津浦海防緊要募足洋鎗隊五營洋礮隊一營歸天津鎮總兵陳濟清統帶共計官兵三千二百餘員名應需薪水口分馬乾公費衣帽等銀由海防支應局照章核發分年造銷在案嗣經陸續派撥留防綏遠城官兵八名派赴奉省官兵二員派赴科布多城官兵二員官兵十名撤歸大沽礮臺存津城官兵勇二千二百餘員各營均掣動隊伍未能整齊上年七月間經臣改派記名提督吳雲集統帶往城東茶營挖濠布置操防據該提督稟請酌照直隸練軍改定營制期與保定

大名正定通永各軍聯絡一氣臣以當此經費支絀籌餉難於籌兵使整頓營制而餉需未能應手練兵終難得力飭海防支應局司道通籌全局務與原領月餉有減無增以期餉不虛糜事可經久茲據該司道等會詳現存津城洋鎗礮隊原領月餉並夏冬兩季衣帽每年共應支銀十四萬餘兩茲改照直隸練軍新章若就原練之兵無所損益轉得就原領之餉量予減裁實為海防經久至計擬請將現存兵勇編立四營三哨仍照舊制設立文武翼長各一員俾資訓練所有弁兵薪糧公費柴草伙夫長夫等項均照會國藩奏定練軍章程核給其從前原領洋馬大馬馬匹挑練馬隊各馬乾留津京營官弁總統隨帶文武員弁人等並鎗礮公費一併刪除查兵部議擬直隸練軍營制明此後應行變通之處隨時斟酌損益奏明辦理等語查營制內開每營劈山礮礮車二輛

時斟酌損益奏明辦理等語查營制內開每營劈山礮礮車二輛

洋開花礮礮車二輛茲與該統領吳雲集籌商擬專以中營為礮
隊於原練洋礮內挑選洋開花礮三十尊配用礮車三十輛拉車
馬九十匹又酌留差馬十匹以資哨探計共馬一百四匹每月給
乾銀三兩無事則團聚一營演練較為得力遇事則酌量分發防
剿亦不誤要需又查淮勇各營開花洋礮向有礮費大清礮臺亦
有演礮經費奉部准銷該軍開花洋礮三十尊擬每月酌給
用費銀三兩六錢以後洋礮如有續增用費照加又津郡濱臨大
海嚴冬朔風颯勁該兵勇分段巡夜通宵達旦寒苦異常且係通
商重地華洋雜處若禦寒無具不足以壯軍容向例夏冬兩季每
名每季給衣帽銀二兩五錢茲據裁去夏季酌留冬季每名核減
銀一錢五分以示撙節以上三事比照練軍章程稍有變通於海
防實大有裨益又營制內開練兵底餉應由藩司扣出概交練軍
統領與練餉一併支發等語茲查調練軍之津通兩鎮標弁兵
各底餉除乾銀朋扣合米折計之每年實應領銀一萬三千九百
五十餘兩應由該統領照章赴藩司請領與練餉一併支發仍由
支應局於該軍應領餉內按季扣除通盤核計改章之後較洋
鎗礮隊原領月餉每年可節省銀九千六百餘兩似與操防經費
均有實濟其動撥餉銀仍歸海防案內造銷詳請核
奏前來臣遂加覆核所議各條如酌留長專設礮營添給礮費
核給冬季衣帽銀兩雖較直省練軍定章稍增而於海防練兵實
不可少且通盤核計應領餉銀較原領月餉核減九千六百餘兩
尤為變通得法除批飭照辦外理合恭摺具陳伏乞
皇上聖鑒訓示敕部知照謹
奏

海防支應局報銷摺 同治十一年四月二十三日
奏為查明天津海防支應局十一年分收支餉請按款分造清冊
請 旨敕部核銷恭摺仰祈
聖鑒事竊據天津支應局長盧運司覽羅成字津海關道陳欽天
津道丁壽昌會詳津郡辦理海防應需原練續練新練之洋鎗礮
隊挑練馬隊通承鎮標大沽協標等營馬步官兵雲字營馬隊暨
調防歸綏直字營馬勇餉乾等銀向於津海關六成洋稅洋藥釐
捐東海關協餉長蘆鹽斤復價各項下隨時籌撥按照歷辦章程
撥節支放所有同治十年分收支款目業經分造清冊詳蒙
奏准銷在案茲查金陵製造礮局仿造西洋水雷委差弁二員
解津備用並留該弁演練每員月給薪水銀十六兩天津軍械所
收解外洋軍火事務殷繁詳蒙批准月給公費銀二十兩十一年
二月間兵部議覆大沽海口酌定營制將該營官弁俸餉兩自
二月十二日奉
旨之日起按照新章支領其酌留看守礮船之大沽營千總一員
兵十名奉撤回營應支薪糧卽於三月停支天津營務處原設聽
差八名五月開悉行裁汰其營務處護衛親軍五棚留備津郡巡
防調歸支應局改照練軍口糧自五月初一日接支直字營馬勇
分撥游擊劉長春管帶一哨計五十五員奉文遣撤應支薪糧於
七月初一日停支迨八月間提督鍾邦喜巡查津郡嚴緝游勇月
給油燭銀八兩洋鎗礮隊前後兩營於九月間移營築壘比照成
案共添雇伙夫一百一名每月支銀三兩又津郡冬防緊要奏
留前山東布政使潘鼎新所駐天津會督操防按月撥給薪水銀

兩自十月初一日起支其派赴科城教習內無底餉兵勇八名仍按季比照職糧每名月給銀一兩三錢以資養贍家屬調防歸綏之直字前後兩營馬勇並留綏遠之津標洋礮隊酌加餉乾等項按三箇月撥解一次又天津營務處為請軍總匯蒙派候補道員會同總理該處差遣文武並辦理通商文案及經理鹹水沽稻田委員應支薪水均照章按月核給現將收支各款截清日期造具細數清冊詳請

奏查前來上逐加覆核計自同治十一年正月初一日起截至十二月三十日止共收過津海關洋稅洋藥釐捐東海關協餉釐鹽復價等項銀三十八萬五千兩共支過官兵勇隊薪水口糧俸廉餉乾公費及現任各官借支養廉委員薪水聽差護局夫勇渡夫工價米折口糧看守藥庫弁兵薪水口分洋鎗礮隊並挑練馬隊

公費大沽海口礮臺演礮經費兵丁衣帽棺木建築洋鎗礮隊營盤土城礮臺官廳兵房添製帳房旗幟號褂及一切軍火子藥等項運送軍火委員盤費騾脚局書工食油燭紙張租賃民房等項遵照部定章程應請戶部核銷銀三十三萬九千八百九十五兩八錢八分一釐九毫六絲九忽七微工部核銷銀四萬五千九百九十九兩四錢四分四毫三絲六忽二微二共應銷銀三十八萬五千八百九十五兩三錢二分二釐四毫五忽九微內除本案內扣收平餘銀四百六十兩二錢二分八釐四忽二微儘數動支外計不敷支銀四百三十五兩九分四釐四毫一忽七微均係隨時籌墊並承辦各員請領未發之款俟奉准部覆後再行分別辦理除清冊咨部查照外所有查明海防收支餉需銀兩造冊請銷緣由理合恭摺具

奏伏乞
皇上聖鑒敕部核銷謹
奏

奏稿二十一

四

奏留李興銳摺 同治十二年四月二十三日

奏為直隸吏治需員懇

恩仍將知府李興銳留直差委以資佐理恭摺仰祈

聖鑒事竊查道員用准補大名府知府李興銳前因母病未痊請

假赴江甯寓所省親經原任兩江督臣曾國藩奏請開缺留於兩

江差委奉

旨俞允嗣准部咨以李興銳係現任人員應比照終養開缺之案

准在江甯養親留於兩江差委俟養親事畢照例坐補原缺等因

在案上年十二月間臣以金陵差務較緩直隸委用需人奏明檄

調該員迎養到直並請免其坐補原缺仍以道員留直補用奉

旨吏部議奏欽此旋准吏部查與准其開缺養親原案未符所請

應無庸議等因覆奏奉

旨依議欽此知照前來臣查李興銳前此辭職奉親原因母病未

痊不能遠道就養與呈請終養者實有區別吏部因實缺人員例

無請假明文比照開缺養親辦理亦與例應終養人員不同茲查

該員之母舊恙久痊上年經臣奏調已迎養到直伊母今年六十

九歲又有胞弟三人非獨子可比該員籍隸湖南其寄寓金陵與

服官直隸同一侍養既已遠道迎養而來若仍令折回長途跋涉

往返多勞揆諸人子孝養私心亦有不忍況該員係直隸曾任實

缺人員臣忝任畿疆凡地方吏治河工海防軍務諸大政方冀集

思廣益力求振作以挽頹風本年

親政之初欽奉

諭旨如有賢能出眾之員即行隨時保奏用備任使等因仰見我

皇上勤求政治儲育人材至意竊維為政之要首在得人該員李

興銳條理精密血性過人前在曾國藩軍中調和將士節慎餉料

不避險難不辭勞怨其辦事久著成效若使所得所展布必不愧賢

能之選即部臣於議覆疏中亦謂臣奏調該員係因需人差委惜

才可用起見茲該員迎養回直有以遂其孝思亦得以盡心民事

於忠孝似屬兩全合再仰懇

天恩俯念人才難得可否

敕部將該員前次比照終養原案註銷准其仍回直隸原省差遣

委用至臣前請以道員留直補用一節既經部議恐啟擇缺規避

之端自應遵照將李興銳仍留直隸坐補大名府知府原缺以符

定制如蒙

俞允則有用之才得以及時自效臣亦藉收指臂之助實於治理

有裨臣為吏治需人起見是否有當理合恭摺具陳伏乞

皇上聖鑒訓示謹

奏

奏

奏

奏

奏

奏

奏

奏

橋道經費請發十成摺 同治十二年五月十一日

奏為州縣恭辦橋道經費請發十成實銀以昭慎重恭摺仰祈
聖鑒事竊據藩司孫觀詳據大興宛平通州三河新州遵化豐潤
玉田良鄉房山涿州易州涑水等十三州縣稟稱該州縣等恭辦
兩陵大差沿途橋道經費向例發給十成實銀咸豐年間軍需煩
鉅改發一半鈔票當時銀鈔並重行戶照章領用尙可周轉今年
三月恭逢

皇上祇謁

東陵大差因鈔票停止前項經費按藩庫現行章程僅折發六成
實銀每兩遞減四錢行戶不肯領辦查搭蓋橋座涵洞以木植秫
稽為大宗平填道路修理地盤以夫役土方為大宗近年連遭災
歉料物短缺價值倍增又須他處購買運腳重加夫役窮苦土方

奏稿二十一

七

工價必應發足俾資餬口萬難絲毫剋減其他一切用物均須市
價采辦當此物力維艱即發十成實銀尙難敷用折發六成實屬
賠累不支惟有請復向例等情由司核議具詳前來臣查該州縣
等前在差次具稟因差期緊迫當飭先行籌墊一面批司核議茲
據來詳委係實在情形且自停鈔以後直省各屬驛站工料均經
改發十成實銀況大差橋道為
鑿輅所經非尋常驛務可比若仍折發六成不特州縣賠墊過多
更恐臨時藉口貽誤相應仰懇
天恩准將本年三月大差並嗣後恭遇

皇上祇謁

兩陵應需橋道經費均照向例按十成實銀撥發以昭慎重而示
體卹謹會同兼管順天府府尹臣萬青藜順天府府尹臣彭祖賢

恭摺具陳伏乞
皇上聖鑒訓示謹
奏

奏稿二十一

吳

修築滋河瀕龍河隄摺

同治十二年五月十一日

奏為修築滋河瀕龍河隄工完竣情形恭摺仰祈
 聖鑒事竊查保定西南無極深澤祁州地面有滋河沙河唐河三
 道皆發源山西會於邢州之三岔口為瀕龍河逕安平博野蠡縣
 高陽而達西淀滋河來源較旺北高南下向築南隄瀕龍河挾三
 水以恣奔突勢益湍急故有南北隄以東之乃年久失修隄形卑
 薄過甚自滹沱河山藥城深澤一帶北徙距瀕龍河僅一二十里
 或數里不等伏秋盛漲彼此衝決灌溢匯為一片附近二十餘州
 縣疊受其災且滹沱渾流乘勢入淀較大清河之壘淤更甚西淀
 為上游西南非諸河要津一被淤填尤害全局臣屢經察訪滹沱
 無收束之法必須盡力於滋河瀕龍河南隄以障滹水而衛農田
 而瀕龍北隄及下口去路亦關緊要上年秋後飭據清河道葉伯
 英於議疏西淀之際即至各該州縣妥細履勘內高陽已先令堵
 築決口外其自無極合流村起歷深澤祁州安平博野蠡縣至高
 陽止計滋河南隄瀕龍南隄共四百數十里半係缺口險工應
 分別堵築加培高厚因地制宜定為頂寬一丈五尺至二丈底寬
 三丈至三丈五尺高八九尺並開通下口入淀之路以期全河暢
 流不少阻滯已於預撥庫款以工代賑摺內陳明大略在案旋經
 該道會同藩臬兩司籌議章程二月間葉伯英親督開工印委各
 員認真將事紳民鑿於前告按戶出夫實力趕辦遠近災黎咸獲
 備趨餉口兩月之內全工告竣復經該道逐細驗收丈尺半過原
 估均已夯碾堅實其決口險要工段一律密釘排椿鑿墊梢料或
 添築俄壩增做月隄子埝並堆列土牛栽種柳樹以資捍禦至入
 淀下口節節打壩屏水挑泥尤費工力從此本河順軌外水不侵

按時修防可為久遠之利第兩岸工長四百餘里各境土方各十
 數萬災歉之餘民情踴躍甚屬可嘉其官紳尤為出力者可否各
 臣擇保數員以示獎勵伏候
 聖裁除飭妥辦善後事宜並將此外隄河各工迅速辦理外所有
 修築滋河瀕龍河隄工完竣情形理合恭摺具陳伏乞
 皇上聖鑒訓示謹
 奏

奏稿二十一

五

永定河工請照額撥款摺 同治十二年五月二十八日

奏為永定河工程喫緊核減領款實不敷用擬仍額懇

天恩俯准照額發給藉資補苴而防險要仰祈

聖鑒事竊查永定河水性湍急挾沙衝壘易淤善潰素稱難治自

設隄工以來歲需修費疊次加增至嘉慶年間每年赴部領額歲

搶修及備防稽料加增運腳等款共計銀九萬四千七百兩並於

額款之外開有另案土工以資培築乃自咸豐三年以後軍務浩

繁庫款支絀部議減復行減料以致河務由此廢弛迨同治年

開前督臣劉長佑會國藩因修防竭蹶先後奏准部覆照額減半

給銀每年加撥銀二萬三千兩除扣去六分部平等項每年祇領

六萬五千餘兩此款內尚應撥出疏濬中洪下口銀一萬一千數

百兩兩岸修防備料實只五萬三千兩有奇在當時隄高河深百

務未廢以此給領尚難支持奈久廢之餘河患日深無處不應整

頓添工加料即照當年額領之數猶慮不敷年來限於經費祇能

擇其萬難緩者稍事補苴其餘應辦工程率多無力興舉每致大

汛搶險料無多儲動輒棘手近年異漲各汛險工疊出較之昔年

多至倍蓰雖屢蒙

恩准撥帑修築其通工隄埝仍須擇要加培以防新險如欲將應

辦各工一一整理非歲有數十萬金不能應手前據永定河道李

朝儀以工程喫緊稟請核辦不得已據情請復舊額使工用稍資

周轉廢河逐漸挽救並非藉此即可足用也昨准戶部議覆以旗

租指撥多款部庫自顧不遑仍令照章撥給等因臣久歷時艱深

知籌款不易豈敢稍任浮費無如工程實在緊要每年僅以扣平

之六萬餘金將就敷衍未免顧此失彼更糜帑項再四籌維惟有

仍懇

天恩俯念永定河險工日多領款過少准自同治十二年起將歲

搶修等銀照從前九萬四千七百兩原額撥領無庸核減其每年

加撥之二萬三千兩即無須另籌應行疏濬中洪下口亦由此額

款內辦理綜計每歲僅增銀二萬四千餘兩實成該河道認真修

堵先事綢繆於河務民生大有裨助如蒙

允准所有本年應需各項除部撥旗租及加撥銀兩外尚應我發

銀二萬四千餘兩部庫既無款可籌刻下旗租亦難籌此鉅款擬

將兩江督臣解到南河款銀二萬兩儘數撥給尚不敷銀四千

兩餘飭令藩司在於旗租項下勻撥以資應用嗣後歲修之款除

動用本省旗租外再由兩江督臣照案迅速妥籌協撥勿任短缺

但應否由此兩款內通融撥或俟庫款稍充循舊由部請領之

處仍由臣按年咨部核辦至本年加撥銀二萬三千兩前經臣於

練餉項下借撥奏明俟江南解到款項歸還今永定河瞬息汛漲

需款甚急擬將江督解到之二萬兩湊撥其前借練餉之銀無項

歸補應即就款開銷為工程緊要領款實不敷用請仍照原額

給領以防新險起見謹恭摺覆陳伏乞

皇上聖鑒訓示遵行謹

奏

部請變通捐 同治十二年五月二十八日

奏為部請行取較多勢難盡歸捐辦擬請為變通恭摺仰祈
聖鑒事竊據藩司孫觀詳稱直省奉工部行取捐斤向係分攤各
州縣采買並不給價該州縣等或派之商民或自行捐辦各有定
章然從前兩三年中行取一批並非歲所常有倘能依期解送自
咸豐初年軍興以後漸增至一年一批甚至一年兩三批行取既
多仍歸捐辦官民力何能支且近年產硝州縣疊被水患硝數奇
細價值益昂采買更為不易即如同治十一年奉取雙批屢次嚴
催迄無一處報解若照部議飭取職名不特參不勝參徒滋藉口
更恐虧挪庫款抑勒商民軍火固係要需捐辦究非長策值此帑
藏支絀亦未敢全數請銷惟有量為變通請將同治十一年奉取
雙批責成各州縣循照舊章分別官民捐辦一批其餘一批即於
司庫籌款發交保定府通判嚴寬采辦一份解部所動之款作正
開銷庶官民賠累稍輕要需不致貽誤嗣後即按行取批數多寡
隨時參酌辦理惟司庫歲入本不敷出近復蠲緩頻仍籌撥前項
硝價已屬竭力所有順天每年辦解硝價應請免撥藩庫由部另
行妥籌以免顧此失彼等情請
奏前來臣查直隸地方較他省瘠苦連年災歉官民益窮正在裁
減攤捐釐剔出入為州縣省一分用度為百姓留一分資財若部
硝層疊派捐萬難為繼該司請將十一年分雙批硝斤以一批照
舊歸捐一批作正開銷係屬權宜辦法其順天每年辦解硝價司
庫不能再撥亦屬實情相應仰懇
天恩俯賜分別照准以示體恤理合恭摺具陳伏乞
皇上聖鑒訓示敕部查照謹

奏稿二十一

奏

奏稿二十一

五

挑濟中亭河摺 同治十二年五月二十八日

奏為挑濟霸州文安等處中亭河以工代賑洩水勢而衛農田全工完竣恭摺仰祈

聖鑒事竊臣前因大清河限於地勢汎漲不能容納須開挖減水分流之河以紓其勢上年九月間曾於預撥庫款以工代賑摺內陳明在案查中亭河起自下黃亭以減滄州保定一帶大清河之水又上接盧僧河全派之水盧僧河者新城雄縣境內大清河上游之減河也其尾閘直達中亭相與合流經老隄龍門臺山等村至文安縣界穿王家泊荷花淀勝芳淀歸東大淀是中亭河實為大清河分流下趨東淀要津關繫霸保文雄全局且北有牯牛河攔腰匯人附近窪水復相進注必須寬深通暢方足以資容洩乃歷久廢弛河身節節淤塞其王家泊以下被永定河壅淤已成平

奏稿二十一

地大清河本極淺狹又失此一大分流是以盛漲一至四出旁溢為害滋深近年滹沱北徙永定南決併入西淀大清河而東秋冬之際霸保之間往往浩瀚無涯民歎其魚鄰皆為壑乘舟往來津保沿流派源熟籌相機疏導之法因仿清河道葉伯英勘辦盧僧及西淀上下游隄河各工即派營務處委員候選知府史克寬與霸州知州周乃大勘修中亭河以期水有去路並飭籌賑局司道於節存捐款及練餉錢生息項下陸續籌撥工費旋據史克寬勘議應挑丈尺辦法稟定章程於三月中旬開工積水瀾漫施工不易該員等率同員紳築壩洩水分段堵疏並用分格遞挖法逐段挑滄上游之吳臺窪下游之淀泊積水相連隨岸挑泥潭太深之處撈挖尤費夫力計全河工長一萬二千八百九十七丈有奇面寬七丈至八丈四尺底寬三丈四尺至三丈六尺深八尺至

八尺四寸不等其河在村中有礙兩岸民房不能展寬者則從村旁添開引河其河在淀泊中不宜口寬而宜底深者則易寬為深均相度地形為之仍將各段所出之土考證舊址堆築隄埝以免漲溢分別工程難易酌給方價並於實係貧苦出力村莊量加犒賞遠近災民儲工趁食樂事赴功據報於五月十六日一律完竣河身通暢隄埝高厚委據候補知府徐本衡前往驗收工段丈尺相符現已開壩放水盧僧河下半工程即可接續挑挖從此大清河上下游盛漲得以分洩歸淀於農田水利實有裨益該員史克寬會督印委各官妥細經畫事認真覈實速成要工尤為勞勩卓著除動用捐款俟河隄各工報竣照案彙奏並飭該地方官籌議善後修守事宜稟辦外所有挑挖中亭河工竣緣由理合恭摺具

奏稿二十一

奏

奏伏乞

皇上聖鑒謹

奏

李文忠公奏稿卷二十一

李文忠公奏稿

卷之二十二目錄

開通趙王河摺 同治十二年六月初十日
 改派長蘆絲布請復舊制摺 同治十二年六月初十日
 駱國忠請卹摺 同治十二年六月初十日
 烏城借撥軍火解清片 同治十二年六月二十日
 籌議黃運兩河摺 同治十二年閏六月初三日
 請行海運片 同治十二年閏六月初三日
 慶祺請附祀僧王祠片 同治十二年閏六月二十日
 長蘆復價仍請減收摺 同治十二年閏六月二十日
 長蘆白絲請派產絲省分摺 同治十二年七月二十一日
 上屆賑需續收捐數摺 同治十二年七月二十一日

酌定各省協賑摺 同治十二年八月初三日
 籌撥官兵赴烏協防摺 同治十二年八月初三日
 張家口糧臺請撥餉摺 同治十二年九月初七日
 長蘆南河解款留抵永定摺 同治十二年九月十三日
 蘆網原停引日照案展限摺 同治十二年十月初一日
 截留洋稅摺 同治十二年十月十二日
 祕魯使臣議約摺 同治十二年十月十八日
 統籌工賑事宜摺 同治十二年十月二十七日
 回省日期片 同治十二年十月二十七日
 嚴商公糧撥借成本摺 同治十二年十月二十七日
 豫籌橋道事宜摺 同治十二年十一月初八日
 順屬兵差由司局彙核摺 同治十二年十一月十九日

奏留吳贊誠片 同治十二年十一月十九日
 鄭魁士請議卹予諡摺 同治十二年十一月十九日
 議停長蘆欠款摺 同治十二年十二月初九日
 管河縣丞移駐片 同治十二年十二月初九日
 籌撥河夫工食片 同治十二年十二月初九日
 奉天米豆暫改折色摺 同治十二年十二月十九日

奏稿二十二目錄

李文忠公奏稿卷二十二

全集一之二十二

桐城吳汝綸編錄

開通趙王河摺

同治十二年六月初十日

奏為開挖趙王河瀉西淀之水以工代賑現已完竣恭摺仰祈
 聖鑒事竊查保定府屬之西淀跨安州新安高陽任邱雄縣數邑
 之境西北洋河蠶河及一畝泉方順河漕河徐河所匯之依城河
 西南滹沱沙河唐河所匯之瀕龍河皆注之其各處泉水支河依
 附而來者尚不知凡幾源遠流長派繁勢盛實為巨浸向由趙北
 口連橋下會大清河而達東淀眾派之水專洩一河勢難暢達加
 以連橋日久淤阻河身本形窄淺全淀之水幾無所容而近年雄
 縣清河趙村決口白溝河水自北漫入淀內滹沱河水復泛連滋
 河由瀕龍西南入淀該淀既難下洩兩處渾流又相迸注不特汛

漲為害滋深平時雨水稍多即橫決四溢安新任雄一帶田園廢
 舍多在積潦之中上游河道皆無歸宿且熟籌補救因於上年秋
 後奏請預撥庫款以工代賑一面飭據清河河道葉伯英周歷詳勘
 博采眾議定為堵趙村決口築瀕龍河南隄以禦外水挑濬
 盧僧中亭兩河分減大清河水勢以免倒灌西淀至於西淀下游
 尤必開分疏之河使其去路稍暢查任邱之苟各莊舊有趙王河
 經雄縣保定縣境至騰嘴壩出口歸大清河應將趙北口街南之
 連橋六孔全行疏通以隄南第二孔為正河引淀水出諸孔匯正
 河全注大港淀就大港淀引河並築千里長隄濬溝舊跡開挖寬
 深順至苟各莊入趙王河其趙王河身已極淤淺一律挑清仍於
 苟各莊以上之毛隄及下口之騰嘴壩各建閘座以資宣蓄今春
 臣由省來津便道相度即令該道葉伯英親督印委各員次第興

奏稿二十二

辦彼時水勢泛漲上下一片汪洋先將南岸長隄殘缺酌發銀兩
 責成任雄兩縣逐一堵合其北岸無隄處所起築長堤淀口河口
 用壩攔截皆於水中施工所需椿料既多又無處取土撈方填築
 辦理甚形艱苦截住外水後復於河身節節築壩多置水車將積
 水淘盡招集遠近災黎益以直字營勇丁於三月底逐段開挖其
 連橋橋孔及橋之東西水勢湧濤設法截堵廣雇船夫夾泥撈挖
 悉成深槽尤費工力仍視工程難易酌給方價犒賞計連橋西二
 里許起至騰嘴壩出口止其長六十里內苟各莊以上至東里長
 一千五百餘丈本無濬溝係屬新開河道其餘原濬原河僅深三
 四尺寬三四丈一律開至而寬十丈底寬五丈五尺深九尺兩岸
 隄工因地制宜築高六七尺至丈餘不等力加夯碾添做椿工並
 將連橋及下游史各莊橋座分別加高修固俾通舟楫騰嘴壩建
 閘以時啟閉均於五月底完竣委據候補道祝壇驗收工段丈尺
 相符即經開壩放水大溜東趨勢極暢順上游安新等處及淀邊
 田地日見乾涸先於雄縣下村開放白草窪積水洩出窪地數百
 頃又放任邱鄭州大窪積水附近四十八村田廬復見陸地此皆
 多年被淹者今已播種秋稼窪心賸水無多亦栽稻秧仍將近窪
 隄身酌留涵洞洩水布置均合機宜民情極為懽感臣維直隸地
 勢西北高而東南下各河皆以淀池為宣蓄西淀係數百里河道
 民生一大關鍵淤阻已久水患頻仍今議開趙王河以通去路工
 程甫竣積淤窪區已多耕作從此時加修守民生可免昏墊農田
 冀獲有收實於地方全局有裨清河道葉伯英盡心民事督辦隄
 河各工將次全竣而趙王河最為緊要亦極費手竟能如期告成
 在事印委各官皆力任艱瘁不無微勞足錄可否請

旨准其擇尤策案獎勵除飭將善後事宜妥籌稟辦外理合恭摺具陳伏乞皇上聖鑒訓示謹奏

奏稿二十二

三

改派長蘆絲布請復舊制摺 同治十二年六月十日
奏為改派長蘆絲布等項請仍歸各該省采辦以復舊制而紓商困恭摺仰祈

聖鑒事竊照長蘆物力微薄商情拮据向無年例派辦絲布之案前因南省被兵辦解不能及時自同治四五年以後疊准戶部內務府分派長蘆絲斤布疋絹箋等項原屬暫時通融歷據運司設法采辦所需價值議以催交補欠積欠兩款抵銷查補欠積欠等款係嘉道以前商人欠項茲令現商代交前商之欠該商等苦累日甚力實未逮同治十年正月間臣於奏請酌減課款案內擬將補欠積欠停徵准戶部議奏以傳辦雖非長蘆年例遇有急需不得不就近采買如有款可以撥抵即專案稟奏准將補欠積欠停徵五年以恤商艱而保課額等因是部亦知采辦非長蘆所應

奏稿二十二

四

有積欠非現商所能補近復連遭災歉灘地被淹成本加重運道阻滯脚力增倍銀價過昂各商艱窘尤甚本身課款尚須展緩焉有餘力代完前商舊欠庫儲支絀又無他款可以撥抵從前遵辦絲絹須赴外省轉向商販重價勻湊往往遲誤不能應急木棉款收布價亦昂皆非南省貨色可比以不費之費而辦不甚適用之物殊覺不值是以上年十二月內務府派辦白絲經臣奏請月派產絲省分辦解奉
硃批著照所請欽此查絲斤布疋等項向例由江浙撫臣及三織造承辦目下南省肅清已久絲棉出產已旺財力又較長蘆富厚以每屆所派長蘆之件分請各省尤屬舉繁易舉蘆綱情形岌岌應徵引課應攤帑利等項已屬不少實未便再以前商舊欠他省絲布責令現商供辦轉致藉口虧課據運司成字具詳前來相應

仰懇

天恩准將嗣後長蘆奉派絲斤布疋絹箋等項仍照內務府派辦
白絲之案一體改歸各該省辦解以復舊章並將補欠積欠兩款
照部議暫行停徵俟商力稍紓再飭捐解彌補理合恭摺具陳伏

乞
皇上聖鑒訓示施行謹
奏

奏稿二十一

五

駱國忠請卹摺 同治十二年六月初十日

奏為提督戰功卓著在營病故奏請
優卹並懇

加恩予諡恭摺仰祈

聖鑒事竊據總統銘字武毅等軍布政使銜遇缺奏按察使劉
盛藻詳據武毅右軍前左右後營官提督聶士成蘇得勝鄧正峯
總兵董正明等會稟稱該員等分帶武毅右軍四營均歸記名提
督駱國忠統帶同治十二年五月初九日駱國忠在陝西乾州軍
營積勞病故臚列戰績稟懇轉詳

奏卹前來臣查記名提督勁勇巴圖魯駱國忠現年三十九歲安
徽鳳陽縣人於同治元年十二月內在江蘇常熟昭文縣城設計
誘殺偽憑天安錢嘉仁等舉城反正並乘勢攻克福山要隘將積

奏稿二十二

六

年出江肆劫廣賊誅戮殆盡嗣經踞守蘇城之偽忠逆糾集悍黨
六七萬竄陷福山圍攻常昭該提督激勵城內軍民喻以大義登
陣固守晝夜堵禦兩月有餘殲斃爬城及穿挖地道悍賊多名所
部弁勇死傷亦眾困守孤城毫無退阻迨官軍再克福山該提督
派隊接應攻毀附城賊壘二十餘座生擒逆首李天義朱衣點等
奪獲賊船數十隻城圍立解經臣奏奉
諭旨駱國忠於四面賊區之中殺賊獻城復當蘇城大股晝夜環
攻七十餘日竟能力保孤城堅忍苦戰以待援師實屬出死入生
效忠不二非尋常降眾可比著以副將用並賞加總兵銜賞戴花
翎等因欽此嗣復隨臣攻克常州肅清蘇境並克復浙江嘉興等
城迨臣奉

旨期辦擒逆檄調隨軍該提督無役不從無戰不捷身冒矢石屢

瀕危險海保今職重於勦平張總愚念股案內蒙

恩賞穿黃馬褂上年九月劉盛藻遵

旨赴陝接統銘軍經臣查明該提督駱國忠義能服眾習足應變

總理營務駱國忠得宜奏明派令隨同劉盛藻前往整頓並令管帶

駐紮保定之銘字親軍洋鎗炸礮兩營由標赴陝到防以後派令

總理營務兼統帶武毅右軍五營訓練操防不遺餘力深資臂助

不意積勞成疾遽爾溢逝營中將士皆為失聲該提督昔因鄉里

被賊全家淪陷僅遺一子年甫七歲又素明大義奉公廉潔身歿

之日家無餘財情形尤堪憫惻合無仰懇

天恩准將記名提督勇巴圖魯駱國忠

較部照提督立功後在營病故例議卹並可否

加恩予諡以慰忠魂除飭取履歷事實分咨查照外所有提督立

功最著在營病故請

優卹緣由理合恭摺具陳伏乞

皇上聖鑒訓示謹

奏

烏城借撥軍火解清片 同治十二年六月二十日

再前准前烏里雅蘇特將軍金順咨請借撥洋藥銅帽以濟急需

當經飭據天津軍械所機器局先行商撥細洋鎗藥六千磅銅帽

六十萬顆交來員副將劉永慶領解附片

奏明在案正起解開欽奉

寄諭金順軍火不敷飭江蘇巡撫趕緊購辦細洋藥二萬磅大銅

帽四百萬粒三楞礮藥五千磅派員航海運至天津未免久需時

日著李鴻章按照金順所請先由天津現存之洋藥銅帽等項照

數撥給由金順派員領解著恩錫趕緊如數購辦赴天津歸還

不得有誤等因欽此臣查前項軍火係西征要需惟為數過多沿

途照料難周自須分批陸續起解當即札飭機器局軍械所加撥

洋鎗藥四千磅合前撥之數其一萬磅大銅帽一百四十萬粒合

前撥共二百萬粒又礮藥五千磅統交副將劉永慶管解回營其

後批軍火現經該將軍仍派劉永慶來津領取江蘇撫臣已將撥

還洋藥委員運津並咨明銅帽一項購自外洋俟運到滬再行

委解歸款復經札飭軍械所即於蘇省解還火藥項下找發細洋

藥一萬磅並墊撥大銅帽二百萬粒點交副將劉永慶於六月初

十日由津起解回營除咨行沿途經過州縣預備車輛護送前進

外所有遵

旨借撥軍火全數解清緣由理合附片擬陳伏乞

聖鑒

奏

籌議黃運兩河摺

奏為遵

旨從長計議黃運兩河情形據實詳細覆陳恭摺仰祈

聖鑒事竊臣承准軍機大臣字寄同治十二年二月初一日奉

上諭前因喬松年奏籌辦黃運兩河情形文彬丁寶楨奏請仍挽

復淮徐故道並御史游百川奏河運並治宜詳籌妥辦等情當經

降旨交軍機大臣會同六部九卿妥議具奏茲據遵議會奏請派

大員前往山東查勘各等語黃河自銅瓦鑲決口改道北行後泛

濫山東境內久為漕運民生之害現在淮徐故道既難規復豈可

聽其自然不為修治喬松年前奏堵合霍橋決口築隄束水使由

張秋八里廟一口下注入海旁流分注藉以濟運所擬辦法究竟

是否可行有無窒礙必須籌畫萬全方可興辦此事關係重大固

不可日久因循亦未便輕率從事李鴻章曾在山東勦辦捻匪於

黃運兩河閱歷既久自必熟悉著該督將喬松年等所奏悉心體

察從長計議應如何妥籌辦法期於漕運民生兩有裨益及辦理

有無把握之處據實詳細具奏等因欽此仰見

聖慮周詳實事求是欽悚莫名臣自少壯南北奔走嗣督師追賊

往來河上疊就黃運兩河築圍圍賊雖於河務非所素習而閱歷

變遷討論掌故采擇眾議略有見聞奉

命後復遴派幹練耐勞之員分投前往訪察測量茲謹悉心妥議

為我

皇上詳細陳之伏查治河之策原不外恭親王等所奏審地勢識

水性酌工程權利害四語而四語之中尤以水勢順逆為要現在

銅瓦鑲決口寬約十里跌塘過深水涸時深逾三丈舊河身高決

口以下水面二丈內外及三丈以外不等如其挽河復故必挑深

引河三丈餘方能吸溜東趨查乾隆年間蘭陽青龍崗之役費帑

至二千餘萬大學士公阿桂奏言引河挑深一丈六尺人力無可

再施今豈能挑深至三丈餘乎十里口門進占合龍亦屬創見

國初以來黃河決口寬不過三四百丈尚且屢堵屢潰常閱數年

而不成今豈能合龍而保固乎且由蘭儀下抵淮徐之舊河身

高於平地約三四丈風沙成堆老淤堅結年來避水之民移住其
中村落漸多禾苗無際若挽地中三丈之水跨行於地上三丈之
河其停淤待潰危險莫保情狀有目者無不知之而歲久乾隄即
加修治必有受病於不易見之處萬一上游放溜下游旋決收拾
更難議者或以河北行則穿運為運道計終不能不強之南行以
會清口正查嘉慶以後清口淤墊夏令黃高於清已不能啟壩送
運道光以後禦黃壩竟至終歲不啟遂改用灌塘之法自袁浦洩
黃入湖湖身頓高運河水少灌塘又不便遂疊次奏行海運彼時
河務運務實有岌岌不可終日之勢蓋自明末迄
國初借清刷黃頗蒙其利厥後河淮不能合流天時地利人事三
者皆窮今即能復故道亦不能驟復河運非河一南行即可僥倖
無事也恭讀道光八年十二月初五日
上諭江境禦黃壩上下一帶黃河積年淤墊以昔證今已成不可
救藥之勢等因欽此
聖慮周詳早已洞悉無遺此淮徐故道勢難挽復且於漕運無甚
裨益之實在情形也至河上喬松年所擬就東境東黃濟運一節
臣查當年清口淤墊即是借黃濟運之病乾隆二十三年八月
諭河臣白鍾山曰引黃人運黃水多挾泥沙一入運河易致淤墊

非甚不得已不可輕為此遷就之計嘉慶十五年十二月十九日諭河臣陳鳳翔曰因利漕先已病河權其輕重當使暫時剝運渡黃必不可復用借黃濟運之計各等因欽此道光五年洪湖潰決兩江督臣孫玉庭等復議引黃濟運敗渡之後即見填淤起剝磨淺卒至未終其是

歷朝聖訓昭垂至明至確往事覆車可為永鑒今張秋運河寬僅數丈兩岸廢土如山若引黃之黃以開節節宣用之水勢擡高其淤倍速人力幾何安能挑此日進之沙且所挑之沙仍堆於積年廢土之上雨淋風蕩河底日高開亦塞久之黃必難引明臣萬表劉天和等會以此事多於利非淤即決譬之以病為藥以狼兵止寇語殊痛切宏治初年荆隆口銅瓦礮等處屢次大決皆先因引黃濟張秋之運遂致導險濫觴臨清地勢低於張秋數丈

而必以後無學溜奪河之害亦不敢信也至霍家橋堵口築隄工程尤不易辦該處本非決口乃大溜經行之地兩頭無隄無岸一望浮沙並無真土可取若興作於茫茫沙水之中目前無從起手無從立脚即勉強築沙堆隄節節溜下做藕恐浮沙易塌適足搜河之怒而所耗實多日後防守難資終為痼疾一遭潰陷水仍別穿運道而不專會張秋豈非全功盡棄至同知蔣作錦所擬導衛濟運原因張秋以北無清水灌運故為此議惟查元村集地南有黃河故道地多積沙施工不易且以全淮之強不能敵黃尚致倒灌停淤一清淺之衛遂能禦黃濟運耶彼其意蓋冀取山東諸水濟運之法不知泰山之陽水皆西流因勢利導十六州縣一百八十泉之水源旺派多自足濟運衛水來源甚弱北流最順今必屈曲注之南行一水何能兩分其勢實多不便況平時淺可

膠舟漲時極其渾濁若攔河作閘邊水一遇伏秋盛漲則必衝決新築必淤即幸不決不淤而使上駛之鹽運下運之糧及來往商船皆停阻於河而聽命於閘勢不能行若令鹽運改由臨清運河入豫則三省鹽綱紊亂室礙尤多若欲分沁入衛以助其源而沁水猛濁一發難收昔人已自明戒豫民必多驚惶若必多方更變月謀引水灌運必至如南河清口故事徒增漏卮無可持久此借黃濟運及築隄東水工程均無把握與導衛濟運難行之實在情形也惟河既不能挽復故道則東境財賦有傷水利有礙城池難於移置鹽場開被漫淹如撫丁寶楨所奏各節均屬可慮臣查大清河源寬不過十餘丈今自東阿魚山下至利津河道已刷寬半里餘冬春水涸尚深二三丈岸高水面又二三丈是大汛時河槽能容水五六丈矣奔騰迅疾水行地中此人力莫可挽回之

事亦轉祀以求而不易得之事曰下北岸自齊河至利津南岸齊東蒲臺民開皆接築護堤連不斷雖高僅丈許詢之士人每有漲溢出槽不過數尺尚可抵禦並無開口奪溜之事倍險之水如補江等河亦經擇要築隄汛至則漲汛過則消受災不重至如齊河濟陽齊東蒲臺利津各縣城近臨河岸十九年來幸官民防守無恙以後可守則守不可守則遷似應隨時相勢設法若於此時驟議遷徙經費無籌民情難喻無此辦法惟郵城一縣地本窪下現已淪沒水中須籌移置東省鹽場在海口者雖受黃淤產鹽不旺經撫臣竭力經營南運膠萊之鹽時為接濟引地無虞淡食惟盤剝多費價值稍昂耳夫河在東省固不能云無害但得地方官補偏救弊設法維持尚不至為大患昔乾隆十八年銅山決口不能收功尚書孫家淦曾有分河入大清之疏乾隆四十六年蘭陽

大功屢敗垂成大學士稽璜又有改河行大清之疏此外裴曰修錢大昕胡宗緒孫星衍魏源諸臣議者更多其時河未能北流尚欲挽使北流今河自北流乃轉欲挽使南流豈非拂逆水性恭讀嘉慶十六年八月十二日

上諭南河近年以來年年漫口前此已糜費三千餘萬均經竭力措支辦理毫無成效今復領工疊出數將千萬國家豈能以有制之帑金注無常之漏卮等因欽此大抵南河堵築一次通計約費七八百萬歲修約七百餘萬統計工需已在宗祿名糧民欠之上實為無底之壑蓋因河身日高水行不順雖窮天下之力而不能必保安瀾今河北徙近二十年未有大變亦未多費巨款比之往代已屬幸事且環拱神京尤得形勝自咸豐五年銅瓦礮東決後粵捻諸逆竄擾曹濟

幾無虛日未能過河一步而直東北岸防堵有所憑依稍省兵力更為

畿輔百世之利此兩相比較河在東雖不亟治而後患稍輕河回南即能大治而後患甚重之實在情形也近世治河兼言利運遂致兩難無長策元明大河南行始能開會通以運漕至河北徙則無如運何斷難一治而兩全事窮則變變則通為今之計似不得不出於河自河漕自漕現在議漕政者鮮不以規復舊章為望然此兩言可以決耳運河有水可漕無水則不可漕水能分其自然之有餘者如南旺之制則可漕反是則不可漕同治初年大溜全趨張秋尚能漕運嗣溜勢南滾運隄節節穿斷漕船繞坡河至八里廟而黃水不能入運不得已引溝腔雨水逐段倒塘灌放艱險已極豈可一再嘗試即運河黃淤歲積歲挑亦難久行若以全

漕阻礙河干俸此無常之水其所害又非徒勞費已也若如前人所議漕船順河而東由利津渡海入天津取道固捷但江船不能涉河河船不能放洋勢難強為若仿前代置倉轉搬之法建倉設官一不得人便滋流弊而由張秋至臨清陸晚二百餘里車馬盤兌之繁費陰雨霉變之折耗何可勝計且北路亦無許多剝船可備接運反覆籌維竟無別有利運之術愚以為

天庾正賦惟蘇浙為大宗國家治安之道尤以海防為重當今沿海數千里洋船駢集為千古以來創局已不能閉關自治正不妨借海道轉輸之便逐漸推廣以擴商路而實軍儲蘇浙漕糧現既統由海運臣前招致華商購造輪船搭運頗有成效江廣等省自軍興後奏改減價折漕民心大定若復徵解本色苦於運費無措加之於民則必滋事變取

之於公又無此閒款似應暫准照章折解仍由各督撫隨時體察情形如可酌提本色若干即運滬山海船解津較為便速如京倉尚有不足更隨時指撥漕折銀兩由南省采買運津或派員在天津招商采辦亦尚合算應請旨敕下戶部從長計議妥籌辦理至運道雖不能暢通河務亦未可全廢此時治河之法不外古人因水所在增立隄防一語查北岸張秋以上至開州境二百餘里有古大金隄可恃為固張秋以下抵利津海口八百餘里岸高水深應由山東撫臣隨時飭將原有民埝保護加培南岸自安山下抵利津多傍泰山之麓誠為天然屏障惟安山以上至曹州府境二百餘里地形較窪為古軍野澤即宋時八百里之梁山泊也自宋元迄我朝凡河決入大清之年無不由此旁注曹野金鄉各邑甚至

谷湖併運漫溢數十州縣波及徐淮為害甚烈其候家林決口現
雖堵築堅固惟上下一百餘里之民坵高者丈餘低者數尺斷難
久恃此處若有一失則運南之運道水概復被衝淤廬舍民田更
遭蕩析其患不可勝言且黃河流分勢緩北路原行通暢入海之
道亦恐漸形淤淺或生他變相應請
行救下山東撫臣丁寶楨於秋汛後悉心勘估酌籌款項將侯家
林上下民坵仿照官隄辦法一律加高培厚若能接築至曹郡西
南成地方印委設法守護更為久遠之計沿河各州縣民人田
地淪入正河身十餘年情殊可憫應查明分別緝緩錢糧海口鹽
場商運各事並隨時酌量變通妥辦又銅瓦錢決口現已衝寬十
里水勢猶日向東坍刷若不設法約攔久必泛濫南趨至於決口
以下蘭儀東明境內地勢平衍現雖刷有溝槽而中洪不深大汛
漫灘仍東西坍漲不定亦不可無邊隄以杜竄越擬請
救下河東督臣翁松年就近察看形勢應如何量築隄墩與東省
曹州之隄相接俾資周防而期順軌綜計自安山上至銅瓦錢決
口接築南隄距北金隄約六七十里作遙為遮攔之勢去水較遠
取土較易工費較省此六七十里中大水所常漫者不過二三十
里所急流者不過三五里任其游波蕩漾寬緩水勢以漸趨下游
寬半里深數丈之大清河綏急得以節宣不致偪激衝突別尋去
路斯為穩著其隄內河內民田仍可隨時視溜勢之遠近地勢之
高低搶種麥禾不至全無收穫似於民生亦無大礙至淮徐故道
涸出舊河身千數百里水不復行居民估種年年豐收並請
救下江蘇河南山東各督撫分委委員會同地方官查明酌議升
科以免私墾爭奪之患所有遵

旨籌議黃運兩河情形謹具管見詳細據實覆陳是否有當伏乞
皇上聖鑒訓示謹
奏

奏稿二十二

去

請行海運片 同治十二年閏六月月初三日

再日今黃河北徙河運一廢不可再復凡識時務者皆知之任事諸臣或謂應復淮徐故道或謂宜就東境東水濟運皆於無可如何之中作萬有一然之想實與神禹治水行所無事之大旨相悖既不免於繁必為之無成臣正摺內已言之詳矣部臣奏令江北漕糧每年由運河試解赴通亦欲籌縻運道使不遺廢起見無如年復一年自安山至張秋臨清三百里間情形日變險阻疊出近歲黃漲入運可資浮送者為時極暫同治九年十一年黃汛始終並未灌運遂改用陸運與搶著雨水二策艱難危險之狀概可想見即能運通亦僅十萬石內外究於倉儲漕政何裨久之試辦者必至不能辦而止臣於覆疏內請仍推廣海運蓋就其易且大者言之而議者又不免驚詫其實自道光六年創辦海運以濟河運

之窮咸豐以後無年不出海運無年不兼采辦京倉命脈賴以維繫顧習焉不察耳今南北宦商往來率以海船為通衢捷徑獨至運糧則有戒心將謂夷情叵測豈肯舍各口通商而無端開衅將謂沙船短缺何難借官商輪船而自顧本根就中國洋面運中國官糧外人斷不敢欺侮即有他變我停運而彼亦須停貿易洋人不若是愚也若慮緩急之閒京儲匱乏似應於無事時多籌起運多方采買使數年中得有一年之蓄內顧可以無虞查嘉慶年間大學士劉權之奏言南漕運抵京倉綜計公私費用每石需銀十八兩積弊相沿實為秕政今人皆欲復河運殊不知河運之病國病民至此海運費大減而運極速固倍首於河運矣至江浙采買成案每石連水脚剝價銀不過二兩七八錢視海運正漕尤省昨與輪船招商局紳董籌議除每年搭運蘇浙正漕外若遵照采

買定價領銀赴南省產米地方購運若干石於正供完後逕解赴通交收不致貽誤如奉
允行再飭議章程各部嚴辦
國家但移河費運費為之節省其餘以併力於海防斯本末並治富強可馴致矣合再附片具陳伏乞
聖鑒訓示謹
奏

奏稿二十二 大

慶祺請附祀王祠片 同治十二年閏六月二十日

再據天津道府詳據天津縣紳士前浙江布政使沈兆澧等聯名稟稱原任直隸督臣宗室慶祺於咸豐三年倉場侍郎任內來津驗收海運米石適粵逆竄近奉

命留津專辦巡防事宜天津為水陸要衝近京門戶賊屢窺犯力保危局嗣賊由津郡敗竄靜海獨流鎮旋踞連鎮先後與科爾沁忠親王僧格林沁分兵勦擊扼其竄路五年協同克復連鎮全股蕩平計賊在獨流連鎮為時甚久距津非遙津城得以安堵實科爾沁忠親王與該督臣之力八年補授直隸總督又值海疆有事津郡戒嚴復與科爾沁忠親王籌防布置謀慮深遠多所維持詎心力交瘁積勞成疾歿於天津行營遠近同聲感泣今科爾沁忠親王津郡專祠落成追思忠難之際該督臣同辦一事功不可泯額懇附祀以資報譽等情轉詳前來臣查原任督臣慶祺前在天津一帶歷辦防勦捍忠保民以死勤事該紳等請附祀僧格林沁專祠出於至誠臣在津訪察該故督臣戰功政蹟實有可紀相應仰懇

天恩俯賜照准以彰勞勩而順輿情所有津郡紳民籲請附祀已故督臣緣由理合附片具陳伏乞

聖鑒訓示謹奏

長蘆復價仍請減收摺 同治十二年閏六月二十日

奏為長蘆軍需復價仍照原議減收恭摺仰祈聖鑒事竊臣前於同治十年正月奏請停減長蘆額引等項摺內擬將撥放保定練餉津郡防餉之軍需復價一款原收外引五錢者減為四錢京引二錢五分者減為二錢以恤商艱經戶部以練餉防費歲需銀二十三萬餘兩全恃復價應再通盤酌量如此次議減後尚可敷用不致挪動正課亦無須另籌撥款准如所請減收俟覆奏到日核辦等因奉

旨依議欽此臣維長蘆復價項下歲撥保定練餉銀十三萬二千兩津郡防餉銀十萬兩原議按外引減去一錢京引減去五分徵收再加催繳舊欠可資周轉係就彼時情形而論詎十年十一年連遭大水生鹽歉收熟鹽沖沒成本過重道途淹滯運脚倍增遂致商累益甚新課尙須展限欠款勢難措交欲令復價仍按原額不為量減實係力不能支因與各司道將津保兩處餉需通盤核

算津郡海防支應局除撥海關六成洋稅藥釐捐並東海關協餉外必需歲撥復價十萬兩方敷支發應仍照舊撥濟其保定練餉局除部撥固本餉江蘇海關協餉並將藩庫底餉按時籌撥再有歲撥復價十萬兩即敷助支計每年可減去保定練餉銀三萬二千兩當於上年六月起分飭照數減撥各部有案現計復價項下歲撥兩處餉需二十萬兩以近五年出庫之引多寡牽算每年約及五十三萬道仍照原議外引暫減為四錢京引暫減為二錢雖春秋關收數不同而截長補短先後勻撥每年可有二十萬兩並改為隨引全數完交不予分限以免拖欠其舊欠銀兩仍隨時酌量催徵設遇領引較少即以此項湊撥尙不致挪動正課如不

添練增費亦無格外開銷無須另籌撥款飭廉運司成孚詳報即
白本年春關起隨引減收稍舒商力仍俟數年後察看情形再行
酌核辦理所有蘆鹽復價照原議減收緣由理合恭摺覆陳伏乞
皇上聖鑒敕部知照謹
奏

奏稿二十二

王

長蘆白絲請派產絲省分摺
奏為內務府擬派長蘆白絲無從采辦請另派產絲省分辦解恭
摺仰祈

聖鑒事竊准內務府咨開每年分派江南蘇州織造大運絨絨絲
斤等項辦解未能足數現在庫存白絲不敷應用奏明擬派長蘆
采辦三千斤解京濟用作正開銷等因當經行司遵照去後茲據
長蘆運司覺羅成孚詳稱直隸天氣較寒地土多瘠素無蠶桑之
利閒有種桑養蠶之戶僅得土絲不特價值極昂且質粗色黑斷
不適用所有奉派白絲實屬無從采辦向來內務府亦無派辦絲
斤之案請另派產絲省分辦解等情前來臣查各省物產本自異
宜未可強致直隸向無白絲近年商情苦累運庫支絀萬分亦實
無力采辦相應仰懇

奏稿二十二

王

天恩免其派辦仍
救下內務府將此次絲斤另派產絲省分辦解以期合用而免貽
誤理合恭摺具陳伏乞

皇上聖鑒訓示謹
奏

上屆賑需續收捐數摺 同治十二年七月二十一日

奏為查明上屆直隸賑需續收捐數恭摺仰祈

聖鑒事竊同治十年直隸被水成災經臣奏明勸捐濟賑援照天津捐米章程給與獎敘業將十一年六月以前收捐銀錢米糧棉衣截數奏報並將官紳捐戶分別奏咨給獎在案茲查十一年七月起至本年五月止續收官紳捐賑銀四萬四千二百三十二兩三錢五分三釐七毫大米二千四百四十八斗八升每石合銀二兩五錢計銀六千一百二兩二錢小米四千九百三十二石五斗四升五合每石合銀一兩八錢計銀八千八百七十八兩五錢八分一釐棉衣七萬一千六十五件每件合銀一兩計銀七萬一千六十五兩統計捐銀十三萬二千七百七十八兩一錢三分四釐七毫業經歸入十一年賑撫案內陸續核實撥放應與原收捐款併

奏摺下

五

案給獎此外尚有捐修城垣以工代賑之處前已奏明仍歸賑捐核獎應俟事竣彙辦查前項續捐內有蘇州織造德壽先後捐助棉衣五千五百件合銀五千五百兩該前織造已有二品頂戴無可再加應請

旨敕下內務府查明其子職名照例核給獎敘以示鼓勵據賑局司道具詳前來除飭查取官紳捐戶履歷分批咨部給獎並俟各屬詳送支銷實數到日彙案核辦外理合恭摺具陳伏乞皇上聖鑒訓示謹

酌定各省協賑摺 同治十二年八月初三日

奏為遵

旨酌定東南各省協撥直隸賑款並陳災歉籌辦大概情形恭摺仰祈

聖鑒事竊臣接准部咨同治十二年七月二十日奉

上諭本年夏間雨水過多永定河南岸決口被水地方田廬多被衝沒小民蕩析離居殊深憫惻前據順天府奏請截留漕糧八萬石備賑當經降旨允准因思畿輔被災甚廣亟應妥籌撫恤著加恩於東南各省釐金關稅鹽課項下合撥銀三四十萬兩以資賑濟山李鴻章酌定各省應解數目一而於直隸藩庫運關各庫內無論何款先行動支俟各省解到時歸款其順天所屬應需賑濟銀兩若干即於此款內撥給並著李鴻章會商萬壽彭祖賢奏

奏摺下

五

明辦理該總督府尹務當督飭地方官查明被災戶口核實散放妥為賑恤總期實惠及民毋令一夫失所用副朕軫念災黎至意該部知道欽此仰見

聖主體念時艱亟籌拯救

天恩高厚寰宇同欽伏查直隸地方本年麥收中稔大田均已播種六月間得雨深透乃竟連旬不止各處隄河廢弛已久近歲僅能量籌補苴尋常雨水尚容納今則彌月大雨西北口外及直晉豫諸山之水奔騰匯注各河同時異漲處處出槽漫溢平地閘六月十五日永定河南四工九號漫口水由固安霸州一帶東下當經奏報參辦即委員馳往會同該河道勘籌搶堵而潮白溫榆薊運拒馬等河亦多衝決順屬近山沿河州縣皆受水害大清滌龍潭沱漳衛等河經過新城雄縣安州蠡縣高陽安平饒陽河間

獻縣任邱保定霸州元城大名吳橋交河青縣靜海衝瀆頗甚文
 安大城勢更窪下引河因積淤甚深工未及半水至復遭淹沒然
 緒龍河有新修南隄源水不能橫灌西淀有新挑趙王河盛漲利
 資減洩大清河半以盛例中亭河為出路中亭洩水頗利惜盛
 例工尚未竣又被衝淤天津各河雖甚涌溢幸先加築隄工略資
 據護無如萬派之水總匯一隅僅賴海河一道迤邐出口勢難暢
 達夏初由陳家溝疏濬淮魚淀引河冀山北塘日分洩歸海因費
 細未能深挑自七月初上游諸河滔滔下注津郡周圍百數十里
 一片汪洋海潮正盛朝夕頂托不得歸墟三岔河上下及南北運
 河隄段極形危險臣督飭文武暨練軍防營分投竭力搶護加高
 子埝至三四尺而水與埝平七月十九日西北風狂暴鼓浪掀騰
 漫過隄頂數尺人力難施竟將運隄東岸衝刷數口水注南窪村
 莊禾稼多被淹浸約計天河保定三府屬天津靜海安州雄縣受
 災為重河間獻縣任邱蠡縣高陽新城青縣滄州交河東光吳橋
 等處災歉不等餘則情形尚輕西南各府州及永遵所屬開有被
 水較重現尚未據報齊地方連遭災禍總由臣等奉職無狀未能
 先事補救撫躬循省悚懼莫名惟成災稍遲江浙漕米已全數抵
 通未便再截本省向係缺額無從羅掘上屆南省捐項又早用罄
 賑需無措正擬籲懇
 鴻施仰蒙
 恩命特頒於東南各省釐金關稅照課項下合撥銀三四十萬兩
 令臣酌定各省應解數目先行籌款墊辦凡有血氣之倫孰不聞
 詔書而感泣因思東南各省本係財賦之區祇以兵燹之後元氣
 未蘇京協各餉籌解已形竭蹶惟

畿疆重災疊困情形萬難除此協撥之外實亦無可設措臣任
 兩江湖廣即閩浙廣東等省盈細亦略知梗概謹遵
 旨察度各該省財力酌定應解數目請撥江蘇江海關洋稅銀五
 萬兩甯蘇滬三局釐金各銀一萬兩江安糧道庫節存酒項銀二
 萬兩共十萬兩江西釐金銀五萬兩九江關常洋稅銀三萬兩共
 八萬兩湖北江漢關洋稅銀三萬兩釐金銀三萬兩共六萬兩浙
 江釐金銀三萬兩浙海關洋稅銀二萬兩共五萬兩福建稅釐銀
 五萬兩廣東鹽課銀五萬兩安徽釐金銀一萬兩統共東南七省
 合撥銀四十萬兩各省但勉為其難臣處即有所指望諒各督撫
 臣公忠體
 國深知
 畿輔收完出自
 奏稿二十二
 特恩非尋常協款可比必能並濟兼籌共維大局臣已詳飭司道
 無論何款設法籌墊先應急需惟錢糧鹽課尚未啟徵即徵起亦
 應就款解支關稅短收又另有抵用斷難虛懸久待應請
 敕下各該督撫臣飭屬迅速照數通融籌撥務於冬初解到以資
 接濟而歸墊款現派員分赴奉天牛莊河南道口等處采買雜
 糧為直屬賑撫之需仍照上屆奏案免徵釐稅並疊飭司道府分
 督印委親履查勘實在災歉村莊核定分數據實稟辦其災重處
 所已先撥款派員酌量撫恤永定河漫口亦經撥款開工搶堵可
 期早日合龍津河各隄並飭趕緊築堵上游各處隄河又經此次
 大水衝缺淤墊甚多若任其廢弛嗣後即水小之年難免漫溢必
 須擇要修治天津附近仍擬添開引河冀其暢洩歸海庶下不壅
 則上不潰統計工費繁鉅臣力雖不足以兼營而既顧目前尤防

後思惟有工賑並舉俾災黎藉資備趨要工亦不至誤時統俟查
明災分併核奏辦現在節逾秋分海已收水上游河流逐漸消滅
仍飭各地方官實力疏導積水以期無誤種麥其順屬賑銀昨准
府尹臣商計需八萬兩應於協款內分批墊撥凡賑撫事宜當
與府尹臣謹遵續奉
諭旨嚴督官紳認真稽查經理務使實惠均霑備官紳稍有
侵冒即行從嚴參辦除分別咨行外所有遵
旨酌定東南各省協撥直屬賑需並災歉籌辦大概情形理合會
同兼管順天府府尹臣萬善順天府府尹臣彭祖賢恭摺具陳
伏乞
皇上聖鑒訓示謹
奏

奏稿二十二

七

籌撥官兵赴烏協防摺 同治十二年八月初三日

奏為遵

旨酌度緩急籌撥官兵赴烏城協防恭摺仰祈
聖鑒事竊臣承准軍機大臣字寄同治十二年七月十六日奉
上諭常順奏賊氛北竄馬隊遞難移撥一摺據稱探報陝回大股
出關北竄匪蹤擾及阿畢爾米特游牧現飭官兵探物懇請飭調
勁旅迅速來烏再令黑龍江馬隊西進等語著李鴻章於宣化官
兵內挑選五百名剋日整隊赴烏前據李鴻章奏直省練軍未便
再議抽調惟現在關外軍情緊要該督務當酌度緩急迅行調派
勿稍遲延等因欽此當即恭錄轉飭宣化鎮總兵王可陞欽遵妥
辦茲據該鎮稟稱宣化練兵僅存七百餘名底營官兵數亦無多
邊口內外巡防緊要正慮分布不敷勢難照數抽調惟查烏城額
駐換防宣化官兵二百一十一名上班額外暫留十六名共計二百
二十七名現屆班滿輪應換防復由宣化鎮挑定馬步官兵一百
四名由口北道支給米折鹽菜借支等項稟辦行糧聽候頒給支
牌路照即可起程惟向來換防應由山西大同出口道路迂遠冰
雪阻滯須來年二三月間到防此次烏城待兵孔亟所有宣大兩
鎮換防官兵應請均改由張家口驛站行走照例供給駝隻約計
月餘即可迅抵烏城至班滿應換未回宣化官兵一百四名在烏
有年通曉蒙語亦請暫留烏城作為此次抽調征兵與
現到換防官兵一同駐守以厚兵力此外無可再議抽調等情稟
請核辦前來臣查宣化一鎮東鄰熱河西通晉隨直隸歸綏北抵
察哈爾沙漠游牧邊疆互幾逾千里實為近畿重鎮本年正月
臣以宣化古北均為北邊緊要門戶近來口外多事尤應酌留重

奏稿二十二

天

兵稍壯聲勢奏蒙

聖鑒在案昨因奉天馬賊竄擾熱河商調古北口馬隊往剿難保無漏網逸匪乘隙思逞近邊一帶必應嚴防緝今陝回大股出關擾及阿畢爾米特游牧該處居三音諾彥部落適中之地賊蹤飄忽或西向烏城或分趨東南均在意中張獨二口近扼邊牆多倫廳孤懸口外五百餘里均形喫重目前思慮預防不特宣化官兵未可全調即古北口練軍僅存千餘亦未便抽調遠成庶兩軍聲勢連絡設有緩急尙資捍禦該鎮擬請將烏城額駐宣化防兵二百二十七名及現由宣鎮挑定換班官兵一百四名均暫留烏城作為此次抽調征兵速大回換防官兵計之烏城防守稍資布置亦可收駕熟就輕之效而於近邊守備仍不致過形單弱實於內外防務均有裨益除飭該鎮趕緊籌給行糧督催前項弁兵

奏稿二十二

元

剋日起程即由張家口臺站行走並分咨查照外應請

旨飭下察哈爾都統轉飭沿途臺站供應駝隻俾利師行其應領鹽菜米折借支等項仍由口北糧臺籌發該官兵等到防後一切鹽菜口糧即由烏城按月照章支給所有籌撥宣化官兵赴烏協防緣由理合恭摺由驛覆陳伏乞

皇上聖鑒訓示謹

奏

張家口糧臺請撥餉摺 同治十二年九月初七日

奏為張家口糧臺懇

恩照案續撥餉恭摺仰祈

聖鑒事竊查前因烏里雅蘇特等處調兵防剿遵

旨由張家口設立糧臺辦理各路軍糧奏明請撥餉以資接濟

先後由臣五次奏撥餉銀十五萬兩飭委口北道分起辦理並

於十一年年底截數造報在案茲據口北道奎斌稟稱烏里雅蘇

臺烏魯木齊伊犁並察哈爾副都統杜嘎爾所部原調續調察哈

爾吉林黑龍江各起馬隊除撤回事故不計外現有官兵四千四

百餘員自本年正月起連閏至十二月止共運過各營一年軍

糧一萬三千餘石又運駐紮庫倫之宣化古北口練軍一年米麪

九千四百餘袋共用過米價細袋羣席運腳並委員薪水雜支等

奏稿二十二

元

銀五萬七千九百餘兩上次報銷存款及第五次續領餉銀兩

均已用罄尙在宣化練軍自備米價內借墊銀三千餘兩各路軍

糧曾經察哈爾都統奏明分爲夏秋二季雇車雇駝預發半年俾

遠道可資周轉現屆九月中旬旬即須開辦駝運預送明年春夏二

季之米爲期已迫亟應請款起辦免致誤運等情前來臣查該道

所稟委係實在情形相應仰懇

天恩敕下戶部照案續撥餉銀三萬兩仍由順天府尹就近派員

領解赴張家口糧臺交收以濟要需所有張家口糧臺續請

救撥餉緣由理合恭摺由驛具陳伏乞

皇上聖鑒訓示謹

奏

長蘆南河解款留抵永定摺

奏為永定河歲需經費不敷之數應將長蘆額解南河銀兩就款留抵餘由本省旗租項下添撥恭摺仰祈

聖鑒事竊准戶部咨開兩江督臣李宗濤會奏籌解永定河經費一摺奉

硃批該部知道欽此經部以嗣後每年永定河應需十成經費銀

九萬四千七百兩除例撥一半本省旗租銀四萬七千三百餘兩

其餘一半銀兩前經議令於南河未裁額解舊款內核定實在數

目按年籌解今雖據兩江總督於江甯江蘇各藩庫兩淮運庫每

年各籌銀一萬兩但核計尚不敷銀一萬七千三百餘兩應各直

隸兩江漕運各總督仍於南河未裁款內設法籌措奏明辦理等

因臣查南河舊額歲料等款自黃河改道各省軍用浩繁久已停

解即江省應解之款早歸別項開銷且地方元氣尚未盡復課款

不能如前籌解京協各餉正形竭蹶前以永定河歲需緊要部議

奏令江南南河籌撥今兩江督臣等已奏定於蘇甯各藩庫兩淮

運庫每年共解銀三萬兩若將不敷之一萬七千三百餘兩再令

按年全數添撥竊恐日久無善致誤要需惟查長蘆向有額徵南

河工需一款除減停引日扣除參懸裁長補短每年約可徵銀七

千餘兩即係南河未裁之款自應就款留抵南河應撥永定河經

費連兩江前撥三萬兩作為每歲共撥銀三萬七千兩所有今年

長蘆應徵前項銀兩即飭提存備撥此係南河未裁之款又以直

省蘆課留抵本省工需正與部議相符其餘不敷之一萬三千餘

兩江省既無成議具可仍由直隸藩庫旗租項下同例撥一半經

費一併設法籌足數俾河員及時整修歲需皆有著落庶免臨

時貽誤除分咨查照外理合恭摺陳明伏乞
皇上聖鑒敕部知照謹
奏

奏摺二十二

呈

盛綱原停引目照案展限摺 同治十二年十月初一日

奏為盛綱連年被災灘坵引岸屢被淹沒銷路仍滯賠累難堪請將原停引目照案展限五年以恤商艱恭摺仰祈

聖鑒事竊照長蘆直隸兩省引地一百八十五州縣營每年額引九十六萬六千四百四十六道道光元年並二十一年兩次停減引

十八萬三千五百四十九道又於二十四年疏銷積引案內按照山東省引課併展成案自道光二十三年起每年停引十萬道子

限六年銷完積引仍復舊額二十八年並咸豐三年八年同治二年七年五次

奏准推展五年又於同治九年經前任直隸督臣曾國藩具奏長蘆鹽務減輕成本案內准將京商額引減停二萬道自九年子限

五年限滿仍復舊額等因各在案所有各商額引自同治八年起扣至十二年推展年滿即應復額惟查此五年限內同治八年現

商銷引五十萬三千二百四十九道九年銷引五十三萬四千三百六十六道十年銷引四十七萬九千八百八十二道十一年銷

引五十八萬七千三百三十九道本年秋關將竣僅領銷引五十萬餘道即再領運亦甚有限均未敷額定行銷之數各商仍不

免包賠且同治十年十一年夏秋雨水成災各岸鹽包被淹津地灘鹽亦被衝溢本年河水泛溢決口引地坵鹽被災並重各灘水

浸日久產鹽甚少價值昂昂車船運腳無不隨時增長本愈重而銷愈滯前因商情危困業經

奏准展緩正課徵軍需復價若再將已停之引遽令復額體察情形實屬力有未逮自應撥案推展以舒商力據鹽運使成孚詳

請具

奏前來臣查直屬連年被災額引銷路愈滯該司所詳委係實情合無仰懇

天恩俯准將盛綱原停引目十萬道查照歷辦成案自同治十三年起再行推展五年其先後所停引課統俟限滿察看銷市暢滯

情形再行分限帶運帶完臣一而督飭運司實力疏銷招認懸岸並嚴飭各屬認真緝私以期漸有起色所有停引限滿仍難復額

懇請照案推展緣由理合恭摺具

奏伏乞 皇上聖鑒訓示謹

奏稿二十二

當

截留洋稅摺

奏為津海關稅項不敷海防月餉本年京餉難續解撥照歷屆成案額懇留用並請免撥來年洋稅恭摺仰祈

聖鑒事竊臣於同治十一年十一月因津郡餉需不敷支應奏請將津海關短解京餉留用並請將十二年指撥洋稅撥充改撥原係因酌時勢力有未遑旋奉部議津海關欠解京餉均准暫留緩俟來年籌補至十二年京餉仍應解部等因當經轉飭遵照在案茲據津海關道陳欽詳稱上年戶部豫撥本年京餉案內指撥該關常稅銀五萬兩洋稅銀十萬兩又本年五月內復飭將招商局輪船稅銀全數解充京餉除鈔關常稅銀四萬九千餘兩已儘數解部外其洋稅銀十萬兩實係無款續解湖查同治九年奉飭籌議天津海防練兵月餉合計津海關六成洋稅洋藥釐捐東海關

協餉等三項以洋稅暢旺時為率每年約可撥銀二十八萬兩近因直屬災歉頗仍稅釐減色自上年十二月初三日第五十結起至本年八月初九日第五十二結止徵收洋稅銀二十三萬一千八百八十二兩零除專歸機器局四成並八分經費及一分二釐火耗外核計六成洋稅連招商局輪船扣淨稅銀共止十四萬六千四百十六兩零又自八月初十日至十月初止約徵六成洋稅及招商局輪船稅銀三萬餘兩且洋藥進口較少釐捐一項自上年十二月十六日起至本年九月十五日止僅收銀四萬八千九百餘兩連東海關解到協餉五萬兩綜計各項進款不過二十八萬餘兩而出款自本年正月至九月海防月餉撥發銀二十一萬三千兩連稅務司薪水等項已用過銀二十三萬八千餘兩其本年十一月十二等月暨豫備來年正月軍餉並稅務司應支薪水等

項共應需銀十二萬餘兩皆係刻不容緩計新關現在徵存各項並招商局輪船稅銀一併撥發不敷尚鉅請將本年未解京餉撥案留用並免再撥來年洋稅等情前來臣查部庫未裕京餉緊要但可設法籌顧斷不敢有諉延惟天津為海疆要衝共衛京師門戶關係甚重經臣嚴督各營練軍堅築營壘礮臺並以其暇濬河築隄勞勩勝常聲勢頗壯月需餉項無可節省況劉景芳帶隊出防綏遠城亦係山津局撥濟該局歲發餉項計需銀四十萬兩除長蘆運庫復價十萬兩其餘皆指津海關洋稅釐捐為大宗頗年災歉稅釐減收支應極形竭蹶今年多一閱月之餉關絲毫莫措不得已酌留江海關解到省餉三萬兩暫行濟急曾經咨部有案現屆封河洋稅已無可收即欲勉強支冬季及來年正月防餉稅務司薪水等項不敷尚鉅正在籌措維艱實無力續解京餉相應懇

天恩俯准將津海關洋稅本年未解京餉銀十萬兩撥照歷屆成案留為海防月餉至津關稅項向較南省各海關為少而海防較各通商口岸尤要勢不得不就地籌餉就餉練兵並請救下戶部於豫撥來年京餉時免再指撥洋稅俾資周轉而免貽誤謹據實恭摺具陳伏乞

奏

皇上聖鑒訓示謹

必魯使臣議約摺 同治十二年十月十八日

奏為必魯國使臣來津瀆求議約現與辯論情形恭摺具陳仰祈
 聖鑒事竊本年春間探聞南亞美理加之必魯國遣使來日本及
 中國議立和約適日本使臣副島種臣至津換約臣面與詢及據
 稱必魯已至東洋該使回國後即與議辦此事六月間接准總理
 衙門函稱英美駐京使臣均以必魯特派欽差來華商訂通商條
 約請盡力幫助等情因聞必魯有陵虐華工之事令將華人全行
 送回中國並聲明不准招工方能商議立約當經照覆各國知照
 並屬臣於必魯使臣到津時與之逐層辯論斟酌辦理旋於七月
 杪接據日本副島來函謂必魯使臣葛爾西耶已與日本立定和
 約即赴中國議辦經臣函商總理衙門該使遠來自應以禮接待
 再與辯論公事九月初二日葛爾西耶乘輪船到津初四日來晤
 臣即於翌日前往答拜詢悉華民陸續招往必魯者有十餘萬人
 據稱並無陵虐情事該國統領聞外人謠言甚多特派大臣來華
 議立和約以期共相保護初九日又據該使函送該國洋文公牘
 三件細加緝閱內係新立雇用華工章程似尚妥協臣覆以前據
 駐必魯華民公稟受苦甚多各國新聞紙亦有記載必魯陵虐華
 工情形該國雖立有新章恐未能實力遵辦仍照總理衙門照覆
 英美各使大意令將所招華工全數送回方可商辦二十四日葛
 爾西耶復來函謂力為辯請同治八年十年駐必魯華民轉遞
 公稟全是空話不足為憑即上年日本招必魯招工船隻亦無
 船主苛待華工確證該國既派使來華議約如條約立定以後必
 當照約保護臣遂加駁詰該使總稱此來專為和約美意若不准
 立約即行回國語殊決絕二十六日英國駐京使臣威妥瑪適由

南洋回津拜晤臣處代為極力調停並云葛使來意甚好原欲商
 議立約保護華工若中國置之不理必為各國所輕視切不可任
 令回國致難轉圜臣因與總理衙門往復函商必魯本係無約之
 國已招去粵閩華民十萬餘人該使不肯自認陵虐而於立約一
 事復堅執如初中國向以民命為重自不能置之不問應派員前
 往該國查明實在有無苛待華工情事再行設法妥辦欲先與會
 議查辦章程不即作為條約以冀層遞折落或可就我範圍十月
 十三日該使葛爾西耶復遞來照會一件詞意允復狡辯多端大
 致謂華民在必魯者保護與不保護全係立約與不立約欲得一
 言以定行止臣思急脈緩受仍詳晰照覆該使允先派員往查並
 擬具查辦章程四條屬再而晤商訂俟察看該使如何答覆商
 總理衙門相機妥辦再行具陳除將必魯使臣照會一件及臣照
 覆該使一件鈔稿咨送軍機處備查外所有必魯使臣來津瀆求
 議約現與辯論情形理合繕摺由驛馳陳伏乞
 皇上聖鑒訓示謹
 奏

臣即於翌日前往答拜詢悉華民陸續招往必魯者有十餘萬人
 據稱並無陵虐情事該國統領聞外人謠言甚多特派大臣來華
 議立和約以期共相保護初九日又據該使函送該國洋文公牘
 三件細加緝閱內係新立雇用華工章程似尚妥協臣覆以前據
 駐必魯華民公稟受苦甚多各國新聞紙亦有記載必魯陵虐華
 工情形該國雖立有新章恐未能實力遵辦仍照總理衙門照覆
 英美各使大意令將所招華工全數送回方可商辦二十四日葛
 爾西耶復來函謂力為辯請同治八年十年駐必魯華民轉遞
 公稟全是空話不足為憑即上年日本招必魯招工船隻亦無
 船主苛待華工確證該國既派使來華議約如條約立定以後必
 當照約保護臣遂加駁詰該使總稱此來專為和約美意若不准
 立約即行回國語殊決絕二十六日英國駐京使臣威妥瑪適由

統籌工賑事宜摺

奏為遵
旨統籌直隸應辦河工費款過鉅東南各省前撥賑需擬緩俟來
年再行酌請添撥現添提藩庫銀兩先辦尾閘各工恭摺仰祈
聖鑒事竊前奉八月二十二日

寄諭內閣學士宋晉奏近畿連年被水請飭以工代賑一摺據稱
直隸河道漫溢連歲水災與其併力籌賑不如擇要修工請飭該
督以現撥帑金酌提一半拯恤災區以一半起擇河道緊要者速
為修治工賑兼施兩收其效至現撥帑金尚不敷用並飭續撥款
項以成鉅工等語近年以來直省河患頻仍亟宜設法疏治期於
一勞永逸至宋晉所陳辦法是否可行著李鴻章統籌全局悉心
酌核迅速具奏原摺著鈔給閱看等因欽此

而大者有五曰永定河滹沱河大清河北運河南運河皆各容納
眾流勢兼力猛或地處狹窄或挾沙壅泥既易淤復多泛濫雍
正乾隆年間節次大加修治皆費數百萬之帑歷十餘年之功始
有成效嘉道以後經費不支未能大修咸豐以後軍需繁鉅南
北運河歲費耗遞減永定河歲修要款亦減而又減於是河務
廢弛日甚開墾墾無一不壞減河引河無一不塞此五大河者
受病同深每遇積雨盛漲橫衝四溢併歸窪區連成一片正不獨
永定一河之為害而天津係各河下游總匯僅有海河一道迤邐
出口不能暢達尤為全局之病無論近數年雨水過大成災較廣
即水小之年亦必難免浸淹是各河之皆應及時修治無待再計
矣臣抵直以來幾經籌畫竊念本省向係缺額無可經營部庫尚
屬空虛外省僅能自顧勢難顧請惟於上兩年災案內勻撥賑款

量為補苴節經奏報有案今年水災蒙

救撥東南各省協款臣於八月初酌定銀數請撥摺內亦經陳明
工賑並舉擬添開天津歸海引河並擇辦上游隄河各工在案直
省河道一日不治水患一日不息民困一日不蘇臣忝任畿疆時
深疚悚明知頻年賑卹綱豁所費甚多斷非長策而各河淤廢太
久工程太鉅較雍正乾隆年間尤甚若設法疏治期於一勞永逸
亦非數十萬金所能濟事宋晉以撥款不敷請再續撥以成鉅工
洵屬切要之論惟東南各省兵燹後民力已窮元氣未復京餉既
關緊要西路軍需各處防餉皆不能或省

萬年吉地甫經興工又須分批勻撥各該省兼籌並顧竭蹶未遑
前撥直省賑款臣疊經咨商懇因奉
特恩為畿輔救荒要需勉力措解然拮据之狀往往形於來贖日
下若再添撥誠恐周轉不開或致顧此失彼似只可斟酌緩急逐
漸舉辦俟來年察度情形如必不得已之工再行酌量奏撥庶各
省財力稍得展舒而直省河務亦不任偏廢至天津引河應自三
岔河口陳家溝開挖起至北塘歸海使通省尾閘多一分洩之路
工段過長約估需銀十五萬兩其大清河上下游緊要隄河及文
安大窪引河河間獻縣滹沱引河或工已及半或情形太重皆應
先辦計尚需銀十四萬兩均擬明春興作以工代賑俾災黎藉資
備趁查今年各省協款銀四十萬兩除去順屬賑銀八萬兩府尹
與倉場侍郎商撥潮白河工程銀二萬兩永定河漫口工費銀八
千兩直屬采買賑糧銀七萬兩分撥各州縣賑撫銀六萬五千兩
僅贖銀十五萬七千兩以之撥作前項工需尚短銀十三萬餘兩
臣不得已商飭藩司移緩就急在於司庫地丁項下湊撥銀十萬

兩以助工賑要需仰懇
天恩俯准提用其不敷之數即由南省賑捐尾款及練錢生息海
關新增洋藥釐各項儘力湊濟仍俟事竣照案彙開清單奏報所
有統籌工賑事宜理合恭摺覆陳伏乞
皇上聖鑒訓示謹
奏

奏稿二十一

聖

回省日期片 同治十二年十月二十七日
再祕魯使臣來津辯論情形經臣於十月十八日專摺奏明在案
該使葛爾西耶接臣照覆復訂期二十日來臣等商當與詳切
開導該使仍多方狡辯必欲允立和約而於臣所擬先訂章程派
員查辦各節堅執不從會議數時之久往返駁辯未能就緒先是
十月初間准總理衙門函稱英使威妥瑪已向總署議准祕魯
使臣赴京暫住祇算英法兩公使友誼不與商辦公事來春再令
赴津等因現在節屆冬至北河業已凍封臣應辦公務甚多必須
照例回省未便為祕魯一事久留津門該使亦面稱即日料理進
京將來如何議辦之處想總理衙門王大臣必能相機妥籌臣擬
於二十九日由津起程回省理合附片具陳伏乞
聖鑒謹
奏

奏稿二十一

聖

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

商公擬撥借成本摺 同治十二年十月二十七日

奏為商擬復設公櫃資本不敷擬借給練餉錢文分年免息還本以恤商艱請飭恭摺具陳仰祈

聖鑒事竊查長蘆京綱引商股累不齊事極散漫往往減價賤售虧折課本掣動全局從前設有公櫃總司整飭係各商湊集資本凡運京之鹽皆歸公櫃不論股商照章一律運到付銀既敷課本亦有餘利公櫃實有一定之價人不能勒指店奇各商既免賤售虧折即可陸續行運民無淡食法至善也道光三十年經管公櫃之總催徐春霖斥革後各商按年輪流經營為時既暫責任不專從此逐漸廢弛遂將公櫃裁撤皆歸自運自銷累商因賣鹽需時急欲得價多賤售於油鹽店不計虧折課本該店復乘勢勒指圖佔便宜股商即被牽掣年復一年引愈滯而課愈虧運既

不時民虞淡食油鹽店益奇貨可居前督臣曾國藩奏准減停滯引二萬道限期將滿仍無起色實因事權不一紛紛賤售虧折之故若不亟籌變通殊無以善其後查

京師為根本重地京引乃長蘆綱領必須復設公櫃官督商辦力圖挽救前據京引總催姚學源等稟經運司派員督同該總催及京引各商議定公櫃章程以姚學源承辦商人王源濤幫辦並由司委前水司運判王鍾霖候補鹽大使德馨督辦惟資本甚鉅商力疲窘難以全數措齊請在江浙與商借贖練餉錢文內借給制錢五萬串以助公櫃資本體恤商艱藉顧課帑與江浙與商借款自謀生業者不同並懇免息還本庶符調劑本意其成本即自來年起分作四年由少至多次第繳清由姚學源王源濤承領承還並由京引商人及督辦委員出具切實保狀儘屬限不還著落

原保各商攤賠督辦委員併于參處至江浙與商借款原議一經奉提限三箇月內繳清因有數十萬串為數太鉅必豫籌提用以備緩急今借款無多尚非待以應用四年還清限期亦迫應免隨時提繳俾資周轉當經據情咨請戶部核覆茲准部咨以復設公櫃齊價定章事歸畫一係為力挽頹綱起見惟江浙與商請借練餉錢文均經奏奉准行今借給京商公櫃資本並免免息錢分年完本應由臣專摺具奏等因臣查京商情形非復設公櫃無以除賤售虧折即不能顧全課帑但公櫃資本甚鉅商力困窮不得不酌籌撥濟該運司成字所擬借給練餉制錢五萬串分作四年免息還本為數既屬有限體恤亦逾尋常該商等感戴寬仁自必如期呈繳況屆限不還著落保商攤賠並將督辦委員參處層層鈐制斷不至有虧欠相應仰懇

天恩俯賜照准除飭運司責成委員督同實力整頓並將其餘事宜逐款妥議咨部立案外理合恭摺具陳伏乞

皇上聖鑒訓示敕部知照謹

奏

豫籌橋道事宜摺 同治十一年十一月初八日

奏為

旨豫籌明春

恭謁

西陵道路橋梁各事宜體察情形據實覆陳仰祈

聖鑒事竊臣前准軍機大臣字寄九月二十七日奉

上諭明歲新正當降旨恭謁

西陵惟來年清明節氣較早俟降旨後修墊道路橋梁恐難如期趕辦今冬農隙能否次第興工直隸今歲被水道路能否暢行此項工程不能不藉資民力尤恐被災處所民力難支均著該督酌度情形據實具奏等因欽此仰見我

皇上禮隆孝饗懇

上儀仍慮及災區民力難支備加

體恤欽感莫名當即行司遴派大員前往逐細查勘酌度稟覆臣

由津回省途次又欽奉十月二十九日

寄諭催詢臣益增悚急十一月初三日行抵保定省城即與藩臬

兩司悉心籌議自咸豐五年恭辦

西陵大差以後迄今已十八年經由州縣橋梁道路地盤等工久

失修治本不免坑窪冲塌之處况連歲大水所有良鄉房山涿水

易州一帶切近山根盤纏伏秋霖雨山水下注河道多有變遷

蹕路更難修整正在躊躇莫決間適藩司孫觀所派知府恭鈞張

保泰會同各該牧令查勘回省繪呈圖說詳加察核據該員等

周歷履勘從前

御道及

尖營地盤或有冲成河溝變為水窪淤沙泥淖所在多有必須開

段繞越改移修墊大致與舊道里數尚無甚增減惟自黃新莊至

半壁店中有房山縣屬之馬家溝至吉陽村等處最為窪濘計改

道須多繞十里有客又易州良各莊迤西香兒峪下近三里大道

已成湖溝若向南山營汛地面改修須繞道三里餘此外添建橋

梁涵洞培墊馬頭地基築壩屏水創沙除石較昔年工程多至倍

徒其艱難情形概可想見惟事關謁

陵大典仰體

聖孝至誠凡在臣民莫不竭蹶將事曷敢畏難阻延來年二月十

九日節屆清明計距正月初

旨之期不過月餘誠如

聖諭恐難如期趕辦無如目下冬寒地凍礙難先行興工臣與司

道再四酌商擬儘年內將承修道段工程各州縣分別派定並將

應辦事宜應需經費次第籌力妥籌一俟明年正月初解凍即督催

興作以期不至貽誤但冀仰託

福庇來春時暖冰融不久互凍則諸事稍可順手將來修墊橋梁

道路必有因時度地變通移易之處若與舊道處奏准里數不符

應請

救下該管大臣酌量體恤勿加駁斥等實沐

聖慈無既至

諭旨垂詢被災處所民力難支臣擬擇派高地有收之州縣查照

舊章設法撥辦其被災較重處所應予剔除以廣

皇仁所有體察情形豫籌辦理

陵差各緣由謹繕摺據實覆陳伏乞

順屬兵差由司局彙核摺 同治十二年十一月十九日

奏為順屬兵差巡報各案查對參差仍應照章由省城司局覆核彙報以歸畫一恭摺仰祈

聖鑒事竊據軍需報銷總局司道詳稱直隸通省向辦兵差報銷

等案凡各路征撤官兵暨采買駝馬運送軍火軍裝餉械等項應

需糜糧車馬司局接奉行知後即飭經由州縣照例應付各州縣

供送該官兵過境即將銜名兵數斤重先行申報事後造冊由司

局查報按例確核分別准刪逐起聯站彙造總冊報部請銷奉准

後由司庫給領歸墊所以杜浮冒防歧錯而重庫款也同治三年

六月以前業經開單奏報准銷其自三年七月起至八年十二月

底止各屬供應兵馬運送軍火等差已於九年二月奏明設局開

辦惟近年四路廳屬之大興宛平通州昌平順義三河密雲薊州

固安良鄉等州縣多有逕自造冊呈由順天府尹咨部核銷者所

報或一二任及三四月不等司局前奉准銷部文因查現造司局

總冊均經照章彙入應按任按起剔除免致重複即飭照錄報部

清冊送局以憑核對迄今僅據前大興縣知縣命年宛平縣知

縣楊蔚本通州知州張鵬雲順義縣知縣石衡三河縣知縣周紹

遠等錄送到局其餘各任均係事故人員屢催未據錄送以致無

從釐剔而核對送到各冊上下站供應官兵數目復多參差兼有

不應歸入軍需造報者或此有彼無一經比對歧錯互見即如順

義三河二縣本係聯站其供應調赴古北口駐紮之吉林黑龍江

官兵上站三河冊造三千二百九十四員名下站順義則造報三

千四百九十九員名又運送營工銀兩及飯照費等項軍價向不

歸軍需案內造報而大宛通州銷冊併行開列至各屬接遞軍報

添設腰撥其請添馬匹多寡必先報明司局酌量文報繁簡分別
 准減乃良鄉縣知縣陳鏡清一任竟造報添設至六十四之多與
 司局核准原案不符部中惟據該州縣冊報核銷其與連站州縣
 及原報司案兩歧無從周悉如此辦理不特司局總案屢有紛更
 且絲毫皆闕庫款若任其遲報無上下站數目可稽易啟浮冒之
 漸況順屬州縣兵差准銷各款均係由司給領豈有報銷不由司
 局彙轉致違向章應請將大宛等州縣奉部准銷銀兩暫行扣發
 概由司局彙入總案分起撥核造冊報部應領銀兩若干以司局
 核轉報部准銷之數為準嗣後四路廳屬再有自行遲報者即由
 順天府尹飭令送歸司局覆核彙報庶免歧錯而庫款亦多所節
 省等情詳奏前來臣查所詳為章程畫一起見自應照辦除飭將
 兵差報銷各案由司局趕緊彙核詳報部並咨順天府尹通飭

遵辦外理合恭摺具陳伏乞
 皇上聖鑒敕部查照立案施行謹
 奏

奏
 皇上聖鑒敕部查照立案施行謹
 奏

奏留吳贊誠片 同治十二年十一月十九日

再天津機器局仿製西洋鎗礮軍火事體繁重督理需才前經臣
 訪聞廣東儘先補用道吳贊誠清正有為不憚煩苦又精於算學
 奏調該道航海來津隨辦洋務製造事宜該道於上年八月間到
 津赴局接辦一載有餘察看該道吳贊誠精細沈毅體用兼全駕
 馭中外員匠操縱咸宜綜覈工料鉅款絲毫不苟監製軍火日起
 有功近來天津海防直隸各處防營練軍所需既能源源濟用
 即神機營時有調撥熱河察哈爾奉天營口等軍需及西北邊外
 各城征軍商機要件亦多酌量應付洵足以備緩急而固根本臣
 駐津籌辦洋務棘手之件往往資其商推助合機宜該道實為直
 省不可多得之員本年秋間接准大學士兩廣督臣瑞麟咨鈔奏
 稿內稱吳贊誠前署惠州嘉道一年九箇月零會同總兵方耀辦

理湖屬緝匪微糧事務實心實力和衷共濟欽奉
 諭旨賞給二品頂戴在案臣每諮詢粵中官紳過津者僉稱吳贊
 誠政績循聲聞思慕不置是其在粵已久著有成效調直亦備歷
 勤勞伏思

畿輔要區中外輻輳吏治洋務均以得人為要吏部新定章程內
 載各省辦理中外交涉事件奏調他省候補人員奉
 旨准調差委各該督撫奏請改留該省補用應令補交離省分發
 銀兩等因相應請
 旨准將二品頂戴廣東儘先補用道吳贊誠改留直省仍歸原班
 儘先補用俾收臂指之功如蒙
 俞允再飭該道照章指撥分發銀兩是否有當理合附片具陳伏
 乞

聖鑒訓示謹奏

奏稿二十一

李文忠公奏稿 卷二二

鄭魁士請議卹子諡摺
同治十二年十一月十九日
奏為專闕大員轉戰數省功績最著在籍傷發病故恭摺具陳仰祈

聖鑒事竊據宣化縣知縣方汝翊稟稱前署直隸提督原任浙江
提督沙拉瑪該巴圖魯鄭魁士先因病回籍家居數年舊傷時
發時愈詎本年入冬後全傷舉發氣血虧損醫藥罔效於同治十
二年十月十四日病故開具履歷事實請

奏前來臣查已故提督鄭魁士直隸宣化縣人現年七十三歲自
道光年間由行伍積功補授湖南鎮守備奉調帶兵勦辦廣
西髮逆出力升授廣西正安營都司遞補湖南九裕營遊擊免補
副將以總兵記名簡放先隨向榮追賊至江南咸豐三年廬州失
守奉

奏稿二十一

聖

旨督兵赴皖北援剿其時提臣和春撫臣福濟倚之如左右手咸
豐五六年克復廬州三河等處和春旋調赴江南督師鄭魁士奉

旨會辦皖北軍務克復巢縣廬江等處疊蒙
交宗廟皇帝恩眷加隆補授安徽壽春鎮總兵

賞給頭品頂戴沙拉瑪該巴圖魯勇號

賞穿黃馬褂六年懷遠縣勦擒之役受傷數十處頭顱骨損蒙

恩賞拔毒散醫治又巢縣之捷

欽賜白玉搬指翎管等件八年調赴金陵會勦擢授浙江提督九

年奉

旨督辦安徽甯國軍務十年奉

旨調赴江蘇督辦東壩各處軍務該提督親提一旅屢捍危疆值

餉源絕續之交當茲賊縱橫之地卒能艱難拮据疊奏奇勦每臨

五八七

大敵陷陣衝鋒出生入死身受重傷先後凡八九次備體創痕鱗
積見者無不痛心然大江南北一時著名勇將亦無不推鄭魁士
為最嗣因傷發增劇於十一年奉准開缺回籍同治五年捻逆非
鼠奉

旨飭赴直東一帶督隊協勦六年復奉

旨署理直隸提督八年秋又因傷病稟發奏請回籍跡其出處之

際

朝廷倚任舊臣與該員之感激馳驅思得當以報

國者實相須於無既乃以積勞年久傷病大發遂至不起追維往

績悼情同深雖在籍病故核與議卹新章未符惟該員實力行閱

四十餘年由偏裨洊膺專閫蒙

先皇帝畀以督師重任該提督治軍皖省賊氛正熾地方警率鄉

奏稿二十二

卷

團與同患難親見該提督堅苦剛毅獨當一面驍勇絕倫洵無負

國家干城之選至其馭眾恤兵嚴整寬厚江皖士庶至今猶樂道

之迨後山籍起辦捻匪並署直隸提督協清

畿輔亦能力疾從公不辭泥瘁溯自軍興以來該提督由粵西用

兵轉戰湘鄂皖直東等省無役不從固與軍務相為終始其長

子鄭永祥曾任浙江遊擊隨營勦賊亦於咸豐九年因傷歿於廬

州營次一門戮力兩世效忠殊堪矜憫茲該提督在籍病故實緣

受傷深重年邁氣衰所致且係屢任督師專閫大員勦勦卓越似

非尋常立功後積勞病故人員可比合無仰懇

皇上俯念前勞將前署直隸提督原任浙江提督鄭魁士

敕部議卹以為戎行出力者勸至應否

予諡之處出自

特恩非臣所敢擅請除將履歷事蹟合部查照外所有在籍提督
戰功最著傷發病故緣由理合恭摺具

奏伏乞

皇上聖鑒訓示謹

奏

奏稿二十二

卷

議停長蘆欠款摺
同治十二年十二月初九日

奏為核議停徵長蘆補欠積欠期限並傳辦各項仍歸南省辦解恭摺覆陳仰祈

聖鑒事竊臣前請將改派長蘆絲布絹綫等項仍歸南省采辦並停徵補欠積欠一摺奉

硃批著照所請該衙門知道欽此嗣准戶部以補欠積欠銀兩自同治十二年起予限五年暫予停徵扣至十六年限滿後照舊按

額放徵並將核定期限即行專案奏明其停徵期內備遇內務府三庫衙門等處或有別項就近傳辦事件在於道光二十八年以

後積欠各款項下籌辦等因查各商應交補欠積欠銀兩向於春秋兩關領引時按引完交本年接准停徵部覆已在九月下旬秋

關將竣之時各商應交同治十二年前項補欠積欠業飭隨引勉力措交所交銀兩已因奉文采買布絹照案動用應自同治十三年起將補欠積欠兩款停徵五年引至十七年限滿後再行察酌

情形照舊啟徵至道光二十八年以後積欠課款本因商力疲累無論如何催徵完納總屬無多歷次湊解京奉各餉實無餘銀再

備傳辦各項應請仍照原奏欽奉批旨一體復歸南省辦解以符向章而免貽誤據運司成孚具詳

前來理合恭摺覆陳伏乞

皇上聖鑒謹

管河縣丞移駐片
同治十二年十二月初九日

再本年開挖任邱雄縣境內趙王河以瀉西淀積水業經奏部工竣聲明妥籌善後事宜在案查保定府境內之西淀係上游數百里河道民生一大關鍵淤阻已久水患頻仍今開趙王河以通去

路並於該河兩旁築隄以防漫溢上下口設閘以資啟閉所有全河及隄閘各工皆甚緊要必須專有河員經理督率紳民認真修

守方可經久若添設一官即多一官之費因飭該管清河河道會同藩臬兩司酌量情形擇員移駐茲據該河道與天津道會詳查有

任邱縣東汛管河縣丞原管三岔口以上之大清河並淀河千里隄先駐任邱棗林莊嗣移該縣鄭州鎮趙王河下游甚遠惟任

邱之荷各莊為趙王全河及該縣承管河道隄工適中之區擬令移駐該莊將趙王河隄閘一切修守啟閉事宜責成經營不准

稍有廢弛其舊管隄河是資兼顧仍飭各該縣合力照管該縣丞向無衙署屢經遷徙今責任既重應於荷各莊建造衙署另行籌

捐辦理應需俸廉役食河兵口糧悉仍舊例該縣丞原有關防係在邱縣東汛管河縣丞字樣應換給任邱縣東汛兼管雄保等處

趙王河縣丞關防一顆以昭信守等情具詳前來臣覆核無異除批飭照辦並分咨外理合附片具陳伏乞

聖鑒敕部換給關防施行謹

奏

籌撥河夫工食片 同治十二年十二月初九日

再本年奏明開挖任邱雄縣境內趙王河以瀉西淀積水其下口
 騰嘴壩建開一座應設開夫十二名實成該管河員隨時督飭測
 量水勢以時啟閉仿照安州州判等汛水手章程每名歲給工食
 銀十二兩每年共應需實銀一百四十四兩遇閏加增又無極深
 澤邢州境內滋河沙河唐河會於邢州三岔口為瀕龍河逕安平
 博野蠡縣高陽而達西淀前因沖決為患修築隄工開通下口亦
 經奏報有案惟瀕龍河挾滋沙唐三水奔騰數百里溜急沙多一
 經入淀水流漫散淀中不免積淤即口門以內新開直河亦虞壅
 墊必須於每年春季水小時派委委員會同安州州判及各該州
 縣認真撈挖其口門以外涎水漸深難施畚鍤應雇貨船叔夫
 夾泥撈沙務期一律通暢汛漲無阻庶下不淤則上不潰隄工乃
 可經久每年工費從少計算需實銀五百兩查有清河道衙門歲
 收雄縣安州定興高陽蠡壽元氏定州霸州任邱等州縣河淤地
 租一款每年額徵銀二千四百二十九兩零近年水澇蠲緩只能
 徵銀數百兩此項租銀本係留存道庫作為河工歲修並歲發安
 州州判等四汛額設水手工食之用今趙王河下口開夫工食及
 瀕龍河下口挑淤工需皆關緊要應照現定銀數即於庫存地租
 項下按年動支分飭核實經理洵滴歸公免其月案造冊報銷至
 趙王河上口擬建開座因水勢淺深未定向難定議將來如須建
 開亦應照設開夫核給工食據藩臬兩司清河道會詳前來理合
 附片陳明伏乞
 聖鑒敕部知照謹
 奏

奉天米豆暫改折色摺 同治十二年十二月十九日

奏為天津甯河兩縣海船代運奉天牛莊等處米豆賠累不堪該
 省既不能自行雇船又延不采買起運擬請暫改折色以恤商艱
 藉除積弊恭摺仰祈
 聖鑒事竊奉天牛莊並錦州府屬義州等州縣解京米豆向由直
 隸天津甯河兩縣海船代運上年九月間臣因船戶困苦日甚該
 省起運無時久候空回力難賠累請歸該省自行雇船運津旋據
 奉省奏陳雇船窒礙經戶部議覆照舊辦理轉行遵照在案該船
 戶等復以無法代運屢次稟訴天津道求為拯救由該道丁壽昌
 擬將奉糧暫改折色具詳前來查津甯兩縣海船代運奉省米豆
 本非分內之事自津至奉每石僅給水腳銀一錢四分不敷甚多
 向係該兩縣出海商船公攤津貼從前奉省米豆接時兌裝往返
 不過兩月該兩縣海船共有七百隻津貼之費尙可支持自海禁
 一開生意被洋船佔奪該兩縣海船年年虧本多已折賣目下所
 存不及二百隻船日少則攤費愈重商日貧則籌費愈艱其例領
 水腳須照部章減發六成更形短絀奉省承辦各官疲玩成習往
 往倉無米豆復不及時采買雖戶部倉場奏參嚴限尙無開兌之
 期即如本年牛莊義州於船到之後猶不買兌屢據直省押運委
 弁船戶催詢並稟經咨會轉催一味飾詞搪抵仍令各船久候空
 回來年又須往候船戶深知其弊視為畏途地方官實難勒催惟
 聽處分而已況北河封凍較早若運津逾值凍河該船戶即懸卸
 回看守近年江浙漕糧提早運通奉糧須俟南漕運竣方能起卸
 北上該船戶一當此差動輒兩年竣事坐食耗費苦不堪言而一
 船之中書舵水手不下一二十家因此啼飢號寒尤為傷心慘目

現在各船已不能按時修驗焉有餘力攤貼鉅費再供此差若不
亟思變計則現存船隻必將紛紛拆賣運務終歸無著奉省既不
能自行雇船又延不采買起運徒累鄰民廢時失業該道擬請暫
改折色實出於萬不得已上年給事中陳鴻勳曾有此請部議未
准原以京倉緊要未可輕議更張但直省船累太重奉省銅弊太
深非此無以免累除弊京倉本恃南漕東糧其奉糧數甚有限查
牛莊等處歲僅額運粟米二千五百餘石黑豆四千六百餘石錦
州府屬歲僅額運粟米一萬三千二百餘石黑豆一萬八千三百
餘石共計米豆僅三萬數千石尙屬無礙大局若令奉省按照時
價解交則一切無可藉口不致延不起運此項米豆有年例應放
之款部中卽以所解折價及時搭放直省地方素產粟米黑豆且
每年各路商船販運米豆雜糧來直銷售者約有百萬石此三萬
餘石米豆可由領價者各自購買亦於民食無妨其奉直兩省運
費水腳一切雜支卽月存撥用省費尤復不少況奉省啟徵米豆
多收折色臨運時始行采買今卽解交折色尙非遽改成章將來
該省自能雇船仍可就地買運似無由折改本事繁難舉之慮既
於
國計毫無所損而天津等處寥寥待盡之船戶藉以保全生業其
感戴
皇仁豈淺鮮哉所有酌擬變通直省代運奉天米豆緣由理合恭
摺具
奏伏乞
皇上聖鑒敕下戶部迅速議覆施行謹
奏

李文忠公奏稿卷二十二

奏稿二十二

卒

李文忠公奏稿

卷之二十三目錄

橋道開用民田摺 同治十三年正月二十日

津餉截留關稅片 同治十三年正月二十日

湖廣水師欠餉請廣學額摺 同治十三年正月二十八日

覆陳葉伯英補缺片 同治十三年三月十六日

慶祺木價報銷片 同治十三年三月十六日

豫省加價撥借生息摺 同治十三年四月初八日

蘆鹽酌加賣價摺 同治十三年四月初八日

蘆課奏銷展緩摺 同治十三年四月二十七日

海防支應報銷摺 同治十三年四月二十七日

旗租撥協奉賑摺 同治十三年五月初六日

機器局動用經費摺 同治十三年五月初六日

祕魯商約定議摺 同治十三年五月十三日

張家口糧臺請部餉摺 同治十三年五月二十三日

派隊航海防臺摺 同治十三年六月初十日

彭楚漢交卸赴閩片 同治十三年六月初十日

夾板印封仍由驛遞片 同治十三年六月初十日

匪徒仍就地懲辦摺 同治十三年六月十六日

楊鼎勳耐祀會祠片 同治十三年六月十六日

李光昭報效木植結訟摺 同治十三年七月初三日

海防請催川餉摺 同治十三年七月二十一日

淮軍雜支請照核銷片 同治十三年七月二十一日

開濬陳家溝減河摺 同治十三年七月二十四日

部價腳分別捐補摺 同治十三年七月二十四日
出借練餉制錢片 同治十三年七月二十四日
輪船獲盜請獎摺 同治十三年七月二十四日

奏稿二十三目錄

桐城吳汝綸編錄

橋道開用民田摺

同治十三年正月二十日

奏為本屆春差改道處所開用民田擬請量加調劑恭摺仰祈

聖鑒事竊本年二月

皇上恭奉

兩宮皇太后祇謁

西陵應修橋梁道路先經臣派員察勘因年久失修又疊被大水

從前

御道及尖營地盤或已冲成河溝變為水窪復經委員會同鄉導

處章京等查看如房山縣古陽窪等處應改道繞越及改墊尖營

地盤皆係開用民田查歷屆恭辦道段兩旁二三里界內旗民地

畝糧租均蒙

奏稿二十三

恩旨酌定分數蠲免有案蓋大道雖屬官道而隨差人馬眾多踐

踏兩旁地畝尚須優予體恤況改道係開用民田修墊正副各道

及地盤則與兩旁二三里界內偶被踐踏者情形較重其已種麥

苗皆應毀棄空費工本及差竣而地已碾研堅實尤須開創墾復

方能播種秋禾小民種地為生麥收既無可望秋收又難預必連

年災歉之後籽種牛力木極拮据今重費經營更形苦累前奉

寄諭慮及災區民力難支令臣酌度情形據實具奏該地戶等既

有苦情自應奏請量加調劑以廣

皇仁而示區別據司道具詳前來相應仰懇

天恩所有改修道段地盤開用旗民地畝應徵同治十三年糧租

全行蠲免仍責成該管州縣逐細查丈頃畝數目再行酌給籽種

由藩司籌款核發作正開銷至
御道兩旁二三里界內地畝應蠲分數糧租仍照向章屆期候
旨遵行理合恭摺具陳伏乞
皇上聖鑒訓示謹
奏

奏稿二十三

津餉截留關稅片 同治十三年正月二十日

再臣前因天津海防軍餉不敷查照歷辦成案請將同治十二年津海關未解京餉留用旋經戶部議覆未准臣維海疆防務至重勢不得不就地籌餉現在津口防兵已成定額尙慮不敷分布兵無可減卽餉無可節連出防級遠城直字營馬隊計之歲需銀四十萬兩除撥長蘆復價十萬兩其餘則以津海關六成洋稅洋藥釐捐爲大宗若稅釐暢旺尙可敷衍近因災歉頻仍收數短絀挪湊支應竭蹶萬分查歷年以來皆將津海關奉撥京餉留作海防餉需非不思京餉緊要實以天津拱衛

京師較別處通商口岸關繫尤重既須綢繆門戶卽難兼籌並濟故雖釐商疲累酌請減收復價而歲撥海防之十萬兩不敢絲毫議減戶部以臣前請減收復價摺內有如不添練增費無須戶部

奏稿二十三

撥款之語今請留京餉謂爲不合殊不知減收復價係聲明專減保定練餉撥款並非減撥津防餉需津餉本指關稅爲大宗歷經留用亦非始自今日況該關徵稅若干撥解餉需若干按結按期報部有案其中盈絀查核自明所有十二年分關稅不足防餉其奉撥京餉委係無可撥解據該關道陳欽具詳前來合再懇懇天恩俯准免解部查照謹

奏

湖廣水師欠餉請廣學額摺 同治十三年正月二十八日

奏爲湖廣督標水師兩營報效欠餉擬請加廣學額以昭激勸仰祈 聖鑒事竊查湖廣督標水師兩營向隨 聖勦捻山糧臺發餉據原帶水師親兵營記名提督督署湖南鎮守使鄧萬林親兵水師新副營記名提督李洪壽稟稱該兩營截至同治八年底止歷年積欠餉銀各勇情殷報效請加廣長沙縣學額等情當經飭據金陵報銷總局司道等查稱湖廣督標新副親兵兩營截至八年底止除先後補發外實欠發餉銀二萬八百九十七兩零四分該兩營勇丁籍隸湖南長沙縣者居多核計報效欠餉銀數酌議加廣學額詳請具

奏稿二十三

奏等情前來臣查部定章程嗣後外省捐輸只准請加一次文武學額概不准請加永遠文武學額其廣一次文武學額改爲一屬捐銀一萬兩者准廣一次文武學額各一名等因通行遵照在案今該兩營官弁勇丁共體時艱情殷報效實屬深明大義懇懇天恩敕部查議准以二萬兩加廣湖南長沙縣一次文武學額各二名以昭激勸而符定章除飭將報效欠餉實數另開清單咨部查核外理合恭摺具

奏伏乞

皇上聖鑒敕部核覆施行謹

奏

覆陳葉伯英補缺片

同治十三年二月十六日

再准吏部咨同治十三年二月十四日奉

上諭御史張觀準奏各省候補人員壅滯應行疏通一摺著吏部議奏其所稱直隸道員葉伯英鑽謀得缺等語著李鴻章查明據實覆奏毋稍徇隱欽此知照前來遵查葉伯英由戶部候補主事咸豐十年經前辦河南團練大臣毛昶熙奏調軍營旋捐知府分發甘肅在豫辦團勦匪出力保升道員仍留甘肅歸候補班前分補用又改指直隸同治四年離營七年引

見到省經前督臣曾國藩與臣先後委令會辦練餉局營務處事宜均指置裕如十一年九月清河道陳鼎出缺遴委該員署理查清河道一缺例應揀選諳練河務者請補緣該道有綜理河工之責如正定深冀保定各屬之滹沱河瀋龍河順天保定連界之大

奏稿二十三

五

清河及上游各水匯歸之西淀源遠派繁皆關農田水利軍興以來廢弛已久近年雨水極大百病叢生苟且因循者率多視為難辦想置不講該員於委署後親往逐一履勘博采羣議或加築隄壩以防潰冲或添開減河以洩水勢所籌悉合機宜精力尤耐勞苦當以該員為實精詳往來河下無官場偷惰習氣且應歸候補班前充補用之員照例請補清河道缺仍責成次第督辦隄河各工迄今尚未竣事旋經吏部核議覆奏准補奉旨依議在案竊維員鑽謀差缺最為官場惡習臣夙所深惡凡關地方利害雖一差之微必釁其才具察其品行從未敢輕率委任況清河道為省會要缺亟須得人助理豈容僥倖營求致有貽誤葉伯英本係合例應補無所用其鑽謀若才無足取例不准補雖鑽謀亦必不能得臣當日請補摺內兼為擇才起見吏部議覆

摺內則稱與定例相符是其非鑽謀得缺確有明證臣何敢稍有徇隱相應遵旨據實覆陳伏乞聖鑒謹附片具奏

奏稿二十三

六

慶祺木價報銷片 同治十三年三月十六日

再咸豐八年十二月原任直隸督臣宗室慶祺任內正值

萬年吉地興工欽奉

上諭將天津海口礮臺餘廢木料查明丈尺件數咨報工部並辦理工程處如果合式委員徑解等因當經慶祺查明造冊咨報堪以應用慶祺旋即出缺由前任長蘆鹽政松齡派員於九年五月解送

平安峪工程處呈交共計八千七百三十六根准工程處照數驗

收咨覆有案查前項木植本因天津海口礮臺采買所需木價係

慶祺自行籌墊其解交工程處之八千七百三十六根合計墊價

實銀四萬二千七兩六錢除由海口糧臺撥銀一萬六千七百

二十九兩二錢六分八釐實墊銀二萬五千二百八十八兩三錢

三分二釐原應查照采買

萬年吉地木植奏案於天津關稅長蘆鹽課並多倫廳木稅項下

歸款因鹽關支絀無款可籌而多倫廳木稅短收且須解部遂致

歷久懸宕總未給領慶祺之子現任倉場侍郎延照曾請於應領

前項墊款內捐銀二萬兩作為軍餉呈經原任

欽差大臣科爾沁親王僧格林沁因軍務倥傯未及奏辦今延照

以該侍郎世受

國恩現值庫款竭蹶何敢於先人已墊之款復請歸還請將應領

捐贖銀五千二百八十八兩三錢三分二釐歸入前捐銀二萬兩

案內一併作為捐輸以清積贖並聲明不敢仰邀議敘等因咨會

前來臣維慶祺所墊木價除撥還外尚應領實銀二萬五千餘兩

為數甚鉅延照以庫款竭蹶先後辭請全數捐輸實屬仰體時艱

克成其父未竟之志近來鹽關支絀尤甚應如所請辦理惟捐款給獎本係定例該侍郎既不邀敘應請移獎其親族子弟山戶部就近咨旗查取履歷核給以昭激勸理合附片具陳伏乞

聖鑒訓示謹

奏稿二十三

八

豫省加價撥借生息摺 同治十三年四月初八日

奏為長蘆奉撥

東陵承濟籌備兩庫生息銀兩無款可籌請以豫省蘆鹽加價量為借濟恭摺仰祈

聖鑒事竊 欽奉同治十三年三月初八日

寄諭載遷等奏請撥款生息以備支放一摺著照所請由長蘆鹽

務項下撥借銀五萬兩以一半解交載遷等發商生息分交承濟

籌備兩庫備用以一半由長蘆運司就近發商生息歸還原款等

因欽此遵即督飭運司設法妥籌茲據該運司成孚詳稱長蘆徵

收各項皆關應解應支本無閒款商情疲累已久完納不能如期

近復連歲被災灘坨沖沒成本加重屢據通綱商人請借帑金以

資周轉因庫儲未裕隨時駁飭而商累實深應徵課款嚴勒比追

總難足數歷年額撥京奉各餉解省尚無項歸還應解者又急

如星火運庫支細萬分實無餘款可以撥借且從前京外各衙門

借給商本銀早已虧缺應交利息責令現商攤賠拖欠尚多亦

難再令領本生息惟

陵需支細奉

旨撥借取不竭力勉籌查有豫省蘆鹽加價一款每年應解部銀

五萬兩擬請移緩就急俟本年秋運收有成數先撥一半銀二萬

五千兩解交

東陵承辦事務衙門自行發商生息仍於長蘆應解戶部項下副

除等情前來 查長蘆庫項虧缺實無餘款可籌商情疲乏亦難

生息歸款惟奉

旨撥借

東陵生息銀二萬五千兩載遷等既擬發商取息以供支用尚非
有借無還該運司擬於本年解部加價項下酌量撥借將來即由
該承辦事務衙門俟生息事竣仍如數籌解戶部歸款庶此項不
致無著而要需得稍接濟一轉移間兩有神益除咨部查照立案
外理合恭摺陳伏乞
皇上聖鑒訓示謹
奏

奏稿二十三

十

蘆鹽酌加賣價摺 同治十三年四月初八日

奏為蘆綱連年災歉運本加重傷耗過多請酌加滿耗賣價藉以補苴課本恭摺仰祈

聖鑒事竊查長蘆商情疲累應加調劑事宜業經前督臣曾國藩與臣先後陳奏部臣因關繫課款未能一律議准迄今運務仍無起色推其致累之由自道光二十八年清查以後將舊商虧空課帑責令現商按引捐補繼以軍興十餘年地方多故商累已深近年連遭水患鹽失收成運本加重兼以新曬嫩鹽傷耗賠折累益增累課運不能及時皆有岌岌自危之勢據通綱商人遞訴苦情懇請拯救臣體察屬實惟據請減引等項仍屬有礙課款勢難准行均已隨時駁斥復督同運司成孚通籌酌議必期有補於商無損於公不病於民茲據該司擬請酌加滿耗賣價具詳前來臣

查商運引鹽例有應加滿耗從前灘鹽豐收甲年存坵乙年築運中隔一年之久且經夏令出滿後築包運岸傷耗之數與例加不相上下自運被水災灘無老滿坵無積鹽皆隨曬隨築隨運質嫩易消殊多傷耗較前數年每包須多耗一成顆粒皆關課本多耗一斤即多一斤虧折商力實不能支今擬除津武口岸並永平七屬均近灘坵不計外其餘直隸各引岸並豫省蘆鹽引岸請每包於舊定斤兩之外酌加二十斤此次專為新曬質嫩沿途傷耗太多藉資彌補應免加課而於原定課額則毫無出入亦尚不至佔礙銷路又查引鹽賣價向有一定錢數原按課本核計既便民間賈食而商人得價完課亦有餘利嗣雖綱情日累尚未至十分虧賸近則鹽收短絀不敷配運須赴沿海設法收買鹽價既重其車船運腳繩席等項亦多耗費計築運熟鹽一包須從前兩三包之

價且銀價逐年增漲商人賣鹽得錢必須易銀交課賠累更多而賣價仍照原定錢數不特無利可圖實已大虧課本凡商賈貿易總以成本重輕為長營鹽商成本愈重利息愈微無怪人人裹足從前商力疲乏歷經准加賣價有案今擬除津武口岸並永平七屬向不隨眾加價又豫省蘆鹽前已加價不計外其餘直隸各岸引鹽每斤酌加賣價制錢二文計民間每人日食鹽三錢以月計之每人僅多費制錢一文等尙不至病民仍認真緝私以杜充斥以上二條係為現在時勢所值不得不量予變通相應仰懇天恩俯准照辦以保課本而恤商艱俟奉旨之下月初一日起一律照加暫以五年為限屆時悉心察勘如鹽收豐稔銀價平減商力稍舒即分別奏請停止所有酌加滿耗賣價緣由理合恭摺具陳伏乞

皇上聖鑒訓示謹

奏摺二十三

三

請課奏銷展緩摺

同治十三年四月二十七日

奏為撥案請緩展銷本屆正課奏銷以卹商艱恭摺仰祈

聖鑒事竊據長蘆通商商人呈稱自同治十年被水後兩次展緩

正課原冀年歲豐稔銀價稍減成木不致大虧徵收漸復傷限無

如上年又被水災生鹽短細銀價無減仍多賠折轉瞬五月奏限

商力不支懇將本屆正課緩至十一月完納當以該商等所稟尚

屬實情但課餉要需礙難緩至十月以後批行運司察酌妥議詳

辦茲據該運使覺羅成孚詳稱商正課餉需攸關如可周轉萬

不容稍有延緩惟商情本已疲乏連年疊被水災本重銀費元氣

未舒苦累殊甚上屆正課尾欠及未解幣利均須趕緊催徵春運

逾時資本尚缺若將正課照舊奏銷則課運同時並籌勢必顧此

失彼體察情形實難遽復舊限擬照上兩年成案將本屆應徵正

課奏銷緩至十月等情請奏前來查該運司所議係為體卹商

艱兼顧課款起見上兩屆奏請展緩均奉

旨允准而應撥京奉各餉仍係年內湊解清款尚無貽誤相應額

懇

天恩俯念蘆商災困未紓准將同治十三年正課奏銷照案緩至

十月辦理屆時仍由臣督飭運司實力催徵無誤撥京奉各餉

以期兼顧理合恭摺具陳伏乞

皇上聖鑒訓示敕部知照謹

奏

海防支應報銷摺

同治十三年四月二十七日

奏為查明天津海防支應局十二年分收支餉需按款分造清冊

請

信救部核鈔恭摺仰祈

聖鑒事竊據天津支應局司道會詳津郡辦理海防原練續練新

練之洋鎗礮隊挑練馬隊通永鎮大沽協等營馬步兵雲字營

馬隊暨調防歸綏直字營馬勇餉乾等銀向於津海關六成洋稅

洋藥釐捐東海關協餉長蘆鹽斤復價甯河釐捐各項下隨時籌

撥按照應辦章程撥支放所有同治十一年分收支款目造冊

詳經奏咨准銷在案嗣因十二年分係有同之年月餉不敷復截

留江蘇海關匯解保定練餉局銀三萬兩湊發閏月餉需並查派

赴科布多教習隊伍弁兵於是年四月二十三日先將外委一員

兵二名撤回歸隊應支底餉薪水口分於同津日分別截止接支

又奏准津郡洋鎗礮隊照直隸練軍步隊營制改為四營三哨以

節餉需於六月初一日一律改設該營原領月餉除撥駐大沽海

口礮臺官四十八員兵七百名仍照舊章支領外其四營三哨即

照練軍章程核支洋馬大馬暨挑練馬隊馬乾總統隨帶文武員

弁並鎗礮公費一併刪除京營教習官弁五員仍回原營差遣薪

水馬乾於六月底截止又於原練洋礮內挑選開花礮三十尊撥

照大沽礮臺演礮經費准銷成案每月酌給用費銀三兩六

錢又津郡濱臨大海朔風颶勁該兵勇冬令巡夜寒苦異常向例

夏冬兩季每名每月給衣卹銀二兩五錢茲裁去夏季酌留冬季

每名核減銀一錢五分實支銀二兩三錢五分又練兵底餉應由

藩司扣出概交統領與練餉一併支發又津郡五方雜處恐外來

請

游匪散勇溯跡滋事派營務處武職人員晝夜稽查每月加津貼銀三兩自五月初一日起支又因教練隊伍添設外洋繙譯官一員月給薪水銀一百兩自十一月初一日起支其從前派赴科城教習尚有無底餉弁勇五名仍按季比照戰糧每名月給銀一兩三錢以資養贍家屬調防歸綏之直字前後兩營馬隊及津標洋礮隊所加餉乾等項按三箇月撥解一次又天津營務處為諸軍總匯派候補道員會同總理該處差遣文武並辦理通商文案及經理鹹水沽稻田委員應支薪水均照章按月核給又海防支應局事務繁多添派道員會辦現將收支各款截清日期造具細數清冊詳請

奏咨前來臣遂加覆核計自同治十二年正月初一日起截至十二月三十日止共收過津海關洋稅洋藥釐捐東海關協餉釐鹽

復價甯河撥捐並截留保定練餉等項銀四十二萬五千二百八十七兩五錢四釐一毫共支過官勇隊薪水口糧俸廉餉乾公費柴草及現任各官借支養廉委員薪水聽差護局夫勇渡夫工價米折口糧看守藥庫弁兵薪水口分洋鎗礮隊並挑練馬隊公費改設練軍洋礮用費海口礮臺演礮經費兵丁衣帽棺木建築軍械所庫房礮棚並歲修大沽礮臺兵房練軍營盤估用民地酌給租價添製帳房旗幟號符及一切軍火子藥等項運送軍火委員盤費驛腳局書工食油燭紙張租賃民房等項遵照部定章程應請戶部核銷銀三十六萬七千八百五十五兩五錢二分七釐二毫三絲二忽工部核銷銀五萬九千七百二十八兩三錢一分二釐二毫五絲三忽二微二共應銷銀四十二萬六千八百一十三兩八錢三分九釐四毫八絲五忽二微內除本案內扣收平餘銀五

百九十七兩五錢四分二釐七毫二絲二忽五微儘數動支外計不敷墊支銀九百二十八兩七錢九分二釐六毫六絲二忽七微均係隨時籌墊並承辦各員請領未發之款俟非部撥後再行分別辦理除清冊咨部查照外所有查明海防收支餉需銀造冊請銷緣由理合恭摺具

奏伏乞 皇上聖鑒敕部核銷謹

奏稿二十三

共

旗租撥協奉賑摺 同治十三年五月初六日

奏為部撥直隸旗租協濟奉省賑需現已竭力湊撥銀一萬兩其餘無可再籌擬請改撥恭摺仰祈

聖鑒事竊准戶部咨開奉天上年被水成災應需賑濟銀兩奏請於直隸旗租項下撥給銀三萬兩等因奉

旨依議欽此遵即督同藩司妥速籌議伏查直隸旗租除順天府屬徑解部庫外其應徵解司庫者每年共二十八萬餘兩內除蠲

緩民欠實在徵解到司僅十五六萬至十七八萬兩不等而年例指撥旗租各款如

東陵舊欠米折十四駐防新案米折永定南運北運三河歲搶修經費東三省俸餉新賑協餉順天府辦硝價銀每年必需銀二十

二三萬兩皆係刻不容緩以入抵出計尙不敷銀五六萬兩此外並有奉部隨時指撥之款歷經設法借墊迄今已墊過銀四十四

萬餘兩直隸本係缺額省分近年災區極廣司庫入款更不如前而出款則萬不能少加以兩次恭辦

陵差用費增鉅現在非特無從再墊即前墊之四十四萬餘兩尙須分別籌還以應各本款支用部臣似未深悉支細情形一至於

此故為此發棠之請因奉省賑需緊要姑飭藩司竭力措墊已於萬難中暫行湊借銀一萬兩派員會同該省來員迅速起解其

餘二萬兩實係無可再籌直省連年災賑之需皆仰給他省撥助其未能於旗租項下稍資挹注可為明證且旗租收不敷放部中

按籍而借盈細無難立見相應仰懇天恩俯念直隸庫儲極細奉省待賑孔殷將下餘銀二萬兩

敕部迅速改撥以免延誤理合恭摺具陳伏乞

皇上聖鑒訓示謹奏

奏稿二十三

六

機器局勸用經費

奏為天津機器局同治十一年分勸用經費各款撥案開單

奏報恭摺具陳仰祈 聖鑒事竊查天津機器局經費係奏明動撥海關四成洋稅作正開銷截至同治十年分止業經督飭局員將支銷款目查照前三口通商大臣崇厚等辦過成案開列簡明清單具奏十一年十月初二日奉

旨該衙門知道單併發等因欽此遵在案該局總理諸務先由湖北補用道沈保靖與津海關道陳欽會辦嗣沈保靖擢任九江關道經 奏調廣東補用道吳贊誠來津接辦該員向在粵東留心洋務旋改留直隸與陳欽一意講求整頓開拓頗收成效十一年春間該局乘積水涸退培修舊廠接築土隄所建鑄鐵熟鐵鋸

木等廠先後竣工添購西洋藥碾三分於十二年四月到齊並購到各式機器十餘具續建新機器房及第二座碾藥廠同時告竣依式安配其餘兩分藥碾應建廠座備齊物料次第動工造出洋火藥銅帽子彈等項較前增多兩倍撥給直隸淮練各軍及奉天熱河關外征防諸軍要需隨時應付無誤 臣逐加試驗均屬精利合用與外洋軍火無別所造挖河機器亦靈便如法其餘製成器具均歸本廠及各營領用該道等督飭中外匠役實力工作苦心研究數年以來技藝漸多嫻熟製造日起有功原設城南海光寺鑄鐵廠移併本廠復在滄口地方購地五十九畝建成洋式藥庫三座環以濠溝足備久遠統計添建廠庫二百餘間增築護隄一千餘丈儲材積料墊道培基措置俱中肯綮茲據該道等詳稱該局勸用款項上屆報銷案內尚餘銀一萬二千五百六十六兩六

錢二分三釐六毫八絲八忽物料約值銀五萬數千兩該局陸續由關庫四成洋稅項下領過銀三十九萬五千二百六十九兩九錢三分二釐三毫五絲八忽共計兩年連開二十五箇月支用銀三十九萬四千七百兩三錢八分六毫九絲三忽仍存銀一萬八千二百八十八兩二錢四分九釐六毫五絲三忽尚餘一切物料約值銀五萬數千兩連年增雇匠徒寬儲物料清付器價興造廠工又以十一十二兩年疊被水浸培廠築隄設法防護工需浩繁皆必不可省之費勸用銀款均係極力撙節實事求是毫無浮冒製造仿用西法變換不常物料來自外洋名目互異實無例價可循未能劃一造報懇仍按照成案開單請銷會詳請奏前來 臣查道員沈保靖吳贊誠先後經理局務與津海關道陳欽商榷妥辦 臣就近督率隨時稽查該員等均能嚴明約束核實旬稽且於遞年

水患之中設法營護力求精進俾工藝益臻起色所需經費以購辦外洋機器物料為大宗即中外員匠夫役薪費無不事事節省據詳各節委係實在情形並無絲毫冒濫相應援照向章繕具簡明清單恭呈 御覽合無仰懇 天恩敕部查照成案照單准銷實於局務有裨除分咨總理各國事務衙門戶工二部知照外所有天津機器局同治十一年十二分勸用經費據實開單緣由理合恭摺具陳伏乞 皇上聖鑒訓示謹 奏

謹將天津機器局同治十一年正月起到十二年十二月止
收支各項銀兩分別款目繕具簡明清單恭呈

御覽

計開

舊管項下

一原存庫平銀一萬二千五百六十六兩六錢二分三釐六毫八

絲八忽

新收項下

一收津海關陸續移撥四成洋稅庫平銀三十九萬五千二百六

十九兩九錢三分二釐三毫五絲八忽

一收前總理洋人密安士繳回棧房價及各國修船等費庫平銀

五千八十二兩七分四釐三毫

奏稿二十三

以上共收庫平銀四十萬三千五百五十二兩六釐六毫五絲八

忽

開除項下

一給發采買外洋銅鐵鉛木植煤炭硝磺漆油鐵水雜物及起

運器料公司保險輪帆各船脚價等項庫平銀十三萬五千六百

四十兩五錢一分四釐五毫四絲四忽

一給發仿照外洋廠屋藥庫挖濠墊土起隄各工并購買外洋松

木鐵轍火泥及紅磚瓦石等項庫平銀五萬五千九百七兩三錢

八分六釐七毫一絲五忽

一給發清付前購藥碾銅帽捲銅皮機器續購鐵錘車鑼床機器

定購六角稿餅藥機器等價及洋行墊本利銀公司保險等項庫

平銀七萬二千六十二兩二錢九分六釐三毫一絲四忽

一給發員弁司事人等薪水心紅紙張等項庫平銀二萬七千一

百十二兩三錢三分三釐一毫九絲八忽

一給發各廠洋匠薪水工食醫藥并期滿遣回盤費等項庫平銀

四萬六千一百八十九兩二錢四分八絲二忽

一給發仿照外洋機器火藥銅帽鐵工匠學徒夫役及墊道修

埵土夫各工食等項庫平銀五萬六千九百七兩八錢九分五釐

九毫四絲

一給發行營製造局支撥外洋物料等項庫平銀二千六百八十

兩七錢一分三釐九毫

以上共支庫平銀三十九萬四千七百兩三錢八分六毫九

絲三忽

實在項下

一存庫平銀一萬八千二百十八兩二錢四分九釐六毫五絲三

忽

祕魯商約定議摺

奏為欽遵

諭旨與祕魯使臣議立專條並通商條約現已議定會同畫押鈐

印恭摺陳仰祈

聖鑒事竊祕魯國使臣葛爾西耶於上年九月初開由日本來津

求立和約臣與辦駁該使赴京度歲本年三月臣回駐天津該

使復來饒舌經臣先後

奏明在案欽奉三月二十九日

上諭已另有旨派李鴻章為全權大臣與該國使臣會商事務祕

魯前自應待華工之事務與之辨論明晰先立專條再議通商條

約本日簡派全權大臣諭旨一道一併發往如該使臣索有憑據

著另行恭錄給與閱看俟議辦事畢此旨仍繳還軍機處備查等

因欽此先是英國使臣威妥瑪屢向總理衙門及臣處代為關說

葛爾西耶今春來津威妥瑪復遣英國漢文正使梅輝立同來會

商臣堅持初議必先訂立查辦華工章程方可徐議通商條款隨

與葛爾西耶將查辦華工受苦者應由祕國自行出資送回逐層辨論

即擬就委員查辦專條照上年送去章程稍加變通派員與梅輝

立再三駁改而後定為使已無異議梅輝立亦即回京該使旋請

立通商條款先自采取西國各約彙成五十一款而交閱看臣未

准接收當局酌擬簡明二十款該使深不謂然仍將前款刪減送

閱因與逐條逐句參稽辨難擇其無關緊要者允訂數條而相離

甚遠彼此相持不下暫令津海關道陳欽候補道孫士遠與其副

使愛勒謨爾會議乃疊經商該副使狡執異常陳欽等亦弗稍

遷就葛爾西耶請約期與臣面議四月二十六二十八等日竭力

商辦該使必欲援照各國和約通例不肯一語放鬆並稱現為此

事已在中國耽擱七月有餘實係不能再住今所議無成只有即

日回國將近日會議各情布告各國公評曲直其意似甚決絕二

十九日探聞該使白出傳單知會駐津各國領事算帳告辭適臣

處洋務委員與該領事等剖陳原委謂請不在我一聽客之所為

美國領事施博法國領事林椿皆願從旁調處五月初一日美領

事來晤謂與葛爾西耶詳悉開導必照美國續約第五款不准招工杜

絕後患則其餘各條應可仿照各國和約辦理法領事又請道員

孫士遠至寓與祕魯副使愛勒謨爾當面熟商約定初三日葛爾

西耶會晤是日彼此辨議三時之久遂將通商條約十九款

及已訂查辦專條逐加改定趕緊譯出漢洋文正副本校對無訛

即於五月十三日在公所會同畫押鈐印竣事彼此各存一分以

備屆期互換在葛爾西耶之意與各國公論彼既允定查辦專條工

專條是祕魯已予中國以便宜我亦當照西國各約允以一律現

定通商條約除經臣刪去傳教招工兩條不准闖入外其十九款

內多與西約詞意略同然亦酌量添改如第四款領事必須真正

官員不得委商人代理第五款游歷執照如運貨物應照報單章

程辦理至遣使通商納稅兵船詞款各節均先將中國一而敘列

皆以防流弊而維體制也所最要者招工弊端百出華人受害獨

深而澳門界不中不外之交素為排阻濶大西洋雖已出示禁

止聞近日復有潛行販運之事祕魯有華工十萬餘人無非自澳

門陸續販往該民既在祕國受苦以前雖允查辦以後若仍開招

患將何所底止茲與會訂第六款上半節照美國續約載明除兩

國人民自願往來居住外別有招致之法均非所准下復添敘不

准在澳門及各口岸勉強誘騙中國人運載出洋違者其人從嚴懲治船隻按例罰辦等語臣為此條反覆爭論幾於舌敝唇焦至往復數十次該使始勉強遵允嗣後尤望內外各衙門壹意堅持照約嚴禁將來或值修改章程仍須重申禁令力杜覬覦庶可保民命而肅政體耳竊查上年六月開總理衙門照覆英法各國祕魯專以拐販華工為事必將所招華工送回中國並聲明不准招工方能商議立約等語實屬詞嚴義正其時各國使臣方謂礙難遵辦即祕魯使臣初至津時亦甚桀驁不服茲經總理衙門與設法磋商恪遵

聖訓先立查辦查遺專條查明委員往查受苦者由祕國備船查送是即總理衙門原議送回華工之意通商條約第六款所載亦即總理衙門原議不准招工方與立約之意差幸前言之適符實

臣初料所不及臣因所訂專條寫使必添敘

批准互交等語恐其日後或有翻覆前令委員前往立可照辦該使允即遵照咨會該國並備照會存案除將存留條約及專條一分祕魯照會一件備文封送軍機處代為進呈

御覽所有欽奉全權大臣

諭旨一道另行敬謹封固咨繳軍機處備查並咨總理各國事務衙門知照外所有會議祕魯國查辦專條及通商條約竣事緣由理合繕摺出山驛陳伏乞

皇上聖鑒訓示施行謹

張家口糧臺請部餉摺 同治十三年五月二十三日

奏為張家口糧臺懇

恩照案續撥部餉恭摺仰祈

聖鑒事竊查前因烏里雅蘇臺等處調兵防勦遵

旨張家口設立糧臺辦理各路軍糧奏明請撥部餉以資接濟

三年以來先後由臣六次奏撥部餉銀十八萬兩飭委口北道分

起辦運並於十二年底截數造報在案茲據口北道奎斌稟稱

報銷案內存銀二萬三千四百一十五兩零茲已運過駐紮烏里

雅蘇臺之察哈爾各起並吉林黑龍江官兵同治十三年春夏二

季米三千七百九十餘石又運駐紮庫倫之宣化古北口練軍米

麩四千二百餘袋統共用過米似繩袋運腳並委員薪水雜支等

項銀二萬一千三百餘兩現在僅存銀二千兩有奇查庫倫米麩

接續運發並無間斷烏城秋冬之糧轉瞬即須馳運自應趕早購

辦以備起運惟現存之款不敷支用請速奏撥等情前來臣查該

道所稟委係實情相應仰懇

天恩敕下戶部照案續撥餉銀三萬兩仍由順天府尹就近派員

領解赴張家口糧臺交收以濟要需所有張家口糧臺請照案

撥部餉緣由理合恭摺具陳伏乞

皇上聖鑒訓示謹

派隊航海防臺摺

奏為遵

旨籌派洋鎗隊航海馳赴臺防並請調駐陝銘軍東來以備南北海口策應恭摺仰祈

聖鑒事竊臣欽奉同治十三年六月初八日

寄諭著由北洋大臣調撥洋鎗隊三千人南洋大臣調撥二千人

均乘坐輪船赴臺該郡現有兵勇不甚得力李鴻章李宗義務當

迅速調派令其刻日起程前往等因欽此仰見

皇上慎重海疆整軍馭寇

聖謨廣運欽佩莫名伏查此次日本構兵生番焚掠牡丹等社實

屬顯違和約妄啟釁端經沈葆楨派令藩司潘蔚等親赴琅瑯與

該中將西鄉從道據理駁詰該酋猶復藉詞狡展未肯遵照撤兵

居心殊為叵測臺灣水陸兵備自不可不厚集其勢預伐詭謀惟

沈葆楨原奏請由北洋借撥久練洋鎗隊三千南洋二千查直隸

大枝防軍現只廣西右江鎮總兵周盛傳所統盛仁等營正在大

沽海口以內修造新城添築礮臺工尙未竣

畿輔重地必須留備緩急擬難分調南洋鎗隊無多分駐金陵蘇

揚上海等處防務緊要亦難酌撥且兵勢聚則氣盛分則力弱若

於兩處零星抽撥兵將素不相習轉恐臨敵貽誤處臺准沈葆

楨兩咨臺灣現辦情形先經與兩江督臣李宗義江蘇撫臣張樹

聲往返緘商查有記名提督唐定奎所統現駐徐州之武毅銘字

一軍向隸提督劉銘傳部下隨臣勦辦擬捻轉戰數省極為得力

唐定奎樸誠明幹素為將士所服臣於同治十年九月內奏報曹

克忠赴陝接統銘軍摺內聲明撥交若下營外餘仍撥回徐州屯

駐以備南北援應何將此軍可備征調情形而覆沈葆楨暨總理

衙門查照該大臣此次陳奏自係尙未接准前而現在臺灣需兵

設防應仍移緩就急力顧大局擬即飛飭唐定奎統帶所部部隊

十三營合計六千五百人由徐拔赴瓜洲口分批航海赴臺聽候

沈葆楨調遣該軍向由西洋鎗礮訓練有年步伐整齊技藝嫻熟

將士一心尙可資指臂之助其提督陳鳳樓所帶該軍馬隊三營

一哨仍暫留徐州宿遷巡緝地方臣一面商請李宗義等飭調滬

局輪船暨雇用招商局輪船駛赴瓜洲分起裝載東渡委令道員

盛宣懷往來照料並緘請沈葆楨酌派閩廠兵船入江接載俾期

迅速該軍所需月餉軍裝子藥等項督飭後路臺局源源籌濟不

令稍有缺乏至彭楚漢前奉

諭旨飭赴本任籌辦福州等處海防月內交卸來津即令遵

旨刻日起任唐定奎一軍口可無庸再令彭楚漢統帶以免紛歧

再欽奉五月三十日

密諭各省沿海口岸甚多亟應一體設防聯絡聲勢以期有備無

患著臣等統籌全局悉心會商布道等因竊念日本借番拓地悍

不旋踵恐是中外構亂之始無論蘇浙江海各口防兵單薄即北

洋二千餘里口岸林立亦多空虛若另募新軍實在無此餉力惟

有添調久練勁旅屯紮後路適中之地以壯聲援查甘省現早肅

清陝境防務已鬆擬請

旨敕下陝西撫臣速飭記名臬司劉盛藻統率陝防武毅銘軍馬

步二十二營星夜兼程拔赴山東濟甯及江南徐州一帶擇要駐

扼以備南北海口策應由臣會商李宗義相機調派除直隸應辦

海防隨時妥籌具奏外所有籌派洋鎗隊航海馳赴臺防並請調

駐陝銘軍緣由理合恭摺由驛六百里密陳伏乞
皇上聖鑒訓示謹
奏

奏稿二十三

无

彭楚漢交卸赴閩片 同治十三年六月初十日

再臣欽奉同治十三年五月二十七日

上諭福州各處海口關緊要防守需人福建水師提督彭楚漢
前經李鴻章奏請留帶直隸練軍刻下閩省防務正急著李鴻章
即飭彭楚漢剋日馳赴新任以重地方直隸練軍即由該督另揀
委員統帶等因欽此當即恭錄轉行欽遵知照查本任大名鎮總
兵徐道奎現帶水師親兵營駐紮天津經臣飭令督率弁勇在津
郡三岔河口北岸建築礮臺脩立營壘以扼由津赴京水路海防
緊要未便遽易生手惟查有記名提督許保清老成幹練曉暢機
宜堪勝專閩之任業由臣檄飭前往署理大名鎮總兵篆務並接
統該鎮原帶馬步練軍以資整頓除俟彭楚漢交卸到津即令剋
日航海赴閩外理合附片覆陳伏乞

奏
聖鑒謹

奏稿二十三

无

夾板印封仍由驛遞片 同治十三年六月初十日

再疊奉

寄諭沈葆楨及文煜李鶴年夾板印封等件由臣發交輪船速為分別投遞遵查五月二十五日

寄諭夾板文件當交沈葆楨帶摺千總鄭漁原輪船帶回五月二十七三十等日夾板印封各件適有招商局輪船運糧來津即發交該船帶至上海飭由江海關道沈秉成專弁搭輪遞閩分別轉投當不致誤惟查天津僅有駐防輪船二隻一係滬局操江船前因船身損壞回滬修整暫難北來一係奏調閩局之鎮海船現今專防要地未便遠離所奉夾板文件實無官船可遞目下招商輪船漕米運竣來津甚稀若搭洋商輪船究恐展轉貽誤況查由原五六百里驛遞至閩不過十五六日而輪船由津至滬須五六日

奏稿二十三

元

又由滬至閩須三四日至速僅早到數日耳若無便船往往候過兼旬即如於五月初一二日商覆沈葆楨調兵之函由商輪轉寄昨沈葆楨五月二十一日發信尚未接到是輪船遲速無常確有明證擬請嗣後

寄諭夾板等件除發交府摺原輪船遞回可期迅速外其餘似應仍由驛遞運發閩省庶昭慎重而免遲誤是否有當伏乞

聖鑒訓示謹附片具奏

匪徒仍就地懲辦摺 同治十三年六月十六日

奏為直隸擊獲烏匪土匪馬賊等犯請仍照奏定章程就地懲辦恭摺仰祈

聖鑒事竊准刑部咨開議擬御史鄧慶麟奏軍務肅清省分擊獲盜匪請照舊例辦理一摺各省軍務雖已肅清盜風尚未止息全在地方官認真搜捕從權辦理若遽由部改歸舊制恐窒礙難行轉非綏靖地方之意請

敕下各省體察情形妥議具奏等因奉

旨依議欽此並准府尹臣咨會核奏前來當經督同按察使范梁體察情形詳確妥議伏查同治八年前督臣曾國藩奏奉

上諭嗣後直隸擊獲烏匪土匪擾害鄉里橫行搶劫勒索資財以及騎馬持械倚強肆掠兇暴眾著降擒游勇聚黨夥劫仍照歷次

奏稿二十三

元

奏定章程由地方官審訊明確稟明暫撫批飭該管府州親往覆訊後即行就地正法等因欽遵在案直屬大名廣平一帶與豫東接壤素多匪徒出沒永遠宣化及順天近邊之區口外馬賊常有往來窺伺天河二府向患梟匪深與等屬並正定近山地面民俗强悍往往游手數十人結聚為梟路劫糾搶之案所在皆有況大亂初平人心易於煽動捕治非嚴速不可疊飭地方官及防練各軍實力巡緝凡擊獲尋常盜犯皆係照例解助其梟匪土匪馬賊等犯照章批飭本管府州親往覆訊就地正法其中或疊劫多案或劫財而又殺傷事主焚毀房屋掠擄人口抗拒官兵均屬兇暴異常難稽顯戩即如現據靈壽縣報獲盜匪康洛照等六名與逸盜梁四小等強劫縣民家財傷人毀屋復全夥輪姦婦女此等窮兇極惡之徒儻必照常解勘迨在部覆始在白垣處決則鄉民惟

見其犯法不得見其伏誅實無以洩眾忿而在途在獄疏失之虞與解審時無質證狡詞索累更無論矣查定例強盜但得財者不分首從皆斬若就地正法不過懲辦較速於罪名並無出入且須賊說明確又經府州覆訊辦理已屬詳慎人命不至枉誣直隸為畿輔重地兵燹災歉之餘尤慮勾結岩延釀成巨患速正盜劫之罪即所以保全良懦劃除亂萌一時礙難遽復舊制臣悉心酌核除尋常盜犯應仍照例解勘外其梟匪土匪馬賊或降眾游勇恃強糾劫者應仍遵同治八年欽奉諭旨辦理以昭炯戒而靖地方亦與定例並行不悖所有直隸匪徒仍請照章懲辦緣由理合會同兼管順天府府尹臣萬青藜順天府府尹臣彭祖賢恭摺陳伏乞皇上聖鑒敕部知照謹

奏

奏稿二十三

謹

楊鼎勳耐祀曾前片同治十三年六月十六日

再據天津紳士頭品頂戴前浙江布政使沈兆澐等聯名呈稱同治七年張總愚捻股由晉冀直逆微鳴張津郡地處要衝勢甚岌岌幸總統勦軍前湖南提督楊鼎勳會同郭松林潘鼎新等星夜馳援復扼堵滄州滅河賊始不敢渡河北竄卒就殲擒津民乃有更生之慶合郡賴以保全紳民至今感慕今滄州既經建祠而津郡未申報享擬請耐祀前督臣曾國藩天津專祠以慰士民之望等情請奏前來臣查楊鼎勳自咸豐初年從軍以來盛於鄂皖蘇浙閩等省帶勇立功府推提督經前督臣曾國藩調赴山東勦擒蕩平任賴巨股同治七年春間舊傷舉發仍力疾追賊直隸饒陽等處疊著戰功是年四月開經臣飭派統軍馳援津郡辦理滄州滅河防務力堵北竄京畿之路旋因傷重歿於營次奏奉七年六月二十五日

奏稿二十三

謹

上諭楊鼎勳馳赴津郡辦理滅河防期諸臻妥協茲積勞在營病故殊堪憫情著照提督軍營病故例從優議卹准於立功地方建立專祠等因欽此是該提督保障天津早邀

聖鑒滄州地方業經前通商大臣崇厚奏准建祠津郡亦係該提督立功之地現津郡建立前督臣曾國藩專祠既據該紳士等合詞呈請耐祀出於至誠合無仰懇

天恩俯准將前湖南提督楊鼎勳耐祀前督臣曾國藩專祠山地方官春秋致祭以彰忠績而順輿情理合附片具陳伏乞

聖鑒訓示謹

奏

李光昭報效木植結訟摺 同治十三年七月初三日

奏為李光昭報效木植現與洋人互控結訟膠轕甚多一時無從驗收轉解恭摺仰祈

聖鑒事竊前准內務府咨開候選知府李光昭報效木植請免稅放行迅速派員解京一摺奉

旨依議欽此鈔錄原奏及李光昭稟稿咨行到臣遵即劄委署津海關道孫士達會同天津道丁壽昌遴派候補同知宋寶華候補

縣丞馬宗武前赴新關驗收運到木植六月二十日據美國署領事官畢德格申稱據美國旗昌行商人稟稱在福州與李光昭議

買法商木植三載一抵天津一抵上海一仍在外國共議定價值洋銀五萬四千二百五十元言明到津付價取貨若有航延每日

加船價費用洋銀五十元現到一船在津航延三十三日應加洋銀一千六百五十元除收過李光昭定銀十元此船尚欠洋一萬

五千零八十六元零李光昭尚未付價未便付給木植並鈔呈原定合同等情臣即轉行該關道等速催李光昭與洋商清算帳目

旋據李光昭到津赴道稟稱洋商運到木植尺寸與原議不符請照會領事飭該商將大木尺寸呈出底單具限速運來津該關道

正在照催美法領事查辦二十六日接據美國領事申稱李光昭不肯收木付價因木商係法國人令其前往法領事處控告日後

此案即歸法領事辦理是日又據法國領事官狄隆照會關道以該法商與李光昭交手事件未清惟恐李光昭逃走稟請設法拘

留復經該關道孫士達照覆法領事謂李光昭定購法商播威利木植立有合同該商未照合同將各項載明碼數木植運到以致

不合工需屬將後載木單給閱彼此公平成交二十八日又據法

領事照會關道以此案本擬乘公會審茲關道據李光昭一面之詞即以法人理短胸有成見只可另行控辦等情又經該關道詳晰辨駁去後七月初二日通承道英良由京到津恭傳

皇上諭飭臣將運到木植趕緊解京應用等因欽此跪聆之下亟應懷遵安速籌辦惟查李光昭與法美領事各執一詞在李光

昭謂現到之木尺寸短小與原議不符未便收木付價致不合用在法國商人堅稱木料尺寸與合同相符李光昭謂措措控請

領事會審仍欲另行控辦是其中膠轕甚多必須關道與領事官秉公會審明確方能定讞且李光昭與洋商原立合同內僅付過

定銀十元並據美領事申稱洋木三載共只洋銀五萬四千餘元又航延加銀一千六百餘元而李光昭在內務府呈稱購運洋木

報效值銀三十萬兩木價既浮開太多銀兩亦分毫未付所謂報效者何在又五月間赴津關報稱木船兩載迄今只到一船種種

虛浮實難憑信事關洋商控案各領事從中把持應俟木船到齊李光昭與之清算了結始能詳細驗收設法解運謹將美領事申

陳臣處兩函並鈔李光昭與洋商合同一紙法領事照會津海關道原文兩件一併鈔呈

御覽除咨明總理各國事務衙門內務府知照外合先據實專摺覆陳伏乞

皇上聖鑒訓示謹

奏

海防請借川餉摺 同治十三年七月二十一日

奏為海防緊要餉需支絀請

旨飭催川餉俾資接濟恭摺仰祈

聖鑒事竊臣前因督師赴陝接勦於同治九年四月內奏請

敕下四川督臣按月籌撥臣營餉銀三萬兩嗣因該省未能按期

籌解復於是年十月內奏請

飭催營蒙

聖鑒在案計自九年五月起截至本年四月止疊准陸續解過協

餉二十批共銀六十九萬兩按月核計所解不及一半臣軍自九

年秋開調隨赴直拱衛

畿輔復分防陝西鄂皖江蘇徐揚湖北襄陽等處皆就現有餉力

勉強措括實已竭蹶不遑近因日本構兵生番邊防孔亟遵

旨奏派徐州銘軍航海赴臺復調陝防銘軍撤回徐州濟甯一帶

扼要屯紮以備南北海口策應軍行數千里在在需費不貲而津

郡新城海口各礮臺修築甫竣舊存礮位全不利用若無礮與無

臺等計須添購西洋新式大小後膛礮數百尊估費約二百餘萬

兩

京畿門戶重地各國之所窺伺東洋之所覬覦聲勢不可不壯而

巨款一無可措焦急莫名至軍分顧數省防務從前奏定協餉

江蘇湖北尚能照章勉力湊解浙江緬請減撥每年僅解銀六萬

兩現在東南各省籌辦海防江防添營置械用款倍增只求額餉

不再減短勢難片請添撥惟四川居偏隅腹地財力雖非有餘值

此時艱各路協餉實無如海防之急且要者自應移緩就急其維

大局且臣軍不撥按月三萬本係有著的餉惟有瀕懇

天恩敕下四川督臣查明欠解臣軍月餉無論何款先行提解二
十萬兩以濟眉急嗣後仍令按月如數解足俾得陸續籌辦庶於
畿輔海防要需稍有助所有請
旨飭催川餉緣由理合恭摺由驛具陳伏乞
皇上聖鑒訓示謹
奏

奏稿二十三

三六

淮軍雜支請照核銷片 同治十三年七月二十一日

再准軍西征報銷一案經戶部議駁未遵例章開銷之柴草油燭銀兩未便核准等因查淮軍支給柴草油燭相沿已久奏明准銷已非一案自同治元年駐軍上海至四年以前柴草一項俱由地方籌捐采辦供支以免兵勇藉藉為名滋擾鄉村其油燭向支本色為巡更放哨必不可少之需迨調赴北省勦捻軍行無定州縣難於捐辦經前督臣曾國藩與臣酌定折價銀兩飭令糧臺發給由營自行采辦應准銷有案此次西征第一案仍係循案接造忽奉部議核開銷於章程之外設立名目僅於報銷之前以一奏預為開銷地步等語查臣先於同治四年正月開調派提督郭松林等統松勦各軍航海援閩五月開又派藩司潘鼎新統鼎軍航海北援直東兩次

奏明軍向按各營人數月給柴薪油燭等項欽奉

諭旨著左宗棠等派員籌款就近采辦復經山東撫臣奏報按月撥解潘鼎新軍營柴薪銀二千兩並准戶部各飭收入軍需項下報銷五年六月開河南撫臣奏督臣曾國藩調派湘淮各軍及吉林黑龍江各起馬隊赴豫追剿經過州縣支應柴草米麵等項一律作正開銷到抵該省協解曾國藩軍營月餉等因各在案是柴草油燭固早有此項名目歷有奏案可稽實非於報銷前一奏預為開支地步十年五月開臣因西征用款內如柴草油燭等項為軍需例案所未備恪遵同治三年欽奉諭旨奏明敕部立案所有勦捻軍需尾案報銷截至九年三月止柴草油燭等項均經戶部核准並無仿令嗣後停止之語今西征軍需用款係從九年四月起循案撥支並非捏造名目應在

聖明洞鑒之中現在奏調唐定奎所部銘軍赴臺灣協防疊准沈葆楨函稱擬令該軍暫紮鳳山縣境惟該處土人以煎渣代薪數十里內無可樵采必須籌款由內山購辦即江蘇督撫臣商調劉盛藻所部分紮吳淞海口提督周盛傳所部駐防天津新城馬廠等處皆係無可樵采之地若不照章籌給采辦銀兩必至師不宿飽或藉端擾索百姓則貽害實非淺鮮臣極知國家經費支絀事事務從撙節在部臣亦為慎重軍儲起見惟臣久在行間深知用兵情形今昔異宜如所費無多不得不隨時隨地酌量覈辦期於兵民相安未便盡執成例臣軍每營五百人月僅給柴草銀一百六十兩油燭銀三十兩費帑無幾而將帥得以力戒騷擾地方得以免生事端兵士得以預備炊爨所裨益於軍情者甚大若部議不准報銷遇有徵調未免掣肘合無仰懇

奏請 奏明軍向按各營人數月給柴薪油燭等項欽奉

諭旨著左宗棠等派員籌款就近采辦復經山東撫臣奏報按月撥解潘鼎新軍營柴薪銀二千兩並准戶部各飭收入軍需項下報銷五年六月開河南撫臣奏督臣曾國藩調派湘淮各軍及吉林黑龍江各起馬隊赴豫追剿經過州縣支應柴草米麵等項一律作正開銷到抵該省協解曾國藩軍營月餉等因各在案是柴草油燭固早有此項名目歷有奏案可稽實非於報銷前一奏預為開支地步十年五月開臣因西征用款內如柴草油燭等項為軍需例案所未備恪遵同治三年欽奉諭旨奏明敕部立案所有勦捻軍需尾案報銷截至九年三月止柴草油燭等項均經戶部核准並無仿令嗣後停止之語今西征軍需用款係從九年四月起循案撥支並非捏造名目應在

開濬陳家溝減河

奏為開濬天津陳家溝河道並東接開減河俾通省河流分由北塘歸海現已起期辦竣恭摺仰祈

聖鑒事竊維直隸河道如永定河滹沱河大清河北運河南運河向稱五大河其旁支別派節節併注於五大河者又有六十餘河皆經天津三岔口由海河趨大沽而入海是天津實為通省河道尾閘而專賴海河一道為匯歸者也嘉道年間經費不支河已不能修治咸豐以後軍需繁巨各河淤廢益甚每遇積雨盛漲即漫決為災而海河灣曲既多又復狹隘諸水爭赴不能容洩是以上游各河不免回流漫溢之虞幾經籌度若欲消除積患非上下游並治不可然各河淤廢太久工程太鉅近時帑藏支絀無此力量惟有先濬尾閘於三岔口迎上永定滹沱大清北運四大河交

匯之陳家溝迤東月開減河別通北塘海口以資分洩曾於上年統籌直隸河工以工代賑摺內陳明大略在案自秋徂冬疊經遴派候補道周馥天津道丁壽昌候補知府徐本衡隨營委員候選知府史克寬候選知縣王炳燮北河候補同知吳廷斌更番周歷相度測量自陳家溝起東至塌河淀繞淀之南邊出歡坨村經赤城灘循金鐘河淤平故道斜趨人薊運河至北塘歸海地勢直捷順利其自陳家溝至塌河淀邊計長三千七百餘丈本係舊河已極淤淺應一律開寬濬深其自塌河淀起至薊運河計長一萬四千一百餘丈係屬新開應挖口寬十丈至十五丈不等底寬七丈至十二丈不等深則漸下漸加自五尺至一丈不等均以挖出廢土堆於兩岸十丈以外藉作長隄約攔庶出槽可免旁溢通河修建橋梁五座以便商民往來其河身佔用民田一律酌給價值房

李文忠公奏稿 卷二二三

基墳墓資令遷移議定之後即飭該道等畫界定誌估計土方並委員會同各該縣料理地價等事於是分定段落以陳家溝至塌河淀邊為一大段派統帶津防練軍等營提督吳雲集督兵挑辦以塌河淀邊至薊運河新開河道分為五大段派丁壽昌周馥史克寬徐本衡吳廷斌吳夫挑辦該提督與該道等各總一段之綱別調員弁分任其事自二月中旬開工次第興作限以六月全完惟新開工段過長且係窪區尚有積水即乾地挖下數尺水復上湧隨在開濬岸水方可施工迨五月中旬工未及半正值農忙之際大雨時行民夫難招漫水偏地其叢葦之處不特水深盈尺且葦根盤錯利若鋒刃人難涉足該道等力為其難懲勸兼施親率員弁兵夫一面疏堵水勢一面剷除荆棘復加勸催督併力趕辦據報於六月二十日全河開辦完竣即委候補道吳贊誠前

往逐段查驗悉與原估丈尺相符河形通暢水勢直趨薊運河歸北塘入海已得建瓴之勢俟秋後水落察看情形有應加工者即行補辦議定修守章程隨時認真經理毋使積久廢壞伏查開此減河如遇盛漲可分洩天津海河十之三四通省尾閘添此宣洩之路實於河道全局有裨若能逐漸籌出經費將上游各河次第挑築俾不至中道潰漫則水患可冀永除矣至該員等自開辦至今在工五月有餘於炎天烈日之下泥坑草塘之中胼胝經營耐心艱苦為之裂膚為之穿實屬勞勩倍常合無仰懇天恩准 擇尤酌請獎敘以昭激勸所有天津陳家溝至北塘引河要工起期辦竣緣由理合恭摺具陳伏乞 皇上聖鑒訓示謹 奏

六一三

部銷價腳分別捐補摺

同治十三年七月二十四日

奏為直隸辦解部銷議將價腳等銀分別捐補開銷恭摺仰祈
聖鑒事竊臣前奏部銷行取較多勢難盡歸捐辦擬量為變通一
摺准工部奏令妥議章程以歸畫一而濟要需等因奉

旨依議欽此遵即督飭藩司孫觀安為籌議茲據該司詳稱直屬
州縣奉辦部銷向例每毛硝一斤銷價銀二分一釐九毫零合淨
硝每斤價銀三分一釐三毫零在地糧項下撥給其不敷之數即
歸該州縣官民捐補然從前兩三年行取一批尙能勉力辦解自
咸豐初年軍興以後漸增至一年一批甚至一年兩批行取既多
捐數甚鉅且產硝州縣連年被水硝數奇絀而用處頻添以致硝
斤居奇價益昂貴計近年時價購買淨硝一斤須價實銀一錢零
甚至一錢五六分若按例價每斤銷銀三分一釐三毫零又按司

奏稿二十三

聖

庫支發章程折給六成實銀每兩再扣去六分部平每斤只發實
銀一分七釐有奇較之時價不及十分之二况復層疊派取官民
力何能支查同治四年奉辦京師火藥局硝斤經前督臣劉長佑
奏定每淨硝一斤准銷價銀一錢每百斤每百里腳價銀一錢以
一百五十斤一包用席三領麻繩三條席每領價銀八分繩每斤
價銀三分七釐五毫概銷實銀在案今若全按時價開銷亦非所
以節省經費應請將同治十一年奉取雙批硝斤照原議實令各
屬兼辦一批價腳等銀循例報銷不敷之數仍由官民捐補其餘
一批本係額外之項派捐萬難為繼應援照同治四年辦硝奏准
成案將價腳等項各按准銷定數以實銀作正開銷嗣後奉取雙
批硝斤一律照辦如遇單批之年仍飭各屬照向例辦解庶官民
暗累稍輕而要需亦不致貽誤等情詳覆前來臣查核所議章程

於量予體恤之中仍示限制以節經費尙屬妥協懇
恩俯准照辦理合恭摺陳伏乞
皇上聖鑒敕部知照謹
奏

奏稿二十三

聖

出借練餉制錢片

再南省解存天津練餉制錢除奏明借給江浙典商上海輪船招商局分領生息並借助京引商人復設公櫃資本外僅存五萬串據督銷直省蘆鹽懸岸委員候補知府楊嘉善以連年水災灘壩生鹽缺乏價值太昂商力益窘請借領練餉制錢赴沿海關東一帶采買生鹽平價濟運又據稽查豫省行銷蘆鹽委員河南候補知府邵增以豫省蘆鹽懸岸積弊太重將疲瘠者酌量歸官試辦逐浙整頓請借練餉制錢助本保商先後飭據長蘆運司成孚天津道丁壽昌核明於同治十二年十月初一日借給楊嘉善制錢三萬串又於十三年六月初一日借給邵增制錢二萬串均自借領之日起息各預繳一年息錢共三千五百串照章撥給盤運腳力錢五百串實繳三千串彙入賑款等項下撥用仍以三年為限

奏 照原領本錢五萬串如數歸款如限內提用應於三箇月內呈繳至練餉局委員書役前經奏明分別裁撤酌留所有一切文卷及嗣後收發息錢收還本錢事宜請歸併海防支應局兼辦仍酌留聽差四名月需工食將該局餘剩經費接續支發將來不敷再由支應局籌辦等情具詳前來臣核此次出借練餉制錢生息各節悉與戶部核准江浙典商借領章程相符其練餉局歸併支應局兼辦亦屬簡便除咨戶部外理合附片陳明伏乞 聖鑒 奏

輪船獲盜請獎摺

奏為福建撥駐煙臺海口輪船在洋面擊獲鄰省全案盜犯請獎出力員弁恭摺仰祈

聖鑒事竊據東海關登萊青道龔易圖稟稱同治十二年九月十七日據奉天蓋州利豐和號商人趙鈺呈稱該號代客雇寫永豐財海船一隻裝載青豆四百餘石在蓋州連雲巖洋面守風九月初六夜間被賊連船帶貨劫去該商人即附輪船跟蹤前來呈請飭拏等情該道以該船被劫雖在奉天海口惟應不分畛域嚴速緝辦當即知會閩廠撥駐煙臺飛雲輪船管帶官吳世忠並派鎗隊開輪往拏追至海陽縣乳山口洋面即遇該船吳世忠率同大副林文和二副柯國棟等圍捕旋獲吳添四等十名續獲戴元等七名臨拏時吳丁林森躍船失足淹斃將各犯連原贓船貨送交

該道發據福山縣審明稟經山東撫臣飭將首犯吳添四夥犯吳連塘游開志黃羅等四犯先行就地正法梟示餘犯照例擬辦船貨給主領回在事員弁捕獲鄰省全案盜犯實屬奮勇爰速由該道擇尤擬請 奏獎前來臣查閩廠撥駐牛莊涓雲輪船前獲洋盜十餘名當以定章擊獲巨盜准保翎枝官階中國自製輪船在洋面捕盜得力尤應破格優獎將涓雲輪船管帶官屠宗年等請獎翎枝官階奉 硃批屠宗年等均著照所請獎勵等因欽遵在案今飛雲輪船獲盜情事相同應請將管帶官保升參將福州涓州營游擊吳世忠以副將仍歸原省儘先補用大副都司銜林文和以都司用二副都司銜柯國棟以守備儘先補用仰懇 天恩俯准照獎以示鼓勵此外出力弁勇五名應獎千把等項容

臣各部註冊淹斃勇丁已飭該道籌款給賞所有輪船獲盜請獎
員弁緣由理合會同署山東撫臣文彬恭摺具陳伏乞
皇上聖鑒訓示謹
奏

奏稿二十三

聖

李文忠公奏稿卷二十三

李文忠公奏稿

卷之二十四目錄

李光昭欺罔招搖摺 同治十三年八月十六日

保黎兆棠補津關道摺 同治十三年十月十六日

京引展限復額摺 同治十三年十月十六日

籌辦海防摺 同治十三年十一月初二日

籌辦鐵甲兼請遣使摺 同治十三年十一月初二日

馮桂芬建專祠片 同治十三年十一月十二日

截留京餉摺 同治十三年十一月二十五日

張家口糧臺報銷摺 同治十三年十二月十二日

修濬附省隄河請獎摺 同治十三年十二月十七日

河工代賑報數摺 同治十三年十二月十七日

奏稿二十四目錄

桐城吳汝綸編錄

李光昭欺罔招搖摺

同治十三年八月十六日

奏為審明李光昭捏報木價欺罔不法並究出招搖煽惑各情按律定擬仍據實聲明請

旨恭摺仰祈

聖鑒事竊臣欽奉同治十三年七月初六日

上諭李鴻章奏職官報效木植現在無從驗收轉解一摺據稱候選知府李光昭報效木植現與美法兩國商人互控結訟膠葛甚多其所買法商木植較之呈報內務府之數木價既多浮開銀亦分毫未付等語李光昭所辦木植經李鴻章查明係買自法商其價僅議定洋銀五萬四千餘元而在內務府呈稱購運洋木竟敢

浮報值銀三十萬兩之多似此膽大妄為欺罔朝廷不法已極李光昭著先行革職交李鴻章嚴行審究照例懲辦所有李光昭報效木植之案著即註銷該衙門知道欽此同日承准軍機大臣字寄七月初六日奉

上諭李光昭現與法美領事構訟各執一詞必須持平妥辦著李鴻章飭令該關道與領事官會審明確秉公辦理該革員以五萬餘元之木價捏報三十萬兩已屬荒唐且面求美領事代購價值法領事照會關道請拘留李光昭無使逃走無恥已極尤堪痛恨該督既稱李光昭在外招搖出言不慎且恐有別項情節即著李鴻章迅速確切根究按律嚴辦不得稍涉輕縱等因欽此仰見我皇上整飭紀綱嚴懲奸惡莫名欽服遵即分飭署津海關道孫士達天津道丁壽昌及天津府縣將李光昭擊獲其與洋商結訟一

節前據美領事畢德格呈明木商係法國人歸法領事辦理隨飭孫士達先與法領事狄隆迅速會審明確持平妥辦旋據查訊李光昭定買法商播威利木植三船第一船已抵天津其餘兩船一抵上海一在外洋所有後船木單李光昭已經見過惟所到木植尺寸短小不合工需而播威利則謂原議如此李光昭廢棄合同有意誑騙致該商重洋跋涉守候多時大受虧折求令李光昭賠洋銀一萬五千元以償該商航船資本及船價耗費方肯了事訊之李光昭既無錢買木亦無力認賠該領事與洋商屢瀆不已查所到木植尺寸不合柁樑標柱之用若配修海防礮架等項尙屬相宜隨飭該關道與法領事商辦將已到木植由天津機器局權宜收買李光昭賠款即作罷論播威利勢難久候增累亦即遵允其餘兩船木植由該洋商止令勿來自行月售以符註銷報效

旨此層辦結後臣即督飭孫士達丁壽昌並天津府知府馬繩武連日嚴究李光昭捏報木價欺罔招搖各情茲據該道等錄供具詳前來臣親提復訊據李光昭供係廣東嘉應州人寄居湖北漢陽縣向販木植茶葉生理同治元年在臨淮軍營報捐雙月知府僅領實收未得部照實收旋亦焚燬前在漢鎮挑築隄工被人控告未結十二年六月進京販賣花板與前任內務府大臣誠明前署內務府堂郎中貴寶內務府候補筆帖式成麟認識其時與修圓明園誠明等問伊采買大木情形伊思若到四川等省進山伐木用工木銀三千兩可報效值銀一萬兩旋向貴寶說願報效十萬兩銀木植分十年呈交經貴寶帶見堂官允令呈請核辦隨即出京與成麟偕行嗣至湖北探知進山伐木非三年不能出山工

之

奏稿二十四

奏稿二十四

奏稿二十四

奏稿二十四

奏稿二十四

本太重復至廣東香港改購洋木本年三月定買洋商卷忌呂宋木洋尺三萬二千尺當付定洋十元寫立合同後卷忌病故原定木植被其債主分散事遂罷議時法商播威利亦有木植出賣伊因無錢初尚游移成麟欲藉此補缺據云可向其親戚借湊遂向定買成麟先取木樣回京伊又至福州與播威利議定買木三船共洋尺三萬五千尺每尺價一元五角五尖統合木價洋銀五萬四千二百五十元言明到津付價交木若有就擱每日加給船價洋銀五十元先付定洋十元寫立合同伊於五月至津播威利將第一船木植運到伊即赴京在內務府呈報木植數目捏開洋尺五萬五千五百餘尺價值銀三十萬兩惟伊係無錢買木報效家中僅有五十石糧之地從前做生意時尙可通融銀錢今向各處告貸未獲成麟亦未借得銀兩運到木植又不合用遂與洋控至

伊曾刻有奉

旨采運

圓明園木植李銜條並製有奉

旨采辦旗號等供 又進出李光昭定買洋商卷忌木植洋文合同一紙飭照原文繕譯內有

圓明園李監督代

大清

皇帝與阿多富巷忌香港商人立約字樣請其何得如此狂悖據云漢文內無此語盤迫漢文合同稱已無存又謂係漢文譯錯而訊其香港所邀專看洋文之通事戴子珍則稱洋文內實有圓明園李監督等字樣並未譯錯查向來華洋交易訂立洋文合同其華商銜名皆依本人所言而寫不能歧異若李光昭並無李

監督之語洋文內何從造作況漢文合同竟已滅跡其為狡賴無疑該犯自認捏造奉

旨采辦銜條旗號至捏稱

圓明園監督既有譯出洋文可憑並據通事戴子珍指證確鑿應即就案擬結查律載詐傳

詔旨者斬監候又詐稱內使近臣在外體察事務欺詐煽惑者斬

監候各等語李光昭捏報木價已屬膽大妄為欺罔不法該犯呈

請報效木植僅經內務府批准並奏明由地方官查驗如有夾帶

或根件不符查出從嚴懲辦等因是該革員並無專奉采辦之

諭旨其自行報效與特奉采辦名義懸殊豈容假借影射乃敢捏

造奉

旨采辦銜條旗號肆意招搖煽惑中外實屬詐傳

詔旨

圓明園為

聖駕巡幸重地凡執事人員皆係內使近臣該犯冒充

園工監督到處誑騙致洋商寫入合同適足貽笑取侮核與詐稱

內使近臣之條相合其捏報木價若照上書詐不以實尙屬輕罪

自應按照詐傳

詔旨及詐稱內使近臣之律問擬兩罪皆係斬候照例從一科斷

李光昭一犯合依詐傳

詔旨者斬監候律擬斬監候秋後處決該犯所稱前在軍營報捐

知府是否屬實尙不可知但罪已至死應無庸議查該犯素行無

賴並無家資實藉報效為名肆其欺罔之計本無存木而妄稱數

十年購留本無銀錢而騙惑洋商到津付價本止定價五萬餘元

而浮報銀至三十萬兩之多且猶慮不足以聳人聽聞捏為奉

旨采辦及

園工監督名目是以洋商竟有稱其為李

欽使者是見招搖謾妄並非一端迨回津後惡跡漸露復面求美

領事代囑本領致法領事照請關道將其拘留誠如

聖諭無恥已極尤堪痛恨此等險詐之徒只圖奸計得行不顧

國家體統迹其欺罔

朝廷煽惑商民種種罪惡實為眾所共憤本非尋常例案所能比

擬若不從嚴懲辦何以肅綱紀而正人心仰蒙

旨飭嚴辦臣斷不敢稍涉輕縱惟定例並無如何加嚴明文向來

似此案件應仍請

旨定奪所有查訊李光昭欺罔招搖各情節按律定擬仍據實聲

明請

旨緣由理合專摺覆陳伏乞

皇上聖裁訓示遵行謹

奏

保黎兆棠補津關道摺 同治十三年十月十六日

奏為津海關道要缺酌保賢員請

旨簡用恭摺仰祈

聖鑒事竊津海關道陳欽告病開缺經臣奏委道員孫士達暫行

署理在案自同治九年十月奉

旨添設津海關道一缺專管中外交涉事件及新鈔兩關稅務貴

成甚重如果得人則各國洋人進京即由臣督同該道探明意指

折其機牙可為總理衙門指臂之助況臣統轄北洋佐理需才近

年日本秘魯各國在津議約皆賴該關道幫同籌畫辯論非熟悉

洋情廉明幹練之員不足以孚眾望吏部奏定章程津海關道缺

出選

旨由臣揀員請補或於通省現任道員候補道員現任知府內請

調請補請升如一時無可勝任人員准該督於摺內聲明酌保一

二員請

旨簡用等語臣維直省道府中不乏賢能惟洋務條理繁多事體

重大向未經辦則遇事茫無主見誠恐緩急難恃未便遷就貽誤

茲查有前署臺灣道黎兆棠廣東順德縣進士由禮部主事總理

衙門行走奏調江西軍營歷次保升南安府知府候補道員署江

西藩司旋又調往福建署理臺灣道於洋務講求有年本年四月

沈葆楨奏調該員赴臺摺內稱其膽識兼偉洞悉洋情民懷吏畏

臣亦素稔其忠毅敏果持正而不至過激知難而勇於有為堪資

折衝駕馭之選目下日本就款定期撤兵臺事稍緩合無仰懇

天恩俯念津海關道員缺緊要即以江西候補道黎兆棠補授實

於時局有裨如蒙

俞允臣再隨時咨商沈葆楨侯雲漢善後辦理稍有就緒即令
兆棠馳赴新任以重職守所有酌保員請
旨簡授要缺緣由理合繕摺具陳伏乞
皇上聖鑒訓示謹
奏

奏稱二十四

七

京引展限復額摺 同治十三年十月十六日

奏為京商銷帶累深原停引日驟難復額撥案請再展限五年藉
保課本恭摺仰祈

聖鑒事竊查長蘆京綱應銷引七萬二百餘道引數過多銷路有
限各商包課岌岌難支經前任督臣曾國藩奏請停引二萬道餘
引五萬二百餘道令其勉力辦運俟行市暢旺相機議加旋准戶
部議覆以五年為限自同治九年起到至十三年限滿此五年中
疊飭運司督商設法疏銷無如引數尚多仍浮於實銷之數加以
商人殷累不一行市不齊累商因賣鹽需時公私交迫遂賤售於
油鹽店殷商即被牽掣引帶課虧不得不酌予調劑上年十二月
開議准借助資本復設公櫃齊價整頓以除賤售虧折之弊原為
藉保現課起見斷難驟議增加目下開辦伊始銷數未能起色各

奏稱二十四

八

商歸公櫃鹽二萬餘包尚存鹽八千餘包可為帶銷之實證且難
鹽連歲被水歉收成本愈重潮白河一再決口運道淺阻盤腳費
多商情窘困統計停減以後同治九年京商領銷引四萬二千六
十一道十年領銷引三萬一千七百七十七道十一年領銷引三
萬三千一百七十七道十二年領銷引四萬一千九百五十七道本年
秋關已竣僅領銷引三萬四千九百四十八道均不及減剩五萬
二百餘道之數其帶引課款各商仍須包賠受累已深何堪再受
加引之累臣督飭運司成季悉心體察若不將已停之引推展年
限無以紓商力而保課本操之過蹙轉成渙散之勢疊據該商等
稟經運司具詳前來相應仰懇
天恩准將京商原停引二萬道仍照案展停五年俟限滿察看銷
數稍旺再行議加一面飭司實力督商設法疏銷漸圖復額所有

原停京引請展年限緣由理合繕摺具陳伏乞
皇上聖鑒訓示謹
奏

奏稿二十四

九

籌議海防摺 同治十三年十一月初二日

奏為欽奉

諭旨詳細籌議海防緊要應辦事宜恭摺密陳仰祈

聖鑒事 同治十三年九月二十九日奉 聖機大臣密寄奉

上諭總理各國事務衙門奏海防宜切籌將緊要應辦事宜撮

敘數條請飭詳議一摺沿江沿海防務經總理各國事務王大臣

並各該將軍督撫等隨時籌畫而備禦究未可恃亟應實力講求

同心籌辦堅苦貞定歷久不懈以紓目前當務之急以裕國家久

遠之圖該王大臣所陳練兵節器造船籌餉用人持久各條均係

緊要機宜著李鴻章等詳細籌議將逐條切實辦法限於一月內

覆奏此外別有要計亦即一併奏陳不得以空言塞責等因欽此

旋又准總理衙門鈔奏知照以丁日昌續擬海洋水師章程六條

請飭彙入該衙門前奏一併妥籌覆奏奉

硃批依議欽此仰見

朝廷思慮預防力圖自強之至意欽服莫名臣查各國條約已定

斷難更改江海各口門戶洞開已為我與敵人公共之地無事則

同居異心猜嫌既屬難免有警則我虞爾詐措置更不易周值此

時局似覺防無可防矣惟交涉之事日繁彼族恃強要挾在在皆

可生釁自有洋務以來疊次辦結之案無非委曲將就至本年日

本興兵臺灣一事經總理衙門王大臣與該使多方開諭幾於管

禿臂焦猶賴

聖明主持於上屢

飭各船塢嚴密籌防調兵集船購利器築礮臺一時並舉雖未即

有把握而虛聲究已稍壯該酋外怵公論內懾兵威乃漸帖耳就

款於國體民情向無窒礙未必非在事諸臣挽救之力臣於臺事初起時即緘商總理衙門謂明是和局而必陰為戰備庶和可速成而經久洋人論勢不論理彼以兵勢相壓我第欲以筆舌勝之此必不得之數也夫臨事籌防措手已多不及若先時備豫倭兵亦不敢來烏得謂防務可一日緩哉茲總理衙門陳請六條目前當務之急與日後久遠之圖業經綜括無遺洵為救時要策所未易猝解者人才之難得經費之難籌畛域之難化故習之難除循是不改雖日事設防猶畫餅也然則今日所急惟在力破成見以求實際而已何以言之歷代備邊多在西北其強弱之勢客主之形皆適相埒且猶有中外界限今則東南海疆萬餘里各國通商傳教來往自如廣集京師及各省腹地陽託和好之名陰懷吞噬之計

一國生事諸國構煽實為數千年來未有之變局輪船電報之速瞬息千里軍器機事之精工力百倍礮彈所到無堅不摧水陸關隘不足限制又為數千年來未有之強敵外患之乘變幻如此而我猶欲以成法制之譬如醫者療疾不問何症概投之以古方誠未見其效也庚申以後夷勢駸駸內向薄海冠帶之倫莫不憤憤慷慨爭言驅逐局外之警議既不悉局中之艱難及詢以自強何術禦侮何能則茫然靡所依據自古川兵未有不知己知彼而能決勝者若彼之所長己之所短尙未探討明白但欲逞意氣於孤注之擲豈非視

國事如兒戲耶臣雖愚闇從事軍中十餘年向不敢畏縮自甘貽君父惟洋務涉歷頗久聞見稍廣於彼已長短相形之處知之較

深而環顧當世餽力人才實有未逮又多拘於成法牽於眾議雖欲振奮而未由易曰窮則變變則通益不變則戰守皆不足恃而和亦不可久也謹就總理衙門原議逐條詳細籌擬切實辦法附以管見略為引伸丁日昌所陳開有可采一併彙入核擬以備芻蕘之獻仍請

救下在廷王大臣詳晰謀議請旨定奪總之居今日而欲整頓海防舍變法與用人別無下手之方伏願我

皇上順念社稷生民之重時勢艱危之極常存欲然不自足之懷節省冗費講求軍實造就人才皆不必拘執常例而尤以人才為亟要使天下有志之士無不明於洋務庶練兵製器造船各事可期逐漸精強積誠致行尤需歲月遲久乃能有濟目前固須力保和局即將來器精防固亦不宜自我開釁彼族或以萬分無禮相加不得已而一應之耳所有遵

旨詳議緣由謹繕摺密陳并將議摺各條繕具清單恭呈御覽伏乞

皇上聖鑒訓示謹

謹將總理衙門原奏緊要應辦事宜逐條切實辦法並將丁日昌續奏各條併入詳細擬議恭呈

御覽

一原奏練兵一條內稱若求實在可禦外患事較辦髮捻諸賊為更難兵亦較辦髮捻諸賊宜更精洵是不刊之論蓋髮捻苗回諸賊皆內地百姓雖有勇銳堅忍之氣而器械不及官軍之精備可以期撫兼施若外洋本為敵國專以兵力強弱角勝彼之軍械強於我技藝精於我即暫勝必終敗從海道內犯自須亟練水師惟各國皆係島夷以水為家船廠精練已久非中國水師所能驟及中土陸多於水仍以陸軍為立國根基若陸軍訓練得力敵兵登岸後尚可糜戰礮臺布置得法敵船進口時尚可拒守但用旗綠營弓箭刀矛槍馬鎗舊法斷不足以制洋人並不足以滅土寇

即如直隸練軍原經挑選整頓近始兼習洋鎗小炸礮以期內寇尙屬可用以禦外患實未敢信各省抽練之兵大率類此用洋鎗者已少用後門鎗及炸礮者更少其勢只可加練而不可減練只可添練洋器以求制勝而不可拘執舊制以圖省費前督臣曾國藩於同治十年正月覆奏籌備海防摺內謂沿海之直隸奉天山東三省江蘇浙江兩省廣東福建兩省沿江之安徽江西湖北三省各應歸併設防沿海七省共練陸兵九萬沿江三省共練陸兵三萬統計每年需餉八百萬兩因無款可籌議遂中止茲總理衙門擬以曾經制勝之洋鎗隊練習水戰丁日昌擬選練陸軍合天下得精兵十萬人與曾國藩前奏用意略同惟陸軍與水師用法各殊練法亦異水師猶可上岸擊賊陸軍未便強令操舟似不宜兩用以致兩誤臣愚以為沿海沿江各省現有練兵鎗隊雖不及

何國藩丁日昌所擬十餘萬之多然與其多而無用不若少而求精但就現有陸軍認真選汰一律改為洋鎗礮隊凡綠營額兵疲勇勇營酌加裁減其餉即加給新練之隊沿海防營並換用後門進子鎗於緊要口岸附近之處屯紮大枝勁旅無事時專講操練兼築堡壘有事時專備游擊不准分調各海口仿照洋式修築沙土礮臺以地步寬展精固堅厚為要礮位宜開用口徑八寸至十餘寸者擇將擇兵演習之務在及遠愈遠愈妙務在能中不中不發即所謂藥能對症有備無虞者矣

一原奏筋器一條西國水陸戰守利器以鎗礮水雷為大宗礮礮前後門生熟鐵純鋼之分鎗有前後門滑膛來福之異水雷有用觸物磨物電氣發火之別竊嘗考究其圖與器而得其大略洋鎗一項各國改用後門以其手法靈捷放速而及遠其舊製前門鎗

賤價售於中國每為外人所輕英俄德法美泰西五大強國也其後門鎗名曰英之至精者曰亨利馬梯呢其次曰士乃得俄曰俾爾打歐德曰呢而根法曰沙士鉢美曰林明登以利鈍遲速較之則英之亨利馬梯呢精於俄俄之俾爾打歐精於美美之林明登又精於英之士乃得及德法諸鎗也林明登士乃得二種近年已運入中國中處及沈葆楨均購存林明登數千枝上海機器局亦能仿造惟兵勇粗疏者多士乃得機簧較簡購價較省修改較便現擬令各營酌換士乃得鎗而開以林明登認真操習由漸而精並令津滬各局先購林明登造子機器仿製子藥銅捲以便接濟仍與總理衙門商購英國亨利馬梯呢鎗若干枝又與俄領事訂購俾爾打歐鎗若干枝以備將士選鋒者操用至礮位一項英德兩國新式最精德國克鹿卜後門鋼礮擊取法兵尤為馳名臣等

購到克鹿卜大小礮五十餘尊分置大沽礮臺天津防營其最大者兩尊口徑八寸足抵前門礮口徑十一二寸之子力然每尊價約二萬元苦於無力多購或謂礮過大藥力過猛用久或致崩裂故英國多用前門熟鐵來福長彈大礮口烏理治曰阿墨斯得郎曰回德活特三家尤著大者口徑十一寸至十五寸身重至八萬斤以上子彈重至六百磅能打穿二十餘寸厚之鐵甲惟起運維艱價值尤貴中國向無購用者陸路行仗小礮則以德國克鹿卜四磅彈後門鋼礮英國格林連珠礮為精捷且又各定購數十尊以備游擊要需且下滬甯各局只能仿造十二磅至六十八磅之回彈銅鐵炸礮准軍書用已久遠勝中國傳製而不及西洋新式之精仍擬仿照烏理治阿墨斯得郎之式箱以熟鐵而機器未備外國每造鎗礮機器全副購價須數十萬金再由洋購運鋼鐵

等料殊太昂貴須俟中土能用洋法自開煤鐵等礦再添購大爐

蘇維廉水櫃等機器仿造可期有成若克鹿卜之鋼礮回德活特

之熟鐵礮係用生鋼生鐵鑄成該廠自有祕法更未易學步矣至

水雷一項礮船破敵最猛從前南北花旗之戰南兵獲水雷力居

多德法之戰法國兵艘十倍於德而波羅的海法艘未敢深入全

仗水雷之功其法分為兩類一為定而不動之水雷或連於木椿

木排之間或用鋪定其方位使沈水中或陸地城堡被攻時於缺

口要路安置此專為自守而設一為能行動之水雷或浮水面順

風力飄動或用機器自行或於鐵船首伸出長竿置之或專作拖

帶水雷之船此可為攻敵之用近來格致之學日精水雷之法亦

日精多以強水觸物及電發火其觸而發火磨而發火比

用法點放者尤佳用藥僅五六十磅無論何種兵船皆可轟破其

底聞各國皆講究此物製存極多其用時必於水中排列數行每

口安放數十具使敵船疑畏不敢進滬津各局現只能仿造其粗

者而電機銅絲鐵繩橡皮等件仍購自外洋須訪募各國造用水

雷精藝之人來華教演庶易精進至火器盡用洋式礮子火藥兩

項亦係要需津局有造礮機器四副日出二千餘磅已可敷用惟

礮礮多而子彈尙少滬局僅造礮機器一副日出無幾宜添購機

器在蘇甯推廣製造各省防江防海需用洋鎗礮之子藥均宜設

局在內地仿造否則事事購自洋商殊無以備緩急且閩滬津各

機器局逼近海口原因取材外洋就便起見設有警變先須重兵

守護實非穩著嗣後各省籌添製造機器必須設局於腹地通水

之處海口若有戰事後路自製儲備可源源運濟也

一原奏造船一條查布國防海新論有云凡與濱海各國戰爭者

若將本國所有兵船徑往守住敵國各海口不容其船出入則為

防守本國海岸之上策其次莫如自守如沿海數千里敵船處處

可到若處處設防以全力散布於甚大之地而兵分力單一處受

創全局失勢故必聚精銳只保護緊要數處即可固守等語所

論極為精切中國兵船甚少豈能往堵敵國海口上策固辦不到

欲求自守亦非易言自奉天至廣東沿海延萬里口岸林立若

必處處宿以重兵所費浩繁力既不給勢必大潰惟有分別緩急

擇尤為緊要之處如直隸之大沽北塘山海關一帶係京畿門戶

是為最要江蘇吳淞至江陰一帶係長江門戶是為次要蓋京畿

為天下根本長江為財賦區但能守此最要地方其餘各

省海口邊境略為布置即有挫失於大局尙無甚礙惟既欲固守

必預將所有兵馬礮位軍械輜重並工局物力儲備堅厚雖軍情

百變而不離其宗

廟謀圖算平昔之經營臨事之調度皆不可一毫錯亂道光二十
年夷船入長江而全局始震咸豐十年夷兵犯津通而根本
遂危彼族實能視我要害制我命脈而我所以失事者由於散漫
設防東援西調未將全力聚於緊要數處今議防海則必鑿前轍
揣敵情其防之法大要分爲兩端一爲守定不動之法如口內
敵臺壁壘格外堅固須能抵禦敵船大礮之彈而敵臺所用礮位
須能擊破鐵甲船又必有守口巨礮鐵船設法阻擋水路並藏伏
水雷等器一爲挪移泛應之法如兵船與陸軍多而且精隨時游
擊可以防敵兵沿海登岸是外海水師鐵甲船與守口大礮鐵船
皆斷不可少之物矣現計閩廠造成輪船十五號內有二號已在
臺灣遭風損壞滬廠造成輪船六號內有二號馬力五百匹配礮

奏稿二十四

七

二十六尊與外國大兵船相等其餘各船皆僅與外國小兵船根
據相等然已費銀數百萬有奇物料匠工多自外洋購致是以中
國造船之銀倍於外洋購船之價今急欲成軍須在外國定造爲
省便但不可轉託洋商誤買舊船徒糜巨款訪聞兵船及鐵甲船
以英國爲最精英之官廠公司廠均以造鐵甲之優劣相與爭衡
且新月異應揀派明於製造略知兵事之員選帶學生工匠前往
由總理衙門會商駐京使臣移知該國兵部俾得親赴各廠考究
何等船制最爲堅緻靈捷並宜於中國水道者與其議價定造即
將帶去華匠兵士附入該廠及武備院學習造工並講求駕駛操
練之法俟成船後配齊礮位隨船回華庶有實濟而中國船廠仍
量加開拓以備修船地步至擬設兵船數目如丁日昌所稱北東
南三洋各設大兵輪船六號根撥輪船十號合共四十八號自屬

不可再少除將中國已造成二十號抵用外尙短二十八號編計
北東南三洋須各有鐵甲大船二號北洋宜分駐煙臺旅順口一
帶東洋宜分駐長江外口南洋宜分駐廈門虎門皆水深數丈可
以停泊一處有事六船聯絡專爲洋面游擊之師而以餘船附麗
之聲勢較壯約計定造鐵甲船每隻需銀百萬兩內外費已不貲
只有先購此項分年籌辦其有餘力再置他船或由閩滬各廠陸
續仿造兵船總以足成四十八號爲度惟守口大礮鐵船即所謂
水礮臺船亦係西洋新製利器以小船配極重之礮輔助岸上礮
臺四面伏擊阻遏中流能自行動最爲制勝凡要口須添設一二
艘聞在外國定購每船連礮約價銀十餘萬兩但笨滯不能涉海
須將礮位鐵甲分拆運載來華裝配應俟委員到彼一併察辦如
價省運便陸續購造二十號分布南北各口抑或由外洋購大礮

奏稿二十四

六

由華廠照式仿造鐵船更可次第添置至丁日昌奏稱裁併五十
號艇船可養給一號大兵輪船裁併十號開頭船板可養給一號
根撥輪船計省沿海水師舊制各船糜費以之供給大小四十八
號輪船尙覺有盈無絀等語查同治十一年五月臣於覆奏船政
事宜摺內擬請裁撤各省艇船即以各船修造養兵之費抵給輪
船月費經總理衙門議令各該督撫奏辦迄今並未議覆今添購
鐵甲等船巨款必須另行籌集俟購回時養船練兵一切費用應
如丁日昌所議請
旨敕下江蘇山東浙江福建廣東沿海各省將舊置及新添紅單
拖罟艇船舳板等項分別裁併專養輪船以免虛糜而資實用
一原奏籌餉一條近日財用極絀人所共知欲圖振作必統天下
全局通盤合籌而後定計新疆各城自乾隆年間始歸版圖無論

開闢之難即無事時歲需兵費尚三百餘萬徒收數千里之曠地而增千百年之漏卮已為不值且其地非鄰俄羅斯西界土耳其天方波斯各國南近英屬之印度外日強大內日侵削今昔異勢即勉圖恢復將來斷不能久守屢閱外國新聞紙及西路探報喀什噶爾回酋新受土耳其回部之封並與俄英兩國立約通商是已與各大邦句結一氣不獨伊犁久踞已也揆度情形俄先蠶食英必分其利皆不願中國得志於西方而論中國目前力量實不及專顧西域師老財竭尤慮別生他變曾國藩前有暫棄關外專清關內之議殆老成謀國之見今雖

命將出師兵力餉力萬不能速可否

密諭西路各統帥但嚴守現有邊界且屯且耕不必急圖進取一面招撫伊犁烏魯木齊喀什噶爾等回酋准其自為部落如雲貴

粵蜀之苗獠土司越南朝鮮之略奉正朔可矣兩存之則兩利俄英既免各懷兼併中國亦不至屢煩兵力似為經久之道況新疆不復於肢體之元氣無傷海疆不防則腹心之大患愈棘孰重孰輕必有能辨之者此議果定則已經出塞及尚未出塞各軍似須略加裁減可撤則撤可停則停其停撤之餉即勻作海防之餉否則以此財力既備東南萬里之海疆又備西北萬里之餉運有不困窮顛蹶者哉至此時開辦海防約計購船練兵備器三項至少先需經費一千餘萬兩本年八月開戶部奏覆文祥寬籌餉需摺內議請暫停內府不急之需而海防用項仍無可籌姑令各省先儘各項存款移緩就急抵充防費究之各省留支奉撥之數視歲入之數無不浮溢數倍更有何款可以存留借抵必不得已應仍照總理衙門五年奏案專提部存及各海關四成洋稅一款為目

前開辦之需除津海東海關四成奏歸天津機器局江海關四成內之二成奏歸上海機器局山海江漢兩關四成內奏明撥充奉兵及淮軍月餉淡水一關奏留臺防軍需均為海防而設毋庸置議外其餘各海關四成洋稅及部庫應年提存四成應請專備總理衙門及海防統帥人員會商撥用此後即責令各關月款封存巡行報解不准本省借留亦不必再解部庫致多轉折此項每年計可得銀百數十萬兩加以部庫月存三百餘萬其有不敷擬仍暫借洋款山續收四成項下撥還或另行設法歸楚以應急需其息銀以七八釐為度歸本以十年八年為度亦各國常有之事無足詫慮也至於日後久遠之費當於開源節流求之現在丁漕課稅正供之外添出釐金捐輸二款百萬羅掘仍不足用捐輸所得無幾流弊甚大而內地釐金又為半稅所絀如銅鐵羽呢洋布等類皆關民生日用洋船轉運迅捷輸納又僅半稅於是奸民包攬冒騙大宗貨物皆免完釐因稅則載在和約無可議加以至彼此輕重懸殊商民交困叢禽淵魚之喻何堪設想丁日昌擬設廠造耕織機器曾國藩與臣等奏請開煤鐵各礦試辦招商輪船皆為內地開拓生計起見蓋既不能禁洋貨之不來又不能禁華民之不用英國呢布運至中國每歲售銀三千餘萬又銅鐵鉛錫售銀數百萬於中國女紅匠作之利妨奪不少曷若亦設機器自為製造輪船鐵路自為轉運但使貨物精華與彼相埒彼物來自重洋勢不能與內地自產者比較我利日興則彼利自薄不獨有益釐餉也各省諸山多產五金及丹砂水銀煤之處中國數千年未嘗大開偶開之又不得其器與法而常愛國用既竭此何異家有寶庫封錮不啟而坐愁飢寒西士治地質學者視山之土石即知其

中有何礦竊以為宜聘此輩數人分往巡察記其所產擇其利厚者次第開挖一切仿西法行之或山官等借資本或勸遠近富商添股合立公司開得若干酌提一二分歸官其收效當在十年以後近於直之南境礮州山中議開煤鐵飭津滬機器局委員購洋器雇洋匠以資倡導固為鑄造軍器需亦欲漸開風氣以利民用也近世學者鑒於明季之失以開礦為弊政不知弊在用人非礦之不可開也其無識紳民惑於鑿壞風水無用官吏恐其聚眾生事尤屬不經之談刻下東西洋無不開礦之國何以獨無此病且皆以此致富強耶若南省濱江近海等處皆能設法開辦船械製造所用煤鐵無庸向外洋購運權其餘利並可養船練兵此軍國之大利也至於洋藥一項流毒中國本年三月間欽奉寄諭以醇親王請飭密籌杜絕飭印妥議辦法等因臣查閱醇親

王摺內自不必倉猝施行要在矢志弗懈俟外洋鴉片不來再嚴中國罈粟之禁等語實屬洞達大體適因臺灣事起未便置議茲查洋藥自印度進口每年約七萬數千箱售銀三千餘萬之多英國明知害人之物而不欲禁洋商販運並欲禁中國內地自種用意殊極狡狴上年修約總理衙門與英使言之屢矣並預聲明既不能禁英商之不服洋煙即不能禁華民之不食洋煙惟有暫行弛禁罈粟不但奪洋商利權並可加增稅項將來計窮事迫難保不出於此其時英使聞之亦頗心動而該國卒不見聽臣即再與辦理恐亦無益應仍循總理衙門原議陰相抵制以冀洋藥漸來漸少再加厲禁為宜查雲貴川陝山西各省多種罈粟疆臣等諫每以申明禁令為言是徒為外洋利藪之毘授吏胥擾索之柄究之罈粟日種日廣勢仍不可遏禁罈上藥性暖價廉而應亦薄不

比洋藥為害之烈為今之計似應暫弛各省罈粟之禁而加重洋藥之稅釐使外洋煙土既無厚利自不進口然後安立規條嚴定限制俾吸食者漸戒而徐絕之民財可杜外耗之源國餉並有日增之勢兩得之舉也查洋藥每箱百斤新關正稅三十兩釐捐則各省多寡不同福建每箱捐銀三十六兩江蘇每箱捐銀三十二兩北洋天津等關捐銀二十四兩捐愈重則偷漏愈多英國條約原有洋藥如何徵稅聽憑中國辦理之說如能於洋稅一律議加自可毫無滲漏裨益更大否則南北各口通定一加重捐數均照閩省之式無稍參差以免趨避專收作海防經費由統帥提用合之亦成巨款此外沿江沿海各省皆令整頓貨釐鹽釐每省每年限定酌撥數萬兩協濟海防以上數端皆開源之事也若夫裁艇船以養輪船裁邊防冗軍以養海防戰士停宮府不急之需減地

方浮濫之費以裨軍實而成遠謀亦節流之大者苟非上下一心內外一心局中局外一心未有不半途而廢者矣一原奏用人一條擬派統帥責成經理及遴派得力提鎮將領為之分統查南北洋濱海七省自須聯為一氣方能呼應靈通惟地段過長事體繁重一人精力斷難兼顧各督撫未必皆深知洋務兵事意見尤不能盡同若貴成統帥調度既恐扞格不行若會同各省商籌又恐推諉貽誤從前辦粵捻各賊何嘗不屢簡統帥臣亦曾備位其間深知甘苦餉權與政非其所操不過徒擁空名而各督撫仍不能不問兵事畛域分則情形易隔號令歧則將士難從是欲一事權而反素也何況有事之際軍情瞬息變更儻如西國辦法有電綫通報徑達各處海邊可以一刻千里有內地火車鐵路屯兵於旁聞警馳援可以一日千數百里則統帥尚不至於

誤事而中國切辦不到者也今年臺灣之役臣與沈葆楨而商調兵月餘而始定及調輪船分起裝送又三月而始竣而倭事業經定議矣設有緊急誠恐緩不及事故臣嘗謂辦洋務制洋兵若不變法而徒驚空文絕無實濟臣不敢明知而不言也竊計北洋三省設一統帥即才力倍於上者尙慮不能肆應南洋四省口岸更多似亦非一統帥所可徧及若因創設鐵甲兵船等項須責成大員督籌經理如前江西巡撫沈葆楨前江蘇巡撫丁日昌皆究心此事熟悉洋情似堪勝任丁日昌擬設北東南三洋提督分統各船不為無見但文武兼資習風濤駕駛輪船操法者實不易得耳抑臣更有陳者用人最是急務儲才尤為遠圖洋人入中國已三十餘年駐京已十餘年以兵務我殆無虛歲而求練達兵略精通洋法者恆不數觀由於不學之過下不學由於上不教也

軍務肅清以後文武兩途仍合章句弓馬末由進身而以章句弓馬施於洋務隔膜太甚是以沈葆楨前有請設算學科之奏丁日昌前有武試改館礮之奏皆格於部議不行而所用非所學人才何由而出近時拘謹之儒多以交涉洋務為浼人之具取巧之士又以引避洋務為自便之圖若非朝廷力開風氣破拘攣之故求制勝之實濟天下危局終不可支日後乏才且有甚於今日者以中國之大而無自強自立之時非惟可憂抑亦可恥也愚以為科目不能驟變時文即不能遽廢而小楷試帖太踳虛飾甚非作養人才之道似應於考試功令稍加變通另開洋務進取一格以資造就現在京師既設同文館江省亦選幼童出洋學習似已開西學門徑而士大夫趨向猶未盡屬者何哉以用人進取之途全不在此故也擬請嗣後凡有海

防省分均宜設立洋學局擇通曉時務大員主持其事分為格致測算輿圖火輪機器兵法礮法化學電氣學數門此皆切於民生日用軍器製作之原外國以之黜陟人才故心思口出而不窮華人聰明才力本無不逮西人之處但未得其法未入其門蓋無以鼓勵作新之耳如有志趣思議於各種略通一二者選收入局延西人之博學而精者為之師友按照所學淺深酌給薪水俾得研究精明再試以事或分派船廠礮局或充補防營員弁如有成效分別文武照軍務保舉章程

奏獎升階授以濱海沿江實缺與正途出身無異若始勤終怠立予罷革其京城同文館上海廣方言館習算學生及出洋子弟學成回國皆可分調人局教習並酌量派往各機器局各兵船差遣如此多方誘掖懲兼施就所學以課所事即使十人中得一成

就已多一人之用百人中得十成就已多十人之用二十年後製器駛船自強之功效見矣

一原奏持久一條竊以古無久而不做之法惟在辦事之人同心協力後先相繼日益求精不獨保境息民兼可推悟新意裕財足用如泰西各國皆起於彈丸之地創造各樣利器未及百年而成就如此之精規畫如此之遠拓地如此之廣豈非其舉國上下積慮殫精人思自奮之效乎中國在五大洲中自古稱最強大今乃為小邦所輕視練兵製器購船諸事師彼之長去我之短及今為之而已遲矣若再因循不辦或旋作旋輟後患殆不忍言若不稍變成法於洋務開用之途使人人皆能通曉將來即有防海萬全之策數十年後主持之人亦必名存實亡漸歸頹廢惟有中外一心堅持必辦力排浮議以成格為萬不可泥以風氣為萬不可

不開勿急近功勿情重實精心果力歷久不懈百折不回庶幾軍實漸強人才漸進製造漸精山能守而能戰轉貧弱而為富強或有其時乎是天下臣民所禱祀求之者也

奏稿二十四

五

籌辦鐵甲兼請遣使片 同治十三年十一月初二日

再正在繕摺開承軍機大臣密寄十月二十八日奉
上諭文祥奏敬陳管見一摺臺灣之事雖權宜辦結後患在在堪虞日本與閩浙一犖可抗倭人習慣食言難保不再生枝節前因議買鐵甲船及水礮臺各節倉猝莫辨刻下事機已緩亟宜趕緊籌畫以期未雨綢繆著沈葆楨等悉心籌商並著李鴻章李宗毅將前議購買未成之鐵甲船水礮臺及應用軍械等件迅速籌款購辦庶幾兵械精良有備無患等因欽此並鈔錄文祥原摺到臣查沈葆楨十月十四日來函倭使大久保已抵瓊瑤業經約期撤兵自不致再有變局惟文祥慮及日本距閩浙太近難保必無後患目前惟防日本為尤急洵屬老成遠見該國近年改變舊制藩民不服訪聞初頗小開久亦相安其變衣冠易正朔每為識者所

奏稿二十四

五

譏然如改習西洋兵法仿造鐵路火車添置電報煤鐵礦自鑄洋錢於國計民生不無利益並多派學生赴西國學習器藝多借洋債與英人暗結黨援其勢日張其志不小故敢稱雄東土藐視中國有窺犯臺灣之舉泰西雖強尚在七萬里以外日本則近在戶閩伺我虛實誠為中國永遠大患今雖勉強就範而其深心積慮覬覦我物產人民之豐盛冀倖我兵船利器之未齊將來稍予間隙恐仍狡焉思逞是鐵甲船水礮臺等項誠不可不趕緊籌備惟巨款既無可指定造亦尙需時臣已於覆議總理衙門造船一條內詳切言之至前曾議買鐵甲船一為沈葆楨飭日意格議購之丹國鐵船因事罷昨丹國使臣拉斯勒福過津而詢據稱此船約值銀六十萬兩與日意格報價不符臣屬該使來春由京回津再議一為出洋委員容閱在美國查報有新造未成鐵甲船一號

需銀一百七十萬元請駐津美領事據稱此船未必合用總
稅司赫德亦向總理衙門言及恐其不甚可靠批飭上海道信
致各關切實考察再行稟核以上二船雖購而未成此外洋商
獻圖者甚多因相商過遠需費過巨誠恐誤買舊船未敢違訂似
須委員前往該國議購為妥其水礮臺船一項總理衙門現飭赫
德向英國詢問價值上海洋行亦有承攬訂購者據滬局委員馮
煥光等稟稱該局仿造一隻明春可成似尙不難陸續添置惟是
有備而無患者立國之根基不戰而誦人者攻心之上計自來備
選馭夷將才使才二者不可偏廢各國互市遣使所以聯外交亦
可以窺敵情而中國並其近者而置之殊非長駕遠馭之道同治
十年日本初議條約與曾國藩均奏請該國立約後中國應派
員駐劄日本管束我國商民藉探彼族動靜冀可聯絡牽制消弭
後患上年甫經換約未及籌辦而該國遂於今春興兵來臺若先
有使臣駐彼當能預為辨阻密商辦否則亦可於發兵之後與
該國君臣面折廷爭較在京議辦更為得勁今臺事粗定此舉未
可再緩擬請
敕下總理衙門王大臣遴選熟悉洋情明練邊事之三四品京堂
大員請
旨賞給崇銜派往駐劄日本公使外託鄰邦報聘之禮內答華民
望澤之誠儻彼別有詭謀無難偵得其情相機控制聞該國橫濱
長崎箱館各處中國商民約近萬人既經立約本不可置之度外
俟公使到彼應再酌設總理事官分駐口岸自理訟賦以維
國體不特此也即泰西諸大邦亦當
特簡大臣輪往兼駐重其祿賞而定以年限以宣威信通情款其

在中國交涉事件有不能議結或所立條約有大不便者徑與該
國總理衙門往復辨證隨時設法商議可漸杜該使蒙蔽要挾之
弊似於通商大局有裨是否有當理合附片覆陳伏乞
聖鑒訓示謹
奏

奏稿二十四

天

馮桂芬建專祠片 同治十三年十一月十二日

再據江蘇吳縣紳士翰林院侍讀銜編修潘遵祁等十二人聯名
赴津呈稱三品銜原任右春坊右中允馮桂芬籍隸蘇州力學砥
行洞貫古今清介自持尤究心經世之學由進士授職編修升授
中允因病乞歸旋值粵匪竄陷蘇省東南大局全恃滬濱一隅賊
氛近逼屢瀕危險該紳先謀設會防局襄籌防剿繼定入皖乞援
之策手草函稿數千言瀝陳危急情形與川兵先後機宜迨臣統
軍來滬復襄籌軍務多所贊決吳中田賦極重兵燹之後民力不
支該紳留心漕賦三十餘年條議說帖哀然成帙同治二年臣等
辦理蘇屬減賦延請該紳參議章程除絕浮費務使實惠及民又
議三縣租額請奏定清丈田畝步弓凡此數端於
朝廷為大政事於江蘇為大利害該紳精心學畫次第舉行至若
興水利端士習掩埋棲流積穀恤癯諸務蘇垣新復皆賴經營凡
民閱利病知無不言心力交瘁疊經保薦以衰病不能赴召本年
四月在籍病故不特紳等咨嗟惋惜即合城士民亦無不同聲傷
悼因其向在臣軍出力請奏懇
恩准於吳縣本籍捐建專祠等情前來臣查馮桂芬品端學邃體
用兼賅臣前在江蘇與之共事最久知之最深其平日著書精博
待人接物一出至誠鄉里人士知與不知皆呼為馮先生而不名
而其有功於地方尤在滬上乞師蘇省減賦二事吳民至今稱道
不衰既據合詞呈請未便壘於上聞相應據情代
奏懇懇
天恩准其捐建專祠由地方官照例致祭以順輿情而資於式理
合附片具陳伏乞

聖鑒訓示謹
奏

奏稿二十四

三

徵留京餉摺同治十三年十一月二十五日

奏為津海關稅項抵支海防月餉尚多不敷委難補解京餉援案懇請留用並請免撥來年洋稅恭摺仰祈

聖鑒事竊臣前因津郡餉需不敷於同治九十一十二等年奏請將津海關短解京餉留用等

聖鑒在案上年十二月內戶部奏撥十三年京餉仍照案指撥天津關常稅銀五萬兩洋稅銀十萬兩行令分批撥解本年七月奉旨飭催均經轉行遵照辦理茲據津海關道孫士達詳稱奉撥

本年京餉除鈔關徵存常稅銀四萬一千六百餘兩業由前關道陳欽於五月內儘數批解外至新關洋稅一項溯查同治九年籌

議天津海防練兵月餉每年六成洋稅洋藥釐捐東海關協餉約收銀二十八萬兩必須全數留支今年日本在臺滋事商賈聞

風夷是稅釐均形減色計自同治十二年十一月十三日第五十四結起至十三年八月二十日第五十六結止其徵收洋稅銀二十五萬三千五百九十七兩八錢八釐除歸機器局四成並八分

經費一分二釐火耗外核算六成洋稅連招商局輪船稅銀一萬四千餘兩共止十七萬三千一百七兩二錢四分三釐又自八月二十一日起至十一月十五日止約計六成洋稅及招商輪船

稅銀四萬餘兩現值封河洋稅無可徵收而洋藥釐捐一項因進口貨少自上年十二月至本年十一月僅收銀五萬五千餘兩又東

海關解到協餉銀七萬兩綜計各項進款共合銀三十一萬餘兩本年正月至今撥過海防支應局月餉暨稅務司薪水等項銀二十五萬六千餘兩其十一十二月並來年正月海防餉需及稅務

司薪水等銀其尚需銀十萬餘兩核計徵存各項一併湊撥不敷

尚鉅委難續解京餉詳請援案具奏前來正在核辦聞欽奉同治十三年十一月二十日

寄諭戶部奏預撥來年京餉一摺同治十四年京餉擬在各省地丁鹽課關稅等款內指撥原單著鈔給閱看另奏歷年積欠京餉天津關常洋兩稅欠解十萬九千餘兩著迅速補解等因欽此並奉單開指撥十四年京餉天津關常稅銀五萬兩洋稅銀十萬兩等因到臣跪誦之下焦悚莫名臣忝領畿疆練兵籌餉責無旁貸況京外餉需同關緊要苟可勉力通籌何敢稍有推諉惟天津為北洋門戶拱衛

京師實海疆最要之地豈奉

諭旨飭辦海防亟須認真整理稍壯聲威防軍本屬無多月餉何可延欠除歲撥長蘆復價十萬兩外尚恃津海關六成洋稅為大宗而該關洋稅藥釐歲收不過二十餘萬以抵海防應支出款不敷尚鉅該道所詳委係實在情形目前練兵既未能酌裁餉項即無從節省稅入只有此數其力斷難再顧京餉惟有籲懇

天恩俯念海防需餉萬緊准將津海關欠解上年京餉十萬九千餘兩本年京餉十萬八千餘兩援照歷屆成案免其補解出自逾格鴻慈抑臣更有請者部撥京餉必不可緩而津關洋稅收數極細本非江海各關可比與其按年指撥仍為無米之炊何如先事改籌期成有著之款併請

救下戶部將此次指撥同治十四年津關洋稅銀十萬兩月由江海關洋稅較多之處酌量添撥以濟要需庶部餉不致虛懸而津郡海防稍資周轉實於中外全局有裨所有津海關本年奉撥及歷年欠解京餉委難補解並請免撥下屆洋稅各緣由恭摺據實

奏稿二十四

奏稿二十四

奏稿二十四

奏稿二十四

奏稿二十四

奏稿二十四

奏稿二十四

奏稿二十四

奏稿二十四

瀝陳伏乞

皇太后

皇上聖鑒訓示謹

奏

奏稿二十四

三

張家口糧臺報銷摺 同治十三年十二月十三日

奏為同治十三年張家口糧臺用過銀兩造冊報銷恭摺仰祈
 聖鑒事竊據前任口北道奎斌詳稱前於張家口設立糧臺辦理
 口外各路征兵米糧已將同治九年十二月起至十二年十二
 月底止用過銀兩三次造報奉部覆准在案今自十三年正月
 十二月底止除總統杜嘎爾隨營並總管貢果爾所部察哈爾官
 兵五百八十五員名已經撤回又副都統納蘇肯管帶原調吉林
 三四起官兵五百十員名營總那木濟勒色楞管帶續調察哈爾
 官兵二百五十九員名副都統福珠哩管帶原調吉林二起官兵
 一百九十員名均歸伊犁將軍榮全調遣副都統吉爾洪額管帶
 原調黑龍江頭三起官兵五百四員名佐領興祿管帶續調吉林
 官兵四百九十一員名佐領克什克圖管帶續調黑龍江官兵四
 百七十九員名均歸烏魯木齊都統景廉調遣業經奏明毋庸運
 糧外所有駐紮烏里雅蘇臺之吉林黑龍江察哈爾官兵內除病
 故二十九員名實存二千三百六十五員名用過米價口袋等項
 並駐紮庫倫之宣化古北口練軍二千五百九十四名用過繩袋
 及糧臺應用各款共合銀三萬二千七百十三兩八錢三分內戶
 部應銷米價並委員薪水各役工食房價銀一萬四千八百十六
 兩二錢工部應銷各項繩袋草席銀一萬七千八百九十七兩六
 錢三分查三次報銷案內存銀二萬二千九百六十八兩八錢一
 分一釐又存部駁委員浮支薪水銀三十二兩新收部撥銀三萬
 兩除開銷外實存銀二萬二千八百八十六兩九錢八分一釐又餘平
 項下舊管銀四百四十六兩四錢二分七釐新收銀二百九十九
 兩一錢一分四釐開除書吏工食心紅紙張銀三百三十六兩實

存銀四百九兩五錢四分一釐統歸下次報銷今年米價每石減銀二錢牛毛袋每條減銀四分其餘繩袋悉照上年在銷之案開報又查各營米石今年均由察哈爾都統並庫倫履駐自赴糧臺裝運用過價銀應歸察哈爾都統並庫倫報銷等情造冊請奏前來臣覆核無異除冊送部外理合恭摺具陳伏乞

皇太后
皇上聖鑒敕部核銷施行謹
奏

奏稿二十四

臣

修濬附省隄河請獎摺 同治十三年十一月十七日
奏為修濬省城附近隄河各工完竣遵保尤為出力人員恭摺仰祈

聖鑒事竊臣前因保定正定河間深州各府州屬之滋河瀕龍河及西淀大清河廢弛已久無不河淤隄塌每遇積雨盛漲橫流四溢為害滋大即經奏明籌撥經費以工代賑派委清河道葉伯英詳確勘議督同印委次第經辦並令防營及紳董隨地襄助其工程最要者修築無極深澤州安平博野蠡縣高陽境內之滋河北隄瀕龍河南北隄挑展瀕龍河下口開挖任邱雄縣保定縣境內通西淀之趙王河新城雄縣境內分減大清河之蘆僧河皆關數縣生民休戚次則堵雄縣趙村決口修辦任邱定興雄縣保定縣隄壩引河此外又有藁城行唐博野蠡縣安州新城容城雄縣

奏稿二十四

美

任邱望都安肅定州深澤甯晉等處月項隄河計自十一年秋開勘辦起至十三年六月一律完竣該員等經營兩年之久工程均稱完固用費核實摺節俾紓十餘州縣積患實屬有裨大局且於泥淖暑日中胼胝興作力任艱瘁著有微勞臣前於奏報滋河瀕龍河隄及趙王河工竣摺內聲請彙案獎勵均奉
諭旨准其擇保等因欽遵在案惟工程繁鉅出力人員較多臣督飭司道再三核減今擇其尤為出力者按照尋常勞績章程酌擬獎敘彙開清單敬呈

御覽仰懇

天恩俯准照獎以昭激勸理合恭摺具陳伏乞

皇太后

皇上聖鑒訓示謹

奏

河工代賑報數摺

奏為直屬水災案內應辦隄河各工以工代賑用過銀兩詳細開單奏報恭摺仰祈

聖鑒事竊查同治十一年大水成災因省城迤東之滋河瀕龍河下口及白洋等淀淤墊日甚又大清河盛漲不能容納須分別淤築並開挖減河各該河隄漫口災歉之餘民力未逮亦必官為籌堵於是年九月二十三日奏請提撥司庫地丁銀十萬兩以工代撫再於練餉局江南協款項下隨時酌量撥事竣開單奏報免造細冊等因奉

旨著照所請該部知道欽此十二年水災又重遵

旨請撥東南各省協濟直隸賑款聲明上游各處隄河衝缺淤墊必須擇要修治工賑並舉各在案先經飭據清河道葉伯英周歷

奏稿二十四

五

詳勘博采眾議籌堵雄縣趙村大清河決口修築無極深澤邳州安平博野蠡縣高陽境內滋河南隄及滹龍河南北隄挑展瀆龍河下口以資暢洩並於任邱雄縣保定縣地面開挖趙王河俾通西淀去路又於新城雄縣等境內開挖盧僧減河俾分大清河上游之水由中亭河下歸東淀以上各工有應挑引河應做閘壩並趙王河盧僧河各築隄埝均係因地制宜又有任邱定興雄縣保定隄壩引河等項工程飭令該道親駐工次督率員紳認真修辦招集附近災黎備趁稽查餉口自十二年春初興工至十三年六月一律完竣委員逐一驗收丈尺悉與原估相符工程均稱完固已將趙村合龍及修築滋河瀕龍河隄開挖趙王河情形先後奏報本年河隄各工搶護平穩農田幸獲豐收將來善後事宜經臣督同河道議定應令清河道每屆汛期出省親督印委各員實

力修防庶免日久廢弛統計前項辦竣工程除酌資民力兵力外
 共計銀二十萬九千四百九十餘兩已發過銀二十萬七千七百
 五十兩餘再籌撥找發據該道等陸續詳報前來臣逐加確核均
 係實用實銷並無絲毫浮冒且以工代賑計口投食隨時隨地酌
 量情形較之例定土方銀數尙有節省自應欽遵原奉
 批旨開單奏報免造細冊以昭核實而歸簡易此外尙有另辦工
 程俟竣事續行奏報所有水災案內歷辦隄河各工以代賑撫用
 過銀兩及工段丈尺理合詳細開單恭摺具陳伏乞
 皇太后
 皇上聖鑒敕部查照謹
 奏

奏稿二十四

五

謹將直屬水災案內歷辦隄河各工以代賑撫用過銀兩及
 工段丈尺據實開列清單恭呈
 御覽

計開

一堵雄縣趙村大清河決口大壩工長五十五丈頂底均寬四丈
 高深二丈一尺小壩工長五十五丈頂底均寬二丈高深二丈一
 尺夾土橫一道工長五十五丈頂底均寬一丈高深二丈一尺邊
 埝二十三段每段長四丈頂底均寬一丈高一丈二尺養水盆一
 道工長七十丈頂底均寬二丈高一丈三尺順水壩一道工長一
 百丈頂底均寬一丈二尺高一丈共用銀六千三百七十六兩三
 錢六分九釐六毫五絲五忽

奏稿二十四

四

又開挖引河工長二百二十丈口寬九丈六尺至十二丈底寬六
 丈深六尺至一丈就原河開段挑淤工段共長一千一百八十八丈
 七尺五寸口寬八丈四尺至六丈九尺底寬六丈深一尺五寸至
 四尺共用銀二千六百二十二兩六錢一分八毫六絲一忽五微
 一修築無極深澤州安平博野蠡縣高陽等境滋河南隄瀦龍
 河南北兩隄內加修工段共長六萬六千一百六十七丈三尺
 築成頂寬一丈五尺至二丈底寬三丈五尺至四丈高八九尺不
 等共用銀一萬四千三百二十九兩一錢八釐八毫七絲
 又築壩八道共工長四百三十六丈頂底均寬六尺至一丈高深
 七尺共用銀二千一百四十七兩四錢三分四釐五毫
 一挑展瀦龍河下口就原河加寬加深工段共長一千七百二十
 三丈八尺加成口寬十丈底寬五丈至六丈五尺深七尺裁灣直
 河工段共長六百五十三丈二尺七寸開成口寬十丈底寬五丈

深一丈定邊撈挖工段其長二百八十三丈五尺撈成口寬十丈至八丈三尺底寬七丈五尺深五尺至一尺七寸共川銀一萬二千五百七十三兩二分七釐一毫一絲一忽一微

一開挖趙王河中撈挖工段自趙北口連橋以西至大港引河四口止正河支河共工長一千七百五十五丈二尺撈寬十丈至三丈撈深三尺五寸至五尺不等又正河自大港引河西口至鷹嘴壩止除原河寬深處所無庸挑挖外計應挑工段共長八千三百二十二丈三尺挖口寬十丈底寬五丈五尺深九尺共川銀五萬九千四百四十一兩一錢七分三釐四毫二絲七忽一微

又沿河築壩十一道共工長八百二十六丈二尺五寸頂底均寬一丈至一丈二尺高六尺至七尺共川銀四千九百八十九兩一錢一分三釐一毫四絲

又鷹嘴壩河口建石閘一座高一丈三尺金牆各長二丈六尺四寸雁翅各長八丈金門口寬二丈六尺共川銀九千二百三十八兩四釐五毫六絲五忽

一開挖蘆僧滅河自新城十九堡起至霸州中亭河上口止共工長二萬一千五百九十四丈挑成口寬六丈底寬三丈深七尺共川銀六萬三千五百二兩四錢一釐六毫九絲三忽

又下游北岸築遙隄一道工長三千七百六十一丈頂寬一丈底寬三丈五尺高七尺共川銀九千五百七十二兩四錢九分七釐二毫

一修築任邱縣千里堤開段修築計工長一千四百四十八丈修成頂寬一丈六尺底寬四丈高八尺共川銀五千四百三十四兩九錢一分四釐五毫八絲五忽一微

又築壩一道工長九十丈三尺頂底均寬四丈高深一丈五尺共川銀三千一百七十六兩二錢三分九釐四毫

一堵築定興縣五馬口拒馬河漫口壩工共長三十丈頂底均寬四丈高深一丈三尺共川銀九百三十八兩九錢七分三釐

又補築隄工二段共長二十二丈三尺五寸頂寬一丈底寬四丈高八尺共川銀六十一兩六分二毫

一雄縣大清河擇要開挖引河三段共工長一百二十九丈九尺五寸口寬八丈底寬三丈五尺深九尺至八尺共川銀四百五十四兩四錢三分七釐七毫五絲

又築壩四道共工長二百三十三丈頂底均寬二丈高深七尺共川銀二千四十九兩五錢七分六釐

一修築保定縣大清河南北埝共工長五千四十四丈九尺修成頂寬七尺底寬二丈五尺高六尺共川銀一萬六百二十七兩一錢八分四釐六絲四忽

又築壩三十六道共工長四百四十九丈七尺頂底均寬七尺至七尺五寸高深六尺共川銀一千九百六十六兩八錢七分一釐八毫八忽

統計以上各工共川銀二十萬九千四百九十六兩九錢九分七釐八毫一絲九忽八微已在司庫地丁項下撥給銀十萬兩又於十二年協撥賑撫項下勻給銀六萬六千三百兩

又於練餉局江南協款項下撥銀四萬九千五百兩又提回保定縣十三年春撫項下銀五百兩共計發過銀二十萬七千七百五十九兩尚墊支銀一千七百四十六兩九錢九分七釐八毫二絲九忽八微另再籌撥歸墊理合登明

七釐八毫二絲九忽八微另再籌撥歸墊理合登明

李文忠公奏稿卷二十四

奏稿二十四

李文忠公奏稿

卷之二十五目錄

丁憂道員懇准終制摺 光緒元年正月十九日

淮軍雜支分別核辦片 光緒元年二月十二日

輪船招商請獎摺 光緒元年二月二十七日

宣化無兵防塔城摺 光緒元年三月十三日

福濟請卹摺 光緒元年三月二十三日

調兵助剿奉省摺 光緒元年四月初九日

劉盛藻回籍終制片 光緒元年四月初九日

陳蘭彬議辦華工片 光緒元年四月十二日

防軍試墾稻田片 光緒元年四月二十九日

會國藩請建省城專祠摺 光緒元年四月二十九日

督辦北洋海防謝摺 光緒元年五月初十日

防邊各軍仍准給雜支片 光緒元年五月初十日

張家口糧臺請部餉摺 光緒元年五月十七日

籌濟奉省軍火片 光緒元年六月初六日

德國兵官請給寶星片 光緒元年六月初六日

祕魯換約摺 光緒元年六月十一日

請派丁日昌商辦換約片 光緒元年六月十一日

周盛傳陳濟清互調片 光緒元年六月二十九日

自省遞津添驛片 光緒元年六月二十九日

祕魯換約事竣摺 光緒元年七月初八日

請遣使赴祕魯片 光緒元年七月初八日

嚴防誘拐華民片 光緒元年七月初八日

三

准軍西征報銷摺光緒元年七月二十八日

軍營交涉洋務銷冊片光緒元年七月二十八日

軍營柴草議價核發片光緒元年七月二十八日

西征扣曠片光緒元年七月二十八日

奏稿二十五目錄

李文忠公奏稿卷二十五

全集一之二十五

丁憂道員懇准終制摺光緒元年正月十九日

奏為丁憂道員懇懇

恩准扶柩歸葬在籍終制恭摺據情代陳仰祈

聖鑒事竊臣於正月初一日由京旋省接據遇缺題奏按察使前

天津道丁壽昌稟稱恭閱邸鈔同治十三年十二月二十四日奉

上諭御史李桂林奏請將丁憂道員破格留用一摺前任天津道

丁壽昌現在丁憂開缺既據奏稱該員潔己愛民與情感戴著侯

百日孝滿後准其留於直隸交李鴻章差遣委用該部知道欽此

命之下感激涕零惟念壽昌係屬孤子並無同胞兄弟自幼失恃

賴親父撫育教誨得以成立少出就傅問視既疏中歲從戎際遊

更久近年迎養道警方期稍盡烏私乃親父遽爾見背生已不能

盡養歿若不克終制何以為子何以為人本擬卸篆後即行扶柩

歸葬緣經手公件尚未交代清楚兼奉親父遺命回里道遠須由

水路南行時值冬令河凍伏春融扶柩旬歸守制茲忽奉留直委

諭旨哀迫焦惶罔知所措伏思

聖朝以孝治天下即軍營奏留丁憂人員事竣仍令回籍補行守

制定例某處況直省現無軍務差委正不乏人竊計壽昌居喪之

日無幾報

國之日甚長叨乞據情奏懇

恩施俯准扶柩歸葬在籍終制一俟服闋遵

奏稿二十五

旨來直聽候差委等情前來臣查丁壽昌自同治元年隨臣帶勇勦賊疊次揚平功績頗多迨九年委署天津道適值民教滋事撫循彈壓咸惠兼施補授是缺津郡連年水災百姓蕩析離居該道力籌賑卹共危濟困至活甚眾開河築隄興利除害百廢具舉遠近感頌上年十月丁父憂解職士民遮道攀留如失所依臣在津日擊情形曾而商該道扶輿歸葬後當再奏調來直以慰民望該道堅辭請准終制未忍拂其孝思是以上年十一月津郡紳耆李世珍等合詞赴臣行轅稟留當經照例批駁旋奉特旨准俟百日孝滿後留直差遣嗣後丁憂人員不得援以為例仰見

朝廷愛惜人才慎重地方至意臣於上年十二月二十六日陛辭時仰蒙

奏稿二十五

兩宮
皇太后垂詢丁壽昌官聲甚好臣具以實對方幸襄助得人乃出京後即據該道稟陳前因情詞懇迫委係出於至誠現計該道自見喪之日起迄今已逾百日而父柩未歸人子之心怒然有所難安合無仰懇

聖恩准其扶輿歸葬終制俟服闋後來直委用以示格外體恤如該道未屆服闋直境或有緊急要務必須助理再由臣隨時酌核奏調是否有當伏乞

皇太后
皇上聖鑒訓示遵行謹

准軍雜支分別核辦片
光緒九年二月十二日
再臣前奏准軍雜支油燭川款請照案核銷一片奉
硃批著照所請戶部知道欽此經戶部將已入奏銷之西征第一案自同治九年四月起至十年十二月底止柴草油燭銀兩遵旨准銷並以軍需例裁官兵日給口糧量給柴薪以資食用並無柴草油燭折價名目嗣後軍需報銷須照定例章程辦理所有此項柴草油燭折價應即刪除等因於同治十三年十月二十九日奉明知照前來臣維定例官兵於日給口糧外量給柴薪原為體恤兵艱免致騷擾百姓蓋口糧無多未能兼顧炊爨之費若令自行樵采則一草一木無非小民辛苦所餘豈容軍民爭取況各軍現多分紮臺灣天津上海等處海濱斥鹵實亦無可樵采至油燭為巡更放哨所必需更難歷久賠補向來綠營武職歲支之項有俸銀又有薪銀及蔬菜燭炭等銀皆詳載則例軍士效力行間親日霜露銖銖較之綠營武職艱苦十倍若不量予支項焉能得其死力此項柴草油燭本歸正用並非濫支例內固早有此名目准各軍酌予支給折價係仿照例意辦理節經奏報准銷有案今戶部既令嗣後一律刪除應於此次奉文後從光緒元年正月月起暫行停支另照例章核辦所有同治十三年以前循案已經發過准軍各營柴草油燭折價銀兩係在未奉部文截止以前該弁勇等久經領用礙難紛紛追回致索軍令合無仰懇

天恩敕部候造報時仍照案核銷以清界限而免轉轉理合附片陳請伏乞

聖鑒訓示謹

奏稿二十五

奏

輪船招商請獎摺

奏為前保輪船招商出力員紳與津通驗收轉運漕糧人員無涉謹詳細聲明仍請照擬給獎恭摺仰祈

聖鑒事竊臣前因創辦輪船招商在事員紳歷年苦心經營有裨大局於上年漕竣時擇尤奏請獎敘聲明與津通驗收轉運漕糧人員無涉應不併計等因並以此事實關海防根本洋務樞紐鈔奏咨請總理各國事務衙門查核各在案茲吏部以未將緣何與津通驗收轉運人員無涉應不併計之處詳細奏明應令覆奏再行核辦等因知照到臣伏查各國通商以來火輪夾板日益增多行駛又極迅速中國內江外海之利幾被洋人佔盡且海防非有輪船不能逐漸布置必須勸民自置無事時可運官糧客貨有事時裝載援兵軍火藉紓商民之困而作自強之氣且各口華商因

奏稿二十五

四

無官辦章程多將資本附入洋商輪船股內尤非

國體所宜臣於同治十一年五月間議擬製造輪船未可裁撤摺內曾籌及商船一節經總理衙門奏覆應由該督撫隨時察看情形妥籌辦理復兩屬遵論有心時事之員妥議章程等因臣即於是年夏間商令道員朱其昂等酌擬輪船招商章程設局招徠俾華商原附洋商股本歸併官局購造輪船運糧攬貨以濟公家之用略分洋商之利緣此事本係創始凡聯絡官商招集股本選購船隻雇用管駕並於各口建立棧房碼頭事體極為煩重籌辦極為艱難華商初猶觀望洋人又復嫉忌往往跌價相爭非開誠布公堅持定見不足以服眾而自立該員紳等苦心經營力任艱鉅竟底於成頗年煙加開拓漸收利權計有自置輪船並承領開廠輪船八號現又添招股分向英國續購兩號分往南北洋各海口

及外洋日本呂宋新嘉坡等處以易疊次裝運江浙漕糧上年秋

開承載銘軍赴臺灣轉運糧餉源源接濟均能安速無誤從此中國輪船可期暢行實為海防洋務一大關鍵所裨於

國計民生殊非淺鮮該員紳等不無微勞足錄自應及時鼓勵臣前奏運漕出力不過略舉一端要之創辦輪船招商勞績非尋常局務等項可比更與津通驗收轉運人員絕無干涉應不併計相應詳細聲明仰懇

天恩准將原保道員朱其昂等照擬給獎以資觀感理合恭摺覆

陳伏乞

皇太后

皇上聖鑒訓示謹

奏稿二十五

五

宣化無兵防塔城摺 光緒元年三月十三日

奏為宣化官兵不敷分布難再調赴塔城駐防恭摺陳仰祈

聖鑒事竊臣承准軍機大臣字寄光緒元年二月初十日奉

上諭英廉奏大同官兵業已到防宣化官兵五百名尙無起程信

息請飭派往等語著李鴻章查明酌量調撥等因欽此遵查前奉

同治十二年八月十六日

寄諭榮全英廉奏查看額特官兵並沿途臺站情形請調宣大

官兵駐防塔城各摺片塔城向有甘省換防兵七百名駐紮防守

近因道路未通難以調派著暫於宣化官兵內挑撥五百名赴塔

駐防俟嘉峪關道路疏通再照舊章由甘省撥兵換防等因欽此

當即恭錄轉飭宣化鎮總兵王可陞欽遵安辦惟查宣化鎮原設

額兵五千數百名自近年口外多事征調頻仍現計底營僅存二

千一百餘名不及原額之半該鎮東鄰熱河西通晉隴直接歸綏

非抵察哈爾沙漠游牧邊牆綿亘千餘里實為近畿屏蔽沿邊一

帶時有馬賊窺伺多倫廳又孤懸口外五百餘里汛地處處緊要

兵力殊形單薄且營路當衝本有遞送差務加以西北各路軍營

糧餉軍火改從張家口出邊撥兵護送絡繹於道而該鎮練軍復

調赴庫倫一千名僅存馬步七百餘名巡防口隘萬不可少同治

十二年正月開臣覆奏烏里雅蘇臺調兵案內欽奉

上諭宣化古北口存兵無多捍衛畿輔歷地方未便再議抽調

烏城備必須步隊協防仍著咨商張廷岳等於庫防練軍內酌量

抽撥就近赴烏等因是年八月開臣請留宣化原駐烏城防兵並

挑派換班官兵案內復將該鎮存兵無多無可再議抽調情形陳

明在案是以納奉塔城調兵之

旨因無兵可調經奏明在先遂未再行覆陳茲奉

諭仍飭查明酌量調撥伏查宣化出張家口西至塔城共一百

十餘臺計在萬里之外兵士遠行延滯糜費甚多當此度支艱難

臺站疲乏亦不得不酌度緩急英廉等本因甘省道路未通暫調

宣大官兵係屬一時權宜之計並奉有嘉峪關道路疏通照舊由

甘省撥換之

諭目下肅州克復甘省肅清已久兵力可分金順一軍早抵巴里

坤計過嘉峪關二千餘里道路實已通行且甘省額派塔城換防

兵七百名今大同派往五百名僅短二百名似應欽遵前奉

諭旨仍照舊章由甘省就近派往以符定制備將來塔防必須添

調直兵應請於調駐庫倫之宣化古北口練軍二千名內酌量抽

撥若干移緩就急亦屬兩便所有宣化存兵不敷分布實難再調

緣由理合恭摺陳伏乞

皇太后

皇上聖鑒訓示謹

奏

福濟請卹摺 光緒元年三月二十三日

奏為已故大員勳勞卓著懇

恩開復原官優予

賜卹以彰忠盡恭摺仰祈

聖鑒事竊查頭品頂戴原任烏里雅蘇臺將軍福濟於光緒元年

三月初十日在旗病故查該故員於道光年間由翰林擢任吏戶

兵工各部侍郎久躋清要洊膺外任咸豐四年由漕運總督蒙

文宗顯皇帝調授安徽巡撫其時正值廬州失陷前撫臣江忠源

殉難之後皖北糜爛已極賊氛彌地一夕數驚該故員草創軍旅

收集潰散與提臣和春鄭魁士等竭力商辦勉圖恢復踰年攻克

廬州府城又疊克含山舒城三河集縣廬江各城隘稍足自立而

兵力既單餉源奇絀於萬難措手之際設法經營徒以忠義血誠

激勵飢軍捍禦狂寇五年之間屢瀕危險卒能支持大局俾烽火

殘黎不致淪陷其保障江北之功誠不可泯同治三年復奉

命督師川北籌措兵食撫輯流亡心力彌瘁嗣由西甯辦事大臣

調任布倫託海科布多烏里雅蘇臺各處邊塞馳驅無一非困慮

危心之境九年任將軍任內因公獲咎旋蒙

穆宗毅皇帝鑒其無他

加恩賞還原銜花翎在案伏念該故員受

命撫皖臣正奉

旨任籍辦理團防朝夕追隨其事最久親見其艱苦困厄實非人

所能堪而治軍之暇整飭吏治存問瘡痍事事皆求實際遺愛在

人兩淮父老至今猶追慕之該故員清勤正直宣力中外幾四十

年每以受

恩深重未能圖報為憾且其家屬前在烏城同時殉節回旗後僅

有孤孫善佺一人侍奉因軍營年久積受寒溼腿疾增劇遠爾病

歿身後蕭然殊可憫惻編查近年如前貴州撫臣張亮基前陝西

撫臣劉蓉前湖南撫臣卞世臨前安徽撫臣翁同書皆以被議人

員身故後由各督撫查明勞績奏蒙

特恩開復原官分別議卹該故員老成碩望歷事

三朝政績卓著其撫臣賊最久而勳勞亦多臣籍隸皖省知之

尤詳用敢據實瀝陳可否仰懇

天恩准將頭品頂戴原任烏里雅蘇臺將軍福濟開復原官敕部

照將軍例從優議卹以彰忠盡出自

逾格鴻慈所有已故大員勳勞卓著懇

恩賜卹緣由理合恭摺具陳伏乞

皇太后

皇上聖鑒訓示謹

奏

調兵助勒奉省摺 光緒元年四月初九日

奏為

旨調撥馬步練軍馳赴奉省助勒恭摺陳仰祈

聖鑒事竊臣承准軍機大臣字寄光緒元年四月初四日奉

上諭崇實奏邊匪盤踞請調馬步練軍及時勒撫一摺著李鴻章

即於直隸調撥步軍洋鎗隊一千名馬隊五百名由海道星速

前往並著選派得力巡哨大輪船二隻駛赴大東溝後各海口以

資策應等因欽此遵查直隸練軍無多倘源支絀不難速調遠役

惟奉省為

國家根本重地目下勒匪喫緊應即移緩就急暫行調撥以顧大

局常經酌派天津鎮總兵陳濟清所部雲字馬勇兩營計四百名

又天津練軍洋鎗步隊兩營計一千名共合馬步四營一千四百

名陳濟清樸誠勇幹久經行陣即併交該總兵統領迅速前往馬

隊山陸路分起出關步隊由輪船分載進發歸崇實節制調遣所

需月餉各項飭海防支應局照章核支源源籌濟軍火鍋帳一切

亦飭作速備齊其步隊航海雇輪船價銀並由支應局核給彙

報至北洋巡哨輪船營口本有滄雲一號現已開赴孤山洋面協

勒匪復飭該管帶官屬宗年印聽崇實調遣月派津口鎮海輪船

飭管帶官千總陸倫華隨後駛往策應所遺天津鎮總兵員缺緊

要查有記名提督鄭國魁樸實老練謀勇兼優檄飭該員接署以

便陳濟清即日交卸統軍啟行至此項練軍馬步隊皆為津郡海

防而設地當衝要未可日久空虛臣已緘商崇實俟奉省勒賊稍

有就緒即令凱撤回津俾資控扼除分咨查照外所有調派馬步

練軍赴奉省助勒緣由理合恭摺由驛覆陳伏乞

皇太后 皇上聖鑒 奏

奏稿二十五

十一

劉盛藻回籍終制片 光緒元年四月初九日

再布政使銜遇缺題奏按察使劉盛藻自同治十一年冬開遵
行赴陝接統銘軍實力整頓克成勁旅嗣該臬司在營聞訃丁憂
經前陝西撫臣邵亨豫奏奉

上諭飭令劉盛藻將陝防事宜照常辦理俟甘境肅清再奏請回
籍終制等因欽此嗣蒲州克復又

奏准給假兩箇月回籍營葬上年日本構釁生番經

奏派記名提督唐定奎率所部洋鎗隊十三營赴臺防剿並調劉
盛藻迅統銘軍馬步各營馳赴山東濟甯及江南徐州一帶扼紮

以備南北海防策應該軍抵防以後即撥吳宏洛五營駐防上海
吳淞要口其餘分佈徐濟各處布置策應向臻周密復據該臬司
籲懇回籍終制等情請

奏前來臣查該臬司治軍嚴整統率銘軍十餘載立功最多前次
丁憂留營不因陝防喫緊該軍檄調東來軍務稍鬆自應欽遵

奏准

奏

奏

前准暫回籍終制以遂孝思所遺銘營查有記名提督劉盛休樸
誠勇敢曉暢戎機前曾代統銘軍經理營務辦理妥協將士亦深
悅服堪以委令接統除仍由臣隨時督飭認真訓練察酌調遣外
理合附片陳明伏乞

聖鑒謹
奏

陳蘭彬議辦華工片 光緒元年四月十二日

再臣於同治十年七月間會同前大學士兩江督臣曾國藩奏派
委員四品銜刑部主事陳蘭彬江蘇候補同知容閻攜帶幼童出
洋肄業陳蘭彬等即於十一年夏間帶領批幼童赴美國哈富
地方寄居分派各館學習文藝十二三年復選各省聰穎子弟分
起送往本年續送四批已等奏定一百二十人之數據陳蘭彬
等稟稱駐洋各幼童肄業洋文粗有蹊徑俟其嫻熟即須就性質
所近分門別類專心研求以裨實用該委員等布置督率悉臻周
安惟上年總理各國事務衙門因古巴招工陵虐華人奏派陳蘭
彬就近往查事竣仍檄調該員回京以備與日斯巴尼亞使臣辨
證一切該員自十二年冬馳赴古巴去冬回京馳驅險遠辛苦備
嘗以致照料幼童未能兼顧現在總理衙門正與各國公使議辦

奏准

奏

古巴華工章程實賴該員從旁贊助勢難遽離而幼童駐洋事宜
亦關緊要自應遴派委員速往接辦以昭慎重查有工部候補主
事區謬良籍隸廣東由翰林院庶吉士改授部曹年力正壯志趣
堅卓洋務亦頗講求堪以委令出洋會同原派委員容閻常駐美
國經理幼童肄業各事藉資造就擬請
旨敕下總理衙門暨工部仍照出差人員向例辦理將來如有成
效再由臣等從優酌保以示鼓勵至陳蘭彬識力誠毅廉正可靠
駐洋三年籌辦要務均極精詳擬俟古巴華工定案後請由總理
衙門酌核保奏俾旌勞勩嗣後若駐洋幼童有必須該員前往經
理之處或月有海外差遣要件該員雖年已六旬當可勉力一行
除咨南洋通商大臣知照外理合附片具陳伏乞
聖鑒訓示謹

奏

奏稿二十五

西

防軍試墾稻田光緒元年四月二十九日
 再臣欽奉同治九年十月二十日
 上諭設輔水利本宜講求而畿東尤亟應如何設法宣洩以利農
 用著次第興辦等因欽此當經臣於裁撤三口通商大臣酌議應
 辦事宜先陳大略摺內聲明妥籌試辦並歷年督飭地方官於各
 河道上下游濬河築隄興復水利營經奏陳在案惟查津郡自元
 時設官耕屯後旋作旋輟迄少成效固由海濱斥鹵難消易淤亦
 由地利人工開墾未盡如法咸豐九年親王僧格林沁督兵津郡
 於鹹水沽營田三千五百四十畝葛沽營田七百五十畝同治三
 年前通商大臣崇厚復派員勘辦由官給賃招佃承種同治八年
 職員趙佩蘭呈請交銀認種不領官本每年交租二百石詎十年
 以後咸遭水患田廬耕具漂沒無存經臣節次奏免租項而趙佩
 蘭以田畝全荒無力承墾呈請退佃由天津道吳贊誠委勘屬實
 詳請咨部暫停租課另行設法招墾至軍糧城稻田同治五年崇
 厚遵旨試墾四百七十餘頃計成熟者不過十分之一亦因連年被水
 漸就荒蕪據天津道詳請改歸練軍及護衛營勇試墾此民墾水
 田難得實效之明驗也惟是津東鹹水沽一帶荒地承種無人曠
 廢可惜只有激厲防軍倡率興辦臣商令統帶盛仁等營遇缺題
 奏提督廣西右江鎮總兵周盛傳於上年修築新城之暇往來察
 勘先在新城以南挑濬引河一道分建橋閘溝洫洞試墾萬畝
 稍有收穫本年該鎮復督飭弁勇均挑鹹水沽以下引河四十餘
 里而寬六丈底寬二丈達於新城外河分注各溝順城東開口入
 海河並建石閘三座大橋四道於田間搭造莊房以便耕作本年

暫就引河兩岸開田疏溝由近及遠據勘明海河附近開有墾熟地段其餘南至海口東迤為沽新城百里內外皆為廢地開有民人認過龍糧草課為數無多且有自明季認墾刻下既非木主又已荒廢者除鹹水沽左近借用民開旱地畝已分別等差折價給領其向未墾熟之地仍酌給種費以示體恤惟目下雖就軍力試墾而開河建閘挑溝築圩以及買牛蓋屋添置農器水車需費甚鉅姑於該軍月餉內設法挪墊俟稍田有收陸續歸扣以資軍食現開地段內有民戶認過龍糧草課若干俟查丈清楚飭縣酌除糧額暫由該營照數完納至將來荒田墾熟後如何分給民種按則升科容再體察情形妥議章程具奏伏查津郡為京畿屏蔽現值海防緊要力圖富強則開辦屯田籌備軍食無事時藉興稼穡之利有事時可限戎馬之足實為經久良圖臣與周

奏稿二十五

六

盛傳再四諮議欲擬新城附近荒田非在鹹水沽建閘增挑引河導潮東灌不可欲大墾海河南岸荒田非由南運河上游建閘月開減河分溜刷鹵不可第士卒過勞工費過大非可剋期告竣現僅就兵力所及竭蹶經營先於鹹水沽新城一帶試辦仍俟辦有成效騰出軍力再籌挑南運減河由下節節而上漸求開拓期於畿東水利海疆防務兩有裨益除飭該鎮會同天津道妥細查勘次第興辦仍將一切未盡事宜隨時核議詳奏外所有防軍試墾鹹水沽一帶稻田情形除咨明總理各國事務衙門暨戶部知照外理合附片具陳伏乞

聖鑒訓示謹奏

會國藩請建省城專祠摺 光緒元年四月二十九日

奏為已故督臣遺愛在民據情奏懇恩准建立專祠崇祀名宦恭摺仰祈

聖鑒事竊據藩司孫觀泉司范梁清河道葉伯英會詳據保定府紳士賀錫福等稟稱原任大學士兩江總督曾國藩自同治七年調任直隸時值捻氛甫靖該督臣苦心經理澄敘官方禮賢清訟選將練兵興舉水利賑卹災荒警政班班不可殫述前津郡稟請建祠業蒙奏准省城為首善之區士民愛戴尤深願懇捐建專祠春秋致祭並據直省紳耆進士王振綱翰林院庶吉士辛家彥等公呈請將前督臣曾國藩崇祀省城名宦祠各等情請

奏稿二十五

七

奏前來臣查該故督臣調任畿輔兩年舉賢任能吏治為之肅清他如治河練兵次第籌辦皆有成效於地方利弊切實講求綱紀漸立廢墜具修其在任時清理通省訟獄積案數萬件去任後籌助天河水災賑銀二十萬兩尤為人所難能功德在民久而弗替既據台詞環請出於至誠相應據情願懇

天恩准於保定省城由該紳士等捐建前督臣曾國藩專祠由地方官春秋致祭並准附祀省城名宦祠以順輿情而彰忠靈理合

恭摺具

奏伏乞

皇上聖鑒訓示謹奏

督辦北洋海防謝摺

奏為欽奉
諭旨恭謝

天恩先陳大略仰祈

聖鑒事竊臣承准軍機大臣傳寄光緒元年四月二十六日奉

上諭著派李鴻章督辦北洋海防事宜所有分洋分任練軍設局

及招致海島華人諸議統歸該大臣等擇要籌辦等因欽此仰見

朝廷力圖自強戒備不虞至意欽感曷任伏思今日中外交涉

局勢為千古所創見此開海防籌辦機宜較他處而尤難凡事非

財不行而北洋三省財力最窘別無可籌之款凡事非人不舉而

非省文武洋務多生殊乏可用之材惟是

京畿門戶所係各國觀聽所屬若因循不辦終懼無以自立若切

實大辦祇愧力不從心臣謬任通商數年於外示驕靡每遇事

變之來徒恃鎮靜內修備禦究其竭蹶之狀實倍尋常茲復瀝荷

恩綸畀以督辦海防重任微臣智術短淺才識庸愚雖略悉彼此

強弱之形適當茲經費支絀之地旁皇無措展布何從惟有懍遵

聖訓擇其最要者不動聲色先行試辦儘其力之所能及守其分

之所當為認真籌畫仍隨時隨事與總理衙門暨南洋督辦大臣

沈葆楨會商切籌次第布置續行陳奏所有欽奉

諭旨恭謝

天恩先陳大略緣由理合繕摺具奏伏乞

皇太后

皇上聖鑒謹

防邊各軍仍准給雜支片

光緒元年五月初十日

再直隸練軍餉章有應支柴草銀兩原為體恤兵艱免致騷擾百

姓經戶部覆核奏准歷年支銷有案上年部議忽令停支臣已分

飭該營暫停片照例章核辦茲據宣化鎮總兵王可陞轉據統帶

宣化練軍出防庫倫之清營徐中川稟稱該軍與古北口練軍其

馬步隊二千八百人自同治十年先後調赴庫倫防剿塞外寒無可

糶采且蒙古地面各有愛曼管轄亦不能自辦柴草庫倫辦事

大臣飭將所領柴草銀兩盡數交給庫倫糧臺轉交愛曼代為采

買價值不敷復於每年十月起至次年四月底止由庫倫大臣每

月加給該軍柴草銀二百兩交愛曼添辦應用經庫倫奏明有案

該處一片沙漠房屋靡定村落毫無夏月僅產青草數寸秋季概

成平地現在附近樹木伐售已盡須至三四百里以外始能覓購

搬運愈遠腳價愈多庫倫百物昂貴較內地加價至數倍或十數

倍不等士卒甚形拮据今停發柴草銀兩即無以供炊爨冬春風

雪嚴寒更有手足皸瘃之苦日擊艱窘情狀委難停支仍請照常

給領其古北口出防庫倫練軍同係窮邊戍守並請一律照辦等

情前來臣查練軍官弁兵夫步隊全營五百數十人月僅支柴草

銀百四十兩馬隊全營三百餘人月僅支銀八十兩本為軍中所

必需況塞外非內地可比額領之外尚須由庫倫加銀添辦據稟

情形足見采購之難該兩軍遠役勞苦疊經勦賊著績若分內支

項遞行裁減實不足以資飽騰應請將宣化古北出防庫倫練軍

柴草銀兩仍照原奏定章接支至津郡練軍調赴奉天助剿本係

行隊趨向無定該省勦匪喫緊正資各軍之力儼因樵薪細故騷

擾閭閻或貽誤軍事所關殊非淺鮮應一併照章支給統俟撤回

再照本省各營辦理仰懇
天恩俯賜允准以勵戎行而示體恤理合附片陳請伏乞
聖鑒訓示謹
奏

奏稿二十五

二十

張家口糧臺請部餉摺 光緒元年五月十七日

奏為張家口糧臺懇

恩照案續撥部餉恭摺仰祈

聖鑒事竊查前因烏里雅蘇臺等處調兵防剿遵

旨任張家口設立糧臺辦理各路軍糧奏明請撥部餉以資接濟

計自同治九年十二月起至十三年止七次奏撥部餉銀二十一

萬兩飭委口北道分起辦運截至十三年年底止實存正款餘平

共銀二萬六千九百九十五兩零均經造報在案茲據署口北道博多

宏武稟稱駐紮庫倫之宣化古北口練軍應需米麵已運半年有

餘現仍陸續運發秋冬之糧駐紮烏里雅蘇臺之察哈爾吉林黑

龍江官兵應需口糧亦已辦運半年前存銀兩除已支外僅存銀

二千兩有奇不敷支用請速奏撥等情前來臣查該署道所稟委

係實情相應仰懇

天恩飭下戶部照案續撥餉銀三萬兩仍照章由該糧臺派員領

解以濟要需所有張家口糧臺請照案

救撥部餉緣由理合恭摺具陳伏乞

皇太后

皇上聖鑒訓示謹

奏

奏稿二十五

五

籌濟本省軍火片 光緒元年六月初六日

再臣欽奉四月二十六日

寄諭崇實奏請飭直隸籌撥軍火等語現在奉省操演洋鎗等隊
 急需軍火若李鴻章在天津機器局內迅速籌備等因欽此並准
 崇實咨商月行借撥鎗礮等項當飭局迅速籌備旋准派委協領
 德印等來津隨撥給洋鎗藥七千磅大銅帽八十萬粒上洋礮藥
 四千斤三寸五木信一千七百六十箇三寸九木信四百四十箇
 銅管門火四千枝三寸九炸子四百顆三寸五炸子一千六百顆
 二寸鐵子八百顆二寸二羣子八百箇鉛箭四十萬出鉛丸四十
 萬粒馬洋鎗三百桿步手鎗一百桿配發小銅帽五萬粒竹矛一
 百四十根十二磅開花礮六尊四輪礮車六輛照配三十六分二
 徑合磨開花子六百顆木信六百六十箇十二磅銅田雞礮四尊
 奏稿二十五

矮鐵架四座合膛炸子四百顆木信四百四十箇並隨礮應用零
 件於五月二十九日點交德印等收領由海道運回向有洋莊礮
 四尊俟架具造齊連隨礮子彈零件由便船搭運牛莊又先准神
 機營來咨都興阿請發洋藥五千磅鉛箭十萬出洋馬鎗鉛丸二
 萬粒銅帽三十萬粒小洋鐵對子開花礮需用三寸五分空心炸
 子三百粒

奏明由臣等撥等因茲據該省委員訥欽來津並飭局如數給領
 片添撥炸子木信三百三十箇訥欽即於五月二十七日由陸路
 領解起程除分咨查照外理合附片陳明伏乞
 聖鑒謹

德國兵官請給寶星片 光緒元年六月初六日

再本年三月間德國駐京使臣巴爾德來津接晤據稱該國駐華
 較遠既無邊界毗連又無傳教及販賣洋藥等事可與中國永遠
 實心和好將來若欲派人赴泰西學習船政軍政他國縱有格商
 彼國必當盡心幫助並擬將該國現駐香港兵船調至大沽洋面
 請臣看操等語臣因其詞意極為恭順當即允行五月十九日據
 德國領事官璧斯瑪函報該國雅里阿特兵船奉調後於二十日
 可至大沽即於二十一日率同津海關道黎兆棠及天津鎮道
 將弁馳赴大沽口外八十里洋面該總兵官操舟前遊船桅掛
 中國龍旗放礮十九響迎送乃係西洋極隆重之禮臣親臨該船
 閱看操練其弁兵步伐整齊技藝嫻熟鎗礮器具均極精堅操畢
 即面加獎勵賞給該船兵丁銀牌三百面仍於次日回津據黎
 兆棠稟稱該總兵官副將等欲得
 欽賜寶星以為榮寵臣思外交之道與自強之謀相為表裏德國
 近年發奮為雄實與英俄各邦並峙今仰慕
 聖朝威德情殷效順自應相機聯絡予以體面藉事羈縻該船總
 兵官等職分較崇且不遠數千里而來專請閱操執禮甚恭殊堪
 嘉尚臣仰體
 朝廷柔遠之仁飭道仿製頭二等寶星各一枚由臣傳
 旨賞給該總兵副將以示光寵而資觀感是否有當除咨總理各
 國事務衙門知照外謹附片具陳伏乞
 聖鑒訓示謹

光緒元年六月十一日

奏為祕魯使臣到津請將上年議定通商和約並查辦華工專條及時互換擬請

欽派大臣以便商辦恭摺仰祈

聖鑒事竊照祕魯國使臣葛爾西耶於同治十二年九月來津求

立和約十三年三月間欽奉

諭旨派臣與之會商旋經臣與該使臣議定通商條約十九款並

訂明查辦華工專條於上年五月十三日公同畫押蓋印約內聲

明兩國

批准即

特派大臣或在上海或在天津會晤互交當由臣奏明將原本進

呈在案本年六月初六日祕魯使臣愛勒謨爾由日本到津兩稱

現奉該國特派前來互換條約訂期謁晤臣即於初七日接見初

九日答拜告以前定和約及專條本應互換惟去歲七月間曾派

管帶幼童出洋委員同知容閱赴該國密查月餘據其稟覆華工

在祕魯各處山寮仍不免有陵虐之事須與商量辦法再將前次

議定條約一併互換該使堅稱奉命來華專換已定之約不能另

議他款若必另議須俟換約後妥商且前定查辦華工專條內已

載明受苦華工由中國委員知照地方官傳案訊斷其合同期滿

無力回國者由祕國備資送回各等語將來但有委員前往查辦

祕魯必應照約辦理目前只求代為具奏請

旨派定換約大臣以便迅速商辦旋於初十日該使復將該國批

准和約及專條並派員來華互換上諭三件照譯底稿前送前來

臣思條約已訂明或在天津互換臣又係原議之員未便準於上

聞致失大信自應查照歷屆成案請

旨飭派大臣就近在津與祕魯使臣將上年所立條約互換並商

辦以後保護華工事宜仍請

敕下總理各國事務衙門知照內閣將祕魯漢洋字合訂條約及

專條一分恭用

御寶迅速發交換約大臣祇領遵辦除將祕使鈔送該國上諭三

件照鈔恭呈

御覽並咨總理衙門知照外所有祕魯條約據情懇請互換緣由

謹繕摺陳伏乞

皇太后

皇上聖鑒訓示謹

奏

奏稿二十五

五

謹將祕魯使臣譯送該國上諭三件底稿照鈔恭呈

御覽

上諭五月十三日與中國所訂通商和約業於八月二十六日經
選舉國會紳耆大臣公同議允朕自當照例批准收此和約印行
畫押布告本國一體遵照欽此

甲戌年九月初四日

大伯理璽天德畫押發出並有總理衙門大學士阿古耶勒畫押
上諭五月十三日與中國所訂專條業於八月二十六日經選舉
國會紳耆大臣公同議允朕自當照例批准收此專條即行畫押
布告本國一體遵照欽此

甲戌年九月初四日

大伯理璽天德畫押發出並有總理衙門大學士阿古耶勒畫押

奏稿二十五

上諭五月十三日本國與中國所訂通商和約現已議允自當派
員前往互換今有愛勒謨爾公務練達又係前辦此事熟手因特
派往駐劄中華並與以全權便宜行事與中國大臣換約諒能和
衷相濟益敦睦好欽此

甲戌年十二月十七日

大伯理璽天德畫押發出並有總理衙門大學士阿古耶勒畫押

請派丁日昌商辦換約片 光緒元年六月十一日

再前江蘇撫臣丁日昌奉

旨來津商辦事務業於五月二十七日抵津臣與朝夕晤商該前

撫傳述

陸辭之日仰蒙

兩宮

皇太后訓勵微臣各語均勝感激涕零該前撫熟悉洋務操縱悉
合機宜此次祕魯換約雖屬照例之事惟訪聞華工在彼人數頗
多受苦情形幾與古巴相等臣擬於前定查辦專條互換時再由

換約大臣給予照會令將以前虐待華人各情詳嚴為禁革庶委
員前往查辦較有依據丁日昌素為洋人所敬服若蒙

特派該撫就近互換商辦似更得力是否有當附片具陳伏乞

奏稿二十五

三

奏 聖鑒訓示謹

周盛傳陳濟清互調片 光緒元年六月二十九日

再臣承准軍機大臣字寄光緒元年六月十二日奉

上諭劉長佑奏廣西現辦邊防右江鎮責任甚重請飭實任總兵

迅即赴任等語廣西右江鎮總兵周盛傳現在能否前赴本任著

李鴻章體察情形據實具奏等因欽此遵查周盛傳自同治元年

帶勇隨臣赴滬蘇勤賊嗣是轉戰南北無役不從功績卓著現統

盛仁等軍馬步二十三營分紮津郡新城馬廠一帶籌辦海防拱

衛畿輔布置嚴整訓練精強足備緩急之用連年督率所部建築新

城礮臺經辦開河屯田墾荒各工全賴該鎮籌畫調度一時難得

替人體察情形實未便令其前赴本任惟據劉長佑奏稱廣西現

辦邊防右江鎮責任甚重必須實任人員經理天津海防關係尤

為緊要周盛傳既不能履任員缺未可久懸竊查有天津鎮總兵

陳濟清籍隸湖南由廣西軍營勦賊立功保升總兵於粵西情形

素甚熟悉且本係劉長佑於直督任內奏調北來前經臣奏派統

帶津郡練軍赴奉天助勦業將大東溝股匪殲除不日即可凱撤

該員勇幹明練熟諳戎機擬懇

天恩將直隸天津鎮總兵陳濟清與廣西右江鎮總兵周盛傳互

相對調一轉移間似人地各得其宜如蒙

俞允俟陳濟清帶隊回津後交卸營務再由臣檄令馳赴廣西新

任以期兼顧邊防臣為權衡緩急因地擇人起見是否有當據實

覆陳伏乞

聖鑒訓示謹附片具

自直遞津添驛片 光緒元年六月二十九日

再天津靜海大城高陽等四縣向未設有驛站自同治九年督臣

常駐津門並新設關道辦理通商事宜一切洋務海防往來文報

駱驛刻不可緩而通省地方公牘多係自直遞津核辦該四縣已

成驛路天津為水陸交衝事更繁重必須添設驛馬乃可遞送無

誤前據該縣等稟經飭司查得大道州縣額設驛馬六七十匹至

百數十匹不等議將該縣等仿照大道州縣減半添設除原有遞

馬外天津縣添馬五匹馬夫二十五名靜海大城高陽等三縣

各添馬三十匹馬夫十五名應需夫馬工料雜支各照例章核給

以同治十年春季為始按季在於司庫地糧項下撥領作正開銷

其馬匹亦照例價由司撥款采買迄今察看情形原添夫馬可資

周轉自應奏咨立案據藩臬兩司彙造清冊具詳前來除清冊分

咨戶兵二部查照外伏乞

聖鑒俯准添設以重驛務謹附片具

奏

祕傳換約事竣摺 光緒元年七月初八日

奏為祕傳國換約事竣恭摺具陳仰祈

聖鑒事竊臣鴻章等於六月十四日奉

上諭著派丁日昌辦理祕傳國互換條約事宜欽此同日又奉

上諭華工在祕傳各處山寮受其陵虐必須妥議辦法李鴻章擬

於前定查辦專條互換時再由換約大臣給與照會令將以前崖

待華人各情弊嚴為禁革之處即著照所擬辦理等因欽此並由

總理衙門發交蓋用

御覽條約二本前來當即函知祕使愛勒謨爾該使旋於六月二

十四日來謁臣日昌與之接晤告以祕傳華工現仍十分受虐必

須於換約時加給照會聲明此後當除去從前一切苛待弊端俟

覆文答應照辦方能換約該使始終狡執以現奉國主之命專辦

奏稿二十五

三

換約一事未經換約之前毫無事權不惟不能備文答應而且不

能議論此事臣日昌仍與再三辯論該使勃然而去嗣各國領事

密安士畢德格等亦復宛轉懇求願為擔保謂換約後愛使必有

照覆但事前不能先看臣等仍以原議拒之迨七月初一日英國

漢文正使梅輝立來謁談及此舉謂照萬國公法未換約之前使

臣實無權可議論公事其袒護之意尤為顯然經臣鴻章反覆開

導梅輝立始允向愛使熟商如何辦法初三日梅輝立來晤並呈

伊代擬祕使照覆稿雖有答應除弊之語而尚未結實經臣等酌

加增改數語強而後可即經議定於初四日彼此換約梅輝立又

求謂照會須作為換約後口氣於愛使方無窒礙臣等亦復允之

臣日昌於初四早前往答拜祕使愛勒謨爾英使威安瑪梅輝立

等均在座因先索看祕使帶來條約有無錯誤威安瑪啟匣送閱

僅有英文日文二分條約專條裝清華澤有其國主印押詢其何
以無漢文條約等件威安瑪等代答愛使在外國換約十數次均
係如此辦理故漏未攜帶臣日昌告以中國總以漢文條約為憑
若漏帶此件即彼此不能互換條約愛勒謨爾言漢文條約等件
實在彼國惟求先將用

實之件彼此互換伊立即由山報通知該國數月內即可將漢文

條約專條送到然後彼此將存件補換等由囑威安瑪梅輝立再

三代為情懇威安瑪又云去年所立之約內有專條保護華工中

國本佔便宜今愛使又許另立為華工除去一切苛待弊端文件

若肯通融先行換約十數萬華工不知沾光多少等語臣日昌仍

復允許回寓後臣鴻章與臣日昌熟商以此大威安瑪為雲南之

事氣憤甚甚其有求於我稍為轉圜未嘗不可稍示勸解其所

奏稿二十五

三

此舉於華工有益良亦不誣況從前義國換約情節與此正同

自可援照辦理臣日昌亦以為然當於次日約愛勒謨爾梅輝立

晤商經臣等告以此大該使漏帶要件本難照辦因係威使等再

三情懇始在通融茲將各用

御覽條約專條先行互換其餘洋文條約專條暫存天津海關道

署候祕傳將漢文條約專條送到即由津海關道與該使補換中

國不能再派換約大臣現在雖經互換約件然中國總以漢文為

憑依祕傳將原訂漢文條約專條送到再為刊刻通行如能一一

遵依用漢洋文寫在懸單內公同蓋印畫押方可將用

即要通行爭論良久而後定當於初七日互換用

實之條約專條其祕傳送來洋文條約專條責成梅輝立與編譯

委員曾恆忠等詳細校對據云與中國所存洋文並無訛錯仍將

此層列入憑單之內並將憑單執據及前議為華工保護除弊照

會及委員容閱所查口供見證一本並該使答應除去弊端照

等件均於是日次第互換該使與梅相立等言辭之詞極為恭順

且日昌因病甚先散上鴻章照章備以酒食該使等再三稱謝而

去除現存洋文條約專條等件由上等會衙札發津海關道收存

以備祕使隨時補換仍在憑單內議明俟該使將原訂漢文條約

專條送到後再行由鴻章

奏明刊刷通行各省知照其此次添議為華工保護除弊照會照

覆等件亦一併刊刻於條約之後謹將添議照會照覆各稿繕呈

御覽至前奉換約

諭旨謹印封固繳回軍機處除將照會內鈔送各閱所查華工口

供見證一本及憑單約據等件分別咨呈軍機處總理衙門備查

其換到洋字用印條約及奉發未用之副本另行派弁送交總理

衙門查收辦理外所有祕國換約事竣緣由謹合詞山驛覆

奏伏乞

皇太后

皇上聖鑒

奏

奏

奏

謹將祕國換約添議照會照覆各稿照繕清單呈

御覽

給祕使臣愛勒謨爾照會

為照會事照得本日本大臣與貴大臣已將彼此現存條約並專

條憑單等件互換案查前於十三年五月議約之後即由本國派

委員於七月間前往貴國查明華工情形旋據送到華民呈詞口

供以及見證人所錄情形皆經指實華工所受委曲之處現在兩

國業已立約志在永遠和好務望貴大臣行知貴國查照妥將以

前苛待華工弊端盡行革除遵照專條及和約辦理嚴令將華工

身家資財皆得保護以昭信守本國亦當或派

欽差或派委員前往確查凡遇可以為華工保護除弊之處隨時

商同貴國全力襄助妥立章程以歸盡善並附去華工見證供詞

一本為此照會貴大臣請煩照覆施行須至照會者

外附華工見證供詞一本

祕使臣愛勒謨爾照覆

為照覆事照得今接貴大臣來文內開我兩國所立條約並專條

兩件互換案查前於議約之後即由本國派委員於七月間前往

查明華工情形旋據送到華民呈詞口供以及見證人所錄情形

皆經指實華工所受委曲之處現在兩國業已立約志在永遠和

好務望貴大臣行知貴國查照等因前來查華民在於本國備工

者本國志在實力保護不容稍受委曲情事俟

貴國選派

欽差大臣前往本國商辦一切本國定必實力會商華工事宜以

期為華工盡除一切弊端使其皆得安居身家資財無不護全以

符條約及專條所定章程並昭信守現准貴大臣送來華工見證
供詞一件本大臣自當譯出轉送回國查照辦理可也為此照覆
貴大臣請煩查照施行須至照覆者

奏稿二十五

請遣使赴秘魯片 光緒元年七月初八日

再查秘魯華工約有十餘萬人受雇工陵虐之慘實為目不忍見
耳不忍聞去年委員谷閱與該國官員爭論滿工者亦即放出
八十人可知該國雖素無教化然我苟有使臣在彼執定條約與
之斷斷相持則華工既有呼籲之門自可漸免欺陵之弊前與該
國所立專條條約於保護華工一層本已切言之現在加立照
會復將除弊各層明白指出但我若無使臣在彼則華工相隔七
八萬里其保護與否除弊與否烏從而知之即知之又烏從而拯
援之乎合無仰懇
天恩迅派正使副使前往秘魯按照條約等件凡遇可以為華工
保護除弊之處隨時商同該國妥立章程是此日在水火十數萬
之華人將死而得生既危而復安也伏查華民在東西南洋各島
人數不下百萬春開王大臣等議辦海防本有招致各島華人之
議但平時既無相為維繫之心則有事何以動其尊親之念今若
於秘魯古巴各島分別遣使設官拯其危急從此海外華民皆知
朝廷於絕島窮荒尚不忍一夫失所忠義之心不禁油然而動有
裨大局誠非淺鮮臣等為仰體
皇仁拯援難民起見是否有當謹合詞附片陳明伏乞
聖鑒訓示謹
奏

奏稿二十五

嚴防誘拐華民片

光緒元年七月初八日
再祕魯各島等請分遣使臣所以保護既往之華人也而將往
未往之華人尤不可不預早圖維致人陷阱查澳門等處向設有
招工局即俗名豬仔館愚民一人局中遂致長逝不返比聞澳門
之大西洋官經英人責以大義業已停止招工然暗中招雇仍所
不免其次如汕頭廈門及閩粵二省不道商口岸往往有夾板輪
船私自前往販買人口現在祕魯條約內既議明別有招致之法
均非所准并澳門及各口不准誘騙一層地方官若能妥立善法
當可潛杜奸謀合無仰懇

天恩飭下廣東福建督撫臣等督同官紳按照條約妥擬杜弊章程
奏明實力照辦務使內足以防誘拐之奸而外足以杜遺人之口
至總稅務司及閩粵各口稅務司久悉誘拐確情於杜弊之法必
有確見真知可以兼收並采可否

飭總理衙門轉行總稅務司及閩粵各口稅務司一并妥議稽查
拐騙之法呈覆未擇施行至該口稅務司如查有拐騙華民出洋
約幾起以上人數約幾十以上似當酌加獎勵庶足以示鼓舞
等為防範未然起見是否有當伏乞
聖鑒訓示謹

淮軍西征報銷摺

光緒元年七月二十八日
奏為淮軍調駐陝西等省軍需自同治十一年正月起截至是年
十二月底止收支款目造冊報銷恭摺仰祈
聖鑒事竊照淮軍西征軍需前截至同治十年十二月底止業經
列為第一案報銷於十二年四月十一日具

奏旋經戶兵工各部核復准銷並經戶部以例無柴草油燭折價
名目駁令嗣後報銷須照定例章程辦理所有此項折價應即刪
除等因臣以同治十三年以前循案已經發過柴草油燭折價銀
兩該弁勇等久經領用礙難紛紛追回致案軍令請俟造報時仍
照案核銷其自光緒元年正月起月照例章核辦於本年二月十
五日奉

旨著照所請戶部知道欽此其餘戶部行查各項亦均查明例案
分晰造冊登覆並月行開單附

奏各在案茲查淮軍除提督吳長慶統帶慶字親兵八營提督劉
玉龍開花礮隊一營駐防江蘇仍循舊撥歸蘇省留防軍需案內
彙銷此外調駐陝西直隸湖北等省軍需用款自同治十一年正
月起至是年十二月底止列為第二案所有馬步水師各營同提
督曹克忠由津赴陝按統銘軍十年十月起添募營哨統歸此案
彙銷以上營哨官弁員名勇夫總數征防處所先經造冊分咨軍
機處戶兵二部備查至馬步水陸各營薪費口糧正雜等項概循
前案仍照楚軍刊本營制並奏定章程及准銷成案接續造報其
購買駝鞍鞍架製造軍裝器械工價並提督曹克忠開差雇用船
車駝頭夫工價腳悉照軍需例案前應屆准銷成案核發其馬隊
各營倒補馬匹係照駐紮省分營驛例價分別支銷轉運軍火例

械雇用車輛駝夫役價脚等項按照斤重及程途里數例價核
實給發均屬實用實銷倘將截至十一年十二月止收支細數趕
緊分晰造報今據報銷局司道等詳稱實項下上屆截至同治
十一年十二月底止共銀四十九萬七千六百五十六兩一錢零新
收項下綜計山東浙江四川等省協餉並提撥湖北江蘇藩關釐
局軍餉兩淮鹽釐及本案扣存平餘同收回第一案兵部核冊駝
夫獸醫工食等款共銀三百八十六萬九千一百四十二兩五錢
有奇以上管收二項共銀四百三十六萬六千七百九十八兩六
錢有奇內登除前副都統溫德勒克西郵費銀一百九十二兩九
錢有奇又附列專冊請銷補放准軍陸勇水師各營同治十年底
以前欠餉銀六十五萬五千二百三十三兩九錢有奇又本案附
請專案

奏稿二十五

奏銷洋鎊破隊教習辛工等項兩冊共銀一十四萬八千五百四
兩三錢有奇實計收用銀三百五十六萬二千八百六十七兩三
錢有奇開除正雜各款遵照部議酌定軍需報銷章程各歸各款
核銷計應歸戶部核銷銀三百萬三千六百八十六兩有奇應歸
兵部核銷銀九萬四千二百六十九兩九錢有奇應歸工部核銷銀十
一萬一千二百一十七兩六錢有奇統共請銷銀三百二十萬八
千九百三十三兩六錢有奇實存銀三十五萬三千九百三十六兩
七錢有奇已接支同治十二年分餉項歸於後案舊管項下滾接
造報等情具詳請
奏前來臣伏查此次造報准軍馬步水師各營勇丁遵照部咨開
報化名清冊正雜款項概撥湘平折實庫平報銷仍扣雜款一分
平餘均係循照應辦成案實銷並無絲毫浮冒除將細冊分

咨各部並飭將以後用款趕緊接續清理造報外謹將准軍調駐
陝西等省軍需收支款目造冊報銷緣由專摺具
奏並繕清單恭呈
御覽伏乞
皇太后
皇上聖鑒謹
奏

奏稿二十五

三

謹將同治十一年正月截截至是年十二月底止淮軍調駐
陝西直隸等省軍需收支正雜各款繕具清單恭呈

御覽

計開

舊管

一上屆淮軍西征軍需報銷同治十年十二月底止實存銀四十
九萬七千六百五十六兩一錢四分六釐九毫六絲二微五纖

新收

一收山東省協餉其撥解銀六萬兩

一收浙江省協餉其撥解銀十二萬兩

一收四川省協餉其撥解銀十四萬兩

一收湖北軍需局其提撥沙平銀三十六萬兩合湘平銀三十五
萬九千七百四十八兩

奏稿二十五

一收湖北江漢關其提撥四成洋稅庫平銀二十四萬兩合湘平
銀二十四萬八千二百五十六兩

一收湖北江漢關其提撥六成洋稅關平銀三十六萬兩合湘平
銀三十六萬六千四十八兩

一收蘇州藩司庫其提撥銀二十四萬兩

一收江南海關其提撥銀六十萬兩

一收江蘇釐捐總局其提撥釐捐銀一百萬一千九百六分二釐
九絲四忽

一收鄂岸鹽釐其提撥銀一十九萬一千四百三兩六分一釐五
毫九絲八忽五微

一收湘岸鹽釐其提撥銀四萬五千六百兩

一收四岸鹽釐其提撥銀五十一萬二千四百三十五兩三錢四
分四釐

一收皖岸鹽釐其提撥銀一萬七千六十一兩七錢二分

一收本案轉運價腳木買製造等項共扣存平餘銀一千四百二
十二兩一錢九分五釐二毫九絲四忽二微

一收回上屆淮軍西征軍需同治十年年底止第九冊內請銷駝夫
獸醫工食奉刪遺繳歸款共湘平銀一千三百一十四兩七錢四
分

以上管收二項共庫平銀三百四十二萬五千五百九十七
兩五錢二分九釐九毫四絲六忽九微五纖

湘平銀九十七萬五千三百六十六兩七錢四分折庫平銀
九十四萬一千二百一兩一錢三分八釐六毫六絲六忽四
微

其計庫平銀四百三十六萬六千七百九十八兩六錢六分
八釐六毫一絲三忽三微五纖

登除項下

一撥放記名都統前正黃旗漢軍副都統溫德勒克西病故卹賞
湘平銀二百兩折合庫平銀一百九十二兩九錢九分四釐三毫
七忽

一附列本案專冊請銷補放淮軍陸勇水師各營同治十年年底以
前欠餉銀六十五萬五千二百三十三兩九錢三分二毫三絲三
忽

一附列本案第一冊請銷淮軍陸勇各營洋鎗礮隊教習通事工
匠人等辛工等項銀二萬二千八百八兩四錢二分五釐一毫六

分

奏稿二十五

忽

分

忽

分

忽

分

忽

分

忽

分

忽

分

絲五忽

一附列本案第二冊請銷製造西洋礮火各局工匠料物並購買外洋軍火價值等項銀一十一萬五千六百九十五兩九錢一分九釐六絲一忽

以上登除並附列請銷各款其庫平銀八十萬三千九百三十一兩二錢六分八釐七毫六絲六忽

實計收用庫平銀三百五十六萬二千八百六十七兩三錢九分九釐八毫四絲七忽三微五纖

開除

一第一冊請銷准軍原募續添馬步各營統領管哨官弁勇夫薪糧等項內歸戶部核銷薪費口糧馬乾等銀二百六十三萬一千九百一十兩九錢六分一毫九絲二忽八微兵部核銷倒補馬價

銀九十八萬五千五百六十二兩二錢一分九釐二毫四絲一忽

一第二冊請銷督標水師各營管哨官弁勇丁薪糧等項係歸戶部核銷銀七萬五千一兩九錢一分六毫四絲四忽

一第三冊請銷隨營辦事支應各差京外文職官員薪糧等項係歸戶部核銷銀三萬二千五百五十七兩六錢四分七釐三毫九絲九忽

一第四冊請銷隨營先鋒差遣武職官弁薪糧等項係歸戶部核銷銀三萬二千七百七十三兩二錢四分一釐三毫三絲九忽

一第五冊請銷武職大員在營借支養廉係歸戶部核銷銀九百六十四兩九錢七分一釐五毫三絲三忽

一第六冊請銷准軍馬步各營柴草油燭折價駝騾購車喂養車輛雇價等項內歸戶部核銷柴草油燭折價駝騾購車喂養等銀

三十一萬六千一百五十九兩九錢九分二釐二毫八絲兵部核銷車輛雇價銀四萬六千九百四十五兩八錢六分五釐九絲七忽

一第七冊請銷准軍馬步水陸各營哨弁勇夫陣亡病故受傷卹費係歸兵部核銷銀四千五百二十八兩六錢一分一釐四毫六忽

一第八冊請銷購買駝騾價值並駝騾馬喂養夫工等項內歸戶部核銷購駝騾價值並駝騾馬喂養等銀一萬七千三百一十七兩三錢一分一釐五毫八絲九忽兵部核銷夫工銀三百七十六兩二錢八分一釐

一第九冊請銷各營局所水陸轉運餉械並提督曹克忠由津赴陝川差雇備船隻車馬夫工價腳等項係歸兵部核銷銀三萬二千三百一十九兩九錢九分三釐六毫三絲一忽

一第十冊請銷采辦物料製造軍裝器械工價並油船船隻經費等項係歸工部核銷銀一十一萬一千二百一十七兩六錢八分六釐九毫二忽

以上第一冊至第十冊止其歸戶部核銷銀三百萬三千六百八十六兩三分四釐九毫七絲六忽八微兵部核銷銀九萬四千二十六兩九錢七分三毫七絲五忽工部核銷銀一十一萬一千二百一十七兩六錢八分六釐九毫二忽

統計十冊共請銷銀三百二十萬八千九百三十九兩六錢九分二釐二毫五絲三忽八微

實在

存銀三十五萬三千九百三十六兩七錢七釐五毫九絲三忽五

微五織

查前項實存銀兩已按支同治十一年分餉項應歸後案舊管項下滾接造報理合登明

一 同治十一年正月起截至是年十二月底止其欠發淮軍陸勇各營餉銀二十七萬一千九百三十二兩六錢八分一釐九毫四絲二微

一 同治十一年正月起截至是年十二月底止其欠發督標水師各營餉銀四千七百四十三兩八錢二分

以上其欠發餉銀二十七萬六千六百七十五兩五錢一釐九毫四絲二微續有補給銀款月歸後案專冊開報理合登明

奏稿二十五

器

軍營交涉洋務銷冊片 光緒元年七月二十八日

再查淮軍陸勇各營洋鎗礮隊教習通事工匠人等辛工等項前截至同治十年年底止業經另開清單附

奏准銷在案今自同治十一年正月起淮軍陸勇各營洋鎗礮隊教習通事工匠人等辛工行營製造洋礮局工料及購買外洋軍火等項均截至是年十二月底止金陵機器製造局用款截至十二年五月底止共請銷銀十四萬八千五百四兩三錢有奇茲據該司道等按款覆加查核均係奉文飭發並無洋冒另造細冊詳請附

奏請銷前來查前項淮軍陸勇各營洋鎗礮隊教習通事工匠人等辛工各款皆與洋人交涉無例可循仍應專案核實請銷除將細冊咨送總理衙門戶兵工部查覈外伏乞

聖鑒謹附片具

奏稿二十五

器

軍營柴草議價核發片 光緒元年七月二十八日

再查柴草油燭二項本為軍營所必需准湘各軍歷經奏定酌予折價准銷在案上年十月二十九日戶部奏覆准軍西征報銷案內聲明軍需例裁官兵日給口糧并量給柴薪以資食用並無柴草油燭折價名目駁令嗣後報銷須查照定例章程辦理所有此項折價應即刪除等因臣以同治十三年以前遵照奏案已經發過折價銀兩該弁勇等久經領用礙難紛紛追回致紊軍令請俟造報時仍照案核銷其自光緒元年正月起另照例章核辦奏奉諭旨允准一面分飭各營局妥議去後茲據先後稟覆遵將油燭一項停支由營官暫於公費內購用其柴草日需炊爨樵采易致騷擾定例雖無折價名目有量給柴薪明文請照例核發前來臣查例載官兵每名量給柴薪以資食用又註云原擬兵丁供應口糧准銷今酌擬加給柴薪亦准報銷各等語所有准軍各營支領柴薪一項自光緒元年以後應遵部咨查照例章核辦惟例內並未明定每名應支斤重數目准軍調紫直隸山東江蘇臺灣等處沿海設防就地采買木柴稻草豆麥秫稻不等各處時地情形不同市價斷難畫一必須酌定斤重及價值數目方符量給例意今擬每名日給本色三斤由各營隨地購辦不論柴草名目每斤照市價通泰合錢三文合銀一釐八毫如此定出本色斤數一律價值皆照向章格外覈減不能再有短少擬請即按此數核發以示限制庶行軍不致掣肘造報不致紛歧經費節省亦較多矣合無仰懇

天恩飭部查照立案以恤兵艱理合附片具陳伏乞
聖鑒訓示謹

奏稿二十五

奏

西征扣曠片 光緒元年七月二十八日

再准軍西征軍需自同治九年四月起至十年十二月底止造冊報銷一案經戶部分別准駁行查續准將柴草油燭折價官役騎騾腳力營省代辦糧價核覆准銷在案所有行查病故馬步兵勇隨時挑補並無空曠一節緣准軍統領營官向有隨帶餘勇於所支公費內酌給口食遇有勇丁病故等事即於此項餘勇內隨時挑補如缺防銘字等營告假汰弱勇丁為數較多除餘勇挑補外仍有空額亦已聲明扣曠核實造報有案此外行查各款計其銀四十萬二千七百七十五兩有零經臣飭據報銷局司道逐一查核例章與准銷成案按款分晰彙敘開登覆清冊咨送戶部核銷去後茲准部咨此案係奏明行查俟奏報到日再行按冊核辦等因理合查照登覆原冊繕具簡明清單恭呈

奏稿二十五

吳

御覽伏乞

聖鑒敕部知照謹附片具

奏

謹將准軍西征軍需自同治九年四月起至十年十二月底止報銷案內戶部行查各款繕具簡明清單恭呈

御覽

計開

一部查銘字與武毅軍馬隊哨官哨長什長親兵馬勇支食薪糧未照楚軍營制一律開支又督隊獸醫兩項與楚軍不符等因遵查前項各款係照銘軍初立馬隊章程核准開支此次西征仍遵歷屆准銷成案接符支給並無兩歧計原造請銷銀六萬七千八百三十三兩二分

一部查勳字後營幫帶官營務處哨官護衛鎗隊教習支食薪糧公費照何例章支給等因遵查勳字後營內開花礮隊從前本係派員管帶月支薪費銀八十兩嗣裁留一哨仍令總兵彭勝彪作

奏稿二十五

吳

為幫帶減給薪費銀五十四兩又教習口糧銀數係仿照教練營章程酌定支給歷屆准銷在案至營務處哨官一員因所帶勇夫共一百八十八名酌定支給薪費按楚軍一營五哨之制科算有減無浮計原造請銷銀二千一百八十七兩二錢

一部查總理盛仁武毅銘字馬步全軍營務處並管理駝騾廠務各員月支薪糧公費差遣先鋒及隨營護運糧餉軍械員弁薪糧多寡不等並未照例分晰開列等因遵查前項文武各員弁應支薪糧均係循照例章准銷成案按差事之繁簡定薪糧之多寡分別支給若照應支分例細數統計比算節省較多其公費一項營務處暨駝騾廠馬步勇夫六百五十四人置辦旗幟號往並喂養駝騾需用各項器具及匠役書識工食等項皆從公費內支給並不另行開銷前於勘搶軍需尾案造報准銷在案此次酌定



ZW 21101000583195

循案支給計原造請銷銀三萬二千八百一兩八錢
 一部查隨營辦事支應轉運並先鋒差遣文武員弁支過薪糧夫
 價照何例案等因遵查湘軍第五案並勘檢軍需各案內歷經
 奏明不論官階大小均按差使繁簡定支銀多寡量時地以為增
 減歷經報部准銷有案此次仍按差使繁簡支給若照軍需例案
 比計非但無浮實係節省較多計原造請銷文職薪糧等項銀七
 萬九百二十一兩四錢又武職薪糧等項銀五萬六千五百六十
 八兩六錢
 一部查周盛傳借廉銀五千兩川仁廉借廉銀三千兩均係借支
 何年廉銀等因遵查廣西右江鎮總兵周盛傳自同治六年六月
 初四日在營接劄日起至十一年三月底止貴州安義鎮總兵唐
 仁廉自同治六年十二月初十日在營接劄日起至九年三月底
 止各支本任勻開全廉業經分咨廣西貴州各原省飭司扣給毋
 庸解還計原造共請銷銀八千兩
 一部查准軍西征馬步各營支領車馬喂養一項應令聲明每車
 駝頭數目等因遵查馬隊刊章每哨給車一輛購車每輛不論套
 數月支喂養銀十四兩業於勘檢軍需各案造報准銷今均循案
 支給至駝馬喂養一項於同治十年五月
 奏定每營月給駝馬喂養銀一百兩凡一營六哨者月支銀一百
 五十兩經部行文遵照在案即照酌定支數按月給予喂養計原
 造請銷銀九萬三千一百六十四兩
 一部查采買駝馬價值解駝官弁牧丁回旗路費因何不符至駝
 駝馬匹日支喂養及解駝官弁牧丁人等守候薪糧係照何章支
 給等因遵查勘檢時需用駝馬係在口外出產地方采買其價稍

廉西征時因軍務緊急飭在內地采買價值稍昂先後時地不同
 價值不一要皆核實造報又勘檢軍需初案內察哈爾撥馬一千
 匹解馬官兵先後共給回旗路費銀四百八十兩今察哈爾西林
 果勒捐駝駝一千匹解駝官兵牧丁人等共給回旗路費銀三百
 二十四兩均按人數多寡支給核與前案有減無浮至頭起解駝
 官弁牧丁人等在營守候支給薪糧實以遠道來營暫留照料喂
 養按日酌給薪糧錢文以資口食並無定章其駝馬匹喂養並
 駝駝廠日需草料係照蘇滬軍需案內馬乾准銷成案無分駝駝
 馬匹每隻日給銀一錢即令經管員弁自購草料喂養以示限制
 計原造請銷銀八萬三千三百三十二兩九錢二分八釐六毫
 以上部查各款原造共請銷折實庫平銀四十萬二千二百七十
 五兩九錢三分二釐二毫五絲九忽均係查照例章准銷成
 案分別核實支給並無浮冒業經按款分晰聲敘彙開登覆
 清冊咨送戶部核銷在案合並聲明

李文忠公奏稿卷三十五